





TRAJ AD RHEN. Apud JO. BROEDELET.

IO. GOTTL. HEINECCII, ICTI,  
CONS. AVLAE REGIAE PRVSS. ET IN ILL. VIADRINA  
PAND. ET PHIL. RAT. ET MOR. PROF. P. ORD.

ANTIQVITATVM  
ROMANARVM  
IVRISPRVDENTIAM  
ILLVSTRANTIVM  
SYNTAGMA;  
SECVNDVM ORDINEM  
INSTITVTIONVM  
IVSTINIANI  
DIGESTVM.

IN QVO MVLTA IVRIS ROMANI  
ATQVE AVCTORVM VETERVM LOCA  
EXPLICANTVR ATQVE ILLVSTRANTVR.

P A R S I.

Editio Sexta, auctior & emendatio.



TRAIECTI ad RHENVM,  
Sumptibus IOANNIS BROEDEL ET,  
ACADEMIAE TYPOGRAPHI.  
MDCCLV.



*H. Excelsior fl. 92. 10. Thun.*

TO THE HONORABLE SENATE OF THE UNITED STATES

REPORT

OF THE

COMMISSIONERS OF THE GENERAL LAND OFFICE

IN RESPONSE TO A RESOLUTION

PASSED BY THE SENATE, MARCH 1, 1864

AND

IN RESPONSE TO A RESOLUTION

PASSED BY THE SENATE, MARCH 1, 1864

AND

IN RESPONSE TO A RESOLUTION

PASSED BY THE SENATE, MARCH 1, 1864

AND

IN RESPONSE TO A RESOLUTION

PASSED BY THE SENATE, MARCH 1, 1864

AND

IN RESPONSE TO A RESOLUTION

PASSED BY THE SENATE, MARCH 1, 1864



# PRAEFATIO.

LECTORI ERUDITO ET AEQUO

S. P. D.

IOANNES BROEDELET.

**M**iraberis procul dubio, erudite Lector, quatenam causa me impulerit, ut CL. HEINECCII *Antiquitates Romanas*, non ita pridem *Argentorati*, nempe Anno M. DCC. XLI. jam quinta vice recusas, iterum praelo subicere decreverim; praesertim quoniam hic locum non habet vulgaris illa, atque lippis & tonforibus jam nota, excusandi formula, qua mei inprimis ordinis homines saepius, immo ad nauseam usque, utuntur, quando cramben suam centies recoctam Orbi litterato obtrudere gestiunt, nempe exemplaria omnia alicujus operis divendita esse, atque jam dudum in tabernis librariis desiderari. Pudorem enim omnem me ejurasse, vel Labeone insaniorem inter sanos dicendum esse, proindeque ad agnatos & gentiles ablegandum, omnes, quibus sanum est sinciput, recte judicarent, si omnibus viribus & quasi Jovem lapidem jurans, tales Siculas gerras invita veritate Lectoribus

## P R A E F A T I O.

bus obtrudere conarer. Candide itaque, & ut Bibliopolam honestum decet, procul omni fuco & mentiendi libidine, rem exponam, coque modo admiratione Lectoris sublata, me haud parum ad ejus beatitudinem contulisse, gloriari potero: si modo vera sunt, quae secundum Philosophiam Democriti & Epicuri tradit Horatius, *Lib. I. Epist. 6. vs. 1, 2.*

*Nil admirari, prope res est una, Numici,  
Solaque, quae possit facere & servare beatum.*

Litem autem, de explicatione hujus loci Horatiani, inter Viros Clarissimos, Gandlerium & Heumannum, ortam, in praesenti meam non facio, tum quoniam controversia illa non est hujus loci, sed praesertim ne aliquis vitio creatus Censor mihi tritum illud, *Ne sutor ultra crepidam*, objiciat; quin potius Lectorem, plura hac de controversia scire cupientem, ut adeat *Bibliothec. Nov. Hal- lens. part. XXI. pag. 54. & seqq. & part. XXIV. pag. 341. & seqq.* enixe rogo.

Annus jam labitur quartus, quando fama mihi innotuit, CL. HEINECCIUM jam dudum in votis habuisse, ut *Antiquitatum Romanarum Syn- tagma*, a se elaboratum, & maximo cum adplausu ubique a Viris Doctis receptum, (uti tot editiones iteratae satis superque testantur) in Belgio nostro iterum praelo subjiceretur, atque ita nitidius



## P R A E F A T I O.

*ayant eu deſſein de faire imprimer tous mes Oeuvres enſemble, & me priant il y a quatre mois ou environ, de parcourir les dits Antiquitates Romanae, je m'y ſuis mis. Mais ne les ayant pas encore achevé, tant à cauſe de mes occupations, que parce qu'après la choſe demeurat là, je penſe de le pouvoir faire en moins d'un mois. Ce ſera alors, que j'aurai l'honneur, de Vous écrire plus poſitivement, que je ne fais à préſent. En attendant je ſuis d'une parfaite eſtime*

M O N S I E U R

Halle le 19. Juillet  
1741.

Votre très humble & très  
obeiſſant Serviteur

J. G. HEINECCIUS.

à Mr. BROEDELET.

His litteris acceptis, paullo ſubſiſtendum duxi, donec illae promiſſae emendationes & additiones mihi a Viro illo Clariffimo ſubminiſtrarentur; verum blanda illa, quam ſuſceperam, ſpes non modo vana fuit, ſed etiam prorfus decollavit. Paucis enim hebdomadibus poſtea innotuit, Virum illum Clariffimum naturae debitum ſolviſſe, atque vitam cum morte commutaſſe.

Nihil itaque ſupererat, quam ut *Syntagma hoc Antiquitatum Romanarum* eodem modo, quo antea Argentorati ſaepius operas typographicas exercuerat, nunc denuo prælo mandaretur, ea tamen differentia, ut longe nitidius ac chartae puriori, quam

## P R A E F A T I O.

quam antea, inpressum, in publicum prodiret.

Praeterea sphalmata graviora, quae priores editiones, sed maxime ultimam Argentoratensem Anni MDCCXLI. mirum in modum foedabant, anxia cura sunt sublata, ut jam taceam de locis quibusdam veterum Auctorum, sed maxime Poetarum, emendatis, quorum non loca solum, sed verba etiam, saepe perperam erant exhibita, quemadmodum facile ex collatione hujus editionis cum praecedentibus unicuique, licet acerrimo Cartesianae dubitationis assertori, vel vindici, quia etiam possibilem & impossibilem patrono, patere potest. Ut autem aliqua accessione haec editio praeceteris gloriari possit, Dedicationes duas Clarissimi HEINECCII, alteram MARQUARDO LUDOVICO, LIB. BAR. DE PRINZEN, alteram Celeberrimo JCTO, CHRISTIANO THOMASIO, addi curavimus, prout illae in editione secunda Argentoratensi Anni MDCCXIV. reperiuntur: tum quoniam nulla justa subesse videatur causa, quare illae insequentibus editionibus sunt omissae, praesertim quum Praefatio, primae editioni Argentoratensi Anni MDCCXIX. praemissa, in omnibus sequentibus editionibus suum teneatur locum, tum praecipue, ne aliquid doctissimarum lucubrationum Clarissimi HEINECCII intercideret. Experientia enim, stultorum illa magistra, me jam dudum docuit, priores

## P R A E F A T I O.

res editiones alicujus operis, etsi saepe numero multo emendatiores, quam sequentes, plerumque simulac nova prodierit (praesertim si illa quibusdam accessionibus gaudeat) triste illud fatum subire, ut ablegentur in vicum, ubi piper & thus, & quidquid chartis amicitur ineptis, venditur, quod jam tempore Martialis non infrequens fuisse, patet ex ejus *Lib. III. Epigr. 2.*

*Cujus vis fieri, libelle, munus?  
Festina tibi vindicem parare,  
Ne nigram cito raptus in culinam  
Cordyllas madida tegas papyro,  
Vel thuris piperisque sis cucullus.*

Sed ne nimis diu me falcem in alienam segetem misisse Censores quidam alto supercilio criminarentur, & verba Martialis, *Lib. III. Epigr. 5.* objicerent,

*Hoc satis est. alios commendet epistola. peccat,  
Qui commendandum se putat esse suis.*

Colophonem huic Praefationi inponam verbis ejusdem Martialis, *Lib. IV. Epigr. 89.*

*Obe, jam satis est, obe, libelle,  
Jam pervenimus usque ad umbilicos.  
Tu procedere adhuc & ire quaeris,  
Nec summa potes in scheda teneri.  
Sic tanquam tibi res peracta non sit,  
Quae prima quoque pagina peracta est:  
Jam Lector queriturque, deficitque,  
Jam librarius hoc & ipse dicit:  
Obe, jam satis est, obe, libelle.*

Ita Lector Erudite vale, mihiq; in posterum  
favere perge. ILLVS.

ILLVSTRISSIMO ATQVE  
EXCELLENTISSIMO VIRO,  
DOMINO  
MARQVARDO LVDOVICO,  
LIB. BAR.  
DE PRINZEN,  
S. REGIAE MAIESTATIS ADMINISTRO  
STATVS INTIMO, SVPREMO AV-  
LAE REGIAE MARESCHALLO,  
CONSISTORII PRAESIDI,  
RERVVM ECCLESIASTICARVM ET FEY-  
DALIVM DIRECTORI, ORDINIS NI-  
GRAE AQVILAE EQVITI,  
ET  
ACADEMIAE FRIDERICIANAE  
CVRATORI SVPREMO.  
CETERA.

FELICITATEM PRECATVR  
IO. GOTTL. HEINECCIVS. IC.

\* f \* D E.

# DEDICATIO I.

## ILLVSTRISIME ATQVE EXCELLENTISIME VIR! \*

**Q**uam ante hoc quinquennium libellum hunc primum in publicum prodire paterer, ILLVSTRISIME MARQVARDE LVDOVICE, maximum ei splendorem a nomine TVO accessurum, non vano augurio coniciebam. Et tunc quidem affectus erumpebat in calamum, ut hac TE epistola, si non comita satis ac polita, fida tamen animi mei interprete, adloquerer.

Quod aliis, libellos suos emancipaturis, contingere solet, ILLVSTRISIME PRINZENI, ut quem iis potissimum patronum ac veluti tutorem inventiant, ancipiti secum deliberatione disquirant: illud neque jam accidit mihi, neque unquam accidere posse videtur. Ecquis enim est, cui me mea que omnia potiore jure debeam, quam TIBI, cui id naturae bonitas, partaque tanto studio virtus attribuit, ut tuendis provehendisque optimarum artium studiis omnes mei ordinis homines suavissimo TIBI vinculo ob-

\* Dedicatio haec praemissa est Tom. I. editionis Argentoratensis Anni MDCCXXIV.



## D E D I C A T I O I.

obstringeres? Cui potiori jure hunc qualemcumque ingenii mei foetum consecrarem, quam **TIBI**, qui a tot annis, in me ornando adferendoque a malevolorum insultibus, tam luculenta dedisti inusitatae benignitatis argumenta, ut ob mirificam illam **TVORVM** in me meritum magnitudinem ingrato mihi vivendum moriendumque videatur? Cui denique potiori jure otii mei constaret ratio, quam **TIBI**, qui jussu **POTENTISSIMI REGIS** non solum tot Ecclesiis & Provinciis, verum etiam Academiae nostrae singulari cura atque providentia invigilas, nihilque facis reliqui, ut ea excelsissime floreat, & majoribus subinde auctibus ad summam, quam sperare licet, amplitudinem provehatur? Hae sunt, **ILLVSTRIS-SIME VIR**, tum communes illae, tum propriae mihi rationes, quae omne, si quod fuisset, anceps consilium excussissent animo, neque passae essent, cujusquam nomen huic Opusculo praescribi, quam **TVVM**, quod omnibus litterarum amantibus veluti sacrum est atque auspiciatissimum. Leve est, quod offero, fateor, & cujusvis potius, quam **TVO**, conspectu dignum: sed non protritum tamen, & quod caput rei est, studiosae juventutis, cujus me usibus **AVGVSTISSIMI REGIS** voluntas consecravit; studiis destinatum. Ex quo enim docendi munus clementissime mihi demandatum est: illud semper obnixi egi, ut publicis praelectionibus non  
vul-

## D E D I C A T I O I.

*vulgaria quaedam ac tralatitia, sed selecta & omnibus profutura proponerem. Hinc modo praecipuas Philosophiae partes, modo Jurisprudentiam Naturalem, modo Historiam Juris Romani & Germanici, modo Antiquitates Romanas, quae ad illustrandam Jurisprudentiam faciunt, accurate exposui. Et inter postremas istas lucubrationes natus mihi est tenuis, cujus priorem nunc partem offero, libellus, qui si nulla alia re, certe ILLVSTRISSIMI NOMINIS TVI splendore sese legentibus commendabit. Quare accipe, quaeso, illum, VIR ILLVSTRISIME, eo vultu, eaque fronte, qua soles bonos omnes excipere, & incredibili illa benignitate, qua fortunam meam adhuc provexisti, etiam in posterum me ad quoscvis labores Reipublicae litterariae causa subeundos alacriorem redde. Sane TV es fortunae meae praesidium, TV mihi in adversitatibus asylum, tutissimumque perfugium praebuisti. Per TE hic vivo, per TE doceo, per TE honestissimo loco atque otio perfruior. Hunc unum obsecro innumerabilibus hisce in me beneficiis adjice cumulum, ut et in posterum me haut indignum ista gratia atque benignitate TVA existimes.*

*Ego, quod mearum erit partium, nunquam committam, ut TE conceptae de me opinionis callatorumque in me ornamentorum poeniteat. Adsidue potius precabor moderatorem rerum omnium DEVM, ut*  
TE

## D E D I C A T I O I.

TE, bono publico natum, quam diutissime sospitem, florentem, superstitem esse, velit, ac sero demum interesse jubeat beatissimae illi, ad quam omnes actiones TVAS referre soles, aeternitati. Vale, ILLVSTRIS-  
SIME PRINZENI, iterumque Vale!

Ita vero eo tempore TE compellavi, quum TVO potissimum suffragio, TVAQUE auctoritate Halae docendi munere functus, novos quotidie TVAE in me clementiae caperem fructus, TVQVE nullam me ornandi provehendique elabi occasionem patereris. Ex eo tempore tanta istorum beneficiorum TVORVM facta est accessio, ut cui per omnem vitam plus, quam TIBI debeam, sciam omnino neminem: TVA enim potissimum commendatione, TVOQUE suffragio factum nuper est, ut REX POTENTISSIMVS me, nihil tale cogitantem, luculentiore oblato stipendio, in Viadrinam evocaret, meque ibi jura interpretari juberet multo clementissime. Quid ergo, in novo hoc constitutus theatro, prius mihi aut antiquius existimem, quam ut partim pro hoc TVO de me judicio publice me TIBI aeternum fatear obstrictum, partim in id enitar unice, ut ne unquam spem, quam de me concepisti, destituisse videar? Age itaque, VIR ILLVSTRIS-  
SIME, recipe libellum, animi TIBI devinctissimi obfidem, ea fronte, qua soles, quodcunque a bono viro profisciscitur, recipere. Recipe Opusculum, pignus TIBI futurum, me nihil, quod muneris ratio & studiosae  
pubis

## D E D I C A T I O I

*pubis exigit utilitas, umquam praetermissurum. Sane quum libellus, olim in usum auditorum meorum concinnatus, non sine plausu exceptus sit a quam plurimis, & hinc tam brevi tempore invenerit emtores, ut jam altera vice exercuerit operas; ego tamen omnibus omnium judiciis, quamvis honorificentissimis, facile anteponam TVVM, quod & rectum accuratumque esse solet, & mihi ad majora erit incitamento. Ceterum vota, quae olim concepi, solvo concipioque nova, ut DEVS TE bono Reipublicae diutissime saluum fortunatumque interesse rebus humanis, Illustrissimaeque Genti TVAE eam fortunam laudemque jubeat esse propriam ac perpetuam, quam TV, a Majoribus acceptam, TVIS innumerabilibus in Rempublicam meritis mirifice amplificasti. VALE.*

Halae Magdeburgicae; Kalendis  
Sextilibus clō MDCCXXIII.

VIRO

VIRO ILLVSTRI ATQVE  
EXCELLENTISSIMO,  
CHRISTIANO THOMASIO,  
ICTO CONSVMMATISSIMO,  
SACRAE REGIAE MAIESTATIS BORVS-  
SICAE CONSILIARIO INTIMO,  
FRIDERICIANAE ACADEMIAE  
DIRECTORI,  
ET FACVLTATIS IVRIDICAE  
ORDINARIO PRAESIDI,  
S. P. D.  
IO. GOTTL. HEINECCIUS, \*

EX quo me Divinum, quod res nostras  
moderatur, Numen in hac bonae men-  
tis schola, tanquam in statione, collocavit:  
nescio, an cuiquam plus debeam, quam  
TIBI, VIR ILLVSTRIS, quem mihi &  
ducem & auctorem ad solidioris doctrinae  
cul-

\* Deductio haec praemissa est *Tom. II.* editionis Argentor-  
atenfis Anni MDCCLXIV.

## DEDICATIO II.

cultum, & patronum certissimum exstitisse, non possum non publice profiteri. Equidem quantum ex lucubrationibus TVIS eruditissimis quotidie proficiam, quantumque olim ex publicis TVIS praelectionibus fructum ceperim, ingratus essem, si dissimularem. Sed sunt tamen & alia, quae in me gratam beneficiorum tuorum excitant memoriam. Nunquam mihi in quibuscumque difficultatibus consilium, nunquam auxilium TVVM defuit: semper mihi ex Bibliotheca TVA instructissima quodcumque expetii, animo lubentissimo suppeditasti, &, ut paucis me expediam, TV sane in iuvando me facilius, quam ego in exigendo postulandoque, fuisti. Patere itaque, VIR ILLUSTRIS, &, quod cognomen non adspernaberis, INTEGERRIME, ut hoc venerationis erga TE meae, simulque grati animi, publice exstet monumentum. Patefe, ut, quae adhuc mihi suavissima fuit benevolentia TVA, eam ut in posterum quoque mihi integram servari, maximopere a TE contendam; maxime quum Deo visum fuerit, me ex hac statione in Viadrinam evocare. Ego sane quemadmodum TE praesens semper observavi, & non fortunam, sed virtutem doctrinamque TVAM  
quam

## DEDICATIO II.

quam maxime colui: ita & absens, ubicumque terrarum fuero, tam jucundum venerabor nomen, & serio Summum precabor Numen, ut TE in Orbis Eruditi emolumentum, decusque FRIDERICIANAE quam diutissime sospitem praestet ac incolumem, meque eum diem videre patiat, quo luculentiore argumento testatius fieri possit, quanta TE veneratione prosequar. VALE.

*Halae Magdeburgicae,*  
Kalendis Sextilibus,  
clō Icccxxiii.

ILLVSTRISSIMO ATQVE  
EXCELLENTISSIMO  
DOMINO,  
LVDOVICO OTTONI,  
NOBILI DOMINO  
DE P L O T H O,  
POTENTISSIMI PRVSSORVM  
REGIS IN SANCTIORE CONSI-  
LIO ADMINISTRO, ET SV-  
PREMORVM TRIBVNA-  
LIVM PRAESIDI,  
DYNASTAE IN PAREY,GERBSTAED,  
REESEN, GVTTER ET ILENBVRG,  
PATRONO LITTERARVM LITTE-  
RATORVMQVE COMMVNI.

S. P.



# DEDICATIO III.

## ILLVSTRISSIME VIR. \*

**Q**uem libellum, ante hoc decennium primum in lucem prodeuntem, Viro Illustrissimo, MARQVARDO LVDOVICO DE PRINZEN, more majorum consecraveram, cum nunc, tertium praelo exeuntem, non alii me debere arbitratus sum, quam TIBI, quem insignis non minus rerum scientia, quam natalium ac munerum splendor omnibus mei ordinis hominibus venerabilem reddit. Non potui sane ego, quum ex Belgio evocatus in hanc Provinciam venissem, TVOque conspectu ac colloquio coepissem frui, quin vel maxime mirarer incredibilem illam, quam TIBI peperisti, non modo rerum civilium, sed &

\*\* 3

omnis

\* Dedicatio haec praemissa est editioni Argentoratensi Anni MDCCLXXX. & deinceps in sequentibus editionibus repetita.

### DEDICATIO III.

*omnis elegantioris Litteraturae notitiam, Bibliothecam omni librorum rarissimorum genere instructissimam, ipsam denique Domum TVAM, commune tot Provinciarum oraculum, ad quam non modo cives litibus impliciti, rerumque suarum incerti, verum etiam litterarum paullo studiosiores omnes quotidie confluunt, nec unquam inde redeunt, nisi laetiores. Sane, si recte olim iudicavit PLINIVS, esse hanc sapientiae pulcherrimam partem, agere negotia publica, cognoscere, iudicare, promovere atque exercere iustitiam, quaeque nostri ordinis homines docere oportet, in usu habere: nemo, ut opinor, facile dubitaverit, quin TV, VIR ILLVSTRISIME, id, quod in mascula illa ac civili sapientia summum est, iampridem fueris adsequutus. Quibus causis omnibus, quae bonos omnes in TVI admirationem rapiunt, quum & propriae accedant, inusitata nimirum, qua studia mea qualiacumque prosequeris, benevolentia, Musasque meas a malevolorum insultibus tuendi studium: occasionem hanc mihi non praetermittendam esse putavi, hoc qualecumque meae in TE venerationis monimentum statuendi, concipiendique simul voti,*

DEDICATIO III.

*ut Deus TE utriusque Reipublicae bono in  
multos annos sospitem servet atque incolu-  
mem! Id enim est, quod a Deo immortalī  
precibus ardentissimis quotidie efflagitat.*

ILLVSTRISSIMO  
NOMINI TVO

*devotissimus*

IO. GOTTL. HEINECCIUS,  
1C.

\*\* 4

PRAE-

# PRAEFATIO NOVA.

LECTORI BENEVOLO

S. P.

**P**Raeter ea, quae olim huic libello verbosius praefatus sum, iam quoque sunt, LECTOR, quae paucis te volo. Qua occasione ille mihi olim subitanea veluti opera natus sit, ex vetero praefatione, si memineris, didicisti. Fata tunc illi longe alia, quam quae expertus est, ominabar. Non dubitabam enim, quin, quum plerique alieno ab his studiis animo esse solcant, libellus non nisi meis, quibus illum destinaveram, auditoribus utilitatem aliquam adlaturus, adeoque extra Academiae, in qua tunc publice docendi munereungebar, Halensis pomoceria non multum consequuturus esset celebritatis. Enimvero aliter accidit, ac quidem existimaveram. Vix enim praelo exierat opusculum, quum & exteri in ephemeridibus publicis institutum meum probarent, & ipsum libellum commendarent unice. Fuerunt etiam, qui se eo non parum adiutos esse, litteris ad me datis, significarent. Fuerunt, qui illum in hac ac exteris Academiis publice enarrarent, suisque illustrarent interpretationibus. Fuerunt de-

## PRAEFATIO NOVA:

denique, ut fit, qui in libellis & schedis suis, mea, vel suppresso auctoris nomine, exscriberent, vel cum honoris praefatione citarent, vel naevos quosdam, sive veros, sive sibi ita visos, candide indicarent, quibus ego me magis obstrictum fateor, quam illis, qui mihi laudes, quas non agnosco, admetiri non dubitarunt. Inter haec omnia libelli exemplaria paucos intra annos distracta sunt, meque iam monet Bibliopola, in quem, dissipato Bibliopolio novo, ius vendendi opusculum translatum est, ut, si quid in scriniis esset, quod addendum putem, id secum communicare non dubitem, ast ita tamen componam rationes, ut forma libri non multum immutetur. Statim ergo sub incudem illum revocavi, & nihil feci reliqui, ut multo concinnior emendatiorque prodiret in lucem. Quid praestiterim, paucis accipe. Naevos, qui vel operarum incuria, vel culpa mea, quamvis levissima, priori editioni haeserunt, severissima cura sustuli; Auctorum loca accuratissime citavi: quaedam, non satis firmata, novis nunc testimoniis stabilivi: Adiecit hinc inde observationes, quae deesse videbantur: quibusdam, de quibus amplius delibendum censui, induxi lituram. Mutavi etiam nonnunquam sententiam, a nemine monitus, & solo veritatis studio, quod rebus omnibus anteferre soleo, adductus. Quaedam amicorum, doctorumque virorum monitu correxi, si quando eos rem acu tetigisse deprehendi. Numquam enim mihi adeo placui, ut humani quidquam a me alienum ducerem. Denique quum a quibusdam non ex merito vellicari me animadverterem, operam etiam dedi, ut mea vindicarem modelte.

\*\* §

Exem:

## PRAEFATIO NOVA.

Exemplo esse poterunt, quae contra Virum Clarissimum, B. BRANCHV, Iureconsultum Lugdunensem, disputavi. Bis me Vir doctus erroris postulavit in elaboratissimis, quas evulgat, Observationibus Iuris. Sed utroque loco eum non errorem deprehendisse, sed coniecturam coniecturae opposuisse animadverti, & quidem parum verosimilem verosimillimae. Vnde quum non liceret mihi esse tam beato, ut ab eo proficerem, committendum mihi haut putavi, ut errasse me fate- rer, ubi ipse errori propior videbatur. Denique, ne id ignores, indicem auxi quam maxime, inser- tis iis, quae in nova hac editione accesserunt. Ita vere adfirmare possum, auctiorem emendatiorem- que proditum esse libellum, si is, qui emenda- tioni plagarum impressarum praefuerit, tantum industriae attulerit, quantum ego ad illius reco- gnitionem attuli. Diligentiam enim operarum, quamvis exactissimam a Bibliopola, viro integerrimo, stipulatus sim, ipse praestare nequeo, plus quam centum miliaribus Argentorato remotus. Haec sunt, quae scire te volui, LECTOR, antequam te ipsius libri lectioni dares. Tu lucubratione, quam in tui gratiam sustinui, utere, frui, & mihi, tua causa omnia volenti, & Antiquitates Germanici Iuris multo maiore studio adornanti, & brevi eidem praelo commissuro, fave. *Halae, Kalendis Sextilibus* cId Id ccxxiii. Haec ante biennium. Iam scito, iterum distractis exem- plaribus, me denuo libellum recognovisse, emen- dasse, nihilque fecisse reliqui, ut prodiret & au- ctior & emaculatio. Est hoc studium huiusmodi, ut quotidie aliquid observes: nec quisquam tam bene

## PRAEFATIO NOVA.

· bene subducta ad scribendum ratione est, quin res, aetas, usus semper aliquid adportet novi, aliquid moneat, ut illa, quae te scire credideras, nescias, & quae tibi putaras prima, in experiundo repudies. Quod & mihi, quoties mea relego, evenit, evenietque fortassis & in posterum, si me vivo libellus quartum praela exercuerit. Sed haec Deo curae erunt, cui TE, LECTOR, acque ac me ipsum meaque omnia commendo.

*Franequerae Frisforum, x. Kal.  
Feb. clō Idcc xxvi.*

PRAEFA:

PRAEFATIO  
PRIORI EDITIONI PRAE-  
MISSA.  
LECTORI BENEVOLO

S. P. D.

IO. GOTTL. HEINECCIUS,  
IC.

Quantum utilitatis in Iurisprudencia nostra Antiquitatum Romanarum adferat notitia, nemo, nisi qui nunquam est hisce sacris initiatus, ignorat. Equidem iam eo tempore, quo adhuc florebant res Romanae, vix quisquam praeclarum Iureconsulti nomen tueri videbatur, qui erat ab hoc insigni praestantissimoque praesidio destitutus. *Plurima erat, teste CICERONE (a) in omni Iure Civili Antiquitatis effigies, & prisca verborum vetustas, & aliorum genera quaedam, quae maiorum consuetudinem, vitamque declarabant.* Haec vero omnia quis quaeso intelligat, nisi qui interiorem sibi Antiquitatis scientiam comparaverit? Hinc in maxima plerumque ac praecipua veterum Iureconsulorum laude ponebatur accuratior Antiquitatum notitia. PLINIVS, (b) ARISTONEM Iureconsultum laudaturus,

nihil

(a) CIC. *de Orat.* 1, 43.

(b) PLIN. *Epist.* 1, 42.



# PRIORI EDITIONI PRAEMISSA.

nihil in eo magis, quam illam prisca moris peritiam, admiratur. *Quam peritus, inquit, ille & privati iuris & publici? Quantum rerum, quantum exemplorum, quantum ANTIQVITATIS tenet? Nihil est, quod discere velis, quod ille docere non possit. Mibi certe, quoties aliquid abditum quaero, instar thesauri est.* Idem reconditarum litterarum praesidium etiam in ANTISTIO LABEONE celebrat GELLIVS, (c) ex quo discimus, nihil eum ratum pensumque habuisse, nisi quod iustum sanctumque esse, in Romanis ANTIQVITATIBVS legisset. Quum ergo iam ii Iureconsulti, qui florentem viderant Rempublicam, hoc praesidio carere haut posse viderentur: quid de nostris dicamus temporibus, quibus ita extincta est Romana Respublica, nullum ut exstet, nisi in hominum memoria, veteris illius formae vestigium? Aliae hodie sunt consuetudines, alia Religio, alii Magistratus, alia Iudicia, alia denique Imperiorum & Rerumpublicarum facies. Et tamen peregrinis adstricti legibus vivimus, easque interpretari & obvenientibus hodie negotiis adplicare iubemur. Quis hoc praestiterit, nisi qui impressam animo circumferat veteris illius Romanae Reipublicae effigiem, & ut IVSTINIANVS (d) alicubi monet, nihil ANTIQVITATIS penitus ignores?

Equidem si cui hoc dubium videbitur, eum ego ad Glossatores remittam, ad illud, inquam, hominum genus, cui, extincto litterarum lumine, tantum staruebatur pretii, ut quasi Atlantis humeris coelum, ita eorum auctoritate Iurisprudentiae dignitas videretur sustineri. Quid enim aliud eminentissima illa ingenia in tot ridiculos ac paene pueriles errores abripuit, quam Antiquitatum Romanarum omnisque politioris litteraturae ignorantia? Fieri enim profecto haut poterat, quin homines, eius Reipublicae ignari, *cujus leges & iura tractabant, tanquam illius nocte sine lumine oberrantes, saepe offenderent, saepe laberentur, saepe quovis potius, quam quo instituerant, perventrent, ut eleganter ait M. ANT. MVRETVS. (e) Non pudebat ergo tum legi Fufiae Cani-*  
niae

(c) GELL. Noct. Att. XIII, 12.

(d) Princ. Inst. de testam. ordin.

(e) MVRET. Part. I. Orat. XVII,

## P R A E F A T I O

*niae a canina invidia; (f) legi Hortensias a nescio quo Rege Hortensio; (g) Calatis Comitibus a Graeco καλῆς; (h) quartae Falcidiae a defalcando; (i) & libertis orcinis a nescio quo Graeco orcos, quod rectum significet, (k) nomina arcescere. Neque religio tum erat, ea, quae de antiqua in ius vocatione in iure Romano repererant, ad hodiernam citationem, & quae de albis Praetorum legerant, ad edicta Iudicum nostrorum referre. Quin, ne quid deesset ineptiarum, ex veteribus istis Praesidibus & Praefectis Praetorio Imperii nostri Principes atque Electores derivare haut dubitabant. Quas ridiculas interpretationes, ex crassa Antiquitatum Romanarum interiorisque litteraturae ignorantia subnatas, quum posterius, nugis istis, tanquam glebae adscripti, tantum non consecrarent: tantus senfim succrevit errorum gravissimorum proventus, ut extirpando huic luxurianti lolio ne eminentissimorum quidem Iurconsultorum sufficeret diligentia.*

Enimvero, condonandum id forsan fuerit magnis illis, qui tam infelici saeculo adoleverant, ingeniis. Illud vix ferendum, quod in felici illa temporum reparatione, quum ubique ferverent elegantiorum litterarum studia, non deessent

(f) Glossa ad princ. Inst. de Leg. Fus. Can. toll. edit. antiquiss. ex saeculo XV. Quam legem Fusiam Caniniam foris a quodam, qui Caninus nominabatur, inductam; ut in Publiciana dicitur infra de Actionibus §. aliae. Nam canis servabat naturam, qui stat in palea, qui nec sibi potest habere paleam, nec alii permittit accipere. Sic nec sibi poterat tenere servos, quod moriebatur; nec libertatem patiebatur iis dari. Vnde merito Caninia dicitur, ut sit conveniens nomen rei.

(g) Glossa ad §. 6. Inst. de Iure Nat. Gent. & Civ. Sed hoc sublatum est per legem, latam ab Hortensio Rege.

(h) Glossa ad princ. Inst. de testam. ord. Calatis, id est, bonis initis, vel conventibus, καλῆς enim bonum interpretatur.

(i) Glossa ad princ. Inst. de Leg. Falcid. Falcidia sic dicta, quod ut falx foenum, sic & Lex legata refecat.

(k) Glossa ad §. 3. Inst. de sing. reb. per fideicom. rel. Orcinus sic dictus ab orco, quod est rectum, unde orcinus, id est, directe manumissus, vel ab orco, id est, capio.

(l)

PRIORI EDITIONI PRAEMISSA.

sens, qui in illa Glossatorum barbarie quaerere delicias, frugueque reperta, glande tamen vesci mallent. Nemo ignorat, quantum in Iurisprudencia repurganda illustrandaque desudaverint praestantissima superiorum temporum ingenia, ALCIATI, BVDAEI, CUIACII, BALDVINI, HOTO-  
MANI, CHARONDAE, CONTII, BRISSONII, FABRI, AVGVSTINI, GIPHANII, PITHOEI, RAE-  
VARDI, RITTERSHVSI, qui omnes cum Iuris peritia admirabilem quamdam atque inusitatam Antiquitatis notitiam coniunxerant: sed eorum tamen labores adeo sorduerunt plerisque, ut Vir quidam Doctissimus, qui Balduini Opera coniunctim edere instituerat, non reperiret, qui sumtus facere sustineret. Si qui etiam, eorum excitati exemplo, eandem docendi rationem sequerentur in Academiis, iis publico expositis odio, barbaroque *Humanistarum* nomine traductis, tantum non aqua & igni interdicebatur (1). Certum ergo tum iuvenes in Italiam, tanquam ad Iurisprudenciae mercatum quemdam, confluebant, audituri ibi Iureconsultos, *magistraliter*, si Deo placet, docentes, (m) & redituri inde rabulae haut postremi, confidentes, acres, contentiosi, &, quod palmarium tum videbatur, multarum legum, sibi non intellectarum, principia uno spiritu citare gnarissimi.

Verum suppudivit demum Iureconsultos tantae barbariei, Deusque hanc eis mentem dedit, ut cum illo legum studio, praeter accuratorem ratiocinandi artem aliaque praelidia, etiam Antiquitatum inprimis Romanarum peritiam coniungerent. Viderunt postrema haec saecula Iureconsultos humanissimos, MERILLIOS, GROTIOS, GOTHOFREDOS, AVERANIOS, VINNIOS, FREHEROS, HERALDOS, OISELIOS, BRVMMEROS, MENAGIOS, HVBEROS, SPANHEMIOS, BYNKERSHOEKIOS, NOODTIOS, SCHVLTINGIOS, qui nihil fecerunt reliqui,

(1) Exemplum est in MELCH. von OSSEN *Testamento* Part. II. cap. VIII. §. 2. p. 385. et §. 14. p. 403.

(m) Magistralem hanc docendi methodum luculenter ex Panciroli de *Clar. Leg. Interpr.* II, 6. exponit THOMAS. ad Melch. de *Ossen Testam.* p. 398.

## P R A E F A T I O

qui, ut legibus ex ipsa Status Romani veterumque rituum contemplatione lucem suffunderent. Sed plerique tamen duntaxat singularia quaedam Iuris nostri capita illustranda suscepunt, nemoque adhuc, quantum memini, existit, qui per omnes Iuris partes eundo hoc Antiquitatis iter, ut CICERO (n) vocat, confecerit. Equidem IACOBVM GOTHOFREDVM iustum Antiquitatum Iuridicarum corpus meditatum esse, auctor est MORHOFIVS, (o) id quod, si vidiſſet lucem, tanquam Phidiae aliquod ſignum, omnium procul dubio cordatiorum admirationem meruiſſet. Verum inviderunt nobis Fata tam luculentum opus, neque quisquam adhuc in tanti viri labores ſucceſſit.

Quum vero & ego, quantum utilitatis haec Antiquitatum notitia Iuris Romani cultoribus adferat, experiundo didiciſſem, & olim, ita ferente ſtudioſum meorum ratione, in perſolvendis melioris aetatis auctoribus, indagandiſque Antiquitatibus haut parum inſumſiſſem operae: facile a me impetravi, ut hac re cupidae legum inventutis ſtudia pro virili mea parte iuvare anniterer. Eo conſilio ſuperiore aetate in publicis, quas indixeram, praelectionibus ad ſingulos Inſtitutionum Titulos ea explicavi, quae ex Antiquitatibus ad intelligendam illam iuris materiam obſervanda videbantur. Quum vero, auditorum memoriae conſulturus, breviffimis, quantum licebat, poſitionibus omnia concluſiſſem: dignae illae quibusdam viſae ſunt, quas revocarem ſub limam, & publicae luci exponerem. Et inde ſubnatum mihi eſt hoc Antiquitatum Romanarum, quod nunc publici iuris facio, ſyntagma, interioris Iuriſprudentiae ſtudioſis non ingratum, ut ſpero, futurum. Equidem & in Antiquitatum ſtudio ſuavis nonnumquam latet infania. Non deſunt hodiernum, Damasippi illius ſimiles, de quo HORATIVS: (p)

*Infant veteres ſtatuas Damasippus emendo.*

Non

(n) CIC. *de Orat.* l. 60.

(o) MORHOF. *Polybiſt.* Tom. III. Lib. VI. ſect. III. §. XI. p. 83.

(p) HORAT. *ſerm.* II, 3. v. 64.

PRIORE EDITIONI PRAEMISSA.

Non defunt, qui Protei baculum, aut Epicteti fictilem lucernam talentis coemerent, dummodo essent, qui decipere vellent. Sed hos ego homines suaviter rideo, & si recte ab HENR. STEPHANO (9) observatum, Graecos olim simplices homines ἀρχαῖοι & ἀρχαῖοι; stultos vero κρόνοι, κροῖοι, κροισαῖοι, & βουκισαῖοι vocasse: nulli mihi magis hoc nomen mereri videntur, quam qui Antiquitatis quisquilias auro mercantur. Numquam mihi placuit Antiquitatis studium, nisi quod sublimioribus scientiis lumen praeferret. Non ergo vulgaris ac trita hic quaeres, non λιστολογίας illas, quas plerumque in Antiquitatum scriptoribus ridet, quotquot sunt cordatiores Eruditi. Non hic de veterum calceis, non de eorundem tricliniis, epulis, ianuis, ludis, hastis, tibiis, coronis, larvis, thermis, torquibus, lucernis agitur: (cui enim non dictus Hylas?) sed de iis, quae ad Statum Reipublicae Romanae, ad Legum origines & rationes, ad ritus, formulas & sollemnia Populi Romani verba, ipsumque veterum ludiciorum ordinem pertinent, sine quibus intelligi haut possunt Leges Romanorum. In consilium vbique adhibui auctores praestantissimos, quos omnes ipse evolvi, & quantum licuit, bona fide citavi. In prioribus Titulis multum me fateor profecisse ex illustribus THOMASII Dissertationibus, quibus Institutiones illustrare coepit, (r) quae si omnes vidissent lucem, supersedere potuissim haec lucubrationibus. Multum quoque adiumenti mihi attulerunt aeterna CUIACII, HOTOMANORVM, BRISSONII, BALDVINI, PETRI FABRI, BRVMMERI, M. VERTRANII MAVRI, SIGONII, SALMASII, IO. FR. GRONOVII, EZ. SPANHEMII, MENAGII, NOODTII, BYNKERSHOEKII, PERIZONII, HVBERORVM, BVKMANNI, SCHVLTINGII; aliorumque Doct.issimorum Virorum Opera, quae diurna nocturnaue versavi manu. Legem tamen hanc ego mihimet ipse dixi, ut semper ad fontes recurrerem: eaque refactum est, ut haut pauca observarem, quae aliis in mentem haut venisse arbitror. Quum vero in Praelectionibus, quarum

\*\*\*

(9) HENR. STEPH. *Apolog. Herodot.*

(r) *De usu practico Institutionum*, in quibus tamen adhuc non longius, quam ad Lib. I. Tit. XII. progressus est.

## P R A E F A T I O

rum memini, publicis ordinem Institutionum sequutus essem: polui postea ab eodem recedere, sed eundem in toto Opusculo servandum existimavi, ea tamen lege, ut potiores, quae in Pandectis occurrunt, materias iusto loco atque ordine infererem, multaque, quae in vtrisque desiderantur, hinc inde supplerem. Sic quum verbi causa distinctiones personarum omnes neque in Institutionibus, neque in latiore Digestorum opere explicatae sint: de illis accuratissime egi in Appendice libri primi, ubi insimul dedi operam, ut quae a CAR. SIGONIO in libris *de Antiquo Iure Civium Romanorum, Italiae & Provinciarum*, ut & EZECH. SPANHEMIO in *Orbe Romano* paullo prolixius traduntur, tanquam in nucleo exhiberem. Eadem cura & divisionem illam *rerum mancipi & nec mancipi*, de qua altum est in Iure nostro silentium, exposui *Libro II. Tit. I.* Multa quoque dicta invenies de Iurisdictione & Imperio, de ordine Iudiciorum, de Feriis & dilationibus, de edendo, postulando, procuratoribus, de iure dotium, divortiiis, aliisque Iuris capitibus, quae sicco pede in Institutionibus praetereunda putavit TRIBONIANVS. Ut paucis dicam, ita in hoc opere versatus sum, ut liceat mihi fructum vberimum ad conscientiam meam referre. Illud unum doleo, inter coniectatos labores non licuisse mihi esse tam felici, ut paullo severiore litra menda omnia tollerem. Ea TV, LECTOR BENEVOLE, tantisper aequo animo feras, rogo, dum in calce posterioris partis indicem eorum, in quibus operae aberrarunt, confecero. Interim fruiere his, & ANTIQVITATES GERMANICAS, quae ad illustrandum Ius Germanicum hodiernum faciunt, & quas ego iam a plurimis annis perpolivi, eadem methodo expolitas, brevi, si Deo visum fuerit, exspecta. VALE. Ex Academiae Fridericiana, ipsis KAL SEPT.

MDCCLXXIII.

INDEX

# INDEX TITVLORVM

## PARTIS I.

ET MATERIARVM, QVAE IN ILLIS  
TRACTANTVR.

### LIB. I.

**A**D PROOEMIUM de Variis Iuris Romani  
Collectionibus differitur.

Ad TIT. I. de Iustitia & Iure, agitur de Iure-  
consultorum veterum Philosophia, & aemulatione  
eum Philosophis.

Ad TIT. II. de Iure Naturali, Gentium & Civi-  
li, agitur de Ritu ferendi Leges & Plebiscita, ut & de  
SC. de Praetorum & Aedilium edictis, de Iureconsul-  
torum origine & responsis, de Constitutionibus Princi-  
pum, & aliis.

Ad TIT. III. de Iure Personarum, agitur de  
Servorum Romanorum conditione & variis generibus.

Ad TIT. IV. & V. de Ingentis & Libertinis,  
agitur de Variis manumittendi ritibus, de Libertino-  
rum conditione, variis generibus, & insignibus.

Ad TIT. VI. Qui & quibus ex causis manumitti  
tere non possunt, agitur de Legis Aeliae Sentiae ori-  
gine, ratione, variis capitibus, & abrogatione.

\*\*\* 1

Ad

## INDEX TITVLORVM

AD TIT. VII. de Lege Fusia Caninia tollenda, agitur de Huius Legis origine, ratione, materia, abrogatione.

AD TIT. VIII. de His, qui sui vel alieni iuris sunt, agitur de Dominorum potestate & crudelitate in seruos, & variis Legibus, quibus illa coercita.

Ad TIT. IX. de Patria potestate, agitur de Antiqua patrum potestate in liberos, veluti de Iure vitae & necis, de trina venundatione liberorum, de Iudiciis domesticis, de adhaesione per liberos, & quid in his omnibus sensum mutatum sit?

Ad TIT. X. de Nuptiis, agitur de Variis ritibus Nuptiarum, veluti confarreatione, coemptione, usu, eorumque effectibus, ut & de Nuptiarum requisitis.

ADPENDIX de Legitimatione, in spuriorum conditionem; originem legitimationis, variaque eius genera inquiri, ubi & de Curiae datione.

Ad TIT. XI. de Adoptionibus, de Variis Adoptionis generibus, & ritibus in ea adhibitis, differitur.

Ad TIT. XII. Quibus modis patria potestas solvitur, agitur de Ritibus emancipationis, eiusque variis speciebus.

Ad TIT. XIII. XIV. XV. XVII-XX. de Tutelis, Testamentaria, Legitima, Fiduciaria, Dativa, partim origo Tutelae, partim Leges XII. Tabularum de Tutelis explicantur. Adduntur quaedam de Ritibus dandi Tutores, ut & de Tutela mulierum, cuius bissextia latius traditur.

Ad TIT. XVI. de Capitis deminutione, eius origo ex antiquo Censu instituto deducitur, multaque ex Antiquitatibus explicantur de Iure postliminii, de ser-



## PARTIS I.

*servitute poenae, de exilio, aquae & ignis interdictione, deportatione, & aliis.*

Ad TIT. XXI. de Auctoritate tutorum; quid antiquis fuerit Auctoritas, quid Administratio, & quomodo interponi consueverit Auctoritas, docetur.

Ad TIT. XXII. Quibus modis tutela finitur, de Ritu explorandi pubertatem, & aliis modis finiendi Tutelam agitur.

Ad TIT. XXIII. de Curatoribus, agitur de Curatione furiosorum, & prodigorum; de Ritu interdici bonis, de Origine Curationis minorum, de Actoribus & Adiutoribus, aliisque rebus huc pertinentibus.

Ad TIT. XXIV. de Satisfactione tutorum & curatorum, Satisfactionis origo, SC. sub Traiano factum, ipseque ritus satisfaciendi explicantur.

Ad TIT. XXV. de Excusationibus Tutorum vel Curatorum, Multa differuntur ex Antiquitatibus de Lege Papia Poppaea & Iure liberorum, de Liberiorum recens natorum professione, de Administratione Fisci & Aerarii, de Schola Romana, Constantinopolitana & Berytensi, & variis in illa Professoribus, Grammaticis, Rhetoribus, Philosophis, Medicis, Iureconsultis, eorumque immunitatibus.

Ad TIT. XXVI. de Suspectis Tutoribus vel Curatoribus, Origo huius criminis ex Lege XII. Tabularum explicatur.

ADPENDIX Libri I. Ea supplet, quae in Institutionibus de Iure personarum omittuntur. Hinc in illa agitur de Iure Civitatis & Quiritium, de Latio & Latini nominis eorumque iuribus, de Italis, de Provinciis, earumque Formulis, de Municipiis, Colonis, Praefecturis, Civitatibus foederatis, de Peregrinis denique, eorumque conditione & Iuribus, aliisque.

# INDEX TITVLORVM

## LIB. II.

**A**D TIT. I. de Rerum divisione & acquirendo Rerum dominio explicatur; *Quomodo Romant res sacras Diis superis; religiosas Diis inferis consecra-verint, Quomodo sepulcra circumscripserint limitibus, Quomodo muros aratro signarint, ac deinde dedicarint? Quae res dictae veteribus publicae, communes, uni-versitatis, nullius? Quanam res Mancipi & nec Mancipi? Quomodo facta Mancipatio, in Iure cessio, sub corona venditio, traditio, adiudicatio? Quid Dominium Quiritarium & Bonitarium?*

Ad TIT. II. de Rebus corporalibus & incor-poralibus, *Haec divisio e principiis Stoicorum ex-plicatur.*

Ad TIT. III. de Servitutibus Rusticorum & Vr-banorum praediorum, *de utrarumque origine & in-dole ex Antiquitatibus Romanis differitur.*

Ad TIT. IV. V. de Vsfufru, usu & habita-tione, *eorumque origine agitur.*

Ad TIT. VI. de Vsfucapionibus & longi tem-poris praescriptionibus, *Origo horum Iurium ex Iu-re Attico & Legibus XII. Tabularum derivatur, & de Legibus Atinia, Iulia, Plantia, Scribonia aliis-que novis Constitutionibus agitur.*

Ad TIT. VII. de Donationibus, *differitur de Dis-ferentia doni & muneris, de Donis Romanorum variis, veluti strenis, apophoretis, muneribus natalitiis, lu-stricis, nuptialibus, xenitis, &c. Eadem occasione de Lege Cincia & aliis Iuribus, eorumque origine agitur.*

Ad TIT. VIII. Quibus alienare licet, vel non li-cet, *Tota materia de Dotium origine & Iure, ut & de Ritibus dotem dicendi, dandi, promittendi & tracta-tur.*

## P A R T I S I.

tur. *Agitur item de Alienatione pignoris & rerum pupillarium.*

Ad TIT. IX. Per quas personas cuique acquiritur, praecipue de *Adquaeſtu per liberos horumque peculio*, ut & per *ſervos, matres familias, perſonasve liberas* agitur.

Ad TIT. X. XI. XII. XIII. De Testamentis ordinandis; de Testamento militari, & qui testari non possunt, *Oſtenduntur prima rei Testamentariae initia, additurque, quomodo Testamenta in Comitibus calatis, in procinctu, per aes & libram, ut & Praetoria facta scriptaque sint.* Agitur etiam de *Testamentis militari- bus, de Testamentis feminarum, de Exheredatione liberorum vetere & nova, ut & Abdicatione eorum &c.*

Ad TIT. XIV. de Heredibus instituendis, de iis praecipue agitur, qui heredes institui haur potuerint, quales erant peregrini, caelibes, orbi, universitates, in quibus tamen non comprehenduntur Municipia. An & quinam Dii potuerint heredes institui? Qualis as hereditarius, & quomodo computandus?

Ad TIT. XV. XVI. de Vulgari & Pupillari substitutione, in utriusque originem inquiritur, simulque eius formula & modus ostenduntur.

Ad TIT. XVII. XVIII. XIX. Quibus modis Testamenta infirmantur, de Querela inofficiosi Testamenti, ut & de Heredum qualitate & differentia, explicatur, quanam Testamenta fuerint nulla, vel iniusta, infirmata, rupta, irrita, rescissa? Quae fuerit origo Querelae inofficiosi, eiusque natura? Quae origo portionis legitimae? Quinam heredes dicti necessarii, sui & necessarii, extranei? Quibus ritibus creta & adita hereditas? Quid pro herede gestio? Quid immixtio & agnitio?

Ad

## INDEX TITVLORVM PARTIS I.

Ad TIT. XX-XXII. de Legatis eorumque ademptione & translatione, ut & Lege Falcidia, ostenditur, *Quotuplicia Legata fuerint? Quomodo legatum sit per vindicationem, damnationem, sinendi modo, per praeceptionem? Quanam fuerit horum Legatorum differentia? Quid Legatum partis hereditatis? Considerantur porro Leges, Furia Testamentaria, Voconia, Falcidia, earumque origo & materia expenditur.*

Ad TIT. XXIII-XXV. de Fideicommissis universalibus & singularibus, & de Codicillis, *Fideicommissorum origo, formulae, natura ostenditur: Adduntur nonnulla de SC. Trebelliano, Pegasiano, Aproniano, de Codicillorum nomine, natura, origine, & quae huc pertinent, aliis.*



LIBRI

# LIBRI NOVI

## IN

## OFFICINA

## BROEDELLETTIANA.

**Jo. Gord. Heineccii, J.Cti &c. Antiquitatum Romanarum Iurispudentiam illustrantium Synagma, secundum ordinem Institutionum Iustiniani digestum. In quo multa Juris Romani atque Auctorum veterum loca explicantur atque illustrantur. Editio Sexta, auctior & emendatior. 8. 2vol. Traj. ad Rh. 1745.**

— & Ayres Jus Cambiale. 8.

Vellejus Paterculus C. N. Burmanni. 8. Ed. 2.

Petronius C. N. Burmanni. 4. 2vol. Ed. Nova

Noortwyk de Utero Gravid. 4.

**J. a Costa Emendationes in quatuor Libros Institutionum Justiniani, curante J. van de Water. 4. Ed. Nova**

**A. G. Wazneri Antiquitates Ebraeorum. 8. 2vol.**

**Josselin Taxe Cancellariae Apostolicæ. 8.**

**Anti-Machiavellus, seu Specimen Dilquisitionum ad princip. Machiav. 8.**

**Jo. Geo. Walchii Miscellanea Sacra. 4.**

**Jo. Drieherge de Prædestinatione & Gratiæ Liber. 4.**

**B. S. Albini Explicatio Tabularum Bartholomæi Eustachii. fol.**

**Livius C. N. Drakenborehi. 4. Tom. 6.**

**Florus C. N. Dukeri & Var. 8. Ed. Nova, auctior & emendatior.**

**Bynkershoek Quaestiones Juris Privati. 4.**

**Ab. Waeling Oratio de Logomachiis Jurisconsultorum. 4.**

**d'Arnauld Conjecturæ. 4.**

— **Dissertatio de Jure Servorum. 4.**

**Jo. And. Crameri Elementa Artis Docimasticæ. 8. Ed. 2. 2vol.**

**Dissertation sur la Perfection du Monde Corporel & Intelligent par W. G. Mays. 12.**

**Mémoires de Comte de Guiche. 12.**

— **pour servir à l'Histoire de l'Esprit & du Cœur par Mons. le Marquis d'Argens. 8.**

**Conformité des Cérémonies Modernes avec les Anciennes. Nouv. Ed. corrigée & augmentée de la Lettre écrite de Rome sur le même sujet par Mr. C. Middleton. 12.**

**La Consolation Philosophique de Boèce. Nouv. Traduction. avec la Vie de l'Auteur, des Remarques Historiques & Critiques, & une Dédicace Massoniq. par un Frère Masson, Membre de l'Académie Royale des Sciences & des Belles Lettres de Berlin. 8. 2vol.**

**Le Secret des Francs Maçons mis en évidence par Mr. Uriot, Membre des Loges de l'Union & de l'Égalité. 8.**

**Récueil Historique d'Actes, Négociations &c. par Mr. Raoult. Tom. 17. 8.**

**Sermons sur divers textes de l'Écriture Sainte, par H. Chastelain. 8. 2vol.**

**le Mécène, Tragedie de Mr. de Voltaire. 8.**

**Histoire de France, depuis l'Établissement de la Monarchie Française dans les Gaules, par le Pere Daniel. 12. 16. Tomes avec fig. Nouv. Édition**

**Ébauche des Loix Naturelles, & du Droit Primitif. par F. H. Strube de Piermont. 4. Nouv. Ed. Épîtres**

- Epistres d'Estres* sur des sujets differens, Tome 2. in 8.  
*Histoire de la dernière Guerre de Boheme* 8. 2vol. av. fig.  
*Traité Philosophique des Loix Naturelles*, par le Docteur Richard Cumberland, traduit du Latin par Mr. Barbeyrac, avec des notes du Traducteur, qui y a joint celles de la Traduction Angloise. 4.  
*Histoire Universelle, depuis le commencement du Monde jusqu'à présent, traduite de l'Anglois d'une Société de Gens de Lettres.* Tom. 5. in 4.  
*Mémoires pour servir à l'Histoire d'un genre de Polypes d'eau douce, à bras en forme de Cornes*, par Mr. Trembley, de la Société Royale. 4. avec fig.  
*Oeuvres diverses de Mr. de la Fontaine de l'Académie Française.* Nouv. Edition Revue & corrigée. 12. 4vol.  
*Avantures de Don Antonio de Riga, Comte de Saint Vincent.* 12.  
*Le Feu d'Artifice, ou le Nouveau Paris, Comédie tres Nouvelle en trois Actes.* 8.  
*La Conduite des Hollandais Justifiée.* 8.  
*Le Vrai-Citoyen.* 8.  
*Grammaire Flamande de Ph. la Grue.* 8. Nouv. Ed.  
*L'Espece Politique, ou Fables Nouvelles & Enigmatiques.* 8.  
*Examen des desauts Theologiques, on l'on indique les Moyens de les Reformer.* 12. 2vol.  
*La Vie de Don Alphonse Blas de Lirias, Fils de Gilblas de Santillane.* 12. avec fig.  
*Institutions Militaires de Vegete.* 8.  
*Les Avantures de Madame la Duchesse de Vanjour, Histoire Vritable.* Par Mr. de Mirame. 8. 6. Tom. Nouv. Ed.  
Opde en Nieuwe Staat van 't Russische of Moskovische Keizerryk, Behelzende eene uitvoerige Historie van Rusland en dezelfs Groot-Vorstten; Benevens de Beschryvinge van dat uitgestrekte Ryk, de Zeden en Godsdienst der Inwoneren: zyne Opkomst en voortgang in Koophandel, Kunst, Land- en Zeemacht, Optoeren, Oorlogen en verdere Wisselvalligheden, tot dezen tegenwoordigen tydt toe. Alles uit de beste Schryvers en verdere echte stukken te zamen gesteld, met nodige Kaerten en Fraeje Prentverbeeldingen, door den vermaerden J. C. Philips gesneden, versierd. Onder 't opzicht, met byvoegsien en eene Voortede van den Heer Joh. Fred. Reitz, Med. Doct. en Rechter der Hieronymaensche Schoolen te Utrecht. 4. 4deelen.  
—— Idem Groot-Papier.  
—— Idem met afgezette Kaerten.  
Joh. Plevier over de Voorzegging van Sefanja, Psalm Cl. en CII. en over Ezechiels Eerste Hoofdstuk. 4.  
Balsage Geschiedenisse der Kerke. 4deelen. 8.  
Historie van de Reformatie van de Kerken van de Palts en Geneve, uitgegeven door Wilhelmius. 1. deel. 8.  
F. Ruysch Ontleed-Genes-en Heelkundige Werken. 4. 3deelen. met zeer vele Platen  
Van der Schelling Historie van 't Notarisschap. 8.  
J. Hubners Vervolgen tot de Staatkundige Historien, zynde een Verhaal van den Jaare 1708. tot 1740. in 8deelen. 8.  
M. Baker Beschryving van de beste en nieuwste Microscoopen, en van derzelver Behandeling. Als mede een Berigt van de Verbaazende Ontdekkingen gedaen met de vergrootglazen  
Het Gedrag der Hollanders verdedigt. 8.  
J. de Gortier gezuiverde Geneeskunst. 8.  
G. van Loon Beschryving der Aeloude Regeringswyze van Holland. 8. 1. deel  
Merkwaardig Leven en Daden van den beroemden Heer, Johan Daniel van Menzel. 8.  
A. H. ten Oever Rechtsgeleerde Vraegen en Antwoorden aengaende den godsdig. 8.



ANTIQUITATES  
ROMANAE  
IURISPRUDENTIAM  
ILLVSTRANTES.

PROOEMIUM.



Vum Iustinianus Imperator in Institutionum prooemio potissimum collectionis suae texat historiam: facturi videbimur operae pretium, si & nos illius exemplo Iuris Romani collectiones, tum ante Iustinianum, tum postea confectas, veluti per indicem recensuerimus.

I. Urbem Romam principio Reges habuerunt, qui manu initio omnia regere, post ea vero & leges quasdam curiatas ad populum ferre coeperunt. Tacit. *Annal. III* 26. L. 2. §. 1. D. *Papiria de Orig. iur.* Has leges Regias, maxime sacras, num.  
A primus

I. Legum  
Regiarum  
collectio.  
seu jus  
Papiria.

primus collegit C. (a) Papisius, non multo post exactos Reges Pontifex Maximus, ut patet ex Dionys. Halicarn. *Antiq. Rom III. p. 178* ex quo etiam discimus, C. Papisium illum leges Numaë, dudum abolitas, in lucem reuocasse. Et hæc quidem collectio **JUS CIVILE PAPISIANUM** (b) vocatur a Pomponio *L. 2. § 2. D. de Orig. jur.* de eoque tempore Caesaris, (ut eleganter obseruauit V. C. Car. Andr. Duker. *de Latinit. vet. Idor. p. 156.*) librum integrum composuit Granius Faccus, laudatum in *L. 144. D. de Verb. signif.*

II Eius interitus & restitutio.

II. Dudum vero, præter paucissima fragmenta (c) Papiriana illa collectio perijt. Et hinc post renatas literas de colligendis legibus Regis cogitarunt Joannes Guil. Forsterus in *Historia*

(a) Pomponius *L. 2. §. 2. & 36. D. de O. I.* modo *Sextum*, modo *Publium* vocat: Dionysius vero Halicarnasseus, cui plurimum ea in re credendum, *Caïum* adpellat. Quum autem Cuiacius obseruauit, in codicibus MSC legi VI. pro *Sextum*: non dubito, quin ex nota numerali Sexti prænomen sibi finxerint scribæ. Significare vero videtur numerus iste Papisium, quem Dionysius Halicarnasseus præcipue sacras Numaë leges collegisse refert, sexto demum libro reliquas leges Regias veluti adpendicem adiecit: Unde ita forsan legenda verba Pomponii: *Quæ omnes conscriptæ extant in libro sexto C. Papisii.* Conf. Bynkersh. *Prætermissa ad L. 2. D. de O. I. p. 17.*

(b) Papisiolum dicti, qui postea *Papirii*, Cicero *Epist. ad fam. IX. 21.* Primus Appius Claudius, siue Cæcus, siue Centummanus, siue Crassus, circa annum V. C. CCCV litteram R. reperit, ex eoque tempore dici cepit, *Papirius*, *Furius*, *Valerius* pro *Papiso*, *Fusio*, *Valesio*, *L. 2. §. 36. D. de Orig. jur.* & ibi Bynkershoek in *Prætermissis*. Petr. Faber *Semestr. I. 11. p. 52.* (c)



*Historia juris Ramani, Lib. 1 Cap. VI* Fulvius Ursinus, Ant. Augustinus & Justus Lipsius *de Legibus Regiis & Decemviralibus*. Pandulphus Pratecius *in Jurisprudentia veteri Draconis & Solonis cum Romano jure legum Regiarum & Decemviralium collata*. Lugd. MDLIX. 8. Franc. Modius, Steph. Vin. Pig-hius, Ant. Syluius, &, qui reliquis omnibus palmam praecepit, Paulus Merula *de Legibus Romanorum, Capite II. & sequentibus*. Romuli leges singulari opusculo collegit exposuitque Franc. Balduinus. (d)

III. Eiectis Regibus, leges quoque eorundem <sup>III. Leges</sup> exoleuisse, (e, & jus maxime incertum esse coe- <sup>XII. Ta-</sup> bul-  
pisse,

(c) Fragmentum bene longum e jure Papiriano exstat apud Macrob. *Satur.* III. 11. Quamvis quum illud non tam legum, quam commentarii faciem prae se ferat, magis Gratio Flacco, quam Papirio videatur tribuer- dum. Forfan etiam huc pertinet L. 2. D. de Mort. infer.

(d) Sequutus est Balduinus tabulam Capitolinam, cu- jus apographum a Io. Barth. Marliano acceperat. Sed eam genuinam, certe antiquam haud esse, vel primo intuitu adparet. Vid. Eric. Maurit. *Dissert. de Libris jur. comm.* p. 92. Ge. Schubart. *de Fatis Jurisprud. Rom. Exerc. 1.* 38. p. 64.

(e) Leges omnes Regias semel simulque lege Tribunicia abrogatas esse, vulgo colligunt ex L. 2. §. 8. D. de Orig. jur. *Exactis Regibus lege Tribunicia, omnes leges haec exoleuerunt*. Ex hoc enim loco palam esse putant, le- ge quadam, vel a Iunio Bruto, Tribuno adhuc Cele- rum, lata, vel tributim a populo scita, leges Regias omnes fuisse proscriptas. Vid. Ge. Eberlin. *de Orig. jur. IV. 11. p. 21.* Ge. Schubart. *de Fat. Jurispr. Rom. Exerc. II. 4.* 118. Sed sane leges lege non exole- scunt, sed abrogantur: neque Pomponius ait, leges Regias lege illa Tribunicia exoleuisse, sed Reges ipsos proscriptos esse lege Tribunicia. Rittershus. *al*

pisse, novimus ex *L. 2. §. 5. D. de Orig. jur.* Post diuturnas patriciorum plebisque simultates, an. Urb. cond. CCCI. tres legati in Graeciam missi sunt, qui variarum ciuitatum leges describerent. Postea decemviri, legum ferendarum causa creati, e moribus antiquis, (f) & jure, quod legati attulerant, peregrino, & praecipue Attico, (g) decem initio, ac paulo post duodecim tabulas

*Leg. XII. Tab. p. 9. Bynkersh. ibid. 10.* Tribunia vero illa lex non alia est, quam Iunia de Imperio Consulari, quippe quam Brutus, adhuc Tribunus Celerum ad populum tulit. Exoleuerunt vero Regiae leges defuetudine, & quidem omnes. Nam si quae in usu manserunt, eae non tanquam leges Regiae, sed tanquam mores patris, postliminio in usum reuocati, obseruabantur, ut discimus ex Dionys. Halic. *Antiq. Rom. X. p. 627.*

(f) Multas leges veteres in XII. Tabulas migrasse, prolixè demonstrant Jac. Cuiac. *Obsers. 111. 40.* Guill. Maran. ad *L. 2. D. de Orig. jur. p. 107. 110.* Et satis Romuli in quarta tabula exstitisse, testatur Dionys. Halic. *Ant. Rom. II. p. 97.* quietiam *Lib. X. p. 681.* obseruat. XII. Tabulas ex τῶν ἰαδικῶν νόμων, καὶ παρὰ τῶν σφισι αὐτοῖς ἀγρᾶφως ἰδιωτικῶν, tum ex Graecorum legibus, tum ex suis moribus non scriptis, esse compilatas. Sed & Liuius VI. 1. post incensam a Gallis urbem etiam leges Regias cum XII. Tabulis conquistis fuisse refert. Plura non addo de re certissima.

(g) Solonis leges adeo primas tulerunt, ut eas solas commemorent auctores quamplurimi. At Liui. Isth. 31. legatos illos iussos esse ait, inclitas leges Solonis describere & aliarum Graeciae ciuitatum instituta, mores, iuraque nascere. Et Gell. *Noct. Attic. XX, 1.* duodecim tabulas inquisitis exploratisque multarum urbium legibus, eleganti atque absoluta breuitate verborum scriptas

las compilarunt, quas deinde populus in comitiis centuriatis probavit. Liu. *Hist. III.* 31. 24. 37. 57. Dionys. Halicarn. *Antiq. Rom. X.* p. 676. Et haec sunt illae tabulae, quas omnibus omnium Philosophorum bibliothecis anteponendas putabat Crassus apud Ciceron. *de Orat. I.* 44. Haec sunt illae tabulae, *fons universi publici priuatique juris.* Liu. III. 34. Naevius tamen eas non caruisse, ostendere conati sunt Phauorinus philosophus apud Gell. *Noct. Att. XX.* 1. & Thomas. *de Naevio Iurisprud. Rom. Antejustin. I.* 2. & *Dissertat. annexa p. 158. seq.*

IV. Quamvis vero haec leges decemvirales <sup>IV. Earum</sup> tabulis aeneis (b), inscriberentur a Romanis, <sup>interitus</sup> Dionys. & <sup>restauratio.</sup>

scriptas testatur. Tacitus denique *Annal. III.* 27. a decemviris, *quae usquam egregia*, accita esse docet. De Lacedaemonum legibus vulgo hoc negant, ob testimonium Augustini *de Civit. Dei II.* 26. Sed illi opponi possent Symmachus *Epist. III.* 11. Ammian. Marcell. *Hist. XVI.* 5. Athenaeus *Deipnos. VI.* p. 273. Fortasse tutelam agnatorum legitimam Lacedaemon moribus debent Romani. Sane enim Spartae eam tutelam usitatam fuisse, patet ex Herodot. I. 65. Nec dubitandum, quin ex Charondae quoque legibus nonnulla adoptarint decemviri, imprimis legem de supplicio falsi testis, seu ex Arist. *Polis. II.* 10. docet Rittershusius. Ab Aequis Faliscis quoque decemviros iura fecialia & nonnulla XII. Tabularum supplementa acceperunt, docet Servius ad Virgil. *Aen. VII. v.* 695. Sed errasse Servium palam est ex Liu. I. 31. ubi iura fecialia jam Ancum Marcium, desumpta a Faliscis, Romanis tradidisse, legimus.

(b) Pomponius L. 2. §. 4. *D. de Orig. jur.* meminit tabularum *eborearum*, vel, ut alii legere malunt, *roborea.*

Dionys. Halicarn. *Ant. Rom.* X p. 681. & loco urbis celeberrimo, id est, pro rostris, adfigerentur in perpetuam rei memoriam: (Liu. III. 57. Diodor. Sicul. *Biblioth.* XII, 26.) annotamen V. C. CCCLXVIII. Gallico incendio una cum ipsa urbe perierunt, restitutae paullatim, conquisitis undique fragmentis & apographis. Liu. VI, 1. Postea ut eo minus effect eas amittendi periculum, non solum aeri incidebantur, in quo Cypriani adhuc aetate publice exstabant, vid. Cyprian. *Epist.* II. 2. verum etiam pueris ipsis ab incunabilis ediscendae proponebantur. (i) Cicero *de Legib.* II 4. & 21. Verumtamen ne sic quidem aetatem tulit nobilissimum illud legum decemviralium corpus, quod jam inde a saeculo VI. periisse, non sine ratione existimamus. (k) V. Post

rum, quod sane convenientius videtur praeae Romanorum paupertati. Sed forsitan hae leges in tabulis *roboris* primum promulgatae, ac dein, ubi populus eas jure sciuerat, vel eboreis vel aeneis demum inscriptae sunt. Sane Anci Marci adhuc temporibus leges inscribi consueverunt tabulis quernis, additque Dionysius Halicarn. *Lib.* III. p. 103. χαλκίαι γὰρ στήλαι ἔπιν ποτὶ ἡμᾶς. Nondum enim tum erant columnae aereae. Ge. Schubart. *de Fat. Jurispr. Rom.* Exerc. II, 35.

(i) Pueris ediscendae erant hae tabulae, isque mos tamdiu duravit, donec lege Cornelia Praetores ex Edictis perpetuis jus dicere iuberentur. Ex eo enim tempore juris studia non a legibus XII. Tabularum, sed a Praetoris edicto auspicabantur adolescentes, cum ex Cicer. *de Legibus* I. 6. erudite ostendit V. C. Jac. Perizonius *Litt. de Lege Vocon.* p. 193.

(k) Rittershusius *ad XII. Tab.* p. 13. tabulas has periisse patet sub irruptionem Gothorum. Ast saeculo adhuc existimant

V. Post renatas litteras, collectis undique V. Colle-  
fragmentis, restituere eas tentarunt Aymarus <sup>actiones</sup>  
Riuallius, Io. Oldendorpius, Io. Guiliel. For- <sup>XII. Ta-</sup>  
sterus, Ant. Augustinus, Fulv. Ursinus, Franc. <sup>bularum</sup>  
Balduinus, Ant. Contius, Franc. Hotomanus, <sup>recentio-</sup>  
Iac. Racuardus, Cael. Calcagninus, Io. Crispi-  
nus, Steph. Vin. Pighius, Theod. Marcilius, Fr.  
Pithoeus, Dionys. Gothofredus, Iustus Lipsius,  
Paulus Merula, Conr. Rittershusius, Ludou.  
Charondas, Basinstochius, Pandolph. Prateius,  
Hadr. Turnebus, Iul. Pacius, Car. Sigonius,  
Ant. Clarus Syluius, Ricardus Vitus, Ian. Vin-  
centius Grauius, &c, qui reliquis omnibus vide-  
tur praefereendus, Iac. Gothofredus, cujus abso-  
lutissima collectio exstat in *Quatuor Fortibus Jur.*  
*Ciuilis*, qui prodierunt *Geneuae MDCLIII. 4.*

VI. Ex interpretatione XII. Tabularum <sup>VI. Leges</sup>  
*legis actiones* natae sunt, id est, certi exercendi juris <sup>actiones</sup>  
ritus, certaeque verborum conceptiones & for- <sup>earumque</sup>  
mulae, quibus neglectis suspectum quoduis ci- <sup>formulae</sup>  
uile negotium irritum habeatur. Quamuis <sup>& lat.</sup>  
enim actus legitimi nonnunquam in sensu la-  
tiore acciperentur pro omnibus actionibus,  
quae coram Magistratu fierent, adeo, ut & Ecto-  
res *lege agere* dicerentur: Schulting. *Iurispr. Ante-*  
*Iust. p. 85. 602. sequ.* strictius tamen hic vocem ac-  
cipimus partim pro formulis actionum, partim  
pro actibus voluntariae jurisdictionis, sollemniter  
explicandis, partim pro actibus sollemniter,  
non

Iustiniani exstiterunt Commentarii Caji, quibus inte-  
grum XII. Tabularum textum insertum fuisse, ex frag-  
menti patet, quae in Digestis passim exstant.

non tamen in jure peragendis. Hinc *Actiones legis* sunt manumissio, emancipatio, in jure cessio, adoptio, & similes; *actus legitimi*, tutoris datio, mancipatio, hereditatis aditio & repudiatio, aliique plures. Horum omnium proprium erat, I. ut vel in jure vel certe sollemniter (l) fierent. II. ut nec diem nec conditionem admitterent. III. ut uno actu fierent, & iterari nequirent. IV. ut per procuratorem explicari non possent. Jan. Vinc. Grauius de XII Tab. LXXX. p. 442 Brissou. Antiq. Rom. III. 20. p. 76 Petr. Faber Semest. II. 23 24. Et ad L. 77. D. de Reg. jur. p. 344 seq. Jac. Raguier de Auctoritate prudent. II. p. 952. seq. Accedebant Fasti, seu consignationes dierum fastorum, nefastorum, intercisorum, quibus lege agere vel licebat, vel non, vel ex parte tantum licebat. Harum rerum omnium notitia initio penes solos Patricios & Pontifices potissimum erat, qui tamquam oracula adibantur a populo: neque e re sua hi esse putabant, eas formulas & fastose vulgari. Cicero de Orat. I. 41. & pro Muraena XI. Quinctilian. Inst. Orat. III. 8. Pomponius L. 2. §. 6. D. de Orig. jur.

VII. Col- VII. Egregiam ergo plebi operam nauabat  
lectio en- CN. FLAVIUS, qui arcanas istas formulas  
rum in ju- & fastos Pontificios, (m) ab Appio Claudio  
re Flavia- (n) in  
no.

(l) Omnes actiones legitimas & actus legitimos in jure factos putat Grauius, l. c. sed id falsum de hereditatis aditione, repudiatione, aliisque actibus legitimis, qui & extra jus recte expediebantur, Solemniter tamen omnes fieri debebant.

(m) Solos fastos à Flavio cum plebe communicatos dicit Cicero pro Muraena XII. sed formulas addunt reli-

(n) in librum collectos anno circiter CCCXL. primus euulgavit. Unde natum JUS FRAVIANUM, de quo Pompon. *L. 2. §. 7. D. de Orig. jur.* Cicero *de Orat. I. 41. pro Mur. XI. & ad Attic. Epist. VI. 1.* Liu. IX, 45. Plin. *Hist. Nat. XXXIII. 1.* Gell. *Noct. Att. VI. 9* Valer. Max. II. 5. 2. Addunt Pomponius & Plinius, Flauium eo beneficio Aedilitatem a plebe meruisse: sed constat ex Valerio Maximo, cum jam tum, quum ista Patriciorum arcana euulgaret, Aedilem fuisse, & deinde Praetorem factum, idque vel inde colligas, quod ipse Pomponius factos illos *populo traditos*, id est, uti ego ex Livio, IX. 46. interpretor, *in albo (o) propositos*, refert.

VIII. Quanto gratius hoc plebi fuit officium: tanto minus illud placuit Patriciis, qui easque ne in vulgus manarent, occultioribus quibusdam notis consignarunt. Eas vero denuo euulgavit Sext. Aelius Q. F. P. N. Pactus Catus, (p) anno circiter V. C. DLIII. unde enatum JUS AELIANUM. *L. 2. §. 7. D. de Orig. jur.*

Cic.

reliqui auctores, ut puta, Valerius Maximus, Liuius, Gellius, Plinius; & ipse Cicero *Epist. ad Attic. VI. 1.* An fasti sint iidem cum illis apud Gruterum *inse. p. CXXXIII.* nondum liquet.

(n) Non decemuiro illo, ceu existimat Guldo Panciroll. *Var. Lest. II. 2.* sed Applo Claudio Caeco, cujus scriba fuerat Flauius. Plin. *Hist. Nat. XXXI. 1.* Cicero *de Orat. I. 41.* Conf. Bynkersh. *in Praetorm. p. 46.*

(o) In albis aliquid proponere, non priuatorum erat, sed Praetorum atque Aedilium.

(p) Sextum hunc Aelium ob Jurisprudentiam nistrice collaudant Cicero *in Bruto XX. & de Legib. II, 23.* Plin.

Cic. *pro Muraen.* XI. An hoc jus Aelianum idem sit cum S. Aelii Tripartitis nondum expeditum est. Negant Bertrand. *de Jurisper.* II. 4 p. 171. Guil. Grot. *Vit. Jur. conf.* I. 3. p. 17. Mihi tamen ea de re dubitandum vix videtur ob L. 2. §. 38. *D. de Orig. jur.* ex qua patet, in Tripartitis illis, practer XII. Tabulas earumque interpretationem, legis etiam actiones occurrille. Vid. Beyeri *Posit. ad tit. D. de Orig. jur. p. m* 10.

IX. Utriusque interitus & restauratio.

IX. Utramque collectionem fata nobis inuiderunt. Formulas tamen actionum antiquas stupenda plane industria collegit Barn. Briffon. libro *de Formulis & sollempnibus populi Romani verbis*, edito *Francof. MDXCII.* 4 quibus tamen non has tantum, sed & alias, sacras, militares, forenses familiaresque formulas complexus est. Fastorum exemplum non unum exstat in antiquis marmoribus, ex quibus quaedam aeterno inscriptionum operi inseruit Gruter. *p. CXXXIII.* & cum Petri Ciacconii aliorumque explanationibus recudenda curavit Jo. Ge. Graevius *The-saur. Antiq. Rom. Tom. VIII.* Veterum denique notarum juridicarum spécimina post Valerium Probum, Petrum Diaconum & Mangonem dedit Jo. Nicolai in libro *de Siglis veterum*, qui prodiit *Lugd. Batav. MDCCVI.* 4.

X. Ab

*Hist. Nat. XXXIII.* 11. & Ennius apud Cic. *de Orat.* I. 45. cui vocatur,

*Egregie cordatus homo, Catus Aelii Sextus.*

*Conf. L. 1. pr. C. de Comm. seru. manum.* Degen-te Aelia egregie differit Henr. Noris. *Cenotaph. Pisan. Disser.* III. 9. p. 419. (4)



X. Ab iis temporibus multae subinde latae sunt Leges, multa quoque Plebiscita, multa Edicta Praetorum atque Aedilium prodierunt, quibus accefferunt Responsa prudentum, & sub Imperatoribus Senatus consulta, Edicta perpetua & Imperatorum Rescripta, adeo, ut in magnum *aliarum super alias cumularum legum cumulum* excrefceret Romana Jurisprudencia. Liu. III, 34, Romanarum legum Senatusque consultorum historiam plures dederunt, in quibus eminent Paulus Manutius, Anton. Augustinus, Paulus Merula, Franc. Hotomanus, Ianus Vincentius Grauius: sed hi omnes tamen in tanta messe haut leve reliquerunt spicilegium.

XI. In hac legum Romanarum farragine haut pauci de vniuersali quadam juris Romani collectione cogitare coeperunt. Agitauerat hoc consilium Cicero, (9) cujus integrum ea de re librum allegat A. Gellius *Noct. Attic. I, 22.* Cicero. Quinctilian. *Instit. Orat. XII. 3.* Ipse quoque luculentam illius operis *επιαγγραφή* sub Crassi persona dederat libro *de Oratore I, 42.* Sed in spongiam incubuit hic Ciceronis Ajax.

## XII.

(9) Ciceronem non fuisse in Romana Jurisprudencia hospitem, vel scripta illius demonstrent. Q. Scaeuolae se operam dedisse, testatur ipse in *Bruto*: & in *orat pro Muraena Cap. XIII.* minatur, se, si sibi homini occupato stomachum mouerint, triduo iureconsultum professurum. Unde & inter iureconsultos Ciceroni locum dedit Guil. Grot. *Vit. Iureconsult. I, 9. p. 61.* Sed an magnus in hac arte fuerit, adhuc sub iudice lis est. Vid. Schulting. *Orat. de Jurispr. Ciceronis & Bynkersh. Praestitum. ad. L. 2 §. 38. D. de O. I p. 85. seq.* (r)

X. Romana Jurisprudencia mole sua laborat.

XI. De Vniuersali juris Rom. collectione cogitat Cicero.

XII. Ut  
& Jul.  
Caesar. &  
Cn. Pom-  
pejus &  
Constanti-  
nus M.

XII. Idem labor, teste Suetonio *Jul. XLII*.  
Julium Caesarem; idem & jam antea Cn. Pom-  
pejum exercuit, si vera refert Isidorus Hisp.  
*Orig. V. 1. &*, qui hunc exscripsit, Gratianus *can.*  
*2. distin. 7.* Ita enim ibi Isidorus: *Leges autem*  
*redigere in libros primus consul Pompejus instituere vo-*  
*luit, sed non perseveravit, obrectatorum metu. Deinde*  
*Caesar coepit id facere, sed ante interfectus est.* Sunt  
etiam, qui Constantinum M. de ejusmodi cor-  
pore juris compilando cogitasse ferunt. Beyer.  
*Posit ad Digest. l. 1. 146.* Sed nescio quo autore.  
Id certius, horum omnium consilia fuisse irrita.  
In primis dolendum, Caesari, huic operi quam  
maxime pari, per fata non licuisse tam praecla-  
re de Romana Iurisprudentia mereri. Huber.  
*Ausp. domest. V. p. 177.*

XIII. Edi-  
cta Prae-  
torum  
primum  
collecta  
ab Ofilio.

XIII. Edicta Praetorum, Augusto imperan-  
te, diligenter colligere interpretarique coepe-  
rat C. Aulus Ofilius Jureconsultus. *(r) L. 2 §. 44.*  
*D. de Orig. jur. l. 1. §. 2. D. Ne quis eum qui in jus vo-*  
*cabitur.* Sed privatim susceptum fuerat hoc  
opus, neque adeo publicam unquam auctori-  
tatem videtur obtinuisse. Menag. *Amoenit. Jur.*  
*447. & p. 98.* Unde eo facilius perit, postquam  
edictum Juliani ejus luminibus offecit.

## XIV.

*(r)* Jam ante C. Ofilium ad Edictum quaedam commen-  
tari coeperat Ser. Sulpicius, quae Bruto dedicavit,  
*L. 2. §. 44. D. de Orig. jur.* ex quo Sulpicii commen-  
tario fragmentum exstat. *L. 5. §. 1. D. de Institor.*  
*actione.* sed brevissimum hoc opus fuisse observat  
Pomponius.

*(r)*

XIV. Postea, Hadriano imperante, Edicta Praetorum in unum codicem coaluere, vel ex multis potius edictum vnum, quod perpetuum vocabatur, concinnatum est circa annum, vti Ant. Pagi in *Diff. Hypat. P. II. p. 209.* computat, cxxx. Eutrop. *Epit. Hist. Rom. VIII, 9. L. 1. §. 18.* C. de Vet. Iure enucl. L. 10. C. de Condi& indebiti. Auctor operis non Didius Iulianus, Imperator, ceu ex loco quodam Aurelii Victoris male intellecto coniecerat Hugo Grot. *Florum spars. p. 641.* sed Saluius Iulianus, Didii proauus, teste Spartiano *vit. Iulian. I.* gente Africanus, Adrumeti natus, vti est apud Grut. *Inscript. pag. CCCCLVIII.* de quo Iureconsulto praeter Bertrandum & Guil. Grotium legi merentur Aegid. Menag. *Amoenit. Iur. XXIV.* & Henr. Dodvvel. *Praelect. Cambden. VIII, p. 333.* Quamvis vero mirifice Iulianum collaudent veteres, adeo, vt cum vocent *virum sapientissimum. Non. LXXIV. maximae existimationis virum, & disertissimum Iurisperitum, L. 5. C. de Bonis quae lib. Iuris sublimissimum testem, summae auctoritatis hominem, & Praetorii edicti ordinatorem, L. 10. C. de Condi& indeb. summum auctorem Iuris scientiae, L. 15. C. de Usufr. & habit.* & quae alia passim sunt eius elogia: non tamen naeuus caruisse aiunt hoc edictum. Quaedam enim addidit de suo, quae Praetor nunquam edixerat, L. 3. D. de Conj. cum emanc. lib. Quaedam detraxit, veluti illa quae de iure iurando Vestalibus & Flamini Diali remittendo edixerat Praetor. Gell. *Noct. Attic. X, 15.* Quaedam correxit pro lubitu, L. 1. §. 1. D. *Commod.*

XIV. Editum perpetuum Saluii Iuliani.

*Commod. L. 1. D. Quod met. caus.* Vid. Io. Bertrand. *de Jurisperit. l. 1. p. 31*. Guil. Grot. *de Vit. Jureconf. II. 6. p. 127*. Jac. Gothofred. *Manual. Jur. III. p. 14. 15*. Nihilominus tamen facile eum excusat Hadriani Imp. auctoritas. Hujus enim auspiciis scripsit. Et laudi sibi duxisse Hadrianum, si noua jura condidisse diceretur, quin ideo alterum Numam videri voluisse, ex Aurelio Victore Schotti praeclare obseruauit Henr. Dodvvell. *Praelect. Cambden. VII. p. 294*. Ceterum tantam hic Juliani labor auctoritatem in foro obtinuit, ut Diocletianus & Maximianus Imp. illud JUS PERPETUUM adpellare non dubitent, in *L. 5. C. de Adpellat.* Unde non mirum, quod ex eo tempore Furius Anthianus, Pomponius, Callistratus, Paulus, Ulpianus alii-que clarissimi Jureconsulti, certatim ad Edictum perpetuum commentati sint.

XV. Edictum prouinciale.

XV. Eodem exemplo etiam Edictum prouinciale nescio (s) quis concinnauit, quod tamen ab Edicto perpetuo Praetoris parum discrepasse videtur. Cuius sane fragmenta ex commentariis ad Edictum prouinciale tantum non in omnibus fragmentis aliorum ex libris ad Edictum Praetoris respondent: adeo ut Gothofredus in ordinando Edicto perpetuo etiam Cuius fragmentis uti non dubitarit. Ceterum hanc vtri-

(s) Eidem Hadriano hoc Edictum prouinciale tribuit Henr. Dodvvell. ad Spartian. *Had. 2. p. 395*. Sed dubium hoc est. Verosimilius, quod sub Marco in lucem prodierit. Vid. Ez. Spanh. *Orb. Rom. II. 12. p. 97*.

utriusque edicti similitudinem nemo mirabitur, qui nouerit, jam olim Proconsoles urbana Edicta in jure dicundo plerumque esse sequutos. Cicero *Verrin. I, 46.* & *ad Attic. Epist. VI, 1.* Conf. Ezech. Spanhem. *Orb. Rom. Exerc. II, 12.*

p. 97.

XVI. Periiit utrumque Edictum, magno Jurisprudentiae incommodo. Fragmenta tamen, hinc inde in Digestis reliqua, tamquam fractas e naufragio tabulas collegerunt Eguinarius Baro in libris *Manualium*, (t) Guil. Ranchinus, cujus labor ad edictum prodiit Paris. MDXCVII. 8. recusus in Io. Herin. Schminckii *Synagm. Critico. Marp. cl. Io cexvii, 4.* & qui in digerendo ordinandoque potius, quam concinnando edicto, omnium superauit industriam, Iac. Gothofredus, cujus *Series librorum Edicti perpetui* inter *Quatuor Fontes Juris Civilis* exstat.

XVI. Re-  
stitutio E-  
dicti per-  
petui.

XVII. Ex quo Imperatores non amplius Senatus consultis, sed epistolis, noua jura condere coeperant: intra ducentos annos in tantum cumulum etiam haec excreuere Principum Rescripta, ut etiam de iis in codicibus colliguntur.

XVII. Co-  
dices in  
quibus  
collectæ  
Constitu-  
tiones  
Princi-  
pum.

(t) Parum honorifice de hac Eguinarii collectione sentit Jac. Gothofr. in *Biblioth. Juris I. p. 46.* ubi obseruat, auctorem saepe data opera fingere edicta, quae numquam fuerint, multaque conferre, quae ex Juriconsultorum placitis, moribus antiquis, nouisque Principum institutis descendant.

(u) Codices quum semper vocentur hujusmodi Rescriptorum Principalium collectiones: obseruandum, codices olim à voluminibus distinctos, atque ita adpellatos

colligendis cogitarint Gregorius & Hermogenes, seu, ut aliis vocantur, Gregorianus & Hermogenianus, quorum Codices, priuata auctoritate concinnati, etiam a Justiniano celebrantur. *Const. summa Reip. §. 1. de Justin. Cod. confirm.*

XVIII.  
Codex  
Gregorianus.

XVIII. Ad Gregorianum Codicem quod attinet, cum recentiorem Hermogeniano credit Guido Panciroll. *de Claris legum Interpret. l. 65. 66* qui & auctorem esse suspicatur Gregorium, sub Valente & Gratiano praefectum anno-nae, Africaeque Procos. cuius mentio fit *L. 15. C. Theod. de Pistorib.* At Gregorio alii hunc Codicem tribuit Gothofredus *Proleg. Cod. Theod. l. p. 183* qui sub Constantino M. fuerit Praefectus praetorio, cuiusque mentio fit *L. 3. C. Theod. de Annon. & L. 2. C. Theod. de Contrab. emt.* ut & in *L. 1. C. de Natural. lib.* Neutrum adeo certum atque expeditum videtur. Augustinus sane *ad Pollent. ll. 8.* auctorem non Gregorium vocat, sed Gregorianum: eodemque modo eundem laudat Auctor *collationis legum Mosaicarum & Romanarum l. 8. 9. & 10. vl. 4. 5.* Continuisse vero hic Codex videtur Constitutiones ab Hadriano usque ad Diocletianum & Maximianum. (x)

## XIX.

pellatos libros quadrata vel quadrangula forma, (nam & triangularis formae mentio fit apud Dionys. Perieget. p. 26.) quamuis alias vulgari usu omnes libri vocentur codices. *L. 52. D. de Legat. 3. Salmat. de Mod. Vfur. X. p. 413. Schulting ad Paul. 377.*  
(x) In fragmentis sane Codicis Gregoriani, quae etiam

XIX. Nec certior auctor est Codicis Hermogeniani. Eugenio Hermogeniano, qui teste Baronio, sub Diocletiano, Praefectus praetorio fuit, atque ad Senatum retulit de persequutione Christianorum, hanc compilationem tribuit Pancirollus *de Clar. leg. Interpret. I.* 65. Alii Hermogenianum iureconsultum auctorem fuisse coniiciunt, quem sub Constantino M. eiusque liberis floruisse, erudite demonstrat Aeg. Menag. *Amen. Iur. XI.* Conf. Iac. Gothofred. *Prolegom. Cod. Theod. I. p. 183. seq.* Reines. *Epist. ad Rupert. LXIX. p. 640.* Constitutiones vero Principum, quorum Gregorianus rationem habuerat, in Hermogeniano etiam Codice fuisse, recte existimat Iac. Gothofredus, sed ita, ut in nonnullis inter se dissenserint. Quamvis vero de dissensu eorum res certa sit, neque dubitare nos ea de re patiatur auctor *Collationis legum Mosaicarum & Rom. VI, 5.* qui vnam eandemque Diocletiani & Maximiani Constitutionem in utroque Codice, *ast aliis tamen diebus & Consulibus* lectam, testatur: nihil tamen est, quo certo demonstres, Hermogenianum etiam ab Hadriani temporibus auspiciatum fuisse. In fragmentis sane illius non nisi Diocletiani & Maximiani Constitutiones occurrunt, si a tri-

XIX.  
Codex  
Hermogenianus.

bus  
num exstant, legimus Constitutiones Antonini Caracallae & Seueri, Alexandri, Gordiani, Philipporum, Valeriani & Gallieni, Cari & Numeriani, Iunio & Diocletiani & Maximiani. Ex quo patet, errare virum summum, Iac. Cuiacium, dum in *prime Parasit. Codicis* Gregorianum Codicem in Valeriani & Gallieni Constitutionibus desisse existimat.

bus primis discesseris, quae Aurelio (y) nescio cui tribuuntur. Sed quum hanc inscriptionem sinceram haut esse vel primo intuitu pateat, nec ratio vlla adpareat, cur post Gregorianum actum agere voluerit Hermogenianus: non praeter rem suspicari mihi videor, Codicem Hermogenianum non nisi supplementum Gregoriani fuisse, adeoque praeter ea, quae Gregorius omiserat, superiorum Principum rescripta Diocletiani solum & Maximiani, vt & eius successorum Constitutiones complexum esse, vsque ad annum Christi CCCXII. (z)

## XX.

(y) Nemo veterum Imperatorum solo Aurelii nomine dictus est. Vnde adparet, Inscriptionem harum Constitutionum minus esse sinceram. Sed certum est, has quoque Constitutiones aut Diocletiani aut Maximiani esse. Nam prior C. AVRELIVS VALERIVS DIOCLETIANVS vocatur in marmoribus apud Gruterum *Inscript. p. CCLXXIX. & MLXXIX.* Posterior vero M. AVRELIVS VALERIVS MAXIMIANVS dicitur non solum in nummis, sed & inscriptionibus apud Gruter. *p. GLIX. & CCLXXIX.* Accedit, quod haec Constitutionum fragmenta in subscriptione habeant Sirmium, ex qua Pannoniae vrbe quam plurimas horum Imperatorum Constitutiones emanasse patet ex *L. 19. L. 24. L. 25. C. de Transact.* aliisque plurimis. Vid. Schulting. *Iurispr. Anteiust.* p. 709.

(z) In Codice Iustiniano Constitutiones quaedam occurrunt, post Diocletianum scriptae, & anteriores tamen epocha Codicis Theodosiani, qualis est *L. ult. C. de Futor. & curat. qui satis non ded.* edita anno CCCVI. & *L. 1. C. de Feriis* priore illa paullulum antiquior. Hae, quum ex Codice Theodosiano desumptae non sint, procul dubio ex alterutro horum Codicum

CUM



XX. Vterque collector profano Deorum cultui addictus fuisse videtur Gothofredo. Hermogeniano sane iureconsulto contra Io. Bertrandum id demonstrarunt Aegid. Menag. *Amoenit. Iur. civ. XI.* & Guil. Grot. *Vit. Iurecons. vet. II, 12. p. 178.* Nec a veritate abluere videtur sententia Gothofredi, qui hos Auctores ideo tantam operam in colligendis vetustiorum Principum epistolis posuisse existimat, ut veteris Iurisprudentiae ante-Constantinianae, quae tum Constantini M. & successorum Constitutionibus quotidie euerteretur, faciem posteritati contemplandam sisterent.

XXI. Periit vterque Codex, praeter fragmenta, quae initio Iac. Sichardus edidit cum *Codice Theodosiano Basileae MDXXVIII. fol. deinde Petrus Gregorius Tholosanus Lugduni MDLXVI. & Iacobus Cuiacius Colon. Ailobr. MDLXXXVI.* & eodem anno *Parisiis* Nouissima absolutissimaque editio est Antonii Schultingii, cuius simul annotationibus illustrata utriusque Codicis fragmenta prodierunt in *Iurisprudentia vetere Ante-Iustinianea p. 683. seq. Lugd. Bat. MDCCXVII. 4.*

XXII. Quum vero hi Codices & priuatim collecti essent, & gentilium tantum Imperatorum rescripta complecterentur: Christianorum quoque Imperatorum a Constantino M. usque ad suam aetatem Constitutiones in va-

stum cum in Corpus Iustinianum migrarunt. Adeoque probabile est, Hermogenianum saltem Codicem per-  
tignisse ad annum CCCVI. Schulting. *ibid.*

stum satis opus collegit THEODOSIUS IUNIOR Imp. circa ann. ccccxxxviii. Gothof. *Proleg. cap. i. n. 111*. Vnde etiam hic Codex inscribitur *Novae leges legitimorum Principum*: itemque *Codex Theodosianus*. (a) Isidor. *Orig. V. 1 p. 925*. Iac. Gothofr. *Prolegom. ad Cod. Theod. I. & II*. Exstat etiamnum hic Codex, qui, post Sichardi, Tilii, Cuiacii, Puteani, Pithoei & Sirmondi curas, luculento commentario Iac. Gothofredi illustratus prodiit *Lugd. clō IDCLXVIII. fol. Tom. VI*.

XXIII.  
Naeui hu-  
ius Codi-  
cis.

XXIII. Nec tamen hic Theodosianus etiam Codex sine naevis est, quos accurate recenset Gothofred. *Proleg. II. p. 187*. Imo nec integer satis ad nos pervenit. Nam CCCXX. circiter Constitutiones occurrunt in Codice Iustiniano, quas in Theodosiano frustra quaesiveris, quarumque indicem confecit Anton. Maruillius, editioni Gothofredi subiectum, sub titulo *Supplementi Codicis Theodosiani*, post Glossarium nomicum.

## XXIV:

(a) Cum hoc Theodosiano Codice caute confundas *Alarici Gothorum Regis Codicem*. Aniani opera compilatum ex particulis Codicis Theodosiani, Gregoriani, Hermogeniani, itemque ex Institutionibus Caeii, Sententiis Pauli & Corpore Vlpiani, hinc inde tamen interpolatis manu eiusdem Aniani. Nam & haec sarrago saepe *Codicis Theodosiani* vel *legis Romanae* nomine laudatur a medii aevi Scriptoribus. Oisellius *Proleg. ad Caeii Inst.* Iac. Sirmond. *Quaest. tripl. ad calcem Var. Opus. Tom. III*. Iac. Gothofred. *Proleg. Cod. Theodof. V. Car. du Fresne Glossar. Lat. voce Lex Romana Tom. II. p. 269*.

(b]

XXIV. Adiiciuntur etiam Codici Theodo-<sup>XXIV.</sup>  
siano Constitutiones *Nouellae*. Theodosii, Va-<sup>Novellae</sup>  
lentiniani III. Marciani, Maioriani, Seueri &<sup>illi adie-</sup>  
Anthemii, a Pithoco primum vulgatae *Parif.*<sup>tae.</sup>  
*MDXXXI.*

XXV. Quum ergo nemo ante haec tempo-<sup>XXV.</sup>  
ra legibus compilatis fecisset operae pretium,<sup>Collectio</sup>  
Iurisprudentiaque esset *ὡς αὐτῶν καμηλῶν πολ-*<sup>Iustiniani.</sup>  
*λῶν, multorum camelorum onus*, vt lepide ait Euna-  
pius *Vit. Aedesi p. 32.* factum est, vt Iustinianus  
Imp. de noua vniuersi iuris collectione cogita-  
re coeperit, laudandus sane hoc nomine, quod  
dignum persona imperioque suo cepit consi-  
lium, felix quoque eo, quod opus a multis ante  
se frustra tentatum perfecit, sed a multis repre-  
hensus, quod non prudentius hoc negotium  
conficiendum curauit, & in eo infelicissimus,  
quod in ea incidit tempora, quibus ob gliscen-  
tem barbariem vix licebat orbi litterario ma-  
gnum quid atque excellens a Iureconsultis eius  
actatis exspectare.

XXVI. Est hic Princeps ancipitis admo-<sup>XXVI.</sup>  
dum famae, & si eius ingenium noueris, lau-<sup>Huius Im-</sup>  
dibus, quas ei vulgus Iureconsultorum adme-<sup>peratoris</sup>  
titur, vix dignus. Fuit sane varius in omni ge-<sup>genius.</sup>  
nere vitae. Cleri pariter ac Theodoraе, mulieris  
scenicae, quam uxorem duxerat, ludibrium, ad  
euertendas pretio leges paratissimus, a pruden-  
tia denique legislatoria parum instructus, si in-  
corrupta fides Procopii in *Anecdosis* a Nic. Ale-  
manno vulgatis, cui nescio an ab Eichelio,  
Gabriele Triuorio aliisque satisfactum sit.

- XXVII. XXXVII. Nec opera vsus est virorum huic labori parium, sed *Dorothei, Theophili*, aliorumque huius commatis Iureconsultorum, & maxime *Triboniani*, cuius indolem post Suidam in voce *Tribonianus*, viuis coloribus depinxit Franc. Hotomanus in *Anti Triboniano cap. XI, & XII. p. 146. seq.* Et quum huius viri imprudentia & sublesta fides ex ipsis operibus eluceat, (quamvis & quaedam ei perperam vitio vertantur,) merito miramur, Io. Chiffletium de *Utriusque Iuris architectis*, & Iannm Vincentium Grauinam de *Ortu & progr. Iur. Civil. CXXXVII. p. 150. seq.* tanto molimine eius causam egisse.
- XXVIII. XXVIII. Huius ergo viri opera, auspiciisque Iustiniani, A. C. DXXXVIII. Id. Febr. primo loco prodiit *Codex Iustinianus prior*, qui quam parum diligenter fuerit a decemviris huic operi praefectis collectus, vel inde patet, quod postea vna litura videretur inducendus. (b) *Conff. Haec quae in fin. de Nom. C. fac.*
- XXIX. XXIX. Deinde xvii. viris datum negotium, conficiendi *Pandectas*, vel *Digesta*, (c) in quae

XXVII.  
Istorum,  
quorum  
opera  
vsus, in-  
doles.

XXVIII.  
Codex Iu-  
stinianus.

XXIX.  
Pande-  
ctae.

(b) Interim laudatur prior iste Codex In Institutionibus, in quibus adeo ad multas Constitutiones remittitur, quae in nostro Codice repetitas praestolantur desiderantur.

(c) *Digestorum* vocabulum iam olim Iureconsultis familiarissimum fuit. Existerunt olim *Digesta* Iuliani, Alpheni Vari, Iuuentii Celsi, Vlpil Marcelli, Cereidii Scacuolae. Pauli. Ita vero vocati sunt libri, in quibus decisiones & disputationes iuris continerentur, ac veluti digestae essent. Bertrand. de Iurisp. I 1. Ita & *Pandectas* scripsere Vlpianus, & Modestinus. (d)

quae Tribonianus eiusque focii, quidquid ex Ictorum scriptis excerpserant, coniecerunt. Sed quam parum diligenter isthoc quoque labore defuncti sint, & brevitatis temporis ostendit, (intra triennium enim tantum opus absoluerunt,) & parum commoda excerpendi methodus, & ordo rerum perturbatissimus, ne ad Edicti quidem perpetui seriem per omnia redactus, (vid. Bynkersh. *Obs* II, 25) & tot denique emblemata, quae iamdudum Pandulphus Præteius in *Iurisprudencia media*, & Iac. Wissenbachius *singulari tractatu* notarunt, quamvis & hic aliquando iniuria fiat Triboniano. Conferatur Iac. Frid. Ludovici *Hist. Pandect.*

XXX. Tum porro sequutae sunt *Institu- XXX.*  
tiones, a Triboniano, Theophilo & Dorotheo, *Institutio-*  
(tantillum scilicet compendium a tribus viris) nes.  
conscriptae. In iis & diuisio librorum, & materiarum ordo aliquando auctorum *ἀπορίαι* arguit. In plerisque sequuti sunt Caium, (d) quem Imperator, vel potius Tribonianus, ideo *suum* vocat. Conf. de eo Caio Menag. *Amoenit. iur.* p. 464. Bertrand. *de Iurisperit.* I. 29. Guil. Grot. *Vis. Iureconf.* II. 7.

## XXXI.

(d) Exstat etiamnum *Caii Institutionum* siue epitome siue *ἀπορραγμάτων*, ab Aniano Wisigotho seruatum, atque hinc inde interpolatum, quod cum aliis eius fragmentis luculentoque commentario edidit Iac. Oisellius & suis aliorumque adiectis notis Ant. Schulting. in *Jurisprud. Ant. Lugd. Bat.* 1717. 4. Saeculo tamen XI. integriores adhuc supersuissse Caii Institutiones, ex Cyni loco memorabili ostendit Bynkersh. *de Reb. manc. cap.* 7. p. 107.

XXXI.  
Codex re-  
petitae  
praele-  
ctionis.

XXXI. Sed ne hic quidem substitit Iustini-  
niani diligentia. Quum enim prior ille Codex  
parum placeret, & in multis Pandectae ab eo  
discederent: denuo V. viris eius emendatio-  
nem commendauit. Vnde prodiit *Codex repe-*  
*titae praelectionis*, promulgatus anno DXXXIV,  
xvi. Kal. Dec. qui etiamnum exstat.

XXXII.  
Nouellae

XXXII. Denique Iustinianus, vt erat ad  
mutandum emendandumque procliuius, multa  
in superioribus libris promulgata ipse sustulit &  
mutauit, editis subinde nouis Constitutionibus,  
quas *Nouellas* adpellant. Nouem earum colle-  
ctiones, vel, vt barbare vocantur, *collationes*, a cu-  
iusnam manu sint, parum constat. (e) Nec  
omnes Iustiniani, sed quaedam etiam Tiberii  
Imp. sunt, vti CLXI. CLXIII. CLXIV. quaedam  
etiam Iustini, uti CXVII. CXL. CXLIV. CXLVIII.  
CXLIX. Id saltem vel ipsa versio ineptissima in-  
dicat, eas collationes e barbaris seculis esse.  
Vnde de Graeco restituendo textu iam dudum  
soliciti fuere eruditi. f) Nouellas CXLIV. Grae-  
ce edidit Greg. Haloander *Norib. MDXXXI.*  
*fol. alias xxxiii*, e codice Fuggeriano extulit  
Henr. Scrimgerus Scotus, quae prodire *ex Ste-*  
*phaniana MDLVIII. fol* Exstant & versiones  
Latinae cultiore stilo adornatae partim a Iulia-  
no

(e) Ipsum enim Tribonianum, qui *Nouellarum* colle-  
ctionem promisit §. 4. *Const. de Emend. Cod.* aucto-  
rem hanc esse, vel ex ipso stilo adparet. Nec magis  
de Berguntione liquet.

(f) Nec omnes tamen Nouellae Graece conceptae. Vid.  
*Nov. 9. 11. 17. 23. 33. 34. 35. 41. 62. 65. 114. 138. 143.*  
*159.* quae manifesto Latine editae a Iustiniano.

(g)

no, (g) Patricio & Antecessore Constantinopolitano, partim a Greg. Haloandro, quarum haec cum Corpore Juris Haloandrino, illa e bibliotheca Pithocorum prodiit *Basf. 1576. f. & Paris. 1689. f.*

XXXIII. *Authenticæ* ex Nouellis desum- XXXIII.  
tae adiectæque Codici iam seculo VI. a Gre- Authenticæ  
gorio M. *Epist. XI, 54. & Iuone Carnot. Part. cae.*

III. *Cap. CLXXXV.* citantur. Vnde nec ab Irnerio sunt, vt vulgo creditur, nec a Iureconsultis Papiensibus, qui tamen forsan eas auxerunt. Vid. *Strauch. Diff. Acad. IV. Cap. 1. 2. Beyer. Posit. Pandect. 1, 2. p. 30. seq.*

XXXIV. Post Iustiniani tempora in oc- XXXIV.  
cidente non adeo magnum iuris Iustiniani Vfus Iuris  
vsum fuisse comperio. *VVisigothi* Codicem Iustiniani  
Theodosianum compilationi Iustinianæ præ- nei in oc-  
ferebant. In *Italia*, quo Longobardorum ar- cidente.  
ma non pertigerunt, *Codex* tantum & *Nouellæ*  
in aliquo pretio erant. Postea a Francis per-  
missum Italici, Iure vel Longobardico vel Ro-  
mano vel Francico uti. Demum ab Irnerii  
tempo-

(g) Ad hunc Iulianum pertinet epigramma Thæceti,  
quod exstat in *Antholog. IV, 1.*

*Τὸν Ἰουλιανὸν νομικῆς φῶς, ἔπειθ' ἰδύσας*

*Ῥώμην καὶ Βερύτην, πάντα φῶς διέταξ;*

*Roma & Berytus conspecto hoc lumine legum*

*Quantum, aiunt, virtus ingeniumque potest!*

Quod elogium ad Saluum Iulianum, Edicti perpetui conditorem, frustra retulerunt Alciat *Dispunct. II, 27. & Bertrand. de Iuris perit. I. 1. p. 30.* merito hinc notati a Menagio *Amoen. Iur. Civil. XXIV. & Guil. Grot. vis. Iureconf. 1, 6. p. 122.*

temporibus enatum est studium Iuris Ciuilis in scholis Italicis. De quibus omnibus videndus Conring. *de Origin. Iur. Germ. cap. XX. seq.*

XXXV.  
In oriente  
Ius Iusti-  
nianeum  
primo  
Graece  
versum.

XXXV. At in oriente non cessatum a compilandi studio, siue quod Imperatores Iustiniani gloriae inuiderent, siue quod eius compilationes ob insignem prolixitatem odissent. Et primo quidem de Graece vertendo Corpore Iuris cogitatum imperante Phoca. Institutionibus ergo eam operam nauauit Theophilus, ille ipse, qui Institutiones cum Triboniano & Dorotheo elaborauit. Eius enim paraphrasin iam laudari a Thalelaeo ipse obseruat Fabrott. *in Praefat. ad Theoph. vid Gundlingiana Part. II. Obs. II.* Pandectis & Codici Thalelaeus, Theodorus Hermopolita, Anatolius & Isidorus. Suares *Notis. Basilic. Tom. I. praemiss.* Vinc. Grauiada *Ortu & progr. Iur. Ciu. n. CXXXIX p. 163. seq.* Theophili paraphrasis potius, quam versio etiamnum exstat, edita primum a Viglio Zuichemo, insigni Frisiae nostrae ornamento, Bas. anno MDXXXIV. deinde a Christiano Wechelio Paris. eodem anno, hinc a Iodoco Petro Neithardo anno MDXLIV, porro a Iac. Curtio anno 1545. Dionysio Gothofredo anno MDLXXXVII. & denique a Carolo Hannibale Fabrotto Paris. 1634. & 1657. Thalelaei opus Pandectarum nondum adspexit lucem. (b)

XXXVI.

- (b) Vidisse se tamen alicubi hanc versionem MSC. testatur Greg. Haloand. in *praefat. Nouellar.* Quem admodum & Codicem Graecum visum esse in Creta insula, tradit Suallenb. in *proleg. Harmonop.*

(i)



XXXVI. Postea Basilus Macedo nouam collectionem instituit, desiderans in Iustiniano corpore breuitatem, perspicuitatem ordinemque concinnum. Cedren. *Annal.* p. 568. Leon. Imp. *prooem. ad Basilica* Sed morte praeuentus non nisi epitomen edidit Codicis Iustiniani, quam *πρόχειρον* & νόμον adpellauit. Perit hoc opus praeter fragmenta quaedam de nuptiis. Io. Leuncl. *Iur. Graeco Rom. Lib. II.* p. 86 aliudque apud Baron. *Ann. DCCCXXVI. n. XII.*

XXXVII. Deinde noua collectio tentata a Basilio.

XXXVII. In labore illo Basilio, idem, qui in imperio successit Leo, filius, insigni rerum scientia σοφῶ vel φιλοσόφῳ cognomen adeptus. Et is quidem edidit βασιλικὰ νόμιμα, vel διατάξεις βασιλικὰς ex Pandectis & Codice, omisiss tamen Iureconsultorum & Imperatorum nominibus, compilata, Suares *l. c.*

XXXVII. Et Leone.

XXXVIII. Denique Constantinus Porphyrogeneta, frater Leonis natu minor, edidit repetitam βασιλικῶν praelectionem, quæ & πρόχειρον μέγα, vt & τὸ πλάτῳ & νόμων nec non τὸ πλάτῳ, absolute appellatur. Et haec ipsa sunt illa βασιλικά, quorum libros XXVIII, XXIX, XXX, XLV, XLVI, XLVII, XLVIII, edidit Gentianus Heruetus Paris. c. Io. Io. lvi. Librum LX, Iac. Cuiacius, vtrique coniunctim sub titulo βασιλικῶν διατάξεων Dionys. Gothofredus *Harou* 1606. fol. Libr. XXXVIII, & XXXIX. ex Cuiacii schedis emisit Car. Labbacus Paris. c. Io. Io. cix. Integra βασιλικά (i) Graeca & Latina

XXXVIII. Nec non Constantino Porphyrogeneta. Vnde natum opus βασιλικῶν.

(i) Libri tamen XIX. XXXI. XXXII. XXXIII. XXXIV. XXXV. XXXVI. XXXVII. XXXVIII. XLIII.

tina debemus Car. Annib. Fabrotto, quicquid publicavit *Parif. 1607. f. Tomis VII.*

XXXIX. XXXIX. Succedere variae epitomae, quales sunt I.) *πρόχειρον μικρόν* ab iisdem Imperatoribus confectum, quod & *ἐκλογῆς καὶ ἐπιδιορθώσεως* nomine venit. (κ) II.) Index *νομικῶν κατὰ στοιχείων* per alphabeti seriem digestus, a Io. Sambuco Pannonio Tarenti repertus & sub titulo *ἐκλογῆς βασιλικῆς* editus a Io. Leunclauio *Basil. 1576.* Auctor fertur Romanus Lacapenus. Vid. Cuiac. *Obs. XVIII, 37. III.)* Mich. Attaliothae, iudicis & Procos. *πρόημα seu ταγματική*, tempore Michaëlis Ducac-compilata. (δ) IV.) Michaëlis Pselli *synopsis*, quae ius compendiarium versibus politicis complexus est. (μ) V.) *πρόχειρον*

χρησμον

XLIII. XLIV. XLIX. & LIX. non sunt authentici, sed a Fabrotto ex Synopsi *βασιλικῶν*, & Theodoro Hermopolita, Constant. Harmenopulo & Cuiacii Commentariis vicumque compilati. Forsan etiam in bibliotheca quadam latitant. Ita ominabar, secundam editionem quum pararem. Vatem me fuisse haut vanum, nuper demum intellexi Amstelodami ex V. A. Corn. a Bynkershoeck, qui se bonam horum partem a iuvene nobili, Parisiis redeunte, nactum referebat. Gratulamur saeculo hunc thesaurum, maxime si obstetricias viri doctissimi manus experietur.

(κ) Eius titulos priores XXVIII. exhibet Io. Leunclau. *Jur. Graeco Rom. Tom. II. p. 79.* Conf. Lambec. *Bibl. Vind. Lib. V p. 162.* & *Lib. VI. p. 24. 25.*

(δ) Edidit illud *πρόημα* sub titulo *σύντομος ἀνακτι συνοψίς* Io. Leunclau. *Tom. II. p. 1.*

(μ) Prodiit ea synopsis cum aliis quibusdam Mich. Pselli *opusculis* cura Franc. Bosqueti *Parif. 1632. 8.*

(n)

χαρῶν Constantini Harmenopuli, qui circa annum ccccxlvi. floruit (n) ex Basilicis contractum, & nuncupatum ἱεραβιβλον. Ei non abfimile VI. Antiochi Balsamonis προχαρῶν, & si qua sunt huius generis alia.

XL. Denique Turcae, capta Constantino-<sup>XL. Finis</sup> poli, & Graecorum imperio, & Iuris Roma-<sup>iuris Iustini-</sup>ni in oriente studio finem fecerunt, dubiumque<sup>nianei in</sup> est, an in Turcicis dicasteriis quaedam iuris Iustinianei reliquiae serventur. Vid. Grocne-<sup>Oriente.</sup>weg. *ad proem. Instit. num. I.* Feltmann, *ad L. 22. §. 3. D. de Orig. iur.* Pagenstech. *Sicilim. Manip. 2. p. 105.* Leonis certe Nouellas hodie-  
num in Graecia non extra usum esse, patet ex Christ. Angeli *de Statu Eccl. Graecae p. 112. & 115.* & observavit id Bynkersh. *Obs. IV, 1. p. 385.*

XLI. At in occidente a saeculo XII. magis<sup>XLI. Etus</sup> magisque in academias & fora irrepere coepit<sup>in incremen-</sup> ius Iustinianum, cuius tot ex eo tempore pro-<sup>ta in occi-</sup>dierunt editiones, glossae, commentarii, paratitla, systemata, compendia, ut eorum mole & multitudine laboremus.

XLII. Quum Iustinianus §. 3. hujus pro-<sup>XLII. Ra-</sup>oemii & §. 2. sequentis tituli nonnulla quoque<sup>tio vete-</sup> de docendae discendaeque Iurisprudentiae ra-<sup>rum tra-</sup>tione moneat: licebit & nobis ea de re ex an-<sup>ctandi ius</sup>tiquitatibus differere. Iuris scientiam olim in latenti habebant patricii, (o) nec temere sole-  
bant

(n) Editus est Harmenopulus Graece & Latine cum notis Jo. Merceri & Dionysii Gothofredi *Gen. 1587.*

(o) Ilinc est, quod Iureconsulti adpellantur *principes ci-*  
*uitatis*

bant quemquam, nisi sui ordinis, hisce sacris initiare. Cicero *de Offic.* II, 19. *Cum multa praeclara maiorum, tum quod optime constituti Iuris Civilis summo semper in honore fuit cognitio atque interpretatio. Quam quidem ante hanc confusionem temporum in POSSESSIONE SVA PRINCIPES retinuerunt: nunc ut honoris, ut omnis dignitatis gradus, sic huius scientiae splendor deletus est.* Addi poterit eiusdem Ciceronis *Oratio pro Muraena XII.* & *de Oratore I, 41.* Et videtur sane antiquissimis temporibus Iurisprudencia, veluti traditione quadam conseruata inter patricios, vsu magis quam institutione addisci consueuisse. Quod non difficile erat in tanta Romanarum legum paucitate.

XLIII.  
Methodus  
eorundem  
tradendi  
Iurispru-  
dentiam.

XLIII. Primus veterum hanc consuetudinem migravit Tiberius Coruncanius, primus e plebe Pontifex Maximus, anno V. C. 10. Is enim odio patriciorum iuris cognitionem, quam alii in latenti habuerunt, paullo amplius diuulgauit, & discantibus se dare coepit, *L. 2. §. 35. D. de O. I.* Eius exemplum deinde sequuti sunt alii, veluti Q. Mucius Scaeuola, C. Aquilius Gallus, L. Lucilius Balbus, T. Iuuentius, Q. Cornelius Maximus, & inprimis Seruius Sulpicius, quorum ex aedibus, tanquam ex

equo

*misatis.* Cuiac. *ad Pompon L. 2. §. 35. D. de Orig. Jur. p. 1188. maximique viri.* Pompon. *d. L. 2. §. 35.* Hinc illa Mucii obiurgatio: *Turpe esse patricio & nobili, & causas oranti ius, in quo versaremur. 1200-rare. L. 2. §. 43 D. eod. Conf. G. Schubart de Fatis Iurisp. Rom. Ex. I, 16. p. 28.*

(p)

equo Troiano, magna praestantissimorum Iureconsultorum frequentia prodiit. Quum vero hi omnes amplissimos in vrbe honores gesserint: facile est ad existimandum, eos non scholas aperuisse, aut leui didactro inuitatos subsellia posuisse discipulis. Sed solebant, quum de iure consulentibus responderent, admittere iuuenes, qui audirent, notarentque responsa, rationemque tradendi atque interpretandi iuris, adeoque vna opera & consulentibus & discipulis satisfacere. Cicero in *Oratione ad Brut.* *XXI.* *Ius civile docere, semper pulcrum fuit, hominumque clarissimorum discipulis floruerunt domus.* Et paucis interiectis: *Alteros respondentes audire sat erat, ut ii, qui docerent, nullum sibi ad eam rem tempus ipsi seponerent, sed eodem tempore & discipulis satisfacerent, & consulentibus.* Ac denique in *Bruto LXXXIX.* *Ego autem, iuris civilis studio, multum operae dabam Q. Scaeuolae, P. F. qui quamquam nemini ad docendum dabat, tamen consulentibus respondendo, studiosos audiendi docebat.* Ex quibus patet, vsu magis atque exercitatione, quam doctrina, veteres ad tantam de iure respondendi facultatem adspirasse.

XLIV. Sub Christianis Imperatoribus publica Romae schola floruit, Iurisprudentiae etiam studiis consecrata, de qua infra dicemus *Lib. 1. Tit. XXV. n. XX. seq.* Docuerunt in ea schola Iureconsulti vel Antecessores duo, tempore Theodosii iunioris, *L. vn. C. Theod. de Stud. lib. vrb. Rom. & Const.* antea tamen eodem instituto, quo veteres erant vsi, iuuenes domi

XLIV.

Schola iuridica Romana,

ha-

habuisse videntur Papinianus, de cuius discipulis Lamprid. in *Alex. Seu. LXVIII.* aliique Iureconfulti egregii, quorum in Digestis fragmenta exstant.

XLV. Methodus docendi in scholis iuridicis ante & post Iustinianum.

XLV. Denique a tertio saeculo tres praecipue scholae floruerunt iuridicae, Romae, Constantinopoli, & Beryti, hoc privilegio munitae, ut non liceret alibi cuiquam ius docere, ceu infra docuimus *Lib. I. Tit. XXV. n. XX. seq.* in his scholis ea servata methodus, ut primo anno non nisi ad limina legitimae scientiae admitterentur, dicti ideo *dupondii*, quasi nullius pretii homines (p). Secundo anno Edicti audiebant interpretationem, unde & *Edictales* cognominati. Tertio anno ad praelectiones in priores octo libros Responsorum Papiniani admittebantur, atque inde dicebantur *Papinianistae*, quo nomine adeo sibi placebant iurium studiosi, ut diem, quo eius doctrina primum fuerant initiati, festum sollemnemque haberent. Bertrand. *de Iurisperit. l. 2. p. 38.* Quarto anno Responso Pauli in manibus erant, eaque tunc ipsi recitabant, & tum dicebantur *ῥῆται*, quasi soluendis quaestionibus idonei, vel ut ait Iuvenalis *Satyr. VIII. Qui iuris nodos legumque aenigmata*

(p). Seneca *Contron. X. 1. Ita ne peribunt decem iuvenes propter dipondios duos* Hieronym. *ad Heluid p. 12. Tom. VI. Op. Quis te, oro, dupondio suppuebat* Et Petron. *p. 13. dupondium* pro pretio vilissimo accipit, ubi addendae virorum doctorum observationes, & Cuiac. *Observ. XII. 40.* Nemo non hic deprehendet speciem quamdam monstri illius scholastici, quod recentiore aetate Penafisini nomine academias inuaserat.

9)

*mata solvunt.* Vnde errant, qui *λύται* vertunt solutos: sic enim dici debuissent *λύτοι*, vt recte observat Turneb. *Advers. VIII, 19.* Quinto anno, quo Constitutiones addebant, *πολύται* dicti. Sed mutavit nonnulla Iustinianus, qui primo anno Institutiones suas & *ἀπώτα* legum praelegi, novitiosque *Iustinianos novos* dici voluit: secundo quosdam Digestorum libros, quos ipse praescribit, per vicissitudinem interpretandos, audiebant, servato *edictalium* cognomine. Tertio anno *Papinianistas* vocari concessit, sed audire eos iussit libros Digestorum XX. & XXI. Reliquos Digestorum libros adiiciebant anno quarto, quo *λύται* dicti, quemadmodum quinto Codicem iungebant, & *πολύτων* nomen eo ipso merebantur. Vid. Iustin. *Orat. ad Antecessores* §. 2. 3. 4. 5. & ibi interpretes.

LIB. I. TIT. I.

DE

IVSTITIA ET IVRE.

**T**itulo hoc Institutionum non inculcantur leges quaedam Romanae, sed principia generalia, & quae ad ideam Iustitiae & Iuris concipiendam faciunt. Quum ergo in definitione Iustitiae & Iuris a recentioris scholae placitis se procul seiunxerint veteres Iureconsulti: ratio eius rei ex Antiquitate erit reddenda. I. Iuris

I. Iurisconsulti itaque, quod inter omnes constat, plerique cum legum studio Philosophiam olim coniunxere, ex eiusque principiis leges phiae.

C

leges sunt interpretati. Vnde Cicero *de Legib. l. 5. Iurisprudentiam non a Praetoris edicto, ut plerique sua aetate fecerint, neque e XII. Tabulis. sed penitus ex intima Philosophia petendam* putabat.

II. Maxime Stoicac.

II. Quamuis vero non eadem omnes sectae nomen dederint, & Epicureae imprimis fauerint C. TREBATIVS TESTA (a) (Cic. *VII. Epist. 12* Gassend. *de vit. & morib. Epic. Tom. V. Op. p. 188.* Aegid. Menag. *Amoenit. iur. p. 80.*) ALFENUS VARVS (L. 76. D. *de Iudic.* & ibi interpretes) & alii: plerique tamen teste Athenaeo *Deipnos. VI, 8.* Stoicam Philosophiam maximi habuerunt, vel quia Zeno minime, ut aliae sectae Philosophorum, a rebus gerendis auocabat, (Diog. Laert. VII, 122. & 130.) eaque secta *turbidos & negotiorum appetentes* facere videbatur; Tacit. *Ann. XIV. 57.* vel quia isti sapientes Philosophiam practicam felicius, quam alii excoluerant. Et hinc Stoica Philosophia *summa* dicitur *sapientia* L. 2. D. *de Leg.* (b) Multis id demonstrarunt Schilterus in *Manuductione Philosop. moral. ad Iurisprud. Cap. I.* Vinc. Graulina *de Ortu & progressu. Iur. Civil. num. XLIV. p. 80.* Em. Merill. *Obseru. I. 8.* & singulari ac pererudita oratione V. C. Euerardus Otto.

III. Vnde multa in Iure Stoicac.

III. Hinc frequentissimae in iure nostro I. Deri-

(a) Dissentit Schilter. *Manud. Phil. mor. ad Iurispr. l. 6. p. 7.* Sed Trebati initio Stoicus, postea Epicureus factus videtur, Cic. *Epist. VII, 12.*

(b) Fallitur ergo Paganin. Gaudent. *de Ortu & progressu. Philos. ap. Rom. cap. XLIII. p. 106.* qui plerosque lectos cum Aristotele potius & Platone sensisse putat. Conf. *Obs. Hal. VII. p. 252.*

(a)



*Derivationes nominum* satis contortae, quales Stoicis erant sollemnes, e. g. testamentum, quasi *testatio mentis*; mutuum, quasi *quod ex meo fit tuum*. Vid. Cuiac. *Ob XI*, 27 Em. Merill. *Obseru. I*, 8. *seq* Frequentissimae II. *Definitiones* mere Stoicae, qualis est etiam in hoc titulo definitio Iuris Naturae. Frequentissimae III. *Diuisiones Stoicae*, qualem esse illam rerum corporalium & incorporalium, ex Sexti Empirici *VII. adu. Mathem.* & Senec. *Epist. LVIII.* obseruauit Oiselius *ad Cuii Inst II*, 1, 1. p. m. 73. Frequentissimae denique IV. *Decisiones* ex interioribus Philosophiae Stoicae principiis deriuatae, quales collegerunt Vinc. Grauius l. c. Schilterus l. c. & V. C. Euerardus Otto *de Philos Stoica Iurec.*

IV. Quamuis vero Philosophiae amanti-  
mi essent Romani Iureconsulti, semper tamen  
inter eos reliquosque Philosophos ἀπυλάτους, in-  
primis Epicureos, quaedam intercessisse vide-  
tur aemulatio. Eoque pertinere arbitramur  
verbosam illam Vlpiani declamationem de ve-  
ra non fucata Iureconsultorum Philosophia L. 1 §. 1.  
*D. de Iustit. & Iure*, nec non quae Horatius *Lib I.*  
*Epist. I.* canit: *Nunc agilis ffo, & merfor CIVI-*  
**LIBVS VNDIS**, *Virtutis verae custos rigi-*  
*duisque sacerdos* Conf. Cic. *Epist. III*, 9. 10. vbi  
Epicuri Philosophia ἀπράγματος ASTVTA voca-  
tur. Locum praeclare explicari memini in  
Gundlingianis.

V. Et ista quidem aemulatione factum est,  
vt Iureconsulti ea, quae Philosophorum erant  
propria, ad se raperent, e. g. vt definitionem

IV. Ae-  
mulatio  
inter Iu-  
reconsul-  
tos & Phil-  
osophos.

V. Cor Iu-  
reconsulti  
multa Phil-  
osopho-  
rum pro-  
pria sunt

adplicarent.

Philosophiae Iuri suo adplicarent: § 1. *Inst. b. t.* vt loco iuridicae definitionis Iustitiae darent mere moralem & philosophicam: & denique ipsa illa iuris praecepta §. 3. *Inst. b. t.* ex Philosophia morali Stoicorum in Ius transferrent. Conf. Schilter. *l. c.* Christ, Thomas. *Annot. ad Inst. b. t.* Ger. Noodt. *Jul. Paul. X. p. 365* & quae nos obseruauimus in *Elem. Iuris Ciuil. b. t.*

## TIT. II.

D E

## IVRE NAT. GENT. ET CIVILI.

**A** Gitur hoc titulo de *diuersis speciebus Iuris*. Quum vero iam superiore titulo, cur hunc potissimum de Iure Naturae & Gentium sibi conceptum formarint, abunde explicatum sit: iam ex Antiquitate varia Iuris Civilis genera sunt explicanda, docendumque, quid *Lex* fuerit, quid *Plebiscitum*, quid *Praetores* & *Aediles*; quid item *Iureconsulti* ad locupletandum Ius Romanum contulerint, quid denique *Imperatores* in legibus Romanis, earumque ferendarum ratione immutarint.

I. Leges proprie sic dictae a quibus latae?

I. *Lex* Romanis, libera adhuc Republica, vocabatur, quam populus Romanus, Superiore Magistratu rogante, constituebat. (a) §. 4. *Inst. b. t.* Eiusmodi Magistratus Superiores, quibus cum populo agendi ius esset, praeter Reges,

Inter-

(a) In libera ergo Republica ad legislationem omnes concurrebant, & hinc patet ratio, cur *lex communis Reipublicae sponsio* vocetur Vlpiano *L. 1. D. de Legib.*

(b)

Interreges, Dictatores, Consules, erant Tribuni militum Cos. potestate, Censores, Praetores. Hinc non ignotae leges *Regiae*; non ignota lex Aemilia de censura a *Dictatore*; lex Aelia Sentia, a *Coss.* lex Pinaria de ambitu a *Tribuno mil. Cos. pot.* lex Caecilia de fullonibus a *Censoribu.* (\*) Plin. *Hist. Nat.* XXXV, 17.) lex Aurelia iudiciaria a *Praetore* (Flor. *Epit. Liu.* CXVII.) latae.

II. Ab his ergo Magistratibus, lex, si qua <sup>II. Earum</sup> opus videretur, primo domi *scribenda* erat. <sup>scriptio.</sup>

Quod fiebat adhibitis viris prudentibus & necessariis, cum quibus expendere solebant, an lex esset e Republica, maiorumque moribus conueniret. Vnde plerumque additae formulae: SI QUID IVS NON FVIT ROGARI, EIVS HAC LEGE NIHIL ESSET ROGATVM, itemque: SI QUID CONTRA ALIAS LEGES EIVS LEGIS ERGO LATVM ESSET, VTELQVIEAM LEGEM ROGASSET, IMPVNE ESSET. Cic. *ad Attic.* III, 23. Conf. Brissón, *de Form.* II. p. 138.

III. Scripta lex *communicabatur cum Senatu*, sine cuius auctoritate cum populo agere nefas <sup>III. Communicatio cum Senatu.</sup> habebatur. Liu. I, 17. Plutarch. *in Coriolan.* p. 227. Quum vero Senatus nonnunquam difficilior esset in permittendis comitiis, lege Maenia cautum est, *vti, rogatore comitiarum iusto postulante, patres ante inita suffragia fierent auctores eius rei,* quam

(\*) Alioquin non negatur, saepe etiam *leges censorias* adpellari Censorum edicta, quibus conditiones locationum publicarum proponebant. Gell. XV, 11. Vid. Gundlingiana *Pari.* XVI. *Obs.* 1. §. XXVI, p. 61.

quam populus insurrexisset. Cic. in Bruto. cap. XIV. In eandem sententiam legem tulit Q. Publilius Dictator apud Liu. VIII, 12. Et postea quum iste mos desuetudine obumbraretur, illum de nouo in usum reuocauit L. Cornelius Sulla. Vid. Appian. de Bello ciuil. l. p. 650.

IV. Pro-  
mulgatio.

IV. Hinc porro legis sequebatur promulgatio. Publice enim lex proponebatur, vt quilibet e populo eam legere, expendere, & ferendane esset, an antiquanda, secum statuere posset. Spatium promulgationis erat *trinundinum*, vt lex noua etiam a rustica plebe, quae singulis nundinis rure in urbem venebat, legi ponderarique posset. Cic. pro Domocap. XVI. & Phil V, cap. 11. Manut. de Leg p. 839. Addebatur editum, vt populus in proximum trinundinum in campo Martio conueniret. Gell. Noct. Attic. XIII, 14. Quum tamen ipsis nundinis cum populo agere haut liceret: comitia plerumque in sequentem diem indicebantur. Macrob. Saturn. I, 16. Et his demum omnibus obseruatis, magistratus quis POPVLVM IVRE ROGASSE, POPVLVSQVE IVRE SCIVISSE dicebatur. Cic. Philipp. I, 10. (b)

V. Recita-  
tio per  
praeco-  
nem  
con-  
suetu-  
dinem.

V. Lex ipsa ferebatur in comitiis, olim incuriatis, postea & centuriatis, & tributis, ad quae vbi populus in campum Martium vel in comitium ad rostra confluxisset, praeco primum legem

(b) Neque tamen promulgatio sola faciebat legem, sed populi suffragium. Sola lex Didia Licinia tanto studio patrum lata est, vt SCO caueretur, vt eam promulgatam omnes seruarent. Macrob. II, 13.

(c)

gem *recitabat*; dein is plerumque, qui rogaturus erat, eandem *sua*debat, quod & alii faciebant nonnunquam. Nec deerant, qui *dissuaderent*, id quod cum Tribuni plebis, tum etiam priuati, si quibus a Magistratu concio dabatur, facere poterant. Liu. *XLV*, 21. Nonnunquam & ii ipsi, qui legem rogaturi erant, eam dissuadebant, si forte non ex sua, sed Senatus sententia legem ferrent. Exemplum Pisonis consulis refert Cic. *Epist. ad Att. I*, 14. cui cum fructu addes, quae nos nuper disseruimus in *Comment. ad Leg. Jul. & Papiam Lib. I, cap. 4. p. 84.*

VI. Auditis orationibus praesentibusque sacerdotibus & diuina exponentibus, (Dionys. *X. p. 681.*) *fitella* vel *urna* deferrebat, in quam coniciebantur centuriarum nomina. Deinde sortibus aequatis fiebat *sortitio*, quaeque prima centuria, quae secunda, quae tertia de *fitella* exiisset, ea eundem in suffragiis locum atque ordinem obtinebat. (c) Quae prima forte exierat, prima ferebat suffragia, atque inde PRAEROGATIVA, proxime sequentes PRIMO VOCATAE vocabantur. Reliquae IVRE VOCATAE dicebantur. Ascon. Paedian. in Cic. *Diuiat. p. m. 1819.* Liu. *X*, 22, XXVII, 6. Exemplum est in lege Thoria apud Sigon. *de Ant. Iure Ital. II*, 2. p. 638.

VI. Auspicia & sortitio.

VII.

(c) Sequiorum temporum est haec *sortitio*. Sub Tullo enim Rege primae ad suffragium vocabantur maximi census centuriae, in prima & secunda classe descriptae, quae, quia reliquas numero superabant, plerumque rem conficiebant, ut adeo raro vocarentur reliquae. Dionys. Hal. *Antiq. Rom. VI*, p. 224. *seq. VII*, p. 464. Liu. *I*, 43.

C 4

(d)

VII. Intercessio  
facta a Tri-  
bunis, Au-  
guribus,  
Coll.

VII. Interim licebat iis, quorum intererat, legi *intercedere*. Faciebant id *Tribuni plebis* sollemni illo VETO. Liu. VII, 17. XXVII, 6. XLV, 21. Faciebant & Consules, vel intercedendo, Dionys. Hal. VIII. p. 557. vel comitiales dies eximendo, vel supplicationes decernendo, vel ferias Latinas indicendo. Cic. ad Quint. Fratr. II. Ep. 7. Faciebant idem & *Augures & Magistratus*, quorum erat, de coelo servare. Qui si quidquam aduersi visum auditumque obnunciarent, (d) comitia impediabantur, reque infecta discedebatur.

VIII.  
Rogatio,

VIII. Si nihil sinistri obnunciabatur, ipsa iam fiebat *rogatio*, sollemni formula: VELITIS IVBEATIS QVIRITES HOC ITA VTI DIXI ITA VOS QVIRITES ROGO. Cic. pro Domo XVIII. seq. (e) Tum addebatur: SI VOBIS VIDETVR, DISCEDITE QVIRITES.

(d) E. g. si fulsisset de coelo. si tonasset, si bubo volasset a sinistra, si aues triste quid portendissent, si quis morbo comitali repente correptus concidisset &c. Longa enim est fabula, de qua Paul. Manut. de Legib. p. 848. Paul. Merula de Comit. III. p. 17. seq. Struv. Antiq. Rom. Synt. VI. p. 269. Ceterum haec omnia ideo inuenta, ut Magistratus, vel collegarum, vel populi consilia periculosa bonis rationibus turbare possent. Dio Cass. XXXIII. p. 66. Cic. de Leg. III. 12.

(e) Notanda hic quaedam vocabula, quae subinde confundi solent ab iis, qui sunt in Antiquitatibus Romanis hospites. Lex ROGATVR, dum fertur: ABROGATVR, dum tollitur: DEROGATVR eadem, dum quoddam eius caput aboletur, SVBROGATVR, dum aliquid adicitur, OBROGATVR denique, quoties aliquid in ea mutatur. Vlpian. Fragm. l. 3.

(f)

TES. Quo facto in suam quisque centuriam discedebat, in qua erat suffragium laturus. Ascon. Paedian. in Cic. *Orat. pro Corn. Balbo*. p. 1310.

IX. Facta discessione, ferebantur *suffragia*, IX. Suffra- olim quidem voce; post tabellariam vero le- gia per ta- gem *tabellis*, quarum alteri inscriptum V. R. *vti* bellas la- *rogas*, alteri A, id est *antiqua prebo*. Cic. *Epist. ad Attic. I, 14* Tullit eiusmodi legem tabellari- am L. Cassius Trib. pleb. (f) C. Mario VI. & L. Valerio Flacco Cos. Cic. *de Leg. lib. III*. Sed de iudiciis publicis. Vnde & in numis familiae Cassiae egregium tabellariae istius legis moni- mentum occurrit. Vid. Fulv. Vrsin. *de Famil. Rom. p. 67. edit. Patini*. De comitiis iam antea similis exstabat lex Gabinia.

X. Distribuebantur hac tabulae per *diribi-* X. Modus *tores*, quibus nongenti *custodes* adstabant, daturi & ordo operam, ne qua fraus in distribuendis tabellis *suffragan-* admitteretur. Plin. *Hist. Nat. XXXIII, 11*. Et *di in pon-* exstructi quidem in campo Martio erant *tibus*. *pontes* centum nongenti tres, totidem scilicet, quot numerabantur centuriae. Hi nihil aliud erant, quam angustae quaedam substructiones, opere subitaneo e tabulatis solo editis adornatae, per quas iis, qui suffragia ferrent, viritim esset transfundendum. His ergo in capite pontium mini-

(f) Sed non primus. Blennio enim ante *legem* eius- modi *tabellariam* tolerat A. Gabinius, Trib. pleb. Quae ergo Gabinius statuerat de comitiis: ea ad iudicia etiam transtulit Cassius, inuenitque tabulas, quibus inscriptum A. *absoluo*, C. *condemno*, NL. *non liquet*.

strabantur binae istae tabellae, quarum alterutram deinde in extremo ponte *cislulae* immittebant. Plutarch. *in Mario*. p. 407. Fiebat id ita, ut praeco singulas centurias, eo ordine, quo forte exissent, ad suffragia vocaret. Quicunque vero ex ea centuria primus rogabatur, PRIMVS nuncupabatur. Cic. *pro Plancio XIV*. Reuerſi e ponte intra cancellos concluderentur, quos *ouilia* vocat Lucanus, *Pharsal. II, v. 197*.  
- - & miserae maculauit ouilia Romae.

Conf. Nic. Gruch. *de Comit. Rom. I, p. 688*. Omnia haec accurate depicta sistit egregius P. Licinii Neruae numus, quem exhibent Fulv. Ursin. *Famil. Rom. p. 149. edit. Patin.* Ezech. Spanhem. *de Uſu & praestant. numism. Diff. I<sup>ra</sup> I. p. 579*.

XI. Suffragiorum di-  
rentio.

XI. Latis hoc ordine suffragiis, *direntio* fiebat. Numerabantur enim tabellae a singulis custodibus, numerusque earundem *punctis* (g) notabatur, Cic. *Philipp. II, 33. & pro Planc. XXII*. quo ea centuriarum sententia renunciaretur, in quam plurima suffragia conuenissent, & reticeretur, quae paribus esset distracta suffragiis. Si plures sententiae legem probassent: SCITA vel PERLATA; si plures eandem reieciſſent, ANTIQVATA dicebatur. Manut. *de Legib. p. 842*.

XII.

(g) Inde nata phraſis: *omne punctum ferre*. Horat. *Art. poet. v. 343*.

*Omne tuis punctum, qui miscuit utile dulci.*

De qua loquutione, ipsoque hoc ritu conferri metetur Saurio ad Sidon. *Carm. II. 20. & Epiſt. ult.*

(b)



XII. Perlatam legem primo *iureiurando* XII. Le-  
confirmatam, deinde *aeri incisam delatamque in* gum con-  
*aerarium* legimus. Manut. *de Legib.* p. 843. Vnde firmatio.  
patet, quatenam sint illa apud Ovid. *Metam.* l. 91.

- - *Verba minacia fixo aere.*

Exstant eius ritus vestigia in *L. 8. pr. D. ad L. Iul. pecul.* Conf. Iust. Rycqu. *de Capitol.* cap. XXX. p. 374 *seq.*

XIII. Nomina leges plerumque accipiebant XIII. Ea-  
ab utroque Consule, e. g. lex *Aelia Sentia*, *Papia* rundem  
*Poppaea*, *Fusia Caninia*. Nonnunquam vni- cognomi-  
cum iis cognomen dabatur, si a Dictatore vel na.  
Praetore vel Censore latae essent. Tales sunt  
lex *Aemilia*, lex *Aurelia* & aliae. Addebantur in-  
terdum alia cognomina, a materia legis de-  
sumta, veluti lex *Cornelia sumptuaria*, lex *Gabinia*  
*tabellaria*, lex *Cassia agraria*.

XIV. Quo *stilo* scribi concipique solitae XIV. Quo  
sint leges, ex multis antiquis monumentis ad- stilo con-  
paret. Qualia sunt leges antiquae apud Reines. signatae.  
*Inscript.* CCCCLXXIII, ut & cgregium frag-  
mentum legis *Scruiliae* apud Car. Sigon. *de Iu-*  
*dic.* II, 27. p. 422. nec non legis *Thoriae* apud  
eundem *de Iure Ital.* II. p. 638. Adde Barn. Bris-  
son. *de Form.* p. 141. *seq.*

XV. Haec de legibus. Sequuntur *Plebiscita*, XV. Ple-  
quae & ipsa leges vulgo vocantur, ceu exemplo bescita.  
legum  *Iciliae*, *Voconiae*, *Aquiliae*, *Cinciae* alia-  
rumque adparet, quamvis id more antiquo  
non fieret, (b) teste Gellio XV. 27. XX. 20.

XVI.

(b) Primo, quum patricii plebiscitis teneri nollent,  
*plebiscita* vocabantur. Post leges *Horatiam*, *Publiam*  
&

XVI. Eorum differentia a legibus proprie sic dictis.

XVI. Erant plebiscita, quae plebs, plebeio Magistratu interrogante, constituebat. §. 4. *Inst. de Iure Nat. Gent. & Ciu.* Ea quum eodem fere ritu, quo ipsae leges conderentur; differentiae tantum legum & plebiscitorum erunt notandae. Lex ergo a superiore Magistratu; plebiscitum a plebeio, id est, Tribuno plebis rogabatur, & eo quidem, cui illud e collegio sorte vel reliquorum collegarum consensu obtigisset. Liu. III. 65. Lex suffragante vniuerso populo, plebiscitum suffragante plebe condebatur. Liu. II, 56. Dionys. Hal. IX. p. 598. Tribuni enim nec aduocare patricios, neque ad eos referre viam de re poterant. Gell. *Noct. Attic.* XV. 27. Leges in campo Martio ferebantur, & comitio; plebiscita, non in eo tantum, sed & nonnunquam in circo Flaminio, aut in Capitolio, maxime vero in comitio, vbi ex *rostris* tribuni ad plebem concionabantur. (i) Docent id exempla apud Ciceronem. *Epist. ad Attic.* I. 1. *ad Famil.* VII. 30. Plutarch. in *Gracch.* p. 832. Liu. III. 54. XXV. 3 XLV. 36. Leges in Comitiiis centuriatis & tributis; plebiscita in solis tributis condebantur, vbi non opus erat vel SCto vel auspiciis. Dionys. Halic. IX. p. 598. & 605. Solebant tamen

& Hortensiam leges dicebantur, vel leges tribuniciae. Cic. *de leg. Agrar.* II. 8.

(i) Hinc *rostra* inter praecipua tribuniciae potestatis insignia sunt. Hinc M. Lollius Palikanus, quam tribuniciam potestatem a Sulla abrogatam restituisset, *rostra* in numis suis signari iussit. Vid. Fulv. Ursin. *de Famil. Rom.* p. 158. edit. Pasini.

(k)

tamen nonnunquam & Tribuni plebis aues  
 consulere, & de coelo seruare, quando legem  
 erant interrogaturi. Exempla sunt apud Plut.  
*in Gracchis* p. 832. & Cicer. *in Vatini*. Cap VII. Le-  
 ges plerumque Tribuni plebis; plebiscita pa-  
 tricii & postea Magistratus dissuadebant, quam-  
 uis eam facultatem Coss. adimere conaretur  
 Volero, Tribunus plebis. Dionys. Hal. IX. p. 598.  
 Sortitio etiam in plebiscitis duplex fiebat, qua-  
 rum altera, in qua tribu Latini suffragium fer-  
 rent, explorabatur, altera inter ipsas tribus fie-  
 bat sortitio. Liu. XXV. 3. Quidquid ergo tri-  
 butim plebs ita iussisset, id ratum habebatur, &  
 deinde tabulis inscriptum Aedilibus plebeis in  
 aliqua aede custodiendum dabatur. L. 1. §. 21.  
*D. de Orig. iur.*

XVII. Quamuis vero plebiscita non ab uni-  
 uerso populo, sed a sola plebe conderentur: XVII. Quos ea obligauerint.  
 tamen non plebem tantum, sed & patricios obligabant. Id quod post multas patricio-  
 rum tergiuersationes cautum est lege primum  
 Horatia: anno V. C. CCCVI. Liu. *Hist.* III. 55.  
 Dionys. Hal. XI. p. 725. deinde Publilia, anno  
 CCCCXIV. lata a Q. Publilio dictatore, ac  
 denique, quum plebs anno CCCCLXVI. in  
 laniculum secessisset, lege Hortensia, lata a Q.  
 Hortensio, Dictatore. Gell. *Noct. Attic.* XV. 27.  
 §. 4. *Inst. de iur. Nat. Gent. & Ciu.*

XVIII. Praeter leges & plebiscita etiam edi-  
 cta Praetorum atque Aedilium (\*) certam iu-  
 ris XVIII. Ius honorarium.

(\*) Quin & Censores edicta de locandis uectigalibus  
 & operibus publicis proposuisse patet ex Gell. *Noct. Attic.*

ris speciem, quam *Ius honorarium* vocabant, constituere coeperunt. Quare & de Praetoribus atque Aedilibus & vtrorumque edictis nonnulla monenda sunt.

XIX. Praetoris origo.

XIX. Creari primum Praetor coepit anno V. C. cccclxxxix. quum paullo ante plebs obtinuisset, ut alter Consulum plebeius esset. Male haec summae potestatis iactura habebat patricios: hinc dabant operam, ut penes Consules eo minus esset potestatis. Fraudibus itaque adorti plebem, facile id consequerantur, ut redhostimenti loco c. patriciis crearetur Praetor, in quem deinde omnem, quae penes Consules adhuc fuerat, iuris dicundi potestatem transferebant. Liu. *Hist. VI. ult. VII. 1.* Vnde fallit Pomponius, quando ideo creatum ait Praetorem, quia Consules auocarentur de *lis finitimis*, neque esset, qui *in ciuitate ius reddere posset*. L. 2. §. 27. D. de Orig. iur.

XX. Variarum in Praetura mutationes.

XX. Non diu tamen iste honor patriciorum mansit proprius. Non multo post enim, anno V. C. ccccxvi. primus e plebe Praetor creatus est Q. Publilius Philo. Liu. *Hist. VIII. 15.* Sub belli deinde Punici primi tempora duo fieri coeperunt Praetores, quorum alter urbanam, alter peregrinam sortiebatur iurisdictionem, Flor. *Epit. Liu. XIX.* Vnde hic vocatur PRAETOR QVI INTER CIVES ET

*Attic. XV. 11.* vocabantur etiam *leges censoriae*, sed improprie. Vid. Gundlingiana XVI. *Obs. 1. §. XVI. p. 61 seq.* Cum his tamen non confundendae rogatae a Censoribus, de quibus supra §. 1.

(b)

ET PEREGRINOS IVS DICIT. apud Reines. *Inscript. Class. VII. n. 10.* & ΣΤΡΑΤΗΓΟΣ ΕΠΙ ΤΩΝ ΞΕΝΩΝ apud Grut. *Inscript. p. DIII.* Insequentibus temporibus hic numerus non semel auctus est, si quidem initio quatuor, (Liu. XXIII. 30.) tum sex, (Liu. XXXII. 27.) postea octo, mox decem, (Dio XLII. p. 209.) hinc porro duodecim, immo & quatuordecim, ac denique sedecim, a Iulio Caesare creati. Praetores ius dixere, Dio *Lib. XLII. & XLIII.* Quo factum, ut patrem imitatus etiam Augustus sedecim expleret numerum, mox ad XII. eundem reduceret, quem se non excessurum, Tiberius iureiurando pollicitus est. Dio Cass. *Lib. LVI.* Tacit. *Annal. l. 14.* quamvis eius sibi gratiam fecisse videatur princeps parum religiosus, siquidem & illo imperante modo XV. modo XVI. Praetores creatos novimus. Dio Cass. *Lib. LVIII. & LX.* Claudius tamen iurisdictionem de fideicommissis, quotannis, & tantum in urbe delegari Magistratibus solitam, in perpetuum, atque etiam in provinciis potestatibus demandavit. Sueton. *Claud. XXIII.* novosque creavit *Praetores fideicommissarios* (1) duos, L. 2. §. 17. *D. de Orig. iur.* ex quibus tamen unum detraxit Titus.

(1) In marmoribus etiam mentio fit PR. DE FIDEICOMMISS. apud Gruter. *Inscript. p. CCCXCIII. 6.* Illud addendum ex Quinctilian. *Instit. Orat. III. 8.* fideicommissariam iurisdictionem ita divisam esse inter Praetorem & Consules, ut ille ad certam summam; hi de maiore cognoscerent. Vnde lucem capit locus Ulpiani in *Fragm. XXV. 12.* Videatur Cuiac. *Obs. XXI. 34.* Merrill. *Obs. V. 36. p. 112.*

Titus. *L. 2. §. 32. D. eod.* Accessit sub Neruā  
*Praetor fiscalis, L. 2. §. 32. eod* vt & *Praetor tutelari-*  
*is* sub M. Antonino Philosopho, Iul. Capitolin.  
*vit. Marci Anton X. L. 6. §. 13. D. de Excluf. tut.*

XXI.  
 Praetoria  
 potestas  
 & insignia.

XXI. Ex his Praetoribus vrbanus reliquos  
 anteibat, iisdem, quibus Consules, auspiciis  
 creatus. Hinc Consulibus instar collegae erat,  
*Gell. Noct. Att. XIII. 14 Plin. Paneg. LXXVII 4.*  
 iisque absentibus, summum penes Praetorem  
 erat in vrbe imperium, ceu patet ex Ciceron.  
*Epist ad Fam. X. 12. Liu. XXIV. 9. Dio Cass.*  
*LVIII.* Vtebatur enim Praetor, sicuti Consu-  
 les, praetexta, sella curuli, ministris, scribis &  
 accensis. Cicero *de Lege agrar. aduers. Rull. II. 13.*  
*Lictores* cum praebant duo cum fascibus. Quam-  
 uis enim de sex lictoribus subinde loquantur  
 Plutarchus, Polybius, Appianus, qui ideo etiam  
 Praeturam ἀρχὴ ἐξαπτελική vocare solent: in-  
 telligendum tamen hoc non est de Praetura vr-  
 bana, ceu suspicatur Petr. Fab. *Semestr. I. p. 169.*  
 sed de prouinciali, vti obseruatum est a Car.  
 Sigon. *ae Antiquo Iure Ciu Rom I. 20. p. 227.* Prae-  
 cipuum vero Praeturae insignē erat hasta, quae  
 ideo saepius in numis veteribus conspicitur.

XXII.  
 Praetoris  
 iurisdi-  
 ctio.

XXII. Totum Praetoris munus tribus hisce  
 verbis continebatur: DO, DICO, ADDI-  
 CO, Ouid. *Fast. I. v 4. sequ.* Varro *de Lingu.*  
*Lat V. 4.* Dabat enim Praetor actionem &  
 exceptionem, dabat bonorum possessionem:  
*dabat* iudices, arbitros, recuperatores, *dabat*  
 tutores ex lege Atilia. Dicebat viam in vindi-  
 ciis: dicebat interdicens, quoties de possessio-  
 ne agebatur, indicabat, aduocata concione,  
 ferias

ferias, si quando terra in vrbe tremuisset. Gell. *Noct. Attic.* X. 24. Sueton. *Claud.* XXII *Adiſtebat* denique, veluti facta in iure cessione, mancipatione, ceteris.

XXIII. Mos autem erat, vt Praetor, creatus XXIII.  
centuriatis comitiis, priusquam ius diceret, Edi- E. iſta  
cto in albo (m) denunciaret, quomodo eo anno Praetoria.  
ius eſſet dicturus. At quis? Vrbanus tantum an peregrinus etiam? De prouincialibus enim nulla est dubitandi ratio. Praetori peregrino sane hoc ius negant Hotoman. & V. C. Io. Ge. Schubart. *de Fiat. iur. isp. Rom.* p. 399. At eidem id vindicat V. C. Henr. Bern. Reinold. *Var. XXXVII.* p. 267. ob *legem* 9. §. 4. *D. de Dol. mal.* vbi memorantur *Labconis libri Praetoris peregrini* Sed illis non tam videtur Labeo Edictum Praetoris peregrini interpretatus, quam exposuisse officium Praetoris peregrini, quemadmodum etiam de officio Praetoris vrhani egit in *libris Praetoris vrhani*, quorum mentio fit in *L. 19. D. de*

(m) *Album* quid fuerit, adhuc sub iudice lis est. Theophilo §. 12. *Inst. de Actio.* album est edictum, *ſὺν τῷ δικαίῳ γράμματι τῶν γραμματέων.* *Albis* litteris scriptum. Enim vero non ipsum Edictum album vocabatur, sed Edictum in albo proponebatur. Accursii sententia, existimantis, fuisse parietem dealbatum. plerisque hodie vapulat. Sed videtur tamen idem colligi posse ex Plauto *Perf.* 1. 2. v. 21. modo codices MSS. addicerent:

*Nae isti sanim nusquam adpareant,*

*Qui hic ALBO PARIETE aliena oppugnant bona.* Et Suidas voce *ἀλβάρια* album interpretatur *parietem, gypso obductum, ad inscriptionem ciuitum veterum aptum.* Iac. Racuard. *Protribus.* IV. p. 87.

D

(n)

de V. S. Sane libros ad Edictum singulares scripsisse Labeonem, & ab illis diuerfos, patet ex L. 1. §. 5. *D. de Fugitiv.* & Gell. *IV*, 2. Certiora itaque sunt testimonia Boethii ad Cic. *Topic.* & Theophili §. 7. *Inst. de I. N. G. & C.* qui & Praetores peregrinos edicta proposuisse, diserte scribunt, eiusque rei auctores procul dubio habent veteres & satis idoneos. Edicebant itaque omnes Praetores. Idque fiebat habita concione, dictoque in leges iureiurando, (n) ceu adparet ex Ciceron. *de Finib.* *II*, 22. Erant vero Praetorum edicta vel generalia vel specialia. Illa, quam iuris dicundi rationem per annum sequuturus esset Praetor, indicabant, unde & *leges annuae* dicuntur Cicer. *Verr.* *I*, 42. Haec obuenientibus quibusque negotiis dabantur, ad similes causas non extendenda. Unde vberimus natus est iniquarum sententiarum prouentus, qui occasionem dedit edicto: QVOD QVISQVE IVRIS IN ALTERVM STATVERIT, VT IPSE EODEM VTATUR. Exemplum reperies apud Tacit. *Annal.* *II*, 30. Quum vero generalia edicta subinde mutarentur, nec leuis inde nasceretur iuris confusio: obuiam huic Praetorum licentiae itum est lege Cornelia, (o) lata A. V. C. 136 LXXXVII:

(n) Praetores edicta scripturos etiam Tribunos plebis adhibuisse in consilium, patet ex Cic. *de Offic.* *III*, 20.

(o) Antea A. V. 135. LXXXVI. more consueto SC. ea de re factum patet ex actis diurnis, quae in bibliotheca IC. Vossii fuerunt, in quibus & haec exstant:

HORA OCTAVA SENATVS COACTUS  
IN HOSTILIA.

SC.



LXXXVII. a C. Cornelio Tribuno plebis, C. Pisone & Man. Glabrione Coss. qua cautum est, vt Praetores ex Edictis perpetuis ius dicerent, neque per integrum annum quidquam in iis immutarent. Dio Cass. *Hist. XXXVI, p. 11.* Ex eo tempore paullo certius esse coepit ius Praetorium, (p) adeo, vt iam tempore Ciceronis plerique non, vt olim, a XII. Tabulis, sed a Praetoris Edicto Iuris disciplinam auspicarentur, ceu ex Cicer. *de Legib. I, 6.* obseruat Iac. Perizon. *Diff. de Leg. Vocon. p. 191.* Quamuis vero post legem Corneliam Praetori haut liceret, Edictum suum per annum mutare: nihil impediebat tamen, quo minus successor antecessorum Edicta, inito Magistratu, vel augere vel immutare posset. Vnde, quae retinebat successor, *Edicta tralatitia*; quae addebat vel immutabat, *Edicta noui* nomine veniebant. Cic. *Verrin. I, 44.* Non prius ergo Edictum vere perpetuum prodiit, quam temporibus Hadriani, de quo diximus in *Prooem. n. XIII. & sequ.*

XXIV. Quamuis vero Praetores initio Magistratus in leges iurarent: reuera tamen leges Edictis suis euertebant sub specie aequitatis. Quod XXIV.  
Quibus  
artibus  
Praetores  
ius immu-  
tauerunt.

SC. FACTVM EST. VTI PRAETO-  
RES EX SVIS.  
PERPETVIS EDICTIS IVS DICE-  
RENT.

V. J. Dodvvell. ad Spartian. *Hadr. p. 333.* & in *Ad- pend. p. 615.* Ez. Spanhem. *Orb. Rom. II, 12. p. 97.* (p) Vnde iam ante Edictum perpetuum ad Edictum commentari coeperunt Iureconsulti, veluti Seru. Sulpicius, A. Ohlius & alii.

Quod iam Dio Cass. *Hist. XXXVI. p. 21.* observans, ὃ γὰρ, inquit, οἱ στρατηγοὶ, πάντα τὰ δίκαιώματα, ἀ περὶ συμβάλαια διετεταγμένα, ἕτε ἰσαπάξ τῷτ' ἐποίον, ἕτε τὰ χαφέντα ἐτήκον, ἀλλὰ πολλάκις αὐτὰ μετέγραφον, καὶ συχνὰ ἐν τῷτ' πρὸς χάριν ἢ κατ' ἐχθρ.αν τινῶν, ὥσπερ ἐνδικός, ἐγίνετο. *Neque enim Praetores id ius, quod ad contractus dirigendos positum erat, observarant, neque scripto iuri steterant: sed saepenumero ea variauerant, crebroque per gratiam & odium certorum hominum, veluti fieri adsolet, multa gercebantur.* Vtebantur hanc in rem variis artibus, veluti I. *FiElionibus*, quando, verbi gratia, fingeant rem vsucaptam, quae vsucapta haut esset, vel contra. §. 4. & 5. *Inst. de AElionib.* immo, quod magis ridiculum videri posset, quando fingeant, filiam patroni esse filium, cuius παλαιᾶς ὑποκρίσεως ἢ παρατηρήσεως mentio fit in *Basilic. Lib. XLIX, tit. I. p. 591. Tomo VI.* Addantur, quae diximus in *Comment. ad L. Iul. & Pap. Lib. II, cap. 22. p. 355.* Vtebantur II. *Nouis nominibus*, veluti quum bonorum possessionem darent iis, quibus leges hereditatem negabant. Vtebantur III. *Exceptionibus*, quibus actiones legibus datae eliderentur. Vtebantur IV. *Restitutionibus in integrum*, quibus non modo leges, sed & res iudicatas resciderunt Praetores. Ut adeo vere summa penes Praetores esset non quidem legislatoria, sed leges euertendi potestas, quamvis Edicta adiuuandi, supplendi, corrigendi, quae Iuris Ciuilis gratia proponi, prae se ferrent, *L. 7. §. 1. D. de Iust. & iur. Thomaf. Naeu. Iurispr. Anteiust. I, 7. p. 31. Ge. Beycr. Posit. Pandect. I, 2. p. 14.*

XXV. Praetorum exemplo *Aediles* quoque XXV Aediles Plebei & Curules.  
 Edicta sua proponebant, quae & ipsa pertinebant ad ius honorarium. Erant Aediles vel Plebei vel Curules. Plutarch. in *Mario*. p. 408. Illorum duo vna cum Tribunis plebis creari coeperunt anno V. C. CCLX. vt Tribunis essent ad manus, eorumque iussu causas leuiores litesque priuatas diiudicandas susciperent, aedium sacrarum, locorumque publicorum, vt & annonae, curam gererent, matronarum denique ciuiumque mores obseruarent. Dionys. Halic. *Antiq. Rom.* VI, p. 411. Curules vero, de quibus hic agimus, e patriciis legebantur. Ouum enim discordia, de Consule plebeio creando inter plebem & patricios exorta, sopita videretur, ludique ob eam rem decernerentur Diis patriis, detrectantibus hanc curam Aedilibus plebeiis, obtulerunt se bini iuuenes patricii, polliciti, se hoc munus suscepturos. Collaudauit populus hoc de Republica bene merendi studium, & denuo delusus patriciorum artibus, hos patricios iuuenes Aediles creauit, sellamque curulem honoris causa concessit, vnde & AEDILES CURULES dici consueuerunt. Liu. *Hist.* VI, 42.

XXVI. Penes hos ergo erat annonae (q) XXVI.  
 via- Forum officium.

- (q) Hanc annonae procuracionem postea Iulius Caesar demandauit duobus aliis Aedilibus, qui CEREALES vocabantur, Dio Cass. *Hist.* XLIII. p. 271. L. 2. §. 32. *D. de Orig. Iur.* pro quibus perperam *Prattores Cereales* sibi lingunt Rosinus, Alex. ab Alexandro & Ian. Vinc. Grauius, quibus satisfecit V. C. Henr. Bern. Reinold. *Var. cap.* III, p. 27.

viarumque publicarum curatio, tutela vrbis, ludorum institutio, de rebus venalibus promercalibusque cognitio, & praecipue sacrarum aedium cura, a qua & AEDILIVM nomen sunt consequuti. Varro *de Lingua Lat. IV, p. 20.* Cicero *Verrin. VII, 14.* Iisdem quoque demandata erat *ἐπισκοπή* in fornices, cauponas, & mulieres, quae quaestum corpore faciebant, quae nomina solebant apud Aediles profiteri, vt suo loco docebimus.

XXVII.  
Edictum  
Aedili-  
tium.

XXVII. De rebus hisce ad iurisdictionem suam pertinentibus ipsi quoque, vt iam diximus, Edicta proponebant, ad quae adludit suo more Plautus *Capt. IV, 2. v. 44.*

*Euge* EDICTIONES AEDILITIAS *habet.*

Et ex hoc quidem Aedilitio Edicto descendunt actiones contra venditores rerum vitiosarum, & eos, qui bestias feroces habent, vbi iter fit, veluti redhibitoria, quanti minoris, & aliae, quarum fragmenta tria etiamnum exstant in Pandectis. Primum scilicet *L. 27. §. 28. D. ad L. Aquil.* alterum *L. 1. §. 1. & L. 38. pr. D. de Aedil. edict.* tertium *L. 40. §. 1. & L. 41. 42. D. eod.* Fr. Pollet. *For. Rom. III, 2.* Barn. Brissou. *de Formul. III, p. 289.* Ceterum, de quibus edicebant Aediles, de iisdem & Praetores cognoscere consueverant, & illis deficientibus, causae ad hos transferebantur. De qua concurrente Praetorum Aediliumque iurisdictione (r) dissertit Iac. Cuiac. *Observ. VIII, 38.*

XXVIII.

(r) Ob hanc concurrentem iurisdictionem factum videtur,

XXVIII. Pergimus ad *Responsa prudentum*,<sup>XXVIII. Responsa prudentum.</sup> quae & ipsa partem iuris constituebant. Dicebantur ea speciatim IVS CIVILE, Cicer. *pro A. Caecinna* XXIII, L. 2. §. 5. D. de Orig. iur. non vero IVRISPRVDENTIA MEDIA: §. 3. *Inst. de Legit. agnat. success.* qua potius totius Iurisprudentiae Romanae periodus ab Hadriano ad Constantinum M. intelligitur. ICTos hic discrepantes in viam reduxit V. C. Iac. Perizon. *ad L. Vocon. p.* 198. Multa tamen iuris capita post XII. Tab. per interpretationem inuexerunt ICTi, ob eamque rem & Iureconsulti ipsi IVRIS AVCTORES, L. 3. D. Si pars hered. pet. L. 39. D. de Act. emt. L. 17. D. de Iure patr. vt & IVRIS CONDITORES appellantur, L. 25. C. de Procurat.

XXIX. Iureconsultis Romae originem de-XXIX. Iudicatur institutum a Romulo IVS PATRONA-reconsultorum originis. TVS. Patriciorum enim erat, parentum munere fungi erga plebeios, vnde & Patroni dicebantur, quasi patres, quemadmodum matronae quasi matres sunt. Optio ergo cuius erat e plebe, quem vellet, sibi patronum legendi e patri-

detur, vt & Aediles haut raro PRAETORES dicantur. Sic Paullus *Recept. Sent.* I, 15. 2. Aedilitium Edictum diserte tribuit Praetori. Quin & generale fuit hoc Magistratum nomen. Nam & Consules, Procoff. Praefides, Legati Caesaris, dicti nonnumquam PRAETORES. In notis quoque Valenti Probi exstat PR. VIGILVM, id est, vti V. C. interpretatur, *Praetor Vigilum*, qui & *Praetor plebis* vocatur Iustiniano *Nov. XIII. Conf. Ger. Noodi. Probabil.* I, 6. p. 16. 17.

e patriciis. Hunc vero oportebat clientibus respondere de iure, cuius illi rudes erant, absentium acque ac praesentium negotia curare, lites pro iis suscipere, in ius vocatos defendere, & quietem eis pro virili parare a publicis priuatisque negotiis. Vicissim plebeciorum erat, patronos in elocandis filiis iuuare, captiuos vel ipsos vel eorum filios redimere, litium aestimationes & multas pro iis soluere, in Magistratibus muneribusque eos argento subleuare, & quae sunt alia huius generis officia. Vnde & *clientes* dicti, quasi *colentes* vel *κατεχόμενοι*. Dionys. Halic. *Ant. Rom.* II, p. 84. Plutarch. *vit. Romuli* p. 24 *Tomo I Op.* Polyb. *Hist. VI.* p. 459. Eaque mutua obligatio tanta necessitudine ac fide adstringebatur, vt proximum patrono locum secundum parentem concedat Cato *apud Gell.* *Noct. Att.* V, 13. Nec priuati tantum suos habebant patronos, sed & coloniae, vrbes sociac, gentes amicae & deuictae, suos Romae patronos eligebant ex patriciis & postea senatoriis familiis, quibus saepenumero Senatus controuersas illarum decidendas commisit. Dionys. Hal. II, p. 85. Cicero *de Offic.* I, 11. Immo nullum temere erat negotiatorum corpus, nullum artificum collegium, quod non patronum sibi Romanam quamdam familiam adoptasset. Sic in marmore Surretino *apud Reines.* *Inscript.* *Class. VI.* n. 39. p. 42.

FLAVIO FVRIO FAVSTO V. C. TRIBVNO.

AB ORIGINE PATRONO  
OB MERITA LABORVM SVORUM  
VNI-

VNIVERSVS ORDO ET POPVLVS  
SVRRETINORVM: STATVAM NOBILITATI EIVS  
FACIENDAM CVRAVIMVS.

Ita & municipes Ciuilitani *L. ARCADIVM  
PROCVLVM V. C. LIBEROS POSTE-  
ROSQVE EIVS SIBI POSTERISQVE  
SVIS PATRONOS COOPTAVERVNT,*  
*Gruter. Inscript. p. CCCLXII, 1.* Sic & alibi lau-  
dantur PATRONVS CAPVANORVM  
LONGE A MAIORIBVS ORIGINALIS,  
*Idem p. CCCLIX, 1.* SVESSIANORVM  
COMMVNIS ABORIGINE PATRO-  
NVS, *p. MXXVII, 3.* PATRONI COLLE-  
GIORVM CENTONARIORVM, *Reines.  
Class 1, 302.* DENDROPHORORVM, *Idem  
I, 283.* FABRORVM. *Idem II, 17.* LENVN-  
CVLORVM OSTIENSIVM, *Idem I, 33.*  
NEGOTIATORVM OLEARIORVM  
EX BAETICA, *Idem VI, 123.* PAGI TO-  
LENTINES. *Id. Adpend. num VIII.* Horum pa-  
tronorum in eo consistebat officium, vt colonia-  
rum, vrbium, collegiorum, pagorum negotia in  
Senatu & vrbe sese curaturos, reciperent. Quo  
officiorum genere ita plerumque acre emunge-  
bant clientes, vt legibus nouis opus esset ad hanc  
patronorum rapacitatem coercendam. *Tit. C.  
Theod de Patrocin. vicor Lib. XI, tit. 24. & Cod.  
Iust Lib. XI, tit. 53.* Liban. *Orat. περὶ τῶν πρεσβυ-  
τέρων. p. 14 seq. edit. lac. Gothofr.* Alias veteri iure  
gratuita erant inter patronos & clientes officia,  
& vt illi gratis plebeciorum curabant negotia: ita  
& hi pecunias sine focnore credebant. *Dionys.*

Halicarn. II, p. 48. Quum ergo initio e patriciis suis quisque clientibus de iure responderet: postea omnibus consulentibus promiscue se dare coeperunt, & quidem mercede conducti: & inde obsoleuit antiquum illud ius patronatus, natique sunt Iureconsulti, qui iam responderunt de iure, causasque egerunt, atque adeo omnia, quae olim patronorum fuerant, in se transferebant officia. Vid. praeter Fr. Brummerum V. C. *ad Legem Cinciam*. Gc. Schubart. *de Fatis Iurisp. Rom.* I, 15. p. 29. Et hinc facile reddi poterit ratio, cur plerique Iureconsulti veteres ordinis fuerint patricii? cur *patroni* dicti, qui causas agebant? cur Iureconsulti atque Aduocati eps, a quibus adhibebantur in consilium, *clientes* vocarint? Cur iure veteri & per legem Cinciam gratuitum esse oporteret Aduocatorum officium? Brummer. *l. c. cap. III, usque ad XI.*

XXX. XXX. Tria vero sunt summa capita, quibus Iurisprudentiam locupletarunt Iureconsulti. I. Actiones legis, II. Interpretatio legum, & III. Nouum ius, quod interpretando inuenerunt, petiitum plerumque ex mediis Philosophiae moralis principiis, & iuri XII. Tabularum veluti adpendicis loco adiectum, vt loquitur Iac. Racuard. *de Auctorit. prudent.* I, p. 952. *Tomo I. Op.*

XXXI. XXXI. Actiones legis quid fuerint, iam supra est a nobis explicatum. Eas vero a Iureconsultis maximam partem esse inuentas, adparet ex L. 2. §. 2. D. de Orig. iur. Cicer. *pro Muraena* XI. XII. Et hinc eae ad singulare veluti Iurecon-

Quale ius  
Iurecon-  
sulti con-  
diderint.

Actiones  
legis a Iu-  
recon-  
sul-  
tis inuen-  
tae.



consultorum peculium (s) pertinebant, quod seruabant tanto diligentius, quanto magis hac arte plebem habebant sibi obnoxiam. Cicero *l. c. & de Orat. I, 41.*

XXXII. Interpretari porro solebant leges, <sup>idem le-</sup> XXXII. partim libris scriptis, partim editis responsis, <sup>ges inter-</sup> partim disputatione fori. Et initio quidem a <sup>pretati</sup> docendo non modo, sed & scribendo sese ab- <sup>sunt I.</sup> stinebant iureconsulti, ne mysteria sua cum ple- <sup>Scribendo</sup> be communicarent. Postea, vbi Cn. Flavius <sup>docendo-</sup> & Sex. Aelius horribile illud actionum secre- <sup>que.</sup> tum euulgarunt, multi se ad scribendum commentandumque certatim contulerunt, quorum in-

- (s) Equidem penes Pontificum collegium fuisse legis actiones docet Pompon. *L. 2. §. 6. D. de Orig. iur.* sed caue cum vulgo existimes, ad omnes legis actiones vniuersamque interpretandi rationem hunc Pomponii locum pertinere. Aliud docet Cicero *de Legib. II, 19.* *Saepe ex patre audius, Pontificem neminem bonum esse, nisi qui ius Civile cognosset. Quid ita? Quid enim ad Pontificem de iure parietum, aut aquarum, aut ullo similium? Ergo quod cum religione coniunctum est. Id autem quantum est? De saceris, credo, de votis, de feriis, de sepulchris, & si quid eiusmodi est. Conferatur & cap. XXI.* Quaecunque ergo cum religione coniuncta erant, ea deum erant cognitionis Pontificiae. Hinc eorum erat, dies iudiciorum signare, & litigantibus indicare, quibus lege agere vel fas vel nefas esset: *Liuv. I, 19.* Cicero *pro Muraena XI* respondere de iuribus domus, nam & domi sacra priuata erant, in quibus quum constitutae quoque essent vxores & liberi, etiam nuptiae, adrogationes, adoptiones auctoribus fiebant Pontificibus. Denique de omnibus rebus sacris & religiosis iura interpretabantur Pontifices. Georg. Schubart. *de Fas. Iurisp. Rom. II, 59. sequ. p. 296.*

(t)

interpretationes sensim auctoritatem iuris usu fori sunt consequutae. *L. 2. §. 35. seq. D. de Orig. iur.* Vnde illud ius *sine scripto venire*; ait Pomponius *L. 2. §. 5. D. eod.* siquidem libri Iureconsultorum non eo finē eoque instituto fuerant conscripti, ut instar legum promulgarentur; sed tantam auctoritatem eorum sententiae tacito populi consensu erant consequutae. At postquam Theodosius quibusdam Iureconsultorum libris legum adcommodauit auctoritatem, & Iustinianus eorum loca in Pandectas relata ita promulgauit, ut *quidquid ibi scriptum est, hoc Iustiniani adpareret, & ex eius voluntate compositum existimaretur*: *L. 2. §. 10. C. de Vet. iur. enucl.* coeperunt eae Iureconsultorum decisiones iuri scripto accenseri. Et huc referenda §. 3. *Inst. b. t.* Ger. Noodt. *de Pact. & Transact. XIX. p. 715.*

XXXIII.  
Vt & II.  
de iure  
respon-  
dendo.

XXXIII. Responso Iureconsulti vel partibus dabant consulentibus, vel iudicibus, vel utrisque; & tunc quidem vel scripto vel verbis, quid sibi videretur, exponebant. Solebant enim Iureconsulti frequenter medio foro inambulare, veluti obuui & communes iis, qui haerent incerti, & remedium sibi consulendi ignorarent. Cicero *Topic. XVII. Privata iudicia maximarum quidem rerum in Iureconsultorum mihi videntur esse prudentia. Nam & adsunt multum* (in medio puta foro.) *& adhibentur in consilium* (domi,) *& patronis diligentibus ad eorum prudentiam confugientibus hasas ministrant.* Vnde facile patet, cur & ADVOCATI dicti sint. Deinde & domi suae sibi constituere solebant solium, ex quo confluentibus ad se clientibus, tamquam ex tripode,

de, responderent. Cicero *de Leg. I, 3*. Et ad hoc folium respicere arbitror eundem Ciceronem, quando per iocum scribit : *C. Aquilius Iureconsultum iurasse morbum, & illud suum REGNUM IUDICIALE, opposuisse. Epist. ad Attic. I, 1*. Mane ergo quotidie ad aedes eorum ventitabant cli-  
entes, & vestibula eorum maxima semper fre-  
quentia ciuium celebrabantur, vt non immeri-  
to Iureconsulti domus totius oraculum ciuita-  
tis videretur Ciceroni *de Orat. I, 45*. Quo per-  
tinent illa Horatii *Serm. I, 1. v. 9. 10*.

*Agricolam laudat iuris legumque peritus*

*Sub galli cantum consultor ubi OSTIA PVL-  
SAT.*

Et alibi *Epist. II, 1. v. 103*.

*Romae dulce diu fuit & solemne, reclusa*

*Mane domo vigilare, clienti promere iura.*

Immo & Tibullus *I, 4*. quasi amatorii iuris sci-  
entiam sibi adrogans, seque ad priscam Iure-  
consultorum imitationem componens :

--- *Me, inquit, qui spernentur, amantes*

*Consultem : cunctis ianua nostra patet.*

*Tempus erit, quum me Veneris praecepta ferentem*

*Deducat iuuenum sedula turba domum.*

Ge. Schubart. *de Fat. Iurisp. Rom. II, 52. p. 265*.

Ceterum & hoc fiebat formulis quibusdam &  
verbis solemnioribus. Venia enim prius peteba-  
tur his verbis : LICET CONSULERE? Ad-  
nuente Iureconsulto, & respondente : CON-  
SVLE, plerumque breuissime referebatur ne-  
gotium, addita quaestione ; QVAERO AN  
EXISTIMES? vel : ID IVS EST NECNE?  
Respondebat Iureconsultus : SECVNDVM  
EA

EAQVAE PROPONVNTVR, EXISTI-  
MO, PLACET, PVTO, id semper dans o-  
peram, vt quam modestissime loqueretur. Ho-  
rat. *Serm II, 3. v. 192. seq.* Turneb. *Aduers VII,*  
10. Briffon. *de Form. III, n. 321.* Franc. Duaren.  
*Disp. Annu. II, 22. p. 1064.* Ger. Noodt. *de Do-*  
*lo malo XII, p. 507. Et de Paet. Et Transact. p. 733.*  
Consulebantur etiam nonnunquam Iureconsulti  
a Iudicibus, quibus vel absentes scribebant, quid  
esset iuris, *L. 2. §. 47 D. de Orig. iur.* vel coram  
iura explicabant. Plerumque enim Iudices in  
consilium adhibebant aliquot Iureconsultos, vt  
patet ex Gellii *Noët. Attic. XII, 13.* Car. Sigon.  
*de Antiquo Iure Ciu. Rom. II, 18. de Antiquo Iure*  
*Provinc. II, 5. p. 198.*

XXXIV. Erant responsa plerumque bre-  
uissima, & nullis munita rationibus. Seneca  
*Epist XCIV. Quid? quod etiam sine probationibus*  
*momentis auctoritas prodest, sic, quomodo Iureconsulto-*  
*rum valent responsa, etiam si* RATIO NON  
REDDITVR. Nonnunquam tamen & ratio-  
nes quasdam addebant, vel ex legum verbis, vel  
ex aliorum prudentum auctoritate, vel ex vsu  
fori, vel ex decretis denique seuerioris Philoso-  
phiae depromptas. Hortled. *Diff de vero sensu L*  
*20 D. de Legib. num. XLVIII D. Okel. Diff. de.*  
*Iureconsulto rationali III, Et VII p. 154.*

XXXV. Pertinet etiam ad interpretationem  
DISPVATIO FORI. Nonnunquam enim  
de grauib. perplexisque quaestionibus dissiden-  
tes Iureconsulti, rationibus subductis, decisio-  
nem communi suffragio inueniebant, adeoque  
prius in commune consulebant, eaque dicebatur  
DIS-

XXXIV.  
Respon-  
forum  
forma.

XXXV.  
Deniq. e  
III. Dif-  
putatione  
fori.

DISPUTATIO FORI, cuius meminit Pomponius L. 2. §. 5. D. de Orig. iur. In dubium quidem id vocat Ge. Schubartus de *Fate Jurisprud. Rom. Ex. II, 57. p. 292.* sed sexcenta adsunt rei testimonia. Augustum ob quaestionem de codicillis, conuocasse prudentes viros, interque eos Trebatium quoque, cuius tunc maxima erat auctoritas, notum est ex §. 1. *Inst. de Codicill.* Par ratione Diui Fratres, quum quaestio esset de exclusionem nepotis a bonis auiti liberti, cum Maeciano, aliisque amicis suis Iurisperitis adhibitis, rem plenius tractarunt, teste Vlpiano L. 17 D. de Iure patron. Sed & Paulus ait, quum de quodam quaereretur, an recte exheredatus videretur, Scaeuolam respondisse, non videri, & in DISPUTANDO responsi sui rationem eundem Scaeuolam adiecisse, L. 19. D. de Lib. & postum. Nec alio videtur respexisse Afconius Paedrianus in Cicer. Verrin. III, p. 1849. quando ait: *Maleficia sponte, & non DISPUTATIONE IVRISCONSULTORVM, sed naturali interpretatione, fugienda sunt.* Denique eodem referenda illa veteris Scholiastae, qui explicaturus illa Iuuenalis. *Sat. I, v. 128.*

- - - - *Jurisque peritus Apollo.*

addit p. m. 26. *Quia iuxta Apollinis templum Iure-consulti sedebant, & TRACTABANT.* Vbi tractare idem ac disputare est. Plura dabit Iac. Racuard. de *Auel. Prudent. XIV, p. 1031.* Reperta vero eiusmodi disputatione definitio, quamvis non haberet vim iuris, nisi simul vsu recepta: magnae tamen auctoritatis habebatur, &, si vel vsus fori, vel noua auctoritas accederet, etiam ad similes extendebatur casus. Ger. Noodt.

ad

*ad Leg. Aquil. XV, p. 106. de Pañ. & Transact. XIX, p. 718.* Et tum demum vocari solebat RECEPTA SENTENTIA, RECEPTVM IVS, RECEPTVS MOS, POST MVLTAS VARIATIONES RECEPTVM. (1) *L. 215. D. de Verb. obl. L. 3. C. In quib. causis. L. 41. D. de Reb. credit. Receptum enim, inquit Festus, dicitur, quidquid a plerisque prudentibus adprobatur est.* Conf. Barn. Briffon. *de Verb. signif. voce Receptum*, & Guil. Budaeus in *Comment. ad L. 11. § 1. D. de Verb. signif.* Quin & REGVLAE IVRIS, quarum toties Ius nostrum meminit, nihil aliud sunt, quam breues quaedam positiones, quae rem, fori disputatione definitam & Iureconsultorum consensu receptam, concise enarrant. Racuard. *de Auctorit. Prudent. XV, p. 1036. seq. & Comment. ad L. 1. D. de Reg. iur. p. 125.*

XXXVI. XXXVI. Tertium, quod Iureconsultis Ius Romanum debet, caput veluti adpendicem quamdam XII. Tabularum & reliquarum legum complectitur. Vbi enim deficere videbantur leges & Praetorum Aediliumque Edicta, ibi Iureconsultorum erat, Ius ex acquirate supplere. Hinc permulta nata sunt in Iureconsultorum scholis ac disputationibus decreta, quae ex nulla scripta lege, nulloque Edicto descenderunt. Sic acquisitio verbi gratia per adrogationem inuenta fuerat a Iureconsultis. *princ. Inst. de Acquisit. per adrogat.* Eandem originem

XXXVI.  
Iurecon-  
sulti Ius  
suppleue-  
runt.

(1) Frequentissima in Iure nostro locutio: *Post magnas variationes obtinuit.* *L. vlt. D. pro Legat. L. 32 D. de Oblig. & Act. L. 55. §. 1. D. de Legat. 2.*

stem fuisse novimus codicillorum, exheredationis postumorum, differentiae inter exheredationem filiorum, filiarum & nepotum, stipulationis Aquilianae, regulae Catonianae, substitutionis pupillaris, donationis inter virum & uxorem prohibitaе, actionis rei uxoriae, querelae inofficiosi testamenti, aliarumque huius generis materiarum iuris. Luculentum hanc in rem existat testimonium Ciceronis in orat. pro Muracna XII. Quum permulta praeclare legibus essent constituta, ea iureconsultorum ingeniis pleraq; corrupta ac deprauata sunt. Mulieres omnes propter infirmitatem consilii maiores in tutorum potestate esse voluerunt: hi innuerunt genera tutorum, quae potestate mulierum continerentur. Sacra interire illi noluerunt: horum ingenio senes ad coemtionem faciendas interimendorum sacrorum causa reperti sunt. In omni denique iure civili aequitatem reliquerunt, verba ipsa tenuerunt. Sic multa inuenire iureconsulti, multa disputationibus suis ac responsis inuexerunt in forum, quae nec lex vlla, nec Praetoris edictum constituerat. Et haec decreta ob auctorum duntaxat celebritatem vim quamdam legum obtinuerunt, & postea rerum iudicatarum constantia firmitus haeserunt. Vid. Vinc. Grauius de ortu & progr. iur. ciu. §. XLIII.

XXXVII. Quantaunque vero esset veterum Ictorum auctoritas: iudices tamen non obligabant eorum responsa. Hinc Cicero pro Mur. XIII. Iureconsultorum responsa & decreta saepe ab oratoribus dicundo eueriti, testatur. Et in orat. pro A. Caecinna XXIV. exemplum adducit

XXXVII.  
Eorum  
auctoritas  
initio mi-  
nor.

E

Crassi,

Crassi, qui in iudicio centumvirali obtinuerit. vt Scacuolae responsum minime attenderetur. Quare tunc ne signabant quidem responsa, l. 2. §. 47. *D. de orig. iur.* (certe id non videbatur necessarium, & plerumque utebantur verbis SVADEO. l. 3. §. 1. *D. de minorib. vig. quinque ann.* VIDETVR, PVTO, SENTIO, &c. Duaren. *Disp. ann. II*, 11. p. 1064. vt ne iudici praescribere sententiam viderentur. Immo ob eandem causam omnibus, quibus esset studiorum fiducia, de iure respondere licebat. l. 2. §. 47. *D. de Orig. Iuris.* (u).

XXXVIII.  
Augustus  
quibus-  
dam pri-  
uilegium  
dedit de  
iure re-  
sponden-  
di.

XXXVIII. Sed ista omnia immutauit Augustus, qui primus respondendi de iure facultatem certis tantum hominibus beneficii loco indulgit, adstrinxitque iudices, vt ne ab eorum responsis discederent. §. 8. *Inst. h. t. l. 2. §. ult. D. de orig. iur.* Quamuis enim in dubium id vocet Iac. Gothofredus in *Comment. ad C. Theod. Lib. I. Tit. 4. p. 32. 35.* vbi hanc iureconsultis auctoritatem partim iam ante Augustum saluam fuisse, partim denique a Valentiniano III. Imp. stabilitam putat: satisfecit tamen eius argumentis Thomas. *de naenis iurisp. anteiusi. II. 2. p. 67.*

## XXXIX.

(u) Errat ergo Theophilus §. 8. *de iure nat. gent. & cin.* vbi iureconsultos vocat σοφούς, οἱς τό νομοθετικὸν ἢ δῆμον ἢ σύγκλητον, ἢ βασιλεὺς ἐπιτίμησι, sapientes, quibus iura condere aut populus, aut Senatus, aut Princeps concessit. Nunquam enim in libera Republica vel populi vel Senatus concessione opus fuisse responsuris de iure, inter omnes constat.

(\*)



XXXIX. Causa huius sanctionis non ea erat, quam prodit Pomponius *L. 2. §. 47. D. de orig. iur. ut maior esset iuris auctoritas*, nec solum, ut noua responsa vetus edictum & iudiciale Praetoris regnum euerterent, ut acute coniecit V. A. Vlr. Huber. *Auspici. domest. V, p. 178.* nec, ut plebs, otii delinita dulcedine, atrocem Reip. memoriam exueret, quae eiusdem est Huberi sententia: sed partim, ne plebs innumeris implicita litibus, de excutiendo iugo consilia conferret: (Thomaf. *l. c. II, p. 70.*) partim ut eo ipso Augustus legislatoriam potestatem callide sibi vindicaret, legesque pristino Reip. statui accommodatas per iureconsultos corrigeret, & ad praesentem detorqueret (\*). Vnde & eam pote-

(\*) Praecipua Augusti cura fuit, *legum munia in se trahere*. Tacit. *Ann. l. 3.* Quum ergo nouis omnino legibus opus esset, nouo hoc statu Reip. plures quidem initio rogationes tulit ad populum, seruato veteri Reip. more, & inde natae tot *leges Iuliae*, quarum pleraeque Augusto debentur. Itemque *Falcidia*, *Asinia Sentia*, *Fuscia Caninia*, *Papia Poppaea*, *Iulia & Titia*, & aliae: sed non integrum tamen erat Augusto, omnes antiquas leges eadem facilitate euertere, qua illas sub Triumviratu iatas *uno edicto* aboleuerat. Tac. *Ann. III. 28.* Quum ergo refigi non possent leges antiquae, eaeque tamen non conuenire viderentur nouo isti statui Reipublicae; illud vnum supererat, ut per interpretationem nouam eae ad praesentem Reip. formam deflecterentur. Iam Magistratibus hoc permittere, non videbatur tutum: sibi soli id vindicare, & includere, & inuidia plenum erat, & molestissimum. Reliqui ergo erant iureconsulti, tanto ad hoc negotium aptiores, quod iam in vetere Rep. potestas quaedam interpretandi penes istos fuerat. Quemadmodum vero hoc

potestatem primo Ateio Capitoni, aliisque  
 inarum partium ICTis concessisse videtur.

## XL.

maximum erat Augusti arcanum politicum, quod, pri-  
 scis vocabulis retentis, res novas inueheret, *eadem*  
*magistratum rerumque vocabula; nihil usquam pri-*  
*sci atque integri moris* relinqueret: Tacit. *Annal.* l. 1.  
 ita & iureconsultis, specie antiqui moris, instrumentis  
 nouae dominationis vsus est, ita scilicet leges inter-  
 pretaturis, quemadmodum id suo expediret imperio.  
 His praestructis, totius nouae Constitutionis reddi po-  
 terit ratio. Promiscuam istam respondendi licentiam  
 sustulit, eamque concessit paucis. Cur vero? nisi vt  
 eos sellgere posset, quos sciret sibi fore obnoxios? Ius-  
 sit eos non priuatim, sed publica auctoritate, respon-  
 dere. Quamobrem? vt legum Interpretatio ita pe-  
 nes se esset. Iudicibus eam legem dixit, ne ab istis  
 responsis discederent. Quam ob causam? ne, ob-  
 seruata legum antiquarum ruina, intercedere, & Au-  
 gusti consilium turbare conarentur. Signo opus  
 erat, non rationibus. Cur vero? vt ne per rationum  
 infirmitatem palam fieret, id agi, vt leges antiquae  
 euerterentur. Ceterum vera esse haec omnia, vel ex  
 iis patet, quae inter eum Antistiumque Labeonem acta  
 sunt. Eminentissimi ea aetate ICTi erant Antistius  
 Labeo, & Ateius Capito, adeo, vt non immerito *duo*  
*paci decora* eos adpellet Tacitus *Ann.* lll, 75. Quare  
 operam dabat Augustus, vt hos potissimum sibi conel-  
 liaret. Labeoni ergo Consulatum offerebat, hoc vi-  
 delicet auctoramento calamum eius redditurus ob-  
 noxium. Sed *quum incorrupta libertate gauderes, ab*  
*ambitione honorum vacuus;* Tacit. *Ann.* l. c. quum-  
 que *nihil ratum pensumque haberet, nisi quod iustum,*  
*sanctumque esse in Romanis antiquitatibus legisset;* Gell.  
*Noct. Att.* XIII, 12. honorem istum plane respuit. An-  
 nimadvertens vero Augustus, Labeonis sibi operam  
 parum vilem futuram Ateium Capitonem adortus,  
 hunc modis omnibus ornare coepit, consulemque  
 creauit. Tacit. *Ann.* lll, 75. Erat enim hic eo ingenio,  
*ut eius obsequium non posset non dominantibus magis*  
*pro*

XL. Sequentes Imperatores, (si a Caligula XL. discefferis, qui totum iureconsultorum ordinem Idem pla- aboliturum se minabatur, teste Suetonio *Calig.* cuit Impe- *XXII. IV.*) hoc Augusti institutum diligenter tatoribus sequenti- seruabant, saltem vsque ad Hadrianum. De Ti- bus, berio enim id patet ex *L. 2. §. 47. D. de Orig. Jur.* ex quo loco etiam adparet, Hadrianum iterum more maiorum unicuique dedisse facultatem respondendi, qui sui haberet fiduciam. Rogatus enim a viris Praetoriis, ut sibi liceret respondere, rescripsit, *hoc non peti, sed praestari solere.* Itaque ab Hadriano ad Alex. Severum libera denuo esse coepit respondendi facultas, Dodvv,

*probari*, iudice Tacito *Ann. III. 75.* Egregia sane adulationis specimina eum dedisse, obseruant Tacit. III. 70. Sueton. *de illustr. Gramm. XXII.* Ergo maximo studio sibi eum adiungebat Augustus, ut eius opera in nouo dominatu vteretur. Haec historia egregie coniecturam nostram confirmat. Intelligimus enim inde, I. Augustum de iureconsultis primariis sibi conciliandis magnopere laborasse. Quod sane non fecisset tantus Princeps, nisi eorum operam perutilem sibi in nouo Principatu constituendo, legibusque ad praesentem statum detorquendis, futuram animaduertisset. II. Talibus iureconsultis amicis eum uti voluisse, quorum sibi obsequium probaretur, id est, Capitonis similibus, qui non antiquo iuri mordicus inhaerent, sed callide inferulrent temporibus. Ex quo denique colligimus, III. non alia de causa eum respondendi facultatem quibusdam tantum iureconsultis dedisse, quam ut eorum calamis vteretur, ad leges veteres & in libera Republica receptas euertendas, & ad nouam Imperii sui formam tanto facilius dessectendas. Plura de Augusti prudentia *reponendum* diximus in *Praef. Comment. ad L. Iul. & Papian.*, quae euoluisse non poenitebit.

Dodvv. *Prael. Cambden. IX. 11. p. 355.* Hinc denuo reductum Augusti institutum, ceu patet exemplo Innocentii iureconsulti, quem respondendi facultatem ab Imperatoribus accepisse tradit Eupapius *in vita Chrysanti p. 286.*

**XLI.** Non poterat non hoc Augusti privilegium sectas, summamque iuris incertitudinem inuhere. Hinc de tollenda ea cogitarunt Valentinianus III. & Theodosius iunior Imperatores, qui Papiniani tantum, Pauli, Caji, Vlpiani, & Modestini scripta iusserunt valere in iudiciis, & in allegatione plura eorum praevalere paucioribus, ex paribus vero ea, inter quae Papiniani essent testimonia: si sententiae denique sine Papiniano pares essent, iudicis arbitrio locum esse. *L. un. C. Theod. de Respons. prudent. & ibi Gothofredus.* Addatur Thomas. *de Naeu. iurisprud. anteiust. II, 7. p. 112. seq.*

**XLII.** Denique & id incommodum visum Iustiniano, qui Iureconsultorum sententias hinc inde decerptas promiscue in Pandectas recepit, corpusque conficiendum curavit, aliquando non optime cohaerens, quippe e membris sibi dissimillimis compositum. *L. 1. §. 5. 6. C. de vet. iure enucl.*

**XLIII.** Quin & omni interpretandi facultate interdixit iureconsultis, eosque ad conscribendas metaphrases & paratitla conficienda, tamquam ad perpetuas operas, condemnauit. §. 2. *Const. de concept. Digest. Paratitla* quid sint, explicat Aeg. Menag. *Amoenit. iur. ciuil. XV.*

**XLIV.**

XLIV. Restat, vt quas symbolas Principes, XLIV.  
mutata Reip. forma, ad ius Romanum contul- Principes  
rint, paucis dicamus. Initio Imperatores ve- initio ve-  
terem leges ferendi morem aliquamdiu reti- tere ritu  
nuerunt. Hoc enim ritu sub Augusto centu- leges tu-  
riatis comitiis ad populum latae sunt leges *Iu-*  
*liae*, *Aelia Sentia*, *Papia Poppaea*; sub Tiberio  
*Iunia Norbana*. Claudius quoque veteri ritu ro-  
gavit legem, vt Domitius in familiam Claudiam  
& nomen Neronis transfiret. Tacit. *Annal.* XII.  
26. Quin ne sub Galba quidem plane exole-  
uisse veterem leges curiatis saltem ferendi rit-  
um, patet ex Tacit. *Hist.* I. 15.

XLV. Quemadmodum vero habita illa XLV.  
sub Imperatoribus comitia nonnisi quaedam Deinde  
pristinæ libertatis simulacra erant: ita iam Ti- vñ sunt  
berius, Princeps astutus tyrannicisque artibus Senatus-  
magis, quam quisquam alius, instructus, no- consultis,  
vum commentus est legem ferendi morem. Vt  
enim populo ius omne eriperet: (y) comitia  
e campo transtulit in curiam, id est, & hono-  
rum conferendorum arbitrium & leges non  
amplius populi suffragiis, sed Senatorum sibi  
obnoxiorum sententiis subiecit. Tacit. *Annal.* I,  
5. Sueton. *Tiber.* XXX. Restituit populo comi-  
tia

(y) Falluntur ergo, qui cum Pomponio L. 2. §. 9. D.  
*de orig. iur.* & Triboniano §. 5. *Inst. h. t.* existimant,  
ideo in curiam e campo translata esse comitia, quia  
difficile esset, tantam populi multitudinem in unum  
conuenire. Quasi enim difficilius id fuisset sub Tibe-  
rio, quam libera Republica, quando tota Italia ad  
comitia confluebat. Cic. *Orat. ad Quirites. post redit.*

tia Caius Caligula. Dio Cass. *LIX.* p. 647. sed illa paullo post ipse iterum illi cripsit. Idem p. 665. Ex eo tempore rarius leges latae ad populum : ast eo frequentius prodierunt *Senatus consulta*, quibus plerumque praemittebatur *Oratio Principis*, non quidem semper ab ipso Principe, sed saepius (z) a *Quaestoribus*, qui *Candidati* vocabantur.

(z) In marmoribus saepe legimus QVAESTOR KANDIDATVS, Reines. *Inscr.* II, 16. VI, 4. TAMIAZ KANΔΙΔΑΤΟΞ. Gruter. *Inscript.* p. cccxxv. 2. Vocabantur ita, qui libris, epistolis & orationibus Principum in Senatu praelegendis praeerant *L. 1. D. de offic. Quaest.* Dio Cass. *LIV.* p. 617. Tacit. *Annal.* XVI, 27. Suet. *Tis.* VI, eosque iam ab Augusto adhibitos constat ex Dione Cass. *LIV.* p. 539. & Sueton. *August.* LXV. Ideo vero dicti videntur Candidati, quia post Quaesturam statim Praetores fiebant, & inde regebant provincias. Lamprid. *Vit. Alex.* XLIII. Vnde haec dignitas ingressus erat, & quasi primordium gerendorum honorum & sententiae in Senatu dicendae. Immo recentiore aeuo saepe cum aliis dignitatibus coniungebatur haec Quaestura. Sane Anicius Auchenius Bassus in marmore Romano praeter hanc Quaesturam etiam alios gessisse honores dicitur. Reines. *Inscript.* VI, 4.

ANICIO AVCHENIO BASSO V. C. QVAESTORI CANDIDATO.  
VNO EODEMQVE TEMPORE PRAETORI  
TVTELARI PROCONSVLI.  
CAMPANIAE. PRAEFECTO. VRBI. TRINI  
MAGISTRATVS.  
INSIGNIA. FACVNDIAE. ET. NATALIVM.  
SPECIOSA. LVCE. VIRTVTIS. ORNATI.

Talis etiam est Inscriptio, posita

M. NVMMIO. ALBINO. V. C.  
QVAESTORI. CANDIDATO.  
PRAETORI.

bantur, recitata. Briffon. *Antiq. Rom. I*, 17. p. 19.  
 Vnde saepe oratione Principis cautum dicitur,  
 quod erat Senatus consulto constitutum *L. pen.*  
*D. ad SC. Tertull. L. 8. pr. D. de transaction L.*  
*52. §. 10. D. pro soc. L. 60. pr. D. de ritu nupt.*  
*L. 32. pr. §. 1. seq. D. de don. int. vir. & vx. L. 1.*  
*L. 7. C. de præd. min. non al.*

XLVI. Etiam in libera Republica fiebant  
 SC. sed ea vim legum non habebant. Quam-  
 vis enim initio, pulsus Regibus, aristocratiam  
 meditarentur Patricii, & hinc apud Dionys.  
 Halicarn. *VI*, p. 329. legem esse dicerent iam  
 inde ab vrbe condita, quae omnia in Senatus pote-  
 state ponat, praeter Magistratum creationem, le-  
 gum lationem & bellum inferendi deponendique ar-  
 bitrium: id tamen non persuaserunt plebi, liber-  
 tatis popularis appetentissimae. Vnde non erat  
 penes Senatum potestas legislativa: sed quae-  
 dam tantum erant negotia, quae Senatus populi  
 iussu ad curam suam reuocauerat, ut puta, aera-  
 rium & pecunia publica, quae Senatus arbitrio  
 dispensabatur: controversiae in Italia suscita-  
 tae, publicaue obiurgatione vel grauiore de-  
 creto componendae: legationes aut ad indicen-  
 dum bellum, aut alia grauiora negotia obeunda  
 decernendae, aut exterorum excipiendae, pro-  
 rogationes imperii & prouinciarum: conuo-  
 catio

XLVI.  
 Differen-  
 tia SC. in  
 libera  
 Rep. &  
 sub Im-  
 peratori-  
 bus.

PRAETORI. VRBANO. COMITI.  
 DOMESTICO. ORDINIS. PRIMI. ET  
 CONSULI. ORDINARIO. ITERVM.

Reines. *Inscr. VII*, 132. Legendus de hac dignitate  
 idem Reines. *Var. III*, 16. p. 600.

catio populi: ac denique indictio feriarum & supplicationum. Haec enim omnia Senatus solius curationi suberant, nisi tribuniciis intercessionibus res devolveret ad populum: ceu praeclare suo more docet Polyb. *Hist. VI*, 12. *seq.* & ex eo Zamosc. *de Senatu Rom. II*, p. 174 & *seq.* De his ergo solis in libera Republica SC. condebantur, vt recte obseruatum a Bachovio in *πρώτοις*, p. 38. *seq.* Sed maxime Senatus potestas excelebat in trepidis rebus ac turbatis, quibus triste illud fieri solebat Senatusconsultum: **DARENT OPERAM CONSVLES, NE QUID RESPVBLICA DETRIMENTI CAPERET.** Quod decretum summum ac latissimum in Consules transferebat imperium, vt suo iure possent exercitum parare, bellum gerere, coërcere, etiam iniussu populi, vnde *extremum* & *ultimum* hoc *Senatusconsultum* vocatur Liu. *III*, 4. Sallust. *de bello Catilin. XXIX.* Cic. *Catilin. I*, 2. & *pro Milon. XXVI.* Caesar *de Bello Ciuili II*, 1. Barn. Briffon. *de Form. II*, p. 212.

XLVII. Fiebant SC. non nisi in sacro auspiciisque dicato loco. (a) Romulus in templo Vulcani extra urbem Senatum coegit. Plutarch. *Quaest. Rom. XLVII*, p. 276. Tullius Hostilius

(a) Nam & haec non nisi peractis sacris captisque auguriis fiebant. Appian. *de bello ciu. II*, p. 216. Exempla exstant apud Liu. *XXII*, 11. *XXIV*, 11. Non addicentibus auib. negotium in alium diem differebatur. Cic. *Epist. X*, 12. Augustus, hac molestia liberaturus Senatores, instituit, priusquam considerat quisque, thurs & mero supplicaret apud aram eius Dei, in cuius templo coiretur. Sueton. *August. XXXV.*

(b)



lius in curia Hostilia. Libera Republica aedes Apollinis, Martis, Bellonae, Quirini, Castoris, Concordiae, Virtutis, Fidei, ut & curiae Hostilia, Pompeia, Iulia, Senatui habendo inserviebant. Gell. *Noct. Attic. XIV*, 7. Nam & in curiis templa erant per augures dedicata. Gell. *Noct. Att. VI*, 7. Ordinaria tamen Senacula erant aedes Concordiae, aedes Bellonae, & locus ad portam Capenam, Fest. voce *Senaculum* p. 431. Conveniebat Senatus statis temporibus, hoc est, singulis Kalendis, Nonis & Idibus, exemptis tamen diebus comitialibus, (quibus convenire nefas habebatur per legem Pupiam. Cicero *ad Fam. I*, 4.) nec non diebus atris, quibus Senatum non nisi in rebus trepidis habere licebat. Dio Cass. *XLV*, p. 278. Et hi ordinarii conventus *Senatus legitimus* dicebantur. Si vero vel legatis vel aliis ob quamcunque causam Senatus extra ordinem dabatur: ille vocari solebat *indignus*. Fr. Hotom. *de Senatu V*. Et tunc quidem convocabantur plerumque Senatores per edictum, quo olim frequentes adesse iuebantur QVI PATRES, QVIQVE, CONSCRIPTI: Liu. *II*, 1. postea vero edici coepit: QVI SENATORES, QVIBVSQVE IN SENATU SENTENTIAM DICERE LICET. Fest. voce *conscripti* & *Senatores* ibique Dacer. p. 496. Gell. *Noct. attic. XIV*, 18. Briffon. *de Form. II*, p. 264.

XLVIII. Frequens si aderat Senatus, tum XLVIII. Consul, quem penes fasces eo mense erant, aut eo absente Praetor, aut Dictator, si quis erat, aut Interrex aut Praefectus urbi ad Senatum referebat. Gell. *XIV*, 7. Si quando id recusaret Consul, Praetore.

cas

Relatio  
facta a  
Consule,  
Dictatore,  
Praetore.

eas in se partes suscipiebat aliquis Tribunus plebis, cui etiam ius erat, addere relationi Consulibus, quod e re videbatur, aut nouam de integro ordiri. Paul. Manut. *de Senatu V. p. 859.* Relationibus plerumque praefari solebant sollemni illa formula: QVOD BONVM, FAVSTVM, FELIX, FORTVNATVM SIT. Sueton. *Calig. XV.* deinde addebant: REFERIMVS AD VOS, PATRES CONSCRIPTI. Brissou. *de Form. II, p. 165.*

XLIX.  
Rogatae  
sententiae.

XLIX. Finita relatione, sententiam rogabantur Senatores, (b) non verbis precatius, qualibus in comitiis utebantur rogatores, sed imperatiuis; DIC SP. POSTVMI, QVID CENSES? Liv. IX, 8. vel QVID FIERI PLACET? QVID VOBIS VIDETVR? Brissou. *de Form. II, p. 165.* Qua in re non idem semper, at plerumque is obseruabatur ordo, ut ante comitia princeps Senatus; post Comitia vero Consules designati primo loco dicere iuberentur sententias. Sequebantur eos viri Consulares, hos Praetorii, tum Aedilitii, Quaestorii ac denique Tribunicii, (c) e quibus tamen

(b) Qui rogabant, CONSVLERE, nec non PERROGARE SENTENTIAS dicebantur. Liv. XXII. 60. XXIX, 19. Suet. *Aug. XLXV.*

(c) Tribuni plebis non erant olim Senatores, nec ius iis erat, dicendae in Senatu sententiae. Ante curiam itaque sedebant in subselliis, donec SC. ad se ferrentur, quae ipsi vel adprobabant deinde, vel reiciebant. Val. Max. II, 2. 7. At etiam Senatoria dignitas iusque dicendi sententiam iis data sunt lege Atinia. Gell. *Noct. Att. XIV. vii.*

(d)

men reliquos anteibat, quem Consul priorem rogasset, modo gradus Magistratuum non turbarentur. Cic. *Phil. V*, 13. Solebant vero Consules, quem ordinem initio Magistratus instituerant, eundemque totum annum tenere, donec cum morem antiquum C. Iulius Caesar migraret. Sueton. *Iul. XXI*. Immo Augustus omnem ordinem plane sustulit, promiscue perrogans sententias, ut magis quisque attenderet. Sueton. *Aug. XXXV*.

L. Sententiam singuli dicebant stantes, formula usi: QVOD C. PANSA VERBA FECIT DE--DE EA RE ITA CENSEO. Brisson. *de Form. II*, p. 169. Integrae eiusmodi Senatorum sententiae existant apud Ciceronem. *Philipp. III*, 15. *V. 4. VIII*, 11. *IX*, 7. & apud Livium passim. Nec licebat Consulibus interpellare dicentes, quamvis aliena multa immiscerent, quod data opera nonnunquam faciebant, qui Senatus consultum fieri nollent. (d) Quum enim

L. Eademque ordine dicebat.

- (d) Erant & aliae artes, quibus SC. impediabant Senatores. Postulare enim poterant. ut consulerentur singuli, vel, si tot non essent Senatores, quot numero licebat perscribi SC. clamabant: *numera Senatum*. Festus *hac voce* p. 338. Coelius apud Cic. *Epist. VIII*, 11. SC. enim a iusto paucioribus factum per INFRUMENTIAM FACTVM dicebatur & irritum erat. Liv. XXXVIII. 44. Tempore Ciceronis ducenti Senatores frequentem Senatum constituere videbantur. Cicero *ad Q. Fratr. Epist. II*, 1. Postea quadringenti, quod sublatum ab Augusto. Dio Cass. *Lib. LIV*, p. 545. qui tamen sequente libro p. 550. eundem Augustum Senatorum numerum secundum singulas SC. formas definiuisse ait.

(e)

enim ante & post occasum solis illud fieri non posset: Gell. *XIV*, 7. solebant *diem dicendo eximere*, vel *noctem postulare*, ut ita re infecta discedendum esset Senatui. Cicero *Epist. ad Quint. Fratr. II*, 1. *Epist. ad Att. IV*, 2. Gell. *IV*, 10. Qui plura capita vna oratione complectebatur, is iubebatur **DIVIDERE SENTENTIAM**. Cic. *ad Famil. I*, 2. *pro Mison. VI*, Senec. *Epist. XXI*. Qui alterius sententiam sequebantur, **ADSENTIRI** se vnico verbo aiebant. Et hoc erat *verbo adsentiri*, quod opponitur alteri *mutato adfensui*, quo quis *pedibus ibat in alterius sententiam*. Vtramque loquutionem iungit Liv. *XXVII*. 34. *L. Veturius & Licinius censores eum tonderi & squallorem deponere, & in Senatum venire, fungique aliis publicis muneribus coegerunt, sed tum quoque aut verbo adsentiebatur, aut pedibus in sententiam ibat*. Nonnunquam non omnino adsentiebatur quis sententiis antea dictis, sed aliquid praeterea addendum censebat, & tum utebatur formula: **SERVILIO ADSENTIOR, ET HOC AMPLIVS CENSEO**. Cicero *Philipp. XIII*. 12. (e).

LI. Ponnunciatio  
sententiarum  
factaque  
discessio.

LI. Dictis denique sententiis, Consulis erat, vel pronunciare illas, vel easdem suppressimere. Licebat ei in tanta varietate sententiarum, earum auctores & principes edere, simulque iubere, ut quisque ex pronunciatis sen-

ten-

(f) Aliquando etiam in altercationem abibant Senatorum sententiae. Cuius rei exempla collegit Briffon. *de Form. II*. p. 184. seq.

tentiis vnam amplecteretur. Et id sibi vult  
sollemnis illa locutio : PRONVNCIARE  
SENTENTIAM, apud Cicer. *ad Famil. X.*, 12.  
1, 2. Formula, qua tunc utebatur Consul, haec  
erat: QVI HAEC SENTITIS, IN HANC  
PARTEM, QVI ALIA OMNIA, IN IL-  
LAM ITE, QVA SENTITIS. Quae verba le-  
ge praescripta explicat Plin. *Epist. VIII*, 14. His  
dictis Senatores mutabant locum, & singuli eo  
discedebant, vbi recitata fuerat, quam proba-  
rent, sententia. In quamcunque vero partem  
frequentior concesserat Senatus, de ea dicebat  
Consul: HAEC PARS MAIOR VIDETVR,  
& in eam sententiam deinde conficiebatur Se-  
natus consultum. Briffon. *de Form. II*, p. 184.

LII. Varro equidem, apud Gellium, *Noct. Attic. III*, 18. Senatus consulta vel per discessionem  
vel per exquisitas singulorum sententias facta  
scribit, quum contra Ateius Capito & Tubero  
nullum sine discessione SC. fieri potuisse cen-  
suerint. Ted salua res est. Ad omne SC. fie-  
bat discessio: sed non semper singuli roga-  
bantur sententias, & hinc illa demum SC. per  
discessionem facta dicebantur, ad quae non  
singulorum fuerant exquisitae sententiae. Hu-  
ber. *Digress. I*, p. 87.

LIII. Denique SC. sollemniter scribeba-  
tur, ita, vt primo dies, deinde locus, vbi Senatus  
habitus, tum porro, qui scribendo adfuerint, (f)  
postea

LIII. Scri-  
pta Sena-  
tus cons.

(f) Scribendo enim aderant aliquot Senatores. Non  
nunquam si Scribis publicis hoc committere nollent,  
ipsi viri amplissimi hanc in se operam susceperant,  
Idque

postea, quis ad Senatum retulerit, & denique; quid placuerit Senatui, referretur. Integra SC: verbis suis legitimis perscripta exstant in *L. 20. §. 6. D. de hered. petit.* vbi tamen plura mendose scripta esse animaduertimus, & apud Ciceron: *ad Fam. VIII, 7.* Frontin: *de Aquaeduct. II.* Brisson: *de Form. II, p. 198.* Omnium vero integerrimum est SC. Marcianum de Bacchanalibus, egregie illustratum a viro amplissimo, Corn. van Bynkersh. *de relig. peregr. Diff. II, p. 259. Opus.*

LIV. Confirmata  
a Tribunis  
& illata  
aedi Ceteris.

LIV. Verum ne sic quidem ratum erat SC: nisi Tribunis etiam placuisset, qui, eo perlecto & probe expenso, litteram T, si e Republica videretur, addebant. Valer. Maxim. II, 2, 7. Sini minus placeret: suo illo sollemni VETO intercedebant, moraue fiebat SC: AVCTORITATES perscribi solebant. Cicero *ad Attic. V, 2. ad Fam. VIII, 7.* Id est; vt explicat Dio Cass. *LV. p. 629.* ἡ μὲν τοῖς ἑτέροις τὸ ὡς κεκυρωμένη ἐλάμβανεν, ἀλλὰ ἀκτῶν τὰς ἐγγίγνωτο, non vim SC. obtinebat, sed auctoritas Senatus dicebatur. Haec vero auctoritas non vim legis habebat, sed officiebat, vt eadem de re iterum referri posset ad Senatum. Coel. apud Cic. *Epist. VIII, 8.* Postremo scriptum SC. in aedem Cereris, Liv. III, 55. vel in aerarium deferrebat, Sueton. *August. XCIV.* & tunc Senatus dimittebatur formulā sollemni: P. C. NEMO VOS TENET, vel NIHIL VOS MORAMVR. Cicero *ad Quint. Fratr. I, 2.* LV.

idque SC. TACITVM vocabatur. Iul. Capitolin. *Gordian. XII.* (3)

LV. Eodem ritu etiam sub Imperatoribus condita sunt SC. nisi quod Princeps orationem praemitteret, & Senatores plerumque pedibus irent in Principis sententiam. Quin eo prolapsa erat Senatorum adulatio, ut orationes Principum aequae ac Senatorum, illis blandientium, plerumque adclamationibus exciperent. Plin. *Epist. IV*, 9. quae etiam, ne periret adulationis memoria, in acta referebantur. Idem. *Panegy. LXXV*. Plura exempla occurrunt in scriptoribus historiae Augustae, quae collegit Brissou. *de Form. II*, p. 187.

LVI. Enimvero, quemadmodum haec Senatusconsulta non nisi ideo inuenerant Imperatores, ut viderentur veterem Senatus auctoritatem libertatemque Reipublicae tueri: ita ea fictione tantisper opus fuit, dum seruituti paulatim adsueuissent Romani. Hinc coeperunt sensim Imperatores rescribere, editisque Constitutionibus leges veteres abrogare, novas inducere, irrogare priuilegia, omniaque, ut paucis dicam, pro lubitu decernere. Rescriptis illis Principum vel ad libellos sive Magistratum, siue vniuersitatum, siue priuatorum respondebatur, & tunc ista EPISTOLAE, seu LITTERAE; *L. 3 §. 1. D. de test. L. 31. D. de re iudic.* illa SANCTIONES PRAGMATICAE, *L. 7. §. 1. C. de div. rescript.* (Graecis enim *παραγγραφαί* dicuntur Rescripta, uti Latinis *facta*: Iul. Capitolin. in *Macrin. Cap. XIII.*) haec denique ADNOTATIONES, vel SVBNOTATIONES dicebantur. *L. 6. sequ. C. de div. rescr. L. 1. C. de prec. Imp. offer.* Libellorum integra exempla

pla exstant tum *L. 9. D. de lege Rhodia*, tum in marmore Romano apud Briffon. *de Form. III. p. 292.* Aliquando a Principibus vel de plano decernebatur, vel sententia cum plena causae cognitione ferebatur: tum dicebantur INTERLOQVVTIONES, vel DECRETA, quale exstat *L. 2. D. de his quae in testam. del.* Denique aliquando novum ius constituebatur, & tunc dici solebant EDICTA (g) vel CONSTITVTIONES. De quo discrimine plura differunt Iureconsulti.

LVII. Pri-  
mus re-  
scripsisse  
videtur  
Hadria-  
nus Imp.

LVII. Primus ita rescripsisse videtur Vespasianus, cuius edictum exstat in *L. 4. §. 6. D. de legation.* At hic & successores rarius id ausi videntur: multo frequentius vero Hadrianus. Nam praeterquam quod sub eo Principe noua quaedam forma iuri publico aequae ac priuato accessit, in tantum, vt Latin. Pacatus *Panegy. ad Theodos. II.* eum legibus imbuisse Rempublicam dicat: nullius sane Principis antiquioris in Codice exstant Constitutiones quam Hadriani, a cuius temporibus etiam Gregorianum Codicem suum orsum esse, iam supra ostendimus. Plures Hadriani Epistolae & sententiae Graecae etiamnum exstant, collectae a Dosithaeo Grammatico, ex quibus satis constat, quam ratio-  
nem

(g) Id hic obseruari iuuabit, artificiose admodum Principes sibi potestatem leges per edicta ferendi sensim vindicasse. Initio enim ea, quae SC. sanxerat Senatus, edictis promulgabant, postea firmata satis auctoritate, etiam inconsulto Senatu, quid fieri placeret, edicere coeperunt. V. C. Burmann. *de Vellig. pop. Rom. VI. p. 113.*



nem in rescribendo tenuerit hic Imperator. Eius deinde exemplum sequuti sunt Antonini, ceterique Imperatores omnes, quorum Rescripta quamplurima in Codice Iustiniano, Theodosiano, vt & Gregoriani & Hermogeniani fragmentis existant.

LVIII. Neque tamen ob Rescripta illa statim LVIII. defierunt SC. fieri, quamuis ea ex eo tempo-  
re rariora esse coeperint. Sane sub ipso Ha-  
driano, vt alia exempla praetermittamus, pro-  
diere SC. Iulianum, Apronianum, Tertullia-  
num; sub M. Antonino Orficianum. Memo-  
ratur etiam Oratio Antonini & Commodi L.  
16. D. de R. N. Orationes D. Seueri & Commo-  
di L. 20. D. de iure dot. L. 23. & L. 32. D. de don.  
int. vir. & vx. L. 1. pr. D. de reb. cor. qui sub tut.  
Antonini Caracallae solius oratio L. 3. D. de  
donat. int. vir. & vx. Orationes vero Principum  
pro SC. accipi, supra §. XLV. monui-  
mus. Recentius, quod de iure priuato agat,  
SC. mihi non succurrit. Et sane, qui ex eo  
tempore demum plane desiisse Senatusconsul-  
ta existimant, eis nos non inuiti nostram ad-  
iungemus sententiam.

LIX. Et haec sunt leges proprie sic dictae, LIX.  
quae Romae, tum libera adhuc Republica, tum  
sub Imperatoribus, viguerunt. Iam etiam de  
aliis quibusdam rebus, quarum obiter hoc ti-  
tulo meminit Imperator, quaeque ex antiqui-  
tatibus lucem aliquam desiderant, paucis agen-  
dum. Eadem enim §. 5. b. t. qua de Principum  
disserit Constitutionibus, etiam Priuilegiorum,  
vt & Legis Regiae; qua Populus Imperium omne

Senatus-  
consulta  
tamen  
etiam post  
Hadrian[um]  
tempora  
facta.

Transito  
ad mace-  
riam de  
Priuilegiis  
& Legge  
Regia,

in Principem transfulerit, facit mentionem; De vtrisque nonnulla monere operae fuerit pretium.

LX Pri  
uilegia  
quod dicitur  
runt? tum  
odiosa.

LX. Nonnunquam Imperatores quaedam statuebant, quae ad personam singularem pertinebant, neque trahenda erant ad exemplum; quae, siue poenam duriores irrogarent, siue quid alicui indulgerent ob meritum, *Privilegia*, adpellabantur, quasi *pruiae leges*, vt tradit Gell. *Noct. Att. X, 20.* Isidor. *Orig. V, 18.* Et olim quidem priuilegii vocabulum fere semper in deteriore partem acceptum videtur pro poena extraordinaria, quae certae personae tantum infligebatur. Lex sane sacrata aeque ac Decemviralis, dum PRIVILEGIA IRROGARI vetuit, poenas eiusmodi duriores quibusdam hominibus extra ordinem infligi prohibuit, ceu vel ex verbo IRROGARI colligas, quod ad poenas pertinere nemo ignorat. Vid. Ger. Noodt. *ad Pandect. Tit. de Legibus, Senatusc. & long. consu. p. 18.* Enenckel. *de Priuileg. iur. Ciu. I, 1. 2. & 3.* qui etiam obseruat, Ciceronem vocem *priuilegium* plerumque in deteriore; rarius in meliorem partem accipere. Ast iam libera Republica, saepius hanc legem migrabant Tribuni plebis, & quicumque e ciuibus ad maiorem potentiam adspirauerant. In Milonis odium Pompeius; in Ciceronis Clodius multa statuerat, quae a legibus abhorrebant, quaeque ipse Cicero *priuilegia* vocat, in oratione *pro domo XVII.* Postea saepe eo iure utebantur etiam Imperatores, eoque pertinet exemplum Hadriani, qui herae cuiusdam sacuitiam poe-

na

na fatis rigida relegationis in insulam vindicauit, *L. 2. §. fin. D. de his qui sui vel al. iur.* Id vero non mirum in herili imperandi ratione. Theodosius tamen iusserat, vt si Imperator odiosum eiusmodi privilegium irrogaret, poena triginta dies differretur. *L. 20. C. de poen.* Quam legem auctore Ambrosio, occasione tumultus, in ludis Circensibus Thessalonicac excitati, latam, illustrat Ad. Rechenb. *Dissert. Hist. polit. Tom. II. dissert. X.*

LXI. Ast solebant tamen & beneficia, vel certo statui, vel hominum generi concessa, LXI.  
Tum fa-  
uorabilia. PRIVILEGIA vocari. Vnde saepe in iure nostro occurrunt *priuilegia creditorum*, *priuilegia fisci*, reliqua: quamuis ea a priuilegiis discernenda, & *beneficia* potius legum, vel iura singularia dicenda existiment, qui paullo accuratius rem expendunt. Cuiac. *Obs. XV, 8.* Quin & singularibus hominibus concessa contra ius commune beneficia *priuilegia* audiunt, tum apud auctores, tum in iure nostro, in quo etiam adpellantur *pruata priuilegia*. *L. 4. C. Theod. de itiner. mun. vt & personalia rescripta. L. 5. eod.* Talia Priuilegia fuerunt leges de Menandro, *L. 5. §. ult. D. de captiv. vt & de Hostilio Mancino, L. 17. D. de legationibus.* Conf. Iac. Gothofred. *ad XII. Tab. IX. p. 228.*

LXII. Reuera ergo extremis temporibus summa potestas legislatoria penes Principes fuit, quibus eam delatam esse per LEGEM REGIAM, consentiens est Iureconsultorum opinio. Vlpianus *L. 1. pr. D. de Constit. Princ.* Quod Principi placuit, legis habet vigorem: vt pote LXII.  
Lex Re-  
gia, qua  
potestas  
legislato-  
ria trans-  
lata in  
Principes.

quam **LEGEREGIA**, quae de Imperio eius lata est, populus ei, & in eum, omne suum Imperium & potestatem conferat. Quae totidem verbis repetit Imperator §. 6. *Inst. b. t.* Meminit quoque eiusdem legis Alexander Imperator, L. 3. C. de testam. vbi ait: *Licet enim LEX IMPERII sollemnibus iuris Imperatorem soluerit; nihil tamen tam proprium Imperii est, quam legibus viuere. Legem enim Imperii hic eandem esse, ac Legem Regiam, iam dudum obseruauerunt eruditi.* Adde & L. vn. §. 14. C. de caduc. tollend. vbi **AVGVSTVM PRIVILEGIVM** adpellatur a Iustiniano.

LXIII.  
Variæ de  
hac lege  
sentesen-  
tiæ.

LXIII. Ast ea de lege dici non potest, quantae enatae sint inter eruditos controuersiae. Eam Hotomanus eandem esse putat cum ea, quae de regno Romuli lata fuerit, quam **REGIAM** etiam vocat Liv. XXXIV, 6. Ast eandem in Triboniani cerebro fuisse natam, suspicabatur Mart. Schoockius in *diatrib. de Lege Regia Triboniani*, quam repetitis curis auctiorem edidit sub titulo *de Quadruplici Lege Regia; Francof. 1668. 12.* Quum enim Regium nomen perosi sint Romani, neque unquam Augustus titulo tam inuidioso se passus sit ornari, nec verosimile fiat, populum Romanum, qui, Caesare interfecto, fessus ciuilibus discordiis, tolerabat magis Monarchiam, quam perpetuam optabat, tam inimica libertati lege in seruitutem se ipsum addixisse; non abs re suspicari sibi videbatur Schoockius, quidquid de Lege Regia in iure nostro legitur, ex Triboniani natum esse ingenio. Nec multo aliter sentiunt Connanus *Comm. I; 16. 3.* Vultei. *ad §. 6. Inst. b. t.* Sed Hotomano iam

iam Scipio Gentilis singulari *de Lege Regia* oratione; Schoockio abunde satisfecit doct. ill. Huberus *Digress. I. 16. sequ.*

LXIV. Res ita se habet. Quum Augustus LXIV. Quid de ea vero statuendum?  
omnia intestinis fessa dissidiis nomine Principis in potestatem suam recepisset: Senatus acque ac populus ei sensim plures honores decreuit, & modo hanc, modo illam *ἡ κρείν* partem detulit. Sic anno V. C. DCCXXIV. ei concessa Tribunicia potestas per omnem vitam; cautumque, vt ad Augustum prouocare ius esset, vtque ipse in omnibus iudiciis suffragium Mineruae ferret. Dio Cass. *Hist. LI, p. 513.* Mox anno V. C. ICCCXXVII. consulatu septimo, solutus est Augustus legibus, idque denuo repetitum anno V. C. ICCCXXX. Dio, *LIII, p. 582. & LIV, p. 591.* Quod tamen non de omnibus omnino legibus, sed de lege Cincia intelligendum esse, recte monet Ger. Noodt. *de iure summi Imp. & Leg. Reg. p. 777.* Porro anno V. C. ICCCXXXI. eidem, vndecimum consuli, permissum est a Senatu, vt Proconsul semper esset, liceretque ei, quotiescunque vellet, ad Senatum referre, denique in prouinciis maior esset eius, quam Praefectorum, auctoritas. Dio, *LIV, p. 594.* Quin anno ICCCXXXV. facultatem ei dederunt, emendandi omnia suo arbitrio, ac leges, quas vellet, ferendi. Dio *LIV, p. 604.* Vt alia praetermittam huius generis complura, quae ab aliis ac potissimum Io. Fridr. Gronouio in *Orat. de Lege Regia* collecta sunt diligentius.

LXV. Haec itaque, aliaque SC. in gratiam Augusti subinde facta, postea repeti consueuerant, LXV. Lex Regia repetita, quo-

quoties  
Princeps  
nouum  
auspica-  
batur Im-  
perium.

quotiescunque noui Imperatores inchoabant Imperium. Sic de Vespasiano Tacit. *Hist. IV, 3. Tum Senatus omnia, Principibus solita, Vespasiano decreuit.* Quae de Lege Regia recte interpreta-  
tur Pichena. Vnde adparet, quaecunque sensim Augusto detulerat Senatus, ea post Tiberio, aliisque Principibus fuisse decreta. Omnia ergo illa SC. non vno eodemque tempore facta, saepiusque deinde repetita, simul sumpta, *Lex Imperii* vocari consueuerunt a Iureconsultis, vt & *Lex Regia*, exemplo, vt opinor, veterum Romanorum, qui, vrbe vix nata, Romulo supremam potestatem concesserant *LEGE REGIA*, cuius meminit Liv. *XXXIV, 6.* Quamuis Huberus *Digr. l. c.* posterius nomen Antoninorum demum temporibus, alii adhuc serius inualuisse existiment. Conf. Io. Frid Gronov. *Orat. de Leg. Regia.* Ian. Vinc. Graulina de *Orig. iur. ciu. CXIV. p. 139. sequ.*

LXVI.  
An hac  
lege do-  
minatus  
Impera-  
torum sta-  
bilitus.

LXVI. Caue vero existimes, hac ipsa *Lege Regia* in seruitutem se addixisse Romanos, seque omni omnino abdicasse Imperio. Minime gentium. Quamuis enim id vulgo colligant ex *Dione LIII, p. 582. L. 1. D. de Const. Princ. & L. 31. D. de leg.* falsissimum tamen id esse, vniuersa docet historia. Sane post omnia illa SC. in gratiam Augusti facta, Caligulae Senatus vacationem legis Papiac Poppaeae caducariae dedit, teste *Dione LIX, p. 747.* Quid vero opus erat hac legis solutione vel indulgentia, si iam *Lege Regia* Imperatores legibus omnibus fuerint soluti? Ergo iis legibus soluti erant Principes, quibus eos nominatim soluerat S. P. Q. R. vt paullo

paullo post ex fragmentis tabulae Capitolinae  
adparebit. Conf. Ger. Noodt. *Dissert. III. de iure  
summi Imp. & Lege Reg.* p. 778. & *Obs. I.* 3.  
p. 411. *seq.* Ian. Vin. Graüna *de orig. iur. civ. l. c.*

LXVII. Ceterum Regiae illius Legis, sub LXVII.  
auspiciis Imperii Vespasiani repetitae, fragmen- Fragmentum  
tum bene longum ac egregium exstat in tabu- Regiae.  
la aenea Capitolina apud Gruter. *Inscript. p.*  
*CCLXII*, cuius *γνησιότης* in dubium a nonnul-  
lis vocatam Hotomanus, pluresque viri doctis-  
simi, & nuper etiam clarissima Romanae anti-  
quitatis lumina Blanchinus, Fabrettus, nec non  
postea Iustus Eccardus, qui ipse hoc monu-  
mentum descripsit & luculenta explicatione il-  
lustravit, agnouerunt. Illorum epistolae hanc  
in rem scriptae exstant apud Ian. Vincent. Gra-  
uin. *l. c. p.* 231. *sequ.* Ipsum vero illud legis frag-  
mentum ita se habet :

**F** OEDVSVE. CVM. QVIBVS. VO-  
LET. FACERE. LICEAT. ITA.  
VTI. LICVIT. DIVO. AVG. TI. IVLIO.  
CAESARI. AVG. TIBERIOQVE. CLAV-  
DIO. CAESARI. AVG. GERMANICO.

**V** TIQVE. EI. SENATVM. HABE-  
RE. RELATIONEM. FACERE.  
REMITTERE. SENATVS. CONSVL-  
TA. PER. RELATIONEM. DISCESSIONE-  
NEMQVE. FACERE. LICERET. ITA-  
VTI. LICVIT. DIVO. AVG. TI. IVLIO.  
CAESARI. AVG. TI. CLAVDIO. CAE-  
SARI. AVG. GERMANICO.

F 5

VTI-

**V**TIQVE. CVM. EX. VOLVNTA-  
TE AVCTORITATEVE. IVSSV.  
MANDATVVE. EIVS. PRAESENTE-  
VE. EO. SENATVS. HABEBITVR.  
OMNIVM. RERVVM. IVS. PERINDE.  
HABEATVR. SERVETVR. AC. SI. E.  
LEGE. SENATVS. EDICTVS. ESSET.  
HABERETVRQVE.

**V**TIQVE. QVOS. MAGISTRATVM.  
POTESTATEM. IMPERIVM. CV-  
RATIONEMVE. CIVIS. REL. PETEN-  
TES. SENATVI. POPVLOQVE. RO-  
MANO. COMMENDAVERIT. QVI-  
BVSQVE. SVFFRAGATIONEM.  
SVAM. DEDERIT. PROMISERIT.  
EORVM. COMITIS. QVIBVSQVE.  
EXTRA. ORDINEM. RATIO. HA-  
BEATVR.

**V**TIQVE. EI. FINES. POMERII.  
PROFERRE. PROMOVERE.  
CVM. EX. REPUBLICA. CENSEBIT.  
ESSE. LICEAT. ITA. VTI. LICVIT. TI.  
CLAUDIO. CAESARI. AVG. GER-  
MANICO.

**V**TIQVE. QVALECVNQVE. EX.  
VSV. REIP. MAIESTATE. DIVI-  
NARVM. HVMANARVM. PVBLICA-  
RVM. PRIVATARVMQVE. RERVVM.  
ESSE. CENSEBIT. EI. AGERE. FACE-  
RE. IVS. POTESTASQVE. SIT. ITA.  
VTI.



VTI. DIVO. AVG. TIBERIOQVE. IV-  
LIO. CAESARI. AVG. TIBERIOQVE.  
CLAUDIO. CAESARI. AVG. GERMA-  
NICO. FVIT.

**V**TIQVE. QVIBVS. LEGIBVS. PLE-  
BEIVE. SCITIS. SCRIPTVM.  
FVIT. NE. DIVVS. AVG. TIBERIVS-  
VE. IVLIVS. CAESAR. AVG. TIBE-  
RIVSQVE. CLAVDIVS. CAESAR.  
AVG. GERMANICVS. TENEREN-  
TVR. IIS. LEGIBVS. PLEBISQVE.  
SCITIS. IMP. CAESAR. VESPASIA-  
NVS. SOLVTVS. SIT. QVAEQVE.  
EX. QVAQVE. LEGE. ROGATIONE.  
DIVVM. AVG. TIBERIVMVE. IV-  
LIVM. CAESAREM. AVG. TIBERIVM-  
VE. CLAVDIVM. CAESAREM. AVG.  
GERMANICVM. FACERE. OPOR-  
TVIT. EA. OMNIA. IMP. CAESARI.  
VESPASIANO. AVG. FACERE. LI-  
CEAT.

**V**TIQVE. QVAECVNQVE. ANTE.  
HANC. LEGEM. ROGATA.  
ACTA. GESTA. DECRETA. IMPERA-  
TA. AB. IMPERATORE. CAESARE.  
VESPASIANO. AVG. IVSSV. MANDA-  
TVVE. EIVS. A. QVOQVE. SVNT. EA.  
PERINDE. IVSTA. RATAQVE. SINT.  
AC. SI. POPVLI. PLEBISVE. IVSSV.  
ACTA. ESSENT.

SAN:

## S A N C T I O.

SI. QVIS. HVIVSCE. LEGIS. ERGO. ADVERSVS. LEGIS. ROGATIONES. PLEBISVE. SCITA. SENATVSVE. CONSVLTA. FECIT. FECERIT. SIVE. QVQD. EVM. EX. LEGE. ROGATIONEVE. PLEBISVESCITO. S. VE. C. FACERE. OPORTEBIT. NON. FECERIT. HVIVS. LEGIS. ERGO. ID. EI. NE. FRAVDI. ESTO. NEVE. QVIT. OB. EAM. REM. POPVLO. DARE. DEBETO. NEVE. CVI. DE. EA. RE. ACTIO. NEVE. IVDICATIO. ESTO. NEVE. QVIS. DE. EA. RE. APVD. SE. AGI. SINITO.

Hoc est monumenti illius quantiuis pretii fragmentum, ex quo satis adparet, quod supra ostendimus, Legem Regiam ex multis SC. in honorem Augusti, Tiberii, Claudii aliorumque Imperatorum factis, fuisse conflatam.

## T I T. III.

## D E

## IVRE PERSONARVM.

**P**Rima apud Romanos hominum diuisio erat in *liberos & seruos*. Illi iterum vel *ingenui* erant, vel *libertini*. Hoc titulo de libertate & seruitute; sequentibus de ingenuis & libertinis

tinis agitur. Tametsi vero seruitus sit iuris gentium: Romanorum tamen serui in plerisque differebant a reliquarum gentium mancipiis, ceu Germanorum Romanorumque comparatione ostendit Tacit. *de moribus Germ.* XXV.

I. Obseruandum ergo initio, Romanos I. Serui captos bello hostes redegisse in seruitutem. (a) <sup>hiebant captiuitate.</sup> Quemadmodum enim, qui, positis armis, ultro sese dedebant, sub iugum mittebantur, saluaque retinebant ingenuitatis iura: (quem ritum accuratissime, ut solet, describit Dionys. Halic. *Ant. Rom. III. p. 159.*) ita capti in acie, vel violenta urbium expugnatione, sub corona veniebant. Gell. *Noct. Attic. VII, 4.* Illi *dedititii*, hi *serui* vocabantur, quod essent in bello seruati, itemque *mancipia*, quasi manu capti. §. 3. *Inst. h. t.*

II. Redacti ergo in hanc conditionem non II. Et pro personis, sed pro rebus, immo pro nullis <sup>quia non pro personis, sed pro rebus habebantur.</sup> habebantur. Hinc non solum in iure rebus mancipi accensebantur: Vlpian. *Fragm. XIX, 1.* sed & Iuuen. *Sat. VI. v. 221.* alludens ad mores Romanorum, scribere non dubitat: *O demens, ita seruus HOMO est? ὑπερβολικῶς*, ut solet, nec tamen sine ratione. Quamuis enim serui essent *homines*,

(a) Ita agebatur cum hostibus. Excipiebantur ergo bella ciuilia, in quibus capti non in seruitutem redigebantur, L. 21. §. 1. ff. *de caps. & post l.* sed *proscribebantur* a victoribus. Quam proscriptionem, ita dictam a tabula, qua nomina proscriptorum proponebantur, primus inuenit L. Sulla. Vellei. *Paterc. Hist. II, 28.*

*homines*, quamvis ratione status naturalis etiam *personae* dici possent: *L. 22. pr. D. de reg. iur.* non tamen erant *personae civiles*, & hinc dicuntur, ἀπρώστοι Theophilo *pr. Inst. de stip. seru. personam legibus non habentes*, Cassiod. *Var. VI, 8.* denique *sine capite*, οἱ ἡδεμίαν πάλαι εἶχον κεφαλὴν. Theoph. §. 4. *Inst. de cap. demin* Nihil ergo sibi adquirebant: non matrimonia contrahebant, sed in contubernio vivebant cum ancillis: nec gaudebant iure testamenti factionis & contractuum, nec vlla in personam seruilem cadebat obligatio, *L. 22. D. de reg. iur.* Vnde *secundum genus hominum* vocantur Floro *Hist. III, 20.*

III. Etiam  
nascebantur  
ex ancillis.

III. Ex quo sequebatur, ut nec liberi seruorum melioris, quam mater, conditionis haberentur. Fructus enim, tamquam rerum accessiones, non secus ac ipsae res, ad dominos pertinere videbantur. Et eiusmodi quidem serui, domi nati, *vernae* adpellabantur.

IV. Et  
erant in  
commercio.

IV. Porro & hoc inde fluebat; seruos acque ac alias res posse legari, donari, immo & vendi: unde perpetua Romae erat servorum nundinatio, quotidiana comparatio. *L. 44. princ. D. de usurp. & usucap.* Qui seruos vendebant, promittere tenebantur eorum sanitatem. *L. 43. §. 1. D. de contr. emt. L. 16. §. 2 & L. 31. D. de iust.* Nonnunquam tamen mancipii sanitatem explorabant accensi gagatis lapidis odore, maxime si seruum morbo caduco laborare suspicarentur. Apulei. *Apolog. I.* Sed & nudos venum exponebant seruos, ne quod vitium corporis latitaret. Seneca *Epist. LXXXI, & Controu. I, 2.* Immo de animi vitiis cauere solebat in

in eiusmodi venditionibus seruorum. Horat. *Serm. II*, 3. v. 285. *sequ.* veluti, nec furem esse, nec fugitium nec lenonem, noxis solutum esse, & quae sunt huius generis alia. Singulorum enim seruorum titulos scribi iusserat Aedilis, ut quid cuique morbi vitiique esset, intelligeretur. Gell. *Noct. Attic. IV*, 2. Seneca *Epist. XLVII*. Turneb. *Adv. XXIII*, 2. Ceterum serui, quorum nomine nihil promittebatur, pileati veniebant. Gell. *Noct. Att. VII*. 4. quemadmodum bello capti sub corona. Varro *de re rust. II*, 10. trans mare aduecti cretatis vel gypsatis pedibus, Plin. *Hist. Nat. XXXV*, 17. & 18. Tibull. *III*, 3. Alia, quae in seruorum venditionibus obseruata sunt, explicauit Brissou. *de Form. VI*, p. 492. *sequ.*

V. Saepe & poenae loco in seruitutem de-  
trudebantur facinorosi, veluti I. qui censum vel  
militiam subterfugerant, quippe qui bonis in  
aerarium redactis virgis caesi trans Tiberim ve-  
nibant. Dionys. Halic. *IV*, p. 221. Cic. *pro Caecin. XXIV*. II. Damnati ad metalla vel bestias,  
aliaque extrema supplicia. Hi enim serui  
poenae fingebantur, §. 3. *Inst. quibus modis jus  
patr. pot. solu.* Vid. infra *Lib. I, Tit. XVI. §. V*.  
III. Liberti ingrati, quippe qui etiam in seruitu-  
tem reuocabantur. Suet. *Claud. XXV*. (b) IV.  
Mulieres liberae, amore seruorum alienorum  
bacchantes, quam poenam tamen earum com-  
modo sustulit Iustinianus. *L. unic. C. de SC.  
Claus.*

(b) Plura de huius iuris historia notabimus infra *Lib.  
I. Tit. VI, §. 9.*

(c)

*Claud. tollendo. V.* Qui ab alio adfert, praefiti-  
taque cautione edictis citati, per annum se haut  
stitissent. *L. 1. §. 2. C. de adfert. toll.*

VI. Liber-  
tas non  
erat in  
commer-  
cio

VI. Quemadmodum vero nihil erat serui-  
tute durius, nihil miserabilius: ita tantus erat  
libertatis favor, ut illa non crederetur esse in  
commercio, neque adeo liceret ingenuis, se  
ipsum addicere in servitutem. (c) Multo minus  
rata habebatur venditio, si quis extraneus (d)  
hominem liberum venundasset. Sigon. *de  
antiquo iure civ. Rom. I., 6.*

VII. Servi  
tamen fie-  
bant, qui  
se pretii  
partici-  
pandi  
caussa ve-  
numdari  
passi e-  
rant.

VII. Ast hic mirae fraudes. Solebant enim  
adolescentes male feriatum se ipsos aliis venden-  
dos dare, pretii participandi causa, ac deinde  
pro-

(c) Quod licebat Ebraeis, ut docet Selden. *de iure  
nat. & gens. VI., 7.* ut & Germanis, teste Tac. *de mor,  
Germ. XXIV.* non item fas erat Romanis. Unde  
errat Ræuard. *Coniect. II., 8.* fingens Tuscum vi-  
cum, ubi homines se ipsi vendiderint. Plautus e-  
quidem *Curcul. IV., 1. v. 19:*

*Sub veteribus, ibi sunt, qui dant, quique accipiunt  
foenore:*

*Pone aedem Castoris, ibi sunt, quibus credas male  
In Tusco vico, ubi sunt homines, qui ipsi sese vendi-  
tant.*

Et Horat. *Serm. II., 3. v. 228.*

*Ac Tusci turba impia vici,*

Sed ibi de improbis meretricibus & lenonibus ser-  
monem esse; iam pridem observarunt eruditi. Vid.  
Taubmann. ad Plauti *Curcul. I., 2.*

(d) Patribus equidem licebat filios, quos habebant in  
potestate, tunc venundare: sed salvo tamen inge-  
nitatis iure. Manumissi enim ex ea servitute  
non libertini erant, sed ingenui. Vid. infra *Lib. I.  
Tit. IV., n. 1.*

(f)

proclamare ad libertatem. Exemplum huiusmodi fraudis in scenam produxit Plaut. *in Pers.* I, 3. v. 55. III, 1. IV, 3. v. 9. Quare SC. demum cautum est, (e) ut, qui essent maiorennes, seque pretii participandi causa venumdari siuissent, in seruitute manerent. L. 1. L. 3. D. *quibus ad libert. proclam non licet.*

VIII. Quamvis vero in seruorum conditione nulla sit differentia: §. 5. *Inst. h. t.* reuera VIII.  
Varia seruorum ministeria. tamen alias discrimen haut vnum occurrit. Ratione munerum alii erant atrienſes, alii dispensatores, alii medici, topiarii, pistores, capsarii vel *μαλοφύλακες*, scoparii, lecticarii, structores, scissores seu carptores, insularii, (f) & quae alia erant seruorum ministeria, de quibus accurate actum a Laur. Pignorio *in libro de seruis eorumque apud veteres ministeriis*, & Tito Popma *in Tractatu de operis seruorum*, coniunctim editis *Amstelod. MDCLXXII*, 12. Ratione dominorum priuati alii erant, alii publici. Illi priuatis seruiebant;

(e) SC. Claudiano hoc ius esse inueſtum nescio quo auctore tradit Dionys. Gothofr. *ad §. 4. Inst. h. t.*

(f) Et horum profecto diuersissima erat in domo conditio. Quum enim seruorum quidam lautius haberentur in familia: alii contra neruis ac compedibus vinſti ſeruiebant. Tales erant janitores & ostiarii, quos in catena fuiſſe docet Sueton. *de clar. Rhet.* III. Sic & ruri quidam vinſti faciebant opus. Columella *de re ruſt.* I. ult. Plin. *Hiſt. Nat.* XVIII. 3. Seneca *de Benef.* VII, 10. Huc comparata erant ergaſtula domestica ſubterranea, quae diligenter exploranda eſſe a circumſpectis patribusfamilias monet Columella *de re ruſt.* I, 8. Conf. Barn. Briff. *Antiqu. Rom.* II, 9. p. 33. Llpſ. *Elect.* II, 15.

bant, hi ad publica adhibebantur ministeria & potissimum Magistratibus adparebant. Publici vel in poenam seruiebant, vel tanquam captiui redigebantur in seruitutem. Prior mos non caret exemplis, quamuis minus probaretur a recti exempli viris. Vid. Plin. *Epist.* X, 40. 41. Posteriore consuetudine nihil est frequentius. Et hi captiui, redacti in seruitutem, nomina ple-  
rumque accipiebant vel a prouinciis, vt *Brutiani*, *Cyprii*, vel a victoribus, a quibus in acie capti, veluti *Gelliani*, *Clodiani*, Lips. *Elect.* I, 12. & *Adnot. ad Tacit. Annal.* II, p. 95. Eorum alii erant tabelliones, alii actores, alii notarii populi Romani. Et longe tolerabilior erat eorum, quam priuatorum seruorum, conditio, siquidem & ante manumissionem iure gaudebant, pro parte dimidia testamentum faciendi, Vlpian. *Fragm.* XX, 16. P. Pithoeus *Schol. ad Collat. Leg. Mos.* & *Rom.* V, 2. p. 752. Edit. Ant. Schulting. Denique alii erant serui proprie ita dicti, alii statuti liberi, qui destinatam in tempus vel conditionatam habebant libertatem. L. 1. D. de statu liberis. Sane & hi serui diserte dicuntur. L. 9. pr. & L. 29. pr. D. de statu lib. L. 12. §. ult. D. famil. erisc. Sic & serui rustici & urbani distinguuntur in L. 99. D. de legat. 3. Vbi videndus Merill. 1. Obs. III, 5. pag. 143. Alii denique adscriptitii, vel glebae adscripti. Quamuis enim & hi quibusdam ingenui videantur ob L. vn. C. de colon. Thrac. eo quod iure connubii gauderent, & aliquid possent habere proprii: Thomas. de usu pract. distinct. inter liber. & seru. I, 16. seq. erant tamen in commercio. d. L. vn. C. eod. L. 21. C. de agric.



*agric. & censit.* Vnde saepe serui vocantur in iure nostro, nec a seruis differre, hinc inde dicuntur. *L. 21. fin. C. de agric. & censit. Nouell. CLXII. cap. 3.*

## TIT. IV. ET V.

## D E

## INGENVIS ET LIBERTINIS.

**L**iberi homines subdiuiduntur in *ingenuos* & *libertinos*. Vtrorumque conditio denuo ex antiquitatibus Romanis eruenda est.

I. Ingenui erant Romanis, qui nunquam iustam seruiuerant seruitutem. Iniuste enim in seruitutem detrusi, impetrata libertate, non ad libertinorum, sed ad ingenuorum statum redibant. §. 1. *Inst. b. t.* Idem obseruandum de filiis, quos patres in seruitutem vendiderant, quod ter facere poterant ex instituto Romuli. Dionys. Hal. II, 28. Nam & hi manumissi non libertini erant, sed ingenui. Paull. *Recept. Sent. I, 1.* Et ita interpretanda *L. 2. pr. Cod. Theod. de liberali causa.* vbi Constantinus M. negat, *libertatem*, id est ingenuitatem, *filiis eripi posse a parentibus.* Ingenuos enim κατ' ἐξοχὴν dictos esse *liberos*, ex *L. 4. D. de iust. & iure* patet. Immo ne ciuitatis quidem iura penitus perimebantur hac venum-datione. Cic. *pro Caecin. XCV.* nec iis iure postliminii opus erat, si manumitterentur. Idem *de Orat. I, 181.* Bynkersh. *Opusc. p. 149. seq.* Denique & illi, qui ob aes alienum addicebantur creditoribus, itemque filii familias noxae dediti, seruebant quidem, sed manumissi ingenuitatis

iura recuperabant. Quintilian. *Inst. Orat. VIII*, 3. & *Declam. CCCXI*. Iac. Cuiac. *Observât. XIII*, 9. (a)

II. Si qui vero e iusta servitute erant manumissi, eos vocabant *libertinos*. Quamvis enim *libertini* vetustioribus auctoribus sint libertorum liberi, Suet. *Claud. XIV*. sequiore tamen aevo id maxime apud Iureconsultos inualuit, ut & manumissi dicerentur libertini. Casaub. *ad Suet. Aug. XXV*. Observatur tamen differentia, ut ratione patronorum dicantur *liberti*, ratione status *libertini*. Oiscl. *ad Caïi Instit. I*, 1. p. 7.

III. Manumissiones antiquitus fiebant solemniter I. *censu*, quando servus iussu domini nomen suum in censum lustralem conferebat. Vlpian. *Fragm. I*, p. 564. Non sine causa vero Vlpianus meminit census lustralis. Non statim enim atque eum censerat dominus plenam libertatem consequeretur, sed expectandum erat, dum lustrum conderetur: interim enim domino poenitere licebat, ceu ex Cic. *de Orat. I. cap. 40*. ostendit Lud. Charond. *annot. ad Vlpian. l. c. p. 564*. edit. Schulting. Adde *Adpend. Lib. I. §. 48*.

IV. Deinde quum Vindicius, Vitelliorum servus, coniurationem Brutorum aliorumque iuvenum ad Senatum detulisset, praemium ei decernebantur libertas & ciuitas. Vnde & II. sol-

(a) Signum ingenuitatis apud pueros & puellas erat bulla aurea, collo adpensa, postea toga praetexta. Theodor. Marcil. *ad Pers. Sat. V, v. 35. p. 112*.

sollemni illi manumissioni, quae coram Magistratu fiebat, *vindictae* nomen inditum. Liv. II, 5. L. 2. §. 24. *D. de Orig. iur.*

V. Fiebat haec manumissio coram Consule. V. Eiusdem ritus. (b) Praetore, Procos. adhibito lictore, qui ferui percussio capite, eodemque in girum circumacto, inflictæque alapa, addebat verba: **HVNCHOMINEM LIBERVMESE VOLO.** (c) Hinc Perf. *Sat. V, v. 75.* de Dama seruo in girum acto:

— *Heu steriles veri, quibus una Quirites*  
*Ver-*

- (b) Et Consules quidem etiam sequoris aevi statim, vt Consulatam inierant, manumissiones solebant expedire ad renouandam manumissionis illius, a Bruto factae, memoriam. Id quod ex Cassiodori *Var. VI, 1. p. 227.* Ammiani Marcell. *Hist. XXII, 9.* aliisque locis egregie demonstrat P. Faber. *Semestr. I, vit. p. 194.* Pertinent huc illa Sidonii *Carm. II. ad Anthim. v. 545.*

*Nam modo nos iam festa vocant, & ad Vlpia*  
*poscunt*

*Te fora, donabis quos libertate Quirites:*  
*Quorum gaudentes expectant verbera mala.*

Vt & illa Claudiani *Consul. IV. Honor. v. 613.*

*Adspice, mox laetum sonuis clamore tribunal.*

*Te fastos ineunte quater, sollemnia ludis*

*Omnia libertas, deductum Vindictæ morem*

*Lex celebrat, famulusque, iugo laxatus herili,*

*Ducitur & grato remeat securior ictu.*

Vbi conferri merentur Casp. Barthil *Adnot. p. 706.*

- (c) Substituunt alii formulam: **AIO TE LIBERV M MORE QVIRITIVM.** Oisfel. *ad Cui Inst. I. 1. p. 11. 12.* edit. Schulting. Initio ipse dominus haec verba pronunciabat, postea tacente domino lictor, vel ea vt dicta acclpiebantur. L. 23. *D. de Manum. vindictæ.*

*Vertigo facit: hic Dama est, non treffis agaso,  
Vappa & lippus, & in tenui farragine mendax.  
Verterit hunc dominus, momento turbinis exit  
Marcus Dama.*

Virga, qua caput percutiebatur, *vindicta* vocata est, ab eodem, ut putatur, Vindicio. Et de ea idem Persius *Satyr. V.* 88.

*Vindicta postquam meus a Praetore recessi.*

Conf. Claud. *Paneg. de IV. Cons. Honorii v.* 612. De alapis in manumissione inflictis legi meretur Casp. Barth. *ad Briton. Philipp. p.* 406. De formula manumittendi Fest. voce *manumitti* & Briss. *de Form. VIII p.* 724. Singulare est, quod notauit Appianus, Labeonem morientem seruum domi dextra adprehendisse & circumegisse. Ea sane manumissio non fuit haec sollemnis per vindictam peracta, quippe quam in iure fieri oportebat, sed alia priuata, & mortis causa facta, quae tantum libertatem Latinam tribuebat: uti rem recte explicat Merillius *Obs. VII, 14. p.* 25.

VI. Manumissio  
per testamentum.

VI. Accessit porro III. ex legibus XII. Tabularum manumissio *per testamentum*, qua si quibus libertas daretur verbis directis: **DAVVS SERVVS MEVS LIBER ESTO**: liberti cuiusmodi vocabantur *Orcini*, seu *Charonitae*, quasi, qui nullum patronum, nisi in orco, haberent. Iac. Cuiac. *Obs. III, 23*. Sin verbis precativis usus esset testator: **ROGO HEREDEM MEVM, VTDAVVM MANVMITTAT**; heres fiduciarius retinebat iura patronatus. Sin denique in certum diem vel sub conditione cuiusdam daretur libertas; is *statu liber*.

ber audiebat, nec plenam libertatem, nisi veniente die, vel existente conditione, consequeretur. *L. 1. pr. D. de Statu lib.* Fest. voce *statu liber.*

VII. Et hi quidem sunt antiquissimi manumittendi modi. Loco manumissionis per censum Imperatores Christiani (d) introduxerunt aliud manumissionis genus, quod fiebat in *S. S. Ecclesiis*, ubi recitatis iussu domini tabulis, a clero signatis, servus libertatem consequeretur. Ita ritum exponunt Augustin. *Serm. V.* a Sirmondo edit. Papinian. in *Respons. III*, p. 829.

VIII. Paulo ante ea tempora inualuerant manumissiones variae minus sollemnes, quales *I. per epistolam & II. inter amicos*. Illa initio sine omni sollemnitate expediebatur, donec Iustinianus quinque testium exigeret subscriptionem *L. vn. §. 1. C. de Lat. libert. toll.* Haec ita fiebat, ut dominus servum, praesentibus amicis, vel liberum esse iuberet, vel III. convivio adhiberet. Glossae nomicae I. abbaci, *περ μένσαν ἐλευθερία, ὅταν συνεσθῇναι μοι κέλυσω τὸν δούλον μὲν, Per mensam libertas est, si tecum epulari servum iussero*. Indecorum scilicet olim habebatur, cum servis vilibusque hominibus accu-

VII. Et in Sacrosanctis Ecclesiis.

VIII. Nec non per Epistolam, inter amicos, & per convivium.

(d) Et quidem Constantinus M. ceu patet ex *L. 1. C. 2. C. de his qui in eccl. manum.* Conf. Sozom. *Hist. eccl. 1. 9.* Videtur tamen Constantinus exemplum gentillum sequutus, qui & ipsi subinde vel in templis ad aras Deorum, vel in publicis populi coetibus manumittebant, ceu praeclare observat Iac. Gothofred. ad *L. vn. C. Theod. de manum. in S. S. ecclesiis.*

cumbere, iisque non lecti, sed subsellia erant parata. Hinc parasitus apud Plaut. in *Sticho* III, 4. v. 32.

*Haut postulo equidem, me in lecto accumbere,  
Scis tu, me esse imi subsellii virum.*

Et in eadem comodia serui duo: V, 4. v. 21.

— *Potius in subsellio*

*Cynice accipiemur, quam in lectis.*

Quod si ergo servus iuberetur accumbere: signum hoc erat datae libertatis. Plin. *Epist.* VII. 16. Quo & locus Luc. XII, 37. a nonnullis refertur. Sed & hic Iustinianus quinque amicorum, tanquam testium, exegit praesentiam *I. vn. C. de Lat. lib. toll.* Sunt & alii modi innumerabiles Latinae libertatis, ut ait Iustinianus *L. vnic. C. de Latin. libert. toll.* sic imposita puerobulla & praetexta, manumissus credebatur puer. Sueton. *de clar. Rhetor. cap. I.* Manumissus censebatur servus, quem dominus actis interuenientibus filium vocauerat, quamvis id non sufficeret ad adoptionem. §. 12. *Inst. de adopt.* Item, si ancilla a domino matronali habitu donata fuisset, vel servus domino volente signasset tabulas. Quintilian. *decl.* XXXIV. Immo & mortis causa datam esse eiusmodi libertatem, ex l. 15. *D. de Manumiss.* probat Merrill. *Obs. L. VII. cap. XIV.*

IX. Serui nonnunquam ipso iure libertatem sunt consecuti. IX. Denique & ipso iure, nolente licet domino, servis nonnunquam libertatem dandam fuisse nouimus. Causas a Iustiniano fere inuentas accurate recenset Thomas. *Diss. de usu pract. disting. hom. in ingen. & libert.* I, 12.

X.

X. Ceterum antiquissimis temporibus vna erat eademque omnium manumissorum libertas: siquidem manumissione non solum libertatem, sed & ciuitatis iura consequabantur, idque instituerat Seruius Tullius, qui & ipse libertinae fuerat conditionis. Dionys. Halic. IV, p. 126. Quam in rem Cicero *pro Corn. Balbo XXIV. Seruos denique, quorum vis & fortunae conditio infirma est, bene de Republica meritos, persuepe libertate, id est, CIVITATE, publice donatos videbamus.* Ciuitatem ergo vna cum libertate consequabantur serui, sed ita, vt in quatuor vrbanas tribus, tanquam ignobiliores, describerentur. Flor. *Epit. Liv. XX.*

XI. Enimvero quum ciuitas deinde tota scelestissimorum hominum colluie impleretur, nequissimique homunciones, a dominis manumissi, ciuium iura inuaderent: (Dionys. Hal. l. c. p. 228.) primum sub Augusto lege Aelia Sentia cautum est, ne serui sceleris causa publice caesi, vincti, aut torti, aut stigmatibus iniusti, (e) impetrata a dominis libertate, melio-

X. Libertinorum vnum initio genus.

XI. Quod mutatum lege Aelia Sentia.

ris

(e) Solebant enim serui ob leuia crimina flagellis caedi, dominisque reddi. L. 10 *prin. D. de Poen. L. ult. D. de Iniur.* Paull. *Sent. Recept. V, 4. 22.* Nonnunquam etiam ea lege reddebantur dominis, vt aliquamdiu in vinculis haberentur. Paull. l. c. & V, 18, 1. Fugitiui vero seruis epigramma in facie inurebatur, & talibus quidem plerumque litteris: F. H. E. L. T. *Fugitiuus hic est L. Titii.* Quibus de notis multa congesse Oiscl. ad Call. *Instit. l. 1. 3. p. 16. seq. Lips. Elect. 11, 15.* Rader. ad Martial. *Epigr. 11, 25. & VIII, 70.* Rad. *Forner. Rer. Quosid. VI, 26.* Tit. Popma. *de operis ser. Ioan. Rhod. ad Scribon. Largum. cap. 231.* Io. Nicol. *de Sigl. vet.*

tis essent conditionis, quam dedititii. Sueton. *Aug. LX.* Dio Cass. *LV. p. 556.* Vlp. *Fragm. I, 11.* Caius *Inst. I, 1. 3. p. 15.*

XII. Et  
postea le-  
ge Iunia  
Norbana.

XII. Postea A. V. C. DCCLXXI. M. Iunio Silano & L. Iunio Norbano Balbo Coss. lata est lex Iunia Norbana, qua constitutum, ut manumissi per epistolam aut inter amicos, aliisque modis minus sollempnibus, de quibus supra §. VIII. non ciuitatis sed Latinorum tantum iura consequerentur. Vlpian. *Fragm. I, 10.* Cai. *Inst. I, 1. 2.* & ibi viri docti. Hinc non desunt exempla manumissionum per epistolam aut inter amicos, per vindictam deinde ideo confirmatarum, ut liberti iura ciuitatis consequerentur. Plin. *Epist. VII. 16.* Nonnunquam & ab Imperatoribus Latini Iuniani iura Quiritium imprecabant. Plin. *Epist. X, 4.* Introducti subinde & alii modi, quibus iura Quiritium consequerentur Latini Iuniari, veluti, si quis uxorem duxerat, testatione interposita, quod *liberorum quærendorum causa* id fecerit, ex eoque matrimonio natus erat filius: si quis Romæ triennio inter vigiles militauerat: si naue X. M. modiorum frumentum Romam deportauerat. Suet. *Claud. XIX.* si ædificium Romæ construxerat. Vid. Vlpian. *III, 2. sequ.*

XIII.

XXV. Stigmata eiusmodi vultibus imprimi vetuit Constantinus L. 17. C. de poen. ex eoque tempore seruis fugitiuis circumdata collaria, vel laminæ collis adpensæ, quibus epigrammata inscripta. Delineatas eiusmodi lamellas dedit Iac. Spon. *Miscell. Erud. Antiq. p. 300. 301.*

(1)



XIII. Ex eo ergo tempore trium generum erant libertini. Alii enim fiebant *cives Romani*, alii sola consequebantur iura Latinorum, dicti hinc *Latini Iuniani*. Alii denique utriusque iuris expertes ad *dedititiorum* tantum conditionem adspirabant. Iac. Cuiac. *Obs.* IV, 5.

XIII. Hinc libertini alii cives, alii Latini Iuniani, alii dedititii.

XIV. Iura ciuitatis quatenus fuerint, inter omnes constat, & infra ostendetur accuratius. Latini Iuniani eiusdem erant conditionis cum Latinis in colonias deductis. Vlpian. XIX, 4. *Fragm. Regule vet. Iure cons. VIII, p. m. 805*. quales coloniae passim in orbe Romano exstabant etiam acuo Imperatorum. Ez. Spanh. *Orb. Rom. Exerc. I, 9*. Libertate igitur gaudebant, participes erant commerciorum & mancipationum cum ciuibus. Vlp. XIX, 4. & familiae emtores, & testes, & libripendes fieri, (Vlp. XX, 8.) quin & fideicommissum capere poterant: (Vlp. XXV, 6.) Sed tamen nec testari iis licebat, (f) nec ex testamento quidquam capere, nisi intra centum dies a cretione iura Quiritium consequerentur. Vlp. XVII, 1. Hinc vulgo dicitur, vixisse Latinos Iunianos ut liberos, decessisse ut seruos. L. vn. C. de Lat. lib. toll.

XIV. Quatenus nam Latini Iuniani?

XV. *Dedititii* vero vix umbram libertatis consequebantur. Nam & iuris commerciorum, XV. Quales dedititii.

(f) Videntur tamen & Latini Iuniani testari potuisse, volentibus concedentibusque patronis. Nam & domini permittere poterant ipsis seruis testamenti factionem, ceu adparet ex Plin. *Epist. VIII. 16.*

(g)

rum, mancipationum, erant expertes, & testamenti factione tum actiua tum passiuā plane carebant, &, quae miserrima erat eorum conditio, nulla ipsis spes supererat, vllō modo ad ciuium Romanorum, vel Latinorum saltim, conditionem adspirandi, Suet. *Aug. XL. Caius Inst. I, 1. 4.* adeoque eiusdem erant conditionis cum populis dedititiis. (g).

XVI. An  
ea diffe-  
rentia sub-  
iata ab  
Antonino  
Caracalla?

XVI. Et haec differentia libertinorum fuit etiam sub Imperatoribus insequentibus obseruata. Quamuis enim Antoninus Caracalla in nota illa lege *in orbe Romano L. 17. D. de statu hom.* ciuitatis iura cum omnibus, qui in orbe Romano viuerent, communicarit: id tamen beneficium non ad libertinos, sed ad ingenuos pertinuit; vt recte obseruarunt Ez. Spanh. *Orb. Rom II, 5. Ant. Schulting. ad Caii Inst. I, 1. 2. p. 13.*

XVII Iu-  
stinianus  
eam pri-  
mum su-  
stulit.

XVII. Primus Iustinianus discrimen istud sustulit, *L. vn. C. de dedit. lib. toll. L. vn. C. de Lat. lib. toll.* quibus Constitutionibus omnibus libertinis iura ciuitatis indulgit. Quin immo, quae erat Flauii nostri liberalitas, denique omne discrimen inter ingenuos & libertinos sustulit, saluo

- (g) Qui se, diuinaeque & humana omnia dedebant, mittebantur sub iugum, de quo ritu videndus Dionys. Halic. *Ant. Rom. III, p. 159.* Qua formula deinde facta fuerit deditio; ex Liv. I, 38. ostendit Barn. Brissou. *de Form. IV, p. 354.* Pet. Fab. *Semist. I, 7. p. 36.* Effectus vero erat, vt populi eiusmodi ingenuitatis quidem iura retinerent, at nullo modo ad ciuitatis comoda adspirarent. Conf. Car. Sigon. *de antiq. iur. Ital. I, 1. p. 47.*

(b)

saluo tamen iure patronatus, omnibusque libertis ius aureorum annulorum & natalium restitutionem (b) dedit. *Nou. LXXVIII.* Quam prudenter id consilii ceperit Imperator, alii ostenderunt. Vid. Wiffenb. *ad Tit. C. de iure aur. ann. p. 360.* Thomaf. *de usu pract. dist. hom. in ingen. & libertin. I, 31. seq. p. 18.*

XVIII. Ceterum praeceptum id erat infigne libertinorum, quod veste alba & annulo donarentur a patronis. Tertull. *de resurr. cap. LVII.* & deinde pileati & capite raso incederent. Et capillos quidem radere solebant in templo Feroniae (i). De quo ritu videndi Taubm. *ad Plaut. Amphitr. I. 1. extr.* Alex. ab Alex. *Genial. dier. IV, 20.* Dalechamp. *ad Plin. II, 55.* Adsumebant etiam praenonem, nomenque patroni suo addebant. Vid. infra *Lib. III. Tit. VIII, §. 1.* Quo alludens Persius *Sat. V. v. 77. Verterit hunc dominus: momento turbinis exit MARCVS Dama.* Add. Arrian. *Diff. Epictet. II, 1.* Ceterum, quia iam libertatem consequuti non amplius pro rebus, sed pro personis habebantur; hinc in iure nostro qui statum mutant, & vel ex seruis liberi, velex liberis serui facti, non iidem censentur, sed vocantur *noui homines,*

XVIII. Insignia libertinorum.

- (b) De iure aureorum annulorum & restitutione natalium a Principe impetrari solitis vid. Lips. *Elect. II, 8. 10.* Kirchmann. *de annulis. XV. XVI.* Thomaf. *de usu pract. dist. in ingen. & libert. I. 26. 27, p. 14. seq.*  
 (i) Qui mos ponendi capillos utrum ad exemplum naufragorum introductus sit, an ab Atheniensibus Romam manarit, disputat Briffon. *Ant. Rom. I. 11. p. 13.*

*homines. L. 27. §. 1. D. de adim. vel transfer. leg.*  
*Itemque alii homines. L. 98. §. 8. D. de solutione.*

## TIT. VI.

QVI ET EX QVIBVS CAVSSIS  
 MANVMITTERE NON POSSVNT.

**L**icentia manumittendi restricta primum est per legem AELIAM SENTIAM, cuius adeo historia, occasio & materia ex antiquitate erunt explicandae.

I. Lex  
 Aelia Sen-  
 tia quan-  
 do lata.

I. Lata ea lex, imperante Augusto, Sexto Aelio Cato, (ita enim cognomen ex vetustis monumentis primus restituit Henr. Noris. *Cenot. Pis. Diff. III. cap. IX.*) & C. Sentio Saturnino Cos. anno ab V. C. DCCLVII. Dio Cass. *LV*, p. 557. Vnde fallitur Mynsingerus *Comment. ad Instit. b. t.* dum mentionem huius legis fieri putat a Cicerone in *Top. II.* illa enim lex *Aelia Sentia*, cuius Cicero meminit, si genuina esset vulgaris lectio, a nostra foret diuersissima. Sed acute coniicit Norisius, ab indocti scribae manu esse alterum *Sentia*, legem vero Aeliam in loco Ciceronis non aliam esse, quam *ius Aelianum*, vel Aelii *tripartita*, de quibus supra in *prooem §. VIII.*

II. Ratio  
 huius le-  
 gis.

II. Occasionem legi dedit nimia manumittendi facilitas, qua fiebat, vt vrbs pessimorum vilissimorumque ciuium colluvie adflueret. Quod quanto cum dedecore fuerit coniunctum,

iunctum praeclare ostendit Dionys. Halic. *Antiq. Rom. IV*, p. 228. Talis est nostro tempore confusio, & sic ad sordes atque ignominiam degeneravit Romanorum probitas, ut nonnulli a latrociniiis, parietum perfossionibus, prostitutionibus, omnibusque aliis sceleribus pecunia collecta, libertatem redimant, statimque se Romanos faciant: alii conscii dominis, & socii veneficiorum, homicidiorum facinororumque, tum contra Deos, tum contra Rempublicam susceptorum, eam ab illis gratiam recipiant: quidam ideo manumittantur, ut acceptum e publico frumentum menstruum, & si quae alia liberalitatis in egenos ciues conferuntur a Principibus, dent his, a quibus sint facti liberi. Accedebant aliae causae manumittendi parum honestae. Saepe domini seruos omnes manumittebant in fraudem creditorum. Tacit. *Ann. XV*, 55. Saepe serui a minoribus, quorum amores adiuverant, libertatem sibi loco mercedis stipulabantur. Cuius rei exempla multa depingunt Terentius & Plautus.

III. Eam licentiam, quum indigna videretur III. Plura  
Augusti saeculo, lata hac lege coercendam putabat Princeps prudentissimus. Qua de re Sueton. *Aug. XL*. Manumittendi modum terminavit. Et paucis interiectis: Quum & de numero, & de conditione ac differentia eorum, qui manumitterentur, curiose cauisset: hoc quoque adiecit, ne vinctus umquam tortusque quis villo libertatis genere ciuitatem adipisceretur. Prius Augustus lege Fusia Caninia, posterior Aelia Sentia praestitit. Quin tam necessariam tamque dignam saeculo suo hanc legem existimabat Augustus, ut inter mandata extrema, quae Tiberio Senatui-  
que

que & populo Romano dederat, huius quoque legis commendaret custodiam. Quae de re Dio: *Cass. Hist. LVI. p. 541.* Καὶ τὸ τέταρτον ἐντολὰς καὶ ἐπισκήψεις τῷ τιβερίῳ καὶ τῷ κοινῷ, ἄλλας τε καὶ ὅπως μὴτ' ἀπελευθέρωσι πόλλας, ἵνα μὴ παύσασθαι ὅχλη τὴν πόλιν πληρώσῃσι, μὴτ' ἂν ἐς πολιτείαν συχνὸς ἐσγράψωσιν, ἵνα πολὺ τὸ διάφορον αὐτοῖς πρὸς τὸ ὑπὴκοον ᾖ. *Quarta mandata Tiberio & Reipublicae data, interque alia, ne multos manumitterent, ne promiscua turba urbs impleretur, ne multos iure ciuitatis donarent, quo magnum inter ipsos & subiectos discrimen remaneret.* Constabat vero ea lex capitibus quamplurimis, quae non nisi sparsim ex auctoribus colligi possunt.

IV. De  
dedititiis.

IV. Primo enim seruos flagitiosos, stigmatē inuitos, tortos & ad ferrum datos vetuit fieri cives Romanos, voluitque eos ad dedititiorum tantum conditionem redigi. *Vlp. Fragm. I, 11. p. 566. Caius Inst. I, i. 3. de quo capite actum ad titulos antecedentes.*

V. De aetate domi-  
norum  
manumit-  
tentium,  
& seruo-  
rum ma-  
numitten-  
dorum.

V. Deinde & impedimentum ea lex excita-  
uit ex aetate, tum seruorum, tum dominorum.  
Nam neque seruus triginta annis minor vindi-  
cta manumissus ciuis Romanus fiebat, nec do-  
minus XX. annis minor manumittere poterat;  
nisi allegata probataque causa apud Consilium.  
*Suet. Aug. XL. Dio Cass. LV, p. 557. Vlpian. Fragm. I, 12. 13. Inter has causas §. 5. Inst. b. i. etiam refertur manumissio propter matrimonium. Sed haec non ex lege Aelia Sentia est, (tunc enim nondum ciuib. licebat ducere libertinas,) sed ex SC. quodam, L. 13. fin. D. de Manum. vind. quod hanc manumissionem ex ratio-*

rationibus legis Iuliae & Papiae admisit. Apud Gruterum *in scr. p. DCXXI*, nominatur PER-SICVS SERVVS MANVMISSVS AD CONSILIVM. Consiliū vero erat Romae confessus Decēuīrorum litibus iudicandis, id est, quinque Senatorum totidemque Romanorum equitum: in prouinciis XXV. recuperatorum, ciuium Romanorum. Vlp. *l. c. Iac. Rauard. Protribun. XVIII. & XIX. Ger. Noodt. de iurisd. & imp. I, 12.* Et tale est τὸ σύμβουλον, cuius mentio fit Actor. XXV, 12.

VI. Porro hac lege vetabantur manumissio- VI. De  
nes, quae fierent in fraudem creditorum, i. e. manumis-  
sione in  
fraudem  
credito-  
rum facta,  
quae obligatos seruos creditoribus dolo malo  
eximerent, partemque detraherent pignorum,  
aut portionem solutionis creditori aut heredi-  
tatis patrono imminuerent. Vlp. *l. c. §. 14. Cai. Inst. I, 1. §.* Intelligendum hoc caput esse  
de Manumissionibus, non minus inter viuos,  
quam vltima voluntate factis, egregie probat  
Schulting. *ad Caii Inst. l. c. p. 21.* Vbi tamen  
fraudulentus animus non concurrebat: vale-  
bat manumissio inter viuos facta. Et huc per-  
tinet exemplum apud Tacit. *Ann. XV, 55.* vbi  
Sceuinus libertatum & pecuniarum in seruos  
collatarum rationem hanc reddit, *quia tenui  
iam re familiari, & instantibus creditoribus, te-  
stamento diffideret.*

VII. Porro eadem lege adempta sunt dominis VII. Con-  
iura patronatus, qui libertos inopes alere ne-  
tra domi-  
nos, liber-  
tos inopes  
alere re-  
cusantes,  
gligerent. *L. 33. D. de bon. libert. L. 6. D. de  
lib. agnos.*

VIII. Contra dominos, mercedem sibi a libertis stipulantes. VIII. Eadem lege iuribus patronatus excidebant, qui libertos ad mercedem operarum promittendam induxerant. *L. ult. D. qui & a quib. manum. liberi non fiunt.*

IX. Contra liberos ingratos. IX. Proditā etiam hac lege est actio adversus liberos ingratos, non quidem ut in servitutem revocarentur, (quod postea demum Claudius Imp. inuexit. (a) Sueton. *Claud. XXV.*) sed ut in lautumias darentur ad perpetuas operas. Vid. Dosith. *Sent. & Epist. D. Hadriani III, 3. p. m. 862. seq.* Iac. Cuiac. *Obs. X, 33.* Vinc. Graulina. *de Leg. & Scris p. 528. seq.*

X. Contra dominos, liberos prohibentes uxores ducere. X. Accedit & aliud caput, quo iure patronatus exuuntur, qui hac lege manumifere, ut ne liberti uxores ducerent, aut liberos tollerent. *L. 6. D. de iur. patr.*

XI. Cur licuerit dominis obaeratis servum vnum heredem necessarium instituere. XI. Et haec quidem sunt potiora legis Aelii Sentiae capita, quorum auctores & iura nostra meminere. (b) Sed quod ad caput tertium §. VI.

(a) Non videtur Claudius expressa quadam Constitutione vel SC. definiisse, in servitutem liberos ob ingratitudinem a patronis revocari posse, sed extra ordinem quosdam ingratos liberos ita multasse. Sane temporibus Neronis quum ad Senatum referretur, ut liberti ingrati revocarentur in servitutem, id plerisque displicuit, additumque, nihil aliud laeso patrono concedi, quam ut vicesimum ultra lapidem in oram Campaniae libertum possit relegare. Tacit. *Annal. XIII, 26.* Eoque iure vsi videntur Romani, donec Commodus Imperator, quod extra ordinem fecerat Claudius, edita Constitutione induceret. *L. 6. D. de agnosc. lib.* Conf. Iac. Raeuard. *Coniectan. I, 11. p. 23. seq.*

(b) Aliud huius legis caput commemorat Iustin. *Nov. CXII, 1.* edit. Haloand. de donatione facta inter virum &



§. VI. a nobis recensitum attinet: illi adiecta erat exceptio. Licebat enim domino obaerato seruum suum cum libertate heredem institueret, ea lege, ut ei heres esset solus & necessarius. Eo ipso enim nihil amittebant creditores. Sed dominus tantum id lucrabatur, ut ne bona suo nomine possiderentur a creditoribus. Id enim veteribus ignominiosum videbatur. *L. 23. D. h. t. Cic pro P. Quint. XV. Franc. Hotom. Quæst. illustr. 26. Confer infra Lib. II. Tit. XVIII. XIX. n. XI.*

XII. Scripseramus hæc olim. At postea <sup>XII. Lex</sup> maiora ausi ipsius legis fragmenta non modo <sup>Aelia Sen-</sup> diligenter conquisiuimus, verum etiam ea suo <sup>tia ordi-</sup> ordini suæque integritati restituere conati su- <sup>& integri-</sup> mus, ductu præcipue Vlpiani, & Iulii Paulli, <sup>tati suæ-</sup> quorum ille quatuor, hic tribus libris hanc <sup>restituta.</sup> legem celeberrimam illustrauit. Huius diligentiae nostræ ut fructum capiat lector, totam legem vna cum probationibus hic exhibemus:

SEX. AELIVS. --- CATVS. ET. C.  
SENTIVS. C.F.C.N. SATVRNINVS. COS.  
POPVLVM. IVRE. ROGARVNT. POPV-  
LVSQVE. IVRE. SCLVIT. IN. FORO. PRO.  
ROSTRIS. ----- TRIBVS. -----  
PRINCIPIVM. FVIT. PRO. TRIBV. ---  
PRIMVS. SCLVIT.

## CAP. I.

& mulierem. Sed textum in mendo cubare, & pro lege *Sentia* legendum *Cincia*, iam monuit Gothofredus.

DE IIS, QVI MANVMISSI  
DEDITITII FIVNT.

*Qui servus, quaeue ancilla poenae causa b) a Domino c) VINCTVS VINCTAVE d) aut in custodiam datus datave, e) quibusue vestigia scripta, f) itemque qui quaeue propter noxam tortus tortave nocens inuentus inuentaue, g) item qui quaeue, ut ferro, aut cum bestiis depugnaret, h) damnatus damnataue alioque supplicio adfectus adfectave i) fuit: is eave, quoquo modo k) manumissus manumissaue iustam libertatem non consequitor, l) sed dedititorum numero esto. m)*

## PROBATIONES.

- a) Caput hoc primum fuit procul dubio, partim, quia praecipuum, partim, quod VLPIANVS libro I. *Comment. ad L. Ael. Sent.* de eo egit. L. 216. D. de V. S.
- b) Non ergo ob aliam causam vincetus vincetaue, veluti ob furorem. Paull. *Rec. Sent.* IV, 12. 7.
- c) Vel eius iussu a Procuratore, Paull. *ibid.* §. 8. non si solum servum Dominus adprobet, antequam vincetum sciret: Paull. *ibid.* nec si communi seruo vnus altero non adprobante iniecisset vincula: Idem *ibid.* §. 5. nec si servum oppignoratū vincierit creditor: *Id.* §. 6. L. 24. §. ult. D. de Pignor. act. nec si seruo, quem manumittere iussus erat, vincula iniecerat heres, Paull. *ib.* §. 4.
- d) Legitimum hoc fuisse vocabulum, discimus ex Vlpian. *Lib. I. L. 216. D. de V. S.* vbi id non intelligendum esse monet de eo, qui carceri mancipatus, sed qui ibi vinculis constrictus fuit, quamvis alias, vbi de favore vinceti quaeritur, & in carcerem coniectus, pro vinceto habeatur. l. 9. D. ex quib. caus. mai. 25. ann. in int. rest.
- e) Ita Vlpianus *Fragm. tit. I, 11.* Sed annon sibi ipse

ipse contrarius, quum paullo ante negare eum viderimus, in custodiam datum pro vincto haberi? Negamus, quia in L. 216. *D. de V. S.* de priuato carcere; qui non nocebat sine vinculis: hic autem de carcere publico loquitur, Vid. Iac. Cuiac. ad Vlp. l. c.

- f) Vlp. *ibid.* §. 11. Cai. *Instit.* I, 1. 3 nec opus videtur emendatione in textu Vlpiani, vbi pro *vestigia* quidam rescribi iubent *stigmata*.
- g) Vlpian. *ibid.* non ergo si tortus de nulla culpa fuerat confessus. Pauli. *Rec. Sent. ibid.* §. 3.
- h) Ferro depugnant *gladiatores*, cum bestis *arsenarii*. Culac. ad Vlp. *Fragm. tit.* I, 11. De utrisque plura hos in *Comm. ad L. Int. & Pap. Lib. II. Cap. 1. & 2.*
- i) Immo & virgis caesi publice. Cai. *Instit.* I, 1. 3.
- k) Vlpian. *ibid.* Apud Suetonium *Aug. cap.* 40. est: *ne villo libertatis genere ciuitatem adipiscerentur*, id est, nec *censu*, nec *vindicta*, nec *testamento*.
- l) Suet. *Aug. cap.* 40. Vlp. *ibid.*
- m) Vlpian. *Fragm.* I, 11.

## CAP. II. 2)

## DE AETATE MANVMITTENDORVM PER VINDICTAM.

*Minor XXX. annorum seruus ancillae censu b) vindictae manumissus manumissae ciuitatis Romanae ius, nisi causa apud Consilium probata, ne consequitur.*

## PROBATIONES,

- a) Caput hoc secundum fuit, quia & aetas pertinet ad qualitatem manumittendorum, de qua curiose cauisse Augustum tradit Sueton. l. c. Meminit huius capitis Dio LV. p. 557. eiusque sententiam seruauit Vlpian. *Fragm. tit.* I, 12.
- b) *Census* non meminit Vlpianus l. c. quia eius aetate ab usu pridem recesserat. Ast *Fragm. Reg. vit.* l. Cui Parlatore LL. Mos. & Rom. subiunctum §. 17. *Et qui*

*in censum manumittitur, si XXX. annos habeat, ciuitate Romana possit. Ergo non minor XXX. annis.*

## CAP. III a)

DE AETATE ET CONDITIONE  
MANVMITTENDORVM PER  
TESTAMENTVM.

*Minor XXX. annorum b) testamento manumissus manumissusque, quamuis in libertate moretur, liber tamen & ciuis Romanus ne esto. c)*

## PROBATIONES.

- a) Hoc caput a priore seiungi non potuit. Hinc coniunxit etiam vtrunque Vlpian. *Fragm. I. 12.*  
 b) Nisi libertas in hoc tempus data. Hinc frequens in testamentis formula: LIBER ESTO, SI ANNO-  
 RVN XXX. ERIT. L. 30. D. *fam. ere. L. 46. D. de manum. test. l. vlt. D. de reb. dub. l. 13 D. de statu lib. item QVVM PER LEGES LICEBIT, LIBER ESTO. l. 38. D. de man. test.*  
 c) Serui itaque erant, quamuis in libertate morarentur, nec seruire eos pateretur Praetor. Post Legem Iuliam Norbanam omnes iustam libertatem per manumissionem haut consequuti, praeter dedititios Latini erant, adeoque & hi eiusdem conditionis censuebantur. Vlp. *ib. & ad h. l. V. C. Ant. Schultingius.*

## CAP. IV. a)

DE CONDITIONE EX HVIVS-  
MODI PARENTIBVS NATORVM.

*Ex his, qui quacumque iustam libertatem consequuntur, nati nataeque, ciues Romani & in parentum potestate re sunt. Sin ciuis Romanus huiusmodi mulierem, quasi ciuem, per errorem duxerit, siue ciuis*

Re-

*Romana per errorem ei, qui deditiorum numero erit, nupta fuerit; causa apud Consilium probata, ciuitas tam liberis, quam parentibus, b) praeter eos, qui deditiorum numero erunt, redditor, illique in patria potestate sunt.*

## PROBATIONES.

- a) Hoc quoque caput a superioribus seungi non potuit. Expressimus illud ex Vlpiani *Fragm.* VII, 4. Item caput in mente habuit Caius *apud Parias*. LL. *Mof. & Rom. Tit. XVI.* dum scripsit: *Idem iuris est de his, quorum nomine ex L. Aelia Sentia, vel ex SC. post mortem patris causa probata in potestate eius futuri essent.*
- b) Probanda ergo causa erat viuis parentibus. At postea ex SC. etiam post mortem patris fieri poterat probatio. *Cal. ib.* Vnde miror, de sententia huius SC. & an eo diuersum quid a Lege Aelia Sentia cautum sit, disputare ad Cui locum viros doctos.

## CAP. V. a)

DE MINORE XX. ANNIS  
MANVMITTENTE.

*Minori XX annis b) non aliter, quam per vindictam, c) causaque apud Consilium probata, d) manumittere ius esto. c)*

## PROBATIONES.

- a) Egere de hoc capite Vlpianus *Lib. II. L. 16. De de man. vind.* Paullus *Lib. I. l. 27. D. de manum. vind. l. 15. D. eod.* Vnde id a superioribus proximum locum tenuisse patet. Vti enim prima legis parte de conditione manumittendorum; ita secunda de manumittentibus actum. Sententiam capituli habemus apud *Cal. Inst. L. 1, 7. Vlpian. Fragm. I, 13. & in §. 5. Inst. qui & quib. ex caus. man. non poss.*
- b) Coeptum tamen annum XX. pro completo habitum, collegimus ex *L. 74. §. 1. D. ad SC. Treb.*

- c) Attamen, qui vindicta possunt apud Consilium manumittere, possunt etiam heredem sibi necessarium testamento scribere. PAVLL. *Lib. 1. L. 27. D. de man. test.*
- d) Modo causa ex affectu, non ex luxuria descendat, VLP. *Lib. 11. L. 16. D. de man. vind.* Qualis est sanguinis coniunctio. VLP. *Lib. 11. L. 12. D. eod.* item conditionis implementum. PAVLL. *Lib. 1. L. 15. D. de man. vind.* Aliae causae recensentur in L. 9. 11. 12. *sequ. D. eod. & § 5. Inst. b. 1.* Sunt tamen quaedam non ex hac lege, sed ex SC., de quibus L. 13. *fin. de man. vind. L. 4. C. qui man. non poss. Add. Cuiac. Obs. XV. 13.*
- e) Quid si minor XX. annis servum alii dederit, ut manumitteretur? Vid. L. 7. §. ult. L. 16. §. 1. *D. de man. vind.*

## CAP. VI. a)

## DE FEMINA MANVMITTENTE.

*Ne feminae, nisi auctoribus tutoribus suis, b) libertatem servis dare ius esto. c)*

- a) De hoc quoque capite egit PAVLLVS *Lib. 1. L. 16. D. de auct. tut.* Sententiam eius servavit *Fragm. Vet. ICii post Papias. LL. Mos. & Rom. §. 15.*
- b) Etiam si coeci sint tutores. PAVLL. *Lib. 1. L. 16. D. de auct. tut.* Si femina per epistolam manumittebat, disputabatur, utrum, dum scriberet illa epistolam, an tunc, quando eam servus acceperit, interponenda sit auctoritas? Vid. laudat. *Fragm. §. 15.*
- c) Nisi iure liberorum per legem Papiam Poppaeam tutela liberaretur. *Fragm. Vet. ICii §. 15. Vlpian. Fragn. 11. §. ult. Addatur Comment. noster ad Leg. Jul. & Pap. Lib. 11. cap. 11. p. 233. sequ.*

## CAP. VII. a)

DE MANVMISSIONE IN FRAV-  
DEM CREDITORVM.

*Qui in fraudem b) creditorum manumissit, nihil egisse censetur, c) & manumissus manumissaue seruus ancillaue manento.*

## PROBATIONES.

- a) De hoc quoque capite PAVLYS adhuc *Lib. I. Commentarii sui* egit, Sententia exstat apud Cai. *Inst. I. 1. §. Vlpian. Fragm. I. 14. in pr. Inst. h. 1. L. 13. §. 2. D. qui & a quib. man. lib. L. 1. C. qui man. non poss.*
- b) Quid vero est in fraudem manumittere? *L. 10. D. qui & a quib. man. lib. non sunt. L. 79. D. de R. 1. Hac lege nec milles solutus. L. 29 §. 1. D. de test. mil. L. 8. §. 1. D. qui & ex quib. caus. manum.* Non tamen legem violat, qui minor XX. annis heredem rogauit, vt seruum proprium manumitteret. *L. 34. §. 1. D. de fideic. libert.*
- c) Si id vrgeant creditores. Antea enim manumissus in eorum fraudem veluti statu liber erat. *L. 2. pr. D. de statu lib.* Inde est, quod libertas huiusmodi per Legem Aeliam Sentiam dicitur RESCINDI, *L. 5. §. 2. D. qui & a quib. manum. RETRAHI, L. 45. §. 3. D. de iure fide. REVOCARI, L. 1. C. qui manum. non poss.*

## CAP. VIII. a)

DE SERVO NECESSARIO HE-  
REDE INSTITVTO.

*Attamen ei, qui soluendo non est, b) vnum seruum, quem velit; c) per testamentum manumittere, & heredem instituere d) ius esto: & tunc manumissus liber heresque necessarius esto.*

PROBATIONES.

- a) Caput hoc a superiore proximum fuisse, cum res ipsa, tum Paulli fragmenta, ad caput sequens adferenda, docent.
- b) Etiam minori XX. annis. *L. 27. D. de man. test.* Quid si, qui soluendo est, necessarium heredem instituat, & is abstineat, an libertates debentur? *L. 32. D. de manum. test.*
- c) Licet minorem XXX. annis: Vlpian. *Fragm. I, 14.* etiamsi in ea causa sit, ut dedititius heri deberet. Vlp. *ibid.* Heres enim esse non posset, nisi iustam consequutus libertatem. Aliud dicendum, si impedimentum non ex lege Aelia Sentia sit, sed ex alia lege, SC. vel Constitutione Principis. *L. 83. pr. D. de her. inst.*
- d) Quid si obacratu servum heredem necessarium instituerit, eique substituerit tamen liberum hominem? *L. 57. D. de her. inst.*

CAP. IX. a)

QVID SI IN FRAVDEM CREDITO-  
RUM PLURES MANVMISSI?

SI. DVO. PLVRESVE EX. EADEM.  
CAVSSA. HEREDES. SCRIPTI. ERVNT.  
VT I. QVISQVE PRIMVS. SCRIPTVS.  
ERIT. LIBER ET HERES. ESTO. b)

PROBATIONES.

- a) Legitima haec fuisse huius capituli verba adparet ex *L. 70. D. de her. inst.* SC. vero, ad hanc legem facti, meminlt. *L. 83. §. 2. D. eod.*
- b) Quid si duo Apollonii instituti? *L. 42. D. eod.* Paull. *Lib. I. L. 43. D. eod.* Quid si primo loco servum cum libertate instituerit, & eum substituerit, cui libertas debebatur ex fideicommissio? Paull. *Lib. I. L. 55. D. eod.*

CAP.



## CAP. X. a)

DE SERVO IN FRAVDEM FOE-  
NERATORVM MANVMISSO.

*In fraudem foeneratorum manumissus, tametsi in libertate moretur, libertatem tamen iustam ne consequitur. b)*

a) Huius capituli solus meminit Auctor *Fragm. Vet. Icti* §. 16. *Obstat enim libertati Lex Aelia Sentia, quae vetat, servum, foeneratorum causa manumissum, ciuem Rom. fieri; sed Latinum.* Nisi itaque dicere malinus, auctorem huius fragmenti ius omnibus notum plane ignorasse: dicendum sane erit, legem Aeliam Sentiam distinxisse, in *creditorum* fraudem quis manumissus sit, an in fraudem *foeneratorum*, in quorum odium lex passa est, servum, in eorum fraudem manumissum, in libertate morari.

b) Atqui Latinum factum esse ait auctor fragmenti. Factus omnino, sed demum ex *L. Iunia Norbana*, quae omnes Latinos fecit, quos iustam libertatem consequi non patiebatur *L. Aelia Sentia*. Videatur, quae notauimus ad Cap. III.

## CAP. XI. a)

DE MERCEDE MANVMIS-  
SIONIS.

*Si quis cum eamue, quem quamue manumissurus est, ad mercedem manumissionis praestandam obligauit, b) iuribus patronatus priuator.*

## PROBATIONES.

a) Haftenus de manumittendis & manumissionibus. Iam de prohibitis manumittendi conditionibus, de quibus PAYLLVM *Libro Comment. II.* egisse, patet

ex *L. 6 D. de iur. patr.* Ceterum sententiam capitis seruat *L. ult. D. qui & a quib. manum.*

- b) Non ergo prohibet Lex mercedem a liberto capere, sed eum obligare. *L. ult. §. 1. D. qui & a quib. manum.* Nec haec prohibitio pertinet ad speciem, si patronus sibi operas centum, aut in singulas quinos aureos stipulatus sit. *PAVLL. Lib. II. L. 6. §. 1. D. de iur. patr.*

## CAP. XII. a)

DE IVRE IVRANDO LIBERTO.  
RVM DE LIBERIS NON TOL-  
LENDIS.

*Qui libertum, ut ne uxorem ducat, b) vel libertam, ne nubat, liberosue tollat, c) iureiurando adigeret, d) is quoque iuribus patronatus priuator. c)*

## PROBATIONES.

- a) De hoc quoque capite egit *PAVLL. Lib. II. L. 6. D. de iur. patr.* Eius autem sententiam habes in *L. 15. D. eod.*
- b) Nec tamen incidit in legem patronus, qui castratum iurare coegit, se uxorem non ducturum. *PAVLL. Lib. II. L. 6. §. 2. D. eod.* Incidit autem, qui adegit, ne intra certum tempus liberos tollat, neve aliam uxorem ducat, quam de qua Patronus senserit, vel non nisi collibertam, aut patrono cognatam. *L. 3. §. 5. D. de ius & legit. hered.*
- c) Quid si patronus libertam adegerit, ut sibi nuberet? *PAVLL. Lib. II. L. 6. §. ult. D. de iur. patr.* vel ne illi cite nuberet? *L. 3. §. 5. D. de ius & legit. her.* vel ne ea liberis impuberibus nuberet, *L. 31. D. qui & a quib. man.* Nullo horum casuum patronus iure suo excidit. At excidit illo omnino, qui ipse non ducturus adegit tamen libertam, ne alii quam sibi nuberet. *PAVLL. Lib. II. L. 6. §. 2. D. de iur. patr.*
- d) Item qui iusiurandum non prohibet. Exemplum vide apud *PAVLL. Lib. II. L. 6. §. 2. D. eod.*
- e) Immo & liberi eius. *L. 15. D. eod.* Vnde nec ad legitimam

nam hereditatem admittuntur, L. 3. §. 5. D. de ius & leg. her. Interim tamen salva per hanc legem man-  
fit iurisiurandi religio. Verum iurisiurandietiam hu-  
fusmodi gratiam libertis libertabusque fecit Lex Iu-  
lia & Papia Poppaea. PAVLL. Lib. 11. L. 6. §. 4. D. de  
iur. patr. Diximus ea de re plenius in *Comments*, ad  
L. Iul. & Pap. L. 11. cap. XVI.

## Cap. XIII. a)

DE EO, QVOD IN FRAVDEM  
PATRONI FACTVM.

*Si quid dolo malo liberti factum erit, b) quò mi-  
nus, quam pars debita bonorum, ad patronum eiusue  
liberos perveniat, id, quod in fraudem legis factum  
erit, nullum esto, quod in fraudem patroni, reuo-  
cator. c)*

## PROBATIONES.

- a) Egit de hoc capite PAVLI. Lib. 111. L. 11. D. si  
quid in fraud. patr. Sequitur itaque vltima pars le-  
gis de patronorum libertorumque officiis.  
b) Non est dolus, si patronus consentit. PAVLL. Lib.  
111. L. 11. D. eod. nec si libertus dote in dat filiae. L. 1.  
§. 10. eod. nec si vivus amicis bene merentibus do-  
navit. L. 9. D. eod. Alias nihil interest, quocunque  
modo fraus legi facta. L. 4. pr. L. 1, §. 1. 3. §. 13. 18.  
seq. D. eod.  
c) Quid si, quod in fraudem patroni alienatum, non  
existet? L. vlt. D. eod. Quid vero interlit inter alie-  
nate in fraudem legis, & patroni, fufe PAVLLVS  
explicasse vid. Libro 111, eoque refero L. 17. D. qui  
& a quib. man. L. 66. D. de V. O.

## CAP. XIV. a)

## DE LIBERTIS INGRATIS.

*Quem libertum libertamue patronus b) ingra-  
tum esse convincet, is in lautumias detur. c)*

## PROBA-

## PROBATIONES.

- a) Egit de hoc capite VLPIAN. *Lib. VI. L. 30. D. qui ex a quib. man.* Sententiam eius debemus Dosithe. *Sentent. Hadr. cap. III. §. 3. p. 862. Conf. Cuiac. Obs. X. 33.*
- b) Quis accusare possit vel non possit libertum ingratum, fuse docet Vlp. *Lib. IV. L. 30. D. qui ex a quib. man. l. 70. D. de V. S.*
- c) Dosithe. *ibid.* qui tamen falli videtur, dum cognitionem hanc dat *ἡνέχρη τῷ γαστροφυλάκιῳ*: quam fuisse penes Praefectum vrbi patet ex *L. l. §. 10. D. de off. Praef. urb.*

## CAP. XV. a)

DE PATRONI OFFICIO ERGA  
LIBERTVM.

*Si qui patronus, se qua patrona, libertum liber-  
tamue inopem non alet, is eae iuribus patronatus  
priuator. b)*

## PROBATIONES.

- a) De capite hoc habes testimonium Modestini *L. 6. pr. D. de agn. & al. lib. L. 33. D. de bon. lib. l.*
- b) *d. L. 6. & 33.*

XIII. An  
caput 2.  
legis Ae-  
liae Sen-  
tiae pru-  
denter  
sustulerit  
Iustinia-  
nus?

XIII. Denique obseruandum, caput legis Aeliae Sentiae de manumisso minore XX. annis (§. V.) incaute sustulisse Iustinianum, argumento vsu sane perquam ridiculo, *quod libertas sit res inaeestimabilis. §. 7 Inst. h. t.* Inaeestimabilis enim non est ratione domini, sed serui, qui ad illam adspirat. Conf. Thomaf. *Diff. de vsu praef. doct. de imped. manumiss. l. §. XXXIX, seq.*

TIT.

## TIT. VII.

D E

LEGE FVSIA CANINIA TOL-  
LEND A.

**A**D coercendam manumittendi licentiam i. Lex Fusia Caninia comparata etiam erat lex FVSIA CANINIA, de qua quum nihil dicat Imperator, nisi quod eam sustulerit, res paullo altius ex antiquitatibus Romanis est repetenda. quando & a quibus lata?

I. De genuina huius legis aetate mira est eruditorum dissensio. Sunt, qui latam hanc legem existimant Q. Fusio Caleno & P. Vatinio Coss. anno ab V. C. DCCVI. & renouatam deinde sub Augusto, rogante C. Caninio Coss. anno V. C. DCCLI. Vnde dicta etiam sit ea lex Fusia Caninia. Iac. Racuard. *Coniect.* II, 1. Oiscl. *ad Caii Inst.* I, 2. 1. p. m. 14. Sed quum Dionys. Halicarnassensius adhuc sua aetate de nimia manumittendi licentia conqueratur, & Suetonius *Aug.* XL. Augustum primum de numero manumissorum cauisse, dicat: credibile vix est, legem hanc esse tam vetustam. Praeterea vix in antiquitate occurrit exemplum legis, a duobus Consulibus diuersorum annorum cognominatae. Hinc, procul dubio lata haec lex Sex. Furio (a) Camillo & C. Caninio Gallo Coss. anno V. C. DCCLI. Hoc enim

(a) Fursi enim olim dicti *Fusii*, quemadmodum *Papirius Papirii*. Vld. *Proem.* I. not. b.

enim anno C. Caninium Gallum Consulem suffectum produnt *Annales Steph. Vin. Pighii Lib. XVIII. p. 530.* & Onuphr. Panuin. *Fast. II, p. 185.* Quin & ex nummo eius Consulatum restituit Hub. Goltz. in *Fastis p. CCXXII.* Cōf. Schulting. *ad Cai. Inst. I, 2. 1. p. 24.* Ephr. Ger. *Diff. de lege Fus. Canin. §. VII.*

II. Ratio  
huius le-  
gis.

II. Causa latae legis eadem fuit, quae Aeliae Sentiae, maxime vero, quod morientes domini saepenumero integras familias manumitterent, tantum, ut coplures liberti pileati lecticam prosequerentur. Egregie hanc in rem Dionys. Halic. *IV, p. 228.* Scio, inquit, qui tota servitia testamento libera esse iuberent, ut benignitatis laudem ferrent post mortem, & in funeris elatione lecticam eorum magna pileatorum prosequeretur frequentia, in qua pompa quidam erant, ut a scientibus audiri, recens dimissi e carcere, malefici, mille supplicia meriti. Istos impuros urbis pileos plerique cum stomacho adspiciunt & respuunt eorum consuetudinem, indignum facinus clamitantes, populum, rerum dominum, & usurpantem sibi orbis Imperium, talibus contaminari ciuibus. De ea pompa funebri conferri etiam merentur Iac. Gujac. *Obs. III, 23.* Io. Kirchman. *de Fun. Rom. II, 7.* Huic ergo licentiae manumittendi, qua populus rerum dominus contaminabatur, obuiam itum est hac lege Fusia Caninia, qua certus numerus est constitutus, ultra quem non valeret manumissio. Et de ea lege etiam intelligendus Sueton. *Aug. XL.* ubi utramque legem, Fusiam nimirum Caniniam & Aeliam Sentiam, sub Augusto conditas coniungit.

III.

III. Ipsam legis sanctionem nobis seruarunt III. Legis  
 Vlpian. in *Fragm. I*, 24. Paull. *Sent. IV*, 15. materia  
 Cai. *Inst. I*, 2: 1. E duobus scilicet vsque ad  
 quinque seruis duo manumitti poterant, ex  
 sex & septem, tres; ex octo & nouem quatuor;  
 e X. vsque ad XVII. quinque, ex XVIII. ad  
 XX. sex; ex XXI. ad XXIII. septem; ex XXIV.  
 XXV. XXVI. octo; e XXVII. XXVIII.  
 XXIX. nouem; e XXX. ad XLIV. decem;  
 e XLV. ad XLVII. undecim; ab XLVIII. ad  
 LI. duodecim; e LII. ad LV. tredecim, e LVI.  
 ad LIX. quatuordecim, e LX. ad LXIII.  
 quindecim, e LXIV. ad LXVII. sedecim; e  
 LXVIII. ad LXXI. septemdecim; e LXXII.  
 ad LXXV. octodecim; e LXXVI. ad  
 LXXIX. nouendecim: ex LXXX. ad  
 LXXXIII. viginti: ex LXXXIV. ad  
 LXXXVII. viginti & vnus: ex LXXXVIII.  
 ad XCI. viginti duo; ex XCII. ad XCV. vigin-  
 ti tres; ex XCVI. ad C. viginti quatuor; ex  
 C. ad CXXIX. viginti quinque; ex CXXX.  
 ad CXXXIV. viginti sex; a CXXXV. ad  
 CXL. viginti septem: & sic consequenter pars  
 quinta. Sed vltra centum manumittere nemo  
 poterat, si familia vel XX. millibus seruorum  
 constaret, quales Romae fuisse familias, testan-  
 tur Sen. *de Tranq. anim. VIII*. Athen. *Dipnos.*  
*VI*, 137.

IV. Quemadmodum vero haec lex ad solas IV. An ea  
 manumissiones testamentarias pertinebat: ita ad manu-  
 inter viuos integrae familiae manumitti pote- missiones  
 rant, nisi aliae leges obstarent, Cai. *Inst. I*, 1, 4. inter vi-  
 Neque enim verendum erat tam facile, ne hic uerit?

quis iusto esset liberalior. Vnde mira fuit Taciti Imp. religio, qui *manumisit, intra centum tamen, ne Caniniam transire videretur*. Vopisc. in Tacit. X. quasi Caninia ad manumissiones inter viuos pertinuisset.

V. Quid factum, si plures manumissi, quam lex permitteret?

V. Si plures, quam lex permiserat, essent manumissi: illi tantum, qui priores erant nominati, aut certe descripti, libertatem consequerentur. Si plures manumissi, nemo nominatus aut descriptus: omnes in seruili conditione permanebant. Quod & tunc eueniebat, si testator in fraudem legis nomina seruorum in orbe tereti aut *discretis* scripisset. Cai. Inst. I, 1. 2. quem scribendi modum praeclare exponit Merill. Obs. VII, 40.

VI. An prudenter eam sustulerit Iustinianus?

VI. Enimvero hanc quoque legem, sane vtilissimam, sustulit Iustinianus, quasi illa esset libertati inuida, absurdumque videretur, a viuis integras familias manumitti posse, non item a moribundis. Vid. Inst. h. r. & ibi Vin-  
nius.

## TIT. VIII.

### DE

## HIS, QVI SVI VEL ALIENI IVRIS SVNT.

**A**Ltera personarum diuisio, cuius quidem mentio fit in Institutionibus, ea est, qua aliae *sui iuris*; aliae *alieno iuri subiectae* dicuntur, qui nec patri nec domino subsunt, iique etiam *patresfamilias* in iure nostro vocan-

tur



tur. Ergo qui alterutrius in potestate sunt, veluti *servi & filii familias*, alterius iuri subiecti dicuntur. De potestate dominica hoc titulo, de patria sequente agitur.

I. Potestas dominica duo potissimum iura I. Potestas dominica in quo consistit? complectebatur: alterum, quod domini per servos acquirerent, alterum, quod iure vitae & necis in eos uterentur. De priorē agitur ad *Tit. IX. Libri II.* De posteriore iam nonnulla ex antiquitate monenda sunt.

II. Ius vitae & necis in servos, quum iuri II. Gauderent domini iure vitae & necis. naturae & gentium haut repugnet: (a) non mirum profecto est, quod & Romae id dominis competeret, quibus servi non personarum sed rerum loco esse videbantur, vti supra monuimus *Tit. III. §. II. Conf. Seneca de Benef. III, 23. §. 1. Inst. b. t.* Hinc & Hispo apud M. Senec. *Controv. X. 4. in servum NIHIL NON domino licere*, ait.

III. Sed quo magis Romae a virtute descitum, eo durius immaniusque cum servis III. Quod iure deum abusi sunt Romani, actum, in quos veluti per ludum & iocum faciebant domini truculentissimi. Vt enim non dicam de durissimis castigandi modis, vlmis, stimulis, laminis, crucibus, compedibus, nervis, catenis, carceribus, numellis, pedicis, boiis, tortoribus, suspensis e pede centupondiis, &c. de quibus

(a) Dummodo non intelligas promiscue in servos faciendi licentiam, sed tale ius vitae & necis, quod gaudet Magistratus; nihil inuenies, quod iuri naturali repugnet. Vid. Senec. *de Clem. I, 18.* Thomas. *Fund. Jur. Nat. & Gens. III, 4.*

quibus Plaut. *Afin. III, 2.* Io. Meurs. *Aufar. philol. ad librum de gloria XXII.* eo prolapsa demum fuit dominorum truculentia, vt exquisitissimis servorum suppliciis oculos pascerent. Exempla exstant apud Senecam *de Ira III, 40. de Clement. XVIII.* Plin. *Hist. nat. IX, 23.* Iuuenal. *Sat. VI, v. 218. seq.* Tertull. *de pallio in fin.* Vulgare supplicium crux erat, in quam ob leuissima delicta ibant servi. Nec quidquam miseros eripiebat cruciatibus, nisi se ad aras Deorum, vel Principis reciperent statum, sibiue deprecatores pararent. De quo ritu videndus Wowerus *ad Petron. p. 148.* Vnde Reipublicae intererat, dominos, in servilia corpora impune saeuientes, latis legibus coerceri.

IV. H'nc Augustus saeuiti. in domino- rum com- pescuit.

IV. Factum id primum sub Augusto, qui Praefecto vrbi id dederat negotii, vt dominorum saeuitiam ac libidinem, & in praebendo victu sordes atque iniquitatem compesceret: si recte diuinavit Lips. *ad Sen. de Benef. III, 21.* De servorum sane querelis Praefectum Vrbi cognouisse, satis patet ex Vlpiani *L. 1. §. 1. S. D. de off. praef. urb.*

V. Quod & factum SC. Claudio & lege Petronia.

V. Deinde & Claudius Imperator dominorum, servos aegrotos exponentium, vel plane necantium crudelitatem SC. coercuit, illosque servorum amissione, hos ordinaria homicidii poena multauit. Suet. *Claud. XXV.* Dio *Cass. Hist. LX. p. 788.* Porro non multo post lata *lex Petronia* anno V. C. DCCCXIV. C. Petronio Sabino Turpiliano & C. Caesonio

Pae-

Pacto Consulibus, (b) qua vetitum, ut ne liceret dominis servos suo arbitrio ad bestias depugnandas tradere, sed causa prius a iudice cognosceretur. *L. 11. §. 1. 2. D. ad L. Corn. de sicar.*

VI. Tum postea Hadrianus dominorum VI. Hæc  
crudelitatem rescriptis legibusque quam pluri-  
mis inhibuit. Sic Umbriciam matronam, quæ  
leuissimis de causis acerbius tractauerat ancil-  
las, in quinquennium relegauit. *L. 2. §. fin. D. h. t.* Idem & renouauit legem Petroniam,  
ergastula seruorum & libertorum sustulit, &  
seruos, nisi cognita a iudicibus causa, occidi  
plane vetuit. *Spartian. Hadr. XVIII. & ibi Casaub.*

## VII.

(b) In dubium tamen id vocat Petrus Faber *Sens. II. 11. p. 134.* qui negat, hanc legem vocandam *Petroniam*, sed dici eam mavult *Paetinium*, latam quippe a Paetinio & Cassio Aproniano *Coll. A. V. C. DCCCLXXV.* idque primo ideo, quia Lex Petronia de longe alia re, puta de prauaricatione & calumnia, egerit, *L. 16. C. ad L. Iul. de adult.* Deinde quia de Hadriano referat Spartianus, cum seruos a dominis occidi vetuisse, eosque damnari voluisse per iudices. Sed ut plures potuerunt esse leges Petroniae, ita in una harum de seruis quaedam cauta esse, patet ex *L. 23. D. de Manumiss. & Paull. Sens. IV. 12. 5.* Idem deinde Hadrianus confirmare potuit, & seuerius sancire, quod ab antecessoribus statutum, in desuetudinem venerat, aut obsoleuerat penitus. Semper sane hæc lex Petronia, nunquam Paetinia vocatur. Immo non obscurum est, diuersas plane leges confundi a Petro Fabro. Prior enim de prauaricatione dicitur *Iunia Petronia*; hæc autem dicenda esset *Petronia Caspiana*. De his *Coll. vid. Henr. Noris. Epist. Consul. p. 418.*

VII. Con-  
stitutio  
D. Pii.

VII. Successit porro Constitutio D. Pii, qua dominis in servorum suorum vitam non plus potestatis concessit, quam in alienorum, poenam legis Corneliae minatus iis, qui servos sine iusta causa occidissent. *L. 1. §. 2. L. 2. D. b. t.* Idem Imp. venire iussit servos, qui acerbius tractati a dominis ad statuas Principum confugerant §. 2. *Inst. b. t. Conf. Collat. leg. Mos. & Rom. III. 2. p. 742.*

VIII. Vt  
& Con-  
stantini  
M.

VIII. Postremo Constantinus M. sanxit, ut qui servum suum occidisset castigando, poenam legis Corneliae de sicariis non subiret. Sin tormentis aut destinato consilio id fuisset factum, dominus ordinaria homicidii poena plecteretur. *L. un. C. de emend. serv. Conf. Iac. Gothofr. ad L. 1. & 2. C. Theod. de emend. serv. Lib. IX, 12.*

## TIT. IX.

## D E

## PATRIA POTESTATE.

**A** Lieno quoque iuri subiecti sunt filii filiaeque familias, & hinc iam de patria potestate ex antiquitatibus agendum.

**I.** Patria  
potestas  
Romano-  
rum aliis  
gentibus  
incognita.

*I. Recte Imperator §. 2. Inst. b. t. Ius, inquit, potestatis, quod in liberos habemus, proprium est civium Romanorum. Nulli enim alii sunt homines, qui talem in liberos habeant potestatem, quam nos habemus. Quamvis enim apud Persas (a)*

*etiam  
(a) Etiam Atheniensibus ius vitae & necis in liberos fuisse*

etiam parentes in liberos Imperium satis durum & vere tyrannicum exercuerint, filiis suis tanquam servis vfi, teste Arist. *Eth. VIII*, 10. Romani tamen adeo gentes omnes reliquas hac in re superarunt, vt patria eorum potestas melioribus auctoribus non immerito vocetur *patria maiestas*. Val. Max. *VII*, 7. 5. Quintil. *Declam. CCCLXXV*. Erant enim liberi in DOMINIO iuris Quiritium, & hinc poterant vindicari. *L. 1. §. 2. D. de rei vind.* iis surreptis, locum habebat actio furti. *L. 14. §. 13. & L. 38. D. de furt.* Mancipabantur etiam, tanquam res Mancipi. Cai. *Inst. I*, 6, 3. Conf. Bynkersh. *de iure occiden- di liberos I. p.* 145. Immo durior in quibusdam apud Romanos erat liberorum, quam ipsorum servorum, conditio: certe non multo tolerabilior, vt fatentur Liban. *Declam. XXXVII*. Senec. *Contr. III*, 9. & 18. Lactant. *Divin. Instit. IV*, 3. Servius ad Virgil. *Aeneid. XI. v.* 143. vnde & *servire patri* dicuntur liberi. Lactant. *Div. Inst. IV*, 3. Ger. Noodt. *Probab. II*, 9. p. 64. Quae omnia satis euincunt, liberos ratione aliorum hominum fuisse *personas*; ratione ciuitatis

fuisse concessum, ex Sext. Empr. *Pyrrh. Hypot. III*. probari posse, existimat Oiselius ad Cai. *Inst. I*, 2. 2. p. m. 31. qui ideo Romanam illam legem Athenis arcessit. Sed nihil fuisse in Solonis legibus iuri isti Romano simile, luculenter ostendit Dionys. Halic. *II. p.* 96. vbi ex instituto vtriusque gentis leges inter se contendit. Conf. Io. Meurs. in *Solan. XXII. p.* 79. & in *Themid. Att. I*, 2. & 3. Huber. *Digress. II*, 6. Thomas. *de usu pract. doct. de patria pot. I*, 13. 14.

tis *civēs*: at ratione patris *res*, aequae ac *servos*.  
Vid. *Elem. Iur. Civ.* §. 135. *sequ.*

II. Eius  
auctor  
Romulus.

II. Auctorem huius iuris esse Romulum, testis iocupletissimus est Dionys. Halic. II, p. 96. & hinc ipse Papinianus apud Auctorem *Collat. leg. Mos. & Rom. Tit. IV*, 8. eius potestatis originem refert ad Legem Regiam. Nec obstat, quod Vlpianus patriam potestatem MORIBUS receptam dicit, *L. 8. D. de his, qui sunt sui vel alieni iur.* Respicit enim eo ipso ad XII. Tabulas, in quas illud ius receptum, non tanquam Lex Regia, (Leges enim Regiae omnes statim ab electo Tarquinio Superbo exoleuerant, *L. 2. §. 3. D. de Orig. iur.*) sed tanquam mos vetus, Non ferebat scilicet insigne illud Romanorum odium, quo Regium nomen prosequabantur, ut quidquam Regibus acceptum ferre vellent. Conf. Schulting. *ad Collat. Leg. Mos. & Rom. IV*, 8. p. 749. *seq.*

III. Eam  
patres  
perpetuo  
retine-  
bant.

III. Primo ergo patria potestas non secus ac dominorum e Romuli instituto erat perpetua, durabatque per omnem patris vitam, nec quicquam liberorum, vivo & invito parente, sui iuris fiebat, etiamsi tractaret Rempublicam, Magistratus gereret, summamque studii erga patriam laudem esset commeritus. Dionys. Hal. II, p. 96. Interim tamen hoc ius patriae potestatis cedebat dignitati, immo interquiescebat tantisper & connucebat, uti docet Gell. *Noct. Att. II*, 2. Quo etiam referendae *L. 13. §. 5. & L. 14. D. ad SC. Trebell.* quas egregie illustrat V. A. Corn. van Bynkersh. *Obs. I*, 1. §. 75.

IV.

IV. Deinde huic patris Imperio non solum filii & filiae, sed & illorum liberi & nepotes suberant, quamvis filii essent milites. *L. 7. C. de nepo-*

*h. t.* Eam vero potestatem non uterque parentum habebat, sed solus pater, ideo *familiae Princeps* vocatus ab Ulpiano *Fragm. IV, 1.* quo defuncto, demum liberi sui iuris esse coeperunt.

V. Denique iura ipsa, quae illa patria nati-  
estas complectebatur, plane erant singularia. Et I. quidem huc pertinet *ius vitae & necis*. Li-  
cebat enim patri filium, tanquam rem suam, non solum exponere (*b*), in carcerem detrude-

re,

(*b*) *De partus expositione & neci apud veteres* eruditissimus exstat commentarius Gerardi Noodtii, quem *Iulium Paulum* ipse inscripsit. Nos inde huius immanis consuetudinis historiam, quasi per indicem, dabimus. Ex Romuli lege non licebat exponere masculos, nec ex sequiore sexu filias primigenias, nisi ex quinque vicinorum sententia monstruosi, debiles, aut insignes ad deformitatem essent iudicari. *Dionys. Halic. Ant. Rom. II, p. 88.* Quae Romuli lex etiam in XII. Tabulis cum aliis migravit. *Cic. de legib. III, 8.* At utraque lex adeo sensim exolevit, ut etiam sub Imperatoribus nihil esset ea expositione frequentius. *Suet. Octav. LXV. Calig. V. Tacit. Hist. V, 5. Tertull. ad nation. I, 15.* Idque nec SC. Planciano, nec altero, quod sub Hadriano prodit, mutatum fuisse, docet Ger. Noodt. *Iul. Paul. III, p. 350.* qui etiam *cap. IV. V. VI.* obiter uat, sub Diocletiano adhuc & Maximiano, immo & sub Constantino licuisse infantes exponere: prioresque eam truculentiam inhibuisse Valentinianum Valerem & Gratianum, *L. 2. C. de Infant. exposit.* Sed huic sententiae intercessit amplissimus Bynkersh. in libello *de iur. occid. liberos*, ubi citius hoc caeothae legibus vetitum statuit, quamque multo post sententiam suam tueretur laudatus Noodtius singulari Epist.

re, flagris caedere, vinctum ablegare ad operas rusticas, sed & quouis supplicio, si meruisset, necare. Dion. Hal. II, p. 96. 97. Simplic. *Comment. ad Epiëtet. Enchir. XXXVII, L. 11. D. de liberis & possum hered.* Vnde mirum est, Libanium *Decl. XXI.* hunc veteris iuris rigorem benigniore interpretatione emollire, patribusque tantum concedere τὴν ἀπειλὴν τεθνηέναι, *comminationem mortis*. Aliud enim docent tot exempla, ex quibus patet, patres domi, adhibitis in consilium necessariis, virisque principibus, liberorum causas cognouisse, (c) iisque pro rei gravitate poenas & supplicia inflixisse, Val. Max. V, 8. Sen. *de Clem. I, 15.* Hunc in modum a patribus necati dicuntur Cassius, Val. Max. I. c. (quamvis id argumentis solidis in dubium vocet Dionys. Halic. *Ant. Rom. Lib. VIII.*) Fabii Eburni filius apud Quinctil. *Declamat. III.* Scaurus apud Val. Max. *ibid.* Fulvius, apud Sallust. *de bello Catil. XXXIX.* Titus vero Arius eodem iure filium ex filio damnauit, apud Sen. I. c.

VI. Ius  
ter venundandi  
liberos.

VI. Eadem patria potestas complectebatur II. *ius ter venundandi filios*. Si enim prima vice venditus in seruitutem filius, manumissione libertatem recuperasset; iterum vendi poterat

ea de re nuper edita: sequuntur sunt viri amplissimi, Bynkershoekii *Curae secundae*, id est, notae & stricturae ad illam amicam Noodtii Responsum. Rem conficere videtur locus Tertull. *ad Nation. I, 15.*

(c) Hinc pater adpellatur *iudex domesticus* apud Senec. *Controu. II, 3. domesticus Magistratus* apud Sen. *de benefic. III, 11. censor filii* apud Suet. *Claud. XVI.*

(d)



rat a patre. Iterum manumissus, denuo in potestatem patris recidebat, vendique adeo poterat tertium. Sed impetrata tertium libertate, e patria demum potestate exibat. Dionys. Halic. II, p. 97. Simplic. *comment. ad Epictet. Enchirid. XXXVII.* Et quamvis Iac. Racuard. *ad XII. Tab. III.* Alcander ad Caii *Inst. I, 6. 3. p. m. 56.* & Iac. Gothofr. *ad LL. XII. Tab. IV. p. 202.* erroris arguant Dionysium, eamque Romuli legem de imaginaria illa trina venditione, quae in manumissione obseruabatur, intelligendam arbitrentur: hos ipsos tamen in eo fugit ratio. Ritus enim ille imaginariae venditionis fuit legis actio. Legis vero actiones demum e XII. Tabulis natae sunt. Ipsis quoque Aleandri & Gothofredi argumentis abunde satisfactum a Theod. Marci. *Interpr. XII. Tab. XXV.* Ant. Schulting. *ad Vlp. Frag. X, 1. p. 592.* Bynkersh. *de iure occ. lib. VI, p. 177.* & Cel. Thomasio *Diff. de usu pract. Tit. Inst. de patr. pot. I.* Ceterum ea lex Romuli primum a Numa paululum restricta est, negatumque patribus ius vendendi filios illos, quibus uxores ducere permisissent. Dionys. Halic. II, p. 98. Postea ea in ipsas XII. Tabulas migravit, ubi his fere verbis legebatur: ENDO LIBERIS IVSTIS IUS VITAE NECIS VENVMDANDIQUE POTESTAS EI ESTO. SI PATER FILIVM TER VENVMDVIT, FILIVS A PATRE LIBER ESTO: Vlp. *Frag. X, 1.* Iac. Gothofr. *inquat. font. iur. ciu. de LL. XII. Tab. IV.*

VII. Denique & III. ius acquirendi per liberos patria potestate continebatur, Sext. Empir. VII. Ius acquirendi per liberos,

pir. *Pyrrh. hyp. III, 24. Legum Romanarum auctores liberos in manu parentum ad instar servorum esse voluerunt, neque suorum bonorum ipsos esse dominos, sed parentes, donec manumittantur eo modo, quo mancipia solent. Sed de hoc iure infra ad Libr. II. Tit. IX. dicemus.*

VIII. Ius vitae & necis quibus gradibus obsoleuerit?

VIII. In his omnibus vero sensim nonnulla mutata sunt cultioribus Reipubl. temporibus, maxime quum ista domestica maiestas statui Monarchico sub Imperatoribus parum consentanea videretur. Et primo quidem, quod ad ius vitae & necis attinet, ea mutatio non facta ante exactos Reges, ut visum Ræuaro *ad XII. Tab. cap. III.* nec tempore Augusti, ceu creditum Franc. Balduino *ad Leg. Rom. XVII. p. 24.* nec denique sub Diocletiani tempora, uti existimarunt Theod. Marcil. *Interpretam. leg. XII. Tab. XXIV.* vel sub Constantini, uti credit Giphani. *ad L. ult. C. de patr. potest.* multo minus sub Valentiniani, Valentis & Gratiani Imperio, quae Lipsii *Epist. ad Belg. I, 85.* sententia est: sed a temporibus Traiani, qui filium, male contra pietatem a parente adfectum, emancipauit, nec eo defuncto patri bonorum possessionem concessit. *L. ult. D. si a parente quis manum sit.* Eius exemplum deinde sequutus Hadrianus patrem, qui filium ob adulterii suspicionem in venatione occiderat, in insulam deportari iussit. *L. 5. D. ad L. Pompei. de parricid.* Hinc ab Alexandri Seueri temporibus inualuit sensim mos, filios grauius delinquentes offerendi Magistratibus, quibus tamen ipsi parentes praescribebant sententiam, in filiis exsequendam. *L. 13. §. ult. D. de re milit. L.*

3. *C. de patria pot. l. 2. D. ad L. Corn. de fideicom. l. 11. fin. D. de lib. & post. hered. inst.* Denique ne id quidem relictum parentibus, ut filios immorigeros abdicarent. *L. 6. C. de patr. pot.* Ergo totum illud ius vitae & necis, quod patribus olim competierat, paullatim restrictum, a Constantino M. sanctione poenali sublatum *L. vn. C. de his qui par. vel lib. ac in Magistratum denique translatum est per Constitutionem Valentiniani, L. vn. C. de emend. propinqu.* Conf. Thomasi *Diff. de usu pract. Tit. Inst. de patr. pot. l. 1, 22. sequi p. 9. seq.*

IX. Multo minus trinam liberorum venditionem saluam esse passus sunt Imperatores. Hi enim, (non, ut Balduinus putat, libera Resp.) id ius parentibus ademerunt. Primus, non Hadrianus, sed, ut videtur, Diocletianus liberos ullo titulo alienari vetuit, *L. 1. C. de patrib. qui fil. suos distrax.* Deinde Constantinus parentibus, cum extrema inopia conflictantibus, liberos sanguinolentos (d) tantum vendere permisit, ea tamen lege, ut liceret & patri vendenti, & filio vendito, aut cuicumque alii, pretio aut mancipio reddito, ad ingenuitatem prouocare. *L. 1. C. de patr. qui fil. distrax.* Immo ne & hac venditione

IX. ut &  
trina libe-  
rorum  
venditio

(d) Filii sanguinolenti sunt recens nati, & adhuc ab utero robentes. Eos enim vendi permiserat Constantinus ob periculum expositionis. Fufius hoc demonstrat Huber. *Digress. II, 5.* Solebant enim partus sanguinolenti vel ad necem in solitarium locum abicci, vel ad loca quaedam populi Romani publica deferri, & talis fuit Lactaria columna, de qua Festus p. 303. *Lactaria columna in foro olitoris dicta, quod ibi infantes lacte alendos deferbant.* Conf. Racuard *Coniect. l. 1, 17. p. 33.* (d)

tione sanguinolentorum esset opus: paullo post idem Imperator sanxit, ut inopes parentes alimenta e publico acciperent. *L. 1. & 2. C. Theod. de aliment. quae inop. parent. e publico petere debent, Lib. IX. Tit. XXVII.*

X. Quid circa acquisitionem per liberos aliaque iura mutatum?

X. In tertio iure acquirendi per liberos quid mutatum sit paullatim, infra suo loco, id est, *lib. II. Tit. IX. n. II.* dicemus. Iam addimus, & alia parentum iura fuisse sublata, vel restricta fuisse, Sic sane quum olim & filii filiaeque familias noxae dari possent a patre: id ius iis ademptum esse, docet Iustinianus, §. *ult. Inst. de nox. act.* Quam parum patris arbitrio relictum in exheredandis liberis: infra ad eum titulum explicabimus. Nec receptum amplius, ut patri filius sit heres necessarius. Quae omnia olim aliter se habuisse, suis locis patebit.

## TIT. X.

DE

## NVPTIIS.

**P**atria potestas constituitur vel per iustas *nuptias*, vel per *legitimationem*, vel per *adoptionem*. De nuptiis & legitimatione titulo hoc X. de adoptione sequente agitur. Non abs re vero hic titulus in Pandectis inscribitur *de Ritu nuptiarum*, videnturque veteres ICTI probe intellexisse, quantum intersit studiosi iuris, ritus illos nuptiarum nosse. Hinc procul dubio illo titulo de ritibus nuptiarum adcurate egerunt.

runt. Sed Tribonianus, retenta in Pandectis veteri rubrica, rem ipsam omisit, neque vllum titulo isti inseruit fragmentum, quod ad illustrandos illos veteres ritus faceret. Vid. Thomaf. *de usu pract. doct. Inst. de nuptiis. l. 1. p. 1.* Ergo ex antiquitatibus supplendus hiatus; quod iam ante nos tentarunt Barn. Briffonius libris *de Ritu nuptiarum & Iure connubiorum*, Ant. Hotomanus *de Vetere ritu nuptiarum*, &, qui fere omnium industriam superauit, Thomafius, laudata *dissertatione*.

I. Fiebant nuptiae apud Romanos vel ita, I. Diversi vt vxor conueniret in manum, & fieret *mater-nuptia-familias*, vel ut sine in manum conuentione *rum ritus*. talia conficeret instrumenta, & non mater-familias, sed *matrona* haberetur. Gell. *XVIII, 6*. Prius non sola fiebat *confarreatione & coemtionem*, sed & *usu*, vt diserte tradit Cicero *pro Flacco cap. 34*. Itaque tres istos modos distincte recensent Arnob. *adu. gent. IV*. Serv. *ad Virg. Georg. I. Boeth. ad Cicer. Topic. III*. & e recentioribus Briffonius, & Hotomanus, *libris allegatis*. Ast non defunt, qui *confarreationem & coemtionem* pro vno eodemque ritu habent.

II. *Confarreatio*, a Romulo inuenta, (a) fuit II. Con-  
ritus farreatio  
quid?

(a) In dubium id vocat Iac. Racuard. *ad XII. Tab. XXI. p. 95*. ob locum Plinii *Hist. Nat. XVIII, 2*. in quo vsus farris in sacrificiis a Numa demum inuentus dicitur. Sed falsum id esse, ex Catonis fragmento patet apud Serv. *ad Virg. Aeneid. X. v. 541*, ex quo constat, *Latini boves IMMOLATOS, priusquam caederentur, profugisse in siluam*. Quum vero *immolare* idem sit ac *mola* salsa e farre confecta in-

spet-

ritus nuptiarum antiquissimus, quo certis ver-  
bis, & testibus decem praesentibus, & sol-  
lemni facto sacrificio, in quo panis quoque far-  
reus adhibebatur, vxor conueniebat in ma-  
num mariti. Dionys. Halic. II. p. 95. Vlp.  
*Fragm. IX, 1. XI, 13. XXII, 14.*

III. An ea  
solis Pon-  
tificibus  
& Flami-  
nibus  
propria?

III. Erat vero hic ritus non Pontificibus Fla-  
minibusque proprius, vt nonnulli recentiorum  
existimant. Boeth. ad Cic. *Topic. III.* Alex. ab  
Alex. *Genial. dier. II, 5.* Dalechamp. ad Plin.  
*Hist. Nat. XVIII, 3.* sed ciuibus Romanis om-  
nibus communis. Praeterquam enim, quod id  
disertis verbis testatur Dionys. Halic. I. c. ipso  
sane loco Tacit. *Ann. IV, 16:* quem tamen pro-  
se allegant dissentientes; id non obscure con-  
firmatur. Nihil enim rari aut inusitati fuisse  
illa patrimonum & matrimonum inopia, de  
qua conqueritur Tacitus, si soli Flamines ac  
Pontifices hoc ritu iniissent matrimonium.

IV. Fius  
effectus.)  
sacrorum  
commu-  
nio.

IV. Effectus confarreationis erant; I.) Sacro-  
rum communio. Dionys. Hal. II, p. 95. γυναῖ-  
κα γαμεῖν κατὰ νόμους ἱερὰς συνελθῆσαν ἀνδρὶ κοινοῦ-  
νόν ἀπάντων εἶναι χρημάτων τε καὶ ἱερῶν; *Mulierem*  
*nuptam, quae iuxta leges sacras conuenerat cum*  
*viro, Romulus participem esse voluit omnium bo-*  
*norum & sacrorum.* Vnde Modestinus L. 1:  
*D. de ritu nupt. Nuptiae sunt coniunctio maris ac*  
*feminae, consortium omnis vitae, DIVINI & hu-*  
*mani iuris communicatio.* Scilicet in ipsis vete-  
rum

spetgere: Heins. *epist. ad Balzac. p. 185.* facile patet,  
iam ante Romuli tempora farris usum in Latio fuisse  
receptissimum.

(b)

rum aedibus erant Penates cuius familiae proprii, & eo ipso differebant a Laribus, quippe qui erant communes omnibus. Illi in cubiculo, porticu, atque atrio; hi etiam in compitis, viis, immo & in castris & navibus colebantur: unde & Lares *domestici*, & *compitales*, & *militares*, & *marini*; Lares item *comitio* potentes, *publici*, *viales*; *civitatum rurales* in marmoribus & apud veteres auctores occurrunt. Grut. *Inscr. p. LXXVIII*, 1. p. *CVI*, 12. & 4. p. *X*, 2. Reines. *Inscr. Class. I*, 140. 153. & 159. Desid. Herald. ad Tertull. *Apol. I*, 25. Idem in *Advers. I*, 7. Io. Meurs. *Auctar. philol. ad libr. de Gloria II*. Vtrisque & simulacra dedicata erant, caninis induta pellibus, Plutarch. *Quaest. Rom. LI. pag.* 276. & arae posita ac foci, res in domo sanctissimae, a quibus adeo nemo poterat sine ingenti scelere abstrahi. Cic. *pro domo I*. & *pro Rege Deiot. XV. (b)* Quemadmodum vero ad haec sacra non nisi illi admittebantur, ad quos aliquando transitura esset sacrorum hereditas: ita non arctior poterat esse coniunctio; quam qua quis in alterius gentem & sacra transferat. Unde eiusmodi sacrorum communio rescindi non poterat; nisi auctores fierent Pontifices, nec certior erat spes successionis, quam illa sacrorum *μὲν*. Et hinc etiam patet ratio, cur in his nuptiis tam necessaria fuerit domum deductio, multis facta sollemnitatibus, quas describit Barn. Briffon. *Antiq. I*, 18. p. 20. & *de Ritu nupt.*

(b) Et hinc etiam lucem accipit *Lex 18. D. de in ius vocando*; de qua infra erit dicendi locus.

*nupt. p. m.* 223. *seq.* Fixa enim erant Penatium sacra, ac hereditaria: hinc nemo per confarreationem uxorem accipere poterat, nisi cui esset domus ac lararium, in quo vxor cum eo communibus sacris frueretur.

V. II.) Li-  
beri patri-  
mi & ma-  
trimi.

V. Deinde & singulare id erat confarreatio-  
nis effectum, II.) quod ex confarreatis paren-  
tibus nascerentur *patrimi* & *matrimi*, quorum  
magna erat in Sacris praerogativa. Tacit. *Hist.*  
*IV*, 53. Fest. voce *Flamin. p.* 289. & *patrimus. p.*  
358. Ergo erant, qui patrimos & matrimos eos  
vocant pueros, quorum parentes sint supersti-  
tes. Vid. Pith. *ad Collat. Leg. Mos. & Rom.*  
*XVI. 2. p.* 790. *edit. Schulting.* Quamvis enim  
& id requireretur in sacris, boni ominis causa,  
vt recte a Pithoeo observatum est: patrimi ta-  
men & matrimi proprie erant, confarreatis  
parentibus nati. Nec aliter Festus, qui falso  
plerumque pro vulgari significatione allega-  
tur.

VI. III.)  
Vxor in  
manum con-  
ueniens, ma-  
terfamili-  
as in po-  
testate  
mariti.

VI. Adhaec id sequebatur effectum, III.)  
vt vxor, quae confarreatione in manum con-  
venerat, fieret materfamilias, & filiae loco ha-  
beretur, adeoque esset heres sua. Dionys. *l. c.*  
Vlp *l. c.* Gell. XVIII, 6. Quaeri hic solet,  
an vxor per confarreationem liberata patria  
potestate in viri potestatem transierit? Affir-  
mat Ant. Hotom. *de Rit. nupt. XX. p.* 298. Sed  
negant alii. Vid. Thomasius *Diff. alleg. I, p.*  
22. Verum licebit hic cum Hotomano facere.  
Auctores sane omnes fatentur I.) uxorem con-  
venisse in *manum*. *Manum* vero in iure signifi-  
care potestatem, tralatitium est. Immo II.) Gel-

Gel-



Gellius *Noct. Att. XVIII*, 6. multo disertius vxorem eiusmodi *in mancipio* fuisse statuit. In mancipio vero esse, procul dubio includit potestatem, (Vlp. *Fragm. X rubr.* & ibi Schulting. & *Tit. XX*, 18. *XXIV*, 23.) immo & ipsum dominium iuris Quiritium. Bynkersh. *de iure occid. lib. I.* Idemque sibi volunt auctores, quando vxorem marito SERVIRE dicunt. Virg. *Aen. IV. v.* 103.

— — *Liceat Phrygio servire marito*, ad quae verba videndus Servius: nec non quando mariti ab vxoribus vocantur DOMINI. Serv. ad Virgil. *Aen. IV.*

— — *Connubia nostra*

*Reppulit*, ac DOMINVM Aeneam in regna recepit.

Add. Non. *cap. IV. n.* 121. III.) Observavimus, confarreatas vxores in sacris mariti fuisse. Sacrorum vero communio inferebat potestatem. *L. 11. D. de lib. & postum.* Vnde formulae: *in parentum sacris esse constitutum, in gentem & sacra alicuius transire, sacris paternis absolvi &c.* Vid. Barn. Brissou. *de verb. sign. p.* 1814. *ed. nov.* Accedit IV.) quod Vlpianus *in manum conventionem* inter genera capitis deminutionis refert. *Tit. XI*, 13. Quomodo vero capite deminuta dici posset vxor, si vel sui iuris, vel in patria potestate mansisset? Nec V.) id omittendum, vxores antiquissimis temporibus adsumsisse nomina maritorum, tanquam filias. Qui mos etiam sub Imperatoribus, quum iam obsolevisset confarreationis ritus, mansit. Hinc in lapidibus occurrunt ANTONIA DRVSI, DO-

MITIA BIBVLI, MESSALINA NERONIS, DOMITIA DOMITIANI, Rupert. *Epist. XLI. ad Reinesl. pag. 156. 235, 237. Gruter. Inscr. p. DXXCIV. 11. p. DCXVIII, 9. p. DCCCLXXIX. 7.* Plura exempla dabit V. C. Iac. Perizon. *Dissert. de Divina Constit. Deut. XXV, 5. 6.* Praeterea VI.) re ipsa potestatem summam in vxores, non secus ac in filias, exercebant mariti. Quidquid acquirebat vxor, marito acquirebat. *Omnia enim, quae eius erant, viri fiebant dotis nomine.* Cic. *Topic. IV. (c)* Ius quoque vitae & necis competiisse maritis in vxores adulteras, vinosas, aliisque se sceleribus polluentes, notum est ex Dionys. Hal. II, p. 96. Gell. II, 23. ex quibus patet, maritos domi suae tanquam iudices de uxorum criminibus cognovisse. Exempla vide apud Plin. *Hist. Nat. XIV, 13.* Mansit etiam sub Imperatoribus pristini moris vestigium, teste Sueton. *Tiber. XXXV.* Tacit. *Ann. II, 1. XIII, 32.* Denique VII.) ex insigni loco Caii apud Pariatorem L.L. Mos. & Rom. tit. XVI. patet, sororis loco liberis fuisse matrem, aut novercam, quae per in manum conventionem apud patrem eorum IVS FILIAE consequuta sit. Quare negandum haud videtur, vxores, quae confarreatione in manum venerant, in potestate maritorum fuisse. Conf. Ger. Noodt. *Probab. II, 9. p. 64.*

VII. IV.)  
Bona  
vxoris ad  
maritum  
delata.

VII. Quartum effectum erat, IV.) quod maritus bona omnia vxoris nomine dotis acciperet.

(c) Hinc & peculium habebant matresfamilias, tanquam filiae & servae. Vid. Plaut. *Casim. II, 1. 28.*

(d)

ciperet. Cic. *Topic. IV.* & id quidem procul dubio, quia illa erat in mariti potestate, ceu paullo ante diximus. Vnde Terent. *Andr. I, 5.*

*Te isti virum do, amicum, tutorem, patrem:*  
*BONA nostra haec tibi COMMITTO, &*  
*tuae mando fidei:*

*Hanc mihi in manum dat.* Ex quo facile patet, quatenam sit dotis dominii origo, de quo infra *Lib. II. Tit. VIII.* dicendum erit pluribus.

VIII. Quintum effectum erat V.) quod con-  
 nubium eiusmodi dissolvi non posset, nisi *diffar-  
 reatione*, quae, quum teste Festo, *voce diffar-  
 reatio*, esset genus sacrificii, procul dubio non  
 nisi auctoritate Pontificum fiebat, & hinc erat  
 rarissima, & difficillima. Quin primis Reip.  
 temporibus non exstabat divortii exemplum us-  
 que ad annum V. C. DXX. Dionys. *II. p. 96.*  
 Plut. in *Romul. p. 39.* & in *Numa p. 77.* Valer.  
 Max. II, 1. Gell. IV, 3.

IX. Enimvero hic ritus confarreationis ob  
 incuriam virorum & feminarum, difficultates-  
 que caerimoniarum, studium item conservan-  
 dae patriae potestatis, impensarum magnitudi-  
 nem, & maxime denique ob gratissimam vtris-  
 que divortiorum licentiam ita sensim obsole-  
 vit, ut Tiberii tempore non amplius reperiri  
 possent tres Flaminei candidati, confarreatis  
 prognati parentibus. Tacit. *Annal. IV, 16.*

X. Diutius paullo viguit secundus nuptia-  
 rum ritus, videlicet *coemptio*. (d) Et sane videtur  
 coemptio iam in confarreatione fuisse adhibita,  
 tanquam ritus accessorius. Ast postremis tem-  
 poribus Romani, neglecto primario confarrea-

VIII. V.)  
 Coniugli-  
 um eius-  
 modi sola  
 diffarrea-  
 tione so-  
 lubile.

IX. Con-  
 farreatio-  
 nis ritus  
 cur obso-  
 leverit?

X. Coem-  
 tio an a  
 confarrea-  
 tione di-  
 versa?

tionis ritu, solum accessorium, id est, coemptionem, retinuerunt, & inde factum, ut multis secundus hic modus ab illo primo non videatur discrepare. Cic. certe *pro Flacco XXXIV.* modos recensens, quibus in manum conveniatur, confarreationis plane non meminit, sed coemptionis & usus, eam sane haut omisurus, si re ipsa inter confarreationem & coemptionem quaedam fuisset differentia.

XL. Ritus  
iste coem-  
penti.

XL. Fiebat coemptio non solum a sponso, sed & a sponsa. De illo marmor vetustum luculenter testatur, quod ita se habet: PVBL. CLAUD. QVAEST. AER. ANTONINAM VOLVMNIAM VIRGINEM VOLENT. AVSPIC. A PARENTIBVS SVIS COEMIT. ET. FAC. III. IN. DOM. DVXIT. De hac Nonius *de propriet. serm. XII, 50.* ita refert. *Vetero lege Romana assēs tres ad maritum veniens solebat adferre, atque vnum, quem in manu tenebat, tanquam emendi causa, marito dare; alterum, quem in pede habebat, in foco Larium familiare ponere; tertium, in sacciperio quem condiderat, compito vicinali solere resonare. (e)* Primo ergo assē fiebat coemptio

virī

(d) Immo sollemnis hic ritus fuit gentibus tantum non omnibus. De Ebraeis vid. Gen. XXXI, 14. XXXIV, 12. I. Sam. XVIII, 24. De Graecis Euripid. in *Medea* v. 232. Aristot. *Polit.* II, 8. De Germanis Tacit. *de mor. Germ.* XVII. Confetti meretur Gundl. *diff. de coem. ux.* IX. cap. I.

(e) Quid sit in compito vicinali resonare, paullo obscurius videtur. Sed salva res est. In compitis etiam erant aediculae Laribus sacrae. Ovid. *Fast.* II. v. 616,

... qui compita servant.

Et vigilans nostra semper in urbe Laris.

Conf.

virī more Quiritium, id est aere & libra, adhibitis quibusdam verbis sollemnibus. Serv. *ad Virg. Aeneid. IV. v. 211.* Petr. Fab. *ad L. 16. D. de Reg. Iur. p. 97. sequ.* Secundo vxor sibi veluti coemebat Lares & Deos penates, vt sacrorum fieret particeps. Tertio sibi veluti aditum patefaciebat in mariti domum. Nam sponsa domum deducenda in horto aliquamdiu commorabatur, donec diruta maceria in domum mariti transfiret. Et hanc maceriam Nonius vocat *compitum vicinale*, ceu post Perrenon. *Animadvers. I. 6.* docuit Gundling. *ibid. I. 14.* qui etiam huc refert responsum Cervidii Scaevolae, *L. 66. §. 1. D. de Donat. inter vir. & vxor.* & verba Terentii *A. delph. V. 7.* Atque hanc in horto maceriam iube dirui. *Quantum potest: huc transfer, vnam fac domum. Traduce & matrem & familiam omnem ad nos.* Ceterum quatenam fuerint illa verba coemtionis sollemnia, non constat. Necessaria ea fuisse, docet Cicero *de Orat. I. 56.* sed qualia fuerint, non commemorat. Boethius *ad Cic. Top. III.* ait, quaevisse virum, *an mulier sibi mater familias esse vellet?* hanc respondisse, *se velle.* Eodem modo & interrogasse matrem familias, & respondisse virum. Quae si recte se habent, coemptio illa procul dubio interveniente stipulatione facta est. Sed haec forte Boethius sine auctore. Cicero *pro Muraena XII.* ait, mulieres in sol-

Conf. Suet. *Aug. XXI.* Loco *resonare lege resignare*, & sensus erit planissimus, sponsam tertium asem, quem in sacciperio condiderat, ante Lares compitales resignare, & ibi deponere suevisse.

sollemnibus istis verbis *Caia*s esse vocatas. Et hinc procul dubio ad illam formulam respicit: **VBIV CAIVS, IBIEGO CAIA**, cuius meminit Plutarchus *Quaest. Rom. p. 620*.

XII. Effec-  
ta coem-  
tionis. XII. Effecta coemptionis erant eadem, quae confarreationis. Nam & hoc modo in manum conveniebant vxores, & matresfamilias vocabantur. Huber. *Digress. Part. II. 1. 17. p. 528*. Thomaf. *diff. de usu pract. doct. Inst. de nupt. I, 7. p. 26. 28*. Vnde simul ratio reddi poterit, cur concubina apud Gruterum *Inscr. p. 1300, 21*. vocetur *vxor gratuita*, utpote quae coemta non esset, nec aqua aut igne accepta.

XIII. Quo-  
ritu eius-  
modi nu-  
ptiae dis-  
solutae? XIII. Quemadmodum vero nuptiae, confarreationis ritu contractae, diffarreatione; ita factae per coemptionem, remanicipatione dissolvebantur, ceu ex Festo erudite probat Raccardus *ad Leg. XII. Tab. p. 98*.

XIV. XIV. Tertius modus contrahendi matrimonium erat *usus*, qui in eo constitit, quod sine confarreatione & coemptione maritus vxorem vsucaperet. Si enim haec auctore tutore cum viro consueverat annum vnum, nec ante finem anni usurpatum iverat, id est, tribus noctibus a viro non abfuerat, videbatur vsucapta & possessione quaesita. Gell. *III, 2*. Quemadmodum itaque vsucapio est modus adquirendi dominium iuris Quiritium: ita dubitari nequit, quin & usu vxor convenerit in manum, & veluti in dominium Quiritarium mariti, vel eiusdem potestatem redacta sit. Cic *pro Flacc. cap. XXXIV*. P. Pith. *ad Pariat. LL. Mos. & Rom. tit. XVI*. Si itaque vxor nollit in manum convenire: in-  
stru-

strumenta quidem dotalia conficiebantur, & domum deducebatur, sed dabat operam, ut saltem tres noctes a marito abesset. Sic enim per usurpationem interrompebatur singulis annis usucapio, adeoque vxor vel in potestate patris manebat, vel in tutela agnatorum manebat, sine quorum auctoritate in manum convenire non poterat. Cic. *pro Flacc. ibid.* Contracto itaque hoc ritu matrimonio, vxor non conveniebat in manum mariti, neque adeo fiebat materfamilias, sed matrona. Gell. XVIII, 6. Et hinc neque succedebat ab intestato marito, neque hic vxoris bona omnia dotis nomine accipiebat. Vocabatur tamen uterque coniux ad bonorum possessionem edicto: VNDE VIR ET VXOR.

XV. Requisita iustarum nuptiarum præter I.) *pubertatem & viri potentiam*, de cuius examine ad *Lib. I. Tit. XXII.* dicemus, erant II.) *consensus patrum*, quorum in potestate erant sponsi. Quamvis enim pater filiam elocatam revocare, nuptiasque rite contractasolvere non posset: (ceu ex Plutarchi *Numa*, Dionysio Halicarnassico, Paulli *Sent. II*, 19. Vlpiani *L. 1. §. ult. D. de liberis exhibendis* accurate demonstrat Thomaf. *de usu pract. doct. Inst. de nupt. I*, 13. p. 48. 49.) poterat tamen id facere, si filia eo invito cuidam nupfisset, ceu contra Rævardum *Var. VI*, 16. Cuiac. *Obs. III*, 5. idem demonstrat Thomafius *l. c.* Sin filia patria potestate, si ve per emancipationem, si ve patris mortem, exisset: sub perpetua debebat tutela, adeoque & tutorum auctoritas adhibenda erat. Cicero *pro Flacco XXXV*. Auctoritatem vero & expres-

XV. Re-  
quisita iu-  
starum  
nuptia-  
rum I.)  
pubertas.  
II.) con-  
sensus pa-  
trum.

ſam eſſe, & præcedere nuptias debuiſſe, æque ac iuſſum, notum eſt ex Ictis. Nec obſtat *L. 25 §. 4. D. de Acquir. hered.* quam accurate explicavimus, & a Iac. Gothofredi correptione vindicavimus in *Element. iur. civ §. 250.*

XVI. III.) *XVI. Requirebatur etiam III.)* vt vterque contrahentium eſſet & liber & *civis Romanus.*  
 civitas Ro-  
 mana.

Inter ſervos enim, liberosque & ſervos non connubium erat, ſed contubernium. Cum Latino etiam vel Latina, peregrino vel peregrina, non erant iuſtæ nuptiæ, niſi conſeſſum eſſet.

(f) *Vlp. Fragm. V, 4. & 5. Paull. Sent. II, 19. 6.* vnde notum, quantum invidiæ Antonino nuptiæ cum Cleopatra conſlaverint. Sed poſt Conſtitutionem Antonini Caracallæ promiſcua fuere inter gentes connubia. & ita intelligendus *Prudent. adv. Symmach. II. v. 612.*

*Diſtantes regione plagæ, diviſaque ponto  
 Liſſora conveniunt, nunc per vadimonia ad unum  
 Et commune forum, nunc per commercia & artes  
 Ad cæctum celebrem, nunc per genialia fulcra  
 Externi*

(f) Concedebat olim eiſmodi nuptias populus, lege ſingulari, vt docent exempla apud *Livium Hiſt. XXXVIII, 36. XLIII, 3.* Poſtea Imperatores huiſmodi dabant privilegia. Exempla hinc inde in marmoribus ſunt, apud *Gruter. p. DLXXXIII. 2. DLXXXIV, 5. DLXXXV, 1.* Iac. Spon. *Miſcell. erudit. Antiq. p. CCXLIV.* vbi militibus. **QVI PEREGRINAE CONDITIONIS PROBATI ERANT, datur CONNUBIVM CVM VXORIBVS, QVAS TVM HABVIſSENT.** Conf. *Ez. Spanhem. Orb. Rom. II, 22.* De reliquis prohibitionibus dicemus infra, vbi de iure Quiritum & civitatis in Adpendice agemus.

(g)



*Externi ad IVS CONNVBII. Nam sanguine  
misto*

*Texitur alterius ex gentibus una propago.*

Et Rutilius Numantinus *Itiner. l. v. 63. sequ.*

*Fecisti patriam diversis gentibus unam,*

*Profuit iniunctis, te dominante, capi.*

*Dumque offers vinctis proprii CONSORTIA  
iuris,*

*Urbem fecisti, qui prius orbis erat.*

XVII. Accedit IV.) consideratio graduum XVII.  
*cognationis*, tanquam quartum iustarum nuptia-  
rum requisitum. Quae graduum (g) prohibitio IV.) Gra-  
quo usque extendatur, Icti ostendunt & maxi-  
me illustr. Thomaf. *diff. alleg. I, 18. sequ. p. 59.*  
*sequ.* prohibi-  
torum  
evitatio.

XVIII. Denique V.) *polygamia* erat apud XVIII.  
Romanos prohibita, quam lege stabilire, au-  
ctore, ut putabatur, Caesare, conabatur Helius  
Caecina, Tribunus plebis: sed ea lex ne pro-  
mulgata quidem, nedum perlata fuit. Sucton.  
*Iul. LII.* Primus Antonius ex Romanis duas in  
matrimonio uxores habuit, teste Plutarcho *in*  
*vit. Anton.* Postea & Valentinianus junior lege  
sanxerat, ut liceret cuivis viro duas uxores du-  
cere. Socrat. *Hist. eccl. IV, 30.* Niceph. *Hist.*  
*eccl. II, 33.* Sed nec ea quidem Constitutio, amo-  
liendae facti proprii turpitudini inservitura, va-  
luit apud posteros. Brisson. *de iure connub. p. 292.*

AD-

(g) *Graduum* equidem supputationem ad solam doctri-  
nam de successione pertinere, putant. Vid. illustris  
Thomaf. *l. c. p. 65.* sed & veteres Icti gradus nu-  
merarunt in doctrina de nuptiis. Exemplum Vlpiani  
est in *Collat. Leg. Mos. & Rom. VI, 2.*

(s)

## ADPENDIX HVIVS TITVLI

DE

## LEGITIMATIONE.

**A**lter modus constituendi patriam potestatem est LEGITIMATIO, de qua quum Imperator tantum §. 13. *b. t.* aliqua commemoret: licebit nobis eam doctrinam huic titulo tanquam adpendicem subnectere.

**XIX.** Qui- **XIX.** Soli liberi, ex iustis nuptiis nati, in  
nam liberi patria erant potestate, & hinc vocabantur LE-  
legitimi, GITIMI. Reliqui omnes ILLEGITIMI di-  
& spurii. cebantur, & a priscis Romanis duabus litteris  
SP. signari solebant, quia erant *sine patre*. Plu-  
tarch. *Quaest. Rom.* p. 316. Cai. *Inst. I.* 4. 8. p.  
41. Vlpian. *Fragm. IV.* 2. p. 576. Conf. tamen  
Aegid. Menag. *Amoen iur. civil. XXXIX.* p. 358.  
Exemplum elegans huius moris exstat apud  
Gruter. *Inscr. p. CCCCXXXIV.* 4. C. MA-  
MERCIO. SP. F.

IANVARIO. Q. AED. PRAET. IIVIR.  
Q. ET.

P. PACCIUS. IANVARIUS. FILIO. NA-  
TVRALI. ET. MAMERCIA. GRA-  
PTE.

MATER. INFELICISS. FILIO. ET CO-  
GNATAE. PISSIMIS. FECERVNT.

Hic enim C. Mamercius Ianuarius, Paccii Ianua-  
rii non spurius, sed filius naturalis, & in digni-  
tate constitutus, appellatur S. P. F. id est, *sine patre*  
*filius*. Quod monumentum plane egregium ac-  
cu-

curate enucleavimus in *Com. ad L. Iul. & Pap. Lib. II. Cap. IV. p. 169. sequ.* Aliud eiusdem generis exemplum est apud Reines. *Inscr. Class. IX. 4.* Postea vulgo quaesiti spurii dici coeperunt.

XX. Erant illegitimi quatuor generum. XX. Illegitimo-  
rum di-  
versa ge-  
nera.  
Alii enim naturales, ex *concubina*, vel vidua aut virgine stuprata; alii spurii, ex *meretrice*; alii ex *adultera*; alii denique ex *incestuosis* amplexibus fuerant nati. Franc Hotoman. *de spur. & legit. II. p. 474.*

XXI. Nulli horum erant infames, XXI. An  
spurii in-  
fames, vel  
levis no-  
tae macu-  
la notati?  
ast levis tamen notae macula spurios adsperserat vulgus, multoque magis adulterinos & incestuosos, saltim postremis temporibus Reip. Vid. Zach. Hub. *cas. enuch. Quaest. III. §. VIII.* Naturales participes quidem erant omnium iurium, honorumque capaces, ceu contra Iac. Gothofredum luculenter ostendit Thomas. *de vsu pract. doctrinae Inst. de legitimat. I. 3. p. 3. sequ* & ex inscriptione paulo ante adlata patet, in qua C. Mamercius Ianuarius, quamvis S. P. FILIVS, tamen in colonia sua *Quaestor, Aedilis, Praetor, & Duumvir Quinquennalis iterum* fuisse dicitur: iuribus tamen agnationis (a) carebant, neque sub patria potestate erant,

- (a) Vnde nec gentile patris nomen ferebant spurii, vt contra Robortelli *Emend. I, 20.* recte ostendit Car. Sigon. *Emendas. II, 7.* Sanè tanquam singulare quid de Caesare refert Sueton. *Iul. LII.* quod natum e Cleopatra filium *adpellari nomine suo passus sit.* Ast Dio Cass. *L. p. 479.* addit inter alia, quae Octavianus Caesar obiecerit Antonio, etiam hoc fuisse maxime, *ὅτι τὸ Κλαυδίου ἱπποκράτους υἱὸν, καὶ ὅτι τοῦ Κλαυδίου*

erant, tanquam legitimo parente destituti.  
Franc. Hotom. *l. c. III.* Strauch. *Exerc. IV, 3.*

XXII.  
Legitima-  
tio quan-  
do inven-  
ta?

XXII. Quum ergo vetere iure Romano nulla esset legis actio prodita, qua illegitimi liberi, in patriam potestatem redacti, iurium istorum agnationis fierent participes, nisi arrogatio, in qua ipsos illegitimos auctores fieri oportebat. Herald. *Obs. ad ius Att. & Rom. VI, 10.* saeculo demum quarto ineunte inventa est legitimatio. (b) Quod tamen beneficium non ad omnes in universum spurios, sed natos tantum e concubinis pertinebat. Huber. *Praelect. ad Inst. b. t. p. 28.*

XXIII.  
Constantinus M.  
auctor le-  
gitimatio-  
nis i.) per  
subse-  
quens  
matrimo-  
nium.

XXIII. Et primus quidem Constantinus M. Imp. invenit legitimatorem I.) PER SVB-  
SE-

*ἀδικοῦντος τοῦ υἱοῦ τῆς, quod Caesarianis nomen filio Cleopatras indidisset, & eum in Caesaris genus retulisset.* Interim quamvis aliquando cognomen patris adoptarant filii naturales, ut paulo ante *Ianuarinus*, nomen tamen gentile a matre mutuabant. Ita Mamercius Ianuarius dictus a nomine matris Mamerciae Graptae, & a cognomine patris P. Paccii Ianuarii. Similia exempla ex Grut. *Insc. 2. p. DCXLI, 9. & p. DCLXXXIV.* adduximus in *Comment. ad L. Iul. & Pap. Lib. II. cap. IV. p. 170. sequ.* Ad spurios autem haec non pertinere vel inde patet, quod eorum incertus est pater.

(b) Non ergo legitimatio est actus legitimus, ut recte ostendit Vlr. Huber. *Digress. II, 12.* Nec ante Constantinum Romae recepta, quamvis viri docti id colligant ex *L. ult. D. de adopt. & L. 57. §. 1. D. de rit. nups.* Nam ut prior lex, vel ipsa teste rubrica, de arrogatione loquitur: ita posterior erat lege solutio, vel privilegium, quod ad exemplum non trahebatur.

(c)

SEQVENS MATRIMONIUM. Meminit eius Constitutionis Zeno Imp. *L. 5. C. de natur. lib. & Iustinianus Nov. LXXXIX. princ.* Sed quum ipsa non tulerit aetatem: obscura nobis est legislatoris sententia. Id saltem certum, non voluisse Constantinum M. Constitutionem suam ad eos, qui in posterum ex concubinis nascituri essent, porrigi, sed eum ante illam Constitutionem natis duntaxat id beneficium indulsisse, non alio consilio, quam ut parentes, in concubinato viventes, hoc privilegio pelli- ceret ad iustum ineundum matrimonium, adeoque his cuniculis concubinatum subrueret. Vid. Def. Herald. *Rer. Quotid. I. 4. 2.* & quae nos disseruimus in *Comm. ad L. Iul. & Pap. Lib. II. Cap. V. p. 173. sequ.*

XXIV. Deinde & Theodosius iunior ad- didit legitimationem II) PER OBLATIO- NEM CURIAE. *L. 3. 4. C. de nat. lib.* Quum enim adeo omnes abhorrerent a Decurionum munere, ut iam Traiani temporibus multi inviti fierent Decuriones, Plin. *Epist. X. 114.* & saepe Christiani poenae loco Curiae addicerentur; Barn. Briffon. *Antiqu. IV. 18.* & hinc, aufugien- tibus Decurionibus, Curiae paene exhaustae es- sent: Iac. Gothofr. *ad Tit. C. Theod. de Decur.* privilegio alliciendi videbantur homines ad id munus eo lubentius suscipiendum. Hinc Con- stitutione cautum, ut si quis Curiae offerret fili- um vel filiam naturalem, ita ut ille in ordinem Decurionum aliquando recipi se pateretur, haec Decurioni nuberet: eo ipso illi non amplius na- turales. sed legitimated habuerentur. Interim

XXIV. Theodo-  
sius in-  
ventor le-  
gitimatio-  
nis II) per  
oblatio-  
nem Cu-  
riae.

soli patri hi fiebant liberi, non agnatis reliquis agnati. *L. 9. C. de natur. lib.* In causam tanti Decurionatus odii acute, ut solet, inquit Thomas. *diff. alleg. I, 8. p. 21 sequ.* ubi solide ostendit, homines, voluptate, ambitione & avaritia in transversum actos, dignitatibus aulicis, militiaeque palatinae & ordinibus sacris, quam muneribus eiusmodi, laboriosis, & ob onera Curiarum, sumtusque, in spectacula impendendos, non admodum pinguibus, inhiare maluisse. Iam id addo, non putandum esse, Curiae oblatos confestim factos esse Decuriones. Sed Curiae adscribebantur, eique serviebant periculo suarum facultatum. *L. 4. C. de nat. lib. L. 50. L. 55. L. 64. C. de Decur.* Hinc nec militiae nomen dare, nec ruri extra municipium vivere poterant, Curiae quippe, tanquam glebae, adscripti, *L. 17. C. eod. L. vn. C. si Curial. relict. civ.* Quae omnia luculenter ostendit V. C. Em. Merrill. *Obs. VII, 26. p. 109.* Quum itaque Curiae oblati quodammodo essent adscriptitiae conditionis, nec alterius iis esset spes honoris, quam Decurionatus, sane parum lucrosi: non profecto mirandum, tam paucis salivam movisse splendendam illam Curialium miseriam; ut & liberi illegitimi privilegio essent alliciendi ad suscipiendum aliquando Decurionatum.

XXV. Zenonis, Anastasii & Iustiniani Constitutiones de primo modo legitimandi.

XXV. Sequentes Imperatores duo ista legitimationis genera aliquamdiu retinuerunt, variisque legibus explicarunt. Sic Zeno Imperator sanxit, ut si pater, nulla legitima sobole alia superstita, concubinam uxorem duxerit, liberi utriusque sexus post nuptias in patria potestate

testate constituerentur, & siue soli, siue cum fratribus postea natis patri ex testamento vel ab intestato succederent. Attamen eam Constitutionem ipse quoque, exemplo Constantini, valere tantum voluit ratione liberorum, ante hanc legem ex concubinis ingenuis natorum; eos vero, qui postea ex concubinato prodituri essent, tanti beneficii noluit esse participes. *L. 5. C. de natur. lib.* Liberalior Anastasius cum omnibus etiam postea nascituris hoc beneficium communicavit. *L. 6. C. eod.* Id denuo restringit Iustinus Imp. *L. 7. C. eod.* sed postea suo more iterum latius extendit Iustinianus. *L. 10. § 11. C. eod. conf. § 2. Inst. de hered. quae ab intest. Novell. XII, 4. XVIII, 11. LXXIV.* Quamvis vero his fere omnibus locis Iustinianus exigat instrumenta dotalia vel nuptialia: ea tamen non ad substantiam huius legitimisationis pertinere; sed pro eorum temporum conditione tantum signum fuisse legitimi connubii, iam alio loco ostendimus, & iam pridem demonstravit Cuiac. *Obs. XIII, 4.*

XXVI. Eodem modo & alterum legitimandi modum per oblationem Cuiac variis Constitutionibus illustrarunt Imperatores. e. g. Leo & Anthemius. *L. 4. C. de natur. lib.* & Iustinianus *L. 9. C. eod. Nov. LXXXIX. cap. 11. seq.*

XXVII. Accessit tertius modus legitimandi III.) per adrogationem, ab Anastasio inventus. *L. 6. C. de nat. lib.* Quum enim naturales liberi non essent in patria potestate, sed sui iuris: poterant profecto a parente naturali adro-

XXVI.  
Leonis,  
Anthemii  
& Iustini-  
aniani Con-  
stitutione  
de modo  
secundo  
XXVII.  
Legitima-  
tio III.)  
per adro-  
gationem  
inventa  
ab Anasta-  
sio.

gari. *l. ult. D. de Adopt.* Facta ergo ea adrogatione, legitimi censebantur. Sed cum modum non sine ratione sustulit Iustinus, *L. 7. C. eod.* approbante id Iustiniano *Nov. LXXXIX, 7. Nov. LXXIV, 3.*

XXVIII.

Legitima-  
tio IV.)per rescri-  
ptum

Principis,

&amp; V.) per

testamen-

tum, in-

venta a

Iustinia-

no.

XXVIII. Denique Iustinianus, ne & ipse minus videretur ingeniosus, adiecit IV.) *legitimationem per rescriptum Principis, Nov. LXXXIX, 9. LXXIV, 2.* ac postremo legitimationem V.) *per testamentum, Nov. LXXIV, 2. 1. LXXXIX, 10.* Quo ipso tamen totum inventum legitimationis eum destruxisse, observat Thomasius *de usu pract. doct. de legitim. I, 12. p. 44.*

## TIT. XI.

## D E

## A D O P T I O N I B V S.

**T**ertius modus constituendi patriam potestatem erat ADOPTIO, quæ quum fuerit actio legis, certis formulis, ac sollemnitatibus peragenda: genuina eius ratio ex antiquitatibus pernosceda erit.

I. Adop-  
tionis  
Romæ  
tam fre-  
quentis  
caussa pri-  
ma.

I. Cur inventa a Romanis sit adoptio, & cur ea Romæ frequentius, quam vsquam terrarum, sit vsurpata, paullo altius est repetendum, quum alias universa huius instituti ratio intelligi nequeat. Observavimus iam supra, (*Lib. I. Tit. X. §. 4.*) Romanas familias habuisse sua sacra privata, suos focos & aras domesticas, suas porro ferias, de quibus conferri merentur  
Ma-



Macrob. *Saturn.* I, 6. Iac. Guther. *de iure Pontif.* II, 5. Vinc. Gravina *ad XII Tab. num. LXXVI* p. 416. *sequ.* De iis sacris quum esset lege Decemvirali constitutum: SACRA PRIVATA PERPETVO MANENTO: omnia sane agebant Romani, ne sacra illa gentilia interirent. (\*) Quare Clodium etiam hoc nomine graviter reprehendit Cicero, *pro Domo XII.* quod effecerit, *ut sacra Clodiae gentis interirent.* Hinc, si qui ex iustis vxoribus liberos haut sustulissent, ii adoptabant extraneos, qui tunc *in sacra & gentem transire dicebantur.* Brissou *de verb. signif.* p. 1814. Conf. Vopisc. *Valerian. XIV.*

## II. Dein-

(\*) Aliquando tamen id agebant, ut sacra privata interimerentur, eamque in rem ICI invenerant senes sacra coementes. Excogitaverant enim eam rationem, ut heres senibus venderet ea bona, quae qui haberent, sacris adstringerentur, venditione imaginaria per aen & libram, addita stipulatione, vel fiducia, ut senes illi bona venditori vel heredi non ut hereditatem, sed ut res singulares, sacris liberas, redderent. Rem accurate primus ex loco obscuro Cic. *pro Mur. cap. XII.* explicavit & in lucem protraxit V. C. Io. Fr. Gronov. *de pecun. vet.* IV, 7. quem deinde sequutus Io. Ge. Graevius *Nos. ad Cic. l. c.* uterque monuit, perperam cum his senibus, ad interimenda sacra adhibitis, confundi senes coemptionales apud Plaut. *Bacchid.* IV, 9. & Cicero. *ad Famil. Epist.* VII, 29. quum hi fuerint mancipia resticula & veterana, quae quod non adeo facile emtorem invenirent, vel plura simul vendebantur, vel tanquam mantissa, adiciebantur melioribus. Iidem monuerunt, nihil hos senes coemptionales facere ad coemptionem nuptialem. Ad quam quum nos eam retulerimus in prioribus editionibus, hic errorem nostrum fateri ac emendare non dubitavimus.

II. Causa  
secunda.

II. Deinde altera accessit ratio, poenae nimirum orbitati, praemiaque τῇ πελοπαιδίᾳ proposita, qualia & ante legem Papiam Poppacani in libera Republica fuisse, patet ex Dione Cass. *LVI. p. 660.* Ne ergo parentes ἀπαίδει aut orbi vel praemiis istis exciderent, vel poenas darent: alios adoptabant, idque iam sua aetate reprehendit P. Scipio, Censor, in oratione apud Gell. *Noct. Att. V, 19.* Quin adeo fraudulenter postea hac in re egerunt Romani, ut quum per legem Papiam trium liberorum parentes reliquis in honorum petitione praeferrerentur, ii, quibus iste liberorum numerus deerat, per adoptionem sibi quaererent liberos, eosdemque deinde, ne oneri essent, ubi honoribus potiti erant, statim emanciparent. Vnde condito denique SC. cautum est, *ne simulata adoptio in vlla parte muneris iuvaret.* Tacit. *Annal. XV, 19.* Vlpian. *L. 2. §. 2. D. de excusat. manerum. Add. Comment. nostr. ad L. Iul. & Pap. Lib. II. cap. 7. p. 201. seq.*

III. Causa  
tertia.

III. Accedebat tertia ratio, acque fraudulenta. Si quis enim patricii ordinis tribuniciam potestatem ambiret, ut voti fieret compos, plebeio cuidam se adoptandum dabat. Exemplum huiusmodi fraudulentae adoptionis praebuit P. Clodius, de cuius absurda adoptione videri possunt Suet. *Tiber. II.* Dio Cass. *XXXVIII. p. 72.* Cic. *orat. pro domo XIII.* Simile dedit Dolabella, qui ob eandem causam in gentem Liviam plebeiam transiit. Dio Cass. *XLII. p. 198.* Et haec sunt verae illae ac genuinae causae, cur tam frequentes essent Romanae adoptiones.

IV. E-

IV. Erant vero adoptiones duorum generum. Aliae ADROGATIONES: aliae ADOPTIONES strictiore sensu dicebantur. Vlpian. *VIII, 1. sequ.* Illis homines sui iuris; his liberi alieni in alterius potestatem, gentem, nomen & sacra transibant.

IV. Adro-  
ptio quo-  
tuplex?

V. Antiquissima fuisse videtur ADROGATIO, non ab interrogatione patris & filii adoptivi ita dicta, ut putat Cai. *Inst. I, 5, 1. L. 2. pr. D. de Adopt.* sed a *rogatione* ad populum lata. Fiebat enim adrogatio in Comitiiis curiatis auctoritate Pontificum, teste Gell. *Noct. Att. V, 19.* Adstipulatur huic Gellii etymologiae Menag. *Amoen. iur. cap. XXXIX. p. 259.* eamque ipsa vocabuli analogia confirmat, quamvis Caii causam agat Cuiac. *Obs. IX, 37.*

V. Adro-  
gatio vn-  
de dicta?

VI. Cur in Comitiiis curiatis de adrogatione, tanquam de publica populi causa, actum sit, eius rei hanc rationem assignat Vinc. Gravina *ad XII. Tab. n. LXXXV. p. 451.* quod interfuerit populi, ut fraudes, supra numeris II. & III. relatae, prohiberentur. Sed prius procul dubio adrogationes in Comitiiis factae sunt, quam fraudum istarum exstarent exempla. Melior ratio videtur, quia adrogati sperabant hereditatem. De hereditate vero in alios transferenda solum populum cognovisse, vel inde patet, quod & testamenta olim in Comitiiis calatis fierent. Accedit, quod per adrogationem caput e tabulis censualibus eximeretur, & in alterius redigeretur potestatem; id quod inconsulto populo fieri iniquum videbatur. Hinc in legibus Decemviralibus Tab. IX. erat lex: DE CA-

VI. Cur  
ea peracta  
in Comi-  
tiis curia-  
tia?

PUTE CIVIS, NISI PER MAXIMUM COMITIATUM NE FERUNT. Cic. *de Legib. III.* in qua lege capitis adpellatione, non modo vitam, sed & libertatem, civitatem, familiarumque ius exaudiri debere, eleganter demonstrat in Notis Iac. Gothofred. p. 230. Hinc ergo in Comitibus res erat explicanda, & quidem in curiatis. Gell. V, 19. Et hinc adrogatio fieri dicebatur *lege curiata*. Tacit. *Hist. I.* 15. κατὰ νόμον κηρύσσων. Appian. *de Bell. Civ. III.* κατὰ νόμον τὸν φρατριάκον. Dio Cass. *Lib. XIV.*

VII. Cur  
auctorita-  
te Pontifi-  
cum fuerit  
opus?

VII. Pontificum vero auctoritate opus videbatur, non ob iurisiurandi religionem, quod adrogatio ab omni calumnia & fraude pura praestaretur, ut coniecit idem Vinc. Gravina *l. c. p. 452.* sed quia adoptivi, relictis sacris familiarum, in alterius gentis sacra transibant. Cicero *pro domo XIII.* Quid sacra Clodiae gentis? Cur intereunt, quod in te est? Quae omnis NOTIO PONTIFICUM, quum adoptaret, esse debuit.

VIII. In  
quid in-  
quisive-  
runt Pon-  
tifices?

VIII. Dispiciebant ergo Pontifices, an adoptans ea esset aetate, ut alterum filium habere posset? an nulla ei spes prolis superesset? an coniugio inito foecunditatem fuerit expertus? quae causa sit adoptionis? Gell. *Noct. Attic. V,* 19. Cic. *pro domo X. & XIII.* Ulpian. *L. 15. §. 2. 3. & L. 17. princ. D. de Adopt.* Neque enim facile permittebatur iis, qui iam liberos procreaverant, ut alios vel adrogarent vel adoptarent, quippe quod ne in Imperatoribus quidem reprehensione carebat. Perizon. *Animadv. Hist. cap. III. p. 125.* Deinde ne pro monstro esset; patrem filio vel natu minorem, vel aequalem

lem esse, sed adoptio naturam imitaretur: merito disquirebatur, an adoptaturus saltim plena pubertate filium antecederet. *L. 40. §. 1. D. de adopt.* Et hinc veteres rident adoptionem Alexandri Imp. ab Elagabalo factam, quum ille duodecim, hic quatuordecim circiter annorum esset. *Herodian. Hist. V, 7.* Praecipue autem providendum sibi existimabant, ne adoptio vel adrogatio filio esset exitio, aut ei aliquid adferret detrimenti. Et inde est, quod tutori fas non esset, pupillum adrogare, *L. 17. pr. D. eod.* nisi quod cognati a tutore propinquo, *L. 17. §. 1. D. eod.* & privigni a tutore vitrico ex rescripto Antonini Pii possent adrogari. *L. 32. §. 1. D. eod.* Exemplum Voconii Romani, a vitrico adoptati, est apud Plin. *Epist. X, 3.* Eundem tamen vitricum & tutorem fuisse privigni sui, quod suspicatur Cuiac. *Obs. II, 38.* ex isto quidem loco non constat.

IX. Quum vero ii tantum adrogarentur, qui sui iuris erant: oportebat, eos ipsos auctores fieri. *Gell. l. c.* Interrogabatur ergo is, qui adrogabat, velletne cum, quem adoptaturus esset, iustum sibi filium esse? & vicissim is, qui adrogabatur, an id fieri pateretur auctorque esset, *L. 2. D. de adopt.* Formulam prodit Cicero pro domo XXIX. *Credo enim, quamquam in illa adoptione legitime factum est nihil, tamen te esse interrogatum: AVCTORNE ESSES, VTI IN TE P. FONTEIVS VITAE NECISQVE POTESTATEM HABERET, VTI IN FILIO?* Neque tamen has interrogationes &

IX. Quaestiones  
patri & filio  
propositae?

responsiones stipulationes fuisse, recte notat Cuiac. *Obs. IX*, 37.

X. Rogatio ad populum lata.

X. Causa cognita, in Comitibus curiatis sequebatur sollemnis rogatio: VELITIS IVBEATIS, QVIRITES, VTI L. VALERIUS L. TITIO TAM IVRE LEGEQVE FILIUS SIBI SIET, QVAM SI EX EO PATRE MATREQVE FAMILIAS EIVS NATVS ESSET: VTIQVE EI VITAE NECISQVE IN EO POTESTAS SIET: HAEC ITA, VTI DIXI, ITA VOS QVIRITES ROGGO. Gell. *Noct. Att. V*, 19. Hinc annuente populo & XXX. curiis in suffragia missis ita iubentibus, perfecta erat adrogatio Cic. *pro domo ibid.*

XI. Effecta adrogationis.

XI. Adrogati ergo tam iure legeque filii erant eius, qui adoptaverat, ac si ex eo patre matreque familias eius essent nati. Hinc adrogati aeque ac adoptivi fiebant agnati ratione familiarum adoptantis, non tamen cognati eius uxori. L. 23. *pr. D. de adopt.* Quare adoptionem sequebatur hereditas nominis, pecuniae, factorum, teste Cicerone *pro domo XIII.* ubi exagitur Clodius a Fonteio adoptatus, quod in ea adoptione nihil legitime factum sit, siquidem neque Fonteius esset, quod esse debebat, neque Clodius patris adoptivi heres, neque amissis sacris paternis in adoptiva pervenerit. Immo, quemadmodum patricii, adoptati a plebeiis, ad plebem transibant: ita plebei, adoptati a patriciis, horum consequerentur nobilitatem ac privilegia. Quod tametsi neget Io. Corasius *ad L. 35. D. de adopt.*, tamen demonstratur exemplo Cn. Corneli

nelii Cossi, qui ex Licinia, plebeia familia, adoptatus in patriciam Corneliam, Tribunus militum consulari potestate fuit, ad quam dignitatem anno demum sequente plebeis via patuit, teste Livio V, 12. Demonstratur idem exemplo Liviae, quam Tacitus *Annal. V, 1.* NOBILITATIS per Claudiam familiam, & ADOPTIO-NE Liviorum Iuliorumque clarissimam fuisse ait, & Augusti, de quo Ovidius *Fast. IV, v. 21.*

*Hic ad te magna descendit origine mens,*

*Et fit ADOPTIVA NOBILITATE tuus.*

Conf. Huber. *Digress. Iustin. II, 24.* Iac. Perizon. *Dissert. ad Constit. Divin. Deut. XXV. 5, 6. p. 83. seq. & Comm. nostrum ad L. Pap. Lib. II. cap. I. p. 113.*

XII. Et hinc facile reddi poterit ratio, I.) XII Cur Cur soli cives Romani adrogare potuerint? quidam nec adro- Soli enim participes erant Comitiorum. II.) Cur gare, nec adrogari poterint? caelibes adrogare nequiverint? Erat enim adrogatio in solatium orborum, non caelibum, inventa. Cic. *pro domo cap. XIII. L. 15. §. 2. D. de adopt.* III.) Cur senibus tantum sexaginta minimum annorum adrogare licuerit? *d. L. 15. §. 2. D. de adopt.* Sperari enim antehac poterat proles. IV.) Cur nec muti & surdi adrogarent; nec V.) feminae? Neque enim illi iure Comitiorum gaudebant: & feminae praetera neminem poterant habere in potestate. Quare parum legibus consentanea erat adoptio Candidiani, de qua Iactant. *de Mort. Persequut. Cap. L. Idem Candidianum, quem Valeria ex concubina genitum ob sterilitatem adoptaverat, necari iussit.* Sed quid sibi non

L s

per-

permittebant eius aevi Principes? VI.) Cur porro nec pupillus nec femina, nec peregrinus, nec mutus vel surdus adrogari potuerint? Pupilli enim ipsi auctores fieri non poterant, cum reliquis nulla erat Comitiorum communio. Gell. *Noct. Att. V*, 19. VII.) Cur denique adrogatio Romae tantum fieri potuerit? Vlp. *Fragm. VIII*. 4. Romae enim, non alibi, curiata Comitia haberi poterant. Liv. *V*, 52.

XIII.  
Quamdiu  
vetus iste  
adrogandi  
ritus obti-  
nuerit?

XIII. Haec adrogatio, per populum in Comitibus facta, satis diu, id est, stante libera Republica, obtinuit. Nam ita sua memoria a Cn. Aufidio Oresten, a M. Pupio Pisonem, a P. Fontejo Clodium adrogatum scribit Cic. *pro domo cap. XIII*. Quin & Augustus Agrippam & Tiberium adoptavit in foro lege curiata. Suet. *Aug. LXV*. Et Neronis adoptionem, quamvis Patres censuerint, populus tamen, (lege procul dubio curiata,) iussit. Tacit. *Ann. XII*. 25. Postea Imperatores, legibus quippe soluti, veteres adrogationis ritus saepius neglexerunt. (Vid. Tacit. *Hist. I*, 14. 17. Spartian. *in Hadr. III*. IV. XXIV. *in Ael. Ver. III*. Iul. Capitolin. *Antonin. IV*.) Mansit tamen ad Galbam usque vetus sollemnitas inter privatos. Hinc Galba: *Si te privatus, lege curiata, apud Pontifices, ut moris est, adoptarem*. Tacit. *Hist. I*. 15.

XIV. Ad-  
optio stri-  
ctius dicta  
cur &  
quando  
inventa?

XIV. Haec de adrogatione. Quum vero hic adoptandi modus ad homines tantum sui iuris pertineret: inventa & alia actio legis, qua liberi, in sacris paternis constituti, cuiuscumque sexus & aetatis, in aliam familiam transirent,



rent, isque modus dictus ADOPTIO sensu strictiore. Eum iam in libera Republica obtinuisse, constat ex Cicerone *de Finib. I.* 7. Valer. Max. *VII.* 7. 2. Dione Cass. *XXXIX.* p. 98.

XV. Erat hac adoptio actio legis, & hinc inter XV. Ad-  
praesentes, adhibitis certis sollemnitatibus, optandi  
peragenda apud Praetorem aut Praesidem, (a) ritus per  
aes & li-  
aut bram.

- (a) A Principibus, quos multa sibi in adrogationibus indulgisse probat Dodwell. *praefat. XVIII. ad Spartian.* p. 553, & domi adoptari poterat per aes & libram. Suet. *Aug. LXIV.* *Caicum & Lucium adoptavit DOMI, per aes & libram, emtos a patre Agrippa.* Fortassis & privatis idem licebat, si ad eos venire vellent Magistratus. Adoptio enim erat actus voluntariae iurisdictionis, quales actus nec tribunai, nec locum certum requirunt. *L. 36. pr. D. de adoption.* Et tunc adoptionis sollemnitas aut in cubiculo aut in atrio, coram lecto geniali perficiebatur. Quod patet ex loco Plin. *Paneg. VIII.* *Itaque non tua in CVBICULO, sed in templo; nec ante GENIALEM TORVM, sed ante pulvinar Iovis Optimi Maximi, adoptio peracta est.* Erant vero geniales lecti, qui in nuptiis sternebantur in honorem genii, unde & geniales adpellati. Festus voce *genialis* p. 202. Et hinc etiam lecti adversi dicebantur, quia in atrio ex adverso ianuæ erant collocati. Lips. *Elect. I.* 17. Scaliger ad Fest. voce *Pu-*  
*tus* p. 143. Torrent. ad Horat. *Epist. I.* 4. v. 87. Non tamen inde collegerim ego, in adoptione matremfamilias partum simulasse, qualem ritum inter barbaros receptum fuisse, docet locus Diod. Sic. *Biblioth. IV.* 40. *Illam adoptionem (Hercullis) hoc modo facillam perhibens. Iuno, lectum ingressa, Herculem, corpori suo admo-um, ut verum imitaretur partum, subter vestes ad terram demisit, quem in hoc usque tempus adoptionis ritum BARBARI observant.* Exemplum eiusmodi adoptionis observare mihi videretur Genes. *XXX.* 3, ubi adoptionis quamdam speciem etiam deprehendit V. C.

aut quemcunque Magistratum, apud quem erat legis actio. Vlpian. *VIII*, 1. L. 4. D. de *Adopt.* Gell. *Noct. Att. V*, 19. Ritus adoptandi consistebat in trina venditione, adhibito aere & libra. Scilicet praesentibus patre naturali & adoptivo filioque adoptando, nec non libripende, antestato & testibus, primo pater filium patri adoptivo mancipabat, verbis: MANCV-PO TIBI HVNC FILIVM, QVI MEVS EST. Tum pater adoptivus, aes tenens, simulque adprehendens filium adoptivum; HVNC EGO HOMINEM, inquit, IVRE QVIRITIVM MEVM ESSE AIO, ISQVE MIHI EMTVS EST HOC AERE, HAC AENEAQVE LIBRA. Tum aere, seu, ut olim vocabatur, *raudusculo*, id est, sestertio nummo, percutiebat libram, illudque aes dabat patri naturali, quasi pretii loco. Caius apud Boeth. *Comment. in Cicer. Topic. III*. Ant. Schulting. *Iurispr. antiq. anteiust.* p. 54. Ea mancipatio ter erat repetenda. (b) Quo facto, pater naturalis in iure cedebat filium, & tum adoptio erat

V. C. Io. Clericus in *Not. ad Pentat.* p. 222. Apud Romanos vero nihil horum invenimus, nec poterat ibi hic ritus observari, partim quod matres neminem haberent in potestate, partim quod adoptio non tribueret iura cognationis. Dissentit tamen vir doctissimus, Everardus Otto in *Papiniano*, qui saepe eruditissime hanc causam agit, *Cap. VII. p. 103. sequ.*

(b) Si scilicet filii loco deberet esse adoptivus. Nam si quis in locum nepotis adoptaretur, vnica mancipatione actus absolvebatur. Vlp. *Fragm. XII.* id quod etiam deinde in feminis observatum. Culac. *Enarrat. ad d. l. vit. G. de adopt.*

(c)

erat perfecta. Gell. *l. c.* *Adoptantur autem, quum a parente, in cuius potestate sunt, tertia mancipatione in iure ceduntur, atque ab eo, qui adoptat, apud eum, apud quem legis actio est, vindicantur.* Et hoc quidem ritu per aes & libram adoptavit Augustus Caium & Lucium. Suet. *Aug. LXIV.*

XVI. Quandoquidem ergo haec adoptio non in Comitiiis, sed coram Magistratu, fiebat: factum est inde, ut & sexagenariis minores adoptare possent, nec masculi solum, sed & feminae adoptarentur. Cai. *Inst. I. §. 2.* Gell. *V, 19.*

XVII. Et id quidem in antiqua illa liberaque Republica obtinuit. Postea variae sententiae acciderunt mutationes. Et primo quidem Comitiiis cessantibus, Principes rescriptis suis adrogationes solebant concedere pariter & confirmare. Quod vel ideo iure facere poterant, quia simul erant Pontifices Maximi, quorum erat, de adrogationibus dispicere. Raevard. *de auctor. prudent. VI.* Factum id esse exemplo Galbae, qui primus veterem ritum neglexit, non abs re suspicatur Ant. Schulting. *ad Vlpian. Fragm. VIII, 2. p. 589.* Certe iam Antonini Pii tempore adrogationes factas esse auctoritate Principum patet ex *L. 38. D. h. t.* Hac vero mutatione semel admissa, etiam feminae, (*L. 11. D. h. t.*) & pupilli (*c.*) (*Vlp. Fragm. VIII, 5.*) &

(c) Multa requisita hic erant observanda. Inquirebatur in adrogationis rationem, ne qua turpis causa subesset. *L. 17. pr. L. 20. §. 1. D. h. t.* Expendebantur facultates tum adrogantis tum adrogandi, eiusque

& quidem plures simul (*L. 25. §. 3. D. b. t.*) poterant adrogari Sed non sine causae cognitione, & observatis requisitis quam plurimis. Desierunt etiam antiquae sollemnitates & formulae, quas tamen novo edicto, nescio an actum agens, sustulit Iustinianus *L. ult. C. de adopt.*

XVIII.  
Adoptio  
per testa-  
mentum.

XVIII. Erat & modus adoptandi per testamentum, non ab Imperatoribus demum, vt vulgo putant; inventus, sed iam tum libera adhuc Republica receptus. Iam antiquissimis enim temporibus sollemne erat Romanis, heredes suos non in bona tantum, sed & nomen adsciscere. *Adsciscere* autem erat vocabulum adoptionis, de quo Io. Fridr. Gronov. *Diatr. ad Stat. p. 26.* Cicero *de offic. III.*, 18. Basilii meminit, qui M. Satrium, sororis filium, nomen suum ferre voluerit, cuique fecerit heredem. Et *in Bruto cap. LVIII.* laudat Crassum, Liciniae filium, Crassi testamento adoptatum. Atticum quoque testamento morientis Caecilii fuisse adoptatum, adparet ex Corn. Nep. *Attic. V.* Et Caesar

que simul vita antea curiose excutiebatur. *L. 17. pr. D. b. t.* Exigebatur cautio, bona salva fore proximis agnatis, si pupillus intra pubertatis annos decessisset. *L. 18. 19. 20. b. i.* Adrogator porro emancipare non poterat adrogatum, nisi causa cognita, & redditis, quae habuerat, bonis, insuperque quarta bonorum suorum relicta, *L. ult. D. si quid in fraud. patr.* Idque etiam in exheredatione erat observandum. *L. 15. D. de inoff. test.* Quae omnia ab Antonino sic inventa videntur, vt sensim in defuetudinem iret adrogatio impuberum. Vid. Vlpian. *Fragm. VIII. 2.* Thomas. *diff. de usu pract. Tit. Inst. de adopt. 1.*, 18. p. 84.

(d)

Caesar ita instituerat Octavium, Suet. *Iul.* LXXXIII. Appian. *Bell. Civil. II.* p. 518. qui etiam, cognita avunculi nece, statim Iulii nomen adsumsit. Dio XLV. p. 307. Qua de re etiam Ovid. *Metamorph. XV.* v. 823.

*Vt Deus accedat coelo, templisque colatur,  
Tus facies: natusque tuus, qui nominis heres,  
Impositum feret vnus onus.*

Eodem exemplo Augustus Liviam & Tiberium, heredes testamento scriptos, nomen suum ferre iussit. Suet. *Octav. CI.* Ex eo tempore frequentissima occurrunt eiusmodi adoptionum exempla. Ita enim a M. Gallio Senatore testamento adoptatus est Tiberius. Sueton. *Tiber. VI.* a Galba iam ante sollemnio rem adrogationem Piso Frugi. Idem in *Galba XVII.* Conf. Tacit. *Ann. V.* 1. L. 7. & L. 63. §. 10. D. ad *SC. Trebell.* Sed ea heredis institutio proprie adoptio dici vix poterat, quum nemo ea redigeretur in patriam potestatem. Cuiac. *Obs. VII.* 7. Nominis heredes erant: sed eos liberti paterni & alia familiae iura non sequebantur, quod tamen in aliis adoptionibus fiebat. Cuiac. *Obs. VII.* 1. Vnde mirum non est, quod adoptio per testamentum facta nonnunquam repetita, & more maiorum, vel lege curiata, vel per aes & libram iterum facta legitur. Augustus fane testamento adoptatus a Caesare, eam adoptionem lege curiata confirmandam curavit, ut auctoritate legis accederent, quae testamento nactus non erat. Appian. *Bell. Civil. III.* p. 586. Et Tiberius, licet testamento nomen Augusti ferre iussus, ab eodem tamen post  
Caii

responsiones stipulationes fuisse, recte notat Cuiac. *Obs. IX, 37.*

X. Rogatio ad populum lata.

X. Causa cognita, in Comitibus curiatis sequebatur sollemnis rogatio: VELITIS IVBEATIS, QVIRITES, VTI L. VALERIUS L. TITIO TAM IVRE LEGEQVE FILIUS SIBI SIET, QVAM SI EX EO PATRE MATREQVE FAMILIAS EIVS NATVS ESSET: VTIQVE EI VITAE NECISQVE IN EO POTESTAS SIET: HAEC ITA, VTI DIXI, ITA VOS QVIRITES ROGGO. Gell. *Noft. Att. V, 19.* Hinc annuente populo & XXX. curiis in suffragia missis ita iubentibus, perfecta erat adrogatio Cic. *pro domo ibid.*

XI. Effecta adrogationis.

XI. Adrogati ergo tam iure legeque filii erant eius, qui adoptaverat, ac si ex eo patre matreque familias eius essent nati. Hinc adrogati aequae ac adoptivi fiebant agnati ratione familiae adoptantis, non tamen cognati eius uxori. L. 23. *pr. D. de adopt.* Quare adoptionem sequebatur hereditas nominis, pecuniae, sacrorum, teste Cicerone *pro domo XIII.* ubi exigitur Clodius a Fonteio adoptatus, quod in ea adoptione nihil legitime factum sit, siquidem neque Fonteius esset, quod esse debebat, neque Clodius patris adoptivi heres, neque amissis sacris paternis in adoptiva pervenerit. Immo, quemadmodum patricii, adoptati a plebeiis, ad plebem transibant: ita plebei, adoptati a patriciis, horum consequebantur nobilitatem ac privilegia. Quod tamen si neget Io. Corasius *ad L. 35. D. de adopt.* tamen demonstratur exemplo Cn. Corneli

nelii  
11. 11

nelii Cossi, qui ex Licinia, plebeia familia, adoptatus in patriciam Corneliam, Tribunus militum consulari potestate fuit, ad quam dignitatem anno demum sequente plebeis via patuit, teste Livio V, 12. Demonstratur idem exemplo Liviae, quam Tacitus *Annal. V, 1.* NOBILITATIS per Claudiam familiam, & ADOPTIO-NE Liviorum Iuliorumque clarissimam fuisse ait, & Augusti, de quo Ovidius *Fast. IV, v. 21.*

*Hic ad te magna descendit origine mensis,*

*Et fit ADOPTIVA NOBILITATE tuus.*

Conf. Huber. *Digress. Iustin. II, 24.* Iac. Perizon. *Dissert. ad Constit. Divin. Deut. XXV. 5, 6. p. 83. seq. & Comm. nostrum ad L. Pap. Lib. II. cap. I. p. 113.*

XII. Et hinc facile reddi poterit ratio, I.) XII Cur Cur soli cives Romani adrogare potuerint? So- quidam  
II enim participes erant Comitiorum. II.) Cur nec adro-  
caelibes adrogare nequiverint? Erat enim ad- gare, nec  
rogatio in solatium orborum, non caelibum, adrogari  
inventæ. Cic. *pro domo cap. XIII. L. 15. §. 2.* potue-  
*D. de adopt.* III.) Cur senibus tantum sexa- rint?  
ginta minimum annorum adrogare licuerit? *d.*  
*E. 15. §. 2. D. de adopt.* Sperari enim ante-  
hac poterat proles. IV.) Cur nec muti & surdi  
adrogarent; nec V.) feminae? Neque enim  
illi iure Comitiorum gaudebant: & feminae  
praetera neminem poterant habere in potestate.  
Quare parum legibus consentanea erat adop-  
tio Candidiani, de qua Iactant. *de Mort.*  
*Persequut. Cap. L. Idem Candidianum, quem*  
*Valeria ex concubina genitum ob sterilitatem*  
*adoptaverat, necari iussit.* Sed quid sibi non

L 5

per-

permittebant eius aevi Principes? VI.) Cur porro nec pupillus nec femina, nec peregrinus, nec mutus vel surdus adrogari potuerint? Pupilli enim ipsi auctores fieri non poterant, cum reliquis nulla erat Comitiorum communio. Gell. *Noct. Att. V*, 19. VII.) Cur denique adrogatio Romae tantum fieri potuerit? Vlp. *Fragm. VIII*. 4. Romae enim, non alibi, curiata Comitia haberi poterant. Liv. *V*, 52.

XIII.  
Quamdiu  
vetus iste  
adrogandi  
ritus obti-  
nuerit?

XIII. Haec adrogatio, per populum in Comitibus facta, satis diu, id est, stante libera Republica, obtinuit. Nam ita sua memoria a Cn. Aufidio Oresten, a M. Pupio Pisonem, a P. Fonteio Clodium adrogatum scribit Cic. *pro domo cap. XIII*. Quin & Augustus Agrippam & Tiberium adoptavit in foro lege curiata. Suet. *Aug. LXV*. Et Neronis adoptionem, quamvis Patres censuerint, populus tamen, (lege procul dubio curiata,) iussit. Tacit. *Ann. XII*. 25. Postea Imperatores, legibus quippe soluti, veteres adrogationis ritus saepius neglexerunt. (Vid. Tacit. *Hist. I*, 14. 17. Spartian. *in Hadr. III*. IV. XXIV. *in Ael. Ver. III*. Iul. Capitolin. *Antonin. IV*.) Mansit tamen ad Galbam usque vetus sollemnitas inter privatos. Hinc Galba: *Si te privatus, lege curiata, apud Pontifices, ut moris est, adoptarem*. Tacit. *Hist. I*. 15.

XIV. Ad-  
optio stri-  
ctius dicta  
cur &  
quando  
inventata?

XIV. Haec de adrogatione. Quum vero hic adoptandi modus ad homines tantum sui iuris pertineret: inventa & alia actio legis, qua liberi, in sacris paternis constituti, cuiuscunque sexus & aetatis, in aliam familiam transirent,





aut quemcunque Magistratum, apud quem erat legis actio. Vlpian. *VIII*, 1. L. 4. *D. de Adopt.* Gell. *Noct. Att. V*, 19. Ritus adoptandi consistebat in trina venditione, adhibito aere & libra. Scilicet praesentibus patre naturali & adoptivo filioque adoptando, nec non libripende, antestato & testibus, primo pater filium patri adoptivo mancipabat, verbis: MANCIPPO TIBI HVNC FILIVM, QVI MEVS EST. Tum pater adoptivus, aēs tenens, simulque adprehendens filium adoptivum; HVNC EGO HOMINEM, inquit, IVRE QVIRITIVM MEVM ESSE AIO, ISQVE MIHI EMTVS EST HOC AERE, HAC AENEAQVE LIBRA. Tum aere, seu, ut olim vocabatur, *raudusculo*, id est, sestertio nummo, percutiebat libram, illudque aes dabat patri naturali, quasi pretii loco. Caius *apud* Boeth. *Comment. in Cicer. Topic. III*. Ant. Schulting. *Iurisp. antiq. anteiust.* p. 54. Ea mancipatio ter erat repetenda. (b) Quo facto, pater naturalis in iure cedebat filium, & tum adoptio erat

V. C. Io. Clericus in *Not. ad Pentat.* p. 222. Apud Romanos vero nihil horum invenimus, nec poterat ibi hic ritus observari, partim quod matres neminem haberent in potestate, partim quod adoptio non tribueret iura cognationis. Dissentit tamen vir doctissimus, Everardus Otto in *Papiniano*, qui sane eruditissime hanc causam agit, *Cap. VII. p. 103. sequ.*

(b) Si scilicet filii loco deberet esse adoptivus. Nam si quis in locum nepotis adoptaretur, unica mancipatione actus absolvebatur. Vlp. *Fragm. XII.* id quod etiam deinde in feminis observatum. Culac. *Enarrat. ad d. l. vit. C. de adopt.*

(c)

erat perfecta. Gell. *l. c.* *Adoptantur autem, quum a parente, in cuius potestate sunt, tertia mancipatione in iure ceduntur, atque ab eo, qui adoptat, apud eum, apud quem legis actio est, vindicantur.* Et hoc quidem ritu per aes & libram adoptavit Augustus Caium & Lucium. Suet. *Aug. LXIV.*

XVI. Quandoquidem ergo haec adoptio non in Comitiiis, sed coram Magistratu, fiebat: factum est inde, ut & sexagenariis minores adoptare possent, nec masculi solum, sed & feminae adoptarentur. Cai. *Inst. I. §. 2.* Gell. V, 19.

XVII. Et id quidem in antiqua illa liberaeque Republica obtinuit. Postea variae sententiae acciderunt mutationes. Et primo quidem Comitiiis cessantibus, Principes rescriptis suis adrogationes solebant concedere pariter & confirmare. Quod vel ideo iure facere poterant, quia simul erant Pontifices Maximi, quorum erat, de adrogationibus dispicere. Raevard. *de auctor. prudent. VI.* Factum id esse exemplo Galbae, qui primus veterem ritum neglexit, non abs re suspicatur Ant. Schulting. *ad Vlpian. Fragm. VIII, 2. p. 589.* Certe iam Antonini Pii tempore adrogationes factas esse auctoritate Principum patet ex *L. 38. D. b. t.* Hac vero mutatione semel admissa, etiam feminae, (*L. 11. D. b. t.*) & pupilli (*c.*) (*Vlp. Fragm. VIII, 5.*) &

(c) Multa requisita hic erant observanda. Inquirebatur in adrogationis rationem, ne qua turpis causa subesset. *L. 17. pr. L. 20. §. 1. D. b. t.* Expendebantur facultates tum adrogantis tum adrogandi, eiusque

& quidem plures simul (*L. 25. §. 3. D. h. t.*) poterant adrogari Sed non sine causae cognitione, & observatis requisitis quam plurimis. Desierunt etiam antiquae sollemnitates & formulae, quas tamen novo edicto, nescio an actum agens, sustulit Iustinianus *L. ult. C. de adopt.*

XVIII.  
Adoptio  
per testa-  
mentum.

XVIII. Erat & modus adoptandi per testamentum, non ab Imperatoribus demum, ut vulgo putant; inventus, sed iam tum libera adhuc Republica receptus. Iam antiquissimis enim temporibus sollemne erat Romanis, heredes suos non in bona tantum, sed & nomen adsciscere. *Adsciscere* autem erat vocabulum adoptionis, de quo Io. Fridr. Gronov. *Diatr. ad Stat. p. 26.* Cicero *de offic. III*, 18. Basilii meminit, qui M. Satrium, sororis filium, nomen suum ferre voluerit, cumque fecerit heredem. Et *in Bruto cap. LVIII.* laudat Crassum; Liciniae filium, Crassi testamento adoptatum. Atticum quoque testamento morientis Caecilii fuisse adoptatum, adparet ex Corn. Nep. *Attic. V.* Et Caesar

que simul vita antea curiose excutiebatur. *L. 17. pr. D. h. t.* Exigebatur cautio, bona salva fore proximis agnatis, si pupillus intra pubertatis annos decessisset. *L. 18. 19. 20. h. t.* Adrogator porro emancipare non poterat adrogatum, nisi causa cognita, & redditis, quae habuerat, bonis, insuperque quarta bonorum suorum relicta, *L. ult. D. si quid in fraud. patr.* Idque etiam in exheredatione erat observandum. *L. 15. D. de inoff. test.* Quae omnia ab Antonino sic inventa videntur, ut sensim in desuetudinem iret adrogatio impuberum. Vid. Vlpian. *Fragm. VIII. 2.* Thomaf. *diff. de usu pract. Tit. Inst. de adopt. 1*, 18. p. 84.

(A)

Caesar ita instituerat Octavium, Suet. *Iul.* LXXXIII. Appian. *Bell. Civil. II.* p. 518. qui etiam, cognita avunculi nece, statim Iulii nomen adsumsit. Dio XLV. p. 307. Qua de re etiam Ovid. *Metamorph. XV.* v. 823.

*Vt Deus accedat coelo, templisque colatur,  
Tu facies: natusque tuus, qui nominis heres,  
Impositum feret unus onus.*

Eodem exemplo Augustus Liviam & Tiberium, heredes testamento scriptos, nomen suum ferre iussit. Suet. *Octav. CI.* Ex eo tempore frequentissima occurrunt eiusmodi adoptionum exempla. Ita enim a M. Gallio Senatore testamento adoptatus est Tiberius. Sueton. *Tiber. VI.* a Galba iam ante sollemnio rem adrogationem Piso Frugi. Idem in *Galba XVII.* Conf. Tacit. *Ann. V.* l. 7. & l. 63. §. 10. *D. ad SC. Trebell.* Sed ea heredis institutio proprie adoptio dici vix poterat, quum nemo ea redigeretur in patriam potestatem. Cuiac. *Obs. VII.* 7. Nominis heredes erant: sed eos liberti paterni & alia familiae iura non sequebantur, quod tamen in aliis adoptionibus fiebat. Cuiac. *Obs. VII.* 1. Vnde mirum non est, quod adoptio per testamentum facta nonnunquam repetita, & more maiorum, vel lege curiata, vel per aes & libram iterum facta legitur. Augustus sane testamento adoptatus a Caesare, eam adoptionem lege curiata confirmandam curavit, ut auctoritate legis accederent, quae testamento nactus non erat. Appian. *Bell. Civil. III.* p. 586. Et Tiberius, licet testamento nomen Augusti ferre iussus, ab eodem tamen post  
Caii

Caii & Lucii Caesarum mortem rite adoptatus fertur. Sueton. *Tiber. XV.* Immo quum libera Republica mulieres adoptare nondum possent; solebant eae tamen iam eo tempore heredes ea lege instituere, vt nomen suum ferrent. Exemplum est apud Ciceron. *Epist. ad Att. VII, 8.* quod sane cum aliis argumento est, non veram fuisse hanc adoptionem, sed adoptionis simulacrum quoddam, quod praeter nomen & hereditatem nihil iuris in adoptivum devolvit. Plura de hac adoptione per testamentum dabunt Briss. *de Form. VII. p. 601.* Huber. *Digress. I, 2. 23. 2.* & huius filius, amplissimus Zach. Huber. *Dissert. Iurid. & philol. V, 2.*

XXI. Adoptivo-  
lim in po-  
testatem  
& gentem  
alienam  
transi-  
bant.

XIX. Ceterum patria potestas olim erat effectum adoptionis etiam stricte sic dictae. Vnde & adoptivi cognomini suo, leviter inflexo, illius gentis, in cuius sacra transierant, nomen adiciebant, quamvis id non semper, nec eodem modo factum esse animadvertamus, quum aliquando patris naturalis & adoptivi nomen promiscue ferrent. Perizon. *Diff. I. p. 97.* & *Animadv. Histor. p. 131.* Spanhem. *de usu & praestant. numism. Tom. II. p. 77.* Quum Scipio Africanus minor ex Aemilia gente in Corneliam per adrogationem transisset: vocatus est *P. Cornelius Scipio Aemilianus*. Et qui antea C. Octavius erat, adoptatus a Caesare, dictus est *C. Iulius Caesar Octavianus*. Dio Cass. *XLVI, p. 322.* Solebant tamen etiam naturalis patris nomen nonnunquam suo adscribere, honoris causa, immo eundem adhuc patris vocabulo dignari in sermone familiari. Terent. *Adelph. V, 7. v. 3.*

7. v. 3. Exempla collegit V. C. Iac. Perizon.  
*Dissert. ad Divin. Constit. Deut. XXV, 5. p. 89.*

XX. At extremis temporibus Iustinianus <sup>XX. Iu.</sup> totum illum adoptionis ritum turbavit, iubens, <sup>Iustiniani</sup> ut adoptatus ab alio quam adscendente, non <sup>mutatio.</sup> transiret in alienam familiam & potestatem, & tamen ius successione ab intestato consequeretur. *L. 10. princ. §. 1. 2. C. h. t.* Quo ipso in eam conditionem redacti sunt patres adoptivi, ut sine summa imprudentia adoptare non possent. De qua mutatione satis lepida vid. Thomas.  
*Diss. alleg. 1, 26. p. 40. seq.*

## TIT. XII.

QVIBVS MODIS IVS PATRIÆ  
 POTESTATIS SOLVITVR.

**P**atriam potestatem ordinarie fuisse perpetuam, iam supra TIT. IX. ex Dionysio Halicarnassæo ostendimus. Nihilominus tamen proditi erant quidam modi, solvendi patriam potestatem, de quibus hoc titulo agendum.

I. Et primo quidem MORS, quum omnia <sup>I. Patria</sup> iura personalia tollat, non poterat non & <sup>potestas</sup> liberos patria potestate liberare. Neque tamen <sup>solveba-</sup> morte avi nepotes liberabantur, si pater esset <sup>tur I.)</sup> superstes, sed tunc in huius potestatem recide- <sup>morte na-</sup> bant: nisi is forte antea ab avo esset emanci- <sup>turali.</sup> patus. Vid. Cuii *Inst. 1, 6. princ.* Quia enim patria potestas erat dominium Quiritarium (vid.

M

fu-

supra *Tit. IX. §. 1.*) non poterat non iure hereditario ab avo in patrem devolvi.

II. Et II.) II. Quum vero ex principiis iuris Romani civili. & ii, qui **CAPITIS DEMINUTIONEM**, vel maximam, vel mediam, fuerant passi, civiliter mortui viderentur: *L. 63. §. fin. D. pro socio.* factum est, ut vel patre, vel filio capite deminuto, patria potestas solveretur. Erat enim haec propria civium Romanorum. Maxima vero capitis deminutio servos, media ἀπώλιδας efficiebat. Atqui servi & peregrini nec habere, nec esse poterant in patria potestate. *Plin. Epist. X, 6.*

III. Quae III. Hinc captivitate, servitute poenae, tamen iure postliminii & restitutio- ne tollie- batur. aquae & ignis interdictione, deportatione, sive patris sive filii, potestas patria cessabat. (a) Priori tamen casu illa postliminio; (*Caii Inst. I, 6. 3.*) posterioribus restitutione plenaria poterat recuperari. *L. 1. C. de sent. pass. Ant. Schult. ad Caii Inst. I, §. 1. p. 47.*

IV. Nec IV. Exspirabat etiam potestas patria **AD-ADOPTIO-**  
ne. ne.

(a) Ergo durante captivitate ius patriae potestatis non in suspensio erat, ut loquitur *Vlp. Fragm. X, 4. §. 5. Inst. h. t.* sed plane perimebatur; & postliminii demum iure recuperabatur, quia fingebatur, postliminio reversum nunquam in captivitate fuisse. *d. §. 5. Inst. h. t. L. 16. D. de capt. & postlim.* Hinc captivo patre, liberi vix valide nuptias contrahere, testari, hereditates adire poterant. Vbi vero pater postliminio patriam potestatem receperat, filii ex nuptiis illis procreati in potestatem avi veniebant, bona a filiis acquisita eius erant, testamentaque eorum nulla erant, at nuptias tamen rescindere pater non poterat, *Thomas. diff. ad h. t. I, §. p. 5. sequ.*

(b)



OPTIONE: non quod filius sui iuris fieret; sed quod in aliam gentem aliaque sacra transferret. Vid. *supra Tit. XI, 19.*

V. Sed præcipuus modus, quo patria potestas quam sollemnissime solvebatur, erat EMANCIPATIO, quæ ob triplicem, quæ <sup>V. Et IV.) emancipatione.</sup> subinde facta est, mutationem, in VETEREM; vel *legitimam*, ANASTASIANAM, & IVSTINIANEAM dividitur. §. 6. *Inst. h. t.*

VI. VETUS illa erat actus legitimus; & hinc certis adhibitis formulis & sollemnitatibus coram eo Magistratu, apud quem erat legis actio, explicanda. <sup>VI. Cur dicta emancipatio?</sup> Quum vero leges Romuli ac Decemvirosum ter venundandi filios potestatem indulissent patribus: statuissentque simul, ut tertium manumissus filius sui iuris fieret; (*Supra Tit. IX, 6.*) commodissimum visum est Romanis; trina venditione imaginaria liberos e potestate dimitti. Quum vero omnes venditiones rerum Mancipi per emancipationem fierent, id est, adhibito aere & libra: Vid. Aleand. & Schulting. *ad Caii Inst. I, 6. 3. p. 31. sequi* consequens erat, ut & illa liberorum imaginaria venditio eodem ritu fieret. Et hinc dicta est EMANCIPATIO, de cuius vocabuli usu & significatione conferendi Barn. Briffon. *de verb. signif.* & Io. Frid. Gronov. *ad Senec. Epist. XLV. p. 27.*

VII. Quoties ergo fiebat emancipatio, adhibendi erant non minus quam quinque testes; Romani cives, (b) & puberes, & præterea alius <sup>VII. Emancipationis vocis ritus.</sup> eius Testes

(b) Ita Caius apud Boetij. *Commenti: ad Top. Cist. III.*  
M 2 sed

praesen-  
tes. Libri-  
pens. An-  
testatus.

eiusdem conditionis, qui libram teneret ac-  
neari, unde & *Libripens* adpellabatur, nec non  
alius, qui *Antestatus* audiebat. Fit eius mentio  
etiam Prisciano *Lib. VIII. apud* Putsch. p. 792.  
ubi verba Livii: *Impubes libripens esse non potest:  
neque antestari*: nec non in marmore apud Gru-  
ter. p. *MLXXXI.* ubi narratur, donationem &  
mancipationem factam, **LIBRIPENDE  
CLAUDIO DATIVO, ANTESTATO  
CORNELIO VICTORE.** Ex quo lapide  
adparet, diversum a libripende fuisse *antestatum*.  
Quum vero *antestari* fuerit, *tactis auriculis alte-  
rum testem advocare*, & dicere: **MEMENTO,  
QVOD ET MIHI IN ILLA CAVSSA TE-  
STIS ERIS:** Horat. *Serm. I, 9. v. 76.* & ibi  
Acron & Porphy. *in Schol.* isque ritus non so-  
lum in ius vocationi, sed & mancipationibus  
adhiberetur: (c) non abs re suspicantur viri  
docti, *antestatum* vocatum, qui testes convoca-  
bat, eorumque fidem, tacta auricula, obtesta-  
batur. Merill. *Observ. VIII, 37.* Fr. Brum-  
mer. *de Leg. Cinc. XIII. XIV.*

VIII. IV.) VIII. Praesentem porro adesse oportebat  
pater naturalis. non solum patrem *naturalem*, sed & emtorem  
V.) pater filii, quem Caius patrem *fiduciarium* vocat. (d)  
fiducia- Hic  
rius.

sed tamen & *Latinos Iunianos* testes admitti consue-  
ville, docet Vlpian. *Fragm. XX, 8.*

(c) Certe etiam in testamentis, quae fiebant aere & li-  
bra, adhibitas fuisse *αὐτῶν ἀκρόασις, aurium tactiones*,  
patet ex Clem. Alex. *Sermon. V. p. 575.* Conf. Brumm-  
mer. *de lege Cinc. XIII. XIV.*

(d) Vix nomen hoc quadrat emtori filii. Mancipatio-  
ne enim emtor non fiebat pater, sed dominus, *Fidu-  
cia*

Hic enim non idem videtur fuisse, ac antestatus, quum & ceteroquin emtor in mancipationibus ab antestato differret. Dictus autem pater *fiduciarius* a contractu *fiduciae*, qui in tertia mancipatione interponebatur, vel ex novis legibus tacite interpositus censebatur. §. *ult. Inst. de legit. agn. success. Fiduciam autem*, (inquit Boeth. *Comment. ad Cicer. Topic. IV.*) *accipit, cuicumque res aliqua mancipatur, ut remancipet.*

IX. His ergo praesentibus, naturalis pater IX. VI.)  
 filium suum emtori mancipabat, id est, manu Trinae  
 tradebat, additis verbis: MANCVPO TIBI mancipa-  
 HVNC FILIVM, QVI MEVS EST. At tiones.  
 ille contra ea, HVNC EGO HOMINEM  
 EX IVRE QVIRITIVM MEVM ESSE  
 AIO, ISQVE MIHI EMTVS EST HOC  
 AERE, HAC AENEAQVE LIBRA: statimque, percussa libra, sestertium numum (e)  
 dicis causa tradebat ei, a quo filium acceperat,  
 quem

cia quoque in tertia demum mancipatione contrahebatur. Tunc ergo demum emtor iste fiduciarius vocari coepit. Sed Avianus fortassis hic Caium turbavit. Vid. Schulting. *ad Cai. Inst.* 9. p. 55.

- (e) Apud Caium est: *Vnum aut duos numos*. Id vero procul dubio ab Aniano est. In mancipationibus semper requirebatur *numus unus, quatuor assium*, id est, sestertius. Testantur inscriptiones apud Gruterum, & Spon. *Miscell. p. CCXCii.* in quibus semper in mancipationibus mentio fit SESTERTII NVMI VNIVS. Testantur veteres Auctores, veluti Vitruv. *Architect.* 1, 4. *Numo sestertio mancipio dedit*. Testatur ipsum Ius nostrum, *L. ult. C. de donat.* ubi conferri merentur Cuiac. *Obs.* X, 37. XIX, 31. Ant. Augustin. *Emend.* II, 7. Fridr. Brummer. *de Leg. Cinc.* XIV.

quem deinde sollemniter manumittebat emtor. Quandoquidem vero ex principiis iuris Romani filius semel iterumque manumissus in potestatem patris recidebat: (Dionys. Hal. II, p. 96.) non poterat non imaginaria ista venditio ter re-

VII.) Ad petj. Vbi postrema fiebat mancipatio, contractus fiduciae accedebat, paterque naturalis haec verba addēbat: EGO VERO HVNC FILIUM MEVM TIBI MANCVPO, EA CON-DITIONE, VT MIHI REMANCVPES, VT INTER BONOS BENE AGIER OPORTET, NE PROPTER TE TVAMQVE FIDEM FRAVDER. Cic. *de Officiis* III, 15. *ad famil. Epist VII*, 12. Sigon. *de iudic.* l. 5. Ille contra statim, recepto testertio, filium patri naturali remancipabat. Quod ideo a Romanis excogitatum fuerat, vt ne, si a fiduciario manumitteretur, hic iura patronatus retineret, & naturalem patrem hereditate excluderet. Cai. *Inst.* l. 6. p. m. 59 Remancipatum ergo sibi filium pater naturalis denique manumittebat, & quidem ordinario vindictae ritu, additis alapis. Vnde emancipatio olim *μὲν ὕβριος καὶ πατισμάτων* cum iniuriis & alapis, facta dicitur. *Novell. LXXXI. praef.* Hosce ritus omnes debemus Caio in *Inst.* l. 6. 3. sed pessime habito ab Aniano, vnde pleraque ex doctorum viro- rum notis, & maxime Fr. Brummeri victuro opere *de lege Cincia*, vel emendanda, vel sup- plenda fuerunt.

X. Cir- cumstan- tia-ae tem- poris. X. Poterant porro trinae istae emancipa- tiones vel eodem die, iisdem testibus, vel in- teriectis aliquot diebus, aliisque adhibitis te- stibus,

stibus, seorsim fieri. Paull. *Recept. Sent. I.*  
25. 2.

XI. Opus quoque his sollemnitatibus ter repetitis erat duntaxat. in emancipatione filii, quum filiae & nepotes vnica tantum emancipatione patria potestate exirent. Adiebat tamen & hic fiducia de remanicipatione; vt ne pater naturalis successionem ab intestato amitteret. Cai. *Inst. l. c.* Vlpian. *Fragm. X.* 1.

XI. Vnica emancipatio sufficiebat in emancipatione filiae & nepotum.

XII. Et haec est vetus illa ac sollemnis emancipatio, quae, vt aliae formulae ac sollemnitates, displicere posteritati coepit. Quare ANASTASIVS Imperator novum invenit emancipandi modum, qui solum Principis rescriptum iudici insinuandum exigeret, & omnia tamen veteris emancipationis effecta haberet. *L. 5. C. de emanc. lib.*

XII. Emancipatio Anastasiana.

XIII. Deinde IVSTINIANVS, & has aboliturus ambages, Anastasianam quidem emancipationem non sustulit, sed tamen patribus permisit, vt statim adirent Magistratum competentem, & coram eo, consentiente filio, declararent, quod filium sint e potestate dimissuri. *L. ult. C. de emanc. lib.* Idque, teste Harmenopulo, hac fiebat formula: HVNC SVI IVRIS ESSE PATIOR, MEAQVE MANV MITTO. Harmenop. *Prompt. I.* 17. 8. Sed posterioribus his speciebus nomen EMANCIPATIONIS vix quadrare, satis adparet.

XIII. Emancipatio nova, vel Iustiniana.

XIV. Postremus modus, quo patria potestas solvebatur, erat DIGNITAS. Et quum vis Dionysius Halic. *II. p.* 96. nullam dignita-

XIV. Dignitas olim non solvebat

patriam  
potesta-  
tem.

tem patria potestate liberasse contendat: iam ab antiquissimis tamen temporibus Flamines Diales & Virgines Vestales patria potestate liberabantur. Vlpian. *Fragm. X, §. Gell. Noct. Attic. I, 12* Id quod tamen non tam ob dignitatem, quam ideo potius factum videtur, quia tum Flamines Diales, tum Vestales virgines a Pontificibus manu capiebantur. Quum ergo capti ex principiis iuris Romani capite deminui dicerentur, & hinc iure patriae potestatis exirent; mirum non est, vtrumque etiam hoc sacerdotium eam potestatem solvisse. De ritu capiendi Vestales vid. Dionys. II, 68. apud quem, quod obiter monco, verbum *disruptum* Sylburgius parum accurate vertit *optandi*, quum vertendum fuisset *capiendi*. Gell. I, 12. Lips. *de Vestalibus*. Flaminis Dialis capti meruinit Liv. XXVII, 8. ubi conf. Iac. Guther. *de vet. iur. Pontif.* §. 32. Quin & uxores Dialium patria potestate exiebant, quod SC. demum restrictum tempore Tiberii. Tacit. *Annal. IV, 16.*

XV. Iustinianus tamen p. p. exire voluit Patricios.

XV. At Iustinianus postea & *Patriciatus* dignitatem immunem esse iussit a patrio Imperio. *L. fin. C. de Consul. §. 4. Inst. b. t.* Iam ante Iustinianum enim Patriciatum a patria potestate non liberasse, idque frustra ex Cassiodori *Var. VI, 2.* colligi, contra Vinn. *ad §. 4. Inst. b. t.* & Bachov. *in Disp. ad Treutl. Kgl. II. Disp. 2. §. ult.* accurate evicit V. C. Reinold. *Var. Cap. XIX.* Cave vero hic intelligas antiquos illos Patricios, quos in libera Republica plebeis oppositos constat. Constantinus enim Magnus praecipuos rerum admi-

ministros vocare solebat Patricios, ut se quasi Principum patres esse meminissent. Ii ipsos Praefectos Praetorio ordine anteibant, Zosim. *Hist. II*, 40. nec minor, quam horum in Imperio erat auctoritas. Quemadmodum enim Praefecti proponebant Edicta, quae deinde in vnum corpus collecta τῶν ἱσαρχικῶν nomine veniebant: ita idem ius erat Patriciis, quorum edicta collecta τὰ Ῥωμαϊκὰ dicebantur, sicuti ipsorum Principum βασιλικὰ. Vid. Cuiac. *Obs. VI*, 10. Vnde parum accurate Dionys. Gothofred. in *Nomenclatore Graecar. iur. diction.* ad Harmenopol. p. 447. Ῥωμαϊκὰ τῷ μαγίστρῳ λεγόμενα, *Constitutiones Romani Imp. aut potius Commentarius magistri ad Romani Constitutiones, aut certe liber, a magistro Romani nomine compositus, suisque titulis distinctus, aut potius aliud Ῥωμαϊκὰ, aliud τὰ τῷ μαγίστρῳ λεγόμενα.* Vbi sane dum plures coniecturas repraesentat, a re plane aberrat vir doctissimus. Ceterum & posteris ea dignitas summa semper & splendidissima visa est. Vid. Cassiodor. *Var. VI*, 2.

XVI. Idem beneficium deinde Iustinianus XVI. Epl. cum Episcopis, quin & cum aliis, qui Magistratuum honoratiorum dignitate pollerent, veluti cum Consulibus, Consularibus, Praefectis Praetorio, & Vrbi, Magistris militum & Patronis fisci communicavit. *Novell. LXXXI.*

XVII. Accedebant quaedam caussae, ob XVII. De quas parentes etiam inviti cogerebantur liberos e caussis e potestate dimittere, de quibus passim Iure-mancipandi necessarii. consulti. Conf. Thomas. *Dissert. de usu praef.*

*huius tit. I, 15. & 16. & quae nos diximus in  
Elem. Iur. Civ. §. 198.*

TIT. XIII. VSQVE AD XV. ET  
XVII. VSQVE AD XX.

DE

TVTELIS, TESTAMENTARIA,  
LEGITIMA, FIDVCIARIA,  
DATIVA.

**S**equitur tertia personarum divisio, aut subdivisio potius personarum sui iuris. Harum enim *quaedam* in TVTELA, *aliae* in CVRATIONE sunt, *quaedam* NEVTRO IVRE *tenentur. princ. Inst. b. t.* Ipsa tutela curaueorum, qui per aetatem vel imbecillitatem intellectus se ipsi defendere nequeunt, est iuris gentium, & hinc apud omnes peraeque gentes recepta. Vid. Selden. *de uxore Ebr. II, 3.* Puffend. *Iur. Nat. & Gent. IV, 4.* Sed Romani in multis a simplicitate ista iuris naturalis deflexerunt. Vnde apud eos alia tutela IMPVBERVM, alia curatio MINORVM aliorumque, qui rebus suis ipsi superesse non poterant, alia tutela FEMINARVM. De omnibus ex antiquitatibus Romanis nonnulla monenda.

**TIT. XIII.**  
**I. Tutela**  
**Romae**  
**antiquissima.**  
I. TVTELA IMPVBERVM tam antiqua est, ut & sub Regibus eius exemplum reperiamus. Ancum enim Marcium filiis tutorem dedisse L. Tarquinius Priscum, adparet ex Liv. I, 46. Quum ergo Tarquinius nec agnatus fuerit, nec eo tempore leges de tutela dativa exstarent.



rent, adeoque ea tutela procul dubio testamentaria fuerit: sequitur, ut haec sit reliquis antiquior.

II Certe & legibus XII Tabularum ea tutelae species confirmata est, prospectumque, ut patri de liberorum tutela in testamento disponendi facultas esset. Legitima verba ex Auctore ad Herennium, Cicerone, Vlpiano & Paulo ita restituit Iac. Gothofedus *de Leg. XII. Tab. V.* 1. PATER FAMILIAS, UT LEGASSIT SUPER PECUNIAE TUTELAEVE SUAE REI, ITA IVS ESTO.

*Legare* hic non solum singulas res testamento relinquere, sed & omne testamentarium negotium denotat, idemque adeo est, ac *testari*, *testamentum statuere*, vel *decernere*, Est enim *legare*, ceu syllabae primae quantitas docet, a Graeco vetusto *λήγειν* vel *λέγειν*, unde futurum *λήξω*, quod verbo *λαγχάνω* tribuunt grammatici, *λήξει*, *hereditas*, & *ληξιαρχός*, *Magistratus Atheniensium*. In primis autem legare Latinis erat legis modo disponere, mandare, legem dicere rebus suis, *νομοθετεῖν*, ceu infra ad titulum *de Legatis* docebimus. *Super pecuniae tutelaeve* *ἀρχιτεκνός* dicitur. Non enim rarum fuit apud antiquos, casum secundum pro sexto adhiberi. Sic in marmore Salernitano apud Grut. p. CCCXLIII. 2.

TIT.

XIV.

II. Lex

XII. Ta-

bularum

de tutela

testamen-

taria.

ACERRIO. FIRMEO. LEONTIO. PRIMARIO. VIRO. ET. EDITORI. MVNERIS. SVI. CVM. FERARVM. LIBYCARVM. QVI. VIXIT. ANN. XXX. DIGNISSIMO. FILIO.

CON.

## CONSACRABERVNT.

*Pecunia* porro non solum numos, sed & omnem substantiam testatoris, immo & iura complectitur. *Quidquid enim homines possident in terra, quorum domini sunt, PECYNIA vocatur, servus sit, vas, ager, arbor, pecus: quidquid horum est, pecunia vocatur*, inquit Augustin. *de Discipl. Ebrist. VI. p. 585. Tom. VI. op.* plane iuridice, vti patet ex *L. 222. D. de verb. signif.* Denique *SVAE REI* dum additur, id sane referendum ad ipsos liberos, (a) qui iure veteri erant in dominio Quiritario, adeoque *RES MANCIPII* (*Lib. II. Tit. I. §. XV.*) Sensus ergo est, quamcunque legem paterfamilias in testamento suo dixerit, & quocunque modo disposuerit, & de rebus suis, & de ipsis bonis ac facultatibus eorum, (scilicet per substitutionem pupillarem) ita ratum post mortem futurum. Quum enim antea sub Regibus calatis Comitiis testamenta fierent, adeoque heredum tutorumque institutio a populi magis arbitrio, quam voluntate testatoris, penderet: mutatum id est lege Decemvirali, permis-

(a) Vnde non est, quod lectionem hanc sollicitet V. C. Gerard. Noodt. *Obs. II. 19.* vbi legi iubet: *Super tutelam pecuniarum suarum*, additque *tutelam suam* idem esse ac tutelam eius, qui suus testatori heres sit. Nemo enim temere ita loqueretur. Nec obstat, tutelam non habere locum in liberis, dum sunt *res suae*, id est, in patria potestate constituti. Legat enim pater de tutela suae rei, sed in eum casum, quo liberi futuri sint capiti libera.

(b)

missumque patrifamilias cuius, de tutela pecuniaque suae rei liberrime disponere.

III. Si quis ergo paterfamilias liberis, quos in potestate habebat, sive liberos sive servos suos, hos tamen cum libertate, tutores dederat: (b) ii sine satisfactione atque inquisitione admittebantur, ipsosque excludebant legitimos, dummodo essent cives. Nam Latini Iuniani, quamvis cum iis esset testamenti factio: tutores tamen dari non poterant per legem Iuniam. Ulpian. *Fragm. XI*, 16. Quia vero fundamentum huius tutelae testamentariae erat patria potestas: consequens erat, ut & nepotibus, qui in patris potestatem defuncto avo non essent recasuri, & exheredatis impuberibus tutores testamento constitui possent. Vid. *L. 4. §. 2. & L. 31. D. de test. tut.* Et inde simul patet ratio, cur mater tutores testamento dare non posset, *L. 2. D. de confirm. tut.* quamvis tutor ab ea datus confirmari solet cum inquisitione, modo ea pupillum simul heredem instituisset. *L. 4. D. de test. tut. L. 4. D. de confirm. tut. L. 7. §. 1. L. 8. D. eod.* Quae confirmatio & aliis casibus, quibus tutoris dationi vitii quid inesse videbatur, accedere solebat, ceu Icti pluribus docent in libellis suis.

III. Tutelae testamentariae indoles.

IV. Quum vero contingere posset, ut interitus, saltim quod ad tutelam, decederet paterfamilias: iisdem legibus Decemviralibus fuerat

TIT. XV:  
IV. Lex  
XII. Tab.  
de Tutela  
agnatorum legi-  
tima.

(b) Formulas, quibus in testamentis vti Romani, si tutores dare vellent, colligit Brissón. *de Form. VII*, pag. 616.

constitutum: AST SI INTESTATO MORITVR, CVISVVSHERES NEC ESCIT, AGNATVS PROXIMVS TVTELAM NANCITOR. Gothofred. *ad XII. Tab. V, 4.* Et ab hac lege *legitima* dicta est tutela, ad quam agnati ab ipsa lege vocabantur.

V. Origo  
huius tu-  
telae.

V. Quenam sit huius legis origo, eruditis nondum liquet. Veteres legislatores mirifice hic discreparunt. Solon agnatos a tutela prohibuit, veritus procul dubio, ne hereditatem, quam sperarent, capere mallent; quam expectare. Hinc potius cognatis credidit pupillos, nec proximis tamen semper, sed quoscumque Archontes idoneos iudicassent. Diog. Laert. I, 56. Petit. *de Leg. Attic. VI, 7.* Charondas contra, seiuncta educationis bonorumque cura, illam penes cognatos, hanc penes agnatos esse voluit, quum nec illi tollendi e medio pupilli, nec hi dissipandarum facultatum ullam haberent causam. Diod. Sic. *Biblioth. XII, 8.* Denique Lycurgus agnatos proximos ad tutelam vocavit, forsan, quod in tanta Spartanorum continentia & paupertate non admodum metuerentur insidiae. Exemplum sane legitimae agnatorum tutelae, Sparta receptae, est apud Herodot. I, 65. ubi ipse Lycurgus dicitur ἐπιτροπεύσας λεωβαίτεω, ἀδελφίδ' ὅ μιν ἑαυτῷ, βασιλεύοντι δὲ Σπαρτηνίων. Tutor & idem patruus Leoboti Spartiatarum Regis. Add. Crag. *de Rep. Lac. II, 11.* Spartanos ergo imitati videntur Decemviri. Lacedaemoniorum sane non minus, quam aliorum Graecorum, instituta in XII. Tabulas migrasse, iamdudum observavit Athenaeus.

VI;

VI. p. 273. Symmach. *Epist.* III, 11. Ammian. Marcellin. XVI. 5.

VI. Satisne vero prudenter eam Sparta-<sup>VI. Tutela</sup> norum legem civitate donarint Decemviri, alii <sup>legitima</sup> viderint. Non sane tanta erat Romanorum <sup>occafio-</sup> quanta Laconum, continentia, non idem vtro- <sup>nem dedie</sup> bique divitiarum contemptus. Hinc tot ini- <sup>fraudibus</sup> quiffimi heredipetae, quorum characterem <sup>heredipe-</sup> egregie exprefferunt Pers. *Sat.* II. v. 12. 13. Ho- <sup>tarum.</sup> rat. *Serm.* II, 5. Iuvenal. *Sat.* V. v. 98. VI. v. 38. XII. v. 93, Martial. *Epigr.* VI, 63. VIII, 17. Conf. Thomaf. *Difert. de iniufto iure heredipet.* §. XIV. *fequ.* Bynkersh. *de capt. inftit.* p. 303. *fequ.* An religioni fibi duxerint homines tam lucri cupidi, pupillum, cuius proximi heredes erant, interimere? Vnde mirum eft, legiflato- riam Decemvirorum prudentiam hac in re quosdam tantopere admirari.

VII. In iisdem porro XII. Tabulis erat <sup>TIT.</sup> constitutum: SILIBERTVS INTESTATO <sup>XVII.</sup> MORITVR, CUI SVVS HERES NEC <sup>VII. Orfi-</sup> ESCIT, AST PATRONVS PATRONIVE <sup>go legiti-</sup> LIBERI ESCINT, EX EA FAMILIA IN <sup>mae pa-</sup> EAM FAMILIAM PROXIMO PECVNIA <sup>tronorum</sup> DVITOR. Gothofr. *ad XII. Tab.* VI, 2. Et ex <sup>tutela,</sup> hac quidem lege defuncto fine prole liberto pa- tronus, vel, hoc praemortuo, eiusdem liberi in capita succedebant ab intestato, remotioresque excludabant L. 13. §. 1. *D. de bon. libert.* Vi- pian. *Fragm.* XXIX, 1. Quum ergo iam dudum Romae valuiffet regula: *Vbi fucceffionis emolu- mentum; ibi & tutelae onus effe debere:* aequum vifum eft Iureconfultis, vt etiam in tutela patro- norum

norum essent libertorum liberi. *L. 3. pr. & §. 1. D. de legit. tut.* Et hinc nata legitima patronorum tutela, quam *per consequentiam ex lege duodecim Tabularum introductam*, recte ait Vlpian. *Fragm. XI, 2.*

TIT.

XII.

VIII. Ori-  
go legiti-  
mae pa-  
rentum  
tutela.

VIII. Diximus supra *Tit. XII §. IX.* patrem naturalem, emancipantem liberos, vltimae man-  
cipationi addidisse pactum *fiduciae*; EGO VE-  
RO HVNC FILIVM MEVM TIBI MAN-  
CVPO, EA CONDITIONE, VT MIHI  
REMANCVPES, VT INTER BONOS BE-  
NE AGIER OPORTET, NE PROPTER  
TE TVAMQVE FIDEM FRAVDER. Dixi-  
mus etiam, tunc emtorem, seu patrem fiducia-  
rium, filium sibi mancipatum patri naturali re-  
mancipasse, a quo demum fuerit per vindictam  
manumissus. Diximus denique, id ideo factum  
esse, vt pater naturalis iura patronatus coniun-  
ctamque cum iis spem succedendi ab intestato  
retineret. Vid. supra *Lib. I. Tit. XII, 8. §. 9.*  
Quum ergo penes patrem, tanquam patro-  
num, spes remaneret successionis: ex pruden-  
tum interpretatione deferenda etiam ei vide-  
batur tutela legitima, si filius emancipatus ad-  
huc esset impubes. Mortuo porro patre, fra-  
tres istius emancipati natu maiores, si essent  
maiorennes, ad tutelam vocabantur. Quum  
vero hi non essent heredes ab intestato, tutela  
illa non poterat dici legitima. Vocata ergo  
est *fiduciaria*, ab illo pacto *fiduciae*, quod in  
emancipatione intercesserat. Quamvis ex Vl-  
piano pateat, olim non legitimam fratrum, sed  
parentum tutelam dictam esse *fiduciarium*: id-  
que

TIT.

XIX.

Vt & tu-  
telae fidu-  
ciariae.

que vel ideo concinnius sit vocabulum, quod pactum illud fiducia non frater, sed pater emancipans interposuerit. Ita tamen Modestinus hanc tutelam vocat *L. 4. D. de legit. tut.* nisi & eam in legem falcem immisit Tribonianus. Vid. Ant. Schulting. *ad Vlpian. Frägm.* XI, 5. p. 595. Huber. *Digress.* I, 1. 4.

IX. Enimvero, quum non deessent casus, quibus & testamentarii & legitimi tutores deficerent: visum est Romanis, nova lege cavere, ut impuberibus tunc tutores darentur. Factum ergo ea de re Plebiscitum, quod LEGIS ATILIAE (c) nomine in iure laudatur. Tempus huius legis latae incertum est; nisi quod eam ante annum ab V. C. DLXVII. conditam doceri possit ex Livio XXXIX, 6. Vid. Car. Sigon. *de antiquo iure civ. Rom.* I, 13. Invenimus sane, *Atilium Longum* Tribunum plebis fuisse anno V. C. CCCIX. *L. Atilium* anno CCCXLIII. Liv. IX, 30. sed neutrum hanc legem tulisse verosimile est; quoniam tunc nondum erat Praetor. Annum V. C. CCCCLX. quo Praetor fuit M. Atilius Regulus, huic legi assignat Steph. Vin. Pigh. *in Annal. ad ann. CCCCLX.* sed

TIT. XX.  
IX. Lex  
Atilia de  
tutore da-  
tivo quan-  
do lata?

(c) ATILIA non ATTILIA dicitur haec gens apud Livium, Tacitum, Ciceronem, & maxime in numis & marmoribus. Vid. Fulv. Visin. *de Famil. Romanorum ex numism.* p. 42. seq. edit. Pasini. Erat ea gens Romanae nobilissima, in tres potissimum divisa familias, quarum una *Regulorum*, altera *Serranorum*, tertia *Calpurniorum* cognomen ferebat. Gentis totius seriem accurate dedit Iac. Perizon. *Animadv. Hist. Cap. L* p. 26.

sed & hunc non magis auctorem legis esse arbitramur: maxime, quum Praetores plebiscita ferre non solerent. Procul dubio lata est anno CCCCXLIII. a L. Atilio Regulo, Tribi. pleb. cuius meminit Liv. IX, 30.

X. Quid  
ea lege  
sanctum?

X. Hac vero lege cautum est, ut pupillis & feminis, quibus nec testamentarius, nec legitimus tutor esset, tutor daretur a Praetore & maiore parte Tribunorum plebis. (d) Exemplum est apud Liv. XXXIX, 9. ubi Fecennia Hispala post patroni mortem, quia nullius in manu esset, tutorem a Tribunis & Praetore petiisse dicitur. Dictus eiusmodi tutor *Atilianus*, nec non *dativus*, a formula, qua uti Praetores solebant: **DO TE TVTOREM**. Briss. *de Form. V. p. 408.*

XI. Lex  
Iulia &  
Titia.

XI. Sed quum ea lex Romae tantum haberet locum: (Vlpian. *Fragm. XI, 18.*) anno V. C. DCCXXII. Augusto III. & M. Titio M. F. Rufo Coss. lata est lex Iulia & Titia. Henr. Val. *ad Excerpt. Peirescian. p. 61.* Tacit. *Ann. III, 25.* Quia enim antea diu in sola Sicilia fuerat moribus receptum, ut Praetores τοῖς ὀρφανοῖς καὶ γυναιξὶν ἰσχυροῖς ἐογγενῶν, *pupillis & feminis, agnatorum cura destitutis*, tutores darent: Diodor. Sic. *in Excerpt. Peiresc. p. 397.* factum est, ut illud  
ius

(d) Id vero ideo videtur sanctum, quia aliquando una cum Praetore edicta conscribebant Tribuni, aut certe hi a Praetoribus in consilium adhibebantur. Vid. Cic. *de Offic. III, 20.* Ceterum hic id singulare est, quod plura Tribunorum plebis suffragia vincerent pauciora, quum alias singulis esset ius intercedendi turbantibus reliquorum decreta. Observatum id iam a Fr. Hotomano & Arn. Vinnio *ad pr. Inst. de Atil. tut.*

(e)



ius hac lege etiam cum aliis Provinciis communicaretur, iuberenturque Praefides etiam in Provinciis tutores dare. Vlpian. *Fragm. l. c.*

XII. Sed tamen haec tutoris datio non vnam postea subiit mutationem. Quum enim Tribuni & Praetores negligentius forsitan eo munere fungerentur: sancitum est SC. *Claudio*, ut pupillis extra ordinem tutores a Consulibus darentur. Suet. *Claud. XXIII.* Hinc ad Traiani vsque tempora tutores a Consulibus datos legimus apud Plin. *Epist. IX, 13.* Horum ergo erat, simul inquirere in tutoris conditionem atque indolem, ne quid res pupilli detrimenti caperent, §. 3. *Inst. b. t.* Quaestiones in ista inquisitione propositas recenset Iac. Cuiac. in *Papinian. & ad L. 5. C. de conf. tut. p. 296.*

XIII. Mox tamen & Consulares tutelae displicuerunt. Vnde ius dandi tutores Praetoribus Constitutione restituit M. Antoninus Imperator ita tamen, ut singularem faceret Praetorem, quem ab officio tutelarem vel pupillarem adpellabant. Iul. Capitolin. *vit. Marci X. §. 3. Inst. b. t.* Haec Praetura satis diu Romae mansit. Nam ANICII AVCHENII BASSI PRAETORIS TUTELARIS mentio fit in marmore apud Reines. *Inscr. VI, 4.* Alia monumenta, in quibus huius Praetoris fit mentio, collegit Ios. Castalio *Var. Leſt. XX.*

XIV. Paulo post moribus invaluit, ut Romae Praefectus urbi & Praetor secundum suam iurisdictionem; in Provinciis vero Praefides immo & Legati Proconsul. ex speciali lege, id est, ex Oratione D. Marci, tutores ex inquisitione dederint.

tione darent, qui tamen etiam inferiori Magistratui id negotii dare poterant, si non adeo magnae erant pupillorum facultates, §. 4. *Inst. b. t. L. 1. pr. §. 1. L. 3. L. 19. pr. §. 1. D. b. t.* Erant autem *Defensores civitatum*, qui & *δικασται*, & *Vindices* adpellati, similes Tribūnis plebis Rom. eorumque erat, plebis iura adversus Magistratus tueri. *L. 1. C. de off. iurid. Alex.* Vnde eos cum *τοποτηρηταῖς*, *servatoribus locorum*, *locorum iudicibus*, *vicariis*, qui iuris dicundi causa a Praefectis Praetorio mittebantur, non confundendos monet Cuiac. *Observ. III, 14. (c)* Quae loca cum *L. 8. D. de tut. & curat. datis ab his*. diligenter, ut solet, contendit Ger. Noodt. *de Iurisd. II, 8. p. 162.*

XV. Iu-  
stiniani  
nova Con-  
stitutio.

XV. Denique Iustinianus sanxit, si pupilli vel adulti facultates usque ad D. solidos valeant, Defensores civitatum una cum Episcopo, vel alii Magistratus, etiam non expectata Praefidis iussione, vel Iuridicus Alexandrinus, tutores vel curatores darent. *L. 30. C. de Episc. aud. §. 5. Inst. b. t.*

XVI. Tu-  
telae mu-  
lierum o-  
rigo.

XVI. Haec tralatitia sunt. Antiquitatum vero studiosis porro est observandum, non solum pupillos tutelae, iure veteri Romano, subfuisse, sed & feminas. Et Athenis quidem idem fieri consueverat, ubi noti mulierum tutores, quos *κυρίαι* adpellabant. Vid. Guil. Budaei

(c) Observata tamen differentia, ut si Praefides ipsi tutores darent, id fieret cum inquisitione: Sin Magistratus municipales; cum satisfactione. Qua de re infra

dae*i Comment. Graec. Lingu.* p. 44. 45. Pfeiffer, *Antiq. Graec. IV*, §. p. 616. Salmaf. *de mod. usurar. IV*, p. 165. Sane enim in negotiis omnibus a feminis Graecis adhibendi erant tutores, Cie. *pro Flacc. XXX*, adeo vt contrahere non possent sine illis, *πέρα μὲν ὑπερβολῶν*, *ultra modium bordei*. Dio Chrysost. *Orat. LXXV*. & alii veteres, quos excitarunt Meurs. *Them. Att. II*, 9. & Salmaf. *de mod. usur. cap. X*, p. 425. Nec agere vel conveniri Athenis poterat mulier sine tutore, & hinc illa vox Praeonis in iudiciis Atticis: *ἡ δέῖνα, καὶ ὁ κύριος*. Citatur haec mulier, eiusque tutor. Vid. V. C. Ev. Otto *Diff. IV. cap. I. §. 6*. Inde itaque est, quod nonnulli, mulierum istam tutelam e iure Attico in Romanum permanasse, existimant. Schilter. *Exerc. ad Pand. XXXVIII*, 227. p. 691. Vinc. Gravina *de leg. & Senatus Cons. p. 550*. Sed praeterquam quod illa tutela plane diversa a Romana fuisse probatur a Meursio *Attic. Lest. III*, 24. videtur etiam ista propter infirmitatem consilii iam inde ab ipsa urbis origine Romae recepta. Quamvis enim id non sequatur ex loco Plutarchi *in Numa p. 66*. vbi Vestalibus id privilegii concessisse Numa dicitur, vt a tutela essent immunes, (ex quo loco alias colligunt, mulieres iam tum ab eo tempore sub tutela fuisse) (f) certius tamen id colligere

(f) Id privilegium Vestalibus non concessit Numa, quidquid dicat *Plutarchus*. Ius enim trium liberorum, quod ibidem ait Vestalibus concessum, Numae temporibus erat incognitum. Praeterea ad Augustum hoc Vestalium privilegium refert Dio Cass. *Lib.*

ligere licet ex loco Catonis apud Liv. XXXIV, 2. *Maiores nostri nullam, ne privatam quidem rem, agere feminas sine auctore voluerunt, in manu esse parentum, fratrum, virorum.* Conf. & Cicero (g) *pro Muraena XII.*

## XVII.

LVI. p. 578. Iust. Lips. *de Vesta & Vestal. XII.* Sed adde tamen, quae scripsimus in *Comment. ad L. Iul. & Pap. Lib. I. cap. 2. p. 27.* vbi Plutarchi locum una littera mutata ita emendavimus: *τιμὰς δὲ μεγάλας ἀπιδουκας* (pro *ἀπιδουκας*) *ἱερῶν παρδίνους, ὡς ἐστὶ καὶ τὰ διατίκταις ζῷον· ἱερῶν πατρίδας, καὶ τὰλλα πατρῶν αὐτοῦ προκάτω, διαγυσας, ὥσπερ αἱ τρίταδικ.* *Tri-buerunt* (non Numa, sed Romani) *Vestalibus ingentes honores, inter quos testamenta vel supersite patre nuncupandi ius, & sine tutore liberum suarum rerum arbitrium, ut, quibus tres sunt liberi.* Multa enim Plutarchum data occasione per πρόλαψιν referre sole-re, ibidem ostendimus.

(g) Verba Ciceronis sunt: *Nam quum per multa prae-clare legibus essent constituta, ea Iureconsultorum ingenii pleraque corrupta sunt. Mulieres omnes propter infirmitatem consilii maiores in tutorum potestate esse voluerunt; hi invenerunt genera tutorum, quae potestate mulierum constringerantur.* Locus hic ab ipsis interpretibus parum intellectus est. Fr. Sylv. p. m. 635. ait, Iureconsultos invenisse tutelas, quibus non mulieres sub tutorum, sed hi sub mulierum potestate essent. Sed haec numeris Platonice obscuriora: Phil. Melanchth. p. 672. & Io. Benignus p. 744. intelligunt tutelam maternam liberorum. Sed ea non est illorum temporum, ut patet ex Nov. CXVIII, 5. Ioach. Camerarius p. 700. plane *ἰσχυρ.* Sed certissimum est, intelligi tutores ab ipsis mulieribus electos. Mulieres conventionem in manum liberabatur tutela, & filiarum familias loco habebantur. Quum ergo paterfamilias iure posset testari de tutela: factum est, ut & morientes mariti testamentis de tute-

la

XVII. Erat vero haec mulierum tutela vel *pupillaris*, vel *perpetua*, Boeth. in *Topica Cic.* XVII. Ea *pupillaris*, vel *perpetua*, Boeth. in *Topica Cic.* vel *pupillaris*, vel *perpetua*.  
 IV. quarum hanc illi praeferebant veteres, testis Gellio Noct. Att. V, 13. *Pupillarem* *pupertas* finiebat; *perpetua* ne maiorenitate quidem exspirabat. *Pupillarum* tutores & negotia gerebant, & auctoritatem interponebant. *Adultarum* vero negotiis tutores tantum auctoritatem interponebant, non vero gerebant. Hinc verbi causa recte mulieri adultae poterat solvi. Cic. *Topic.* XI. At auctoritate tutorum opus erat, si illa lege aut legitimo iudicio agere vellet, si se obligaret, si negotium civile gereret, si rem mancipi alienaret. Cic. *pro A. Caecin.* XXV. Vlpian. *Fragm.* XI, 25. 27. Quin & nuptias contrahere, vel in manum convenire non poterat. Cic. *pro Flacc.* cap. XXXIV.

XVIII. Erat porro perpetua illa tutela mulierum vel *testamentaria*, vel *legitima*, vel *praetoria*. XVIII. Perpetua vel testamentaria, vel legitima, vel praetoria. Ista erat in potestate mariti, qui moriens vxori, quae in manum convenerat, tanquam filiaefamilias, tutorem dabat testamento. Id quod non solum ex loco Ciceronis paullo obscuriore *pro Mur. cap. XII.* Sed & ex hoc testimonio clarissimo Livii XXXIX, 19. patet, vbi Hispalae Fecenniae SC. data dicitur *gentis enuptio*, &

la vxorum disponerent, & ita quidem disponerent, vt lis darent optionem, quem vellent, tutorem sibi eligendi. Exemplum praeclarum est apud Livium XXXIX, 19. Hoc quum contra veteres leges invexissent Iureconfulti, *invenimus genera tutorum, quae potestate*, id est, optione, *mulierum consenserunt.*

& TUTORIS OPTIO, *quasi ei VIR TESTAMENTO DEDISSET.* Vid. *Comm. ad L. Iul. & Pap. Lib. II. Cap. XI p. 237.* Illa erat ordinaria: hæc a Praetore Urbano & Tribunis plebis dabatur, si femina cum tutore legitimo lege aut legitimo iudicio agere vellet, ut eo auctore ageret, vel tutorem legitimum non haberet, vel is pupillus esset. Nam & pupillis tutelam legitimam iure veteri delatam esse, iam Cuiac. *Obs. XVII, 28.* demonstravit. Vlpian. *Fragm. XI, 24.* Quum vero legitima tutela, quasi res iure Quiritium propria, in iure posset cedi: is, cui tunc cedebatur, vocabatur *tutor cessitius* (b) cuius administratio tamen cessabat, simul ac legitimus vel obiisset, vel capite esset deminutus. Vlpian. *Fragm. XI, 7.* Fiebat autem illa cessio, ne agnatus eo onere perpetuo obrueretur, & quidem plerumque alteri agnato, si recte coniecit Iac. Gothofred. *ad L. 2. C. Theod. de tutorib. & curat. creand.*

XIX. An  
mariti tu-  
tores vxor-  
um?

XIX. Quæri etiam solet, an & mariti tutelam vxorum suscipere potuerint? Adfirmat id Scipio Gentilis ad *Apuleii Apolog. n. 1020.* Sed Domitiana erit questio, siue proponatur de iis, quæ in manum convenerant, siue de illis, quæ tantum erant in matrimonio. Illæ non erant in tutela, sed in manu & mancipio maritorum, adeoque non magis poterant tutores habere,

(b) Est quidem apud Vlpian. *Fragm. XI, 7.* vox *cessitius*, sed procul dubio legendum *cessitius*, quemadmodum & tutela ibidem vocatur *cessitia*. Vid. Io. van de Water *Observ. III, 2.*

bere, quam filiaefamilias, quum non essent capita libera. (Vide supra *Lib. I. Tit. X. n. VI.*) hac sui iuris & rerum suarum dominae erant, ass in tutela non maritorum, sed agnatorum, vivebant, quia sine horum auctoritate nihil poterat de tutela legitima deminui, vti paullo post demonstrabimus. Hinc apud Gruter. *Inscript. p. DLII, 2.* occurrit monumentum, quod mulier fecit SIBI CONIVGI, ET TVTORI SVO. Si vxores in tutela maritorum esse dicerentur: procul dubio id intelligendum esset improprie de iis, quae in manum convenerant, quemadmodum & hodie nonnunquam parentes a Ictis satis inconcinne naturales filiorum tutores adpellantur. Ex loco sane Ciceronis *pro Flacco XXXIV. (i)* maritalis ista tutela frustra colligi videtur a Schiltero *Exerc. XXXVII, 229.* Immo posterioribus temporibus tantum abest, vt maritus esse posset vxoris tutor, ut ne curatclam

- (i) Locus Ciceronis est: *In manum, inquit, convenerat. Nunc audio. Sed quaero, usu an coemptione? usu non posuit, nihil enim potest de tutela legitima sine omnium tutorum auctoritate deminui. Coemptione? Omnibus ergo auctoribus? In quibus certe Flaccum fuisse, non dices. Relinquitur illud, quod vociferare non destitit, non debuisse, quum Praetor esset, suum negotium agere, aut mentionem facere hereditatis.* Hic sane nihil habetur de tutela vxorum in maritos translata. Nec colligi id potest ex verbis: *nihil potest de tutela legitima sine omnium tutorum auctoritate deminui.* De tutela enim legitima non deminuitur aliquid ita, vt maritus loco agnatorum tutor fiat, sed vt vxor in manum conveniat, adeoque tutela ei plane non opus sit, vel vt marito dotem sine auctoritate tutorum constituat,

telam quidem minorennis vel furiosae suscipere posset. Orationem D. Marci factumque eam in rem SC. huic curationi obstitisse, novimus ex *L. 14. D. de cur. fur. L. 4. & L. 17. C. de excus. tut.*

XX. A tutela nonnullae privilegio liberatae.

XX. Sed obsolevit sensim ista mulierum tutela: Et primo quidem privilegium illustrioribus nonnullis feminis concessum, ut sine tutorum auctoritate res suas gererent. Virginibus Vestalibus eam libertatem indulserat non Numa (ut ex Plutarcho in *Numa p. 66.* colligunt) sed Augustus, sub quo postea etiam Octaviae & Liviae idem beneficium praestitit Senatus. Dio Cass. XLIX. p. 44.

XXI. Legis Papiae Poppaeae sanctio de tutela mulierum.

XXI. Neque tamen eo ipso plane sublata tutela mulierum: si quidem lege Papia Poppaea caverat Augustus, ut a Praetore urbis tutor daretur ei mulieri virginive, quam ex hac ipsa lege nubere oporteret, ad dotem dandam, dicendam, promittendamve, si legitimum tutorem pupillum haberet. Vid. *Comm. nostr. ad L. Iul. & Pap. Lib. II. Cap. 13. p. 253. sequ.* Immo postea & Senatus censuit, in Provinciis a Praesidibus ex eadem causa dandos esse tutores. Vlpian. *Fragm. XI, 20.*

XXII. Privilegium indultum mulieribus, quater quaterve pepererant.

XXII. Eadem tamen lege Papia Poppaea invecum est ius trium & quatuor liberorum, quod etiam a tutela liberabat ingenuas, quater, libertinas, quae quater peperissent. Dio Lib. LVI. p. 578. Vlpian. *Fragm. XXIX. 2. & 3. Fragg. regul. ex veteri IG.* subiectum *Collat. Legum Mos. & Rom. n. XV. p. m. 807.* Id vero ius quum saepius etiam steriles & orbi utriusque sexus



sexus beneficio Principis impetrarent : Dio Cass. LV. p. 549. Plin. *Epist.* II, 13. VII, 26. X, 95. Paull. *Sent.* IV, 9. 26. facile patet, rariores ex eo tempore factas esse mulierum tutelas.

XXIII. Successit S<sup>C</sup>tum Claudianum, <sup>XXIII. A.</sup> quo tamen non omnis in universum sublata est <sup>SC. Clau-</sup> tutela mulierum, ceu visum est Iac. Cuiacio <sup>dianum</sup> ad <sup>tutelas</sup> *L. vn. C. ubi tutor. vel curat.* & Marco Vertran. <sup>mulierum</sup> Mauro *de iure trium liber.* XXXI. sed tantum <sup>tutulerit?</sup> *cessitia.* Nolebat enim Claudius tutelas mulierum aliis cedi, id quod antea fieri consueverat; sed oportebat, proximos agnatos eas ipsas administrare. Et ita intelligenda esse verba Vlpiani *Fragm.* XI, 8. erudite docet Ant. Schultingius in *Adnot.* p. 596. *sequ.*

XXIV. Mansit ergo ea mulierum tutela sub Antoninis, quorum temporibus exemplum exstat Pudentillae, vxoris Apuleii, quae tutore auctore praedium emerat. Apulei *Apolog.* II. p. 327. Mansit tempore Vlpiani, quem ad Alexandri Severi tempora vixisse constat. Mansit sub ipso Constantino, ceu adparet ex *L. 2. C. Theod. de tut. creand.* Mansit denique sub Leone Imp. cuius Constitutionem de tutela mulierum, *L. 3. C. de legit. tut.* a Tribonianis interpolationibus vindicavit Schilter. *Exerc.* XXXVII, 239. Sensim tamen ex eo tempore obsolevit, adeo, vt Iustiniani temporibus illius nec vola nec vestigium superesset. Vnde & multa in Pandectis & Codice latent fragmenta, quae, quum de tutela mulierum loquerentur, a Triboniano in sensum prorsus alium detorta sunt.

TIT.

## TIT. XVI.

DE

## CAPITIS DEMINVTIONE.

**Q**Via agnationis ius capitis deminutione perimitur, & proinde etiam tutela legitima morte ista civili perit: visum est Triboniano, doctrinam illam de CAPITIS DEMINVTIONE loco plane alieno interferere, eamque subiicere *titulo XV. de legitima agnatorum tutela.* Nos, quum omnes tutelarum species coniunxerimus, iam & de capitis deminutione agemus, non quod eum ordinem putemus conueniunt, sed quia Iustiniani Institutiones sequi constituimus.

I. Origo  
capitis de-  
minutio-  
nis quae?

I. Origo capitis deminutionis, quam nemo adhuc pro dignitate exposuit, a censibus Romanis videtur repetenda. Notum est, Servium Tullium Regem universum populum Romanum in sex classes & CXCI. centurias descripsisse, in quibus constituendis non regionum vrbs, aut communium sacrorum, sed opum & facultatum iniit rationem. Vnde in *primam* classem coniecit, qui CM. aeris, aut maiorem censum haberent; in *secundam*, qui infra centum usque ad LXXV. millia possiderent. *Tertiae* classis L. millium censum esse voluit, *quartae* XXV. millium, *quintae* XI. millium. In *sextam* denique classem coniecti egeni & tenues, qui vel *proletarii* dicti, vel *capite censi*. Illi, quod propaganda tantum alendaque prole Rempublicam

cam

tam iuarent, hi quod praeter caput & nomen nihil admodum in censu profiterentur, id nomen adepti sunt. Liv. I, 42. seq. Dionys. Halicarn. *Antiq. Roman.* IV, 22. Gell. *Noct. Attic.* XVI, 10. Quemadmodum ergo *capite censi* dicebantur, qui saltem iure libertatis & civitatis gaudebant, adeoque in censuales tabulas referri poterant: ita servi, peregrini, filii familias *capite destitui* dicebantur, quod non possent in censum suo nomine referri. De servis certe reliqua est in iure nostro phrasis, eos *caput non habere*, §. 4. *Inst. h. t.* Et filiis familias opponi *libera capita*, ex *L. 1. D. de tutel.* Gell. V, 30. *Ulpian. Fragm.* XI, 5. constat. Sed & *capitalis* poena Romanis dicebatur, non tantum illa, quae ultimum inferebat supplicium, sed quae censu eximebat, adeoque vel libertatem, vel civitatem perimebat. Barn. Brissson *de Verb. signif. voce capitalis.* Quoties ergo quis quacunque de causa e tabulis censualibus delebatur, toties *caput de civitate dicebatur eximi*, ut loquitur *ICtus L. 2. D. de publ. iud.* & inde eiusmodi status mutatio *capitis deminutio* adpellabatur. Hinc recte Claudius apud Livium XLV, 15. contendit, *movere omnibus tribubus, nihil aliud esse, quam libertatem civitatemque eripere,* & CENSU EXCLUDERE.

II. Hanc ergo capitis deminutionem iu- II. Et quor.  
reconsulti in MAXIMAM, MEDIAM <sup>tuplex?</sup>  
ET MINIMAM dividunt, (a) pro tri-  
plici

(a) Equidem nonnunquam veteres duplicem tantum faciunt capitis deminutionem, maiorem & minorem.

plici hominis statu, qui Romae poterat mutari.

III. Maximam patiebantur I) incensu.

III. Si quis non civitatis tantum, sed & ipsius libertatis fecisset iacturam: deminutionem capitis MAXIMAM dicebatur passus. §. 1. *Inst. b. t.* Et hoc quidem contingebat I) *incensu*; id est, iis, qui censum vel militiam subterfugerant, quos iam Servius Tullius victos & caesos trans Tiberim venundari iusserat (b). Dionys. IV. p. 221. Cic. *pro A. Caecina* XXIV. VI. *pian. Fragm.* XI, 11. Id quod per fictionem quamdam contigisse, quum alias libertas adimi nemini posset, egregie docet Ger. Noodt. *Probab. III.* 12. p. 85.

IV. II) Capti ab hostibus.

IV. Deinde maximam istam capitis deminutionem patiebantur II) *capti ab hostibus*. Nam & hi, quum essent in servitutem detrusi, omnia & libertatis, & civitatis, ipsaque agnationis iura amittebant. Poterant tamen ab his pristina iura recuperari *iure postliminii*, si in civitatem revertissent. Cic. *in Top.* VIII. Fingebatur enim tunc, eos, qui capti fuerant, semper in civitate fuisse

item. vid. L. 1. §. 4. *D. de suis & legit. hered.* L. 5. §. 3. *D. de extraord. cognit.* Sed in verbis esse differentiam, in re nullam; luculenter ostendit Ger. Noodt. *Observ.* II, 22. p. 463. *sequ.*

(b) Quando itaque Liv. I, 44. ait: *Censu perfecto, quem maturaverat metu legis, de incensu latae, cum vinculo- rum minis mortisque edixit, ut omnes cives Romani, equites peditesque in suis quisque centuriis in campo Martio adessent*; procul dubio intelligit mortem istam civilem. Non enim credibile est, acrioris supplicii metu lustrum, quam ipsum censum, maturasse Servium.

(c)

fuisse. §. 5. *Inst. quib. modis ius patr. pot. solvi.* POSTLIMINIVM vero id ius adpellabatur, non ideo, quod captivus ex hostico ad limina vel fines Imperii revertisset, ut ait Tribonianus *d. §. Inst.* quamvis eam *ἐννομία* erudite defendat Menag. *Amoen. Iur. Civ. Cap. XXXIX. p. 327.* sed a limine, aedium parte. Reversi enim ex captivitate, non per limen admittebantur in aedes, si iam diem eos obiisse nunciatum fuerat, quia id mali ominis putabatur, sed post limen per tegulas & impluvium intro se ipsos demittebant, teste Plutarch. *Quaest. Rom. V.*

V. Eiusdem conditionis habebantur III.) V. III.) *servi poenae.* Quicumque enim atroci sententia <sup>Servi poenae.</sup> ad extremum supplicium, veluti ad ignem, ad metalla, bestiasve depugnandas fuerant damnati, libertatis simul ac civitatis iura amittebant. Hinc Tertullianus *Apolog. XXVII. Vice rebellantium ergastulorum, seu carcerum, vel ergastulorum, vel metallorum, vel hoc generis POENALIS SERVITUTIS* erumpunt adversus nos. Et Plinius *Epist. X, 40.* refert *Nicomediae & Niceae quosdam, qui vel in opus damnati, vel in ludum familiaeque his genera poenarum, PVBLICORVM SERVORVM officio ministerioque defunctos.* Quaedam de hac servitute dabunt Cuiac. *Observ. XV, 22.* & Gothofr. Arnold. *Hist. Christ. damnat. ad metall. §. VIII. apud Thomas. Hist. Sap. & Stultit. Tom. III. 1693. p. 130.* Eam quoque servitutem per fictionem natam, docet Ger. Noodt. *Probab. III, 12. p. 86.* Capitali enim supplicio veteri iure nemo civium plecti poterat. Commisso vero flagitio, quod morte ex-

pian-

piandum videbatur, Quaesitores non civem capitis damnabant, (nec enim fas erat,) sed civem esse negabant, servumque vocabant poenae, ut vitam non tanquam civis amitteret, sed tanquam servus, *L. 29. D. de poen. L. 6. §. 6. D. de iniusto rupto, irritato facto testam.* Attamen hi quoque pristina iura recuperabant, si per omnia in integrum Principali indulgentia restituerentur, *Paull. Recept. Sent. IV, 824.* Postea vero hanc servitutem poenae, quatenus cognatorum interesset visum, abolevit Iustinianus, *Nov. XXII, 8.*

VI. IV.) VI. Porro etiam hanc miseram conditionem  
Liberti in- subibant IV.) *liberti ingrati*, quos Claudius  
grati. Imp. revocabat in servitutem, qua de re dictum supra ad *Lib. I. Tit. VI. §. 9.*

VII. V.) VII. Nec minus libertatem amittebant V.)  
Qui se e- *maiores XX. annis*, qui se pretii participandi  
numdari caussa venundari passi fuerant, de quibus itidem dictum, *Lib. I. Tit. III. n. 7. 8.*  
passi.

VIII. VI.) VIII. Nec melioris conditionis erant VI.)  
Mulieres *ingenuae mulieres*, quae in servi alieni amplexu ruebant. (c) Quod si enim domino invito, & hoc, vel pupilli tutore, vel Procuratore domini ter denuntiante, in eodem contubernio perseverassent, *ancillae*; sive, illo consentiente, *libertae* efficiebantur, decreto & adiudicatione

Practo-

(c) Tales mulieres notat Petron. *Satyr. p. 127. Quaedam feminae sordibus calens, nec libidinem centitant, nisi aut servus viderint, aut flatores altius tinctos. Harena aliquas accendit, aut persusus pulvere mulio, aut histrio, scenae ostentatione traduntur. Ex hac nostra domina est mea.*

(d)

Praetoris. Vid. Paull. *Sent. Rec. II*, 21. *A. i. p. m.* 305. Tertull. *ad uxor. II*, 8. Auctor huius iuris Claudius Imperator fuit, ut patet ex Tacito *Ann. XII*, 53. ex quo simul discimus; Pallantis liberti id esse inventum, cui ideo insignia Praetoria & centies quinquagies sestertium decrevit Senatus. Plin. *Hist. Nat. XXXV: cap. penult.* & alter Plinius *Epist. VIII*, 5. Denique Senatusconsultum illud in usum revocavit Vespasianus, si ita intelligendus locus Suet. *Vesp. XI*. (a) Ast hanc quoque poenam sustulit non Alexander Severus, uti visum est Strauchio *Diff. ad Instit. XI*, 39. (nam *L. 3. C. de lib. causis* de maribus servatum; non de feminis servorum amore calentibus agit,) sed Iustinianus *L. vn. C. de SC. Claud. toll.* parum certe prudenter, siquidem ingenuis mulieribus viam eo ipso ad impares & impudicas maxime coniunctiones munivit. Cuiac. *Obs. XXI*, 16.

IX. MINORE sive MEDIA capitis deminutione civitatis tantum iura, salva libertate, diam perimebantur, adeoque ii, qui erant in hanc conditionem delapsi, ad peregrinitatem redigebantur.

(e)

(d) Nisi forte dicere malis, Vespasianum ea de re ad Senatum retulisse, non tanquam Imperatorem, sed tanquam Consulem, aut, si mavis, Senatorem laticlavium. Consulatum sane gessit sub Claudio, Suet. *Vesp. Cap. IV.* fortean cum Barea Sorano, quem eo ipso anno V. C. Dcccv. quo SC. illud factum Cos. designatum fuisse refert Tacit. *Ann. XII*, 53. Et hinc facile conciliari poterunt Tacitus & Suetonius, quorum ille Claudio, hic Vespasiano hoc SC. tribuit. Ingeniosa haec est observatio Petri Fabri *Semestr. I*, 25. p. 140. *sequ.* uti pleraque, quae faber, ille edolavit.

O

(f)

1.) Exsules.

(e) §. 2. *Inst. h. t.* Et huius quidem conditionis habebantur I.) *exsules*, quibus aqua & igne fuerat interdictum. Magna scilicet Romae erat inter *exsilium* & *relegationem* differentia. Illa iura civitatis perimebat, quum relegatus ea salva haberet. Hinc Ovid. *Trist.* II. *vs.* 137.

*Quippe RELEGATUS, non EXSVL, dicor in illo,*

*Parcaque fortunae sunt data verba meae.*  
Quam differentiam alibi ita describit: *Trist.* V, 11, 15.

*Nec vitam, nec opes, nec ius mihi civis ademit,*

*Nil nisi me patriis iussit abesse focis.*

*Ipse RELEGATI, non EXSVLIS utitur in me*

*Nomine.*

Conf. *L. 2. D. de Publ. iudic.* Ad exsilium quod attinet, cives ad illud adigebantur AQVAE ET IGNIS INTERDICTIONE, qui ritus paullo altius videtur repetendus.

X. Quid aquae & ignis interdictionis?

X. Antiquissimum hoc erat iuris Romani principium, neminem posse invitum iura civitatis amittere. Cicero *pro Domo*: XXXIX. *Hoc iuris a maioribus proditum est, ut nemo civis Romanus aut libertatem aut civitatem possit amittere, nisi ipse AVCTOR factus sit.* Idem Iuris Publici axioma multis verbis inculcat Cic. *pro A. Caecin.* c. XXXIII. docetque, ideo Aretinorum proscriptionem, Sulla vivo, irritam fuisse.

(e) Vnde nec toga amplius illis licebat uti. Plin. *Epist.* IV, 11. Suet. *Claud.* XV. De ipsa peregrinitatis conditione conf. Briss. *Ant.* I, 13, 15.

(f)



fuisse, quod contenderat Cicero, *civitatem adimmi non potuisse*. Quamvis itaque civitatis iuribus nemo invitus privaretur: attamen ea statim amittebantur, simul ac quis in aliam se civitatem adscribi passus esset; quum ex veteri iure duarum civitatum civis nemo esse posset. Idem *pro Domo LXXXI*. Ezech. Spanhem. *Orb. Rom.* I, 1, 6. p. 11. Vnde notum est ex Nepot. *Attic. III.* noluisse Atticum Athenis civitatis iura suscipere, ne Romanam civitatem amitteret. Quod si ergo quemquam e civitate ciectum vellent Romani: cum non vi expellebant, (quod ex principio supra adlato fieri non poterat,) sed illi tecto, aqua & igne interdicebant. Quibus necessariis vitae subsidiis ademptis, ultro exsilium eligere cogebatur damnatus. Quum itaque a nemine recipi posset: necessario in aliquam civitatem exteram se conferebat, eoque demum facto, civitatis iura amittebat. Hinc denuo Cicero *pro Domo XXX.* *Qui erant rerum capitalium condemnati; non prius hanc civitatem amittebant, quam erant in eam recepti, quo vertendi, hoc est, mutandi, soli causa, venerant. Id autem ut esset faciundum, non ademptione civitatis, sed tecti & aquae & ignis interdictione faciebant.* Ergo si accurate loqui velis, non aquae & ignis interdictione eximebatur caput de civitate, ut ait Paulus *L. 2. D. de iudic. publ.* (poterat enim, si vellet, in civitate mori,) sed adscriptione in aliam civitatem, in quam exsul discesserat. Barn. Brisson. *Ant. Rom. III, 5. p. 48.* Quae observatio, ne cui sola λογισμᾶχία videatur, tanti profecto momenti est, ut Cicero oratione allegata neget,

se aquae & ignis interdictione civitatis iura amiserunt, quia nulli se populo adiunxisset, sed delituisse apud amicos. Addatur Vlr. Hub. *Digress. I, 3. 8. p. 192. sequ.*

XI. Deportati.

XI. Deinde huic aquae & ignis interdictioni addebatur (f) DEPORTATIO, qua ipsa quoque iura civitatis eodem modo amittebantur. Auctor illius instituti Augustus, (g) cui, ab exsulibus hinc inde dispersis periculum Imperio suo metuenti, Livia suaserat, ut illos patria extorres insulis includeret. Ita enim apud Dionem LV. p. 562. Livia: *τί γὰρ ἂν ἀδικήσεις, ἡς ἐν αἰῶνι κατακλεισθεῖς, ἢ ἡ ἐν ἀγρῷ πόλεις τινί, ἢ ἔπως ἂν ἐν πληθύνει δικτῶν ἢ χρημάτων, ἀλλὰ ἡ μὲν ἐξ ἑαυτῆς ὄν, ὅν γὰρ ἡ τάδε δείξῃ. Quid enim mali*

(f) Non enim *deportatio* in locum illius aquae & ignis interdictionis successit, ut Icti aiunt, L. x. §. 1. D. de *proen.* L. 3. D. ad *Leg. Jul. pecul.* Mansit potius illa antiqua aquae & ignis interdictio etiam post inventam deportationem. Tacit. *Ann.* VI, 30. Adiecere tantum Imperatores, ut exsules isti non, ubi liberet, sed in certa quadam insula, viverent. Huber. *Digress. I, 3. 9. p. 195.*

(g) Non Iulius Caesar, ceu ex Suet. *Jul.* LXVI. probare satagit Oisfel. ad *Cal. Inst.* I, 6. 1. p. m. 47. Supplicium enim, quod militibus minatur Caesar, non fuit deportatio, (non enim eos in certam insulam missum iri ait,) sed poena quaedam extraordinaria. Haec enim sunt Caesaris verba: *Definam quidam quaerere ultra, aut opinari, mihi quae, qui compertum habeo, credant: aut quidem vetustissimae navis impositos, quocumque vento, in quascunque terras iubebo avahi.* Frequentatum postea hoc supplicium, inflictumque delatoribus a Tito, Suet. *Tit.* cap. 8. & Traiano: Plin. *Paneg.* cap. 34. immo & Christianis a tyrannis, ceu docuit Casaub. ad *Suet. Jul.* p. 92.

(h)

*mali fecerit is, qui in insulam conclusus, aut in agro vel in urbe aliqua non modo sine copia servorum & pecuniarum, sed etiam sub custodia, si hoc res exigeret, haberetur?* Ex eo tempore invaluit deportatio. Quam denuo Constitutione quadam firmavit Augustus, apud eundem Dion. Cass. LVI p. 587. Et hinc postea nihil fuit ista in insulas deportatione frequentius. (b) Tac. Ann. III, 68. VI, 30. IV, 21. IV, 13. Fiebat vero deportatio ita, ut rei compedibus vincti impositique navibus, servis publicis, qui eos deportarent, traderentur. Oiscl. ad Caii Inst. I, 6. 1. p. m. 47. Molesta inprimis erat vel relegatio vel deportatio in Gypsum, Aegypti insulam, in quam tempore Iustiniani & Iuridicus Alexandriae & Praefes Thebaidos relegare poterant, Cuiac. Obs. XX, 31. itemque in Gyaros, fumo notabiles, Arrian. Diff. Epist. I, 25. & II, 6. & Oasin inter Aegyptum & Cyrenas, muscis & culicibus famosam: de quibus locis Cuiac. Obs. VIII, 27. Omnes autem exsules, teste Lactantio Div. Inst. II. perinde habebantur, ac si essent, qui eam sententiam exceperant, morte mulctati. Vnde & diem, quo ab exilio quis redierat, NATALEM

(b) Distinguenda tamen haec deportatio a relegatione in insulam, qualis fuit illa, quam passus est Ovidius, in Pontum relegatus. Conf. L. 7. D. si quis cautioni in iudicio sistendi causa fact. non obtemp. Suet. Tiber. 1. Huic opponitur lata fuga, cuius mentio fit L. 5. D. de interd. relegatis & deport. Ammian. Marcell. XIX. 12. vel, ut Iulio Capitol. vit. Marci Anton. XXVI & Vulcatio Gall. vit. Avid. Cassii. IX. vocatur: exilium & libera vagandi potestas.

LEM vocabant, tanquam quo vitam primum receperissent, Cic. *post Redit. in Senat. cap. XI*, itemque *alterius vitae initium*. Id *Epist. ad Att. IV, 1*. Quin Cotta ab exilio revocatus se bis genitum vocat in oratione apud Sallust. in *Fragm p. m. 500*. Ita & Athenienses patriae re-  
stitutos exsules *διυτερογενήτες*, quasi *secunda fa-  
ta orfos*, adpellasse, observat vir, cui haec debe-  
mus, doctissimus, Io. Frid. Gronov. in *Diatrib.*  
*ad Stat. Papin. Cap. XII. p. 69*.

XII. MI-  
nima ca-  
pitis de-  
minutio.

XII. MINIMA denique capitis deminutio iura familiae atque agnationis tollebat. Quum enim census fieret secundum facultates, ut su-  
pra dictum: patriis facultatibus cum iure fa-  
miliae amissis, aut in alium translatis, capitis  
quaedam deminutio fieri credebatur. Id vero  
factum esse in *manum conventionem*, *adoptionem*, &  
*emancipationem*, ex iure notum est, quamvis de  
emancipatione, an ea inter capitis deminutio-  
nes referenda sit, subdubitent Icti, tum veteres  
tum recentiores. Paullus sane non ideo capi-  
te deminui putabat, quod ex patria potestate  
exirent: (ita enim potius fiebant capita libera,  
& membra civitatis,) sed quod emancipatio  
vetere ritu fieri haut posset, nisi *deducerentur in  
imaginariam servilem causam. L. 3. §. 1. D. de  
cap. deminut.* Attamen ne sic quidem omnia in  
aprico sunt. Si enim ob hanc causam emanci-  
patio est species capitis deminutionis: cur non  
maxima potius quam minima vocatur? Vid.  
Huber. *Digress. III, 6*. Thomas. *Schol. & nov.  
addit. ad Huberi Praelect. Inst. p. 47*.

TIT,

## TIT. XXI.

D E

## AVCTORITATE TVTORVM.

**T**Vtorum erat, *authoritatem* interponere, quemadmodum curatorum, *consensum* commodare. De qua TVTORVM AVCTORITATE quum singulari titulo agat Imperator: de ea quoque nonnulla ex Antiquitatibus Romanis videntur adnotanda.

I. Antiquissimum hoc erat iuris Romani principium, *alieno nomine agere posse neminem*, neque *promittere, tertium quid facturum daturumve*. Ergo nec tutor pupilli nomine quidquam aut agere aut promittere poterat. Quum tamen lubrica pupillorum aetas consiliique infirmitas non paterentur, pupillis liberam permitti rerum suarum administrationem: tutoribus plus potestatis concedendum, distinguendumque existimabant Romani, infans esset pupillus, an istos infantiae annos superarit. Si infans esset, tutor omnia agebat, non pupilli, sed suo nomine. Prospiciebat pupillo eiusque matri de alimentis & cultu exhibitionis. *L. 13. §. gerere?*

I. Origo  
auctorita-  
tis tuto-  
rum.

Quando  
tutor di-  
ctus admi-  
nistrare &  
gerere?

1. *D. de administ. & peric. tut.* Pupillo herede cum cretione instituto, bonorum possessionem petebat, *L. 11. D. b. t.* hereditatem enim cerne-  
re & adire pupilli nomine non poterat, quia cre-  
tio & aditio erat actus legitimus. *L. 4. §. C. de iure delib.* lac. Gothofr. *Comm. ad C. Theod. tit.*

O 4

de

*de cretione p. 330.* Denique bonorum pupilli curam ita gerebat, ut loco domini haberetur. *L. 27. D. cod.* Et id quidem tutoris munus, quo tum personae pupilli, tum bonorum eiusdem curam gerebat, vocabatur GESTIO, vel ADMINISTRATIO. *Cic. Top. Cap. XI.* Quamvis tam late plerumque hoc vocabulum accipiat a Iureconsultis, ut & auctoritatem complectatur.

II. Quando interponere auctoritatem?

II. Sin infantiae annos superasset pupillus: ipse omnes actiones legis, omnesque contractus poterat explicare, ita tamen, ut tutor, perfecto negotio, praesens statim AVCTOR fieret, & hinc vocabatur AVCTORITAS. Quemadmodum enim populus iubebat, Senatus AVCTOR fiebat: *Liv. I, 17.* ita pupillus agebat & contrahebat, tutor interponebat AVCTORITATEM, sine qua validum haut erat negotium, si quidem deterior eo ipso fieret pupilli conditio. *princ. Inst. h. t.* aut si adeunda esset hereditas, aut petenda bonorum possessio, aut suscipienda ex fideicommissio hereditas. *§. 1. Inst. h. t.* Ad ea enim, quae sollemnitatem iuris desiderabant, explicanda, tutore auctore opus esse, ait Paullus *L. 19. D. de auct. tut.*

III. Interponebatur ex sollemni formula.

III. Non ergo auctoritas erat nuda adprobatio, nec iussus, sed actus legitimus & sollemnis, certa quoque formula explicandus. Vnde & conditionem non admittere dicitur, *L. 8. D. h. t.* Procul dubio, ubi pupillus, verbi causa in cretione hereditatis, verba legitima pronunciasset, interrogabatur tutor: AVCTORNE ESSET, UT PUPILLVS HEREDITATEM ADI-

ADIRET CERNERETQVE? eoque adfirmante, rata erat pupilli actio. Sane eodem modo auctor fiebat, qui adrogabatur ab alio. Cic. *Orat. pro domo XXIX*. Et interrogationis hoc in negotio factae diserte meminit Paullus *L. 3. D. de auct. & consensu tut. & curat.* quamvis eam non existimet absolute necessariam. Interponebatur vero auctoritas statim in ipso negotio: sed ita tamen, ut non prius auctor fieret tutor, quam pupillus id egisset, a quo substantiam capiebat negotium. Et hinc est, quod *auctoritas PERFECTO NEGOTIO* interponi dicitur in *L. 25. §. 4. D. de adquir. hered.* ibi praeter necessitatem rescribi: *profecto negotio*: contra Iac. Gothofredum *Comm. ad L. 29. D. de R. I.* docuimus in *Elem. iur. civil. §. 250*. Disputavit de eadem quaestione Cuiac. *Obs. XIII, 31.*

IV. Vnde simul adparet, quid interfuerit discriminis, inter *CONSENSVM* curatoris & tutoris *AVCTORITATEM*. Sine hac actus erat nullus, sine illo rescindendus. Illa interponenda erat statim a tutore praesente, §. 2. *Inst. b. t.* Erat enim actus legitimus, qui non admittebat procuratorem, conditionem & diem. Hic interiecto demum tempore accedere poterat.

V. Si negotium inter tutorem & pupillum vel mulierem intercederet: auctoritatem adhibere non poterat tutor. Nullus enim tutor poterat in rem suam auctor fieri. *L. 1. §. 7. D. b. t.* Solebat ergo tunc a Praetore alius tutor dari, qui *Praetorianus*, vel *Praetorius* vocabatur, ideo, quod a solo Praetore, non adhibita in consilium

IV. Quid  
consensus  
Curatoris?

V. Quid  
tutor  
Praetorianus?

filium maiore parte Tribunorum plebis, dabatur. Meminit eius ipse Imperator §. 3. *Inst. b. t.* multoque luculentius Ulpianus *Fragm. XI, 24. Moribus tutor datur mulieri, pupillove, qui cum tutore suo lege aut legitimo iudicio agere vult, ut auctore eo agat, (ipse enim tutor in rem suam auctor fieri non potest,) qui Praetorianus tutor dicitur, quia a Praetore urbis dari consuevit.* Vnde inter Tribonianum emblemata referenda est tutoris in curatorem mutatio. *L. 3. §. 2. L. 4. & 5. D. de tutel. L. 24. D. de testam. tutel. L. 9. §. 4. D. de tutel. & ration. distrab. L. 1. 2. 3. ult. C. de in lit. dand. tut. vel curat.* ceu iam observavit Hub. Giph. *ad §. ult. Inst. b. t.*

VI. Is postea mutatus in curatorem.

VI. Nimirum postea invaluit, ut loco tutoris Praetorii adiungeretur curator, quoad actio illa duraret, vel etiam perpetuus. *Novell. LXXII, 2.* Quamvis id contingat paullo rarius, quia iure novissimo pupilli debitor, vel creditor, tutor fieri non potest. *Nov. LXXII, 1. Nov. XCIV. & Auth. Minoris debitor C. Qui dari tut.*

## TIT. XXII.

### QVIBVS MODIS TVTELA FINITVR.

Quibus modis finiatur tutela, satis accurate ad hunc titulum docent Interpretes. Et de morte quidem, & capitis deminutione nullum est dubium: at de pubertate & aliis nonnullis modis, quibus tutelam olim finitam con-



constat, nonnulla ex Antiquitatibus monenda videntur.

I. Ad PUBERTATEM quod attinet, ipse I. *Locus*  
Tribonianus hoc titulo Antiquitatum Roma- *Institutio-*  
narum prae se fert notitiam, dum observat, *num de ri-*  
veteres pubertatem non solum ex annis, sed & *tu anti-*  
ex habitu corporis in masculis voluisse aesti- *quo aesti-*  
mari. Quod quum Iustinianus indignum iu- *mandi pu-*  
dicarit castitate suorum temporum, statuisset *bertatem.*  
eum, sancta promulgata Constitutione, ut  
masculi completo anno aetatis XIV. puberes;  
feminae duodecimo viri potentes haberentur.  
*princ. Inst. b. t. (a)*

II. Sed Tribonianum hic antiquitatis pro- II. *Iam*  
dere ignorantiam, multi existimant. Neque *diu ante*  
enim Iustinianus primus istos pubertatis termi- *Iustinia-*  
nos fixit, iam dudum quippe in iure receptos. *num certi*  
Sane duodecim annorum puellas iam viri po- *anni pu-*  
tentes esse, Augustus lege Papia Poppaea cen- *bertatis*  
suerat, ut patet ex Dione Cass. LVI. *erant*  
*δωδεκα* *praefinit.*  
*καὶ ταῖς κόραις ἐς τὴν τῷ γάμῳ ὥραν ἔτη πλήρη νομίζε-*  
*ται.* Duodecim annos puellis ad nuptias sufficere  
statuit. Adde sis *Comm. nostrum ad L. Iul. & Pap.*  
*Popp. Lib. II. Cap. V. p. 177. sequ.* Quatuorde-  
cim vero anni ad pubertatem masculorum iam  
secundo post Christum saeculo requirebantur,  
etiam

(a) Ipsa illa sancta Iustiniani Constitutio existat *L. ult.*  
*C. Quando sui. esse des.* INDECORAM OBSERVA-  
TIONEM in examinanda marium pubertate rescan-  
tes, iubemus, quemadmodum feminae post impletos  
XII. annos omni modo pubescere indicantur, ita &  
mares post excessum quatuordecim annorum puberes  
existimantur, INDAGATIONE CORPORIS IN-  
HONESTA cessantq.

(b)

etiam ex mente Proculcianorum. Tertull *de veland. virg.* XI, & *de Anima XXXVIII*. Macrobi. *Saturnal.* VII, 7. & *in Somn. Scipion.* I, 6. (b)

III. Nunquam veteres pubertatem inspectione corporis explorarunt. III. Deinde nec alterum videtur per omnia verum esse, quod veteres Romani masculorum pubertatem *indecora observatione, inhoneſtaque indagatione explorarint*, ut loquitur Imperator *L. ult. C. quando tut. eſſe deſ.* Nulla enim istius indecorae inspectionis vel vola vel vestigium apud antiquos occurrit. Et quamvis Huberus *Digress. III, 14. p. 210.* & vir amplissimus, Corn. van Bynkersh. *Observ. III, 24.* excusandum putent Iustinianum, credantque, si non in quaestione de finienda tutela, at certe in nuptiis nonnunquam isti inspectioni locum fuisse: tamen ne id quidem satis, ut opinor, excusat Imperatorem. Non enim quaestionem de viri potentia, qualis aliquando in nuptiis occurrit, tractat in *d. L. ult.* quippe ad quam definiendam sola aetas parum faceret, sed quaestionem de tutela finienda. Nec verosimile est, Tribonianum Imperatoris sui Constitutiones tam fuisse parum familiares, ut sanctam illam, quam

(b) Quin & leges id docere poterant Tribonianum, veluti *L. 2. princ. D. de pupill. & vulg. subst. L. 5. D. Qui testam. fac. poss. L. 4. C. eod.* ex quibus patet, saltem Viplani & Diocletiani temporibus eosdem pubertatis annos fuisse definitos. Neque tamen dubito, quin olim antiquissimis Reipublicae temporibus quinto decimo demum aetatis anno exacto puberes habiti sint adolescentes. Tunc enim eos togam virilem sumsisse, non anno XVII, ut vulgo existimant, nec anno XIV, ut visum Lipsio *ad Tac. p. 312.* docet Notif. *Cenotaph. Pisan.* Diff. II, 4.

(c)

quam tantopere laudat, legem in Institutionibus aequae ac Codice ad materiam de tutela retulerit, quae de singulari tantum casu nuptiali egisset. Quare adhuc probabile videtur, Iustinianum hic cum larvis pugnasse, ritumque aboluisse, cuius numquam Romanis in mentem venerat. Vid. Iac. Raeyard. *Varior.* IV, 10. p. 667. *Tom. I. Operum.*

IV. Vt ergo adpareat, quid in errorem induxerit Iustinianum: sciendum, non convenisse inter antiquos Iureconsultos, quos pubertati terminos figerent. Quum plerique in Stoicorum scholis profecissent, hi vero adolescentum pubertatem XIV. puellarum viri potentiam XII. annis aestimarent: (Plut. *Placit. Philosoph.* V, 24.) eandem sententiam plerique Icti & inprimis Proculeiani, amplectebantur. Sed aliud longe videbatur Cassio Longino, cuius sectarii non annis, sed habitu corporis, aestimandam esse pubertatem arbitrabantur. Denique Priscus Iavolenus, quasi conciliaturus utramque sententiam, eum demum puberem esse dicebat, in quem & numerus annorum, & habitus corporis concurreret. Diserte Vlpian. *Fragm.* XI, 28. *Puberem autem Cassiani quidem eum esse dicunt, qui HABITVS CORPORIS pubes adparet, id est, qui generare potest; Proculeiani autem eum, qui quatuordecim annos explevit. Verum Priscus eum puberem esse, in quem utrumque concurrat, & HABITVS CORPORIS, & numerus annorum.* Eandem controversiam Ictorum, sententiamque Prisci Iavoleni, in animo habuit Servius, qui ad illa Virgilii *Aen.* VII. v. 53. *Iam*

*Iam matura viro, iam plenis nubilis annis, addit: Non est iteratum, sed SECVNDVM IVS dictum, in quo & ANNORVM ratione, & ex HABITV CORPORIS aetas probatur. Idem ad Virgil. Eclog. VIII. v. 34. Bene cum annis iungit HABITVM CORPORIS, nam & IN IVRE pubertas EX VTROQVE colligitur. Ex quibus patet, Servium in Prisci discesse sententiam. Denique Isidorus Orig. XI, 2. Cassianorum sententiam amplexus: Quidam, inquit, ex annis pubertatem aestimant, id est, eum puberem esse, qui quatuordecim annos expleverit: quamvis tardissime pubescat. Certissimum autem, puberem esse, qui EX HABITV CORPORIS pubertatem ostendat, & generare iam possit. In tanta ergo Iureconsultorum incertitudine ex sententia Em. Merillii Obs. V, 16. saepe parentes testamentis solebant definire annum, quo puberes haberi deberent liberi, modo annum decimum quartum, ut L. 49. D. de legat. 1. modo decimum octavum, L. 101. §. 3. D. de cond. & demonstr. modo decimum sextum, L. 34. §. 2. D. de legat. 3. Vnde lux affulget loco Paulli Gal. IV, 2. ubi heres tutoribus subesse dicitur, ἄχρως τῆς προδεσμίας τῆ πατρὸς. Quum vero Iustinianus, aut Tribonianus potius, animadverteret, pubertatem nonnullos HABITV CORPORIS aestimari velle: facile sibi persuasit, etiam usu receptam olim fuisse hanc Cassianorum vel Prisci sententiam, quum tamen multa huius generis disputarint veteres ICTI, quae in forum nunquam admissa constat, quaeque ad ius constituendum magis, quam constitutum, pertinuerunt. Fingamus itaque,*

*Cas.*

Cassianos censuisse, pubertatem aestimandam esse *φυσικῶς*, & inspectione τῶν αἰδολίων, quum tamen *habitus corporis* & alio modo naturalem generandi facultatem prodat: non tamen ullo veterum testimonio constat, id in foro esse frequentatum, vel ullum iudicem unquam fuisse tam Cassii vel Prisci sententiae addictum, usque adolescentem, qui curatorem peteret, vestibus spoliari inspicique nudum iussisset. At credidit id tamen Iustinianus, & hinc rem Constitutione abolevit, quam nemo veterum in foris Romanorum deprehendit. (c)

V. Feminarum tutela perpetua non pubertate, sed aliis quibusdam modis finiebatur, *veluti Conventione in manum*. Quum enim ea, ceu supra diximus, esset capitis deminutio, qua in manum & potestatem mariti redigebantur mulieres: non poterat non tutela finiri, dummodo omnes tutores fierent auctores. Cicero *pro Flacco* XXXIV. Boeth. ad *Topica Cic.* III.

VI. Finiebatur etiam mulierum tutela *iure trium vel quatuor liberorum*, ceu supra LIB. I. TIT. XIII. n. 22. observavimus. Nam constat ex Vlpian. *Fragm.* XXVIII, 3. ingenuis feminis *tribus*; libertabus opus fuisse *quatuor liberis*, si tutela exire vellent.

TIT.

(c) Interim non nego, Graecis eiusmodi inspectionem usitatum fuisse, de qua Schollastes & Florens Christianus ad Aristophan. in *Vesp.* v. 578 nec non Gundlingiana *Part.* XXIV, 2. §. VII. p. 347. seq. Sed nondum demonstratum, de exploratione pubertatis quidquam cautum fuisse in XII. Tabulis, ut verosimile fiat, hunc ritum Athenis Romam migrasse.

(d)

TIT. XXIII.

DE

CVRATORIBVS.

**Q**uemadmodum *tutores* personis; ita CVRATORES rebus dabantur, quorum origo erit ex Antiquitatibus repetenda.

I. Curato-  
res quotu-  
plices?

I. Curatores aut LEGITIMI erant, aut HONORARII. Illi legibus XII. Tabularum; hi edicto Praetoris debebant originem. Vlpian. *Fragm.* XII, 1. *Testamentarii* non erant, quia Lex XII. Tabularum patri familias *de tutela*, non autem *de curatione* legare, vel testamento disponere permiserat.

II. Cura-  
tio furio-  
forum &  
prodigo-  
rum.

II. Ex legibus XII Tabularum (a) curatores accipiebant FVRIOSI & PRODIGI. Quam legem Decemviralem ex Cicer. *Quaest. Tusc.* III, 11. & *de Invent.* II, 59. ita restituit Gothofredus *ad XII. Tab. Tab. V.* SI FVRIOSVS AVT

(a) Verosimile tamen est, cum morem iam ante leges XII. Tabularum Romae viguisse. Moribus sane ista furiosorum prodigorumque curatio tribuitur, L. 1. D. *de curat. furios.* & apud Paull. *Recept. Sent.* III, 4. Quod quum intelligi haut possit de moribus, post ea tempora demum receptis: (Siquidem Vlp. d. L. 1. D. *de cur. furios.* hanc curationem quidem ex XII. Tabulis arcessit, sed initium tamen eiusdem tribuit moribus) procul dubio iam sub Regibus furiosis dati sunt curatores. Est ea sententia Iac. Cuiacii, Iac. Gothofredi, aliorumque virorum doctorum, quam male impugnatur V. C. Iam a Costa *ad* §. 1. *inst. de i. N. G. & C. & §. 3. inst. h. t.* Vid. Schulzing. *ad* Paull. l. c. p. 341.

(\*)

AVT PRODIGVS EXSISTAT, AST EI  
CVSTOS NEC ESCIT, AGNATORVM  
GENTILIVMQVE IN EO PECVNIAVE  
EIVS POTESTAS ESTO. Quamvis adhuc  
quaeri possit, vtrum ex verbis Decemvirorum,  
an ex eorundem interpretatione nata sit Cura-  
tio prodigorum.

III. Quum vero initio & prodigi & furiosi ipso iure agnatorum gentiliumque Curationi subessent: *L. 1. pr. D. de Cur. furios.* prodigi postea tum demum Curatorem accipiebant, si postulantis agnatis (Vid. Valer. Max. VIII, 6) iis a Praetore interposita sententia bonis esset interdictum: *L. 1. D. de Cur. furios. Vlp. Fragm. XII, 2.* Vnde Horatius *Sat. II, 3.*

III. Pro-  
digis Cu-  
rator da-  
tus post  
interdi-  
ctionem  
bonorum.

— — *Interdicto huic omne adimat ius*

*Praetor, & ad sanos abeat tutela propinquos.*  
Ex quo simul patet ratio, cur furor contractus statim ab initio reddiderit irritos, quamvis furiosus agnatorum Curationem nondum subiisset, prodigus vero, priusquam ei esset bonis interdictum, valide contraxerit.

IV. Formulam, qua bonis interdicebat Praetor, servavit nobis Paullus, *Recept. Sent. III, 4. A. 7.* QUANDO TV BONA PATERNA AVITAQVE NEQVITIA TVA DISPERDIS, LIBEROSQVE TVOS AD EGESTATEM PERDVCS: OB EAM REM TIBI EA RE; *b)* COMMERCIOQVE INTER-

IV. For-  
mula in-  
terdicen-  
di bonis.

(b) Legunt nonnulli AERE. Cuiac. *ad Paull. l. c.* Iac. Menard. *ad Cicer. Att. Verrin. V.* sed nihil hic mutandum esse, docent V. A. Cornel. van Bynkersh. *Obs. lib. III, 21.* Schulting. *ad Paull. l. c. p. 342.*

INTERDICO. Quo facto statim agnatorum, aut, hisce deficientibus, gentilium (c) Curationi committebatur prodigus. Exempla sunt apud M. Senec. *Controv. III. praef.* Val. Max. *III, 5. VIII, 6.* Dion. Cass. *LVII. p. 710.*

V Quo-  
modo  
haec Cu-  
ratio fini-  
ta?

V. Ast tum furiosus tum prodigus, recepta mentis vitaeque sanitate, Curatione liberabatur, quamvis & hic prodigo decreto Praetoris esset opus. Paull. *Sent. III, 4. A. 12. p. 343.* Et ibi Schulting. *L. 1. D. de Cur. furios.* Henr. Bern Reinold. *Var. cap. XLI. p. 291.*

VI. Ori-  
go Cura-  
tionis mi-  
norum.

VI. Quum ergo initio furiosis ac prodigis tantum obtruderentur Curatores: factum inde est, ut cum aliquo famae detrimento coniuncta videretur Curatio. Iniquum enim habetur, *ingenuis hominibus non esse liberam rerum suarum alienationem. L. 2. D. si a parente quis manumiss.* Ergo praeter furiosos & prodigos nemo invitus accipiebat Curatorem, & ne minor quidem, quamvis infirmum esset in tam lubrica aetate consilium, cuiusquam curationi suberat, antequam *lex Laetoria* ea in re adolescentibus prospiceret. Quando lata sit ea lex, nondum constat. Antiquissimam esse, vel ex eo patet, quod iam Plautus *Pseudol. I, 3. v. 68.* eius meminit sub nomine legis *quinaevicennariae*. Quum ergo M. Laetorius Plancianus an. V. C. ccccx. c.

Tri-

(c) Qui sint agnati, qui gentiles, infra *Lib. III. Tit. II.* explicabitur. Iam nota originem adagii, quod in homines stultos dicitur; *Ad agnatos & gentiles.* Vid. Varr. *de Re Rust. I, 2.* Columell. *X, 2.* Horat. *Sat. II, 3.*



Tribunus plebis fucrit, & postea anno cccxcvii. Praeturam gesserit: verisimillimum est, hoc anno latam esse legem Lactoriam: Vid. Gundling. *Pand. Lib. IV. Tit. IV. §. V.* Ceterum hac lege cavebatur, ut adolescentibus viginti quinque annis minoribus, petentibus Curatores, caussa cognita, darentur. Iul. Capit. *Vit. Marci Ant. XI.* Deinde & eadem lege vindicabatur circumscriptio adolescentum, rescissis fraudibus versutorum hominum, qui lucrum aliena ex imbecillitate captabant. Cic. *de Offic. III. 15.* Denique & stipulationes ab adolescentibus & actiones creditorum adversus minores hac lege Lactoria sublatae sunt. Vnde Suetonius *in libris Praetorum* apud Priscian. *Lib. XVIII. Lactoria, quae vetat minorem annis XXV. stipulari.* Et apud Plautum *l. c.* Calidorus adolescens:

*Perii, an non tum lex me perdit quina vicennaria?*  
*Metuunt credere omnes.*

VII. Ex eo ergo tempore, quum quibusdam tantum minoribus, petentibus puta ac caussam probantibus, Curatores darentur, adeoque existimatio adolescentum ea Curatorum datione etiam post legem Lactoriam laedi videretur: postea edixit Praetor, se non modo in integrum restitutum minores, (d) *quoties lubri-*

VII. *Edictum Praetoris inducitur.*

- (d) Talis restitutionis si iam mentio fit apud Terent. *Phorm. II. 4.* satis apparet, iam saeculo ab V. C. sexto Praetorem id ius condidisse. Sed vereor, ne ibi Terentius potius de restitutione patris, quo absente filius uxorem duxerat, quam illi, qui se a Phormione

*lubrico aetatis capti essent*: (quod beneficium TVTELA MINORVM dicitur, *L. 1. pr. D. de min.*) sed & Curatores iisdem daturum, dummodo eosa se peterent. *L. 13. §. 2. D. de tut. & curat. dat.* Vnde proprie curatio minorum, sine causae cognitione data, ex edicto Praetoris derivanda est. Idem Praetor etiam Curatores dabat libertinis prodigis, itemque ingenuis, qui ex testamento parentis heredes facti, male dissipabant bona. His enim Curator ex lege dari non poterat, sed iis, qui ab intestato heredes facti essent (e) patri. *Vlpian. Fragm. XII, 3.*

VIII.  
Quid M.  
Antoninus san-  
xerit?

VIII. Demum & M. Antoninus Philosophus statuit, ut omnes minores, salva existimatione, acciperent Curatores, causa non cognita. *Iul. Capitolin. in vita Marci XI. De Curatoribus vero, quum ante non nisi ex lege Laetoria, vel propter lasciviam, vel propter dementiam, darentur, ita statuit, ut omnes adulti Curatores acciperent, causis non redditis.* Iuvabit hunc locum, a plerisque male intellectum, & qui me quoque huc usque decepit, expendere paullo accuratius. Paucissimi enim, si nonnulli, vident, quid sanxerit Mar-

ad id coactum dicebat, loquatur. Verba Comici sunt, v. 10.

*Sic hoc videtur: quod TE ABSENTE hic filius  
Egit, restitui in integrum aequum est & bonum,  
Et id impetrabis.*

- (e) Lex ergo XII. Tabularum de prodigorum Curatione intelligenda tantum de illis prodigis, qui iure civili ab intestato parenti erant heredes. Vid. Iac. Gothofr. *ad XII. Tab. probat. Tab. V. p. 98.*

(e)

Marcus Antoninus, & qua in re eius Constitutio a lege Laetoria discreparit. Lege XII. Tabularum soli furiosi & prodigi accipiebant Curatores. Hinc ignominiosa quodammodo erat Curatio, & proinde non invitis Minoribus Curatores obtrudebat lex Laetoria, sed petentibus eos causa cognita dari iubebat. Quamvis enim vulgo ex loco Iulii Capitolini colligant, lege Laetoria tantum *adolescentibus dementibus & lascivis* datos esse Curatores, uti ipse quoque in antecedentibus editionibus scripseram, facile tamen patet, ita nihil novi sanxisse Legem Laetoriam, quum iam pridem furiosis & prodigis prospectum esset XII. Tabulis, nec dubitari posset, quin adolescentibus lascivis & dementibus huiusmodi Curatores dari deberent, quum & maiores XXV. annis in Curatione sint, si dementes vel lascivi esse viderentur. Itaque non est hic sensus Iulii Capitolini. Potius inter se contendit iura de curatione, ante Antoninum recepta, & quae ab isto Imperatore sint inuenta. *Antea*, inquit, Curatorum non nisi tria genera erant, *quum nonnisi ex lege Laetoria* minoribus petentibus & causam probantibus, *vel secundo, propter lasciviam* prodigis, quibus Praetor bonis interdixit, *vel propter dementiam* furiosis & mente captis Curatores darentur. Quid vero Marcus Antoninus? *Is ita statuit*, ut non solum petentes, sed *omnes adulti Curatores acciperent, etiam non redditis causis*. Ex hac demum paraphrasi perspicue patet, quid Lex Laetoria, quid M. Antoninus Imp. iusserit, quidque sibi velit Iulius Capitolinus.

IX. An ex eo tempore Curatores invitis adolescentibus dati: IX. Nimirum Lex Lactoria dari voluerat Curatores adolescentulis petentibus & causam probantibus: Praetor a se petentibus Curatores promiserat daturum, etiamsi causa non reddita. Marcus denique Antoninus statuit, ut & omnes acciperent, nec causae redderentur. *Atqui*, inquires, adhuc Iustiniani aevo *inviti adolescentes Curatores non accipiebant.* §. 2. *Inst. b. t.* An itaque cum Raevardo *Var. l. 17.* inscitiae arguemus Tribonianum, ius antiquum pro novo & recepto obtrudentem? An cum Vulteo ad *d. §. 2. Inst. b. t.* eum locum de Curatore in litem interpretabimur? Neutrum ego facere ausim. Vtrumque enim verum videtur, non invitos accipere Curatores, & omnes tamen accipere. Prius non solum Iustinianus dicit, sed & alii Icti Antonino iuniores confirmant. *L. 13. §. ult. D. de tut. & cur. dat. L. 2. §. pen. & ult. D. Qui pet. tut.* posterius ex verbis Iulii Capitolini clarum est. Servavit itaque Marcus Antoninus vetus illud principium, Curatorem dari oportere non invitis, sed petentibus: at invenit tamen modum, quo omnes petere cogerentur. Non prius enim rerum suarum administrationem a tutoribus recipiebant adolescentuli, quam petitis constitutisque Curatoribus. Luculenter id patet ex *L. 33. §. 1. D. de admin. & per. tut. L. 28. §. 1. eod. L. 31. eod. L. 1. §. ult. D. de min.* Sunt, qui nobis obvertunt exemplum adolescentum, qui sine Curatorum auxilio res suas dicuntur administrasse. *L. 7. §. 2. D. de min. L. 3. C. de in int. rest.* Verum ea loca non ad ius, sed ad factum, pertinere, nemo non videt. Nana

& impuberes aliquando negligentia eorum, qui tutores petere debuissent, sine custodibus erant, uti ex toto titulo *D. Qui pet. tut. vel cur.* colligimus: nec tamen inde sequitur, ut in arbitrio impuberum fuisse existimemus, sine tutoribus agere mallent, an custodibus subesse. Sed plura hanc in rem habes in *Elem. nostris iur. civ. §. 271. sequ.* & in *Additionibus nostris ad Vinn. §. 2. Inst. h. t. p. 116. sequ.*

X. Finiebatur Curatio minorum anno actatis XXV. circumacto, *L. 3. §. 3. D. de minor.* Quum enim longissimum vitae humanae tempus centum annis circumscriberent Iureconsulti: *L. 76. D. de iudic. L. 56. D. de usufr.* eo in quatuor aetates diviso, iuventuti XXV. annos putabant assignandos, uti acute coniicit Gundlingius *ib. §. IV.* Id quod eadem lege Laetoria factum esse, non modo inde patet, quod *Quinavicennaria* a Plauto dicitur, verum etiam ex *L. 2. C. Theod. de donat.* manifestum est. Nonnunquam tamen iuvenes impetrabant *veniam aetatis*, quod beneficium Principes dabant adolescentibus XX. puellis XVIII. annorum, si frugi esse probarentur, *L. 2. C. de his qui ven. aet.*

XI. Ipse tutor, si valetudine impeditus negotia pupilli, maxime in iudicio, gerere non posset, nec Curatorem, nec procuratorem constituere poterat. Hunc enim solus constituebat dominus. *L. 1. D. de procur.* Quare nova invenienda erant nomina. Rogatu ergo tutoris eiusque periculo Praetor ei substituebat alium, qui, si ad agendum esset datus, ACTOR;

X. Cura  
minorum  
quando  
finita?

XI. Quid  
Actor &  
adiutor?

sin ad alia negotia, ADIVTOR vocabatur. L. 24. D. de administ. tut. & L. 13 §. 1. D. de tutel. Actores, non, ut Theophilus existimat, ideo dicti sunt, quod ad acta constituerentur, sed ab agendo, unde & πραγματοῦται dicuntur Graccis. Translatum vero hoc nomen est ad vicariam tutelam ex institutis veterum domesticis. Domi enim e servis quemquam praeficere solebant rei familiari, qui & ipse ACTOR vel πραγματοῦτης, nec non διπλητῆς πάσης ὕλης vocabatur. L. 8. D. fam. ercisc. L. 40. §. 7. D. de statu lib. L. 41. §. 4. D. de fideicomm. libert. Et talem se esse simulabat Leonidas apud Plaut. *Afin.* II, 4. v. 53.

*Nam si sciet noster senex, fidem huic non esse habitam.*

*Succenseat, cui omnium rerum ipse summam credidit.*

Talis quoque est, quem describit Lucas cap. XII, 44. Add. Raevard. *Var. Lect. V*, 20. & Wower. ad Petron p. 149. qui actores, dispensatores, vel arcarios, accurate distinguit. Sed & in fundos mitti solebant servi, qui ceteris, tanquam vicarii dominorum, imperarent, fundumque domino colerent, & hi ipsi etiam dicti actores. L. 32. D. de pign. Plin. *Epist. III*, 19. Paull. *Rec. Sent. III*, 56. 47. 48. Quemadmodum ergo qui in aedibus vice domini rem familiarem curabat, ACTOR dici consueverat: ita idem nomen convenire eis visum est, qui pro tutore agerent. Vid. Melch. Goldast. *Adnot. ad Dositheii sentent. & Epist. Hadr. III*, 10. p. 868, edit. Cl. Schultingii.

TIT.

3314

## TIT. XXIV.

DE

SATISDATIONE TUTORVM  
VEL CVRATORVM.

**D**E SATISDATIONE Tutorum & Cvratorum iure antiquo nihil fuerat proditum: unde & nullum huius rei vestigium in uniuersa Antiquitate exstat. Quum tamen pupilli magnum inde caperent detrimentum: de satisfactione quoque cavere coeperunt leges, de eaque paucis hic est agendum.

I. Satisfactio haec inventa est a Praetoribus, I. Satisfactio quorum in edicto legebatur: REM PUPILLI VEL ADOLESCENTIS SALVAM FORE, TUTOREM VEL CVRATOREM SATISDARE IVBEBO. arg. rubr. D. rem pupill. salv. fore. L. 5. §. 1. D. de legit. tut. Cavebant vero ex eo tempore non tutores testamentarii, quippe quorum fidem ipse testator probaverat, nisi unus reliquis vellet in administratione praeferrere: pr. Inst. L. 7. D. b. 1. nec ex dativis, qui a Magistratibus maioribus cum inquisitione erant dati, sed partim legitimi, partim e dativis illi, qui a Duumviris, aliisque minoribus potestatibus fuerant dati. L. ult. C. de Magistr. conv. Et huc pertinet formula: TUTOREM DO, SI SATISDEDERIS. Brisson. de Form. V. p. 408.

II. Confirmavit id SC. quodam Traianus, II. Senatus qui & actionem dedit contra Duumviros, si vel tus consultatus fuit, negligens.

P 5

Traiano & Antonino ea de re facta. neglexissent a tutoribus & curatoribus exigere cautionem, vel minus idoneos admisissent fideiussores. Qua de re Diocletianus & Maximianus Augusti *L. 5. C. de Magistr. conv. In Magistratus municipales, tutorum nominatores, si, administrationis finito tempore, non fuerint solvendo, nec ex cautione fideiussionis solidum exigere possit, pupillis quondam in subsidium indemnitas nomine actionem utilem competere, ex SC. quod auctore Divo Traiano, Parente nostro, factum est, constituit.* Eam actionem deinde D. Pius etiam ad ipsos Magistratum heredes extendit, si culpa Magistratum lata intercessisset. *L. 6. D. de Magistr. conven. L. 2. C. eod.*

III. Quo modo satisfactum?

III. Ipsa satisfactio fiebat oblatis fideiussoribus, (nec enim alia poterat esse cautio Praetoria. *L. 7. D. de stipul. Praet.*) a quibus vel ipse pupillus, si fari posset, vel, si non posset, servus sive proprius, sive publicus, vel Tabularius, stipulabatur, REM PUPILLI SALVAM FORE. *Ulpian. L. 2. D. rem. pup. salv. fore: Si pupillus absens sit, vel fari non possit, servus eius stipulabitur: si servum non habeat, emendus ei servus est: sed si non sit, unde ematur, aut non sit expedita emtio: profecto dicemus, servum publicum apud Praetorem stipulari debere.* Solebat & Praetor nunquam dare, cui fideiussores stipularentur. *L. 3. D. eod.* Nimirum servus proprius stipulatione sua domino, id est, pupillo adquirebat. §. 1. *Inst. de stip. serv.* Nec minus publicus servus recte stipulabatur pupillo, quia erat in dominio Reipublicae. Publico vero nomine & alteri stipulari licebat. *L. 3. D. de Praetor. stip. L. 1. §. 4. D:*



*D. ut legator.* Iac. Gothofred. *Comment. ad tit. de Reg. iur.* p. 322. Dicitur eiusmodi stipulatio facta τῷ ταβηλαρίῳ apud Theoph. §. 3. *Inst. de adopt.* Quam loquutionem eleganter explicat Amaya *ad L. 3. C. de Tab. scrib. logograph.* Formula stipulationis procul dubio fuit: FIDE TVA PROMITTIS, REM PVPILLO SALVAM FORE? FIDE MEA PROMITTO.

## TIT. XXV.

DE

EXCVSATIONIBVS TVTORVM  
VEL CVRATORVM.

**T**Vtela iure Romano erat munus publicum. *princ. Inst. h. t.* Quemadmodum vero alia munera, excusationibus prolatis, amoliri a se poterant cives & municipes: ita etiam fuerunt EXCVSATIONES, quibus tutelam & curationem possent recusare. Immo & caussae erant, propter quas arcebantur a tutela etiam illi, qui eam non recusarant, quas ipsas quoque excusationibus tutorum & curatorum accensent ICTi, quibus EXCVSARI dicuntur, etiam qui non admittuntur. *L. 1. D. de postul.* Propria itaque ICTis est haec vocabuli notio, & tam ab usu remota, ut Graeci, quum verba παραιτῆσαι, ἀπολογῆσαι, προφασίζεσθαι illam non exhaustire animadverterent, verbum Latinum *excusare* adoptare non dubitarent. Harmenop. *Enchir. II, §. 6. I, 30. 80.* Add. V. A. Corn. van Bynkersh. *Obs. IV, 11. p. 385. sequ. & Elem. nostra iur. civ. §. 288.* Ex quo simul patet, in  
L. 11;

*L. II. D. de decurion.* non esse quod pro EXCVSARE rescribamus EXCVRIARE cum Cuiac. *Obs. XXVI, 38.* Vnde iam excusationes merito in *voluntarias, necessarias & mixtas* distinguuntur.

I. Excusabat numerus liberorum.

I. Prima causa, eaque voluntaria, est NUMERVS LIBERORVM, quorum *tres* Romae excusant, in Italia *quatuor*, & in Provinciis *quinque*, *pr. Inst. b. t.* Hoc quum ad famosum illud ius trium, quatuor & quinque liberorum pertineat: quale illud fuerit, ex Antiquitatibus Romanis erit paullo altius repetendum.

II. Cur Romani a nuptiis & procreatione liberorum abhorruerint?

II. Plurimi Romanorum, dici non potest, quantum a nuptiis abhorruerint. Causae huius rei variae, amores furtivi, (a) luxuria matronarum, de qua eleganter Plaut. *Mil Glorios. III, 1. v. 92. seq.* & praecipue illa orbitatis praemia, quae toties celebrant veteres. Colebantur eiusmodi *μισογαμία* ab omnibus, viaque ipsis ad honores & commoda patebat, nemine illis negante suffragium, ob hereditatem, quam quisque spe devoraverat. Vnde lepide senex ille

(a) Hanc causam ipse observat Augustus Imp. apud Dion. Cass. VI. p. 576. ubi in vestros in caelibes: *Οὐ γὰρ δὴ δῆπου μοναχίᾳ χαίρετε, ἢ ἀνυγναικῶν διαγὰς. ὡς ἴστω, ὅστις ὑμῶν ἢ σιτιῖται μόνῳ ἢ καθ' ἑαυτοῦ μόνῳ, ἀλλ' ἐλευσίαν καὶ ὑβρίων, καὶ ἀσελγείων ἔχουσιν ἰδίᾳ. Neque adeo vos solitudo vivendi capite, ne absque mulieribus degatis, ac non quilibet vestrum mensae lectique sociam habeat, sed licentiam libidini ac lasciviae vestrae quaeritis.*

(b)

ille Periplectomenes apud Plaut. *Milit. Glorios.*  
*III, l. v. III. sequ.*

*Quando habebo multos cognatos, quid opus  
 mihi sit liberis?*

*Nunc bene vivo ac fortunate, atque ut volo;  
 atque animo ut lubet.*

*Mea bona morte cognatis dicam; inter eos par-  
 tiar.*

*Illi apud me edunt, me curant, visunt, quid  
 agam? ecquid velim?*

*Priusquam lucet, adsunt; rogitant, noctu ut  
 somnum ceperim?*

*Eos pro liberis habeo; quin mihi mittunt mu-  
 nera;*

*Sacrificant: dant inde partem maiorem mihi,  
 quam sibi:*

*Adducunt ad exta: me ad se ad prandium, ad  
 coenam vocant.*

*Ille miserrimum se retur, minimum qui misit  
 mihi.*

*Illi inter se certant donis: ego hoc miffito me-  
 cum:*

*Bona mea inbiant, certatim mittunt dona &  
 munera.*

Sed & de suo tempore conqueritur Plin. *Hist.*  
*Nat. XIV. prooem.*; coepisse orbitatem in auctori-  
 tate summa & potentia esse, captationem in quaestu  
 maximo. Et Seneca *Consolat. ad Marciam. XIX.*  
*In civitate nostra plus gratiae orbitas confert,  
 quam eripit. Adeoque senectutem solitudo, quae  
 solebat destruere, ad potentiam ducit, ut quidam  
 odia filiorum simulent, & liberos eiurent, & orbi-  
 tatem manu faciant. Addi merentur Petron. Sa-  
 tyr.*

*tyr. p. 106.* ubi Romanorum mores sub Crotohiatarum nomine sale Satyrico defricat, ut & Tacitus *Annal. XIII, 52. de Moribus Germ. XX.* Ammian. Marcellin. XIV, 19. Denique & erant, qui Philosophiae causa abstinebant a matrimonio, exemplo veterum, Thaletis, Pythagorae, Democriti, Platonis, Zenonis Cittici, Epicuri. Ita sane & recentiores in orbe Romano Philosophi sibi putabant faciundum, veluti Apollonius Tyanensis, Epictetus, Plotinus, Porphyrius, Proclus. Vid. Philostrat. *Vit. Apollon. I, 10.* Marin. *vit. Procli Cap. XVII. p. 59* & ibi Cl. Fabric. Quae quum ita se haberent, non mirum profecto est, adeo abhorruisse Romanos a nuptiis quaerendisque liberis, ut praemiis essent ad coniugia incunda invitandi. Fusius haec illustravimus in *Comment. ad L. Iul. & Pap. Lib. I. cap. II p. 35. sequ.*

III. Poenae caelibatus & praemia foecunditatis in libera Rep.

III. Equidem iam libera Republica & poenae caelibatus, & foecunditatis praemia fuisse, certissimum est. Legum eiusmodi & a Senatu, & a populo conditarum meminit ipse Augustus oratione ad caelibes apud Dion. Cass. *Hist. LVI. p. 660.* Solebant & Censores dare operam, ne caelibes essent in urbe, atque hinc multam exigere ab iis, qui, nulla ducta uxore, ad senectutem pervenissent. Ea multa dicebatur *aes uxorium.* Festus *voce uxorium. p. 478.* Vxorium *pependisse dicitur, qui, quod uxorem non habuerit, aes populo dedit.* Qua in re rigida inprimis ac severa fuit censura M. Furii Camilli & M. Postumii Albini Regillensis, anno V. C. cccL. de qua Plutarch. *vit. Camilli p. 129.* & Valer. Max. II, 9. 1. Ita &

an-

anno D. CXXII. Q. Caccilius Metellus Macedonicus omnes vxores ducere coegit liberorum quaerendorum causa, & tum habuit orationem, cuius partem servavit Gellius *Noct. Att. I, 6.* quaeque digna visa Augusto, quam in Senatu repeteret, quum suaderet Legem Iuliam de maritandis ordinibus. Suet. *Aug. LXXXIX.* Nonnunquam Censores caelibes etiam in quatuor tribus urbanas, ceteris inhonestiores, maritos & parentes in rusticas, tanquam nobiliores, describebant. Liv. XLV, 15. Nec poenis tantum, sed & praemiis, ea in re utebantur veteres, & imprimis honoribus cives invitabant ad ducendas vxores, ceu patet ex insigni oratione P. Scipionis, Censoris, anno V.C. DLIH. apud Gell. *Noct. Att. V, 19.* ubi etiam ille pravus mos reprehenditur, *quod filius adoptivus patri adoptatori inter PRAEMIA patrum prodesset.*

IV. At paulo post tamen & Iulio Caesari legibus promovenda visa est πολυπαίδία civium. Praemia Iam in Consulatu, quem cum Bibulo gessit, agrum Campanum divisit extra sortem XX. millibus civium, quibus terni pluresve liberi essent. Suet. *Iul. XX.* Appian *de Bello Civil. II. p. 433.* Postea, ubi bellum civile detonuerat, acto censu, tantam deprehendit in vrbe solitudinem, ut, teste Appiano *de Bello Civ. II. p. 492.* dimidio minus capitum censeretur, quam ante bellum civile. Vnde denuo praemia proponenda existimabat iis, quibus plures essent liberi. Dio. *Cass. Hist. XLIII. p. 256.* Suet. *Iul. XLII.* Sed eo paulo post interfecto, non diu admodum Leges istae saluberrimae viguerunt.

V. At

V. Prima  
Augusti  
rogatio de  
poenis  
caelibatus  
& praemiis  
πολυπαι-  
διας.

V. At multo magis haec cura Augusti sub-  
iit animum, qui tamen non nisi post multa mo-  
limina solitudini isti invenit remedium. Pri-  
mum id egit anno V. C. DCCXXXV, quo cen-  
sum cum Agrippa, tanquam Praefectus mo-  
rum, egit. Grut. *Inscript. p. CCXXX*. Nam ex  
eo demum tempore, sexto iusto Consulatu, po-  
tentiae securus, quae Triumviratu iusserat, abo-  
levit, deditque iura, quae pace & principe vte-  
rentur. *Arctiora ex eo vincula, inditi custodes &  
lege Papia Poppaea praemiis inducti*. Tacit. *Annal.*  
III, 28. Ex quibus tamen verbis Lips. *in Excursf.*  
*ad Tac. Ann. Lib. III. litt. C.* male colligit, iam  
sexto illo Consulatu Augustum rogationem ad  
populum tulisse. Incertum enim hoc esse osten-  
dimus in *Comm. ad L. Iul. & Pap. Lib. I. Cap.*  
III. pag. 41. Saltem si quid sexto Consulatu  
egit Augustus, tum quidem nihil profecisse  
videtur.

VI. Lex  
Iulia de  
maritan-  
dis Ordi-  
nibus.

VI. Decennio post A. V. C. DCCXXXVI.  
denuo eandem rem egit, lata celeberrima illa  
lege Iulia de maritandis Ordinibus, qua & innu-  
ptis arctiores poenas statuit, & nuptiis libero-  
rumque procreationi proposuit praemia. Dio  
Cass. *Hist. LIV. p. 608*. Dici non potest, quan-  
tis cum difficultatibus tunc colluctandum esset  
Augusto. Quamvis enim orationem Metelli,  
de qua supra, in Senatu haberet: Suet. *Aug.*  
LXXXIX. *Epit. Liv. LIX*. Magno tamen Pa-  
trum consensu ei occlamatum est, teste Dione  
Cassio, sequutum tamen SC. de ferenda lege,  
de quo Horat. *Epod. XVIII, v. 17*.

*Divia,*

*Diva, producas sobolem, Patrumque  
Prosperes decreta super iugandis  
Feminis, prolisque novae feraci  
Lege marita.*

Sed licet tum Augustus tam certus esset, de successu huius rogationis, ut legis huius in antecessum meminerit in luculenta Inscriptione apud Grut. p. CCCXXVIII, 1. quam nos supplevimus illustravimusque in *Comment. ad L. Iul. & Pap. ibid. p. 43. seq.* Legem tamen perferre ne tum quidem potuit prae tumultu recusantium. Sueton. *Aug.* XXXIV. Eoque respicit Propertius II, 6.

*Gavisa est certe sublatam Cynthia legem,  
Quia quondam edicta, stemus uterque diu,  
Ne nos divideret.*

Repetitis tamen aliquoties rogationibus, ita demum perlata est, ut adempta lenitave parte poenarum, auctisque praemiis, vacatio triennii concederetur. Sueton. *Aug.* XXXIV. Triennio vero illo circumacto, denuo biennii data est vacatio, adeoque lex illa de maritandis Ordinibus demum anno DCCLVII. Sex. Aelio & C. Sentio Saturnino Coss. perlata, annoque DCCLXII per legem Papiam Poppaeam confirmata, vires suas exserere coepit, Dio LVI. p. 661.

VII Nimirum vicebat caelibatus orbitatis. VII. Lex que amor, adeo, ut A. V. C. DCCLX. Equi-Papia  
tes Romani magnopere de abroganda hac lege Poppaea  
laborarent. Tunc quidem Augustus insignes & prae-  
illas habuit orationes, tam ad caelibes quam ad *παιδαγωγ.*  
coniuges, quas servavit Dio Cass. LVI. p. 656.

Q

sequi

*sequ.* Add. Suet. *Aug.* XXXV. At statim anno V. C. DCCLXIII. ferri iussit Legem Papiam Poppaeam, quae in iure nostro etiam lex Iulia & Papia adpellatur, quia in eam Iuliae istae rogationes pleraeque confluerant. Tulerunt hanc legem ad populum M. Papius Mutilus & Q. Poppaeus Secundus, Consules suffecti, (b) quorum neuter vel uxorem habebat, vel liberos, Dio Cass. LVI. p. 662. ex quo, quam fuerit haec lex necessaria, facile intelliges. In ea capita haurit pauca agebant de praemiis πολυπαιδίας. Sic e pluribus candidatis praeferebatur is, qui plures sustulisset liberos, Tacit. *Annal.* XV, 19. Plin. *Epist.* VII, 16. E Consulibus quoque prior sumebat fasces, qui collegam liberorum multitudine anteibat. Gell. *Noct. Att.* II, 15. Latini porro et filium filiamve anniculum anniculamve, Latinae vero ob ternos partus ius Quiritium consequebantur. Vlp. *Fragm.* III, 1. Liberti ob multitudinem liberorum ab operis; ingenuae & libertae a tutela liberabantur. L. 37. D. de oper. libert. Plut. in Numa p. 66. Dio. *Hist.* LVI p. 578.

(b) In plerisque Fastis hoc par Consulum desideratur. Sed rem expediunt fragmenta Capitolina apud Pighium *Annal.* p. XIX. in quibus huius anni Consules ita recensentur: C. POPPAEVS. Q. F. Q. N. SABINVS. Q. SVLPICIVS. Q. F. Q. N. CAMERINVS. EX. K. IVL. M. PAPIVS. M. F. M. N. MVTILVS. Q. POPPAEVS. Q. F. Q. N. SECVNDVS. Exstant quoque utriusque nuni apud Goltzium in *Fast.* p. CCXXIX. *seq.* ubi tamen Poppaeus non *Secundus*, sed SECVNDINVS cognominatur. De gente Papia videndus Patin. de *Famil. Rom.* p. CCCXXIX. & de utraque *Comment. nosse ad L. Iul. & Pap. Lib. I. Cap. IV.*

(c)



§78. *Fragm. Regul. ex vetere ICto §. VI.* Vlp. *Fragm. XXIX, 2. 3.* Iuvabant etiam liberi in hereditatibus & solidi capacitate. Vlp. *Fragm. tit. XV. XVI.* Immo & honoratior in theatro locus dabatur iis, qui plures haberent liberos. Gothofred. *ad Leg. Pap. Popp. cap. VII. sequ. p. 280.* Inprimis vero hac lege fuerat cautum: ut qui secundum hanc legem liberos tres, Romae natos, superstites, qui quatuor in Italia, qui quinque in Provinciis haberet, omnium munerum personali immunitatem haberet. *pr. Instit. b. t. L. 1. Et ult. C. Qui cum. liber: L. 18. D. de excus. tut.*

VIII. Hinc ergo natum famosum illud ius <sup>VIII. Idē</sup> trium, quatuor & quinque liberorum, quod <sup>libero-</sup> tamen & liberis orbi, immo & steriles nonnun- <sup>rum</sup> quam, beneficio Principum, obtinebant. Exem- <sup>trium,</sup> pla sunt apud Plin. *Epist. II, 13. VII, 16. X, 95.* <sup>quatuor,</sup> immo & in Inscriptionibus, veluti in illa apud <sup>quinque,</sup> Grut. *p. cIo. LXXXI.* ubi laudatur STATIA IRENE, IVS LIBERORVM HABENS, & in aliis, in quibus frequentissimae litterae I. L. H. id est, IVS LIBERORVM HABENS. Brummer. *ad Legem Cinc. XIV.* Apud eundem Grut. *p. cccxxii. 8.* mentio fit Albiae Flaminiae, CVI IMP. IVS COMMVNE (c) LIBERORVM CONCESSIT, & *p. DCXXXI, 2.* Persicus libertinus sepulchrum se condidisse testatur C. CORNELIO. PERSICO F. HABENTI EQVVM PVBLICVM, & CORNE-

(c) Legendum forsan IVS COMMVNIVM LIBERORVM, ob quod solidum capiebant inter se coniuges. Vlp. *Fragm. XVI, 1.*

NELIAE ZOZIMAE, MATRI EIUS, HABENTI IVS QVATVOR LIBEROR. BENEFICIO CAESAR. Plura de hoc iure commentatus est M. Vertranius Maurus singulari libro *de trium liberorum iure*, (d) in quo tamen multa potius, quam bona & solida reperies.

IX. Professio liberorum  
apud Praefectum  
aerarii.

IX. Quinam liberi profuerint ad capienda πολυτεχνίας praemia, de eo copiose satis disputant Iureconfulti. Nos addimus, ne fraus legi fieret, cautum fuisse a Marco Antonino Imperatore, (e) ut professio liberorum intra diem tricesimum fieret apud Praefectum aerarii, alterumque exemplum tabularum domi; alterum apud aerarium adservaretur: id quod idem Imperator etiam in Provinciis fieri iussit. Iul. Capitolin. *vit. Marc. Anton. IX.* Et huc pertinet exemplum Gordiani, de quo idem Iul. Capitolin. *Gord. IV.* nec non lepida illa adulteri excusatio apud Iuvenal. *Sat. IX. v. 84. sequ.*

*Tollis*

- (d) Librum hunc frustra a se in Bibliothecis quaesitum, ait Brummer. *ad Leg. Cinc. XIV.* Sed facile eum reperire potuisset in *Traſlatu Traſlatuum Tomo VIII.*  
 (e) Itarem refert Iul. Capitolinus, *Vit. Marc. Ant. Cap. IX.* Sed tamen iam ante ea tempora clarorum virorum ortus in Aſſa publica referebantur, ut ex Sueton. *Tiber. V. & Calig. VIII.* patet. Iuvenal. *Sat. IX. v. 82. sequ.* Fortassis ab omnibus & ob liberales cauſas id fieri iussit Antoninus, quod antea illustriores tantum familiae facere conſueverant. Plura nos in *Comment. ad L. Iul. & Pap. Lib. II. Cap. IX. p. 213.* ubi & de natalis & cenſualis profeſſionis diſcrimine, quarum mentio ſit in *L. 6. C. de ſid. inſtr. & L. ult. C. ſine Cenſu vel reliq.*

(f)

*Tollis enim, & LIBRIS ACTORVM spargere gaudes*

*Argumenta viri: foribus suspende coronas,  
Iam pater es, dedimus, quod famae opponere possis,  
Iura parentis habes, propter me scriberis heres.*

Adde Briffon. *Antiqu. Rom. I, 5. p. 7.*

X. Voluntariis porro excusationibus accensenda II. *Administratio rei fiscalis*. Libera Republica reditus omnes influebant in aerarium. At sub Imperatoribus separatae erant Rationes *fisci* atque *aerarii*, ἡ βασιλικὴ ἢ ἡ ταμίη. Hoc ad populum, ille ad Principem pertinebat. Hinc saepe cum in iure, tum apud auctores iunguntur *iura fisci & populi*. Paull. *Sent. Recept. V, 12. L. 1. D. de bon. damn.* Lamprid. *Alex. Sev. XII.* Hanc differentiam primus Augustus, vel certe Tiberius, reperit. Sane sub Tiberio diversum a fisco fuisse aerarium patet ex Tac. *Ann. VI, 2.* A fisco iterum distincta erat *Ratio Caesaris*, id est, privatum Principis patrimonium, de quo L. 6. §. ult. *D. de iure fisci*. Vnde toties memorantur PROCURATORES HEREDITATIVUM PRIVATI PATRIMONII, & similes apud Fabrett. *Inscr. cap. III* & Phil. a Turre in *Monim. Vet. Ant. Cap. VI*. Vt iam non commemorem, quae ex Gruteri & Reinesii Thesauris eam in rem depromi possent. Ast senescente iam sub Principibus Imperio, nullum erat amplius inter fiscum & aerarium discrimen, nisi quod publica pecunia *Sacrarum largitionum*; privatum Principis patrimonium *privatarum rerum* nomine veniret. Unde tituli *C. de Comit. Sacr. larg. & de Com. rer. privat.* Iam Dioni sane *Lib. LIII. p.*

X. Fisci & aerarii ut & Rationis Caesaris differentia.

§ 11. vix liquet, quid inter Augusti & publicum intersit aerarium, & Glossae recentiores promiscue scribunt: Ταμειον, *fiscus*, *aerarium*. Paucissimi sane Principes Helvium Pertinacem imitabantur, qui Imperatoriis possessionibus nomen suum inscribi prohibebat, non esse illas dictitans Imperantium proprias, sed communes Romanorum & publicas. Herodian. *Hist.* II, 4.

XI. Aerario qui praefuerint?

XI. Aerario initio praecerant Quaestores, quos Tacitus *Annal.* XI, 22. & Ulpianus, *L.* 1. *pr. D. de Off. Quaest.* Gracchani Iunii auctoritate, paene tam antiquos faciunt, quam ipsam urbem. Sed eosdem a Valerio Poplicola demum creatos, scribit Plutarchus *vit. Valer. Popl. p.* 103. Immo Pomponius eos ipsis Tribunis plebis Aedilibusque recentiores facit, *L.* 2. §. 22. *D. de Orig. iur.* Sed quemadmodum de Pomponio hic non multum laboramus: ita Ulpiano facile conciliabis Plutarchum, si Quaestores iam sub Regibus fuisse, Valerium vero illum Magistratum, a Tarquinio Superbo abrogatum, restituisse Reipublicae, dixeris. Quod & Tacitus *l. c.* non obscure indicat, qui simul monet, Consulibus initio mansisse potestatem Quaestores deligendi, donec cum quoque honorem populus mandarit. Initio duo creati, ut rem militarem comitarentur: dein duo additi, qui Romae curarent, mox duplicatus numerus, stipendiaria iam Italia & accedentibus Provinciarum vectigalibus. Post lege Sullae viginti creati, supplendo Senatui, cui ille Dictator iudicia tradiderat. Prolixe haec omnia Tacitus *l. c.* His ergo aerarii potissimum cura demanda-  
ta

ta fuerat a populo. Ascon. Paedian. in *Verrin.* II. p. 1839. Aft A. V. C. l. ccix. aerarii administratio, iubente Caefare, a Quaeftoribus ad Aediles translata. Dio Caff. XLIII. p. 269. Augustus, ubi aerarium militare instituerat, eius curam demandabat viris Praetoriis, quos primum a Senatu lectos, deinde forte ductos, ac deum ab ipso Imperatore nominatos, conftat. Suet. *Aug.* XXXV. Quaeftoribus porro curam aerarii Saturni reddidit Claudius. Suet. *Claud.* XXIV. Denique administratio aerarii iuffu Neronis fuit penes Praefectos aerario, (f) qui tamen etiam de cauffis ficalibus iudicabant. Gell. XIII, 24. Tacit. XIII, 28. Iac. Guther. *de Offic. Dom. Aug.* III, 32. Quum vero ab Augufti temporibus duplex effet aerarium, *Saturni* alterum, ita dictum a templo Opis & Saturni, in quo custodiebatur, alterum *militare*: duo quoque erant Praefecti aerario, vel diverfa fultim officia, uni aliquando personae demandata. Exemplum fuppeditat marmor apud Gruter. p. MXXVIII, 5.

XII. Fisco praeerant Procuratores, Advocati XII. Qui fisco & patrimonio Caefarum?  
 cati, Patroni fisci, quorum paffim in iure nostro mentio fit. Sunt etiam PRAEFECTI FISCO  
 GERM. CAES. IMP. apud Grut. *Inscr. p.* farum?  
 cccxcviii.

(f) Quum vero ex lege Papia in aerarium & paullo post in fiscum etiam influerent vicefimae hereditatum: iis adminiftrandis praefuerunt PROCURATORES XX. HEREDITATIVM & PROMAGISTRI XX. HEREDITATIVM, quorum mentio fit in marmoribus apud Gruter. p. CCCCXXXVII, 7. CCCCXXVI, 5. CCCCLIV, 8.

ccccxcviii, 10. A COMMENTARIIS FISCO ASIATICI, apud Reines. *Inscr.* IX, 33. PROCURATORES FISCO ASIATICI, apud eundem *Class.* IX, 60. Immo creare Nerva coepit *Practorem fiscalem*, qui de rebus fiscali- bus ius diceret. *L. 2. §. 18. D. de Orig. iur.* Patrimonia Principum Procuratores Caesarum administrabant. Denique postremis temporibus fiscum Comes Sacrarum largitionum, patrimonium Principis Comes rerum privatarum administrabat, de quibus videndi Gutherius *de Offic. Dom. Aug.* III, 1. 16. 25. 32. & qui egregia multa hanc in rem collegit Gundlingius *Diff. de Principe herede cap. IV.*

XIII. Rei  
fiscalis ad-  
ministra-  
tio excu-  
sationem  
dedit vo-  
lunta-  
riam.

XIII. Quicumque ergo res fiscales admini-  
strabant, excusari poterant a tutela, non tam  
quia bona eorum fisco obligata erant, ut pleris-  
que videtur: quam quod privilegio se possent  
defendere. Hinc dicitur, *excusari eos posse, §. 1. Insk. b. t. eos vacationem habere, L. 10. C. b. t. pri-  
vilegio defendi, L. ult. C. Qui dari tut. poss.* Vnde  
patet, non necessariam fuisse hanc excusationem,  
sed voluntariam. Thomas. *Not. ad Insk. b. t. p. 110.*

XIV. Po-  
testas,  
quae a tu-  
tela excu-  
sat, quid?

XIV. Eadem de causa excusantur III. *Quae  
eum potestate sunt.* Potestas vero diversimode  
accipitur ab antiquis. Nonnunquam Magistrati-  
bus urbanis opponuntur Potestates in Provin-  
ciis, apud Sueton. *Claud.* XXIII. *Iurisdictionem  
de fideicommissis, quotannis, & tantum in urbe dele-  
gari Magistratibus solitam, in perpetuum; atque  
etiam per Provincias Potestatibus demandavit.*  
Nonnunquam etiam in ipsa urbe a Magistrati-  
bus sciungebantur Potestates. In urbe enim  
erant,

grant, qui ius dicerent, quamvis non essent Magistratus ordinarii, veluti *Praefectus annonae*, *Praefectus vigilum*, quos Magistratus ideo esse negat Pomponius, *L. 2. §. 33 D. de Orig. iur.* etiam hi dicebantur habere potestatem. Porro potestas distinguitur aliquando ab Imperio, adeoque tribuitur iis Magistratibus, qui neque vocationem, neque prehensionem habebant, veluti Quaestoribus. Vid. infra *Lib IV. Tit. VI. §. 5.* Nulla harum significationum hic invenit locum. Cum potestate enim hic esse dicuntur, quicumque sunt cum Imperio, id est, Magistratus maiores, vel maioribus auspiciis & lege curiata creati. Gell. *Noct. Att. XIII, 14. L. 1. pr. D. Si quis ius dicenti non obtemp.* Huber. *Praelect. ad Instit. I, 28. 4.* Unde ne Aedilitas quidem excusabat, *L. 17. §. 4. D. b. t.* Nam Aediles nec coercere poterant, nec iubere in carcerem duci, nec prehensionem habebant, sed ipsi in ius vocabantur. Gell. *Noct. Att. XIII, 15.* Postremo tamen participes huius beneficii facti sunt Senatores, *L. 15. §. 3. b. t.* immo & ἀρχοὶ καὶ πρύτανη, id est, Duumviri. *L. 6. §. 16. b. t.*

XV. De (V.) paupertate, (VI.) trium telarum onere, ut & (VII.) imperitia litterarum nihil est, quod ex Antiquitate monendum sit. Ast quum (VIII.) & professio liberalium artium excusarit: huius quae fuerit Romae conditio, ostendendum erit paullo accuratius.

XVI. Grammatici, quos initio LITTERATOS, vel LITTERATORES adpellabant, (g) serius Romae docuerunt. Ludimagistris, qui primis litterarum elementis imbu-

xv. De aliis excusandi causis.

xvi. Professio artis Grammaticae.

bant pueros, semper quidem procul dubio usi sunt Romani: sed ab his diversi Grammatici erant, id est, poetarum interpretes, Suet. *l. c.* Vnde & in iure nostro a ludi litterarii Magistris discernuntur. *L. 1. pr. §. 6. D. de extraord. cognit.* Grammaticam olim Romae ne in usu quidem, nedum in honore fuisse, rudi scilicet ac bellicosa tum civitate, docet Sueton. *de illustr. Gramm. I.* ex quo etiam discimus, mediocre eius exstitisse initium, profitentibus eam artem non nisi semigraecis, immo & libertinae conditionis hominibus. Sane L. TITINIVS L. L. AMAZON GRAMMATICVS memoratur apud Reines. *Inscr. Class. I.* 228. p. 216. M. POMPILIUS M. L. FORTVNATVS GRAMM. apud Grut. *Inscr. p. MXXXV.* 6. ut alia iam exempla praetermittam, quae & ipse Suetonius suggerit. Primus hoc studium in urbem intulerat Crates Malleotes, qui missus ad Senatum ab Attalo Rege, inter secundum & tertium bellum Punicum, quin fracto crure decumberet, assidue differendo, Romana ingenia excitavit. Sequuti eum sunt alii, praecipue post Q. Metelli tempora, post quae adeo sensim crevit Grammatices honor, ut ne clarissimi quidem viri ab ea se abstinerent, & aliquando super viginti celebres scholae in urbe florent. Suet. *de illustr. Gramm. III.* Sed plerique docebant privatim, aut certe magno virorum illustrium aere conducti. Primus centena in annum sc-

(g) Teste Sueton. *de illustr. Gramm. IV.* ubi erudita sunt, quae adnotavit If. Casaub. p. m. 732.

(\*)



sestertia accepit Verrius Flaccus sub Augusto & Tiberio. Suet. *de illustr. Gramm.* XVII. Postea sensim invaluit, ut & Grammatici publicis invitati stipendiis docerent. Acl. Spartian. *Vit. Hadr.* XVII. adeo ut stipendium eorum ordinarium temporibus Luciani essent *μύριας δραχμαί*, id est, sestertia quadraginta, aurei quadringenti, vel mille coronati monetae nostrae Belgicae. Vid. Gronov. *de Pecun. vet.* LIV. cap. XI. p. 729. Immo & annona iis quotannis coepit distribui, quam aliquoties iis deminutam restitutamque esse, patet ex Symmach. *Epist.* I, 33. Cassiodor. *Epist.* IX, 21. ut & L. II. C. *Theod. de Medic. & Professor. Lib. XIII. Tit. III.*

XVII. Serius multo, immo & difficilior XVII. Romae recepti sunt Rhetores, quippe quos an- Professio  
no V. C. IXXII. C. Fannio Strabone & M. Valerio Messala Coss. SC. deinde anno V. C. IXXII. C. Domitio Ahenobarbo & L. Licinio Crasso censorio edicto urbe expulsos constat. Rhetori-  
ces.  
Suet. *de clar. Rhet.* I. Postea & Rhetoricam privatim docere coeperunt plures, quorum aliquot recenset Sueton. *de clar. Rhet.* III. seq. Primus, ut diserte notat Euseb. *in Chron. n.* MMCIV; publice Romae docuit, salariumque e fisco accepit Quinctilianus, idque sub Domitiano. At iam Vespasianum Latinis Graecisque Rhetoribus annua centena, id est, aureos mille, e fisco constituisse, tradit Sueton. *Vesp.* XVIII. Posteriores Imperatores ea in re modo liberaliores, modo tenaciores fuerunt. Sub Marco enim Rhetorum stipendium fuere drachmarum decem millia, Lucian. *Eunuch.* id est, aurei cccxxxiii. &

& regales IV. ceuraciones init Theod. Marcil. ad Suet. *Vesp. cap.* 18. vel cccc. uti Gronovius. Tatianus, qui sub Commodio floruit, sexcentos aureos Philosophis scribit datos, ex quo & salaria Rhetorum sexcentorum aureorum fuisse videntur. Theod. Marcil. ad Sueton. *Vesp. l. c.* Immo Eumenius Rhetor liberalitate Principis salarium sexcentorum millium nummum sese accipere gloriatur, in *Orat. pro restaur. schol.* XI. qui ex Gronovii calculo conficiunt XLV. millia florenorum Hollandicorum.

XVIII.  
Professio  
Philoso-  
phiae.

XVIII. Eadem paene Romae Philosophorum fata fuerunt. Ii quoque cum Rhetoribus pulsi A. V. C. DXCII. Idem saepius factum, cum antea, tempore Catonis, tum etiam sub Domitiano, Suet. *Domit. cap.* X. sub quo Epictetus quoque Roma excedere iussus est. Interea tamen semper privatim floruit Philosophiae studium. Primus Philosophis stipendia & honores concessit Antoninus Pius. Iul. Capitolin. *Vit. Anton.* XI. ut & post eum D. Marcus, qui uti ipse serio philosophabatur, ita omnis generis doctoribus annuam mercedem constituebat. Xiphilin. LXXI. p. 814. Hoc quoque salarium annuum ordinarie DC. aureorum fuisse, ex Tatiano colligimus cum Casaub. *Not. ad Sueton. Vesp. cap.* 18. At nonnullis tamen minus datum est. Luciani enim tempore singula Philosophorum genera acceperunt decem millia drachmarum, id est, cccc. aureos. Lucian. *Eunuch. p.* 161. *Tomo IV.* Tantundem datum fuit Theodoro Sophistae apud Philostr. *Vit. Sophist.* 11.

XIX.

XIX. Medicina Romae sero coli, & in aliquo pretio haberi coepit. Servos solos ac liberos artem hanc fecisse negat quidem Carolus Sponius XIX. Pro-  
fessio Me-  
dicinae.  
*dans les Recherches d'Antiquite, Dissert. XXVII.* sed cum artis suae amore falli, satis patet ex Sueton. *Calig. VIII. Quinctil. Inst. VII, 2. Senec. de Benef. III, 24. Varr. de Re Rust. I, 16.* Ipsi lapides nobis plura exempla servant. Apud Reinesium *Inscr. Class. XI, 8.* est Q. CLODIVS, Q. L. NIGER, MEDICVS OCVLARIS. Apud Grut. *p. MCXI, 6. Fabrett. Inscr. cap. IV. p. 300. Spon. Misc. Erud. Ant. p. 143. & Malvas. Marm. Felsin. p. 219.* TIBERIVS ILLVSTRIVS, TI. CAES. AVG. SER. CELADIANVS, MEDICVS OCVLARIVS. Alia marmora, quae Gruterianus Index, in titulo: *Officia Domus Augustae & privatae*: facile unicuique suggeret, hic praetermittimus. Immo & servas & libertas fecisse Medicinam, patet ex marmoribus apud Gruter. *Inscr. p. DCXXXVI.* ubi occurrit IVLIA, Q. L. SABINA, MEDICA, MINVCIA. C. L. ASTE, MEDICA, SENTIA ELIS, MEDICA. Tales etiam erant obstetrices, quae medicamenta dare solebant, *L. 9. pr. D. ad L. Aquil. veluti SVAVITAS L. AGREPINAЕ, OBSTETRIX,* apud Grut. *Inscr. p. DCXXXVI, 4.* Ceterum primus Medicos civitate donavit Iulius Caesar; Suet. *Iul. XLII.* Augustus vero, Antonii Musae, liberti, opera e gravi ac periculoso morbo restitutus, Musae ius aureorum annulorum, universo Medicorum Ordini immunitatem dedit. Dio Cass. *LIII. p. 592.* Hinc multis Vespasiani, Hadriani  
alioꝝ

aliorumque rescriptis confirmatum est illud privilegium, *L. ult. §. 30. D. de Mun. & bon.* Postea quum nimis multi Medicinam professi immunitate fruerentur, certum definiri numerum placuit. *L. 6. §. 2. D. de excusat.* Alexander porro Medicis annonam addidit. Lamprid. *Alex. XLII.* Posteriores vero Imperatores eorum immunitatem auxerunt, ac confirmarunt plurimis Constitutionibus, quae etiamnum exstant in *C. Theod. tit. de Medic. & Profess.* Brissou. *Ant. Sel. II, 3.* qui etiam sequente capite ostendit, *ἑμπύρις* simul fuisse plerosque medicos. Hinc & *vulnerarii*, vel *vulnerum medici* vocantur. Plin. *Hist. Nat. XXIX, 1.* nec non *Medici chirurgi* in *Mar-*more hoc apud Manut. *Orthogr. p. 243.*

CARESTE. CONSERVAE. ET. CON-  
IVGI.

GEDALIVS. ANTINOVS. DRVSI.  
MEDICVS CHIRVRG.

BENE. MERENTI. FECIT. EA. VI-  
XIT. AN. XVII.

Apud Grut. *Inscr. p. CCCC, 7.* laudatur MEDICVS CLINICVS. CHIRVRGVVS. OCULARIVS. Celebres etiam fuere *Iatraliptae*, seu Medici unguentarii, de quibus Plin. *Hist. Nat. XXIX, 1.*

XX. Pro- XX. Iurisprudentiae studium Romae semper  
fessio Iu- floruit. Primus tamen illud professus est Tibe-  
rispru- rius Coruncanus. *L. 2. §. 2. D. de O. I.* Quem  
dentiae. deinde alii sequuti sunt, qui vero, ut Cicero ait  
in *Bruto* *XLI.* nullum sibi ad eam rem tempus ipse  
seponebant, sed eodem tempore & discantibus satis-  
faciebant, & consulentibus. Sic verbi gratia Q.  
Scac-

Scaevola, quanquam nemini se ad docendum dabat, tamen consulentibus respondendo, studiosos audiendi docebat. Cic. *Brut.* LXXXIX. Vid. supra *Prooem.* n. 42. 43. Neque tamen certi quidam atque ordinarii erant iuris Professores, sed, ut quisque studiorum suorum habebat fiduciam, ita consulentibus aequae ac discipulis se videtur dedisse. Postremo & Iureconsulti publice, certo stipendio conducti, Romae docere coeperunt, eaque schola Iuridica Romana in Occidente unica tam frequens fuit, ut ex omni Occidente eo iuvenes confluerent. Sic Rutil. Numant. in *Itinerar. Lib. I. v. 109.*

*Facundus iuvenis, Gallorum nuper ab arvis*

*Missus, Romani discere iura fori.*

Constantius in *vita S. Germani Cap. III. Ut in eum profectio litterarum plena consueret: post auditoria Gallicana intra urbem Romam IVRIS scientiam plenitudini perfectionis adiecit.* Plura de hac schola Romana Iuridica dabunt Io. Savoro ad Sidon. Apollin. *Epist. I, 6.* ubi Sidonius Romam *domicilium legum* vocat, Franc. Iuret. ad Symmach. *Epist. IX, 83.* & Dadin. *Alteserra Rer. Aquit. III, 5.*

XXI. Florentissima ergo Romae fuit schola, in auditorio Capitolino, in qua Theodosii & Valentiniani aevo docuerant Rhetores Latini tres, Grammatici Latini decem, Sophistae Graeci quinque, Grammatici Graeci decem, Philosophus unus, iurium Professores duo. XXII. Conring. *Antiq. Acad. Dissert. I. p. 22.*

XXII. In Provinciis quoque floruerunt scholae, Augustoduni, Burdegali, Tholosae, Nar-

Qualis fuerit Romae schola publica?

Quales scholae per Provincias?

Narbonae, Mediolani, Carthagine, & in ple-  
 risque civitatibus honoratioribus, in quibus ta-  
 men non nisi Rhetores & Grammatici utriusque  
 linguae docuisse videntur. Conring. *l. c. pag. 16.*  
*sequ.* In Oriente alia quodammodo fuit schola-  
 rum conditio. Alexandriae enim iam inde ab  
 Antoninorum aetate floruit schola *ιατροσοφιστῶν*,  
 id est, Medicorum, tantae celebritatis, ut ad  
 commendationem Medici illud satis esse vide-  
 retur, si fuisset Alexandriae aliquamdiu com-  
 moratus. Ammian. Marcellin. *Hist. XXII, 43.*  
 Conring. *Medicin. Hermet. IX.* Beryti vero &  
 Constantinopoli etiam Ius Civile traditum. Et  
 Beryti quidem iam saeculo tertio exeunte stu-  
 dia Iuridica floruerunt, *L. 1. C. Qui aetat. vel*  
*Profess. se excus.* eandemque scholam eodem tem-  
 pore, observante Menagio *Amoenit. iur. XXIV.*  
 magnopere celebravit Gregor. Thaumaturg.  
*Paneg. Origen. p. 57.* Tanta sane huius scholae  
 fuit celebritas, ut eam *μητέρα τῶν νόμων*, matrem le-  
 gum, adpellare non dubitet Eunap. *vit. Proaeres.*  
*p. 150. τὸ ἐδ & χάριτων*, *Gratiarum sedem*, Ioannes  
 in *Anthol. Lib. 1. cap. 68. epigr. 29. πόλιν Ῥωμαϊ-*  
*κωτέαν ἢ τῶν νόμων τῶν παιδευτήριον*, civitatem  
 plane Romanam, & legum Romanarum Gymna-  
 sium, Gregorius Thaumaturg. *l. c. δικῆς πίδον ἄσυ-*  
*θεμίαν*, iuris domicilium & urbem Iureconsul-  
 torum. Non. in *Dionysiac. Lib. XLII. Legum*  
 denique *nutricem*, Iustinianus *Constit. omnem §.*  
*7. ad Antecess.* Beryto evocari consuevisse iuris  
 peritos, qui adfiderent Magistratibus, ut sine fa-  
 vore & odio cognoscerent, ex vetere chorogra-  
 pho observat Iac. Gothofred. ad *L. 1. C. Theod.*

*de Adseff. domest.* Docebant ibi Antecessores quatuor, ceu ex *d. Const. omnem*; ad Antecessores colligit Menag. *Amoen. Iur. Cap. XXIV. p. 134.* Sed urbs, quae in iure nostro *pulcherrima & splendidissima*, imtio *Metropolis* vocatur, paullo post Iustiniani tempora terrae motu eversa est, Agath. II. p. 285. Quam ruinam Epigrammate non uno defleci videas in *Anthol. I. 68. Epigr. 19. & sequ.* Constantinopoli iuris Professores duos reliquis addidit Theodosius, Philosophiae vero doctorem adiecit Iustinianus, ut adeo schola Constantinopolitana Romanae illi per omnia fuerit similis. Conring. *Antiq. Acad. Diff. I. p. 21. sequ.* Alibi, quam Romae, Constantinopoli & Beryti, ius Romanum doceri, & maxime Alexandrinos & Caesarienses Antecessores iuris habere, vetuerat Iustinianus, *Const. Omnem. §. 7. ad Antecessores.*

XXIII. Omnes ergo Grammatici, Rhetores & Medici Romae docentes, aut in patria XXIII.  
 has artes exercentes, qui intra numerum erant, Immunitas a tutelis Profes-  
 a tutela & cura habebant vacationem. *§. 15. soribus concessa.*  
*Inst. b. t. L. 6. §. 1. D. b. t. & tit. C. de Profess. & Medic.* Iisdem & Philosophi accensentur. *L. 6. §. 5. D. b. t.* nec non Iureconsulti Romae docentes, *L. 6. §. 12. D. eod.* immo omnes ubique artium Professores. *L. 6. C. de Profess. & Med.* Minus vero eo privilegio gaudebant Hydraulae, Poetae, alique, quibus nullis in scholis publicis erat locus. *Vinn. Comm. ad §. 16. Inst. b. t. p. 139.*

R

TIT;

## TIT. XXVI.

D E

SVSPECTIS TVTORIBVS, VEL  
CVRATORIBVS.

**N**on solum excusari, sed & removeri a tutela & curatione nonnulli poterant, si vel dolose vel segniter pupillorum minorumque res administrare & curare dicerentur, vel ulla malae fidei in eos caderet suspicio. Tales dicebantur SVSPECTI, & de his ad hunc titulum agendum.

I. Suspecti crimen ex lege XII. Tabularum descendere, ipse agnoscit Imperator, *princ. Inst. h. t.* ut & Ulpianus *L. 1. §. 2. D. de susp. tut.* nec obscure id testatur Cic. *de Offic. III, 15*. In iis Tabulis cautum fuerat: SI TVTOR DOLO

MALO GERIT, VITVPERATO, QVANDOQVE FINITA TVTELA ESCIT, FVRTVM DVPLIONE LVITO. Gothofr. *Leg. XII. Tab. VII*. Quamvis vero *suspecti* vocabulum in hac lege, si ita concepta fuit, non occurrat: praecipue tamen veteribus *suspicio* esse dicebatur, ubi dolus malus videbatur metuendus. Hinc Terentius *Eunuch. III, 3*.

— — *Iam tum erat suspicio,  
Dolo malo haec fieri omnia.*

Quum ergo de eo tutore in lege ageretur, qui minus ex fide tutelam gereret: Iureconsulti cum vocarunt SVSPECTVM, quemadmodum



dum & actionem ipsam *crimen suspecti* (a) adpellabant. *princ. Inst. b. t.* Quamvis autem ex XII. Tabulis sit hoc crimen: Decemviri tamen illud, sicut & alia iura, ab Atheniensibus acceperant, apud quos nota erat ἡ τὸ Πιττοπῆς γεαφῆ, quam cuivis instituere licebat adversus tutorem, qui pupillum ulla adfecerat iniuria. Iul. Pollux *Lib. VIII. cap. VI. Segm. 35.*

II. Suspecti postulari poterant omnes tuto-  
res, five dati ex lege Atilia, five testamentarii, five legitimi. *L. 1. §. 5. D. b. t.* Immo & patri hi huic iudicio eatenus erant obnoxii, ut eorum famae parceretur, *L. 1. §. 5. D. §. 2. Inst. b. t.* *L. 9. D. de obseq. par. & patr.* id quod etiam in agnatis observari, ipsius pupilli videbatur interesse: unde & his potius curator adiungi solebat. *L. 9. D. b. t.* Praeterea & omnes postulare suspectos poterant promiscue, unde & *quasi publica* erat haec accusatio. §. 3. *Inst. b. t. L. 1. §. 6. D. b. t.* Quamvis enim vere publicum non esset hoc iudicium, quum causa ne quidem criminalis haberetur, & hinc apud Magistratus, qui iurisdictione tantum gaudebant, e. g. apud Praetorem, institueretur: in multis tamen imitabatur iudicia publica. Praeterquam enim quod cuivis e populo accusandi ius esset, vocabula etiam eiusmodi adhibebantur, quorum alias in publicis tantum iudiciis erat usus, ut puta, *crimen*, *accusatio*, quae omnia κατ' ἀναλογίαν in hac causa usurpantur. Hub. *Praelect. ad Inst. I, 26.*

R 2

III d

(a) Crimen hic est idem ac accusatio, quare & Theophilus κατηγορίας vertit. Vid. Brissou. *de Verb. sign. voce crimen.* p. 153.

(a)

III. Suspectis interdicebatur administratione. Eorumdem remotio & infamia.

III. Suspectis hac actione factis, primo omnium administratione tutelae interdicebatur, & interim dabatur Curator. *L. 7. C. b. t.* Deinde si eos vel dolo malo, vel culpa sua, parum diligenter tutelam gessisse, adpareret, removebantur; ab eaque interdictione & poena nec promissa satisfactio liberabat. §. 12. *Inst. b. t.* Praeterea & infamis erat tutor, quotiescunque doli culpaeve latae fuerat convictus. §. 6. *ead.* Comune id hoc iudicium habet cum omnibus reliquis, quae occasione tutelae oriuntur, veluti actionibus tutelae, & de distrabendis rationibus. Hinc turpe tutelae iudicium memorat Cicero de Orat. I, 26 & pro A. Caecina III. Idem pro Q. Roscio Comoedo VI. Si qua sunt privata iudicia summae estimationis, & paene dicam capitis, tria haec sunt, fiduciae, tutelae, societatis. Aequae enim perfidiosum & nefarium est, fidem frangere, quae continet vitam, & pupillum fraudare, qui in tutelam pervenit; & socium fallere, qui se in negotio coniunxit.

IV Poena tutorum quorumdam extraordinaria.

IV. Nonnumquam etiam, si dolum insignem aliaque delicta intervenisse adpareret, tutores tam nefarii ad Praefectos urbi remittebantur: extra ordinem puniendi: §. 10. *Inst. b. t.* maxime si libertus tutor filios vel nepotes patroni fraudasset. §. 11. *ead.* Quum enim merum in urbe Imperium non esset penes Praetores, sed penes Praefectum urbi, cuius iam pridem erat, animadvertere in crimina, quae intra urbem, vel centesimum milliare extra eam, committerentur: Tacit. *Annal. VI, 11.* Dio Cass. *LII. p. 547.* Suet. *Aug. XXXVII. L. 1. princ.* §. 3.

§. 3. 4. 10. *D. de Offic. Praef. urb.* oportebat omnino, Praetorem reos, animadversione vel supplicio dignos, ad Praefectum urbi mittere. Qua remissione opus non erat in Provinciis, ubi Procons. & Praefides & iurisdictione & Imperio mero gaudebant. Insigne huius severitatis exemplum statuit Galba, qui tutorem, quod pupillum, cui substitutus erat, necasset, in crucem sustulit, & quum se civem esse clamaret, ei crucem dealbatam & ceteris altiore statu iussit. Sueton. *Galb. IX.*

V. Ceterum ab hoc iudicio diversa erat *V. Actio de distrahendis rationibus*, quae finita de-  
 mum tutela contra tutorem, qui furtim aliquid subtraxerat, dabatur in duplum, *L. 55. §. 1. D. de adm. & peric. tut.* quo pertinent ultima legis XII. Tabularum verba: QVANDOQUE FINITA TUTELA ESCIT, FURTVM DVPLIONE LVITO. Sed de ea actione satis multa notant Doctores, nihil ut addendum iam videatur.



R 3

A P:

## APPENDIX

## LIBRI I.

## DE

IVRE ANTIQVO CIVIVM RO-  
MANORVM, LATINORVM, ITALIAE,  
PROVINCIA RV M, NEC NON CON-  
DIT IONE PEREGRINORVM.

**L**iber Institutionum primus totus agit de divisionibus personarum ratione status. Quum vero personarum status maxime triplex in iure Romano traderetur, *libertatis* puta, *civitatis* & *familiae*: Tribonianus non nisi eas attulit divisiones personarum, quae ad libertatis familiaeque statum pertinere videbantur. De civitatis statu nihil differuit, forsitan, quod ea, quae huc pertinent, iura tantum non omnia everterat Antonini Caracallae Constitutio, de iure civitatis cum omnibus Orbis Romani incolis communicando. *L. 17. D. de statu hom.* Ast quamvis excusari mereatur Tribonianus: nos tamen forsitan non aeque videremur excusandi, si tam praeclaram Antiquitatum Romanarum partem, quae tot iuris nostri veterumque auctorum locis tam egregiam lucem accendit, intactam plane praetermitteremus. Iuvabit itaque, post Car. Sigonii, Ez. Spanhemii, aliorumque luculentissimas commentationes<sup>(a)</sup>,  
ca

(a) Haut pauci de hac re egregios ediderunt Commen-  
ta-

ea de iure civium Romanorum, Latinorum, Italicorum, Provincialium, deque statu & conditione peregrinorum hic coniunctim exhibere, quae ad illustrandum ius Romanum quam maxime facere videbuntur.

I. Ex quo Roma initio per Latium, tum per Italiam, ac denique per universum paene terrarum orbem arma victricia circumtulit: quadripartita esse coepit hominum, huic Imperio subiectorum, differentia. Alio enim iure CIVES, alio LATINI, alio ITALICI, alio denique PROVINCIALES utebantur. Priores tres gradus coniungit Claudius Imp. apud Tacit. *Annal. XI, 24. Omnia P. C. quae nunc vetustissima creduntur, nova fuere, plebei Magistratus post Patricios; LATINI post plebeios, ceterarum ITALIAE gentium post Latinos.* Habes hic CIVES, LATINOS, ITALICOS, ita coniunctos, ut intelligas, *civitatem iure Latii, hoc iure Italico praestitisse.* Omnium postremae conditionis erant PROVINCIALES, quos ideo Italicis postponit Suet. *Vespas. IX. Ordines exhaustos supplevit, honestissimo quoque ITALICORVM ac PROVINCIALIVM adlecto.*

II. Quicumque civitatis iure non fruebantur, ii veteribus *hostes*, & paullo post, inflexa in dextrius

I. In Romano Imperio alii erant cives, alii Latini, alii Italici, alii Provinciales.

II. Peregrini qui fuerint?

tarios. Caroli Sigonii & Ez. Spanhemii aeterna atque excellentissima opera nemini ignota sunt. His addendi Alex. ab Alex. *Genial. Dier. IV, 10.* Onuphr. Panvin. *de Imp. Rom. V.* Selden. *de Synedr. II, p. 62.* Henr. Dodwell. *Prælect. Cambden. p. 194.* Petr. Ios. Cantelius *de Rep. Rom. p. 108.*

terius huius vocabuli significatione peregrini vocabantur. Cic. *de Offic. I*, 12. Festus *voce hostis*. p. 297.

## CAP. I.

## DE IVRE QVIRITIVM ET CIVITATIS.

III. Olim omnes, qui Romam commigrarunt, promiscue cives facti.

III. Ac primo quidem, quum nova urbs non admodum adfluere civibus: promiscue iura civitatis impetrabant, quicumque, vel in urbe, vel in agro Romano Lares figere constituerant. Liv. *I*, 8. Immo tantum erat Romuli studium amplificandi civitatem, ut & hostes devictos plerumque in urbem transferret, agroque assignato, in curias adscriberet. Hunc in modum civitatis iura communicavit cum Caeninensibus, Camerinis, Antemnatis, Crustuminiis, ac postremo etiam cum Sabinis. Dionys. Halic. *Antiquit. Rom II*. p. 103. & III. Liv. *I*, 13. Vnde Claudius apud Tacit. *Annal. XI*, 24. *At conditor noster, Romulus, tantum sapientia valuit, ut plerosque populos eadem die hostes, dein cives habuerit.* Sequuti sunt hoc exemplum ceteri Reges, qui Albanos, aliosque populos devictos Romam transtulerunt, ac civitatis fecerunt participes. Liv. *I*, 29. 33. Quia de re Cicero *pro Cornel. Balbo XXXI*. *Illud vero sine omni dubitatione maxime nostrum fundavit Imperium, & Populi Romani nomen auxit, quod Princeps ille creator huius urbis, Romulus, foedere Sabino docuit, etiam hostibus recipiendis augeri civitatem oportere.* Sic initio, ut recte observat Dionysius *IV*. p. 256.

ἡ παρὰ τοῖς ξένοις ἐπιτρέψαν τὴν πόλιν μετέχον, *quoslibet* *exteros* *admittebant* *ad* *ius* *civitatis*, ne iis quidem exclusis, qui e iustā servitute fuerant manumissi. Hos enim omnes e Servij Tulli instituto cives Romanos factos, & in quatuor urbanas civium Romanorum tribus descriptos esse, ex eodem adparet Dionysio. Non segnius aliquamdiu, libera iam Republica, providerunt Romani, ut civitatis iura cum quamplurimis communicarentur, maxime post captam & incensam a Gallis urbem, quam ut tanto splendidius instaurarent, novos & peregrinos cives adsciverunt ex Veientibus, Capenatibus & Faliscis, iisque agri partem assignarunt, teste Livio VI, 4. Et sane prudenter id provisum est a Romanis. Quum enim Romanae Reipublicae salus in armorum vj posita videretur, quae nulla esse poterat sine numerosa civium multitudine, merito de augendo civium numero quam maxime fuere solliciti, ut luculenter ostendit Dionys. Halicarnass. II. p. 89. & III. p. 148.

IV. Postea factum est, ut praeter eos, qui IV. Postea domicilium in urbe vel agro Romano constituerant, quive in urbanas vel rusticas tribus fuerant descripti, etiam peregrinis aliorum oppidorum, & qui in iis remanebant, incolis, aut victis etiam, nec tamen in urbem abductis hostibus, modo singulis, modo universis ius Romanae civitatis Senatus Populique iudicio atque auctoritate deferretur. Sic Dionysius Halic. II. pag. 89 observat, Romanos captas urbes non excidisse, sed in alias misisse colonos, *ἐνίοις δὲ καὶ πολιτείαν μεταδίδοναι*, aliis civi-

*tatem dedisse.* Quo pertinent etiam illa Livii *XXVI*, 24. *Iam inde a maioribus traditum morem colendi socios, ex quibus alios in civitatem atque aequum secum ius acceperant.* Quicunque ergo adepti Romanae civitatis iura in oppidis suis manebant, ii *MVNICIPES* dicebantur. Simul ac vero Romae fortunarum suarum sedem collocabant: *CIVES INGENVI* erant, ceu eos vocat Cicero in *Bruto Cap. LXXV*. Sic M. Porcius Cato, quamdiu Tusculi est commoratus, municeps fuit: ubi Romam commigravit, civis Romanus, quamvis iam ante iure civitatis Romanae etiam in municipio suo frueretur. Sigon. *de antiquo Iure Civ. Rom. I*, 1. p. 16. Ex quo patet, alios fuisse *cives ingenuos*, vel optimo iure cives, alios *municipes*. Illi Romae domicilium, tribum & honorum petitionem fuerant consequuti: hi, tametsi tribum atque honorum petitionem adepti essent, tamen domicilio carebant.

Vnde alii  
cives ingenui, alii  
municipes.

V. Municipum duplex erat patria, sed Roma tamen patria maior.

V. Illi, (tametsi alias civis Romanus plurimum civitatum civis esse haut posset,) tum in municipio suo, tum Romae Magistratus recte gerebant, ideo quod non tam duarum diversarum urbium, etsi aliqua inter eas privati iuris esset varietas, quam unius, cives censerentur. Ez. Spanhem. *Orb. Rom. Exerc. I*, 1. 7. p. 13. *Tom. XI. Thes. Ant. Rom.* Duplex ergo municipibus erat patria: altera, in qua nati; altera, qua exceptierant, quamvis haec veluti maior esset, & illa in hac contineri videretur, ut praeclare ostendit Cicero *de Leg. II*, 2. quem locum totum adscribere licebit. Interrogaverat Atticus, cur Cicero Arpinum germanam patriam suam ad-



adpellarit? Cui Cicero: Ego mehercule & Catoni & omnibus municipibus duas esse censeo patrias: unam naturae, alteram civitatis: ut ille Cato, quum esset Tusculi natus, in Populi Romani civitatem susceptus est. Itaque quum ortu Tusculanus esset, civitate Romanus, habuit alteram loci patriam, alteram iuris. Et quibusdam interiectis: Sic nos & eam patriam ducimus, ubi nati, & illam, qua excepti sumus. Sed necesse est, caritate eam praestare, qua Reipublicae nomen universae civitatis est: pro qua mori & cui nos totos dedere, & in qua nostra omnia ponere, & quasi consecrare debemus. Dulcis autem non multo secus est ea, quae genuit, quam illa, quae excepit. Itaque hanc meam esse patriam, prorsus nunquam negabo, dum illa sit MAIOR, & haec in ea contineatur. Hinc saepe fiebat, ut unus idemque & Romae & in municipio suo summos honores gereret. Ita Milo, dum iam Romae Consulatum petebat, Dictator erat Lanuvii in patria naturali. Cicero pro Milone XXXVII. Et Ciceronis filius Aedilis apud municipales suos Arpinates patris voluntate factus est, teste eodem Cicerone *Epist. ad Fam. XIII, 11*. Immo ipse Hadrianus iam Imperator veteri ritu in patria sua Quinquennalem se creari passus est. Spartian. *vit. Hadr. XX*. Inter municipales ramen & cives ingenuos aliquam fuisse privati iuris varietatem, paullo post docebimus.

VI. Postea, ubi maior paullatim dignatio Romanae civitatis esse coepit: ius civitatis parcius dari, & vix cum quibusdam Latii populis, vel ad augendam rem Romanam, vel honoris causa, communicari coepit. Liv. VIII, 13. & eodem ius

VI. Hinc porro civitate donati etiam Latini quidam, sed non eodem iure

14. Eius beneficii, Latinorum populis ac Hernicis dati, primus auctor Sp. Cassius, tertium Consul circa annum V. C. cclxvii. Dionys. Hal. VIII. p. 538. *sequ.* Ast quum Consul ille popularis & de adfectata tyrannide suspectus, tam late hoc populi Romani beneficium interpretaretur, ut Latinis & Hernicis cum iure civitatis etiam ius suffragii datum contenderet; solebant deinde Romani ius civitatis ita dare, ut pro diverso sociorum in Populum Romanum studio, modo ius suffragii simul concederent, modo illud disertis verbis exciperent. Primi sine iure suffragii civitatem acceperunt Caerites. (b) Strabo Geogr. V. p. 222. Gell. Noct. Att. XVI, 13. Mox & Campanis equitibus, Fundanis & Formianis eadem lege data civitatis iura, Liv. VIII, 14. nec non Acerranis, Liv. VIII, 17. Anagninis, Liv. IX, 43. aliisque pluribus, de quibus accurate Ez. Spanhem. Orb. Rom. Exerc. I, 1. 8. p. 16. *sequ.* Contra ea Lanuvini, Aricini, Nomentani, Padani, alii-que in civitatem ita accepti sunt, ut & iure ferendi suffragii, & capiendi in urbe muneris gauderent: unde & eiusmodi oppida, veluti *καὶ ἐξ ἑκὸν*, MVNICIPIA dicta, ut docet Vlpian. L. 1. §. 1. D. ad Municip.

VII.

(b) Inde factum, ut Censores eos, quos suffragii iure privabant, in Caeritum tabulas referre dicerentur, Gell. l. c. Ascon. Paedian in Cicer. Divinat. p. 1759. De his intelligendus Horatius, Epi. 1, 6. v. 62.

— — — Caerite cera

Digni, ramigium vitiosum Ithacensis Ulyssis.

(c)

VII. Invaluit praeterea, ut etiam a iure *La-* VII. Qu-  
*iii* via pateret ad iura civitatis iis omnibus, qui in Latinis  
 in patria, Latio donata, Magistratus gesse- civitati-  
 rant. Appian. *de Bell. Civil. II. p. 443.* Strabo- bus Magi-  
*IV. p. 187.* Quod ius Traiani adhuc aevo va- gesserant, stratus  
 luit, ut patet ex verbis Plinii *Paneg. XXXVII.* fiebant ci-  
*His quoque, quibus per Latium civitas Romana ves.*  
*patuisset.*

VIII. Postremis Reipublicae temporibus VIII. Ci-  
 latius paullatim diffusum est illud Romanac vitatem  
 civitatis beneficium. Quum enim paullo an- quoque  
 te quibusdam tantum Latii urbibus ius civita- impetra-  
 tis Romanae summi beneficii loco concedere- bant Lati-  
 tur: lata deinde lex est, ut e focis ac Latini ni, si stir-  
 nominis promiscue, qui stirpem ex se domi- pem do-  
 reliquerant, cives Romani fierent. Liv. *XXI,* mi reli-  
 8. Accessit altera lex anno Io. *CLXIII.* aut ali- quissent,  
 lio Glaucia, de repetundis lata, ut Latinis quem ac-  
 esset ius civitatis consequendae in illius civis, cusassent  
 seu Senatoris, locum, qui accusatus ab iis re- repetun-  
 petundarum, a Romanis fuisset damnatus. Ci- darum.  
 cero *pro Balbo XXIV.*

IX. Primus L. Iulius Caesar, (e) occiso IX. Ci-  
 iam vibus cum  
 omnibus

(e) Non leviter ergo errat editor Ciceronis oratio-  
 num Parisiensis novissimus, qui hanc legem Iu-  
 liam latam putat a Sex. Iulio Caesare, Con-  
 sule A. V. C. DCLXII. Multoque gavior error  
 est Ant. Augustini, *de Leg. & SC. pag. 120. T. 1.*  
*Thef. Ant. Rom.* qui Caesarem Dictatorem hu-  
 ius legis auctorem fingit. Sex. Iulio Caesari tri-  
 buere videtur Appianus *de Bello Civ. I. p. 379.* Sed  
 quum Sex. Iulius Caesar anno V. C. DLXIII. cum  
 L. Marcio Philippo; L. Iulius Caesar vero anno  
 se-

Latinis & iam ut videtur, Collega P. Rutilio Lupo, anno  
 Italicae commu- V. C. 10. CLXIII. lata Lege Iulia, civitatem so-  
 nicata le- ciis ac Latini nominis dedit, qui flagrante Bello  
 gibus Iu- Italico in fide manserant. Appian. *Bell. Civ. I.*  
 lia & Plo- p. 379. Cicero *pro Balbo XII.* Vell. Patere. II,  
 tia. 16. 17. Postea confecto tristi illo bello sociali,  
 vel anno V. C. 10. CLXV. Cn. Pompeio Strabo-  
 ne & L. Porcio Catone Consulibus, ut patet ex  
 Ascon. Paedian. *ad Orat. Cic. pro C. Cornel.* vel se-  
 quente anno 10. CLXVI. L. Cornelio Sulla & Q.  
 Pompeio Rufo Coss. (d) lata lege Plotia a M.  
 Plautio Silvano & C. Papirio Carbone, Tribunis  
 plebis, civitas communicata cum omnibus so-  
 ciis Latini nominis, immo & peregrinis illis,  
*qui foederatis civitatibus adscripti fuissent, si tum,*  
*quum lex ferebatur, in Italia domicilium habuis-*  
*sent, & si sexaginta diebus apud Praetorem essent*  
*profecti.* Cicero *pro Archia Poeta VII.* Postre-  
 mi arma posuerant Lucani & Samnites, sed &  
 hos tamen civitate donari placuit A. V. C. 10.  
 CLXX. Flor. *Epit. Liv. LXXXIV.* ex quo loco  
 etiam constat, novis his civibus per universam  
 Italiam ius suffragii fuisse datum. Et initio qui-  
 dem in octo novas, id est, postremas tribus ur-  
 banas collecti fuerant; Vellei. II, 20. postea in  
 ve-

sequente cum P. Rutilio Lupo Consulatum gesserit :  
 verosimilius est, hunc legem tulisse, & quidem, col-  
 lega Rutilio iam occiso. Vnde simul patet, cur a solo  
 Iulio lex nomen acceperit, nulla collegae facta men-  
 tione. Vid. Schwarz. *de iure Ital.* §. III. Ezech.  
 Spanhem. *Orb. Rom.* I, 13. p. 30.

(d) Minime vero subsequente Cinnae Consulatu, ut tra-  
 dit Flor. *Epit. Liv. Lib. LXXX.*

(e)

veteres XXX. post irritos P. Sulpicii, Tribuni plebis, & C. Marii conatus, translati sunt a C. Cinna Consule. Appian. *de Bello Civ. I. p. 380. Epit. Liv. XXX.* Ex quo tempore aequo per omnia iure usi sunt cives Romani veteres & novi per universum Latium & Italiam, adeo ut & ius petendi honores habuerint, (Cic. *pro Sulla VI. VII.*) & ius census, (Onuphr. Panv. *ad Fast. Consul. anno 10. CLXVIII.* ius sacrorum publicorum. Noris *Cenotaph. Pis. Diff. I. cap. 5. p. 72.* Ez. Spanh. *Orb. Rom. I, 1. 13. p. 30.*

- X. Italia tunc a supero mari Arimino & X. Pualle Ancona, seu Rubicone fluvio, ab inferiore Lu-  
ca terminabatur: reliquum tractum ad Alpes <sup>post & Gallis Cis-</sup>  
usque Galli Cisalpini & Veneti infederant. Gal-  
li porro in Cispadanos & Transpadanos divide-  
bantur. Priores civitate donati Cispadani, ut-  
potè Italiae propiores. Ez. Spanh. *Orb. Rom. I, 1. 14. p. 32.* Postea & Transpadani civitatis iura obtinuerunt una cum Venetis. Nam quum antea Latii ius impetrassent a Pompeio Strabone: (Ascon. Paedian. *in Ciceron. Pison. p. 262.*) ipsum civitatis ius eis dedit C. Iulius Caesar, anno V. C. 10. CCVII. Dio Cass. *Hist. XLI. p. 118.* Vnde non mirum, Galliam hanc Cisalpinam ab eo tempore TOGATAM dici coepisse. Tam pleno enim iure fuerant civitatis iura consequuti, ut & ad suffragia ferenda petendosque honores, non minus ac reliqui cives, admitterentur. Sueton. *Caes. IX.* Ez. Spanh. *Orb. Rom. I, 1. 16. p. 39.*

XI. Extremis Reipublicae temporibus non XI. Vt & aliis quibusdam gentibus; intra Alpes stetit datae civitatis Romanae beneficium: sed & cum multis aliis gentibus est com-

communicatum. Exemplo esse possunt universi Gaditani in ulteriore Hispania, quos secundo Consulatu civitate donavit Caesar. Dio Cass. *Hist.* *XXI. p. 161.* Idem pro lubitu deinde quasdam alias civitates Hispaniae hoc ingente beneficio ornavit, Dio Cass. *XLIII. p. 233.* Quemadmodum & Medicis, aliisque ea iura concessit. Suet. *Caes.* *XLII.* immo & Siculis omnibus civitatem, inaudito exemplo, testamento legaverat, quod legatum lata lege confirmavit Antonius. Cic. *Epist. ad Fam.* *XIV, 12. Philipp. I, 24.* Verum tamen ea lex Antonii non valuisse videtur. Sane sub Augusto adhuc pleraeque Siciliae civitates Latini iuris fuisse, discimus ex Plin. *Hist. Nat.* *III, 8.*

XII. Augustus parce civitatem, sed quibusdam tamen, dedit.

XII. Sub Imperatoribus multo magis prolari sunt Romanae civitatis fines. Augustus equidem, teste Suetonio *Aug. XL. civitatem parciſſime dedit, adfirmans, se facilius passurum, siſco detrabi aliquid, quam civitatis Romanae vulgari honorem.* Idem leges haut paucas dedit, quibus aditus sordidis hominibus intercluderetur ad civitatem. Quales praecipue sunt lex Aelia Sentia, & Fusia Caninia, de quibus supra suo loco actum. Vid. Sueton. *Aug. XL.* Immo inter extrema mandata eius, Tiberio & S. P. Q. R. data, etiam hoc erat, *μητ' αν εις την πολιειαν συγχυς εισγαφωσιν, ινα πολυ διαφορον αυτοις προς το υπηκοον η.* *Ne multos iure civitatis donarent, quo magnum inter ipsos & subiectos discrimen remaneret.* Dio Cass. *LVI. p. 541.* Quibusdam tamen Augustum iura civitatis dedisse, patet ex Suet. *Aug. XLVII.* Idque inprimis etiam discimus ex eius numis, in quibus laudantur Hispaniae mu-

municipia, de quibus Io. Vaillantius *de Colon. mun. & Ez. Spanh. Diff. de Praest. numism. V. pag. 768. & Orb. Rom. I, 2. 18. p. 47. sequ.* Eadem liberalitate etiam Tiberius & Caius Caligula civitatem quibusdam dederunt, ceu ex numis & inscriptionibus idem docuit Ez. Spanhemius.

XIII. Claudius Imperator varie se gessit in concedenda negandave civitate. Quosdam civitatem Romanam usurpantes in campo Esquilino securi percussit. Suet. *Claud. XXV.* Idem tamen Latinis, naves mercaturae causa fabricantibus; ius Quiritium dedit. Suet. *ibid. XIX.* Vlpian. *Fragm. III, 1. & 6.* Quin non solum Galliae Comatae primoribus; sed & universae Galliae Comatae, ius ferendi suffragia, petendique honores dedit. Qua de re Tacit. *Ann. XI, 24.* Senec. *de Benef. VI, 19.* Immo multis cum confertim iura civitatis ac sine discrimine dedisse, ac venalia prope illa eius libertos habuisse, testatur Dio Cass. *Lib. LX. p. 676.* Vnde lucem capit vox illa Tribuni militum, *Aetor. XXII, 28.* *ἰγὰ πολλὰ κεφαλὰς ἔ πολιτίαν ταύτῃ ἐκτεταμένην.* Ego vero magno aere hanc civitatem comparavi, quam egregie illustrat Ez. Spanh. *Orb. Rom. I, 2. 19. p. 52. sequ.*

XIV. Nero, ubi in Musicis & Curulibus XIV. Quibusnam apud Olympiam agonibus victor fuerat a iudicibus proclamatus, universam Achaïam libertate, iudices civitate Romana, & pecunia grandi, Nero. Galba, Otho, VI: donavit, quod beneficium etiam iis, qui Pyrtellius. & richam saltaverant, concessit. Suet. *Ner. XII.* Vespasianus civitatem de Galba civitatem Romanam raro dedit, teste Suet. *Galb. derivat?*

*Galb.* VIII. dedit tamen Bargiasensibus, Lacobrigensibus, Deobrigensibus, & Talabrigensibus, immo & Vefontinis & Cluniensibus, si fides numis sub Galbae cufis, in quibus haec oppida Hispaniae & Galliae MVNICIPIA dicuntur. Claud. Chifflet. *Vesont.* I, 28. Harduin. *Num. Urb.* p. 120. Vaillant. *de Colon.* T. I. p. 105. De Othone constat, eum praeter quasdam alias largitiones Lingonibus universis civitatem Romanam dedisse. Tacit. *Hist.* I, 78. Vespasianum Stobieneses (e) in Macedonia civitate donasse, constat ex numo apud Spanhem. *Diff. de Num. Prov.* p. 676. & Plin. *Hist. Nat.* IV, 10. Idem & filii saepe ius civitatis veteranis, liberis posterisque eorum dederunt, ut patet ex marmoribus apud Gruter. *Inscr.* p. DLXXIII, 2. p. DLXXIV, 5. 6. & p. DLXXV, 1.

XV. Traiani & Hadriani in danda civitate liberalitas.

XV. Hispaniae potissimum Traianus favit, ipse Hispanus. Vnde in eius numis occurrunt municipia, Italica, Inlipense, Albengense, Vrgavonense. Quibus ex marmore apud Gruter. *Inscr.* p. CLXII, 3. addendi Icaeditani, Lancienses oppidani, Talori, Interamnenses, Colarni, Lancienses, Transcudani, Aravi, Meidubrigenses, Arabrigenses, Banienses, Paefures, quos omnes a Traiano demum civitate donatos, non vana divinatione, coniecit Ez. Spanh. *Orb. Rom.* 2. 21. p. 58. Idem Princeps singulis quibusdam subinde civitatis iura dedit, rogatu amicorum, ut patet ex Plin. *Epist.* X, 22. 6. 107. 108. Quin quum vice-

mas

(e) Eos tamen sua aetate iuris Italici fuisse, tradit Vlp. L. 8. §. 8. D. de censib.



mas hereditatum antea pendere cogerentur novi cives: eos hoc onere primum Nerva, deinde & Traianus liberavit. Quod Principis beneficium collaudat Plin. *Paneg.* XXXVII. Hadrianus, sequutus Traianum, *Latium multis civitatibus dedit, tributa multis remisit*, ut loquitur Spartian. *Vit. Hadrian* XXI. Ast datae ab eo civitatis in numis & lapidibus nulla usquam fit mentio, nisi quod in marmore sub eo legantur **MVNICIPES MVNICIPI. T. AELI. HADRIANI. AVG. CIVILITANI.** Grut. *Inscr.* p. CCCLXII, 1. Vnde Civilitanos ab eo civitate donatos, colligit Spanh. *Orb. Rom.* I, 2. 22. p. 60. Sunt equidem, qui Hadrianum auctorem

putant celeberrimae illius Constitutionis de civitate cum universo Orbe Romano communicata, *L. 17. D. de statu hom.* quos in eum errorem induxit Chrysothom. *ad Act. Apost.* XXV. p. 875. *Tom. IV. edit. Savil.* Sed hos rationem fugere, paullo post clarissime adparebit.

XVI. Aeque fallitur Iustinianus Imperator, qui celebrem illam Constitutionem Antonino Pio tribuit *Nov. LXXVIII, 5.* quamvis eum ante Spanhemium tantum non omnes caeca fide sequuti sint. (f) Ast quamquam amplificatum esse ab Antonino civium numerum, vel ex numo praecipuae raritatis constat, in quo **AMPLIATOR CIVIVM** dicitur:

discrimen

- (f) Contrarium tamen ante Spanhemium observarunt Wesembec. *Paratit. ad tit. D. de statu hom. n. 5.* Petit. *Leg. Attic.* p. 136. Vales. in *Nos. ad Excerpta* Dionis p. 108. Claud. Salmaf. *de modo usur. cap. XIX.* p. 854. sequ. Rupert. *ad L. 2. D. de orig. iur. c. 1. p. 17. 18.*

discrimen tamen civium Latinorum, Italico-  
rum, Provincialium, etiam post Antonini Pi-  
tempora superfuisse, cum ex aliis locis adparet;  
tum ex Inscriptione apud Gruter. p. ccccviii, 1.  
ex qua simul discimus, Antoninum Carnis &  
Catalis, propter Aedilitatis gradum apud Terge-  
stanos gestum, iura civitatis Romanae dedisse.

XVII. An  
eam Mar-  
cos Imp.  
ediderit?

XVII. Porro & ii errant, qui, cum Victore  
*in vita Marci*, M. Antoninum huius Constitu-  
tionis auctorem faciunt, in quam sententiam  
etiam Casaub. *ad Spartian. Hadr. XXI.* paullo  
videtur proclivior. Nam superfuisse sub hoc  
Principe inter cives & peregrinos discrimen,  
patet ex celeberrima Lugdunensium Epistola,  
apud Euseb. *Hist. Eccl. V, 1.* ubi aiunt; ὅσοι μὲν  
ἐδόκουν πολικεῖαν ῥωμαίων ἐσχκεῖναι, τῶν ἀπέτεμνε  
τὰς κεφαλὰς, τὰς δὲ λοιπὰς ἐπέμπον εἰς θηρία. *Qui-*  
*cumque Romani cives reperti sunt, capite truncati,*  
*reliqui traditi bestiis.* Atqui scripserunt haec  
Lugdunenses extremis Marci Imperatoris an-  
nis: adeoque inde recte colligi videtur, M. An-  
toninum non sustulisse illud discrimen, quod in-  
ter cives ac peregrinos intercessit. Illud tamen  
certissimum est, tam liberalem in dando civita-  
tis iure fuisse M. Antoninum, ut Aristides Rhe-  
tor *Orat. in Rom. pag. 372.* scribere non vereat-  
ur: ξενὸν δὲ εἶδέναι, ὅστις ἀρχῆς ἢ πίστεως ἀξίος, *Nec pe-*  
*regrium censeriquequam, qui Magistratu, vel*  
*fide dignus sit, τὸ Ῥωμαίων ἢ πόλεως, ἀλλὰ γένος ὀνόμα*  
*κοινὸν τίς ἔστιν, Romanum non urbis alicuius, sed*  
*communis cuiusdam generis nomen esse:* & quae  
sunt huius generis alia. Ez. Spanh. *Orb. Rom.*  
*II, 2. p. 67. sequ.*

XVIII.

XVIII. Non minus liberaliter iura civitatis Romanæ plurimis dedisse videntur Commodus, Pertinax, Didius Iulianus, Pescennius Niger, Severus. Sed nec hos tamen discri- minis illud sustulisse, luculenter ostendit Spanh. *Orb. Rom. II, 4. § 5. p. 73. sequ.*

XVIII.

An ea tri-

bui possit

Commo-

do, Pert-

naci, Iu-

liano,

Pescen-

nio, Seve-

ro?

XIX. Ve-

rus auctor

est Cara-

calla?

XIX. Verus ergo famosæ illius Constitutio- nis auctor est Antoninus Caracalla, qui primus edixit, ut, *in Orbe Romano qui essent, omnes cives efficerentur. L. 17. D. de statu hom.* Occasionem datae huius legis docent *Excerpta Dionis Valsiana p. 745.* Iam pridem Augustus vicesimam induxerat, locupletando aerario militari, quod vectigal ex hereditatibus dependebatur; de quo iam pridem luculenter egerunt Valsius ad illum Dionis locum, Salmaf. *de modoufur.* XIX. Petr. Burmannus *de Vectigal. Populi Romani XI.* & iam ante hos Iac. Cuiac. *Observ. V, 16. XI, 24.* Pendebant istud vectigal ex Augusti instituto heredes extranei, Romani cives, qui hereditatem adibant, nisi vel pauperes essent hereditates, vel ipsi heredes agnationis iure ex lege XII. Tabularum hereditatem sortirentur. Dio Cass. LV. p. 565. Postea mitiores Principes quibusdam cognatis vicesimæ vacationem subinde dederunt. Plin. *Paneg. XXVII.* Ast Caracalla, quum largitionibus stupendis eluvionem fisco intulisset, duplicato illo onere, decimam loco vicesimæ induxit, cuius decimæ, præter *Excerpta Dionis,* meminit etiam Vlpianus *apud Auctorem Collat. Leg. Mos. & Rom. XVI. fin.* Ut ergo vectigal istud a quamplurimis pendere- tur, omnibus qui in Orbe Romano erant, civita-

tem dedit, λόγῳ μὲν τιμῶν, ἔργῳ δ', ὅπως πλήρῳ αὐτῷ  
 καὶ ἐν τῷ τριῦτι προσῇ, διὰ τὸ τὰς ξένους τὰ ποσὶα αὐτῶν  
 μὴ συντελεῖν, *specie quidem honorem eis tribuens, sed*  
*fecerit ut fiscum suum augetet: quippe quum pere-*  
*grini pleraque horum vestigalium non penderent:*  
 ut ait Dio in *Excerpt. Vales. p. 745*. Ceterum  
 quamvis successor Caracallae, Macrinus, deci-  
 mam illam, civibus tam molestam, aboleret: ius  
 tamen civitatis, Orbi Romano semel datum, non  
 ademit, unde sensim exolevit antiquum illud  
 inter cives & peregrinos discrimen.

XX. Con- XX. Illud adhuc monendum videtur, ad  
 stitutio ea solos ingenuos pertinuisse Antonini Caracallae  
 ad inge- Constitutionem, non ad libertinae conditio-  
 nuos, non nis homines. *Nov. LXXVIII, 5*. Vnde etiam  
 item ad li- nis homines. *Nov. LXXVIII, 5*. Vnde etiam  
 bertinos post eam Constitutionem saluum mansit discrimen  
 pertinuit. men inter libertinos cives, Latinos Iunianos,  
 & dedititios, ceu ex Salviani *adversus avarit. libro III, 7*.  
 animadverterunt Iac. Cuiac. *Ob- serv. IV, 3*. & Ez. Spanhem. *Orb. Rom. II, 9, p. 84. sequ.*

XXI. An XXI. Exposuimus hactenus, duce Erudi-  
 cum his tissimo Spanhemio, datae civitatis Romanae  
 quoque Historiam, ostendimusque, ita paullatim gra-  
 civitatem dum esse factum, ut civitas primum omni-  
 commu- bus, qui Romae aut in agro Romano domi-  
 nicavit cilium constituerent, deinde aliquot in Latio  
 Iustinia- municipiis, tum toti Latio, mox universae  
 pus. Italiae, aliquot porro extra Italiam vel pri-  
 vatis, vel oppidis, vel Provinciis, & postremo  
 omnibus in Orbe Romano ingenuis daretur.  
 Iustinianus tamen, ut fuit admodum libera-  
 lis,

lis, sublato illo libertinorum discrimine, *titulis C. de Lat. & dedit. lib. toll. & Novella LXXVIII, 2. §.* ad ipsos quoque libertinae conditionis homines hoc beneficium protulit, adeoque omnes in Orbe Romano viventes aequo iure agere voluit.

XXII. Proximum est, ut ipsa iura civitatis paullo accuratius exponamus. Et de his quidem observandum, ea sensim magis magisque aucta fuisse atque amplificata. Iam sub Regibus cives gaudebant libertate, iure connubiorum, patrio, legitimi dominii, testamenti, forsan & nexus atque usucapionis. Ius quoque iisdem erat suffragia ferendi in creandis Magistratibus, ferendis legibus, bellis decernendis. Pulsis postea Regibus, abdicatoque Regibus Imperio, paullatim provocatio concessa ad Populum: Magistratus, connubia, sacerdotia cum plebe communicata: adeoque optimo iure cives esse coeperunt Romani. Ez. Spanh. *Orb. Rom. I, 1. 2. p. 4.*

XXIII. Duobus vero maxime summis capitibus constitit civitas Romana, quorum alterum IVS QVIRITIVM; alterum IVS CIVITATIS adpellatum est. Quamvis enim haec promiscue nonnunquam ponant auctores veteres, veluti Vlpianus, *Fragm. III, 1. & 4.* attamen, qui accuratius loquuntur, haec cum cura distinguunt. Plinius, *Epist. X, 32. Ago gratias, Domine, quod & IVS QVIRITIVM libertis necessariae mihi feminae, & CIVITATEM ROMANAM Harpocrati, Iatraliptae meo, sine mora indulxisti.* Et *Epist. X, 4. Qua-*

XXII. Iura civitatis sensim cepere incrementa.

XXIII. Aliud fuit ius Quiritium, aliud ius civitatis.

re rogo, des ei CIVITATEM ROMANAM: est enim peregrinae conditionis, manumissus a peregrina. Idem rogo, des IVS QUIRITIVM libertis Antoniae Maximillae. Manifesto hic distinguuntur Ius Quiritium & Civitas Romana, inter quae hoc interest, quod illud ad ea, quae iuris sunt privati, pertinet; haec ea, quae iuris publici sunt, continet. Spanh. Orb. Rom. I, 1. 12. p. 28. Caron. Sigon. de Antiquo Iure Civ. Rom. I, 6. sequ. & de Antiquo Iure Ital. II, 3. Quod quum non animadvertant viri quidam Eruditissimi, in eum prolapsi sunt errorem, ut ius Quiritium in istis Plinii locis vel idem esse cum iure Latii existiment, vel illud cum ipsis iuribus civitatis confundant, a quo lapsu nec ipse V. C. Christophorus Cellarius sibi satis cavet in *Annotationibus suis ad Plinium*.

XXIV. Nonnulla, quae tum ad ius Quiritium, tum ad civitatem Romanam pertinent, summam his verbis complectitur Cicero Orat. II. de Leg. Agrar. XIX. *Retinete istam possessionem gratiae, libertatis, suffragiorum, dignitatis, urbis, fori, ludorum, festorum dierum, ceterorum omnium commodorum*. At si accuratius singulas utriusque iuris partes consideres: ius civitatis in iure census, militiae, tributorum, vectigalium, suffragiorum, honorum, & sacrorum, ius Quiritium in iure libertatis, gentis, connubiorum, patrio, legitimi dominii, hereditatis atque usucapionis fuit situm. Car. Sigon. de Antiquo Iure Civ. Rom. I, 13. Ez. Spanhem. Orb. Rom. I, 1. 3. p. 4. De singulis nunc paulo distinctius agendum, ordiendumque a iure Quiritium.

XXV.

XXIV.  
Quae iura  
utrumque  
comple-  
xum sit?

XXV. Primo ergo omnes cives Romani erant LIBERI: eaque LIBERTAS eos non solum a dominorum potestate, sed & a tyrannorum Imperio, Magistratuum potentia, libidine creditorum, civiumque potentia tutos praestabat. (g) Nullus ergo civis Romanus servus fieri poterat, nec ingenuitatem aut libertatem amittere, nisi aut captivitate, aut dolosa venditione, aut iis modis, de quibus supra *Lib. I. Tit. III. n. 5. sequ.* & *Tit. XVI. n. 3. sequ.* actum est: quamvis & in his plerumque fictionem quamdam adhibitam esse, observet Ger. Noodt. *Probab. III, 12. p. 85. Hoc enim iuris erat a maioribus proditum, ut nemo civis Romanus aut LIBERTATEM, aut civitatem posset amittere, nisi ipse auctor factus esset:* inquit Cicero *pro Domo XXIX.* Sed de ingenuorum libertinorumque conditione satis superque suis locis dictum est, nihil ut hic addendum a nobis videatur, praeter id unicum, quod eadem libertas cives immunes a verberibus omnique tortura praestiterit. Quum enim servilis ista poena videretur, non poterat ma-

XXV. Cives Romani erant liberi a potestate domini-  
ca.

(g) Cave ergo confundas libertatem Iuris Gentium cum libertate iuris Quiritium, quae nulli competit, nisi civibus Romanis. Cic. *pro Caecin. XXXIII. Qui enim potest iure Quiritium liber esse is, qui in numero Quiritium non est?* Hinc tribus omnibus moti libertatem dicebantur amittere, etiamsi haut fierent servi. Liv. XLV, 15. Immo hinc intelligenda L. 5. §. 3. D. *de extr. cognit.* ubi media capitis deminutione, & speciatim aquae ac ignis interdictione, etiam libertas amitti dicitur, quod de libertate Iuris Gentium falsum; de libertate iuris Quiritium verissimum est. Conf. Ger. Noodt. *Observ. II. 21. p. 469.*

S 5

(b)

maior civi Romano iniuria fieri, quam si quis verberibus dirisque quaestionibus in eius corpus saeviisset. Exemplum est apud Ascon. Paedian. in *Ciceron. Orat. Cornelian.* p. 1308.

XXVI.  
Liberi  
quoque a  
dominatu  
tyranno-  
rum.

XXVI. Nec minus immunes erant cives Romani ab impotente Regum dominatione. Lege enim tribunicia, lata a Iunio Bruto, Tribuno Celerum, ac paullo post primo Consule, fuerat cautum, ut nemo Romae regnaret, adactis simul iureiurando civibus, eos neminem passuros Romae regnare. Dionys. Halic. IV. p. 276. V. p. 277. Liv. I. ult. II, 1. Qua lege tribunicia, quum omni tyrannidi via occlusa esset: mirum profecto non est, gentem Iuniam praecipue de ea esse gloriatam, numisque suis caput Libertatis praetulisse, cum inscriptione LIBERTAS. Fulv. Vrsin. *Famil. Rom.* p. 139. Accessit postea eodem anno Lex Valeria, qua cautum, ut indicta causa interficeretur, qui Regni occupandi iniisset consilia, idque impune ferret percussor, si indicia sceleris demonstrasset. Plutarch. *Vit. Poplic.* p. 103. Liv. II, 8. Pro his legibus dici non potest, quanta certamina per quingentos annos adierit populus Romanus, quamvis impedire haut potuerit, quo minus eae demum a L. Sulla, ac deinde a Iulio Caesare convellerentur, ab Augusto vero eiusque successoribus penitus exstinguerentur, siquidem hi, aspernati in speciem Regium nomen, titulo Principum omnia Magistratuum legumque munia ad se traxerunt. Tacit. *Annal.* I, 1.

XXVII.



XXVII. Eadem porro libertas civis im- XXVII.  
munis praestabat a duriori Magistratuum Im- Libert a  
perio. Latae hanc in rem fuerant leges Valeriae licentia  
a P. Valerio Poplicola Consule, de quibus Li- Magistra-  
vius II, 8. *Latae deinde leges non solum, quae Re-* tuum.  
*gni suspicionem Consulem absolverunt, sed quae adeo*  
*in contrarium verterunt, ut popularem etiam face-*  
*rent; inde cognomen factum Poplicolae est.* Paulo  
distinctius rem referunt Plutarch. *Vit. Poplic. p.*  
*102. seq. & Dionys. Halic. V. p. 292.* ex quibus  
constat, prima lege fuisse cautum, NE QVIS  
ROMAE MAGISTRATVM GERERET  
INIVSSV POPYLI: QVI SECVS FAXIT,  
EIVS CAPVT SACRVM ESSET: altera  
provocationem concessam a Magistratibus ad  
populum, neque permissum cuicumque, supplicio  
extremo, aut flagris, aut multa animadvertere  
in provocantem, donec populus ea de re ivisset  
in suffragia. Posterior lex quum omnium mini-  
me placeret Patriciis, quippe fundamenta *api-*  
*socraticae*, quam adfectabant, penitus subvertens;  
variis artibus aliquandiu elusa, atque hinc rela-  
tione non una restituenda visa est. Retulerunt  
ergo eandem A. V. C. ccciv. L. Valerius Po-  
plicola Potitus, & M. Horatius Barbatus Coss.  
teste Livio III, 55. Retulit tertium alter M.  
Valerius Corvus anno V. C. cccclii. Qua de  
re idem Livius X, 9. *Tertium ea lex tum post Re-*  
*ges exactos lata est, semper ab eadem familia.*  
*Causam renovandae saepius non aliam fuisse reor,*  
*quam quod plus paucorum opes, quam libertas ple-*  
*bis poterant. Quum ne sic quidem consultum*  
*populo videretur, semper in contrarium ni-*  
tca;

tentibus Patriciis: quartum de provocatione populum rogavit M. Porcius Laeca; qui etiam graviore poena animadvertendum statuit in eos, qui civem Romanum vel verberassent, vel necassent. Liv. X, 9. Cuius legis *Porciae* insigne monumentum exstat numus gentis Porciae, in quo vir paludatus, medius inter togatum provocantem & lictorem virgas minantem, conspicitur, addita inscriptione: PRO-VOCO. Fulv. Vrsin. *de Famil. Rom.* p. 229. *edit. Patin.* Porciam legem, quum & ipsa vetustate obsolevisset, denuo in usum revocavit C. Sempronius Gracchus, ceu ex fragmento orationis Gracchanae apud Gellium *Noct. Attic.* X, 3. acute colligit Car. Sigonius *de Antiquo Iure Civ. Rom.* I, 6. Sed nec *leges sacrae* hic praetermittendae, latae anno V. C. cclx. Sp. Cassio Viscellino & Postumo Cominio Aurunco II. Coll. quum plebs pertaesa usurariae iniquitatis, in montem Sacrum secessisset. Pace enim facta hac lege, ut plebi sui essent Magistratus, quibus auxiliatio adversus Consules esset, neve cui Patrum capere eum Magistratum liceret. Liv. II, 33. Brutus, primus Tribunus plebis, leges tulit, primo ut ne parricida esset, qui eum, qui plebiscito sacer sit, occiderit. Dionys. Halic. VI. p. 410. deinde, ut Tribuni plebis sacrosancti haberentur, eosque qui violarent, sacri essent, Id. *ibid.* Tertia lex iussit, ut Tribuni plebis non nisi e plebe crearentur. Accessere duae aliae leges, ne de capite civis Romani nisi Comitibus centuriatis agi posset, neve privilegia irrogarentur. Car. Sigon. *de Antiquo Iure Civ. Rom.* I, 6.

p. 84. Eaque leges omnes dictae sunt *sacratae*, quia non modo cives per omnia sacra iurarent, utique se his legibus sempiternis ufuros, addita imprecatione, ut earum observatoribus superi & inferi essent propitii, transgressoribus vero contraria omnia acciderent: Dionys. Hal. VI. p. 410. verum etiam, quod loco poenae adiectum esset, eos, qui secus fecissent, cum pecunia familiaque Deo alicui sacros futuros. (b) Fest. voce *Sacratae*. Omnes enim leges, huiusmodi sanctione poenali munitas, *SACRATAS* dici consuevisse, observat Iac. Perizon. *Animadv. Hist.* p. 418. *sequ.*

XXVIII. Hisce legibus ergo satis tuti erant cives Romani ab omni Magistratuum tyrannide. Primo enim, si quid contra leges audent Magistratus, maximum cuique remedium erat in provocatione ad populum. Deinde de capite civis Romani non nisi universus populus in Comitibus Centuriatis iudicabat, & tunc facile erat, vel innocentibus se a calumniatorum

Remedia  
adversus  
Magistra-  
tuum in-  
solentiam.

(b) De hac poena Dionys. Halic. II. pag. 84. "Εὐθὺς γὰρ Ῥωμαῖοις, ὅσους ἱβύλατο παρὰ τὶ θάνατον, τὰ σώματα θίγειν ἐπὶ τῇ τῆς, μάλιστα δὲ τοῖς κατὰ νόμους, κατασημαζόντων. Mos erat Romanis, quos vellet impune occidi, eorum corpora devovere Deo cuiuspiam, praecipue Diis inferis. Festus voce *Sacrae*: Homo sacer is est, quem populus iudicavit ob maleficium, neque fas est, eum immolari: sed qui occidit, parricidii non damnatur: Ex quo quisvis homo malus atque improbus sacer appellari solet. De hoc supplicio quaedam habet Racvard. *ad XII. Tab. Cap. IV.* p. 22.

(5)

rum artibus defendere, vel poenam meritis promissa barba, lacrymis, cultuque tristiore populum ad misericordiam flectere, eoque modo effugere periculum. Denique nulli Magistratui licebat civem Romanum vel verberibus, vel supplicio adficere. Immanissimas etiam eorum sententias vox illa quiritantium compescebat: **CIVIS ROMANVS SVM.** Saepe eo respicit Cicero in *Orat. adv. Verrem. V, 54.* *Plagis confectum dico a lictoribus tuis civem Romanum ante oculos tuos concidisse. Ob quam causam? Dii immortales, tametsi iniuriam facio communi causae & IVRICIVITATIS. Quasi enim possit esse ulla causa, cur hoc cuiquam civi Romano iure accadat.* Et eadem *Oratione V, 57.* *Cervices in carcere frangebantur indignissime civium Romanorum, ut etiam illa comploratio, CIVIS ROMANVS SVM, quae saepe multis in ultimis terris opem inter barbaros & salutem tulit, ea mortem iis acerbiorum & supplicium maturius ferret.* Plura eius generis exstant apud Ciceronem *Verrin. V, 62. sequ.* Nec ignota sunt exempla Pauli Apostoli *Act. XXII, 24.* & Martyrum Galliae, apud Euseb. *Hist. Eccles. V, 1.* qui se illa voce, **CIVIS ROMANVS SVM,** a virgarum ignominia, vel ab extremo supplicio eripuerunt.

XXIX.  
Tribunorum plebis auxilium.

XXIX. Sed non solum in legibus Romanis civibus maximum praesidium erat positum adversus Magistratum insolentiam: verum etiam in Tribunicia potestate. Si quis enim eorum libertatem violare non vereretur: Tribunos plebis appellabant, qui ipsis omnem ferebant opem, neque patiebantur, civi ulli fieri in-

iniuriam. Plena eiusmodi exemplorum est Romana Historia, & quamvis negari haut possit, ista potestate non semel abusos esse Tribunos plebis; Saepe tamen etiam insignia iustitiae atque acuitatis specimina edebant, qualia sunt, quae Valer. Max. *Lib. VI. cap. V.* refert quamplurima.

XXX. Porro & adversus creditorum saevitiam tuti erant cives Romani. Immanis erat lex XII. Tabularum, quae cives Romanos obaeratos creditoribus addicebat, a quibus & vinciri, & eorum corpus, id est, bona secari, & in partes dividi poterant, (i) Gell. *Noct. Att. XX, 1.* Et quamvis servi haut fierent hunc in modum addicti & nexi: in servitute tamen erant, servisque ipsis tractabantur durius. Ast contra hanc immanitatem auxilio civibus fuit lex Poetilia, qua cautum est anno V. C. ccccxvii. C. Poetelio L. Papirio Coss. *Ne quis, nisi qui noxam meruisset, donec poenam lueret, in compedibus aut in nervo teneretur: pecuniae creditae bona debitoris, non corpus obnoxium esset.* Liv. *VIII, 28.* Varro *de Lingua Lat. VI, 5. p. 58.* Successit ergo ex eo tempore in additionis illius locum possessio & venditio bonorum, de qua nos alibi ex instituto egimus. Qua de re Tertullianus *Apol. IV.* *Sed & iudicatos in partes secari a creditoribus, leges erant: consensu tamen publico crudelitas postea erasa est, & in pudoris notam capitis poena conversa est, BONORVM adbibita PRO-*  
**SCRI-**

(i) Dicemus ea de re infra *Lib. III. Tit. XXX. §. IV.*  
 (k)

SCRIPTIONE, *suffundere maluit homines sanguinem, quam effundere.* Quin accessit demum beneficium cessionis bonorum ex lege Julia, de quò plura Iureconsulti, & nos infra Lib. III. Tit. XXX. §. VIII.

XXXI.  
Libertas  
suffragan-  
di data  
per leges  
tabella-  
rias.

XXXI. Postremo & hoc ad libertatem civium quam maxime pertinebat, quod libere, ut vellent, darent suffragia. Quamvis haec libertas magis ad ius publicum videatur referenda: Id eis attulere leges tabellariae, seu de tabellis, quas Cicero ideo *Agrar. II, 2. vindices tacitae libertatis, & in Corn. I. p. 331. principium iustae libertatis* adpellat. Quum enim antea viva voce in Comitiis suffragia ferrentur, idque nonnunquam cum periculo videretur coniunctum: primus A. Gabinius, Tribunus plebis, A. V. C. DCXIII. Lege cavuit, ut populus non voce, sed tabella suffragium ferret, ne quis inspiceret tabellam, ne rogaret, ne adpellaret. Cic. *de Leg. III, 16.* Successit biennio post altera lex tabellaria, lata a L. Cassio, Tribuno plebis, M. Aemilio Lepido Porcino, & C. Hostilio Mancino Coss. ut & iudices & populus sententias non voce dicerent, sed tabellis ferrent, excepto iudicio perduellionis. Cic. *de Amicit. XII. de Leg. III, 16.* Ascon. Paedian. *in Cornelianam. p. 1313. & Verrinam. II. p. 1820.* Cuius legis insigne monumentum est numus gentis Cassiae, in quo civis occurrit, tabellam, littera A. notatam, cistae immittens, cum lemmate LONGINVS III. V. & Fulv. Vrsin. *de Famil. Rom. p. 67.* Eodem pertinuit tertia lex Papiria, lata a C. Papirio Carbone, Tribuno plebis, A. V. C. Iocxxi. P. Popillio  
Lac-

Laenate & P. Rupilio Nepote Coss. qua cautum denuo, ut in iubendis legibus vetandisque populus tabella suffragia ferret. Cic. *de Leg. III*, 16. Succesit quarta anno V. C. I<sup>o</sup> cxxx. a Coelio Caldo Tribuno plebis lata, ut etiam in perduellionis iudicio, quod Cassia lege exceptum erat, populus non voce, sed tabella, sententiam ferret. Cic. *de Leg. III*, 16. Quam ipsam quoque legem egregie illustrat numus apud Patin. *de Famil. Rom.* p. 79. quo praeter alia litterae L. D. in tabella conspiciuntur. Significant illae LIBERO, DAMNO. Haec enim verba loco Cassianorum ABSOLVO, CONDEMNO in crimine perduellionis adhibita esse, discimus ex Caesare *de Bello Civili III*, 83. ex quo loco patet, tertiam tunc adhibitam esse tabellam, quam imponebant urnae, qui pecunia multandum reum iudicabant. Quae omnia eo pertinebant, ut tanto maiore libertate suum quisque ferret suffragium. Vnde denuo Cicero *pro Planc. VI*. *Populo grata est tabella, quae frontes aperit hominum, mentes tegit, datque eam libertatem, ut, quod velint, faciant, promittant autem, quod rogantur.*

XXXII. Sequitur alterum, quod ad iura XXXII. Quiritium pertinuit, IVS GENTILITATIS. <sup>Ius genti-</sup> Diviserat Romulus cives in duas gentes, qua- <sup>litatis.</sup> rum unam *patres*, alteram *plebem*, nominavit. Illos ex iis adlegerat, qui in civitate genere, virtute atque opibus antecellebant; plebis nomine reliquos omnes appellaverat. Quemadmodum vero e plebe *plebeii*: ita ex patribus *patricii* nascebantur. Vtrosque inter se devinxerat, insti-

T

tuto

tuto illo iure Patronatus, de quo supra plura diximus. Ad iura utriusque gentis quod attinet: de illis praecipue observandum, quod plebis iura quisque cum ipsa civitate impetrarit; Patricius autem, nisi lege ad populum lata, nemo fieri potuerit. Bis Patricios legit Romulus, semel ex Albanis, ac deinde ex Sabinis. Dionys. Hal. *Ant. Rom.* II. p. 111. Eundem morem postea sequuti ceteri Reges, qui subinde ex gentibus devictis ac in civitatem receptis, Patriciorum numerum suppleverunt. Idem *Ant. Rom.* III. p. 199. & IV. p. 280. Suet. *Aug.* II. Libera Republica L. Iunius Brutus, primus Cos. Patricios legit. Liv. II, 2. Sexennio post Appius Claudius, e Sabinis Romam migrans, lege Consulari Patricius factus est. Dionys. Halic. V. p. 308. Liv. IV, 3. & X, 8. Postremo C. Iulius Caesar lege Cassia, & Augustus lege Saenia (k) ac denique Claudius Imperator Patricios, iam magna ex parte extinctos, supple-

(k) Sed quanam illa lex Saenia? In prior editione de Sentia suspicatus sum. Sed errorem ademit Lips. ad Tacit. p. 285. Observat ille ex Dione, Augustum Patricios supplevisse τῶν Ἀλλῶν ἐπιτριψάντες τὸ το πλεῖον, iubente Senatu, & quidem anno V. C. 1000. Atqui Consul suffectus in Fastis adparet L. SAENIVS. Nam in fragmento veterum Fastorum apud Grut. pag. ccxcix, i. ita legimus:

IMP. CAES. IIII. M. LICINIVS. K. IVL. C.  
ANTISTIVS. BELLVM ALEXANDR.  
EID. SEPT. M. TVLLIVS. K. NOV. L.  
SAENIVS.

Quis ergo dubitarit, ab eo SCtum tulisse nomen? Tantius ergo pro SC. *legem Saeniam* dixit.

(l)



pleverunt. Tacit. *Annal.* XI, 25. Suet. *Iul.* XLI. Ceterum ad gentilitatis iura pertinebat, quod soli Patricii auspicia ex instituto Romuli haberent. Liv. VI, 42. Id quod tamen de avium duntaxat inspectione & tripudio intelligendum, siquidem de coelo servare etiam plebeiis licebat. Cic. in *Vatin. cap. VII.* Quum enim, fatente Cic. de *Divin.* II, 36. hanc avium reliquorumque signorum observationem retinerent Romani, tantum ad opinionem vulgi, & ad magnas utilitates Reipublicae, id est, ad plebem deludendam, continendamque in officio: periculosum videbatur, plebeios ad haec mysteria admittere, quibus ius Magistratus & sacerdotia capiendi erat ademptum. Nimirum & hoc iure ex instituto Romuli gaudebant Patricii, ut soli Senatum, Sacerdotia, Magistratus, Iudicia ac totam denique Rempublicam tenerent. Sed paullo post ea omnia paullatim cum plebe communicata sunt, nisi quod Interreges, Flamines Diales, Martialis & Quirinalis, Rex Sacrificulus, Salii ad extrema usque Reipublicae tempora ex Patriciis lecti sunt: quemadmodum & Comitia tributa, Tribunicia potestas (1) & Aedilitas plebeia perpetuo in possessione plebis permanserunt. Reliqua, quae hac de re dici possent, a Carolo Sigonio explicata sunt, *Libro I. de Ant. Iure Civ. Rom. Cap. VII.*

XXXIII. Pars haut postrema iuris Quiritium fuit IVS CONNVBIORVM, de quo quum

XXXIII.  
lus con-  
nubiorum,  
inter solos  
cives, nec  
omnes ta-  
men pro-  
miscue  
fuit.

(1) Semel tamen duos Patricios inter Tribunos fuisse, refert Liv. III, 65.

quum Titulo de Nuptiis uberius actum sit, iam pauca quaedam addemus. Romani ea in re ab institutis plerarumque gentium discesserunt, quod ne iis quidem, qui eiusdem civitatis erant, connubii ius promiscue darent. Praeterquam enim, quod lege XII. Tabularum vetita essent inter Patricios & plebeios connubia: Dionys. Halic. X. p. 674. Liv. IV, 4. etiam sublata illa lege, saepe inter ipsos vicinarum regionum, aut eorum, qui sub eodem gentis nomine vulgo continebantur, populorum cives prohibita sunt connubia. Sic inter Latinos connubia commerciaque nulla esse patiebantur Romani. Liv. VIII, 14. Idem de tribus Hernicorum populis patet ex eodem Livio IX, 43. Devicta Macedonia, & in quatuor regiones divisa, id etiam edixerunt decem legati, *neque connubium, neque commercium agrorum aedificiorumque inter se placere cuiquam extra fines regionis suae esse.* Liv. XLV, 29. Quod callido consilio invenerant Romani, ne mutuis adfinitatibus & commerciis iuncti inter se ac colligati, eo promptius adversus Rempublicam consociarentur. Immo ne cum omnibus quidem civibus Romanis connubii ius erat civibus. Libertinas, quamvis cives, duci olim haut potuisse ab ingenuis civibus, patet exemplo Hispalae Fecenniae, cui haec potestas SC. data est. Liv. XXXVIII, 6. Sic & Campani, qui pridem civitatis iura fuerant consequuti, postea demum impetrarunt, *ut sibi CIVES Romanas ducere uxores liceret, & si qui prius duxissent, ut habere eas, & ante eam diem nati iussi sibi liberi heredesque essent.*

jeut. Liv. XXXVIII, 36. Qua de re plura dis-  
ferit Ez. Spanhem. *Orb. Rom. II*, 24. p. 262.

XXXIV. Quum itaque ne inter omnes qui-  
dem eiusdem civitatis ius connubii esset: mul-  
to magis cum aliis, civitatis Romanae exforti-  
bus, connubia erant interdicta. Vnde Seneca de  
*Benef. IV*, 35. *Permisi tibi filiam in matrimo-*  
*nium, postea peregrinus adparuisti: non est mihi*  
*cum externo connubium.* Solebat tamen etiam  
peregrinus primum a populo; postea a Senatu,  
ac demum a Principe concedi ius connubii, per  
modum lege solutionis vel privilegii. Qua de re  
fufius diximus in *Comment. ad L. Iul. & Pap.*  
*Popp. Lib. II. cap. XVIII. p. 321. sequ.* Adde  
supra *Libro I. Tit. X. n. 15.* Si quis vero, non im-  
petrato illo beneficio, peregrinam duxisset: nati  
ex eiusmodi nuptiis liberi, tanquam totidem  
hybridæ, ac novum genus hominum habeban-  
tur, neque multo melioris, quam servi, erant  
conditionis, ceu patet exemplo militum Ro-  
manorum, qui Hispanas mulieres duxerant,  
apud Liv. XLIII, 3. Ex quo vero cum omni-  
bus in Orbe Romano civitas fuerat a Caracalla  
communicata: promiscua quidem inter eos es-  
se coeperunt connubia, sed prohibita tamen  
cum barbaris. *L. un. C. Theod. de nupt. gentil.*  
*Lib. III. Tit. 14.* Quam tamen Valentiniani Se-  
nioris legem non diu valuisse multis exemplis  
docent Iac. Gothofredus in Commentario ad il-  
lam legem, & qui plura addidit, Ez. Spanhem.  
*Orb. Rom. II*, 23. p. 164. *sequ.*

XXXV. Alia quædam de prohibitis inter  
cives nuptiis statuit Augustus lege Papia Pop-  
pæ, Lex Papia Poppæ

de connu-  
bio Sena-  
torum  
cum liber-  
tinis.

paca, cuius primo capite prohibita nuptiae inter Senatorem eiusve filios nepotesve & libertinas, lenas, a lenone manumissas, easque; quae artem ludicram exercebant, vel filias eorum, qui eiusmodi artem fecissent. *L. 44. pr. D. de rit. nupt.* Dio Cass. *LIV. p. 608.* Quum enim iam M. Antonio hoc vitio datum fuerit, quod libertini factus esset gener: Cic. *Philipp. II, 2.* multo minus dignum videbatur saeculi Augustaei felicitate, Senatorium sanguinem ipsarum libertinarum, lenarum ac meretricum commixtione contaminari. Scenicas vero uxores praeter artis infamiam etiam id indignas Senatoriis nuptiis reddebat, (m) quod pleraque

(m) Eam legem latius interpretatus D. Marcus, nuptias Senatorum cum feminis eiusmodi non solum iniustas, verum etiam irritas esse iussit, cuius SC. mentio fit *L. 16. D. de Sponsal.* Et hinc inter Senatorem & eiusmodi personas nuptiae esse negantur, *L. 42. §. 1. D. de ritu nupt.* adeo ut haec ne quidem uxores fiant, *L. 34. §. 3. eod.* sed statim sint dimittendae; *L. 43. §. 10. D. eod.* Quae omnia ex hoc SC. esse, satis constat. Postea Constantinus M. hanc legem non solum a Senatoribus, sed & ab aliis viris perfectissimis servari voluit. *L. 1. C. de natur. lib.* (Falso enim in textu legitur *Senatores, seu PRAEFECTI, pro PERFECTI.*) quam legem per omnia confirmavit Marcianus Imp. *L. 7. C. de incest. & inutil. nupt.* Nov. Marcian. post Cod. Th. tit. IV. Ast sublata demum est per *L. 23. C. de nupt.* non a Iustiniano quidem, ut inscriptio prae se fert, sed a Iustino, quem Iustinianus, cum adhuc Nobilissimus Caesar, ad edendam istam Constitutionem induxerat, quia Ipse cum Theodora, muliere scenica, & parum integrae famae, nuptias adfectabat. Procop. *Anecd. p. 45.* & ibi Nic. Alemannius. Ipse Iustinianus paullo post

que simul turpissimis se libidinibus in ipsa scena prostituerent, quemadmodum ex Plauti *prologo Casin.* ostendit Lipsius *Elect. I, 11*. Rem omnem accuratius exposuimus in *Comment. ad L. Jul. & Pap. Popp. Lib. II. Cap. I.*

XXXVI. Ad reliquos quod attinet inge-  
nuos, licebat iis libertinas uxores ducere per le-  
gem Papiam Poppaeam. *L. 22. D. de ritu nupt.* Libertinas ducere olim non licuit, at permittit lex Papiæ Poppææ.  
*L. 15. C. de nupt.* Quod ideo receptum, quia  
tum maior erat libertinarum, quam ingenuarum, copia. Dio Cass. *Hist. LIV. p. 608*. Quo  
fit, ut & vetera marmora saepe meminerint coniugii libertarum. Reines. *Inscr. p. Iocclix, 131.*

D. M.

C. SALVIYS RESTITVTVS FECIT.

SIBI. ET.

SALVIAE NYMPHIDIAE.

LIBERTAE. SVAE. ET. CONIVGI.

OPTIMAE. B. M. DE. SE. ET.

NICERO. L. L. Q. S. P. Q. S.

Et alibi p. Iocclx.

D. M.

SEPTIMIAE.

TYCHAE. QVAE.

VIXIT. ANNIS

XXXVI. SEPTI

MIVS.

ea de re aliquoties tum ad SS. Episcopos, tum ad Magistratus rescriptis. *L. 33. C. de episc. audient. Novell. LXXXIX, 15. CXVII, 6. LXXVIII, 3. LI. Vid. Nic. Aleman. Not. ad Procop. Anecd. 41. & Comment. nostr. ad L. Jul. & Pap. Lib. II. Cap. II.*

MIVS. IVLIA  
NVS. CONIV  
GI. ET LIBERT.  
KARISSIMAE.

Adde p. IDCCCLXXII. Grut. *Inscr. p. DLXVII*, 8. *DCCCCXXXV*, 4. *DCCCCXL*, 3. *DCCCCLVII*, 7. in quibus saepe laudantur LIBERTAE ET CONIVGES OPTIMAE, BENEQVE MERENTES, KARISSIMAE, FIDELISSIMAE, DVLCISSIMAE, AMANTISSIMAE, INCOMPARABILES. Prohibitae tamen manserunt nuptiae inter libertum & patronam, patronive uxorem, vel filiam, quae & damnatione ad metalla puniebantur, nisi patrona esset vilioris conditionis. *L. 13. D. de rit. nupt. Paull. Recept. Sent. II*, 19. 7. Et hinc rarissimi exempli est inscriptio apud Fabretum pag. CCLXXXIX: IVNIAE. FESTIVAE. PATRONAE ET. VXORI. KARISS. C. IVNIVS. MERCVRIVS. Cui tamen similes deprehendisse mihi videor apud Gruter. *Inscr. p. DLXXXII*, 4. & Reines. *Inscr. Class. XII*, 24. Sed quamvis lex Papia permetteret, ut libertinae ducerentur uxores: non poterant tamen duci lenae, a lenone lenave manumissae, aut in adulterio deprehensae, quaeve artem ludicram facerent, fecerint. *L. 43. D. de rit. nupt.*

XXXVII. XXXVII. Plerique existimant, eadem lege Papia Poppaea prohibitas nuptias sexagenariorum masculorum & quinquagenariorum feminarum, idque colligunt ex fragmento Septimianae apud Lactant. *Inst. Divin. I*, 16. Vlpian. *Fragm. XVI*, 1. & *L. 27. C. de nupt.* Quibus aucto-

cto,

toritatibus commotus Iac. Gothofredus hoc caput legis Papiae Poppaeae commentus est; <sup>quinqua-  
genaria-  
rum?</sup> SEXAGENARIO MASCULO QVIN-  
QVAGENARIAE FEMINAE NVPTIAS  
CONTRAHERE IVS NE ESTO. Iac. Go-  
thofr. *ad leg. Pap. Popp. II.* Sed luculenter evi-  
cit V. C. Iac. Perizonius *Diff. ad leg. Vocon. p.*  
*153. sequ.* caput illud de sexagenariis & quin-  
quagenariis non esse ex lege Papia Poppaea, sed  
ex SC. quodam, facto temporibus Tiberii. Res  
patet ex luculento loco Suet. *Claud. XXIII.*  
*Capiti Papiae Poppaeae legis, a Tiberio Caesare,*  
*quasi sexagenarii generare non possent, addito, ob-*  
*rogavit.* Mira quidem in turbando hoc Suetonii  
loco est Criticorum solertia: (n) sed constanter  
hanc lectionem prae se ferunt meliores Codices,  
nec ipse sensus ullam postulat emendationem.  
Optimus Suetonii interpretes est Vlpianus *Fragm.*  
*XVI, 3.* ubi Iureconsultus: *Qui, inquit, intra*  
*sexagesimum, vel quae intra quinquagesimum an-*  
*num neutri legi paruerit, licet ipsis LEGIBVS*  
*post hanc actatem liberatus esset, perpetuis tamen*  
*poenis tenebitur ex SC. PERNICIANO. Sed*  
*CLAVDIANO SENATVSCONSVLTO*

ma-

- (n) Cuiacius & Torrentius plane eiiciunt Tiberium &  
locum ita relinunt: *Capiti Papiae Poppaeae legis, quasi*  
*sexagenarii generare non possent, edito obrogavit.* Pul-  
mannus pro *edito* habet *edito*. Iac. Gothofredus *Not.*  
*ad L. Pap. Popp.* reliqua admittit, sed pro *edito* legi  
iubet *adacto*. Ast nullam harum emendationum vel  
textus admittit, vel accuratiores Codices, qui teste  
Casaubono praeferunt: *addito obrogavit*, vel quanti-  
vis pretii locus Vipiani, ut in sequentibus adparebit.

T 5

(a)

*maior sexagenario, si minorem quinquagenaria duxerit, perinde habebitur, ac si minor sexaginta annorum duxisset uxorem. Et paucis interiectis; Quod si maior quinquagenaria minori sexagenario nupserit: impar matrimonium adpellatur, & SC. CALVITIANO cavetur, non proficere ad capiendas hereditates & legatas dotes. Itaque mortua muliere dos caduca erit. Ex his ergo locis egregia lux adfunditur Suetonio. Discimus enim inde I. quid in lege Papia Poppaea de sexagenariis & quinquagenariis fuerit cautum, videlicet, sexagenarios masculos & quinquagenarias mulieres ob aetatem a poenis legis liberos fore. Discimus II. quid addiderit huic capiti Tiberius. Quum enim animadvertisset, multos ad hanc aetatem pervenire, qui legi nunquam antea paruiſſent: statuit, ut sexagenariorum & quinquagenariarum nuptiae non quidem essent irritae, sed nihil tamen ad effugiendas caelibatus poenas proficerent. Id quod sancitum est SC. PERNICIANO, vel, ut Cl. Perizonius p. 156. mavult, PERSICIANO, ita dicto a Paulo Fabio Persico, qui tertio ante excessum Tiberii anno Consul fuit cum L. Vitellio. (a) Discimus III. qua in re CLAUDIVS Tiberii legi obrogaverit. Perpetuis enim poenis illis exc-*

(a) Iste sane Fabius plerumque *Persicus*, non addito nomine gentili, adpellatur. Vid. Seneca *de Benef.* 11, 21. & lapis apud Gruter. *Inscript.* p. 1000. NON. MAGIS. POENITENDI. SVNT. SENATORES. QVAM. POENITET. PERSICVM. NOB. VIRVM. AMICVM. MEVM. INTER. IMAGINES. MAIORVM. ALLOBROGICI. NOMEN. LEGERE.



exemit sexagenarios, dummodo quinquagenariis duxissent minores, quandoquidem ex eiusmodi matrimonio proles adhuc sperari poterat. Denique & hoc IV. inde discimus, postremo accessisse SC. CALVITIANVM, vel, ut Perizonius mavult, CALVISIANVM, (p) quo cautum, ut quod seni masculo, ducenti iuenculam, dedisset SC. Claudianum, non item valeret de nuptiis vetulae cum viro iuvene, quippe nullam spem prolis facturis. Sed & haec iura una litura deleuit Iustinianus L. 27. C. de nupt. Vid. *Comment. nostr. ad L. Iul. & Pap. Lib. II. Cap. III.*

XXXVIII. Si quas personas uxores du-  
cere haut possent cives Romani: eas tamen  
CONCVBINAS habere poterant. L. 1. §. 1.  
D. de Concubin. Concubinatus enim per Leges  
nomen adsumserat, L. 3. §. 1. D. eod. νόμος ἡρώετο,  
pro lege habebatur, teste Clem Alex. *Paedag.*  
III, 3. Illum οἱ σοφοὶ τὸ νόμον ἀντιτίθενται, sapien-  
tes leges permittunt, Id. *ibid.* Leges nimirum Iu-  
lia & Papiæ Poppaea, quas κατ' ἐξοχὴν νόμος, vel  
leges esse dictas, iam Lipsius *Excursf. ad Tacit.*  
*Ann. III. litt. C.* observavit. Ante celeberrimam  
fane illam legem concubina & pellex pari  
passu ambulabant, nec altera erat honestior;  
post illam autem pellex erat, quae cum aliquo,  
cui uxor erat, corpus miscebat, quae autem cum  
aliquo, cui uxor non esset, vivebat, ea honestiore

no-

(p) Nullus in Fastis post Claudii tempora occurrit Calviti-  
tius: at sub Nerone & sequentibus Imperatoribus  
multi laudantur Calvisii.

nomine vocabatur *amica*, vel *concubina*. *L. 144. D. de V. S. convictrix*, *Grut. p. DCCXCV, 8. γλυκυτάτη σύμβιτος*, *Id. p. DCCLXXX, 9 uxor gratuita*, id est, quae per coemptionem haut convenerat in manum. Idem *p. DCCC, 21. sodali-taria*, *Grut. p. DCII, 5. amica*, cum qua quis sine mendacio vivebat. *L. 35. D. de aur. arg. aer. leg.* Hinc honestum ex eo tempore erat concubinae nomen, *L. 144. D. de V. S. & licita cum ea consuetudo*, *L. 5. C. ad SC. Orphit.* adeo ut ab uxore solo delectu & animi destinatione, *Paull. Rec. Sent. II, 20. 2. & dignitate differret*, *L. 49. §. 4. D. de legat. 3.* Immo uxoris loco haberetur, *L. 144. D. de V. S.* tamen haec coniunctio dici non poterat *legitima*, quia lex concubinas habere permittebat, non tamen initam cum iis consuetudinem eadem effecta habere patiebatur, quae tribuit matrimonio. Id quod contra Cuiacium recte docuit Em. Merill. *Obs. III, 15. & Variant. Cuiac. I, 34.*

XXXIX.  
Quae  
concubi-  
nae esse  
potue-  
runt?

XXXIX. In concubinato vero esse poterat, quaecunque non poterat esse uxor, vel in quam stuprum non committebatur. *L. 1. §. 1. D. de concub.* Quod tamen recte intelligendum. Non enim quas honestas & ius illud, quod impressum mentibus nostris circumferimus, a toro virorum arcebat, cum iis concubinatum inire licebat, uti sibi persuasit Cuiacius *Obs. V, 6.* sed cum illis tantum, quae per leges mere civiles uxores esse non poterant. Hinc fas erat ingenuo concubinae habere iudicio publico damnatam, *L. 1. §. 2. D. de concub.* mulierem quaestuariam, *L. 16. D. de his, quae ut indign. obscuro loco natam*, *L. 3. pr.*

*pr. D. de concub.* ancillam, *L. 38. pr. D. de reb. duet. iud. poss.* mulierem provincialem, in qua quis officium administrabat, *L. 5. D. eod.* etiam senem & cuiuscumque aetatis, modo posset virilis patientiae legem accipere. *L. 4. §. 4. D. eod.* At non poterat quis in concubinato habere feminam quamcumque, si haberet iustam uxorem. *Paull. Rec. Sent. II, 20. 1. L. ult. §. 2. D. de divort.* Multo minus plures simul concubinas habere licebat, quia semper infamis Romanis videbatur vita, *inter supra concubinarum & oscula, vel mollia concubinarum & spadonum agmina transacta,* qualem in Sophonio Tigellino & Fabio Valente reprehendit Tacit. *Hist. I, 72. III, 20.* in Commodio Imperatore Ael. Spartian. *vit. Comm. Cap. V.* Et Iustinianus mulieres, quae uni viro corpora praebent eodem tempore, non concubinas, sed *πορνισσας* dicendas, indignasque concubinarum iuribus iudicat. *Nov. XVIII. Cap. 5.* Minime omnium inter eas personas honestus erat concubinatus, quas sanguinis propinquitas vel adfinitas a matrimonio arcebat, ut passim docet Ulpianus *L. 1. §. 3. D. de concub. L. 56. D. de R. N.*

XL. Sed adiecimus tamen, ne tunc quidem locum concubinatui fuisse, si femina esset talis, ut in eam stuprum committeretur. Stuprum vero committitur in virginem, vel viduam ingenuam vitaeque integram: *L. 14. pr. D. ad L. Iul. de adult.* non autem in obscuro loco natam, ludionis, lenonis, arenarii filiam, vel quae quacstus corpore fecerat. *L. 3. pr. D. de concub.* Vnde & Ovidio *de Arte amandi I. v. 30.* amplexus huiusmodi muliercularum sunt *Venus tuta, & concessa*

XL. An & ingenuae honestae?

*concessa furta*, quia qui cum tali femina rem habuerat, stupri reus haut erat ex Lege Iulia de adulteriis. Hæc ergo & in concubinato esse poterant: non feminae ingenuæ & honestiores. Hinc si hæc cum viris essent: aut uxores præsumebantur, aut stupri reus uterque erat, si se negaret vivere in matrimonio, nec tamen mulier testationem interposuisset, se sua sponte in concubinato vivere. *L. 1. pr. D. de concub.* Cui legi male vulgo obverti *L. 24. D. de R. N. & L. 31. pr. D. de donat.* satis perspicue ostendimus in *Comment. ad Leg. Iul. & Pap. Popp. Lib. II. Cap. IV. p. 172. sequ.*

**XLI.** Quam  
nam con-  
cubinas  
adscive-  
rint?

**XLI.** Quamvis autem & licita nec inhonestæ Romanis videretur hæc consuetudo, ac vere inaequale esset matrimonium: *L. 3. C. de natur. lib.* tamen nec ipsæ concubinae uxorum dignitate & iuribus fruebantur, nec liberi inde nati legitimi erant, sed naturales, quorum de conditione supra *Tit. X.* quaedam notavimus. Hinc & ii fere, qui iam ex iusto matrimonio liberos procrearent, patriæque & Priamo fecerant satis, concubinam solebant in lectum adsciscere, ne liberis inducerent nocentiam, spemque hereditatis iis nihil tale meritis interverterent. Sic Vespasianus Imperator post uxoris excessum Caenidem, Antoniaæ libertam, revocavit in contubernium, & paene iustæ uxoris loco, id est, in concubinato habuit. *Suet. Vesp. III.* Idem fecit Antoninus Pius, *Iul. Capitol. Vit. Anton. Cap. VIII.* idem & Marcus Antoninus, recti exempli Imperator, qui amissa uxore concubinam sibi adscivit, procuratoris sui

fui filiam, ne tot liberis novercam superduceret.

Id. Vit. Marci cap. XXIX.

XLII. Talis utique fuit veterum Romano-  
rum concubinitus. Vnde ii cum larvis pu-  
gnant, qui audito concubinae vocabulo ita-  
tim sibi aut prostibulum aliquod, aut plane pel-  
licem, animo concipiunt. Id vero non magis  
verum est, quam si quis idem iudicium feren-  
dum putaret de uxoribus *ad morganaticam*, quas  
Principes & viri illustres ea lege adsumunt in-  
torum, ut nec ipsae mariti dignitate, nec liberi  
reliquorum liberorum iuribus fruantur. His  
uxoribus per omnia fere similes erant concu-  
binae Romanorum, postquam *mos & lex ma-  
culosum edomuerat nefas*, & Augustus concu-  
binatum a pellicatu seceverat.

XLII.

Fuere  
concubi-  
nae simi-  
les uxoribus ad  
morganaticam.

XLIII. At ille concubinitus paulatim e-  
vanuit, postquam Christiana pietate indignus  
videri coepit. Primus cum subruere conatus  
est Constantinus M. sed ita, ut obliqua quasi via  
procederet, nec se id agere prae se ferret. Quum  
enim ita inolevisset ista consuetudo, ut impar-  
tibus? sibi prope videretur ei abolendae: id agebat  
potissimum, ut cives uxores, quam concubinas,  
habere mallent. Hinc primo liberis naturali-  
bus quidquam relinqui vetuit, ceu colligimus  
ex *L. r. C. Theod. de natur. lib.* Deinde ideo  
adinvenit legitimationem per subsequens ma-  
trimonium, non in futurum tamen valituram,  
ne parentibus occasio deesset signandi tabulas,  
& concubinas iustis sibi nuptiis iungendi. Def.  
Herald. *Rer. Quotid. I. 4. 2.* Denique ne viri di-  
gnitatibus fulgentes alios exemplo corruppe-  
rent,

XLIII.

Quando  
legibus  
interdi-  
ctus con-  
cubina-

rent, durissimam illam *L. 1. C. de nat. lib.* edidit, quo concubinas a viris illustribus, clarissimis, spectabilibus, perfectissimis haberi vetuit. Nec successus forsan defuisset illis Constantini Magni consiliis, si successoribus ista potuisset probare. Sed facilius tulerunt concubinatum, adeo, ut nulla eorum Constitutio, isti coniunctioni opposita, in Codicem relata sit a Iustiniano, sed hic ipse potius concubinatum *licitam* vocarit *consuetudinem L. 5. C. ad SC. Orphit.* in eaque *caste vivi posse* scripserit *Nov. XVIII. Cap. 5.* Primus ergo in Oriente eum subruisse videtur Leo Sapiens. *Nov. Leon. XCI.* In Occidente eum multo diutius mansisse, fatis ostendunt *Leges veteres Francorum, Longobardorum, Germanorum*, de quibus fusius a nobis actum in *Antiquitatibus iuris Germanici.*

XLIV.  
Leges  
Romuli &  
XII. Ta-  
bularum  
de Divor-  
tiis.

XLIV. In Titulo de Nuptiis accuratius egimus de diversis modis nuptiarum per confarreationem, coemtionem & usum, deque potestate maritorum in uxores, de quibus multa potius, quam optima, collegit Carolus Sigonius de *Antiquo Iure Civ. Rom. I.* Quare de divortiis tantum nonnulla adiiciemus, maxime quum eam doctrinam in Institutionibus suis prætermiserit Iustinianus. Divortium maritis quidem permiserat Romulus, at non uxoribus, ut tradit Plutarch. *Vit. Romuli p. 39.* Sed nec illis quidem, eodem teste Plutarcho, sine causa fontica licebat uxoribus mittere nuncium, verum si constaret, eas aut stuprum passas, aut venenum parasse, aut liberos clavesve subiecisse. Forfan etiam temulentia inter

inter causas divortii fonticas fuit, quippe quam maritus, causa cum cognatis cognita, severe vindicare in uxore consueverat. Dionys. Hal. II. p. 96. Eadem lex deinde migrasse videtur in duodecim Tabulas, secundum quas, ad lita causa, iustum fieri potuisse divortium, colligitur ex L. 43. D. ad Leg. Iul. de adult. & praecipue ex loco Ciceronis *Philipp. II.* 28. *Nolite, nolite quaerere: frugi factus est: mimam illam suam suas res sibi habere iussit, ex XII. Tabulis causam addidit, exegit.* Quamvis enim hoc, causam addidit, suspectum videatur P. Victorio *Var. Lest. II.* 2. & Mur. *Var. Lest. V.* 8. & quidem ob locum Nonii IV, 152. in quo legitur: *claves ademit, forasque exegit*: Grammaticos tamen saepe ex auctoribus fragmenta non integri sensus describere, & hinc emendationem auctorum ex fragmentis illis periculosam semper esse, prudenter monuit Eruditissimus Perizonius *Animadv. Hist. Cap. IX.* p. 371. *sequ.* Ut ut sit, videtur sane lex XII. Tabularum non promiscue ac sine causa concessisse repudium, siquidem veteres auctores saepe eiusmodi causarum meminerunt. (q) Naevis apud Festum voce *Sonticum.* p. 441.

## SON-

- (q) Non solebat antiquitus uxori dari repudium, nisi causa cognita in concilio cognatorum. Val. Maxim. II, 1. 4. & 2. Quin iusiurandum praestari solebat Censoribus, divortium ex iusta causa esse factum. Gell. XVII, 21. Solebant praeterea istae causae ipsumque factum divortium in acta referri. Seneca de Benef. III, 16. *Quia vero nulla sine divortio acta sunt, quod saepe audiebant, facere didicerunt.* Adde Lips. ad Tac. cit. *Ann. V.* p. 331.

*Sonticam esse oportet causam, quamobrem perdas mulierem.*

Et Varro apud Non. II, 73. *Betere est ire. Varro* ἡ παρὰ τὸ πάλαιον: *A se, annos multos quod parere non posset, eam betere foras iussit.* Si sine iusta & sontica causa factum erat divortium, Romulus, teste Plutarcho, sanxerat, ἡ ἑλὰς αὐτῇ τὸ μὲν ἡ γυναικὸς εἶναι, τὸ δὲ ἡ ἀνιστηθεὶς ἱερὸν, ut eius bona partim cederent uxori, partim Cereri sacra essent. *Vit. Romul. p. 39.*

XLV. Divortiorum origo & frequentia sequiore aetate.

XLV. Ast quamvis divortia viris permitterent leges: non tamen ullum Romae exstitit exemplum ante annum ab V. C. circiter quingentesimum, quo primus uxorem ob sterilitatem dimisit Sp. Carvilius Ruga. Dionys. Halic. *Ant. Rom. II. p. 96.* Plutarch. *Romul. p. 39.* & *in Numa p. 77.* Valer. Max. II, 1. 4. Gell. *Noct. Att. IV, 3.* Ast postea frequentissima Romae fuere divortia, & quidem non solum ob causas alicuius momenti, veluti sterilitatem, L. 60. L. 62. D. de donat. int. vir. & ux. Suet. *Ner. Cap. XXXV.* simultates cum socru, Sueton. *Aug. cap. LXII.* morum perversitatem, Idem *ibid. cap. LXII.* impudicitiam, Plutarch. *in vit. Caton. & Pompei.* Sueton. *Vit. Claud. cap. VII. XXVI.* verum etiam ob causas levissimas. Facile enim, vel ob levem tantum suspicionem, domo eiiciebatur uxor, quamvis innocentissima. Papiriam sane quum dimitteret Paullus Aemilius, mirantibus amicis, & causam quaerentibus, nullam certam attulit, sed se tamen ab ea laesum significavit. Plutarch. *Vit. L. Paulli p. 257. Tom. I.* Nonnumquam causa interferebatur

tur



tur quidem, sed levis, & quae vix mereri videbatur tantam animadversionem. Sic C. Sulpicius Gallus extrusit uxorem, quod foris nudo capite versata esset: Q. Antistius Vetus, quod cum libertina vulgari secreto collocuta: P. Sempronius Sophus, quod ludos spectasset, se ignorante. Val. Max. VI, 3. 10. *seq.* Cicero ipse, Cato quam honestatis studiosus? Terentiam ob aes alienum nona dote exsolvendum: & Publiliam, quod Tulliae morte laetari visa esset, domo exegit. Plutarch. *Vit. Ciceron.* Alii propter senectutem abiiciebant uxores, L. 62. D. *de don. inter vir. & ux.* alii quia iam cum alia fuerat transactum. Quo pertinent illa Iuvenalis *Sat. VI. v. 147.*

— — *Exi*

*Ocyus, & propera, sicco venit altera naso.* Immo quum, dimissa ob mores graviores uxore, maritus dotem lucraretur: fiebat aliquando, ut viri data opera male moratas ducerent, dummodo bene dotatae essent. Sic C. Titinnius Minturnensis Fanniam uxorem impudicam de industria duxerat, ut eo crimine repudiatam dote spoliaret. Quod exemplum, latamque a C. Mario sententiam referunt Plutarch. *in vita Marii p. 247.* & Valer. Max. VIII, 2. 3. Denique etiam nonnunquam bona gratia a se invicem discedebant coniuges, & tum plerumque uxor non solum dotem recipiebat, sed & dona & munera a marito data lucrabatur. Vnde Ovid. *de Remed. Amoris v. 669. sequ.*

*Tutius est, aptumque magis, DISCEDERE*  
*PAGE,*

V 2

*Quam*

*Quam petere a thalamis litigiosa fora.  
Munera, quae dederas, habeat sine lite iubeto;  
Esse solent magno damna minora malo.*

XLVI.  
Etiam  
uxoribus  
licuit a vi-  
ris diver-  
tere.

XLVI. Ceterum quum olim maritis tantum ius esset dimittendi uxores, ceu ex Romuli lege observat Plutarchus in *Vita Romuli* pag. 39. idque ius adhuc vigeret temporibus Plauti, ceu ex eius *Mercat. Aët. IV. Scen. 6.* constat: postea etiam uxores coeperunt a viris divertere, idque tam frequenter, ut graviter scribat Seneca de *Benefic. III, 16.* Numquid iam ulla repudio erubescit, postquam illustres quaedam & nobiles feminae non Consulum numero, sed maritorum, annos suos computant, & exeunt matrimonii causa, nubunt repudii? Et Iuvenal. *Sat. VI. v. 20.*

— Sic fiunt octo mariti,

Quinque per autumnos.

Et Martialis, *Epigr. VI, 7.*

*Aut minus, aut certe non plus, tricesima lux est,*

*Et nubit decimo iam Thelesina viro.*

*Quae nubit toties, non nubit, adultera lege est,*

*Offendar moecha simpliciore minus.*

Nec gravioribus opus erat caussis, si uxor a marito, quam si hic ab illa, sese scungeret. Sapius enim & mulieres sine causa divertebant a viris. Exemplum habes in Ciceronis *Epist. ad Fam. VIII, 7.* ubi Coelius ad Ciceronem: *Paulla Valeria, soror Triarii, divortium sine causa, quo die viro Provincia venturus erat, fecit. Nuptura est D. Bruto.* Soli libertae non licebat per legem Papiam Poppacam a patrono discedere, cui erat matrimonio copulata, ceu ipsa legitima verba docent, quae servavit Vlpianus *L. ult. D. de divor.*

vort. quaeque diligentius interpretari sumus in  
*Comment. ad L. Iul. & Pæp. Popp. Lib. II. Cap.*  
*XII. p. 244.*

XLVII. Fiebat olim divortium non sine XLVII.  
 sollemnitate. Quemadmodum enim uxores <sup>Sollemni-</sup>  
 in manum conveniebant per confarreationem: <sup>tates in</sup>  
 ita seiungebantur alio sacrificio, quod diffarreatio <sup>divortiis</sup>  
 appellabatur. Fest. *voce Diffarreatio p. 280.* <sup>olim ob-</sup>  
*Diffarreatio genus sacrificii, quo inter virum &*  
*mulierem fiebat dissolutio. Dicta diffarreatio,*  
*quia fiebat farreo libo adhibito.* In usu erat hoc  
 sacrificium adhuc Plutarchi aetate, quoties in-  
 ter Flaminem Dialem & Flaminicam fiebat disci-  
 dium nuptiarum. Quum enim antea Flaminibus  
 nefas esset, uxores a se dimittere: rescripto id  
 primus permisit Domitianus, teste eodem Plu-  
 tarch. *Quaest. R. p. 276. Tom. II.* Qui & haec  
 addit: *οἱ ἱερεῖς παρεγίνοντο τῇ ἑ γάμιν διαλύσει, πολ-*  
*λὰ φρικώδη καὶ αἰσχροτά, καὶ σκωδρονὰ δρῶντες.* At  
 sacerdotes reliqui, qui interfuerunt, quum eiusmodi  
 matrimonium dissolveretur, multa horrenda,  
 inaudita & tristia fecerunt. Vnde patet, triste  
 admodum ac mali ominis fuisse hoc diffarreatio-  
 nis Sacrificium, in quo multos ritus ac caerimonia-  
 nias tristiores adhiberi oportuerit. Coemtionem  
 contractae nuptiae remancipatione solutae vi-  
 dentur Iac. Raevardo, *de Leg. XII. Tab. XXII.*  
*p. 99. seq. Tomo I. Oper.* Praeterquam enim  
 quod nihil tam naturale est, quam unumquod-  
 que eo modo dissolvi, quo colligatum est, *L.*  
*35. D. de reg. iur.* omniaque, quae in iure con-  
 trahuntur, contrario iure pereunt: *L. 100. D.*  
*eod. remancipationis huiusmodi disertis verbis*

meminit Festus voce *Remancipatam* p. 403. *Remancipatam* Gallus Aelius esse ait, quae *mancipata* sit ab eo, cui in manum convenerat. Ita sane Catonem Vticensem uxorem Marciam praesentem despondisse Hortensio, refert Plutarch. in *Catone*. Et Tiberium Neronem Liviam uxorem etiam praegnantem Augusto cessisse, ex Tacit. *Ann.* V, 1. & Dionis *Lib.* XLVIII. novimus. Id quod remanicipationis ritu factum esse, non dubitaverim. Convenisse enim Liviam in manum, ex verbis Dionis colligas: ἐξιδούκῃ δ' αὐτὴν αὐτὸς ὁ ἀνὴρ, ὡς πατὴρ, τῇ πατρί. *Elocavit illam ipse maritus, tanquam filiam.* Vfu denique quaelita uxor, si vellet a viro divertere, usurpatione rescindebat matrimonium, si nondum circumactō anno a viro trinoctium abfuisset. Gell. *Noct. Att.* III, 2. Macrob. *Saturn.* I, 3.

XLVIII.  
Ritus se-  
quiore  
aero usi-  
tati.

XLVIII. At postea invaluit, ut paucioribus adhibitis caeremoniis, quae legitimae observationis vocabulo veniunt in *L. 35. D. de don. int. vir. & uxor.* dissolverentur matrimonia, quas summatim recensebimus. Primo confringebantur tabulae dotales, ut patet ex Tacito *Ann.* XI, 30. & Scholiasta Iuvenalis *ad Sat.* IX. v. 75. Deinde adimebantur claves. Quemadmodum enim novae nuptae, ingressae domum mariti, claves in signum communicati cum ea dominii tradebantur: Barn. Brissō. *de Ritu nupt.* pag. 232. ita clavibus ademptis dirimebantur connubia. Cic. *Philipp.* II, 28. Petr. Victor. *Var. Lett.* II, 2. Tum porro dicebantur sollemnia verba. His enim omnino opus fuisse, vel inde patet, quod Cicero *de Orat.* I, 40. ait: *Certis quibus-*  
*dams*

dam VERBIS, non novis nuptiis, fieri cum superiore divortium. Verba vero illa haec erant: RES TVAS TIBI HABETO. Vel TVAS RES TIBI AGITO, L. 2. §. 1. D. de divort. Barn. Briff. de Form. VIII. p. 722. eaque pronunciare plerumque solebat libertus. L. 9. D. de divort. Iuvenal. Sat. VI. v. 145.

Collige sarcinulas, dicet libertus, & EXI, Iam gravis es nobis, & saepe emungeris, EXI Ocyus, & propera, sicco venit altera naso.

Solebant etiam nuncium mittere coniugi, eaque speciatim dicebatur renunciatio matrimonii. Immo & libellus dabatur, cui eadem procul dubio verba inscripta. Quo libello iam oblato locus quidem erat poenitentiae, si coniux repudiatus consentiret: L. 7. D. de divort. non si huic placeret conditio. Tunc enim dissolutum censebatur matrimonium, libello etiam nondum tradito. L. 6. C. de repud. Car. Sigon. de Antiquo Iure Civ. Rom. I, 9. p. 132. Denique Augustus, (qui & alias divortiis modum imposuit: teste Sueton. Octav. XXXIV.) lege Iulia de adultteriis cavuit, ut divortium fieret, adhibitis praeter libertum septem testibus civibus Romanis, puberibus: alias pro irritato haberetur. L. 9. D. de divort. Barn. Briffon. ad Leg. Iul. de adult. XXVIII. p. 123.

XLIX. Sed haec omnia ad divortium inter XLIX. coniuges pertinent. Latius patebat repudium, Quid requod etiam sponsus sponsae, vel haec illi dare repudium? solebat. Paullus L. 191. D. de Verb. signif. Inter divortium & repudium hoc interest, quod repudiari etiam futurum matrimonium potest: non recte

meminit Festus voce *Remancipatam* p. 403. *Remancipatam* Gallus *Aelius* esse ait, quae *mancipata* sit ab eo, cui in manum convenerat. Ita sane Catonem Uticensem uxorem Marciam praesentem despondisse Hortensio, refert Plutarch. in *Catone*. Et Tiberium Neronem Liviam uxorem etiam praegnantem Augusto cessisse, ex Tacit. *Ann.* V, 1. & Dionis *Lib.* XLVIII. novimus. Id quod remanicipationis ritu factum esse, non dubitaverim. Convenisse enim Liviam in manum, ex verbis Dionis colligas: ἐξιδούκῃ τὴν αὐτὴν ὁ ἀνὴρ, ὡς πατέρα, τὴν πατέρα. *Elocavit illam ipse maritus, tanquam filiam.* Vsu denique quaelita uxor, si vellet a viro divertere, usurpatione rescindebat matrimonium, si nondum circumactō anno a viro trinoctium abfuisset. Gell. *Noct. Att.* III, 2. Macrobian. *Saturn.* I, 3.

XLVIII.  
Ritus se-  
quiore  
sevo usi-  
tati.

XLVIII. At postea invaluit, ut paucioribus adhibitis caeremoniis, quae legitimae observationis vocabulo veniunt in *L.* 35. *D. de don. int. vir. & uxor.* dissolverentur matrimonia, quas summatim recenserebimus. Primo confringebantur tabulae dotales, ut patet ex Tacito *Ann.* XI, 30. & Scholiasta Juvenalis *ad Sat.* IX. v. 75. Deinde adimebantur claves. Quemadmodum enim novae nuptae, ingressae domum mariti, claves in signum communicati cum ea domini tradebantur: Barn. Brissson. *de Ritu nupt.* pag. 232. ita clavibus ademtis dirimebantur connubia. Cic. *Philipp.* II, 28. Petr. Victor. *Var. Lect.* II, 2. Tum porro dicebantur sollemnia verba. His enim omnino opus fuisse, vel inde patet, quod Cicero *de Orat.* I, 40. ait: *Certis quibus-*  
*dams*

dam *VERBIS*, non novis nuptiis, fieri cum superiore divortium. Verba vero illa haec erant: RES TVAS TIBI HABETO. Vel TVAS RES TIBI AGITO, L. 2. §. 1. D. de divort. Barn. Briss. de Form. VIII. p. 722. eaque pronunciare plerumque solebat libertus. L. 9. D. de divort. Iuvenal. Sat. VI. v. 145.

Collige sarcinulas, dicet libertus, & EXI, Iam gravis es nobis, & saepe emungeris, EXI Ocyus, & propera, sicco venit altera naso. Solebant etiam nuncium mittere coniugi, eaque speciatim dicebatur renunciatio matrimonii. Immo & libellus dabatur, cui eadem procul dubio verba inscripta. Quo libello iam oblato locus quidem erat poenitentiae, si coniux repudiatus consentiret: L. 7. D. de divort. non si huic placeret conditio. Tunc enim dissolutum cenfebatur matrimonium, libello etiam nondum tradito. L. 6. C. de repud. Car. Sigon. de Antiquo Iure Civ. Rom. I, 9. p. 132. Denique Augustus, (qui & alias divortiis modum imposuit: teste Sueton. Octav. XXXIV.) lege Iulia de adulteriis cavet, ut divortium fieret, adhibitis praeter libertum septem testibus civibus Romanis, puberibus: alias pro irritato haberetur. L. 9. D. de divort. Barn. Briffon. ad Leg. Iul. de adult. XXVIII. p. 123.

XLIX. Sed haec omnia ad *divortium* inter XLIX. coniuges pertinent. Latius patebat *repudium*, Quid repudium? quod etiam sponsus sponsae, vel haec illi dare solebat. Paullus L. 191. D. de Verb. signif. Inter *divortium* & *repudium* hoc interest, quod repudiari etiam futurum matrimonium potest: non recte

autem sponsa divortisse dicitur. Et Modestinus *L. 101. § 11. D. cod. Divortium inter virum & uxorem fieri dicitur; repudium vero sponsae remitti videtur: quod & in sponsae personam non absurde cadit.* In repudiis sponsae mittendis sollemnia erant verba: **TVA CONDITIONE NON VIQR.** *L. 2. §. 2. D. de divort. & repud.* Tantum autem abest, ut hic causa aliqua fontica opus esset, ut ex sponsalibus, quantumvis stipulatione firmatis, nulla oriretur civilis actio, sed infinita esset repudiorum licentia. *L. 1. C. de sponsal. L. 2. §. 1. 2. D. de divort. L. 2. C. de repud. L. 2. C. de inutil. stipul.* Nec contrarium evincitur ex loco Servii Sulpicii apud Gell, *Noct. Att. IV, 4.* Actio enim illa ex sponsu, cuius ibi meminit Sulpicius, non ad Romanos, sed ad Latii incolas pertinebat. Attamen & ab Orbis Romani incolis certas repudii causas observari voluerunt Theodosius & Valentinianus *L. 8. C. de repud. & Iustinianus L. 10. 11. C. cod.*

I. Ius patrimon. legitim. domini, testamenti, hereditatis, usucapionis.

L. Sufficiant haec de tertio iure Quiritium, id est, de iure connubiorum. Quartum fuit PATRIVM, de quo tamen vix est, quod hic addamus, quum supra *Lib. I. Tit. IX* de patria potestate, civibus Romanis propria, accurate nos agere meminerimus, quemadmodum & de adoptione, legitimatione, emancipatione, aliisque, quae huc pertinent, uberius suis locis differuimus. Idem de quinto dicendum. Quot modis enim iure Quiritium rerum adquiratur DOMINIVM, & quatenam fuerint eius dominii effecta, statim dicemus *Lib. II. Tit. I.* De sexto quoque, id est, de iure TESTAMENTORVM, age.



agemus *Lib. II. Tit. X. sequ.* De septimo, seu, de iure HEREDITATVM LEGITIMARVM, *Lib. III. Tit. I.* & sequentibus, de octavo denique, id est, de VSCAPIONE, *Libro II. Tit. VI.* plura monebimus, nihil ut hic de illis addendum praeterea viderur. Progrediemur ergo ad ea iura civium Romanorum, quae ad ius publicum potius spectant, & *κεῖν* CIVITATIS iura adpellantur.

LI. Prima civium Romanorum praerogativa, quae ad ius publicum pertinet, est IVS CENSVS. Census qualis Romae fuerit, & a quonam sit institutus, diximus supra, ubi de capitis diminutione actum est. Auctor nimirum huius moris Servius Tullius Rex, qui primus iussit, ut cives omnes in sua quisque classe & centuria, dato iureiurando, apud eum, penes quem ius esset censendi populi, nomina sua, uxorum, liberorum, libertorum servorumque suorum profiterentur, praetereaque aetatem omnium, regionem, quam habitarent, & fortunarum suarum aestimationem deferrent. Hoc autem ius censendi primum Regum, deinde Consulum & Dictatorum, ac postremo Censorum fuit. Quae omnia ideo instituta sunt, ut de civium, qui arma ferre possent, numero, pecuniaeque magnitudine, qua belli sumtus sustententur, & totius Rei-publicae viribus tanto certius constaret. Vnde de Servio Tullio Florus I, 6. *Ab hoc Populus Romanus relatus in Censum, digestus in Classes, Curiis atque Collegiis distributus, ut omnia patrimonii, dignitatis, aetatis, artium, officiorumque discrimina in tabulas referrentur, ac si maxima civitas minimae domus diligentia contineretur.*

LI. Ius  
Census.

LII. Censu etiam ius civitatis adquiri potuit.

LII. Quicumque iure nomina dabant Censoribus, eaque inscribenda curabant Tabulis Censualibus, eo ipso ius civitatis consequabantur, adeo ut & servi non modo manumissi, verum etiam cives viderentur, si nomina, consentiente domino, profiterentur apud Censores, ac deinde lustris interessent. Vlp. *Fragm.* I, 8. Cic. *de Orat.* I, 40. Ast adultiore iam civitate, non promiscue omnibus licuit in Tabulas Censuales irrepere. Quum enim plerique socii ac Latini nominis hoc modo ius civitatis furtim consequi studerent, nominibusque Tabulis Censualibus inscriptis, deinde Romam commigrarent: conque sti sunt anno V. C. DLXIV. M. Aemilio & C. Flaminio Coss. legati sociorum Latini nominis, *magnam multitudinem civium suorum Romam commigrasse, & ibi censos esse.* Quo intellecto, Senatus Q. Terentio Culleoni Praetori negotium dabat, *ut eos conquireret, & quem C. Claudio & M. Livio Censoribus, postve eos Censores ipsum parentemve eius apud se censum esse probassent, ut redire eo cogeret, ubi censi essent.* Liv. XXXIX, 3. Quamvis ergo tunc ea conquisitione duodecim millia Latinorum domos redire cogerentur: paullo post tamen A. V. C. DLXXVI. iterum audita sunt legationes sociorum & Latini nominis, conquerentium, *cives suos Romae censos plerosque eo demigrare. Quod si permittatur, perpaucis lustris futurum, ut deserti oppida, deserti agri, nullum militem dare possent.* Re vero expensa paullo accuratius, prodiit Edictum, *Qui socii ac nominis Latini ipsi maioresque ipsorum, M. Claudio, T. Quintio Censoribus, posteaque apud socios ac nominis Latini censi*

*censu essent, ut omnes in suam quisque civitatem, ante Kal. Nov. redirent.* Liv. XLI, 12. 13. *sequ.* Id ius aliquamdiu viguit, siquidem & L. Postumium Consulem anno V. C. DEXXX. pro concione legimus edixisse, ut, qui socium Latini nominis ex editto C. Claudii Cos. redire in civitates suas debuissent, ne quis eorum Romae, sed omnes in civitatibus suis censerentur Liv. XLII, 10. Quum ne sic quidem fraudes istae impedirentur, in eandem sententiam anno DCLVIII. a L. Licinio Crasso & Q. Mucio Scaevola Coss. lata est lex *Licina & Mucia*, ut socii & Latini nominis in suae quisque civitatis ius redigerentur. (r) Verum

- (r) Exstitit etiam in eandem rem lex quaedam *Papia*, cuius disertis verbis meminit Cicero *pro Balbo* XXIII. Valer. Max. III, 4. 5. Vnde fallitur Steph. Vin. Pighius, in *Observat. ad Valer. Max. l. c.* qui hanc legem plane explodendam putat. Nec minus errat Car. Sigon. *de Antiquo iure Ital.* III, 1. qui eandem confundit cum lege *Papia de peregrinis*, de qua infra agemus. Hac enim lege non omnes peregrini eliciebantur, sed socii & Latini nominis, qui Romam commigraverant, domum redire lubebantur, ceu exemplis, a Valerio Maximo & Cicerone adlatis, patet. Quum vero lex *Claudia* prima fuisse videatur, qua ea de re actum est, eaque lata sit anno Ic. LXXVI. post legem vero *Liciniam Muciam*, latam anno Ic. CLVIII. statim bellum Marficum conflagravit; quo composito, dataque Latinis civitate, lege huiusmodi non amplius opus fuit, latam esse oportet hanc legem inter annum Ic. LXXVI. & annum DCLVIII. Quumque porro ex hac lege damnatus sit M. Perpennae Cons. pater, idque factum sit *post mortem filii*, quae in annum Ic. cxxiv. incidit: facile patet, non multum ante hunc annum legem hanc *Papiam* conditam esse. Vid. *Comment. nostr. ad Leg. Jul. & Pap. Popp. Lib. I. Cap. I. p. 11.*

rum ea lege ita alienati sunt animi principum Italico-  
rum populorum, ut ea vel maxima caussa  
fuerit conflati paullo post belli Italici. Cicero  
*pro Corn. Balbo XXI. de Offic. III, 11. pro C. Corn.  
Fragm. p. 330. Alcon. Paedian. ad eamd. Orat.  
pag. 1309.*

LIII.  
Census  
Romae,  
Professio  
in Provin-  
ciis.

LIII. Quum vero Census fierent Romae: o-  
portebat, cives, qui nomina fortunasque profi-  
teri cuperent, eo commigrare. Hinc P. Scipio  
in oratione, quam Cenfor ad populum habuit,  
inter alia, quae contra maiorum instituta fie-  
rent, etiam hoc reprehendit, *quod absentes iu-  
beantur censeri, ut ad censum nemini necesse sit ve-  
nire.* Gell. *Noct. Att. V, 19.* In Provinciis non  
Census habebantur, sed fiebat *Professio Censualis.*  
*L. ult. C. sine Censu vel reliqu.* Qua de re vetus  
fragmentum Iureconsulti, quod ex Codice  
Rumpfiano edidit Salmas. *de Mod. usur. XIX p.*  
*878. Αἱ ἐν τῇ πόλει Ῥωμαίων μόνῃ ἀποτίμησιν ἀγνοοῦνται*  
*διδύλωται, ἐν δὲ ταῖς ἐπαρχίαις μᾶλλον ἀπογεγραφεῖς*  
*χρῆνται.* Quae ita redduntur in fragmento Lati-  
no, quod edidit Pithoeus: *Sed in civitate tantum*  
*Romana Censum agi declaratum est: in Provinciis*  
*autem magis Professionibus utuntur.* Ex quibus si-  
mul patet, qualis fuerit illa ἀπογεγραφή, cuius me-  
minit Lucas II, 1. Agebantur haec ἀπογεγραφεῖς ini-  
tio per Equites Romanos, ceu ex Grut. *Inscr. p.*  
*CCCLV, 6.* colligit Reines. *Inscr. p. 271.* Talis  
est LEG. AVG. CENSIBVS ACCIPIEN-  
DIS PER HISPANIAM CITERIOREM,  
apud Reines. *Inscr. II, 26.* nec non DISPENSA-  
TOR AD CENSVS PROV. LVGDVNEN-  
SIS apud eumd. *Class. IX, 99.* Ab aliis auctoribus

voeantur *Censitores*, veluti a Lactant. *de Mort. Perseq. Cap. XXIII.* quibus additos legimus ministros susceptores, dictos *Ducenarios*, horumque adiutores, itemque scribas, *chalcologos*, *accensos*, *compulsores*, de quibus Grut. *Inscr. p. CCCCXXXIV, 3. & p. CCCCIII, 5.* Reinef. *Comm. ad Inscr. pag. 271.* Postremis temporibus Censitorum munus personale, nec admodum honorificum fuisse, discimus ex *L. 1. L. 19. §. 9. 16. D. de mun. & honor.* Permultum ergo inter Censum Urbanum & Provinciale intererat. Quamvis enim etiam Provinciales illae Professiones nonnunquam Censui nomine veniant, ut vel ex Digestorum & Codicis Titulis *de Censibus & Censitoribus*, nec non ex Lactant. *de Mort. Persequutor. XXIII.* intelligimus: vel maxime tamen eo differebant, quod Romae tantum censerentur cives, ut Reipublicae vires civiumque facultates paterent, ac deinde veteri ritu lustrum accederet. In Provinciis vero Censui novum onus & nova tributa in solum & capita adferebat. Amm. Marcellin. *Hist. XIX, 11.* Post Antonini tamen Caracallae Constitutionem supra explicatam, parum inter Censum Professionemque Provinciale videtur interfuisse. Lustralis Censui iam a Vespasiani temporibus ab usu recesserat, (s) teste Censorin *de Die Nat. XVIII.* Ast non ideo etiam Censui Romae in Pro-

(s) Lustralem tamen Censum Romae egit Decius Imperator, ut auctor est Trebellius Pollio *Valerian. 1. & 11.* Sed ultimum ac longo repetitum intervallo fuisse illud exemplum, notat illic Is. Casaubonus.

(s)

Provinciisque obsolevit, qualem etiam Vlpiani tempore, licet sine lustrum, conditum, ex multis iuris nostri locis discimus.

LIV.  
Quid Lustrum?

LIV. Quum vero olim Censui Romae accedere consueverit *Lustrum*: id quoque, quale fuerit, ex Antiquitatibus Romanis videtur explicandum. Peraeto scilicet Censu, populus iubebatur armatus adesse in Campo Martio, ubi lustrabatur, sue, ove & tauro, quae animalia ter circum exercitum agebantur ab iis, quibus essent fausta nomina. Cic. *de Divin.* I, 45. ac dein immolabantur Marti, Liv. I, 44. Varro *de Re Rust.* II, 1. Dionys. Halicarn. *Ant. Rom.* IV. p. 225. Vnde & sollemne istud sacrificium dictum SVOVETAVRILIA, a sue, ove & tauro, vel, ut alii malunt, SOLITAVRILIA; Sed priorem vocis formam confirmat lapis apud Gruter. *Inscript.* p. CXXI, 1. HVIVS OPER. PERFECTI. CAVSSA. LVSTRVM. MIS-SVM. SVOVETAVRILIB. MAIORIBVS. Huius lustrum quam maxime habebant rationem Iureconsulti, quum plerisque non a Censu, sed a lustrum potius, iura novorum civium Romanorum initium capere viderentur. Cic. *de Orat.* I, 40. Hinc vetus fragmentum Iureconsulti apud Pithoeum: *Magna tamen dissensio inter prudentes, utrum eo tempore vires accipiant omnia, in quo lustrum conditur? Existimant enim, Censum descendere ad diem lustrum, non lustrum decurrere ad diem Censu. Propterea quaesitum est, quia omnia Censu aguntur, lustrum confirmatur.* Add. Cuiac. *Observ.* III, 22.

LV.

LV. Quemadmodum vero Censui proprium ius erat civium Romanorum: ita & graviter animadvertebatur in eos, qui illum subterfugissent, quippe quos, publicatis bonis, verberatos veniisse, tradunt Dionys. Hal. IV. p. 221. Cic. *pro A. Caecin.* XXIV. Vlpian. *Fragm.* XI, 11. Qua in re fictionem quandam intercessisse, supra diximus ad Titulum *de Capitis diminutione*.

LVI. Alterum ius civitatis Romae erat IVS MILITIAE. Quum enim Romana militia lecta partim legionibus, partim auxiliis constaret: in legiones nemo iure adlegebatur, nisi civis Romanus. Immo nec cives quidem omnes idonei videbantur legionarii: sed oportebat, hos esse ingenuos, & in quinque classibus censos. Unde excluderentur libertini, capite censi, histriones, e qua hominum colluvie non nisi cogente necessitate, & in re trepida legebantur milites, ut satis accurate docent Iust. Lips. *de Milit. Rom.* I, 2. p. 14. Carol. Sigon. *de Antiquo Iure Civ. Rom.* I, 15. p. 172. *sequ.* ubi etiam rationem habendi delectum ex Polybio egregie explicant. Alii erant focii, qui olim ex Italis & sociis Latini nominis, & posteaquam hi ius civitatis impetrarant, e Provincialibus deligebantur. Si qui ex aliis gentibus adsciscerentur: levioris armaturae milites dicebantur. Vid. Savil. *de Milit. Rom.* p. 334. *sequ.* Cives sacramento militari adstricti, (cuius formula est apud Gell. XVI, 4. ubi addendus Lips. *de Milit. Rom.* I, 6. p. 45. *sequ.*) tamdiu militabant, donec vel missionem, sive *bonestam*, sive *caussariam*, im-

LV. Poena incensorum.

LVI. Ius militiae antiquum.

pe-

petrarent, vel *ignominiae* causa ab exercitu abesse iuberentur. Ista missio dabatur iis, qui vel legitima confecerant stipendia, vel maiores erant quinquaginta annis. Illa ob morbum adfectamque valetudinem; haec ob crimina admissa dabatur: de quibus omnibus Sigon. *l. c. pag.* 28. ipsique Icti ad *Tit. D. de Re militari*.

LVII.  
Quid in  
his muta-  
tum sub  
Imperato-  
ribus.

LVII. Enimvero haec omnia mutata sunt, ex quo Rempublicam invaserant Principes. Iam Augustus non civibus modo, verum etiam Latinis & Italis necessitatem militiae remiserat, inventa militia mercenaria, Herodian. *Hist.* II, 11. & ideo plerasque legiones conscripserat e Provincialibus; Praetorianas, & quae ad urbis adhibebantur custodiam, ex Italis. Schel. *Not. ad Hygin. de Castramet. pag.* 13. Idque eo magis invaluit post datam ab Antonino Caracalla Orbi Romano civitatem. Ex eo enim tempore, quae antea legiones ex Romanis tantum civibus, vel urbanis, vel Italiam Provinciasve habitantibus, constabant, eae ex Provincialibus plerumque deligerentur: quae auxilia vero e sociis olim, seu Provincialibus, deligebantur, ea nationibus barbaris, quae vel pretio, vel sponte, in eam se militiam dabant, conscribebantur. Ez. Spanhem. *Orb. Rom.* II, 23. p. 158. Immo adeo a veteri instituto desciverant Romani Principes, ut postremis temporibus integras legiones e barbaris conscriberent. Talis est *legio Zianorum* apud Ammian. Marcell. XXVI, 1. *legio Grubungorum* apud Claudian. in *Eutrop.* IV, v. 58. Immo talis magna pars exercitus Theodosiani, de cuius conditione & laxa disciplina queritur

Zo.



Zosim. *Hist. IV*, 30. & 31. Vnde eo magis mirandum, quod prostituta barbaris militia, libertinae tamen conditionis homines tam severe ab omni, etiam Palatina, militia exclusit Valentinianus III. Imp. *L. 3. C. Theod. de libert.*

LVIII. Sequitur tertium, quod ad civitatem Romanam pertinuit, IVS TRIBVTORVM & VECTIGALIVM. *Tributum erat* LVIII. *Ius tributorum.*

pecunia populo imperata, quae tributum a singulis exigebatur. Quae vero pecunia alio quocumque nomine pendenda erat, *vectigal* solebat adpellari. Varro *de Ling. Lat. IV*, 16. p. 29. Sam. Petit. *Var. Lest. II*, 1. Tributorum tria genera erant, unum, quod *in capita*, alterum quod *ex censu* conferebatur, tertium quod imperatum extra ordinem, adeoque *temerarium* dictum. Tributum in capita, (quod postea etiam *tributum capitis*, *capitulare*, ut & pecunia pro capitibus dici coepit, teste Lindenbrogio ad Ammian. Marcell. p. 50.) sub primis Romanorum Regibus in usu fuit, adeo ut quum Regi opus esset pecunia, aequo pauperes ac divites onere premerentur. Dionys. Halic. *IV*. p. 223. Invento autem Censu tributum illud capitis desit, civesque coeperunt tributa conferre pro suo quisque Censu, quod de re Livius *I*, 43. *Quadrifariam enim urbe divisa, regionibus collibusque, quae habitantur partes, tribus eas adpellavit, ut ego arbitror, a tributo, nam eius quoque aequaliter ex Censu conferendi ab eadem inita ratio est.* Tarquinius Superbus veterem tributa exigendi rationem restituit; auxitque in tantum, ut pro suo quisque capite decem penderet denarios. Dio-

nyf. Halic. *IV*, p. 245. Eiurato Regno, Valerius Poplicola Servii institutum revocasse, eumque in finem Quacstores creasse videtur. Immo pauperes aliquamdiu tributorum onere exsoluti, donec decrevit Senatus anno V. C. CCCXLIX. ut plebi, quae eo usque suis sumtibus militaverat, stipendium quotannis ex aerario solveretur. Hoc enim factò coacti sunt omnes, tributum ex Censu quotannis in stipendium militare conferre. Liv. *IV*, 59. 60. Hin magna subinde certamina inter Patres & plebem de conferendis tributis, saepe a Tribunis impedita, saepe a Senatu remissa, nec raro ob necessitatem Reipublicae audita sunt, ut refert Car. Sigon. *de Antiquo Iure Civ. Rom. I*, 16. p. 197. *sequ.* Quin indicta saepe tributa temeraria, propter periculi magnitudinem, veluti post urbem a Gallis captam, item bello Punico secundo, Valerio Levino & M. Claudio Marcello Coss. quando ipsae matronae aurum & ornamenta sua conferre non dubitabant. Fest. *vocē Tributum* p. 468. Liv. XXVI, 36. Postremo annua tributa plane remissa sunt A. V. C. 10. LXXXVI. postquam L. Paullus e praeda Macedonica incredibilem vim auri intulerat in aerarium. Cic. *de Offic. II*, 22. Plin. *Hist. Nat. XXX*, 3. idque ad Consulatum usque Hirtii & Panfae mansisse, tradit Plutarchus *Vit. Paull.* p. 275. *Tom. I.* Post ea tempora tributi collati frequentissima fit mentio, & sub Imperatoribus eo res rediit, ut multa invenirentur nova tributa locupletando aerario, & non solum Provinciis a populo *stipendia*; a Principe *tributa* imponerentur, Theoph. §. 40. *Inst. de Rer. Divis.*  
Cu-

Cuiac. *Obs. VII*, 3. verum etiam durior subinde hac in re fieret conditio civium Romanorum.

LIX. Diversa a tributis erant VECTIGALIA, Cuiac. *Obs. VII*, 4. quae vel portorii, vel LIX. Ius vectigallum, quallia erant portoria. decumarum & scripturae, vel salis, vel vicefimae nomine exigebantur. Portoria pecuniae erant, quae portitoribus pendebantur, id est, iis, qui mercedes, mercibus in portum vel per pontem devehendis, exigebant. Hirt. *Bell. Alex. XIII. L. 60. §. 8. D. Locat. conduct.* Iul. Caes. *Bell. Gall. III, princ.* Sed illa portoria, lege lata, civibus in urbe ac per Italiam remisit Q. Metellus Nepos, Dio Cass. *XXXVII. p. 59.* Postea tamen peregrinarum mercium portoria denuo instituit Iulius Caesar, teste Sueton. *Iul. XLIII.* Eaque diutissime exacta sunt sub Imperatoribus sequentibus, quippe quorum primum ea penitus remisisse legimus Helvium Pertinacem, auctor est Herodian. *Hist. II, 4.* quamvis illud restitutum esse a successoribus, ex *L. 21. pr. D. de don. int. vir. & ux.* intelligamus.

LX. Decumae exigebantur a civibus Romanis, vel Latini nominis sociis, qui in Italia aut LX. Decumae & scripturae. extra Italiam publicos agros arabant. Id enim fiebat ea lege, ut frumenti decimas penderent. Sin vero quis silvis, vel pascuis publicis, hoc modo frueretur: pecunia, quae inde redibat, *Scriptura* adpellari consuevit. Solebant scilicet Romani agros, hostibus bello ademptos, si culti essent, civibus; sin inculti, Italicis hominibus per Censores locare, ea lege, ut decimam frumenti, quintam reliquarum frugum praestarent; c. pascuis vero certum pende-

rent stipendium. Postea quum divites plerumque ad se rapuissent: A. V. C. CCCLXXVII. a C. Licinio Stolone lata est lex, *Ne quis plus quam quingenta iugera agri, centum pecoris maioris capita, quingenta minoris possideret.* Liv. VI, 35. VII, 16. Aurel. Victor. *de vir. illustr.* XX. Sed quam parum ea lex valuerit, vel inde patet, quod non multo post ipse ille Licinius Stolo a M. Popillio Laenate ex sua lege X. millibus aeris est damnatus, quod M. ingerum agri cum filio possideret, emancipandoque filium fraudem legi fecisset. Liv. VII, 16. Hinc eandem legem postea A. V. C. LXXX. retulit Tib. Sempronius Gracchus, Tribunus plebis, cuius tamen functionem mox elusit Senatusconsultum, quo agri vendi iussi sunt: unde denuo divitibus cesserunt solis. Quare denique Sp. Thorius, Tribunus plebis, lege lata anxio, ne agri amplius dividerentur, sed possessores in iis relictis vectigalia pro iis penderent, eaque pecunia plebi distribueretur. Cuius legis fragmenta ex antiqua Tabula aenea edidit Car. Sigon. *de Antiquo iure Ital.* II, 2. p. 638. Denique alius Tribunus totum illud vectigal nova lege sustulit. Appian. *de Bello Civ.* I. p. 366. Quumque solus superesset ager Campanus: eum quoque divisit Iulius Caesar Consul. Suet. *Iul.* XX. Unde ex eo tempore conquestus est Cicero: *Epist. ad Att.* II, 16. *Portorii Italiae sublatis, agro Campano diviso, vectigal nullum superesse domesticum, praeter vicepsimam.*

LXI. An-  
nonae sa-  
lariae.

LXI. Tertium vectigalis genus e sale redibat. Instituerunt enim Romani post exactos statim Reges, ut sal non a privatis venderetur, sed

sed minoris e publico acciperetur. Liv. II. 9: Bello autem Punico secundo, vectigal novum a Censoribus Claudio Nerone & Livio Salinatore, maxime tamen ab hoc, institutum ex salaria annona, (1) ut testatur Liv. XXIX, 37. Sal enim hi Censores sextante Romae; pluris in conciliabulis; & alibi alio pretio praebendum locaverunt, eoque novo vectigali locupletarunt aerarium. Sed & hoc vectigal demum ab usu recessit, ut patet ex verbis Ciceronis paullo ante relatis, quamvis, quo tempore id factum, haut adeo liquidum sit. Sigon. *de Antiquo Iure Civ. Rom.* I, 16. p. 207.

LXII. Diutius Romae in usu fuit quartum <sup>vi-</sup> <sup>cesimae.</sup> genus vectigalis, quod vicesima dictum. Eius origo referenda in annum V. C. CCCXCVIII quo Cn. Manlius legem novo exemplo ad Sutrium in castris tributim de vicesima eorum, qui manumittuntur, tulit. Patres, quia ea lege haut parvum vectigal inopi aerario additum esset, auctores fuerunt. Liv. VII, 16. Quoties ergo servus manumittebatur, vel herus vel libertus pendebat vicesimam. Arrian. *Diff. Epist.* II, 1. Όταν ἔν σφέλει τις θῆναι σκλαυγὸν τὸ αὐτῷ δόλων, ἔδδεν ἐπιόησεν. ἐπιόησει τίς; ἵστέρε; τὸ αὐτῷ δόλων θῆναι σκλαυγὸν, ἄλλο ἔδδεν; ναί. ἢ ἱκοσὴν αὐτῷ δέναι ὀφέλει. *Quando quis servum suum apud Praetorem vertit, num ista vertigine nihil egit? Enimvero egit aliquid. Quid autem? Servum suum vertit*

(1) Et inde alteri Censori Salinatoris cognomen haesit. Errat ergo Bullinger. *de Vectigal.* P. R. XV. qui Salinatorem non introduxisse, sed restituisse hoc vectigal existimat. Vid. V. C. Burmann. *de Vectigal.* P. R. VI. p. 116.

*tit apud Praetorem. Numquid praeterea? Immo & vicesima solvenda erit.* Similis est locus apud eundem *Lib. III. Cap. XXVI. Arrian. Dissert. Epist. II, 1.* Tardius tamen ab Augusto id etiam ad servos venales prolatum videtur, pro quibus vicesima quinta (u) pendenda erat ab emtore, si Tacito *Annal. XIII, 31.* fidem habemus, idque aurum vicesimarium in sanctiore aerario (x) ad ultimos Reipublicae casus servari consuevit. *Liv. XXVII, 10.*

LXIII. Oppressa per Principes Republica, multa nova inventa sunt vectigalia, quibus locupletaretur aerarium. Vnde de Augusto Sueton. *XLIX. Aerarium militare cum vectigalibus novis instituit.* Talis erat centesima rerum venalium, quam A. V. C. ICCCCLIX. instituerat Augustus, teste Dione Cass. *LV. p. 648.* Tiberius primum confirmavit, Tacit. *Ann. I, 78.* postea, ut populo aliquid daret, ducentesimam induxerat. *Id. Annal. II, 42.* denique quum cam Tiberius iterum in usum revocasset, cente-

(u) Tacit. *Ann. XIII, 31.* Vicesimae quintae meminit, sed ex Dionis *Hist. LV. p. 652.* constat, Augustum auctorem huius vectigalis non quintam & vicesimam, sed quinquagesimam τὸ τῆς εἰς πεντηκοντῆς, a servis venalibus exegisse. Alterutrum ergo errasse dixeris, nisi forte aliquis ex Augusti successoribus hoc vectigal auxerit.

(x) Huic vectigali colligendo praefectus aliquis fuit, qui adpellabatur *Vicesimarius*, vel *δικοσμοτάτης*: si sequamur emendationem in verbis fragmenti Traguriani Petronii, quam repraesentat V. C. Burmann. *de Vectig. P. R. X. p. 192.*

tesimam eandem Italis remisit Caius Caligula, Dio Cass. LIX. p. 742. Ex quo loco patet, in Suetonii *Cal. XVI.* auctore Casaubono rescribendum esse: *Centesimam auctionum Italiae remisit*, quum vulgo ibi legatur *ducentesimam*. Ceterum non aliud hoc erat vectigal, quam centesimus rerum in auctione venalium numus, qui inferebatur aerario militari, ut recte docet Lips. ad Tacit. *Annal. II. p. 104. sequ.* Saepissime tamen illius vectigalis quantitas videtur vel aucta, vel imminuta. Nam & quinquagesimae fit mentio. Immo Theodosius & Valentinianus Augusti constituerunt, ut nundinis quibusque ex qualibet negotiatione mercium fisco in singulos solidos venditor dimidiam siliquam, & similiter emtor dimidiam inferret. Idque est vectigal *SILIQVATICVM*, de quo Cassiod. *Var. IV, 19. id rebus omnibus nundinandis providam definivisse antiquitatem.* Ipsam Constitutionem Theodosianam quum iam pridem in lucem protraxerit Cuiac. *Obs. XVI, 22.* mirandum sane est, virum doctissimum, Guid. Pancirol. *Thesaur. Var. Lett. III, 31. p. 494.* existimare, siliquaticum in fructibus constituisse, c. g. siliquis similibusque, eosque fructus, loco numorum fuisse praestandos. Siliqua hic est vicesima quarta pars solidi aurei, seu eiusdem semiuncia, Gronov. *de Pec. Vet. Lib. IV. Cap. XVIII.* adeoque satis grande hoc vectigal fuisse animadvertimus. Est & vectigal *QVADRAGESIMAE*, sive litium, sive portorii loco solvendum, cuius meminere Quintilian. *D. clam. XXXV.* Symmach. *Epist. V, 62, 65.* immo &

Suct. *Vespas. Cap. I.* Ei praefectum legimus QVINCTIONEM, AVG. LIB. TABVLARIVM XXXX. GALLIAR. apud Reines. *Inscr. Class. IX, 36.* Paulo obscurius est vectigal *ansariae*, uti in *L. 1. C. Hermog. de iure fisci* vocatur, vel *ansarii* & *foveularii*, vel *foricularii*, quorum meminit elegans marmor Romanum apud Grut. *Inscr. p. CXCIX, 6.*

IMP. CAESAR. M. AVRELIVS, ANTONINVS. AVG.  
GERMANICVS. SARMAT. ET.  
IMP. CAESAR. L. AVRELIVS. COMMODVS. AVG.  
GERMANICVS. SARMATIC;  
HOS. LIMITES. (sic) CONSTITVI. IVSSERVNT.  
PROPTER. CONTROVERSIAS. QVAE. INTER. MERCATORES. ET. MANCIPES.  
ORTAE. ERANT. VTI. FINEM. DEMONSTRARENT. VECTIGALI. FORICVLARI. ET. ANSARII. PROMERCALIVM. SECVNDVM. VETEREM. LEGEM. SEMEL. DVMTAXAT. EXIGVNT.

Differit de his vectigalibus Iac. Cuiac. *Obs. XII, 3.* Sed ita ut lectores non multo reddat certiores. Mirum est, vectigal pro *umbra platani* exactum, de quo Plin. *Hist. Nat. XII, 1.* multoque mirabilius το ἀερινόν, quod pro coeli aërisque usu pendebatur, de quo quaedam haut protrita habet idem laudatus Cuiac. *Obs. X, 7.*  
Deni-



Denique etiam novis illis vectigalibus vel maxime accensenda vicesima hereditatum, de qua iam ante *n. XIX.* aliquid notavimus.

LXIV. Pergimus ad ius SVFFRAGIO-<sup>LXIV. ius suffragiorum.</sup> RVM, quod & ipsum ad cives Romanos pertinuit. Comitia ipse Romulus instituerat, civibusque libera permiserat suffragia, quoties vel lex ferenda esset, vel creandus Magistratus, vel bellum denique decernendum videretur. Dionys. Halic. *II, p. 87.* Quum vero initio curiatim suffragia cives ferrent in Comitiiis curiatis: postea centuriata Comitia invenit Servius Tullius, quibus id obtinuit, ut ditiorum praevalerent suffragia, cum in Comitiiis curiatis turba egenorum civium optimates & ditiores facile numero suffragiorum obrueret. Dionys. Hal. *IV. p. 224. sequ.* Et ex eo tempore fere dicis tantum & auspiciorum causa rogationes curiatim perlatae, & denique ipsa illa Comitia adumbrata sunt per XXX. lictores. Cic. *de leg. agrar. II, 12.* Qua de re tamen haut levis fuit virorum doctissimorum inter se altercatio, Nicolai scilicet Gruchii, & C. Sigonii, quorum scripta eristica repetita editione vulgavit vir de his litteris immortaliter meritus, Io. Georg. Graevius *Tomo I. Thes. Ant. Rom. (y)* Denique etiam tributa inver-

(y) Quaestio est inter hos viros doctissimos de lege curiata. Nic. Gruchius existimat, Patricios Magistratus olim binis Comitiiis esse creatos, centuriatis & curiatis; plebeios itidem binis, tributis & curiatis: deperique, quum obsolevisset curiata Comitia, Magistratus omnes binis Comitiiis creatos, centuriatis & tributis. Negat id Car. Sigonius, Magistratus tantum unius

X § generia

inventae sunt Comitiae, quibus populus per tribus, quarum demum XXXV. erant, ferebat suffragia, eaque coeperunt A.V.C. CCLXIII. A. Sempronio, M. Minucio Coss. Quemadmodum vero centuriata Comitiae non nisi a maioribus: ita tributa a minoribus aequae ac maioribus Magistratibus haberi poterant. In his suffragium ferebant omnes, qui erant in tribum adscripti, praeterquam impuberes, aerarii, & sexagenarii, quos de pontanos ideo dictos, alibi observavimus. Aliquando unus idemque civis in duplici tribu ferebat suffragia, si se dedisset alteri in adoptionem. Tunc enim & patris naturalis tribum retinebat, & tribui patris adoptivi adscribebatur. Hinc Augustus in lapide Brixienti apud Grut. p. CCXXVI, 3. vocatur C. IVLIVS. C. F. FAB. SCAPT. CAESAR. AVGVSTVS, quia tribui Fabiae & Scaptiae erat adscriptus. Suet. *Aug* XL. & ibi Torrent. De his Comitibus plura dat Sigon. *de Antiquo iure Civ. Rom.* I, 17. p. 212.

LXV. Il-  
lud sub  
Impera-  
toribus,  
mutatum.

LXV. Sed illud suffragiorum ius primus imminuit Iulius Caesar, Dictator perpetuus, Comitiae

generis Comitibus creatos existimans, Consules nimirum centuriatis, alios Magistratus Patricios curiatis, ita tamen, ut deinde iterum de iisdem Magistratibus iudicatum sit, populusque priora Comitiae reprehendere potuerit. Ergo de Consulibus bis putat Comitibus, sed non aliis quam centuriatis, iudicatum, de aliis quoque bis, sed non nisi curiatis. Ab Eruditorum vero Senatu iam pridem secundum Gruchium fuit iudicatum, uti observat V. C. Io. Ge. Graevius *praefat. T. I. Thes. Antiq. Rom.*

(2)

tia cum populo ita partitus, ut exceptis Consulatus competitoribus, de cetero numero candidatorum pro parte dimidia, quos populus vellet, pronunciarentur, pro altera parte, quos ipse dedisset. Sueton. *Jul. XLI.* Augustus equidem populo restituit suffragia, reducto pristino Comitiorum iure, & multiplici poena coercito ambitu: Sueton. *Aug. XL.* Ast sub Tiberio denuo ademptum fuit populo ius suffragiorum, & ad solum Principem ac Senatum traductum, seu, ut ea de re Tacitus *Ann. I, 15. tunc primum e campo Comitia ad Patres translata.* Dio Cass. *Hist. LVIII. p. 633. seq.* Reddita quidem a Caio illa suffragiorum iura tradit idem Dio *Hist. LIX. p. 648.* sed Suetonius *Calig. XVI.* tantum *tentasse eum, ait, Comitiorum more revocato, suffragia populo reddere.* Certe nec sub eius successoribus in ferendis legibus aliisque rebus maioribus populi suffragia valuisse, iam dudum observant viri docti, (z) Iustus Lips. *Excurs. ad Tacit. Annal.*

- (z) Retenta quidem aliquamdiu sunt Comitia; sed dicis causa, & tanquam priscae libertatis simulacra. Solebant enim Magistratus, a Principe vel Senatu designati, in Campum Martium prodire cum necessarii, ibique coram populo, more veteri congregato, a praeco- ne pronunciari. Qua de re Dio Cass. *Hist. LVIII. p. 727.* qui ubi de perpetuo Tiberii in creandis Consulibus modo egisset, statim addit: καὶ μετὰ τοῦτο ἐς τοὺς ἡμέρας καὶ ἐς τὸ πλεῖστον αὐτοὶ καὶ οἱ προσήκοντες ἐκστρέψαντες, τῶν ἀρχαίων ὁρίαντες ἑαυτοὺς, καὶ δόξαν καὶ τὴν αἰετὴν ἐν τῇ ἐκκλῆσι δόξαν γίνεσθαι, ἐλευθερίαν ἀντιδικήσαντες. Deinde ad populum & plebem hi suis quique cum necessariis dicis causa, sicuti nunc etiam, ut imago quaedam

*Annal. I, 15. Ezech. Spanh. Orb. Rom. II, 22, p. 153. Unde & leges illas de ambitu suo aevo ideo obsolevisse fatetur Modestinus L. 1. D. ad Leg. Jul. de ambitu: Quia ad curam Principis Magistratuum creatio pertineat, non ad populi favorem.*

LXVI. Ius  
honorum  
& quidem  
Sacerdo-  
tiorum.

LXVI. Quintum ius civium Romanorum fuit ius HONORVM, sive Magistratuum, sive Sacerdotiorum, quippe quos nemo nisi civis Romanus gerere poterat. Si quis enim civitatis expers honores ad se rapuisset: re comperta, honorum gradum cum toto civitatis iure amittebat, ut docet exemplum M. Perpennae, apud Valer. Max. III, 4, 5. (a) Honores partim in Sacerdotiis, partim in Magistratibus erant positi. Vtrique ex instituto Romuli proprii erant Patriciorum, quia voluerat Romulus *ἱερὰ ἀστυκία καὶ ἀρχαὶν, ut & sacra curarent, & Magistratus gererent Patricii*. Dion. Hal. II, p. 87. Eiectis Regibus, post multas lites tum Sacerdotia, tum Magistratus sensim coeperunt cum plebe communicari. Et Sacerdotia quidem Patriciis eripuit Lex Ogulnia, de qua fusi Liv. X, 6. Manserunt tamen Patricii in possessione aliquot Sacerdotiorum, quae nunquam a plebeiis

*dam prisca ritus exhiberi videretur, prodeuntes renunciabantur.* Et hinc intelligitur, quatenam sint illa *Comitia Consularia*, quorum sub Imperatoribus etiam sit mentio apud Sueton. *Vitell. XI. Vespas. V. Domitian. X.* add. Ez. Spanh. *Orb. Rom. II. 22. p. 154.*

(a) Non tamen Acta eiusmodi Magistratus, iure haut facti, rescindebantur, ut patet exemplo Barbarii Philippi Praetoris, L. 3. D. de offis. Praetor. De quo memorabili exemplo exstat singularis viri eximii, Iac. Gothofredi, Dissertatio, quam de *Electione Magistratus inhabilis* inscripsit. (b)

beiis sunt gesta, veluti Regis Sacrorum, Flaminum maiorum, Saliorum Palatinorum, Potitorum, Pinariorum, Lupercorum, Curionum, non autem Virginum Vestalium, uti sibi persuadet Paull. Merula de *Leg. Rom.* II, 11. Virgines enim Vestae etiam ex gentibus, Manilia, Terentia, Coelia, plebeiis captas esse, ex marmoribus apud Grut. *Inscr. p.* CCCX, 2. 5. CCCXII, 3. patet. Quin Dio Cass. *Lib. LIV.* refert, demum in Vestae atrium admissas αἱ ἐκ ἐλευθέρων γεννηθείσας, ex libertinis parentibus natas. Id quod lege quadam Papia invecum esse, ex Gellii *Noct. Att. I*, 12. docuimus in *Comment. ad Leg. Jul. & Pap. Popp. Lib. I. Cap. I. p. 2. seq.* Reliqui etiam sacerdotes partim e Patriciis, partim e plebeiis creati sunt. Cic. *pro Domo XIV.* Et primis quidem temporibus Rex sacrificulus centuriatis; Flamines curiatii creati, reliqui Sacerdotes a collegiis cooptati. Liv. XL, 42. Postea C. Licinius Crassus, Tribunus plebis, legem tulit, qua cooptatio collegiorum ad populi beneficium transferretur, quam tamen dissuasit Laelius. Cic. *Lael. XXV.* Post hunc etiam Cn. Domitius Ahenobarbus, Tribunus plebis, anno 1061. ius subrogandorum Sacerdotum a collegiis ad populum transtulit, ita quidem ut qui a tribubus esset electus, is a collegio cooptaretur, uti docent Sueton. *Neron. II.* Cicero *Agrar. II*, 7. Collegiis arbitrium cooptandi denuo restituit L. Sulla: Ascon. *Padian. in Cic. Divin. in Verr. p.* 1759. ast anno 1061XXXIX. legem Domitiam reduxit T. Atius Labienus: Dio XXXVII. *p.* 46. eandem abro-

ga-

gavit M. Antonius, teste Dione Cassio XLIV. *fin.* ac tertia vice restituit Panfa, ut patet ex Cic. *Epist. ad Brut. V.* Adde Manut. *de Legibus II.*

LXVII. Idem paene de Magistratibus observandum. Omnes initio penes Patricios erant ex instituto Romuli, Dionys. Hal. II, *pag.* 83. Eiectis Regibus, idem aliquamdiu placuit. Ast paullo post Tribunos ac Aediles plebis plebs extorsit, qui non poterant per legem sacram nisi e plebe creari. Liv. IV, 25. Deinde & Consulum alter plebeius creari coepit, primusque e plebe Consul factus est L. Sextius, anno CCCLXXXIX. Liv. VI, *extr.* Immo aliquando uterque Consulum plebeius fuit, quod quando primum contigerit, patet ex Liv. XXVII, 31. Quumque in redhostimentum communicati secum Consulatus plebs novos Magistratus Patricios, puta Praeturam & Aedilitatem Curulem, concederet Patribus: paullo post hi quoque communes Patriciis & plebeiis esse coeperunt, primusque e plebe Praetor creatus est P. Publilius Philo. Liv. VIII, 15. Aediles autem, verecundia imposita Senatui, statim sequente anno, alternis vicibus ex plebe creati, & postea id promiscuum esse coepit. Liv. VII, 1. Postremo omnes omnino Magistratus cum plebeiis sunt communicati, veluti Dictatura, Liv. VII 17. Censura, Liv. VII, 22 Qu aestura, Liv. IV, 43 & 54 adeoque omnes honores patuere plebeiis, praeterquam dignitas Interregis, quam; tanquam propriam possessionem, semper retinuerunt Patricii. Cicero *pro Domo* XIV,

LXVIII.

LXVIII. Sub Imperatoribus alia plane LXVIII.  
 coepit esse rerum facies. Nam quod ad Sacer- Quomo-  
 dotia attinet, ius ea conferendi ad se rapiebant do Sacer-  
 Principes, siquidem Senatus, teste Dione Cassio dotes ad-  
*Hist. Ll. p. 457.* inter alia Augusto id quoque lecti sub  
 concefferat, ut Sacerdotes, quotcumque vellet, Imperato-  
 ribus?  
 neglecto etiam numero antiquitus recepto,  
 constitueret. Unde Drusus Germanicus in  
 vetere numo dicitur SACERD. COOPT. IN  
 OMNI COL. SVpra NVMER. S. C. Eo-  
 dem modo & aliae dignitates saepe solis Prin-  
 cipum Codicillis datae. Testis est *vetus Inscriptio*  
*apud Gruter. p. CCC.*

LATERANO. ET RVFINO. COS.

SVPER. NVMERVM.

COOPTATVS. EX. S. C.

M. AVRELIVS. ANTONINVS.

CAES. DESTINATVS.

Vti ergo hic Consul; sic & Sacerdotes facti  
 sunt Codicillis, unde & Codicillares dicti, de  
 quibus Lamprid. *Alex. Sev. XLIX. Add. L.*  
*43. C. Theod. de Decurion. L. 12. C. de dignit.*

LXIX. Ad Magistratus denique quod atti- LXIX.  
 net, eos quoque suo arbitrio creabant Principes. Quomo-  
 pes, eaque dignitate non solum Romanos, sed do creati  
 & externos ornabant, qualis procul dubio fuit Magistratus?  
 ille Herodes Atticus Consul, de quo copiosius  
 agit Ez. Spanh. *Orb. Rom. II, 22. p. 155.* Talis  
 etiam Soaemus, Rex Armeniae, qui a Vologae-  
 so pulsus Romam confugerat, mutatoque no-  
 mine dictus M. Aurelius Soaemus, Consul or-  
 dinarius fuit anno V. C. DCCCCXV. cum L.  
 Papirio Aeliano. Phot. *Biblioth. Cod. XCIV.*  
 Reines.

Reinſcl. *Comm. ad Inſcript. p. 219.* Mitto Dlo-  
nem Caſſium, Polemonem aliosque Conſules  
peregrinos. Inprimis vero poſt Conſtitutionem  
illam Antonini Caracallae adeo promiſcuae ad  
ſummos honores eveſti ſunt Romani, Itali, ex-  
teri, ut ne barbaris quidem ac peregrinis, qui  
Orbem Romanum iam ab aliquo tempore com-  
pleverant, via ad honores intercluſa videretur.  
Vnde uti Roma βαρβαρων οἰκητήριον, barbarorum  
domicilium, dicitur Zoſimo IV, 59. ita non mi-  
rum, ibi Conſulares faſces aliasque dignitates  
demum & cum barbaris & peregrinis commu-  
nicatas. Nazar. in *Panegy. Conſtant. Aug.* dicto:  
*Senſiſti Roma tandem, te arcem omnium gentium,  
& terrarum eſſe Reginam, quum ex omnibus Pro-  
vinciis optimates viros Curiae tuae pignoraveris,  
ut Senatus dignitas non nomine, quam re eſſet il-  
luſtrior, quum ex totius Orbis flore conſtaret.* Ari-  
ſtides de Roma p. 372. Εἰς ἣν ἴδετε, ὅς τις ἀρχὴς ἢ  
πίστεως ἀξίος ἀνὴρ. Peregrinus habetur nemo, qui vir  
ſit dignus Magiſtratu aut fide. Denique Rutilius  
Numatian. *Itiner. I, v. 13.*

*Relligioſa patet peregrinae Curia laudi,*

*Nec putat externos, quos decet eſſe ſuos.*

*Ordinis imperio collegarumque fruuntur,*

*Et partem Genii, quem venerantur, habent.*

Vid. Spanhem. *Orb. Rom. II, 22. p. 127.*

LXX. Ius Sacrorum, quod & ipſum iuribus civitatis Romanae ad-  
numerandum eſt. Sacra Romanorum omnia,  
aut publica erant, aut privata. Publica, cenſente  
Feſto voce *Publica* p. 385. erant ea, quae publico  
ſumtu pro populo fiebant: Privata, quae pro ſingulis  
hominibus



*hominibus & familiis.* Tam necessarium enim videbatur, sacra publica sumtibus publicis peragi, ut Theodosio M. negante, se impensas in sacrificia Romanorum superstitionisissima facturum, responderet Senatus: μή ἢ θεμόν πείσσειται τὸ τελῆμα, μή δημοσίῃ δαπανημάτων ἔντι, *non rite fieri sacrificia, nisi publico fierent sumtu.* Zosim. *Hist. IV*, 59. Publicum totius urbis focum Vestales sanctissime observabant: publicos Curiarum focos triginta cum suis Curialibus Curiones, Pagorum ipsi singulorum Pagorum sacerdotes: privatim suos quisque Lares familiares domi colebat. Quin & sacerdotes quasdam familias aluisse, qui sacris istis privatis praeessent, satis adparet ex marmore apud Reines. *Inscr. Class. V*, 53. in quo memoratur L. POLITICENVS L. F. PHILIPPICVS, SACERDOS SERG. FAM. Dii neque novi neque exteri adscisci poterant a Romanis, nisi publica auctoritate, quemadmodum Aesculapium ex Epidauro, Cybelen e Phrygia publico decreto accitos, & quasi civitate donatos, constat. Petr. Faber *Semestr. III*, 1. Ampl. Bynkersh. *de Relig. peregr. Diss. II*. p. 246. *sequ.* Hinc si quis privato arbitrio peregrina sacra induxerat: Senatus ea publica auctoritate damnavat, quale quid refert Liv. IV, 30. XXV, 1. XXXIX, 16. Valer. Max. I, 3. Integrum SC. Marcianum Bacchanalibus oppositum edidit Raph. Fabrett. *Inscript. Cap. VI*. p. ccccxxvii. & luculento Commentario illustravit laudatus Bynkersh. *ibid.* At sub Imperatoribus omnis exterarum gentium superstitio Romam confluit,

veluti Sacra Isis, Anubidis, Mithrae, Dei Elagabali, Taurobolia, Criobolia, Aegobolia, & innumera alia, de quibus iam ab aliis actum. Ab his omnibus abhorruerant Romani tempore liberae Reipublicae & sacra patria adeo sibi propria servaverant, ut vel ideo municipes non viderentur optimo iure cives esse, quia non iisdem ac ii, qui Romam incolebant, Diis sacrisque uterentur. (b) Sigon. *de Ant. Iure Civ. Rom.* l. 8 pag. 116.

LXXI.  
Tum Pri-  
vatorum.

LXXI. Sed erant praeter haec sacra quaedam gentium propria, vel, ut Livio V, 52. vocantur, *gentilitia*, a quibuslibet familiis ex usu domesticae celebritatis observanda, ut ait Macrobius *Saturn.* l. 16. Ea adeo unius gentis erant, ut nemo illorum esset particeps, nisi qui vel natura, vel Pontificum auctoritate in patrisfamilias manu ac potestate esset, quales erant uxores, quae in manum convenerant, liberique tum naturales, tum adoptivi. Colebantur vero domi Penates, iisque etiam anniver-

(b) Ea tamen sacra municipalia ne tunc quidem deserebant municipes, quando Romam commigraverant. Festus *voce Municipalia* p. 324. *Municipalia sacra dicta sunt ea, quae initio habebant ante civitatem Romanam acceptam, quae observare eos voluerunt Pontifices, & eo more facere, quo adfuerant antiquitus.* Vnde de se & Arpino municipio suo loquens Cicero *de Leg.* 11, 2. *Hic gens, hic sacra, hic maiorem multa vestigia.* Quemadmodum ergo municipes Romam commigrantes servabant sacra municipalia: ita & Coloniae retinebant sacra populi Romani, ceu erudite probat Henr. Norisius. *Cenotaph. Pisan. Diss.* l. Cap. 5. p. 72.

versaria sacra ab universa gente fiebant, ne fervente quidem bello intermittenda, ut patet ex Liv. V, 52. Quale in gente Fabia erat sacrificium statum, in monte Quirinali quotannis peragendum, de quo Liv. V, 46. Dionys Halic. *Ant. Rom.* IX. p. 577. Simile gentis Claudiae sollemne memorat Dionys. Hal. IX. p. 696. gentium Aemiliae, Iuliae, Corneliae Macrobius *Saturn.* I, 16. gentis Serviliae, Plinius *Hist. Nat.* XXXIV, 13. Atque inde intelligitur, quid sibi velit Cicero de *Harusp. Resp.* XXVII. quando in posteros transferri ait parentum nomen, sacra, memoriam, gentem.

LXXII. Haec sunt illa iura Quiritium civiumque Romanorum, quae omnes, qui optimo iure cives erant, consequabantur. Illud unum addendum videtur, fuisse quaedam Iuris prudentiae Romanorum publicae principia, aliis gentibus incognita. Tale erat illud, I. Quod vetere iure (c) nemo posset simul Romae alteriusque civitatis civis esse. Cicero *pro Corn. Balbo* XXVIII. *Duarum civitatum civis esse nostro Iure Civili nemo potest: non esse huius civitatis civis, qui se alii civitati dicavit, potest.* Et in oratione *pro A. Caecina* XXXIV. *Nam quum ex*

(c) Aliud iure novo. Nam saepe quibusdam civibus Romanis concedebant Imperatores, ut alterius quoque civitatis ius haberent. Sic Dionis Chrysosthomus avus ab Imperatore ἅμα τῆς Ῥωμαίων πολιτείας καὶ τῆς Ἀπαμενίων ἰσχυρῶς, simul Romanam & Apamensem civitatem obtinuerat. Dio Chrysosth. *Orat.* XLI. p. 500.

*nostro iure duarum civitatum nemo esse possit, tum amittitur haec civitas denique, quum is, qui profugit, receptus est in exsilium, hoc est, aliam civitatem. Hoc secus fuisse in Graecia, ubi multarum iidem homines civitatum esse potuerint, idem observavit Cicero pro Archia V. Idque cum ex aliis exemplis patet, quae colligit Ez. Spanhem. Orb. Rom. I, 5. p. 8 sequi tum maxime ex maiore illo apud Reines. Inscript. p. Iocvii.*

C. CALPVRNIVS. ASCLEPIADES.  
PRVSA. AD. OLYMPVM. MEDICVS.  
PARENTIBVS. ET. SIBI. ET. FRATRIB.  
CIVITATES. VII. A. DIVO. TRAIANO.  
IMPETRAVIT.

At Romae hoc, ut dixi, nemini licebat, siquidem civitatem is amittebat statim, qui alteri se civitati adscribi passus erat. Hinc de T. Pomponio Attico Cornel. Nepos *in vita eius. III. Athenis autem sic se gerebat, ut communis infimis, par Principibus videretur, quo factum est, ut huic omnes honores, quos possent, publice haberent, civemque facere studerent. Quo beneficio ille uti noluit: (d) quod nonnulli ita interpretantur, amitti civitatem Romanam, alia adscita. Atque hinc intelligitur, qui factum sit, ut ii, quibus aqua & igni fuerat interdictum, tum demum civitatem Romanam amitterent, quum in eam civitatem essent recepti, quo vertendi, id est, mutandi soli caus-*

(d) Hinc de solo domicilio Athenis constituto intelligendus est Cicero, quoties hunc T. Pomponium civem Atticum adpellat, quod facit *Epist. ad Attic. I, 16. II, 1.* ubi Demosthenem Attici civem vocat.

caussa venissent. Cic. *pro Domo* LXXVIII. Qua de re diximus supra *Lib. I. Tit. XVI. §. X.*

LXXIII. Accedit & alterum iuris publici principium, II. Quod civitatem nemo amittere posset, nisi ipse esset auctor factus: Cic. *pro Domo* LXXVIII. de quo iure eodem loco diximus, & ex Ger. Noodt. addidimus, fictionem semper intercessisse, si quando vel poenae loco, vel ob aliam causam (e) quibusdam ius civitatis adimeretur. Hinc ad artes Sullae tyrannicas pertinet, quod municipiis quibusdam civitatem lege, Centuriatis Comitibus lata, eripuit. Cic. *pro Domo* LXXIX. Sallust. *Fragm. Hist. I.* Sed quod semel tentaverat Sulla, saepius deinde factitabant Imperatores, & quocumque Principatum Romae adfectabant. Sic Antonium agros, civitatem, immunitates, aliosque id genus honores, privatis & Regibus ademisse, tradit Dio Cass. *Hist. XLV. p. 282.* Augustus quoque, confectis bellis, libertatem ac ius civitatis aliis dedit, aliis ademit, teste eodem Dione *Hist. XLIV. p. 538.* Et Claudius civitatis iure privavit legatum, Lycium origine, quia Latine interrogatus, quod quaesitum esset, haut intellexerat. Dio Cass. *Hist. LX. p. 676.*

LXXIII.  
Civitatem  
invitus  
nemo a-  
mittebat.

## CAP.

(e) Tribus causis amitti videbatur civitas, *exilio*, illo scilicet, quo bona veniebant, & aqua & igni interdicebatur, *postliminio* & *reiectione civitatis*. Cic. *pro Balbo* XXVIII. XXIX. Pompon. *L. 3. §. 3. D. de capt. & postlim.*

## CAP. II.

## DE IVRE LATII.

LXXIV. Sufficere haec arbitramur de iuribus civium Romanorum. Proximum est, ut de IVRE LATII differamus, quod proxime accessisse ad civitatis Romanae praerogativam, iam supra diximus. Idque vel inde patet, quod Dionys. Hal. VIII. p. 140. eos μετέχοντας τῆς ἰσοπολιτίας, *participes iuris, quod civitatem quasi aequat*, eleganter adpellat. Multa vero Latinorum fuere nomina. Dicti enim sunt *socii*, (f) *socii Latini*, *socii nominis Latini*, *socii nominisque Latinum*, *socii ab nomine Latino*, *socii ac Latium*, uti productis ex Livio, Sallustio, Valerio Maximo testimoniis ostendit Car. Sigon. *de Ant. Iure Ital. I, 2. p. 473.*

LXXV. Latini ergo, vel socii Latini nominis, temporibus antiquissimis erant *Latii incolae*, *Populi Romani foederati*, *Iure Latii donati*, ut eos definit Sigon. *de Iure Ital. I, 2. p. 476. Latii incolae* dicuntur, ut a reliquis Italis, *Populi Romani foederati*, ut a Latii incolis, qui tamen Latii iure haut fruebantur, secernerentur.

## LXXVI.

(f) Saepe tamen confunduntur nomina, ut & Italici iuris homines sociorum, & Latinorum, & Latini Italicorum nomine veniant. Quod itidem recte monuit Car. Sigon. *l. c. p. 474.* Id quum non attenderent recentiores quidam scriptores, ceteroquin Eruditissimi: mirum in modum totam hanc differentiam Latinorum ac Italicorum perverterunt. Exemplo esse potest Harduin. *Not. & Emendat. ad Plin. p. 389. Tom. 4.*

(g)

LXXVI. LATIVM olim duplex erat, VETVS & NOVVM. Vetus a Tiberi ad Circeios; novum a Circeiis ad Lirim & Sinuessam usque productum est. Paulo latius utriusque Latii terminos profert Servius ad Virg. *Aeneid.* LXXVI.  
Foedera  
cum po-  
pulis Latii  
antiquissi-  
ma.

*I. v. 6. Latium duplex est, unum a Tiberi ad Fundos, aliud inde usque ad Vulturnum fluvium.* Sed errorem huius Grammatici iam alii ostenderunt. Latium ergo vetus Tiberi, Aniene, Vfente fluviis, marique Tyrrheno concludebatur, illudque infederant *Albani, Rutuli, & Aequi.* Novum, quod ab Vfente fluvio ad Lirim protenditur, Osciis, Ausonibus, Volscis, praebuit sedes. *Plin. Hist. Nat. III, 5. Strabo Geogr. V. p. 231.* Ex his primi foedus cum Romanis Albani iam ipsius Romuli tempore fecerant, quo cautum fuerat, ut ne bellum inter se gererent sociae civitates, alioquin, quae bellum intulisset prior, alterius iudicium ac mulctam subiret. *Dionys. Hal. III. p. 138.* Addit Strabo *Geogr. IV. p. 165.* tam arctam fuisse inter hos populos necessitudinem, ut, quum proprium uterque Regem haberet, connubia tamen, & sacra, & cetera iura civilia communia haberent. Victis postea a Tullo Hostilio Albanis, ex foedere imperatum est, ut iuventutem in armis haberent, usum Regem Romanorum ea, quum res postulare. *Liv. I, 26.* Diruta paullo post Alba, legatos Romani miserunt ad triginta urbes, quae in Albanorum fuerant ditione, postularuntque, ut & ipso dicto essent audientes. Abnuentibus his, novum exarsit bellum, quo in quintum annum populationibus magis, quam iustis praeliis

extracto, pax demum facta, foedusque renovatum est. Dionys. Hal. III. p. 175. Rege hoc morte intercepto, plerique Latini soluta Regis obitu foedera dicebant. Vnde maiore conatu domiti a Tarquinio Prisco, pacis conditiones acceperunt, ut agros suos ac leges haberent, ac focii populi Romani dicerentur illi quidem, sed ad Regis tamen Romani mandata armati praesto essent. Dionys. Hal. III. p. 191. Confirmavit id foedus Tarquinius Superbus, Liv. I, 52. qui ut tanto sanctiore vinculo sibi conglutinet hos socios, primus serias Latinas Romanis cum Latii populis communes instituit. Dionys. Hal. IV. p. 250.

LXXVII.  
Ea deinde  
saepius  
repetita.

LXXVII. Exactis Regibus, novum statim bellum coortum est cum Latinis, qui a Romanis denuo desciverant. Cum his tamen, ab A. Postumio Dictatore victis ad lacum Regillum, denuo foedus percussum, A. V. C. CCLX. Sp. Cassio Vicellino & Postumo Cominio Aurunculo II. Coss. iis legibus, *ut inter Romanos Latinasve civitates omnes aeterna pax esset, neque ipsae inter se bellarent, neque aliunde hostes inducerent, neque hostibus tutos transitus praerberent, sed bello oppressis opem pro virili ferrent, spoliis ac praedae partem aequalem haberent: privatarum litium iudicia illi, quibus mandata cognitio fuerit, intra decem dies peragerent: hisque legibus nihil addi denique posset, nisi si Romanis, Latinisque ita placuisset.* Hanc enim foederis formulam (g) nobis ser-

(g) Pluribus tamen aliis capitibus illud constituisse, vel ex Feſto adparet, qui voce *Nansitor* p. 327. etiam haec foc-



servavit Dionys. Halic. VI. p. 115. Conf. Liv. II, 22. & Cic. *pro Corn. Balbo* XXI. Et hoc est foedus illud Latinorum, quod ceteris firmitus mansit. Quamvis enim subinde rebellarint Latini, veluti A. V. C. CCCLXVI. & CCCIV: saepe tamen victi, saepe reducti ad officium, postremo illius foederis leges, quod cum Latinis omnibus, Sp. Cassio & Postumo Cominio Coss. initum fuerat, recuperarunt, (b) ut patet ex Cic. *pro Corn. Balbo* XXIII.

LXXVIII. His antiqui Latii populis accessere deinde Volsci & Aequi, *Latinorum*, iudice Floro *Hist. Rom. I, 11. pervicacissimi, & quotidiani prope Romanorum hostes*. Volscis, si Dionys. Hal. III. p. 181. credimus, Ancus; sin Livii I, 53. sententia standum sit, Tarquinius Superbus primus bellum intulit; qui & Aequos adgressus est. Postea ab A. V. C. CCLVIII. variis ac pacis anniversariis praeliis attriti, demum A. V. C. CCLXXXIV. Antium, maritimum oppidum, amiserunt, annoque insequente iis legibus impetrarunt pacem, ut legibus suis utentes, privatis stipendiis, pro Romanis iussi militarent. Dionys. Hal. IX. p. 616. Ast statim ad ar-

Foedus cum Volscis & Aequis.

foederis verba allegat, PEQVNNIAM QVI NANCITVR. HABETO; ET SI QVID PIGNORIS NANCISCITVR, SIBI HABETO.

- (b) Postremo enim bello a Q. Publio Philone Cos. ad internecionem caesi, plerisque iuribus fuerant spoliati, ex eoque tempore etiam Concilium Latinorum ad lucum Ferentinae convocari desierat, ceu ex Cincianis Commentariis observat Fest. *Voca Praetor. p. 276.*

arma redierunt Aequi & Volsci. Vnde aliquoties fusi fugatique, quin & sub iugum aliquando missi sunt, donec A. V. C. CCCCLXIX. a P. Sempronio Sopho Consule pæne deleti & ad internecionem caesi sunt. Tamen & hi postremo propter cognationem in Latii iura adsciti sunt, ut patet ex Cic. *pro Balbo* XIII. quamvis, quo id tempore factum sit, nondum mihi liqueat.

LXXIX. LXXIX. Idem dicendum de Hernicis, quos  
 Item cum primus Tarquinius Superbus societate devinxerat, Latinarumque feriarum fecerat participes.  
 Hernicis. Dionys. *IV. p. 152.* Dein A. V. C. CCLXVIII. bello petiti a Sp. Cassio, tertium Consule, quum victi pacem petiissent, easdem conditiones, quas Latini, quin civitatem sine suffragio, impetrarunt, atque inde est, quod sæpe a Latinis seiungantur, neque adeo eos in Latinorum corpore fuisse, ex Livio & Dionysio evincit Car. Sigon. *de Ant. Iur. Ital. I. 6. p. 107.* Postea anno CCCXCI. novum cum Hernicis bellum exarsit: eoque finito, tertium, cuius omnes huius gentis civitates erant participes, præter Alatriates, Ferentinales & Verulanos. Liv. III, 42. Tribus illis, quia civitati Romanæ αὐτονομίαν præferebant, suæ leges redditæ: A. V. C. CCCCLXVII. Anagninis, & qui arma Romanis intulerant, *civitas sine suffragii latrone data, concilia connubiaque adempta, & Magistratibus præterquam sacrorum curatione interdictum.* Liv. IX, 43. Sed Hernicos istos αὐτονόμους postremo iura Latii habuisse, vel inde patet, quod Ferentinales Latinis adiungit Livius XXXIV, 41.

LXXX.

LXXX. Latium novum quando dici coe-  
perit, quandoque Oſeis & Aufonibus ius Latii  
datum ſit, non magis certum eſt. Sigonius  
exiſtimat, his populis ad internecionem dele-  
tis, Liv. IX, 25. in hanc regionem Latinorum  
gentem eſſe immiſſam, atque inde Latium no-  
vum adpellatum: id quod ipſe inter Tarenti-  
num Punicumque bellum factum coniicit. Sed  
quemadmodum id nullo teſtimonio comproba-  
ri poteſt: ita certiffimum eſt, novum hoc La-  
tium iura Latii veteris eſſe conſequutum, ſi-  
quidem Appianus *de Bello Civil. I. p. 374.* La-  
tinos, quos ab Italis ſeiungit, ad Lirim uſque  
in populi Romani fide manſiſſe ſcribit.

LXXXI. Et hae ſunt illae gentes, quibus  
ius Latii antiquiſſimis temporibus datum eſt.  
Hoc iure contenti fuerunt uſque ad bellum il-  
lud ſociale, vel Marſicum, quo conſecto A. V.  
C. IſCLXIII. lege Iulia, & proxime inſequenti  
lege Plotia omnes ſocii ac Latini nominis, im-  
mo & Italici civitate Romana donati ſunt, ceu  
ſupra num. IX. obſervavimus.

LXXXII. At quamvis Latini tum in civita-  
tis Romanae iura tranſirent: non ipſum tamen  
ideo exſpirabat ius Latii, quippe quod ab eo  
tempore cum multis civitatibus tum & Colo-  
niis extra Italiam conceſſum legimus. Sic Ne-  
mauſenſibus ius Latii datum eſſe, patet ex Stra-  
bone IV, 157. Novocomenſibus idem ius dede-  
rat vel Iulius Caefar, ut tradit Appian. *Bell. Ci-  
vil. II, p. 443.* vel Pompeius Strabo, ut mavult  
Ez. Spanh. *Orb. Rom. I, 2. p. 19.* Is enim Pom-  
peius omnibus Gallis Transpadanis ius Latii  
con-

LXXX.

Cum in-  
colis Latii  
novi.

LXXXI.

Latini de-  
mum civi-  
tate dona-  
ti.

LXXXII.

Ius Latii  
deinde  
aliis po-  
pulis &  
civitati-  
bus da-  
tum.

concefferat, teste Afcon. Paedian. in Cicer. *advers. Pison.* p. 2062. Eodem exemplo Nero nationes Alpium maritimarum: universam Hispaniam Vespasianus; multas alias civitates Hadrianus in ius Latii transtulerunt. Tacit. *Annal.* XV, 31. Plin. *Hist. Nat.* III, 3. Spartian. *Hadr.* XXI. De Colonis Latinis paullo post erit dicendi locus.

**LXXXIII.** **LXXXIII.** Novum Latinorum genus reperi-  
tum sub Tiberio, lata lege Iunia Norbana, qua  
cautum, ut modis minus sollempnibus manu-  
missi non iura civitatis Romanae, sed Latii  
tantum, consequerentur. Vnde hi libertini di-  
cti **LATINI IUNIANI**, ut distinguerentur a  
*Latinis Colonariis* (i) quibus ceteroquin, quod  
ad ius civile attinet, adsimilabantur. *L. un. C. de*  
*Lat. libert. toll. Fragm. Iureconf. vet. Pitheoe-*  
*num* apud Cl. Schulting. *Iurisp. vet. anteiustin.*  
p. 805. Sed quemadmodum Latinos Colonarios  
una cum ingenuis omnibus civitate Romana do-  
naverat Antoninus Caracalla, celeberrima illa  
ac saepe a nobis citata Constitutio: ita Iunia-  
nam etiam Latinitatem sustulit Iustinianus, d.  
*L. un. C. de Lat. libert. toll.*

**LXXXIV.** **LXXXIV.** Iam ut ad iura Latii pervenia-  
mus: ea licet proxime ad civitatem Roma-  
nam accederent, non eadem tamen fuerunt ac  
iuniores.

(i) Perspicue itaque fallitur V. C. Claudius Salmasius, quando Latinas Colonias e libertis constituisse existimat, *de modo usur. XIX.* p. 878. sequ. Alii profecto erant Latini *liberti*, vel *Iuniani*, alii Latini *Colonarii*, quippe ingenui, & honorum In suis Colonis capaces. Vid. Ez. Spanh. *Orb. Rom.* I, 9. p. 21.

(k)

iura civium Romanorum. Quod adeo verum est, ut Boethius in *Top. Cic.* II. scribat, eos mediam pati capitis deminutionem, qui cives Romani in Latinas Colonias mitti se paterentur. Operae itaque pretium fuerit, quid inter cives Romanos Latinosque, quod tam ad ius privatum, quam ad publicum attinet, interfuerit, paullo adcuratius disquirere.

LXXXV. Vidimus supra, qualis fuerit civium Romanorum LIBERTAS. Latini & ipsi quidem gaudebant libertate, sed iuris gentium, non illa iuris Quiritium, quam supra descripsimus. Saltem quod Lex Porcia sanxerat de civium libertate a verberibus, non aequè valuit in Latinis. Quum enim Novocomenses, iure Latii donati a Q. Pompeio Strabone, paullo post a Caesare civitatis iura essent consecuti: M. Marcellus Consul Novocomensem quemdam, in Caesaris contumeliam, virgis caedi iussit, tanquam peregrinum, ut scribit Appianus de *Bello Civ. II. pag. 443.* & quidem Latinum. Latinitatem enim quod attinet, status controversiam Novocomensibus movere haut potuisset Marcellus, quippe quam dudum ante Caesarem fuerant a Pompeio Strabone consecuti. Ascon. Paedian. in *Pisonian. p. 2062.* Simile quid observat Diodor. Sic. in *Excerpt. Peirescian. p. 273.* ubi de Clodio: τὸς μὲν πολιτικὸς τοῖς πατρίοις ἔθουσιν ἐκέλευεν ἀπαρατήτως, τὸς δὲ συμμάχους ῥαβδίῳι τιμωρεῖται. In Romanos quidem more maiorum animadvertit citra spem veniae: socios autem virgis cecidit. Et Sallust. de *Bello Jugurth. Cap. LXIX.* referens, Turpillium, Praefectum, Vaccae oppi-

LXXXV.  
Non gaudebant libertate iuris Quiritium.

do impositum, a Metello *verberatum capitis poenam soluisse*, ne cui id mirum videatur, statim subiungit: *Nam is civis ex Latio erat. Ex quo sane patet, non aeque ad Latinos ac cives pertinuisse libertatem illam, quae ex lege Porcia erat. (k)*

LXXXVI.

Nec iure  
connubii  
cum civi-  
bus.

LXXXVI. Ad CONNUBII ius quod attinet, illud Latini populi ne inter se quidem promiscue habebant ex foedere antiquo, nedum cum civibus Romanis. Prius discimus ex Liv. VIII, 14. IX, 43. ex quibus locis patet, nemini Latinorum & Hernicorum licuisse extra fines regionis suae uxores ducere: posterius vel inde colligimus: quod ne iis quidem, qui sine suffragii iure civitate fuerant donati, cum civibus Romanis ius esset connubii. Campani sane, qui pridem civitatem sine suffragii latatione fuerant consequuti, postea demum impetrarunt, *ut sibi cives Romanas ducere uxores liceret, & si qui prius duxissent, ut habere eas; & ante eam diem nati, uti iussi sibi liberi heredesque essent.* Liv. XXXVIII, 36. Quanto minus ergo Latinis hoc ius connubiorum fuisse putemus? Et certe

(k) Erroris me hic redarguit V. C. Christ. Gottl. Schwarzius in erudita *de iure Italiae* Dissertatione p. 16. existimans, etiam Latinis & Italis hanc libertatem competiisse, idque probat ex Gell. *Noct. Att. X*, 3. ubi Gracchum in oratione quadam conquestum, ait, *M. Marium & quosdam ex Municipiis Italicis honestos viros virgibus per iniuriam caesos a Magistratibus populi Rom.* Sed Gellius manifeste loquitur de municipiis Italiae, adeoque de urbibus non Latini iuris, sed civitatem Romanam consequutis, qualia post legem Iuliam erant omnes, ante legem Iuliam quamplurimae.

te clarissime Vlpianus; *Fragm. V, 4. Connubium habent cives Romani cum civibus Romanis: cum LATINIS autem & peregrinis ita, si concessum sit.* Sic & ipsum ius sponsaliorum nuptiarumque aliud fuisse Latinis, aliud civibus Romanis, adparet ex Gell. *Noct. Att. IV, 4.* ubi ex Cn. Sulpicio docetur, sponsum Latinum agere potuisse ex sponsu in id, quantum intererat, eam uxorem non datam: quum contra civibus Romanis, ut supra diximus, infinita esset repudiorum licentia. *L. 1. C. de Sponsal.*

LXXXVII. Quantum fuerit apud Latinos LXXXVII.  
ius PATRIAE POTESTATIS, in tanto ve- An habue-  
terum silentio non constat. Id saltem certum runt ius  
videtur, nullos fuisse homines, (adeoque nec La- patrium,  
tinos) qui talem habuerint in liberos potestatem, legitimi  
qualem Romani habebant, §. 2. *Inst. de patr. pot.* dominii,  
Nec omittendum hic videtur: paullo plus in testament-  
Latio potestatis fuisse matri, quam Romae. Id sactionis?  
enim non obscure patet ex controversia Arde-  
ensi apud Liv. IV, 9. Latini Iuniani habebant  
ius MANCIPATIONIS. *Vlp. Fragn. XIX, 4.*  
adeoque etiam Colonarii Latini, quibus aequati  
illi erant lege Iunia Norbana. *Vetus Fragn. In-*  
*rec. apud Pith. n. VIII.* An vero etiam veteres La-  
tini eodem iure usi sint, nondum constat. Porro  
TESTAMENTVM non faciebant Latini: sal-  
tem iure Romano, *Vlp. xx, 34.* (nam alioquin &  
extra Romam Italos iam inde ab antiquissimis  
temporibus testamenta condidisse, satis con-  
stat. Liv. I, 3. I, 34.) Iidem Latini nec ex civis  
Romani testamento quidquam capiebant, nisi  
intra diem cretionis civitatis Romanae iura im-  
petrassent.

petrassent. Vlpian. XXII, 3. Haec sunt, quae veteres nos docent: plura, quum muta hic sint antiqua monimenta, addere non licebit.

LXXXVIII.

Suis ute-  
bantur le-  
gibus, nisi  
fundi fa-  
cti.

LXXXVIII. Suis ergo, ceu ex his patet, legibus utebantur Latini, nec iuris Quiritium fiebant participes. (1) Licebat tamen eis, si vel-  
lent, leges Romanorum in suas civitates reci-  
pere, vel, ut veteres loquuntur, poterant populi  
FVNDI fieri. Qua de re Cicero pro Balbo VIII.  
*Si quum iussisset populus Romanus aliquid, si id ad-*  
*scivissent socii populi ac Latini, & si ea lex, quam*  
*nos haberemus, eadem in populo aliquo, tanquam*  
*in fundo resedisset, ut tum lege eadem populus is te-*  
*neretur, non* VT DE NOSTRO IVRE ALI-  
QVID MINVERETVR, *sed ut illi populi iure*  
*eo, quod a nobis esset constitutum, aut aliquo com-*  
*modo & beneficio uterentur. Tulit apud maiores*  
*nostros legem C. Furius de testamentis, tulit Q.*  
*Voconius de mulierum hereditatibus, innumera-*  
*biles aliae leges de Iure Civili sunt latae, quas*  
*Latini voluerunt, adsciverunt. Quicumque*  
*ergo populi leges Romanas adscisciebant, &*  
*iis subscribebant, illisque in civitatibus suis*  
*utebantur, ii fundi dici solebant, non a statu*  
*quodam, vel conditione, quemadmodum*  
*dici solent populi foederati, vel liberi, sed*  
*a facto,*

(1) Quaeri solet, an omnes, quibus ius suffragii datum, legibus suis spoliati, & ut populi fundi fierent, coacti sint? Affirmat Sigon. *de Antiquo Iure Ital.* II, 7. Sed quid dicemus de Puteolis, qui cum municipium illustre fuerint, teste Cicerone pro *Coel.* XI. suo tamen iure libertateque uti dicantur eidem *Agrar.* II, 32. Conf. Schwarz. *de Iure Ital.* §. V. p. 14. sequ.



a facto, quod scilicet legibus populi Romani subscripſissent. *Fundus* enim auctor est, vel *subſcriptor*. Gell. Noſt. Att. XIX, 8. *Haec ego dixi, non ut huius ſententiae legisque FVNDVS ſubſcriptorque fierem.* Feſtus: FVNDVS dicitur *populus eſſe rei, quam alienat, hoc eſt, auctor.* Plaut. in *Trinum.* V, t. v. 6.

*Nunc mihi is propeſe conveniendus eſt, ut quae cum eius filio*

*Egi, ei rei FVNDVS pater ſit potior.*

Add. Turneb. *Adverſ.* IV, 12. Hotoman. *Obſ.* II, 5. Participes itaque iuris Romanorum privati fiebant iſti populi, quod leges Romanas adſciviſſent, & ut apud ſe valerent, auctores facti fuiſſent. Nec tamen eo ipſo iura Quiritium conſequebantur: (nihil enim de iure Romanorum voluntaria iſta legum Romanarum receptione poterat minui) ſed inter ſe tantum iis legibus, quibus Romani cives, utebantur. Verbi cauſa, Latini tunc inter ſe poterant teſtari ſecundum leges Romanas, id enim licebat populis fundis. Sed non ideo quidquam ex teſtamento civis Romani capiebant. Id enim pertinebat ad ius Quiritium. Multo minus haec legum Romanarum receptio ad ius publicum pertinebat. Vnde Cicero I, 1. *De noſtra vero Republica, de noſtro Imperio, de noſtris bellis, de viſtoria, de ſalute fundos populos fieri noluerunt.* Quae ſi obſervaveris, facile carebis ſpinofiſ illis Sigonii, Nic. Rigaltii, Iſm. Bullialdi, Henr. Valeſii, aliorumque diſputationibus *de Populis fundis*, (m) quippe quibus res in ſe clariſſima

ob-

(m) Trigam illam Diſſertationum *de Populis fundis*, quae

Z

pri-

obscurari fere magis, quam illustrari videtur. Pleniora bonae frugis sunt, quae ad illam pro Balbo orationem commentatus est V. C. Io. Georg. Graevius.

LXXXIX.  
Erat Latini  
ius  
Census.

LXXXIX. Quemadmodum ergo iure privato diverso admodum usi sunt Quirites & Latini: ita, quod ad ius publicum attinet, paullo propius ab illorum praerogativis abfuerunt. Consistebant civitatis iura in Censu, Militia, Tributis, Suffragiis, Honoribus & Sacris. Latinos Romae CENSOS esse, nunquam lego, nisi furtim aliquando in Tabulas Censuales irreperent, quod deinde lege Claudia Papia & Licinia Mucia vetitum esse, supra observavimus §. LI. At ex Liv. XLI, 13. constat, Latinos in civitatibus suis esse censos. Verosimile itaque est, in Latii civitatibus non minus ac Romae Censum fuisse actum a suis Magistratibus, Tabulasque Censuales deinde Romam misas. Id enim etiam in Coloniae fieri solitum, nemo ignorat.

XC. Ut &  
ius Militiae  
inter  
socios.

XC. Porro & MILITIAE iure, sed paullo adstrictiore, gaudebant Latini. Primo enim ne pro se quidem tuendis arma expedire poterant, iniussu populi Romani, ut testatur Liv. III, 19. Deinde militabant quidem cum Romanis, verum non ut legionarii, sed tanquam focii, ut accurate ex Polybio docet Lips. *de Milit. Rom. I, 6. p. 48.* Vnde minus rem act-

primum Divisione coniunctim prodit celsocclvi. iterum edidit Ioh. Georg. Graevius, V. C. *Thef. Ant. Rom. T. II. p. 1915.*

(\*)

tetigit Car. Sigon. *de Ant. iur. Ital.* I, 4. p. 494. qui Latinos inter auxilia ponit, quae Varro *de Lingu. Lat.* IV, 16. p. 16. ex alienigenis; Festus p. 256. ex sociis exterarum nationum constituisse, ait. Tum demum ergo hi esse coeperunt focii & auxiliares, quum Latini & Itali civitate donati, legionariae militiae praerogativam consequerentur. Id porro addendum, sociis & Latini nominis semper triplicem equitum, aliquando & peditum numerum imperasse Romanos. Sic apud Liv III, 22. duae partes sociorum in exercitu, tertia civium erat. Idem XXI, 17. refert, quatuor & viginti peditum Romanorum millia fuisse scripta, mille & octingentos equites sociorum, quadraginta quatuor peditum, & quatuor equitum. Alia exempla sunt apud Liv. XXXIV, 12. XXXV, 2. & alibi passim. Vnde non iniuria queruntur apud Velleium Paterc. *Hist.* II, 15. *per omnes annos atque omnia bella duplici numero se militum equitumque fungi, neque in eius civitatis ius recipi, quae per eos in id ipsum pervenisset fastigium, per quod homines eiusdem & gentis & sanguinis, ut externos alienosque fastidire posset.* Denique observandum, Latinos, quemadmodum legionis ius haut habebant, ita nec eodem modo, quo milites Romanos, fuisse castigatos. Nam & virgis caedebantur, quas quum a Latinorum militum corpore, lege auctoritate Senatus lata, removere tentaret M. Livius Drusus, Tribunus plebis: eam legem nunquam observarunt Imperatores, qui remoto virgarum metu, in officio se continere exercitum posse, negabant. C.

Sigon. *de Antiquo iure Ital.* I, 4. p. 496. Exemplum Turpillii est apud Sallust. *de Bello Jugurth.* LXIX. *Iussus a Metello causam dicere, postquam parum se purgat, condemnatus, verberatusque, capitis poenas solvit. Nam is civis ex Latio erat.*

XCi. Latini an tributarii?

XCi. De TRIBVTIS Latinorum nihil reperio, nisi quod durior ea in re fuisse videtur Latinorum, quam civium, conditio. Quamvis enim eos ab exteris, non magis quam cives suos, tributis vectigalibusque onerari Romani paterentur, atque hinc in Ambracensium foedere cavissent, ut *Ambracenses portoria, qui vellet, caperent, modo eorum cives Romani & Latini socii immunes essent*: Liv. XXXVIII, 44. ipsi tamen Romani a Latinis tributa & vectigalia exigebant, adeo ut eos *stipendiarios* adpellet Livius VIII, 8. & apud Appian. *de Bell. Civ.* I, p. 353. de sociis dicatur, eos *militando & tributa conferendo gravatos esse*. Vnde non temere colligas, tolerabiliorem quidem hac in re, quam Italorum & Provincialium, duriores tamen, quam civium, fuisse Latinorum conditionem.

XCII. An ius habuerint suffragii?

XCII. Illud vero praestantissimum erat ius quorundam Latinorum, quod iure SVFFRAGII gauderent ex foedere, quo eos obstrinxerat Cassius. Sane Hernicos & Latinos ad ferenda suffragia fuisse evocatos, adparet ex Livio XXV, 3. & Dionys. Halic. VIII. p. 540. Attamen ne in eo quidem aequo cum civibus iure gaudebant. Nam primo non erant certae tribui adscripti, atque inde sortiri solebant, ubi ferrent suffragia. Qua de re Livius XXV, 3. *Tribus datis, Tribuni populum submoverunt, sitellaque*

*laque adlata est, ut sortirentur, ubi Latini suffragium ferrent.* Deinde hoc ius suffragiorum erat veluti precarium. Quotiescunque enim liberet, edicere poterant Consules, ut Latini urbe exirent. Fecit id sane Virginius Consul, Cassii collega, apud Dionys. Halic. VIII. p. 540. Fecit & C. Fannius, qui Latinos, suffragii causa in urbem accitos, ex SC. excedere iussit. Cic. Brut. Cap. XXVI. Nec plura exempla tamen succurrunt. Vnde Cicero pro P. Sextio XIII. *Nihil acerbius socii Latini ferre soliti sunt, quam id, quod perraro accidit, a Consulibus iuberi ex urbe exire.*

XCIII. Gaudebant etiam iure aliquo **HONORVM**, sed non optimo, quali cives Romani. In eo Provincialibus erant feliciores, quod non Romanis Praetoribus, Proconsulibusque parerent, sed suis Magistratibus. Vnde de Nemauso, iure Latii donata, Strabo Geogr. IV. p. 87. scribit: *Ea de causa populus ille Romanis Praetoribus non paruit.* Melior quoque in eo erat illorum conditio, quam Italicorum, quod Magistratibus in patria gestis, ius civitatis Romanae consequerentur, qua de re supra diximus num. VII. Atque honores in urbe petere haut poterant ante civitatem lege Iulia datam. Hinc quum bello Punico II. Sp. Carvilius suavisset, ut ex singulis populis Latinorum binis Senatoribus, si Patres censuissent, civitas, adeoque etiam ius Magistratum, daretur: eius rei, ut alienae, mentio suppressa est. Liv. XXIII, 22. Nec felicius processere Latinorum consilia, quum alterum Consulem ex sua gente creandumurgerent. Liv. VIII, 4. Vnde de Magistratibus pa-

XCIII.  
Item ius  
peten. li  
honores?

triis, non urbanis, intelligendus est Asconius Paedianus, quando de Gallis Transpadanis, Latii iure donatis a Q. Pompeio Strabone, ait: *habuisse eos ius, quod ceterae Latinae Coloniae, id est, ut PETENDI MAGISTRATVS GRATIA, civitatem Romanam adipiscerentur.* Ascon. *proem. in Pisonian. p. 2062.* Dicere enim procul dubio voluit, *ut gesti Magistratus gratia, civitatem Romanam adipiscerentur.* Illud enim ius Latinis fuisse, supra num. VII. demonstratum est.

XCIV. Et  
ius Sacro-  
rum?

XCIV. Denique quod ad ius SACRO-  
RVM attinet, civibus Romanis & publica Sa-  
era & propria fuerunt. At communia quoque  
nonnulla erant civibus cum Latinis, & talia  
erant Sacra Dianae, quae exemplo civitatum  
Asiae, auctore Servio Tullio, Romae in fano,  
eommunibus sumtibus exstructo, faciebant  
cum Romanis Latini, Liv. I, 15. Tales quo-  
que Ferae Latinae, quas instituerat Tarquinius  
Superbus. Singulis enim annis conveniebant  
quadraginta septem Latii populi in monte al-  
to, Albae imminente, sacra facientes Iovi La-  
tiali, epulisque & ludis vacantes. Constitutum  
quoque erat, quid quisque populus praebere-  
t: hic agnos, ille caseos, iste lactis modum, &  
quam portionem recipere deberet. Commu-  
nis victima taurus erat, de quo cuilibet populo  
portio sua fuerat constituta, & huic sacrificio  
praeerant Romani. Dionys. Halic. *Antiqu. Rom.*  
*I. p. 250.* Initio quidem ex instituto Tarquinii  
unico die haec sacra peragebantur: ast, puls-  
is Regibus, additus a populo secundus; accessit  
dein tertius post foedus cum Latinis a Sp. Cassio  
ictum;

ictum: quartus ob plebis, quae secesserat, re-  
 ditum adiectus: accesserunt quoque sacrificia  
 & ludi, quibus Senatus Aediles praefecerat,  
 Dionys. *Ant. Rom.* VI. p. 415. Immo & visce-  
 rationes, de quibus in actis diurnis apud Re-  
 ines. IV, 5. PRID. KAL. APRIL. FERIAE  
 LATINAE CELEBRATAE ET SACRI-  
 FICATVM IN MONTE ALBANO, ET  
 DATA VISCERATIO. Viscerationes autem  
 erant distributiones carnis, panis, olei, vini,  
 crustuli, mulsi & similium, viritim factae, de  
 quibus Reines. *in Comm. ad Inscr.* p. 146. Tanti  
 vero hae Feriae erant Romanis, ut Consules in  
 Provincias paludati proficisci non possent,  
 nisi indictis prius hisce Feriis. Liv. XXI, ult.  
 XXII, 1. Instaurandae quoque erant a Pontifi-  
 cibus, si vel ulla caerimonia neglecta, aut quid-  
 quam praeter ius factum esset, cuius rei exem-  
 pla sunt apud Liv. XXXII, 1. XXXVII, 3. XL,  
 45. XLI, 16. Interea dum Magistratus Roma-  
 ni Feriis illis interessent, Praefecti Feriarum La-  
 tinarum (\*) usque ad eorum reditum Imperium  
 in urbe tenebant. Iul. Capitolin. *Antonin.* IV.  
 Tacit. *Annal.* VI, 11. Ex quibus locis etiam  
 patet, Ferias istas Latinas, post civitatem quo-  
 que Latinis datam, immo adhuc sub Impe-  
 rato-

(\*) Sont, qui hos non Praefectos Feriarum Latinarum,  
 sed Praefectos urbi Feriarum Latinarum causa, dictos  
 putant, veluti Casaub. *ad Iul. Capitol. Marc. Anton.*  
*IV. Ampl. Bynckersh. in praetermiss. ad L. 2. D. de*  
*orig. iur.* p. 54. Sed existant tamen marmora apud  
 Smetium p. XLI, 5. & p. LXIX, 1. Grut. p. cccxiii. 9.  
 & cccvi, 1. in quibus vocantur PRAEF. FER.  
 LATIN.

ratoribus fuisse celebratas. Cum Lanuvinis in specie Romani communia habebant templum, sacra, lucum *Iunonis Sispitae Lanuvinae*, Liv. VIII, 14. de qua nos plura diximus in *Comm. ad L. Iul. & Pap. Cap. I, 4. p. 57.* Praeter haec sacra cum Romanis communia singuli fere Latini populi & patria numina colebant, qualia erant *Feronia* apud Terracinos, Plin. *Hist. II, 55.* Sil. Ital. *Lib. XIII. v. 83. seq.* Iupiter Anxur, Iupiter Lanuvius, Liv. XXXII, 9. Anguia vel Anguitia Marforum & Marruviorum. Serv. *ad Virgil. Aen. Lib. VIII.* & alia.

XCV. La-  
tini, si fur-  
tim in  
Censum  
irrepsis-  
sent, repe-  
ti pote-  
rant a Ma-  
gistrati-  
bus.

XCV. Ceterum an principia illa iuris publici, quae §. LXXII. explicavimus, apud Latinos quoque habuerint locum, merito dubites. Sane enim, quum Romani duarum civitatum cives esse non possent: licebat tamen iis, relicta civitate Romana, in aliam se recipere, aliusque ius civitatis adsumere. Sic, si nolisset T. Pomponius Atticus civis Romanus manere, liberum ipsi omnino fuisset, civitatis Atheniensis iura adsciscere. Ast Latini, si furtim irrepsissent in Tabulas Censuales Romanorum, vindicari a Magistratibus suis poterant & revocari, non secus, ac si essent glebae adscripti. Sic M. Crassus iudicio repetitus est a Mamertinis, procul dubio tum adhuc Latinae conditionis. Cicero *pro Balbo XXIII.* M. Perperna a Sabellis. Val. Max. III, 4. 5. Vid. *Comment. nostr. ad L. Iul. & Pap. Popp. I, 1. 2.* Et haec sufficiant de Latii Iure. Dicendum iam porro de Iure Italico,

CAP.



## CAP. III.

## DE IVRE ITALICO.

XCVI. Italia Romanis dicebatur, quid- XCVI.  
 quid praeter Latium inter utrumque mare ad Italia  
 Rubiconem usque fluvium procurrit. Reli- quam late  
 quum enim terrae tractum usque ad Alpes Gal- patuerit?  
 li, Ligures, Veneti, Carni, occupaverant. Cete-  
 rum Italiam inter se diviserant populi quam-  
 plurimi, & maxime Hetrusci, Lucani, Brutii,  
 Epizephyrii, Locri, Calabri, Messepii, Sallenti-  
 ni, Apuli, Hirpini, Frentani, Picentes, Senones,  
 Umbri, Sabini, Marfi, Vestini, Marrucini, Pe-  
 ligni & Samnites, qui diversis bellis perdomiti,  
 foedere non uno in societatem a populo Roma-  
 no accepti sunt. Bella cum tot populis gesta  
 accurate recenset Car. Sigonius *de Antiquo Iure*  
*Ital. I, 8. sequ.* Sed quibus annis singula ista sint  
 foedera, quibus conditionibus singuli populi  
 in societatem recepti sint, in tanto veterum si-  
 lentio obscurum est. Illud certum, & a V. C.  
 Christ. Gottl. Schwarzio in *Diff. de Iure Ital.*  
 recte observatum est, distinguendas esse varias  
 Iuris Italici periodos. Post prima enim illa &  
 antiquissima foedera plures Italici populi ad  
 Hannibalem defecerant, quorum alii ultro ad  
 officium redierunt, alii armis recepti. Hinc  
 anno V. C. 101. P. Sulpicius Galba Dictator  
 Italiam peragravit, & cognitis singularum civi-  
 tatum causis, aliis & in his nominatim Brutiis,  
 Picentinis & Lucanis, durius iugum imposuit,  
 aliis pristina iura restituit. *Gell. Noct. Att. X, 3.*

Postea anno V.C. I<sup>o</sup>CLXIV. Itali iura civitatis impetrarunt legibus Iulia & Plotia. Vid. supra §. IX. Ex eo Sulla id ius iis haut parum immi-  
nuit, quia Itali partes adversas sequuti fuerant. Quamvis hanc legem non adeo diu valuisse, testetur Cicero *pro Domo XXX*. Varia hinc porro Italīs indulgit Augustus, *excogitato novo genere suffragiorum, quae de Magistratibus urbicis Decuriones Colonici in sua quisque Colonia ferrent, & sub diem Comitiorum ob signata Romam mitterent*. Suet. *Aug. XXXVI*. Idem Imperator etiam militiae necessitatem remisit Italīs. Herodian. *Hist. II, 11*. Hadrianus per omnem Italiam quatuor Consulares iudices constituerat. Spartian. *Hadr. XXII*. Hinc CONSULARES CAMPANIAE sunt apud Grut. *p. CCCXLIV, 2. CCCCLXXI, 8*. ΑΝΘΡΩΠΩΣ ΚΑΜΠΑΝΙΑΣ apud eundem *p. MXC, 20*. qui & PROCOS, vocatur in marmore Reines. *Class. VI, 4*. Consulare per Tusciam & Flaminiam fuisse patrem suum, narrat Rutil. Numat. *Itiner. I. v. 575. 593*. Horum in locum Iuridicos suffecit Marcus Antoninus. Iul. Capitolin. *Marc. XI*. Sequentē tempore Italia aliquando subfuit Correctoribus & Praefecto Praetorio. V.C. Ever. Otto *de Aedil. Munic. XII*. Denique post Constantinum M. diviso saepe Imperio, Consulares Italiae iterum memorantur ab Ammiano, Symmacho & Cassiodoro, quos aliquando & Moderatorum, Rectorum & Praesulum nominibus venire, observat Thom. Reines. *Comm. ad Inscr. p. 397*. Et ab eo tempore immunitas Italīs paene ademta, & tributa iis gravissima indicta sunt. Schwarz.

Schwarz. *l. c.* §. XII. p. 36. quietiam observavit, vestigia iuris Italici tantum non omnia sustulisse Iustinianum, id quod verum esse, vel ex *L. un. C. de usucap. transf. L. 1. C. de Annal. exc. Ital. & princip. Inst. Quibus alienare licet vel non*, satis adparet.

XCVII. Non multo certius videtur, quia in re ipsum ius Italicum fuerit positum. Multa Itali cum sociis Latini nominis habuere communia. Non magis gavisi sunt iure Quiritium, quam Latini; aut uli tamen sunt iuribus nexus & mancipationum, annalis exceptionis, iure capiendi, aliisque quibusdam beneficiis, si recte coniecit Henr. Noris. *de Epoch. Syro Maced. IV. p. 428.* Salm in his omnibus eos melioris fuisse conditionis, quam Latinos, non temere crediderim. Eadem utrisque fuit Censur, eadem tributorum & vectigalium ratio, nisi quod Itali paullo durius videntur habiti a Romanis. A Neapolitanis certe, Rheginis & Tarentinis Romani stipendium & naves ex foedere exegerunt. Immo ex Ciceronis *Verrin. III, 11.* patet, partem Italiae haut minimam vectigalem fuisse. (o) Porro Itali non minus quam Latini militiae iure obstricti fuerunt Romanis, tantaque subinde miserunt auxilia, ut L. Aemilio Papo, C. Atilio Regulo Coss. nunciato Gallico tumultu, equitum LXXX. millia, peditumque DCCM. armasse eos, tradat Plinius *Hist. Nat. III, 20.*

De-

(o) Ast remissum postea esse Italis tributum, diximus supra *num. LIX.* Hinc postremis Respublicae temporibus ius Italicum praecipue in immunitate a Censu capitis & soli constitit. Vid. *L. 8. §. 7. D. de Cens.*

(2)

XCVII,  
Ius Itali-  
cum.

Denique in eo quoque par fuit Latinorum Italorumque conditio, quod utrique non Romanis Proconsulibus aut Praetoribus parerent, sed suis Magistratibus. (p) Ast in hoc inferiores fuere Latinis, quod non gauderent iure suffragii, ad quod tum demum adspirarunt, quum lege Iulia primum, ac deinde Plotia civitate Romana essent donati, qua de re supra *num. IX.* egimus. Porro nec ea praerogativa gavisi sunt Itali, ut, qui vel stirpem ex se domi reliquissent, vel Magistratus gessissent in patria, cives Romani fierent. Postremo neque communia sacra habuerunt Itali, adeoque his rebus omnibus Latinis fuerunt deteriores. Car. Sigon. *de Antiquo Iure Ital. I. 22.* Speciatim quaedam de Italorum iuribus diximus *Lib. I. Tit. XXV. §. I. seq. Lib. II. Tit. I. §. XV. Lib. II. Tit. VI. §. II. Lib. II. Tit. VIII. §. IX.*

XCVIII. Quemadmodum vero, communicata cum Latinis civitate, non ideo statim exspiravit Ius Latii: ita & Ius Italicum, etiam

Italia civitate donata, mul-

cx

(p) Attamen etiam hac in re melior aliquanto fuit Latinorum conditio. Quum enim Latini numquam subessent Romanis Magistratibus: Italia in gravioribus bellis extra ordinem nonnumquam Proconsulibus decreta est. Atque ita intelligendus Appianus *de Bell. Civil. I. p. 374.* ἦσαν γὰρ, ὡς τοῖς, τότε καὶ τῆς Ἰταλίας ἀρχόντις ἀνδράσι κατὰ μέρος. Adparet enim, sunc quoque regiones Italiae distributas esse Proconsulibus: Extra ordinem scilicet, si seditionis esset periculum. Sic belli Marisci tempore Picenis cum Imperio praefuit Q. Servilius, Legatumque habuit Fontecium, ceu ex eodem discimus Appiano. *l. c.*

(q)

ex eo tempore, quo Itali civitate donati sunt, non defuit, sed ad multas alias civitates provinciales porrectum est. Sic Foroaugustanis in Hispania ius Italiae datum, scribit Plin. *Hist. Nat. III*, 3. Alias iuris Italici colonias recensent Vlpianus, Celsus, Caius, Paullus Iureconsulti in *L. 1. L. 6. L. 7. L. 8. D. de Censib.* de quibus nos infra agemus accuratius. Ceterum vel ideo hoc observandum est, ut intelligamus, quid in iure nostro sit SOLVM ITALICVM, cuius hinc inde fit mentio, veluti *pr. Inst. de usufructu*. & apud Vlpian. *Fragm. XIX*, 1. Non enim in sola Italia id quaerendum est, sed & in Provinciis omnibus & civitatibus, ac Colonis illis, quibus datum fuerat ius Italicum, qui agri etiam *censui censendo* dicuntur Cic. *pro Flacco XXXII*. Censui enim censendo dicebantur agri, qui venire emique poterant Iure Civili. Fest. *hac voce*. Iure Civili vel Quiritium venibant tantum res Mancipi. In rerum autem Mancipi numero erant tantum praedia soli Italici. Vid. Io. Ge. Graev. *ad Cic. ibid.* & V. C. Schulting. *Adnot. ad Vlpian. p. 619.*

tis exteris  
datum ius  
Italicum.

## C A P. I V.

### DE IVRE PROVINCiarVM.

XCIX. Durissimae in Orbe Romano conditionis erant Provinciae, quo nomine adpellatas constat omnes illas regiones, quas vel armis devictas, vel alio modo redactas in potestatem, Magistratibus suis administrandas subiiciebant Romani. Festus *voce Provinciae. pag. 384.*

XCIX.  
Quid Pro-  
vincia?

Pro-

Provinciae adpellantur, quod populus Romanus eas provicit, id est, ante vicit. Isidor. Orig. XIV. 5, Provinciae ex causa vocabulum acceperunt. Principatus namque gentium, quae ad alios Reges pertinebant, quum in ius suum Romani vincendo redigerent, procul positas regiones Provincias adpellarunt.

C. Quo-  
modo re-  
gio reda-  
cta in Pro-  
vinciae  
formam ?

C. Leges, quas a victore populo eiusmodi regiones accipiebant, PROVINCIAE FORMA, vel FORMVLA, dicebantur. Cuius rei haec observata est ratio. Senatus, acceptis ab Imperatore de superatis hostibus, & regione in potestatem populi Romani redacta, literis, (solebant enim, qui res laetas nunciabant, Romani nuncios cum hastis laureatis litterisque lauro involutis mittere, Gronov. *Diatr. ad Statium Cap. XLVII. p. 3 to.* vel sub Imperatoribus ipsas pugnarum victoriarumque picturas in urbem perferendas dare, Herodian. *Hist. III, 9. VII, 2.*) imprimis consultabat, quas leges victis dari placeret, factoque SC. Imperatorem, quid visum sit Senatui, admonebat, simulque decem legatos Senatores mittebat, quorum de sententia Imperator de hostili regione statueret. Tum Imperator, adhibitis in consilium Legatis, victis certas leges praescripsit, & civitates, bene de populo Romano meritas, suis legibus uti iussit, reliquum terrae tractum legibus Magistratibusque spoliavit, & hic tunc dicebatur in Provinciae formam redactus. Quidquid vero hunc in modum de consilii sententia statuerat Imperator, id in concione, facto antea per praecognitionem silentio, publice pronunciari mandabat :

co-

coque facto, Romam, relicto aliquo Praefecto Provinciae, decedebat. Hunc in modum Asiam redactam in formam Provinciae constat ex Strabone. Alia exempla exstant apud Liv. XXXIII, 18. Appian. in *Lybic.* p. 84. & alibi passim. Sed desuit hic mos; ex quo Principes omnia pacis bellicae negotia suo arbitrio gerere coeperunt.

CI. Quamvis vero non una eademque esset CI. Provinciarum conditio: illud tamen <sup>vinciae</sup> commune erat omnibus, quod suis legibus <sup>suis legibus non</sup> (q) Magistratibusque non uterentur, populoque <sup>utabantur: sed</sup> Romano penderent vectigalia. Non utebantur, inquam, suis legibus, sed iis, quibus Romani <sup>datis a victore.</sup> eos uti iubebant, quaeque trium plerumque generum erant. *Primo* enim ipse victor de decem Legatorum sententia certas leges dabat Provincialibus, quas deinde in iure dicundo observari oportebat a Magistratibus: *deinde* leges novas aliquando ferebant Romani, quibus & Provinciales obsequerentur, qualem supra esse vidimus legem Iuliam & Titiam: *postremo*, ipsi, qui cum Imperio praecrant Provinciis, edicta proponebant, quibus modum, quem in iure dicundo essent observaturi, denunciabant. Nulla primo regio in Provinciae formam redigebatur, cui non certas leges daret victor de

- (q) Attamen patriam religionem plerisque relinquebant, ceu exemplo Aegyptiorum patet, de quibus Tertull. *Apolog.* XXXIV. & Iudaeorum, de quibus Philo *Legat. ad Caium Imp.* p. 864. Colitiones tamen, religionis causa institutas, saepe prohibitas fuisse, si e Republica videretur, docet Ampl. Bynkersh. *de Rel. p. reg.* Diss. II. p. 250.

(r)

sententia Legatorum. Siculis quales datae fuerint leges, ostendit Cicero *Verrin. II, 13. Siculi hoc iure sunt, ut quod civis cum cive agat, domi certet suis legibus: quod Siculus cum Siculo non eiusdem civitatis, ut de eo Praetor Iudices ex P. Rupili decreto, quod is DE DECEM LEGATORVM SENTENTIA statuit, quam legem illi Rupiliam vocant, sortiatur. Quod privatus a populo petit, aut populus a privato, Senatus ex aliqua civitate, qui iudicet, datur, quum alternas civitates reiectae sunt. Quod civis Romanus a Siculo petit, Siculus Iudex datur; quod Siculus a cive Romano, civis Romanus datur. Cetetarum rerum selecti Iudices ex civium Romanorum conventu proponi solent. Inter aratores & decumanos lege frumentaria, quam Hieronicam adpellant, Iudicia fiunt. Eiusmodi quoque leges, Macedonibus a L. Paulo ex Consilii sententia datas, recenset Liv. XLV, 29. Achacis praescriptas, Pausan. VII, p. 427. sequ.*

CII. Vt &  
aliis, quas  
S. P. Q. R.  
illis dabat.

CII. Accedebant his deinde leges quaedam a Romanis latae, quas in Provinciis observari oportebat. Sic quum lex Atilia de dando tutore tantum in urbe valeret: lege Iulia & Titia eadem, uti paullo ante diximus, etiam ad Provincias porrecta est. *princip. Inst. de Atilian. tut.* Quum ex lege Iulia de maritandis Ordinibus tutor dandus esset ei mulieri virginique, quam ex hac ipsa lege nubere oportebat, ad dotem dandam, dicendam, promittendamve: factum paullo post est SC. quo cautum, ut etiam in Provincia similiter a Praesidibus ex eadem causa tutores darentur. *Vlpian. Fragm. XI, 1.* Similia exempla suppeditabunt *L. 19. D. de Ritu nupt.*



nupt. (quam uberius exposuimus in *Comm. ad L. Iul. & Pap. Lib. I. Cap. V. p. 64. & Lib. II. Cap. 21. p. 334. sequ.*) & *L. 5. pr D. de manumiss.* Huc pertinent tot rescripta Principum ad Provincia-  
rum Praefides, quibus vel nova iura dant Pro-  
vinciis, vel dubia & ambigua decidunt, ceterum ex  
Pandectis nostris ac utroque Codice satis adpa-  
ret. *L. 15. §. 10. D. de off. Proc. L. 14. D. ad SC. Turpillian. L. 1. D. de abigeis. L. 3. D. de fide instrum. L. 12. D. de custod. reor.*

CIII. At praecipue ius in Provinciis profi- CIII. Nec  
ciscabatur ex Edictis Proconsulum, & reliquo- non Edi-  
rum Magistratum, quae simul ac in Provincias tis Pro-  
ituri erant, componere, ac dein publice propo-  
nere solebant. Hoc Edictum tribus plerumque  
partibus constabat: Nam primo multa ex ante-  
cessorum Edictis transferrebant in sua, eaque pars  
Edictum *tralatitium* vocabatur: deinde multa  
nova addebant ipsi, quae ad administrationem  
Provinciae, sumtus & rationes civitatum, pa-  
ctiones cum publicanis, usuras, syngraphas, he-  
reditatem, possessiones, aliaque huius generis  
pertinebant: postremo etiam pleraque transfe-  
rebantur ex Edictis urbanis, quaecunque scilicet  
de iure dicundo, seu de usitatis privatorum caus-  
sis & controversiis, agebant, modo concinna es-  
sent conditioni Provincialium. Vnde *Edictum*  
*tralatitium* & ea pars vocatur apud Ciceron. *ad*  
*Att. V. 21.* Discimus haec omnia ex Cicer. *E-*  
*pist. ad Famil. III, 8.* qui Proconsul in Ciliciam  
iturus: *Romae*, inquit, *composui Edictum*, *nihil*  
*addidi, nisi quod publicani me rogarunt, quum Sa-*  
*num ad me venissent, ut de tuo Edicto totidem ver-*

*his transferrem in meum.* (Habes ergo partem Edicti tralatitiam) *Diligentissime scriptum caput est, quod pertinet ad minuendos sumtus civitatum, quo in capite sunt quaedam nova, salutaria civitatibus, quibus ego magnopere delector.* (En alteram Edicti partem, in qua nova quaedam addiderat Cicero.) In tertia parte quae fuerint scripta, ipse quoque ostendit *Epist. ad Attic. VI, 1.* ubi & de reliquis capitibus agit distinctius: *Breve autem Edictum est, propter hanc meam diatriphen, quod duobus generibus edicendum putavi: quorum unum est Provinciale, in quo est de rationibus civitatum, de aere alieno, de usura, de syngraphis: in eodem omnia de Publicanis: alterum, quod sine Edicto satis commode transigi non potest, de hereditatum possessionibus, de bonis possidendis, Magistris faciundis, vendendis, quae ex Edicto & postulari & fieri solent. Tertium de reliquo iure dicundo ἀποκαταλείψω reliqui.* Dixi, me de eo genere mea decreta ad Edicta urbana accommodaturum. Ex quibus patet, quod supra iam observavimus, simillima quidem inter se fuisse Edicta urbana & Provincialia: sed tamen non statim idem obtinuisse in Provincia, quod Romae fuerat vel lege, vel moribus receptum. Vid. Ger. Noodt. *Observ. II. §. p. 444.*

CIV. Sub  
Imperato-  
ribus mul-  
ta hac in  
re mutata.

CIV. Sed in his non una contigit mutatio, ex quo ad Principes devoluta est Respublica. Primo enim, quod iam supra observavimus, etiam Provinciale Edictum concinnatum est perpetuum, quum antea non modo singularum Provinciarum edicta inter se discrepant, aliudque esset Edictum *Cilicium*, aliud *Siciliense*, aliud *Asia-*

*Asiaticum*, &c. sed & successores antecessorum Edicta, Praetorum urbanorum exemplo, saepissime mutarent. Vid. Ezech. Spanh. *Orb. Rom. II. 12. p. 97. sequ.* Deinde, communicata cum universo Orbe Romano civitate, leges etiam Romanae Provinciis omnibus traditae sunt, eademque iura Romae fuerunt ac in Provinciis. Hinc de suo aevo Gregorius Thaumaturg. in *Paneg. Origen. p. 47.* *Οἱ θαυμαστοὶ ἡμῶν τὸ σὺν νόμοις, εἰς οὗν τὰ πάντων τὸ ὑπὸ ῥωμαίων ἀρχῶν ἀνθρώπων κατασθένειαι πράγματα.* *Mirificae sapientum nostrorum leges, quibus omnium nunc, qui Romano Imperio parent, hominum res reguntur.* Rutil. Numatian. *Itin. I, v. 63. ad Romam:*

*Fecisti patriam diversis gentibus unam,*

*Profuit iniustis, te dominante, capi.*

*Dumque offers victis proprii consortia iuris,*

*Urbem fecisti, quod prius orbis erat.*

Plura eiusmodi testimonia collegerunt Iuretus ad Symmach. *Epist. V, 44.* Ez. Spanhem. *Orb. Rom. II, 11. p. 91. sequ.* qui etiam erudite observat, post ea quoque tempora multis civitatibus αὐτονομίαν relictam fuisse ab Imperatoribus.

CV. Alterum, quod commune fuit omnibus Provinciis, in eo positum est, quod illae non suis, ut socii & Latini nominis, sed Romanis Magistratibus parerent. Duo vero in singulas Provincias Magistratus mitti solebant, quorum alter generali nomine *Praefes* dicitur. *L. I. & 11. D. de offic. Praef.* alter *Quaestor* adpellatur. Praesidium officio initio functi sunt Praetores. Hinc quum initio duo in urbe Praetores essent, quorum alter civibus ius dicebat, al-

CV. Pro-  
vinciae  
parebant  
vel Prae-  
toribus,  
vel Coss.  
vel Pro-  
praet. vel  
Procos.

ter peregrinis: Sicilia in Provinciae formam redacta, tertius: quum deinde Sardinia accederet, quartus; quumque & Hispaniarum duae Provinciae essent constitutae, quintus & sextus additi sunt, qui inter se Provincias sortiri solebant. Liv. XXVII, 36. & XXXIV, 55. Postea coeperunt & Consulibus, si quando gravius immineret bellum, Provinciae decerni, unde aliae Provinciae *Praetoriae* erant, aliae *Consulares*, Liv. VIII, 22. XLV, 17. ex quibus locis patet, Coss. tunc vel inter se comparasse Provincias, vel sortitos esse. Conf. Liv. XXXIV, 35. Solebant tamen aliquando Provinciae nec comparari, nec sorte, sed iudicio Senatus populi decerni Consulibus, ceu docent exempla apud Liv. XXXVII, 1. XXX, 27. XXXV, 20. Nonnunquam utrisque prorogari solebat Imperium; & tunc *Propraetores*, vel *Proconsules* dicebantur, (r) quorum illi sex licitoribus totidemque securibus, hi duodecim utebantur. Quae de re Appianus *Syriac.* p. 95. Ἐφ' ἀπαιτίας ἀνεμεμενον

512-

(r) Ita sese res habuit, temporibus antiquissimis: primusque Consul, cui ita prorogatum Imperium, est Q. Publilius Philo. Liv. VIII. 26. Idem postea saepius factum esse, docent exempla apud Liv. XXIX, 13. XXXV, 1. & alibi. Deinde & ii Procoff. dici coeperunt & Praetores, qui nullis antea gestis Magistratibus, ad bellum gerendum missi sunt in Provinciam. Qualis Proconsul fuit P. Cornelius Scipio. Liv. XXVI, 19. Propraetor C. Octavius, Cic. *Phil.* XI, 19. Suet. *Octav.* X. Postea invaluit, ut quotannis, antequam novi Coss. & Praetores designarentur, Provinciae duae Consulibus, & reliquae Praetoribus futuris decernerentur, quas illi designati vel sortirentur, vel inter se compararent, ut finito Magistratu in eas proficiscerentur. Sigon. de *Ant. Iur. Prov.* II, 1. p. 125.

(5)

στρατηγὰς ὅππῃ τῇ στρατιᾷ, ἥς αὐτοὶ καλῶσιν ἐξαπελέκεας, ὅτι τ' ὑπᾶτων δυνάμει πελέκεσι, ἢ δυνάμει ῥάβδοις, (ὡς περ οἱ παλαιοὶ βασιλεῖς) χρωμένων, τὸ ἡμῖν τ' ἀξιώσεως ἐστὶ τοῖς ἢ τοῖς στρατηγοῖς ἢ τὰ ἡμῖνα παρά-  
 κτημα. *Ad omnes miserunt Proprietores cum senis securibus, quia Consules duodenis securibus totidemque fascibus, ut olim Reges, utuntur. Praetores autem, ut insignia Consulium dimidiata, ita dignitatis quoque ac potestatis habent dimidium.* Add. Plutarch. vit. Paulli. p. 256.

CVI. Postquam Provincias cum Senatu di-  
 visit Augustus: alia sensim in usu esse coeperunt  
 nomina. Nam quos Senatus mittebat Praefi-  
 des, ii *Procoff.* veteri vocabulo adpellati: quos  
 Imperatores, ii variis deinde nominibus nuncu-  
 pati, *Legati Augg. pro Consule, vel pro Praetore,*  
*Praefecti Augustales, Legati Caesarum, Praefi-*  
*des, Procuratores Caesarum, Consulares, Corre-*  
*ctores, Iuridici,* quales aliquando in Italia & A-  
 lexandriac, *Sex. Rufo Romani Iudices,* Straboni  
*Libro XIII.* Δικαιοδότης dicti, quin in minores  
 quasdam Provincias *Procuratores Caesarum* ive-  
 re, vel *Rationales, & Catholici,* de quibus dixi-  
 mus in *Pand. P. l. §. 231.* de quibus omnibus le-  
 gi merentur Dio Cass. LIII. Guido Panciroll.  
*notit. Imp. Orient. CLV.* Iac. Guth. *de Offic.*  
*Dom. Aug. I, §. sequ.* Aliis etiam sub Imperatori-  
 bus uti coeperunt insignibus. Consulares fasces:  
 Praefides praeterea vexilla habuere, quae vul-  
 tum Principis praeferebant. *L. 1. C. Theod. de Con-*  
*sul. & Praesid. & ibi Iac. Gothofr. L. 1. C. de iniur.*

CVII. Imperium Praefidibus initio lege cu-  
 riata dabat populus: Cic. *de lege Agrar. II, 12.* Quis eius-

giſtratus  
conſtitue-  
rit?

Provincias ipſas decernebat Senatus, cuius etiam erat, ſtatuerere, quas Conſulares, quas Praetorias eſſe vellet, quamvis plerumque eam teneret rationem, ut eas, in quibus tumultuari, aut quas ab hoſtibus vicinis tentari intelligeret, Conſulibus; quietas vero & pacificas Praetoribus decerneret, qui deinde eas inter ſe vel fortiebantur, vel comparabant. Sigon. *l. c. II*, 1. p. 125. Id ius deinde veluti poſtliminio recepit Senatus, lege Sempronia, de Provinciis decernendis, lata a C. Sempronio Graccho, Q. Caecilio & T. Quinctio Coſſ. anno V. C. DCXXX. Cic. *pro Domo ſua Cap IX. de Provinc. Conſul. c. 11. Agrar. II*, 12. quum L. Calpurnius Piſo, Tribunus plebis paullo ante anno DCIV. nova quaedam lege ſua invexiſſet. Extremis Reipublicae temporibus, & labente vetere diſciplina, multa contra morem maiorum excogitarunt Sulla, Marius, Pompeius, Craſſus, Caefar, Antonius, quae accurate ſatis refert Sigon. *l. c.* donec Auguſtus, ut dixi, Provincias cum Senatu populoque Romano partitiſeſt. (s) Dio Caſſ. *l. c.*

CVIII. Ituris in Provincias Praefidibus mandata dabat Senatus, quantum pecuniae, quomodo ornati?

(s) Hinc diſcrimen inter Provincias populares, vel publicas, & Caefarum. Sed ſaepe harum Provinciarum facta eſt permutatio. Publicas plerasque ad ſe rapuit Claudius, quas deinde Senatu ſub Imperii initia reſtituit Nero. Tacit. *Ann. XIII*, 4. Sub Traiano etiam Bithynia cum aliis a Senatu ad Imperatores translata eſt. H. Noris. *Cenſograph. Piſan. p. 207.* Poſtremo omnes Provincias ad ſe rapuere Principes, nihilque Senatu reliquum fuit, ultimis Imperii temporibus.

(s)

quantum exercitum habiturus sit, quod stipendium eum dare, quantum viaticum capere oporteret; & hoc SC. Praefides, ipsaeque Provinciae ORNARI dicebantur. De quo ritu plura tradunt Is. Casaubonus & Torrent. *ad Suet. Caes. XVII. Sigon. de Ant. Iure Provinc. II, 1. p. 142. sequ.*

CIX. In comitatu Praesidium erant Legati, CIX. Quo Tribuni militum, Centuriones, Praefecti, De-comitatu curiones, alique militarium operum rationum-  
que adiutores: praeterea vero Scribae, Accensi, Praecones, Lictores, Interpretes, Tabellarii, Aruspices, Cubicularii, Medici, & quae quotidianae vitae prope socia fuit, iuvenum cohors, quae cohors Praetoria, & quasi Praetoria dicta est, in quem numerum etiam referendi contubernales. Sigon. *l. c. Cap. II. p. 149.* Legatos Praefidi aut Senatus dabat, aut huius permisso adsciscebat Praeses, aut plebs, lata lege, extra ordinem designabat. Cic. *Vatin. XV. Nep. Attic. VI.* Et hi sunt ἡγεμόν & πεμπονέοι, de quibus 1. *Petr. II, 14.* Numerus eorum non unus idemque semper fuit. Q. Cicero tres secum Legatos habuit in Asia. Marco fratri in Ciliciam eunti quatuor; Q. Pompeio quindecim adfuerunt. Quamvis vero & ipsi Legati licitoribus & fascibus uterentur: Liv. XIX, 9. non tamen nisi mandatam iurisdictionem habebant, quae quantae esse potuerit, ex *Tit. D. de officio eius, cui mand. iurisdittio*, constat, & egregie, suo more, disquirat Ger. Noodt. *de Iurisd. II, 7. p. 161.* Vnde Caesar *de Bell. Civ. III, 51.* *Aliae sunt Legati partes, aliae Imperatoris: alter omnia agere ad*

*praescriptum: alter libere ad summam rerum con-  
sulere debet. Idem de Bello Civ. II, 17. officium  
Legati fiduciarium, dicit, operam obtinere. Reli-  
quorum, qui in comitatu Praesidum fuere, velu-  
ti Tribunorum, Centurionum, Praefectorum,  
Scribarum, Medicorum, Accensorum, Haru-  
spicum, Praeconum, (Vid. Liv. XLII, 49. Cic.  
Ferrin. II, 10) & huius generis aliorum mini-  
strorum, quatenus fuerint officia, ex ipsa vete-  
ris rei militaris ac iudiciorum ratione facile col-  
ligitur. De solis contubernalibus addendum,  
fuisse ita adpellatos adolescentes, qui percipien-  
dae rei militaris & Provinciae cognoscendae  
caussa Praesides in Provinciam erant sequuti,  
Cic. *pro Coel. XXX.* & *pro Planc. XI.* Ex toto  
vero illo Provinciali comitatu libera adhuc Re-  
publica exsulabant feminae, quas ab Augusti  
denum temporibus (1) duci coepisse in Provin-  
cias, palam est. Hinc M. Seneca *Controv. Lib.  
IV.* laudat Flaminium, quod exiturus in Pro-  
vinciam, uxorem a porta dimiserit. Ast post-  
quam Augustus quibusdam, quamvis gravate,  
id concesserat, sensim obsolevit illa maiorum  
disci-*

- (1) De ipso quidem Augusto Sueton. *Ottav. XXIV.* *Dis-  
ciplinam severissimam rexit, ne Legatorum quidem cui-  
quam, nisi gravate, hibernisque dumtaxat mensibus, per-  
misis uxorem interficere.* Tiberium quoque simile quid  
sanxisse, patet ex L. 14. *D. de offic. Praef.* Sed non diu  
haec antiquae disciplinae mansit custodia, ex quo ipse  
Augustus Liviam; Germanicus Agrippinam in Provin-  
cias duxerat. Cautum tamen fuerat SC. anno V. C.  
15. cclxxi. Cotta & Messala Coss. ut si uxor aliquid  
deliquerit in comitatu Praesidis, ab ipso marito ra-  
tio & vindicta exigeretur. L. 4. §. 2. *D. de Offic. Praef.*  
(u)



disciplina. Hinc & frustra fuit sub Tiberio Caecina, qui morem veterem revocandum suadebat. Tacit. *Annal. III, 33. Inter quae Severus Caecina censuit, ne quem Magistratum, cui Provincia-obvenisset, uxor comitaretur.* Et paucis interiectis: *Flant enim frustra placitum olim, ne feminae in socios, aut gentes externas traberentur. Inesse mulierum comitatui, quae pacem luxu, bellum formidine morentur.* Sed, ut dixi, nihil profecit Caecina, Valerio Messalino & Druso ei graviter ocllamantibus. Hinc saepe uxores cum Magistratibus ex eo tempore in Provinciis haesisse legimus, veluti uxorem Pilati, *Matth. XXVII, 19. Drusillam Felicis, Act. XXIV, 24. uxorem Plinii, ceu ex eius Epistolarum Libro X, 121. discimus.* Nondum tamen res ordinaria: nec promiscua omnibus licentia. Id enim si fuisset: non fancivisset Alexander Severus, *ut Praesidibus, qui uxores non haberent, singulas concubinas, quod sine his esse non possent, in Provincias ducere liceret.* Lamprid. *Vit. Alex. Cap. XLII.*

CX. Profecturi in Provincias Praesides, CX. Quo-  
nuncupatis in Capitolio pro Republica votis; modo  
atque inde demum Paludamento, Lictoribus, profecti  
reliquisque adsumtis Imperii insignibus, ad por-  
tam urbis ibant, & si quidem nonnulla super-  
essent negotia, extra urbem aliquamdiu mora-  
bantur, quum intra urbem cum Imperio esse  
hant possent: sin vero omnia parata essent, sa-  
lutantibus amicis, & officii causa aliquantum  
prosequantibus, iter in Provinciam ingredie-  
bantur. Liv. *XLII, 49. XLV, 39. Cic. Verr.*  
*V, 13. Vbi attigerant Provinciam: certiore*

de adventu suo faciebant antecessorem, ut cum eo congregientes de statu Provinciae cognoscerent. Quo facto intra triginta dies discedendum erat antecessori, id quod lege Cornelia, a L. Cornelio Sulla lata, fuisse statutum, patet ex Cic. *Epist. ad Fam. III, 6*. Immo & antequam Provinciam ingrediebantur, Edicto de adventu suo monebant Provinciales, continente commendationem aliquam sui, & maxime deprecante, ne publice vel privatim sibi occurreretur, siquidem id melius in sua quisque patria facere posset. L. 4. §. 3. 4. *D. de Offic. Procos.* ubi & alia, a Proconsule in Provinciae ingressu observanda, habentur.

CXI. Of- CXI. Quum vero duo essent Praesidium mu-  
ficia Prae- nera, quorum alterum iurisdictione, alterum  
sidum. continebatur Imperio: solebant illi ita parti-  
ri annum, ut aestatem fere rei militari, hiemem  
iuri dicundo impenderent. Cic. *Epist. ad Att. V, 14*. Et ita quidem libera adhuc Republica  
se res omnino habebat. Augustus autem cum  
populo partitus Provincias, suos quidem Praesi-  
des mittebat ita, ut & legionibus praeessent.  
Dio Cass. LIII. p. 504. non autem ullam partem  
Imperii militaris concedebat Proconsulibus, a  
Senatu in Provinciam missis, nisi aliquando ex-  
tra ordinem legiones ducere iuberentur. Lips.  
*Excurs. ad Tacit. Ann. I. litt. M.* Vtrique tamen  
ius summa auctoritate dicebant. Caussae, quae  
in litem deducuntur, vel publicae sunt, vel pri-  
vatae. Privatarum causarum cognitio vel do-  
mestica erat, vel popularis. Domestica intra  
Praetorium & in cubiculo querelis Provincia-  
lium

lium audiendis, ministrante cubiculario, confumebatur : popularis in basilica ac pro Tribunali, Scribis, Accensis, Praeconibus, Liſtoribus adparentibus. Cic. *ad Q. Fratr. I.* 1. *Conſtare inter omnes video, facillimos eſſe aditus ad te, patere aures tuas querelis omnium, nullius inopiam ac ſolitudinem, non modo illo populari acceſſu ac Tribunali, ſed ne domo quidem tua ac cubiculo eſſe excluſam.* Vt autem hanc poteſtatem eo commodius exercerent Praeſides : ſimul ac venerant in Provinciam, conventum vel forum in certum diem certumque locum indicebant Provincialibus. Et eiſmodi conventus deinde vel plures uno loco, vel ſingulos ſingulis locis agebant, ita, ut intra annum omnem Provinciam percurrerent. Sigon. *de Antiquo Iure Prov. II.* §. p. 184. Ius eodem ordine dicebant, quo Romae Praetores, adeoque omnia obſervabant, quae infra *Libro IV.* de Romanorum Iudiciis dicemus. Id modo addimus, quemadmodum Romae Praetori in conſilio erant *Decemviri ſolitibus iudicandis*: ita a Praeſidibus eorum loco adhibitos fuiſſe viginti Recuperatores, cives Romanos. Vlpian. *Fragm. I.* 13. Theoph. §. 4. *Inſt. Qui & ex quib. cauſſ. manum. non licet.* Commiſſae Praeſidibus erant etiam quaestiones de criminibus, in quibus eamdem denuo rationem tenebant Praeſides, quam in urbe Praeſecti Praetorio. Habebant enim ius gladii. *L. 6. pr. L. 11. D. de Off. Procoſ. L. 6. L. 13. ſequ. L. 21. D. de Off. Praeſid.* Neque tamen iis erat ius deportandi in inſulam, *L. 2. §. 1. D. de Poen. L. 6. §. 1. D. de interd. & releg. neque liberam mortis facultatem concedendi.*  
L. 8;

*L. 8. §. 1. D. de Poen.* neque ius publicandi bona post Constitutionem Theodosii & Valentianiani, *L. un. C. Tb. Ne fin. iuss. Princ. cert. iud. lic. confisc.* Cuius rei ratio non alia fuisse videtur, quam quod hae poenae fere personis illustribus & in dignitate constitutis irrogari solerent, ubi in plebeios gladio animadvertebatur. *L. 27. §. 1. 2. D. de poen.* Vid. Vlr. Hub. *Digress. III, 7.* Praeterea etiam rei frumentariae, omnisque in universum Provinciae curatio penes Praefides erat, ceu prolixè docet Sigon. *II, 5. & 6. p. 207. sequ.*

CXII.  
Quaestores  
Provinciales.

CXII. Praeter Praefidem, in unaquaque Provincia etiam Quaestor erat, alter Magistratus, qui potestatem non a Praefide, sed ab ipso populo accipere solebat. Unde & ipse LicTORIBUS ac Scribis usus est. Cic. *pro Planc. XLI.* Lecti enim a populo Quaestores sortiebantur Provincias, eorumque duo urbanas, reliqui Provinciales Quaesturas obtinebant. Cicero *Verr. I, 13. Epist. ad Q. Fratr. I, 1.* Mortuo in Provincia Quaestore, alii interim hoc munus demandabat Praefes, qui *Proquaestor* adpellabatur. Cic. *Verrin. III, 15.* Instituerant autem veteres Romani, ut inter Praefidem & Quaestorem eadem intercederet necessitudo, quae inter parentem & filium. Cic. *Divinat. in Verr. XIV. pro Plancio XI.*

CXIII.  
Eorum  
officium.

CXIII. Ceterum hi Quaestores curabant pecuniam publicam, quae aut ex aerario depromta in usus Provinciae expendenda, aut in Provincia exacta, esset in aerarium referenda. Illa pecunia *attributa*, haec *vestigialis* dicebatur. Vtram-

Vtramque in Tabulas referebant Quaestores, & deinde ubi Provinciis decederent, rationes accepti expensique reddebant, & residua inferebant aerario. Nonnunquam Quaestoribus Praefides etiam partem iurisdictionis Imperii-que demandabant; cuius rei exemplum est apud Caesarem *de Bello Gall. VI, 6. Caesar, partitis copiis cum C. Fabio legato, & M. Crasso Quaestore, hostes adiit tripartito.* Add. Cicero *Verrin.*

I, 13.

CXIV. Haec de Magistratibus Provincia-  
rum: proximum est, ut de tertio, quod commu-  
ne habuerunt Provinciae, agamus, de tributis  
puta & vectigalibus, quibus quam maxime Pro-  
vinciae premebantur. Romani enim, quum bel-  
lo aliquem populum vicissent, duabus maxime  
rationibus cum eo agebant. Aut enim victoriae  
praemium annuum eis stipendium, vel tributum  
imperabant, unde *Census capitis*: aut victos  
exuebant agris, cosque vel in publicum Reipubli-  
cae patrimonium redigebant, vel colonos ex  
urbe eo deducebant, vel eos victis reddebant, &  
ex eorum proventu aliquam partem Reipubli-  
cae tribui iuebant: qui *Census soli* dicebatur.  
Cic. *Verrin.* III, 6. V, 5. Petr. Burmann. *de Ve-*  
*ctig. Pop. Rom.* I. Prioris generis populi Tribu-  
tarii, vel *Stipendiarii*, vocabantur: posteriores *Ve-*  
*ctigales*, quamvis non tam anxie semper discrimen  
inter tributum & vectigal fuerit ab aucto-  
ribus observatum. Cuiac. *Obs.* VII, 4. Stipen-  
diaria Provincia fuit Gallia comata, de qua Sueton.  
*Iul. XXV. Omnem Galliam, quae a saltu Py-*  
*renaeo Alpibusque & monte Gebenna, fluminibus*  
*Rheno & Rhodano continetur, patetque circumitu*  
ad

CXIV.

Tributa,  
quae exi-  
gebantur  
a Provin-  
cialibus.

ad bis & tricies centum millia passuum, praeter scicis ac bene meritas civitates, in Provinciae formam redegit, eique quadringenties in singulos annos stipendii nomine imposuit.

CXV. Vt  
& vesti-  
galia, &  
speciatim  
Decu-  
mae.

CXV. Aliae Provinciae erant vestigales, caeque ex agris suis *Decumas*, ex pascuis *Scripturam*, & ex portubus, qui mercibus invehendis & evehendis patebant, *Portorium*, pendebant: de quibus iam supra diximus num. LIII. sequ. Sic *Decumas* dabant Sicilia, Cicer. *Verr.* III, 6. Sardinia, Liv. XLII, 1. Africa, Gruter. *Inscript. p.* IXXII. Asia, Cicer. *Epist. ad Attic.* V, 13. Syria, Cic. *Agrar.* II, 19. Aegyptus, Plin. *Paneg.* XXX. Nonnunquam loco decimae, si minus fertilis esset Provincia, vicesima exigebatur, veluti ab Hispanis. Liv. XLIII, 2. Saepae etiam, si quando publica necessitas & angustia temporum id exigere, Provinciis alterae imperabantur *Decumae* ultra debitas, quo casu tamen pecunia pro illis solvebatur aratoribus. Cic. *Verrin.* III, 31. unde etiam *frumentum*, item *Decumanum*, vel *imperatum* dicitur. Inter quae quid intersit, docet laudatus Burmann. *de Vestigal.* II, p. 28. Exempla huius rei plura occurrunt apud Liv. XXXVI, 2. XXXVII, 2. & 50. XLII, 31. Quum vero libera adhuc Republica, hae *Decumae* non pecunia, sed frumento a singulis solverentur aratoribus: postea sub Imperatoribus confectus est *canon*, *frumentarius* dictus, quo, quid quaevis Provincia quotannis praestare deberet, erat comprehensum, cuius meminit Spartian. Sever. VIII. Lamprid. *Elagab.* XXXVII. conf.

conf. Iac. Gothofred. *ad Tit. C. Theod. de Can-  
Frum. V. R.* Ceterum frumentum hoc, five  
per Decumas, five secundum Canonem exa-  
ctum, tum Romae, tum in Provinciis, in publi-  
cis condebatur horreis, unde postea per Cura-  
tores annonae populo & militibus distribueba-  
tur. Buleng. *de Vett. Pop. Rom. VIII.* Casaub.  
*ad Lamprid. Alex. Sev. XXXIX.* Lips. *Elect. I.*  
8. Iac. Gothofr. *ad Tit. C. Theod. de remilit. &  
ad Tit. de erog. mil.* Talia erant horrea *Galbiana*,  
Grut. p. LXXV, 1. Reines. *Inscr. Class. VI.*  
126. itemque *Seiana*, *Pupiana*, & similia, de  
quibus erudite disserit Reines. *Var. Lect. III.* 12.  
p. 545. *sequ.* Non solum vero frumenti, sed &  
vini oleique praestabantur Decumae, quae &  
ipsae Romam ad populi usus mittebantur, ut  
docet Burmann. *de Vettig. Pop. Rom. II. p. 26.*  
III. p. 43. *sequ.*

CXVI. Non minus pingue vectigal ex pas- CXVI.  
cuis Provincialibus redibat & saltibus. Tales Scripturae,  
enim non solum in Italia erant, sed & in Pro-  
vinciis. Vnde *Magistrorum Scripturae in Asia*  
& *Sicilia* meminit Cicero *ad Att. V.* 15. *Verrin.*  
*V.* 70. Scriptura vero dicebatur hoc vectigal,  
quia pastores debebant apud Publicanum num-  
merum pecudum, quas in pascua publica im-  
mittere vellent, profiteri, quem Publicanus in  
Tabulis suis adnotabat & scribebat, ex qua scri-  
ptura postea ratio inter pastorem & Publica-  
num conficiebatur. Festus *voce Scripturarius p.*  
429. Sed hoc genus vectigalium sub Impera-  
toribus aliam induisse faciem, & praeter pensio-  
nes ex pascuis dominicis, etiam certum nume-  
rum

rum pecudum ex gregibus praestandum fuisse a Provincialibus, ex Cassiodor. *Var. XI, 39. L. 3. C. Theod. de suar. pecuar. Vopisc. Prob. XV. demonstrat V. C. Burmannus de Vestig. Pop. Rom. IV. p. 65. sequ.*

CXVII.  
Portoria.

CXVII. Solvebant etiam Provinciae portoria. De Sicilia id certum est ex Cic. *Verr. II, 72. sequ.* de Asia ex eiusdem *Agrar. II, 29.* de Britannia ex Tacit. *Vit. Agric. XXXI.* Nec tantum de mercibus in portum devehendis dabatur portorium, verum etiam pro itineribus. Sucton. *Vitell. XIV.* maxime pro cadavere; quod non nisi permissu Maximi Pontificis, vel Principis, transferri in alium locum poterat: *L. 37. D. de relig. & sumt. fun.* Sustulisse ea vestigalia dicitur Pertinax apud Herodian. *Hist. II, 4.* Sed restituta eadem esse oportet a sequentibus Imperatoribus, siquidem adhuc illorum mentionem facit Vlpianus *L. 21. D. de donat. inter. vir. & uxor.* Vestigal tamen pro cadavere transferendo sublatum est Constitutione, quae est in *L. ult. C. de relig.* quam ex Graecis restituit Iac. Cuiac. *Obs. XI, 21.* Plura de portoriis dabit V. C. Petr. Burm. *de Vestig. Pop. Rom. XI, p. 76. sequ.*

CXVIII.  
Alia vestigalium genera.

CXVIII. Praeter haec & alia erant vestigalia, quae a quibusdam Provinciis exigebantur. Ex ferrariis argentariisque, immo & aurifodinis vestigalia magna dare cgebantur Hispani. *Liv. XXXIV, 21.* Strabo *Geogr. III.* Africam e marmoribus solvisse vestigalia, constat ex *L. 1. C. Theod. de metall.* Macedonia etiam, Illyricum, Thracia, Britannia, Sardinia  
ex



ex metallis vectigalia pendebant. Petr. Burmann. *de Vectig. VI.* Potestas enim indagandi metalla etiam privatis erat, antequam illis eadem ademerat Tiberius. Sueton. *Tiber. XLIX.* *Plurimis etiam civitatibus & privatis veteres immunitates, & ius metallorum, ac vectigalia adempta.* Restituerunt deinde iisdem hoc beneficium sequentes Principes, sed ea lege, ut certum inde *Canonem metallicum* solverent, de quo agit *L. 4. C. Theod. de Metallar.* & ibi Iac. Gothofredus. Eiusdem generis fuit a cotibus proventus in Creta insula, de quo Plin. *Hist. Nat. XXXVI. 22. L. 15. D. de Public. & vectigal.* Meurs. *Cret. Lib. I. Cap. XII, p. 48. Lib. II. Cap. XI, p. 116.* Vectigalis picariarum mentio fit in *L. 17. §. 1. D. de V. S.* A vectigali etiam liberae non fuerunt salinae, quales in Macedonia aliisque Provinciis fuisse, patet ex Liv. *XLV, 29.* Plin. *Hist. Nat. XXXI, 7. 1.* Maccab. *X, 29. L. 4. §. 7. D. de Gensib.* De eo quoque vectigali pluribus agit Petr. Burmann. *de Vectigal. P. R. VI.*

# C A P. V.

DE MVNICIPIIS, COLONIIS, PRAE-  
FECTVRIS, CIVITATIBVS  
FOEDERATIS.

CXIX. Quid interfuerit inter iura civita-  
tis, Latii, Italiae & Provinciarum, satis adhuc  
videtur a nobis explicatum. At non omnes in  
Latia civitates iure Latii, nec omnes in Italia  
iure Italico, aut in Provinciis iure Provincia-  
rum usae sunt, sed aliae MVNICIPIORVM,  
Cur hic agatur de Municipiis, Colonis &c.

Bb

aliae

aliae COLONIARVM, aliae PRAEFFECTVRARVM, aliae aliis nominibus sunt insignitae, de quibus singulis paullo distinctius agendum.

CXX.  
Quid Municipia?

CXX. MVNICIPES erant *cives Romani*, in Municipiis legibus suis & suo iure utentes, muneris tantum cum Populo Romano participes, a quo munere capeffendo adpellati videntur, nullis aliis necessitatibus, neque ulla lege, quam inquam populus eorum fundus factus esset. Gell. Noct. Attic. XVI, 13. Erant ergo I. *Cives Romani*, adeoque multis iuribus ac privilegiis, quae solis civibus Romanis propria erant, gaudebant, (u) sed non tamen erant *Cives ingenui*, ut Romae habitantes vocat Cicero in Bruto cap. LXXV. neque iure optimo civitatis gaudebant, nisi Romae constituissent domicilium. II. *Suis legibus & suo iure utebantur*, id est, propriis suis legibus atque institutis, quae leges municipales dicuntur, L. 3. D. Quod vi aut clam. L. 3. D. de sepulcr. viol. regebantur, neque cogebantur Romanas leges recipere, nisi id sua sponte vellent, quo casu *fundi facti* eiusmodi populi dicebantur. Cic. pro Balbo XX. Non ergo ius suum, vel *ἀντονομίαν*, amittebant Municipes, iure suffragii donati, ceu existimat Sigonius, de Ant. Iure Ital. II, 7. sed tantum foedus, id est, non amplius foederati Populi Romani erant, sed cives. Et ita intelligendus locus Ciceronis pro Balbo Cap. VIII. In quo magna

(u) Hinc & lupam cum puerulis solent in numis signare. Vaillant. de Numism. aen. Imp. in Municip. & Colon. T. II, p. 113.

gna contentio Heraclienſium & Neapolitanorum fuit, quum magna pars in iis civitatibus FOEDERIS SUI (x) libertatem civitati anteferret. Vid. Ez. Spanh. *Orb. Rom.* I, 15. p. 36. III. *Muneris cum Populo Romano erant participes.* Idque praecipue intelligendum de muneribus militaribus. L. 18. *D. de Verb. Sign.* Gaudebant enim Municipia iure legionis, adeoque participes erant munerum militarium; unde & dicti videntur *Municipes.*

CXXI. Municipia cuiusmodi non niſi intra Italiam olim erant conſtituta, eoque nomine ante leges Iuliam & Plotiam celebrantur Caerites, Tuſculani, Lanuvii, Arcini, Nomentani, Pedani, Fundani, Formiani, Campani Equites, Cumani, Sueſſulani, Acerrani, Privernates, Anagnini, Arpinates, Trebulani, Sabini, aliiſque plures; de quibus Onuphr. Panvin. *de Rep. Rom.* III, p. 354. Car. Sigon. *de Ant. iure Ital.* II, 9. Poſtea ubi extra Italiam arma viſtricia extulere Romani, etiam in Provinciis civitas non una Municipiorum iuribus donata eſt. Sic in Baetica Plinius *Hiſt. Nat.* III, 2. ſequ. numerat Municipia VIII. in citeriore Hiſpania XIII. in Sardinia II. in Luſitania unum

(x) Ita editiones Ciceronis priores, & ad veterum librorum fidem adornatae. Aſt Paull. Manutius & poſtea Iſm. Bullialdus *de Populis fundis* p. 1936. *Tom. II. Theſ. Ant. Rom. Graev* legit *iuris ſui libertatem*, pro *foederis ſui libertatem*, quae lectio etiam editori Parisienſi Orationum Ciceronis, quae in uſum Delphini prodierunt, placuit. Sed antiquam lectionem erudite defendunt H. Valeſ. in eodem *Theſ. Ant. Rom. Tom. II.* p. 1947. & Ez. Spanh. *Orb. Rom.* I, 15. p. 36.

unum. Eodem pertinent tot numi, in quibus civitates Provinciales, etiam civitate donatae, αὐτονομία suam celebrant, (y) de quibus Henr. Noris. *de Epoch. Syro Maced. III, p. 352.*

CXXII.  
Triplex  
Municipiorum  
genus.

CXXII. Sed non una tamen erat Municipiorum conditio. Tria eorum genera accurate distinguit Festus voce *Municipium* p. 324. quem locum, a multis laudatum, a paucis intellectum, primus accurate exposuit Ez. Spanhemius *Orb. Rom. I, 15. p. 37.* Primo ergo, ex Festi sententia, *Municipium id genus hominum dicitur, qui quum Romam venissent, neque cives Romani essent, participes tamen fuerunt omnium rerum, ad munus fungendum una cum Romanis civibus, praeterquam de suffragio ferendo, aut Magistratu capiendo.* Hi ergo, dum in patria manserunt, peregrini habiti: Romanam commigrantes iura civitatis, sed non optimo iure, consequuti sunt, exclusi quippe a suffragii latione & petitione honorum. *De in-*

(y) In numis aeneis Imperatorum, a Municipiis & Coloniais cussis, quos collegit Io. Foy Vaillantius, occurrunt Municipia varia, veluti *Asinum Coillutanum* in Numidia, *T. I. p. 169. 198. 210. T. II. p. 31. 64. 79.* *Bilbilis* in Hispania, *T. I. p. 12. 92. 100.* *Calagurris* in eadem, *T. I. p. 21. 70.* *Casertum* in eadem, *T. I. p. 71.* *Cluvia* in eadem, *T. I. p. 72.* *Ergavica* in eadem, *T. I. p. 35. 76. 103.* *Graccuris* in eadem, *T. I. p. 79.* *Ilerda* item Hispanica, *T. I. p. 36.* *Illergavonia* ibidem, *T. I. p. 77.* *Italica* ibidem, *T. I. p. 37. 51. 78. 92. 96.* *Ostia* ibidem, *T. I. p. 38. 78. 95. 103.* *Osicorda* ibidem, *T. I. p. 80.* *Stolienae* in Macedonia, *T. I. p. 132. 135. 142. 149. T. II. p. 15. 22. 43. 59.* quod tamen tempore Vlpiani iuris Italici fuit. *L. 8 §. 8. D. de censib. Tarraco* in Hispania Tarracoenensis, *T. I. p. 47. 53. 83.* *Viica Iulia*, *T. I. p. 86.*

(z)

*inde & id hominum genus dicebantur Municip-  
pes, quorum civitas unversa in civitatem Ro-  
manam venit. Et hi quidem veri cives Roma-  
ni erant, ipsaque iura suffragiorum ac hono-  
rum habebant. Vnde & certae tribui Galeriae  
adscriptos fuisse, docet Noris. Cenuotaph. Pisan.  
Diff. I, 1. Tertium denique Municipum ge-  
nus ab eodem Festo memoratur, qui ad civi-  
tatem Romanam ita venerunt, ut Municipia es-  
sent suae cuique civitatis & Coloniae: vel, ut  
paullo ante dixerat, qui ea conditione cives Ro-  
mani fuissent, ut semper Rempublicam a Populo  
Romano separatam haberent. Atque hi in po-  
puli Romani leges & iura fundi non erant fa-  
cti, nec se iisdem obstrinxerant. Et in his  
tertii generis Municipiis cives gaudebant iure  
honorum & suffragiorum. Vnde nec tribui  
erant adscripti, nec participes Sacrorum Cu-  
rialium habebantur, sed sua illis erant Sacra  
Municipalia, de quibus Festus l. c.*

**CXXIII.** Illud adhuc observandum de Mu-  
nicipiis, in plerisque eam fuisse institutam Re-  
publicae formam, quae imaginem quamdam  
speciemque Reipublicae Romanae referret.  
Quemadmodum Romae Senatus: ita in Muni-  
cipiis Decurionum erat Collegium, (z) quod  
**AMPLISSIMUM ORDINEM,** Cic. *pro Coe-*

**CXXIII.**  
Respu-  
blicae  
Munic-  
piorum.

B b 3 *lio*

(z) Hi ita dicti videntur Velfero *Rer. August. V. p. 74.*  
a Decuriis, in quas fuerint descripti. Habebant hi  
suum Censum, non secus ac Romani Senatores, qui  
erat centum millium. Plin. *Epist. I, 19.* Quemadmo-  
dum etiam Romae iis, qui non fuerant Magistratus,  
nec triumphaverant, ornamenta aliquand. Consula-  
ria,

lio XI. NOBILISSIMVM ORDINEM, lapis apud Gruter. p. CCCCXXI, 7. ORDINEM SPLENDIDISSIMVM, alius p. CCLXXV, 2. VIROS PERFECTISSIMOS ET PRINCIPALES, ET ORDINEM SPLENDIDISSIMVM, aliud marmor p. CCCLXIII, 2. ORDINEM SANCTISSIMVM, marmor apud eundem p. CCCXCIII, 5. ac denique CONSCRIPTOS, aliud p. CCCCLVI, 1. vocant. Quemadmodum porro Romae erant bini Consules: ita in Municipiis Duumviri, qui summo loco civitatibus praeerant, & ad Consulum exemplum profascibus bacillis utebantur. Lips. *Elect.* I, 23. Sed nonnunquam tamen & fascium usum adfectabant. Cicero *Agrar.* II, 34. de L. Confidio & S. Satio, Capuae Duumviris: *Anteibant Lictores, non cum bacillis*, (ceu alias in Municipiis fieri solebat,) *sed, ut hic Praetoribus anteeunt, cum fascibus duobus.* Quin aliquando hi Duumviri Consulum adfectabant nomen. Quamvis enim id negent Velfer. *Rer. Augustan.* V, 272. Reines. *Var.* III, 16. Capuanos tamen Magistratus suos vocasse Consules, observat Cic. *pro Pis.* XI. Alia exempla sese offerunt apud Plin. *Hist. Nat.* VII.

ria, Praetoria, Triumphalia dari solebant: Ita & in marmoribus Municipiorum frequenter mentio fit ornamentorum Duumviralium, Aedilitiorum, Quatuorviralium, Decurionalium, veluti in marmore apud Spon. *Miscell. Erud. Ant.* p. CLXIV. EXORNATO ORNAMENTIS DECVRIONALIBVS. Inter ornamenta haec erat praetexta, Decurionibus permitta. Liv. XXXIV, 7.

VII. 43. Phil. a Turre de Colon. *Foroiul. p.*  
 CCCLX. Gruter. *Inscr. p.* CCCLI, 5. Henr.  
 Norif. *Cenotaph. Pis. Diff. I. 3.* Fabrett. *Inscript.*  
 X, 439. Sic & Graece ὑπατοι & δισυπατοι hi  
 Duumviri dicti. Olear. *ad Philostrat. vit. He-*  
*rod. p.* 546. Conf. Everard. Otton. *Diff. de Con-*  
*sul. extra Romam. Cap. II.* In Municipiis porro  
 erant Dictatores (Cic. *pro Milon. X.*) Aediles  
 (Sueton. *de clar. Rhet. VI.*) Quaestores, Cen-  
 sores, qui & quinquennales dicebantur. Cic. *Verr.*  
 II, 52. Liv. XXIX, 15. Gruter. *p.* CCCLXVI,  
 2. CCCCXXXII, 5. immo & Praetores, Liv.  
*Epitom. LXXIII.* Plin. *Hist. Nat. XVII, 11.*  
 Spon. *p.* CLXXXII. Quatuorviri, Decem pri-  
 mi, & alii, de quibus Car. Sigon. *de Antiquo Iu-*  
*re Ital. II, 8.* & omnium accuratissime Henr.  
 Norif. *Cenotaph. Pisan. Diff. I, 3.* Porro quem-  
 admodum Romae leges ferebantur: ita & in  
 Municipiis, idque eadem fere ratione utrobique  
 factum esse, patet ex loco Cic. *de Leg. III, 16.*  
*Et avus quidem noster singulari virtute in hoc Mu-*  
*nicipio, quoad vixit, restitit M. Gratidio, cuius in*  
*matrimonio sororem, aviam nostram, habebat, fe-*  
*renti legem tabellariam.* Denique & Flamines  
 suos habebant, non secus ac Romani, quorum  
 meminit Cicero *pro Milon. X.* & publica vecti-  
 galia, quibus sumtus in Republica necessarij su-  
 stinebantur: *L. 17. pr. D. de Verb. sign.* ut adeo  
 in omnibus videantur Municipes se ad Romanac  
 Reipublicae formam, quantum fieri poterat,  
 composuisse.

CXXIV. Haec de Municipiis: pergendum CXXIV.  
 ad COLONIAS. Ita vocabantur oppida: in Coloniae  
 quae populus Romanus cives suos ad incolen- quid? &  
 dum deduc- cur dedu-

dum deduxerat, vel, ut Gellius *Noct. Att. XVI, 13.* ait, *civitates, ex civitate Romana quodammodo propagatae.* Solebant enim Romani ex Romuli instituto non servitute mulctare oppida bello capta, sed saepe in ea Colonos ex urbe deducere, qui locis istis loco praesidii essent. Dionys. Halic VII, 439. Appian. *de Bello Civili. I, p. 604.* Et profecto utilissimum erat hoc institutum, tum ad coercendos veteres populos, tum ad reprimendas hostium incurSIONES. Praeterea hoc pacto urbana faex & sentina exhauriebatur, multisque seditionibus subtrahebatur fomentum. Immo & luculentum hoc erat medium praemiis adficiendi veteranos, iisque certos agros, e quibus viverent, assignandi. Car. Sigon. *de Antiquo Iure Ital. II, 2. p. 625.*

CXXV.  
Modus  
deducen-  
di Colo-  
nias.

CXXV. Coloniae deductionem praecedebant leges agrariae, quibus & ager, quem dividi vellet populus, definiebatur, & quibus hominibus, quam multis, per quos, & quomodo, esset dividendus, praescribi solebat. De quibus legibus agrariis accuratissime suo more egit Car. Sigon. *l. c. II, p. 627.* Lata eiusmodi lege, deducebatur Colonia aut per *Triumviros*, Liv. IV. 11. VIII, 16. aut per *Decemviros*, Cicer. *Agrar. II, 35.* quamvis & *Quinqueviro- rum*, *Septemviro- rum*, *Vigintiviro- rum* Coloniae deducendae hinc inde fiat mentio: quos omnes Decurionibus, Auguribus, Pontificibus, Adparitoribus, Scribis, Librariis, Praeconibus, Architectis, Mulis, Tabernaculis, Supellectile, Ianitoribus, Stipatoribus corporis magnifice ornatos, potestatem in certos annos



annos accepisse, non obscure indicat Cicero *Agrar.* II, 12. 13. 35. Hiergo ita constituti ornatique novos Colonos in agros lege definitos sub vexillo, quasi exercitum quemdam, educabant. Cic. *Phil.* II, 40. Appian. *de Bell. Civ.* III. p. 552. *sequ.* Plutarch. *Gracch.* p. 839. *Tom.* I. Vbi ad destinatum pervenerant locum, novam urbem & agrum (a) aratro circumscribebant, eo more, quem paullo post sequente Titulo explicabimus, singulisque Colonis agri partem assignabant. Liv. IV, 47. XXXVII, 57. Omnia vero fiebant auspicato, & factis sacrificiis, additaque lustratione, ut ex Cic. *Philipp.* II, 40 *Agrar.* II, 12. adparet, ex quo etiam constat, nefas fuisse, Coloniam iterum eo deducere, quo antea deducta fuerat.

CXXVI. Ceterum, ut Municipia, ita Coloniae non erant unius generis. Aliae erant CIVIVM ROMANORVM, aliae LATINI, aliae ITALICI Iuris. Aliae porro TOGATAE, vel plebeiae, aliae MILITARES dicebantur. Et has signis quibusdam in numis discerni, observant eruditi. Coloniae enim plebeiae aratro; militares signo militari plerumque denotantur. Quae aratrum & signa iungunt, indicant, primam deductionem e civibus, sup-  
ple-

CXXVI.  
Coloniae  
quotupli-  
ces?

(a) De urbe res certa est ex locis Varronis, Plutarchi, aliorumque, paullo post *Lib. I. Tit. II. n. 6.* adferendis. Agros quoque vomere circumscriptos, patet ex loco Cic. *Philipp.* II, 40. *Castellum Coloniam deduxisti, quo erat paucis annis ante deducta, ut vexillum tolleres, & aratrum circumduceres, cuius quidem vomere portam Capuae paene perstrinxisti, ut florentis Coloniae territorium minueretur.*

plementum e veteranis militibus fuisse, ut notat Raph. Fabrett. *ad Column. Traian. p. 10. sequ.* Addunt alii alia signa, veluti Strauch. *de Beryt. Cap. II, 11.* quod Coloniae Italici iuris praetulerint in numis virum, ritu Gabino cinctum, & bovem agentem. Addit Io. Harduinus *Antirrhet. p. 136.* quod Italici & Latini iuris Coloniae, (quas pro iisdem habet) nullis signis in numis distinguantur. Sed haec omnia plerumque falsa esse, iam alii docuerunt. Vid. Ez. Spanhem. *de Usu & Praest. numism. Tom. II, p. 602. & Orb. Rom. II, 19.* Nos ea, quae certiora sunt, consecretantes, de Coloniarum generibus singulis distincte agemus.

**CXXVII.** Quid Coloniae civium Romanorum? **CXXVII.** Coloniae CIVIVM ROMANORVM erant, quas potiore iure, quam Latii, deducebant Romani. Discrimen hoc tangit Liv. *XXXIX. 55.* ubi de Colonia Aquileiam deducenda agit; *Illud agitabant, inquit, uti Colonia Aquileiam deduceretur, nec satis constabat, an CIVIVM ROMANORVM deduci placeret: potius LATINAM potius COLONIAM deducendam, Patres censuerunt.* Vtrum istae civium Romanorum Coloniae omnia civitatis Romanae iura retinuerint, an eadem amiserint, adhuc disputant eruditi. Car. Sigonius *de Ant. Iure Ital. III, 3.* iis tantum iura Quiritium tribuit, veluti libertatis, gentilitatis, connubii, patriae potestatis, legitimi dominii, nexus, usucapionis, & si qua sunt huius generis alia; adimit vero ipsis iura civitatis publica, veluti Censuum, tributorum, vectigalium, suffragii, honorum & similia. At Manutius, *de Civitate Romana*, eos ius quoque

que ferendi suffragii Magistratuumque Romae gerendorum retinuisse contendit, cuius sententiam etiam ex numis adstruxisse sibi videtur Io. Harduin. *Antirrhet. p.* 136. Et certe cives saepe vocantur eiusmodi Coloni apud Liv. VIII, 14; VI, 21. Ipsi quoque Latini, qui nomina in Coloniam Romanam dederant, cives Romani dicuntur facti, Liv. XXXIV, 24. Romae porro censi leguntur huius generis Coloni apud Livium XXIX, 37. Vnde non absurde colligas, omnia iura civitatis Romanae retinuisse cives colonos. Sed potiore tamen hac in re esse Sigonii sententiam, luculenter ostendit Ez. Spanhem. *Orb. Rom. I, 11. p.* 23. Nihil enim clarius est loco Dionis XLIII, p. 233. ubi Caesarem, ait, aliis immunitatem, aliis agros, πολιτείας ἢ ἡσὶ, ἃ ἄλλοις ἀποίους τῶ Ῥωμαίων νομίζουσιν: aliis civitatem, aliis autem, ut ius haberent Coloniarum Romanarum, dedisse: ubi ius civitatis Romanae a iure Coloniarum civium Romanorum manifesto seiungitur. Ut adeo admodum verosimile sit, Colonias illas civium Romanorum iura suffragii, gerendorumque Romae Magistratuum amisisse.

CXXVIII. Durior longe conditio erat Coloniarum LATINARVM, quippe quae ne iura quidem Quiritium habebant. Quod adeo verum est, ut cives Romani, qui nomina in huiusmodi Coloniam dederant, capitis deminutionem mediam paterentur. Cicero pro A. Caecina XXXIII. Certe quaeri hoc solere, me non praeterit, (ut ex mea, quae tibi in mentem non veniunt, audias,) quemadmodum, si civitas adimi non posset, in Colonias

CXXVIII.  
Quid Coloniarum Latinae?

*lonias Latinas saepe cives nostri profecti sint? Aut sua voluntate, aut legis multa profecti sunt: quam multam si sufferre voluissent, tum manere in civitate potuissent.* Add. *pro Domo XXX.* Boeth. in *Topic.* Ciceron. II, p. 780. Quod vero Salmasius cum aliis viris doctis autumat, Colonias Latinas ex meris libertinis constituisse, illud dudum est a viris doctis explosum. Plura de Coloniais Latinis dabunt Ez. Spanhem. *Orb. Rom. I, 9.* Sigon. *de Antiquo Iure Ital. II, 2. p. 661.*

CXXIX. CXXIX. Coloniarum ITALICI IURIS  
 Quid Coloniae Iuris Italici & Provinciales? iam supra meminimus. Eae procul dubio deteriores adhuc erant conditionis, quam Latinae, paullo melioris tamen, quam Provinciales. Discrimen inter utrasque maxime in immunitate a tributis constitit, seu immunitate a Censu capitis & soli. Donat *ad Suet. Aug. XL.* Gothofr. *ad Cod. Theodos. Tom. V. p. 222. 223.* Quanquam enim & Provinciales Coloniae nonnumquam immunes erant a tributis, ut constat exemplo Coloniae Caesarientis primae Flaviae, *L. ult. §. 7. D. de Censib. & Plin. Hist. Nat. III, 3. & 11.* Colonias & civitates immunes ab iis, quae iuris erant Italici, distinguit: tamen ex *L. ult. §. 5. D. de Cens.* satis patet, non in levatione Censui, sed in immunitate a Censu capitis & soli, illud ius constituisse. Forma vero Censionis quae fuerit, & cur ea fuerit instituta, satis adparet ex *L. 4. D. de Censib.* cui addendus Iac. Guth. *de off. fic. Dom. Aug. III, 9 p. 591.*

CXXX. CXXX. Coloniae MILITARES ex militibus veteranis: quemadmodum PLEBEIAE ex civibus, vel, ut posteriore aevo dicebantur, ex

ex *paganis*, vel *privatis* (nam & hi militibus opponi solebant. *L. 19. C. de pact. L. 2. C. Theod. & L. 1. C. Justin. de fals. mon. L. 5. C. ad L. Iul. Mariest.*) ducebantur. Illae ideo inventae, ut veterani milites, stipendiorum diuturnitate fessi, praemium aliquando laborum caperent. Auctor huius instituti L. Sulla, quem deinde Iulius Caesar, Augustus, alique sunt imitati. De *Coloniis* militaribus, a Sulla & Caesare deductis, testatur Appian. *de Bello Civ. III, p. 552. Epit. Liv. LXXXIX.* de aliis ab Augusto missis, Hyginus *de Castramet.* & qui hic diligentissime omnia exsequutus est, Sigon. *de Antiquo Iure Ital. III. 4. p. 776. sequ.* Ceterum in eiusmodi Colonias integrae legiones cum Centurionibus ac Tribunis suis deducebantur. Hyginus: *Multis legionibus contigit bellum feliciter transigere, & ad laboriosam agriculturam requiem primo tirocinii gradu pervenire. Nam cum signis & aquila & primis Ordinibus ac Tribunis deducebantur.* Sed ab usu recessit hic mos tempore Neronis, de quo Tacit. *Annal. XIV, 27.* Non enim ut olim, universae legiones deducebantur cum Tribunis & Centurionibus, & suis cuiusque ordinis militibus, ut consensu & caritate *Rempublicam* efficerent: sed ignoti inter se, diversis manipulis, sine rectore, sine adfectibus mutuis, quasi ex alio genere mortalium repente in unum collecti, numerus magis, quam Colonia.

CXXXI. Ad *Rempublicam* Coloniarum CXXXI.  
 quod attinet, in eo potissimum inter Colonias Respubli-  
 & Municipia erat discrimen, quod haec suis le- ca Colo-  
 gibus atque institutis; illae dato a Romanis niarum.  
 Iure utebantur. Gell. *Noct. Att. XVI, 13. Colo-*  
niarum

*niarum alia necessitudo est, (quam Municipiorum,) non enim veniunt extrinsecus in civitatem, nec suis radicibus nituntur, sed ex civitate quasi propagatae sunt, & iura institutaque omnia populi Romani, non sui arbitrii, habent. Iis ergo legibus vivebant Coloni, quas dederant Romani, & imprimis Decemviri, vel Triumviri Coloniarum deducendarum. Quare merito apud eundem Gellium miratur Hadrianus Imp. quod Italicenses, & quaedam item alia Municipia antiqua, quum suis moribus legibusque uti possent, in ius Coloniarum mutari gestiverint. Ceterum iisdem paene, quibus Municipia, etiam Coloniae gaudebant Magistratibus. Publicum habebant Decurionum Consilium, nihilque in lapidibus frequentius est siglis DEC. COL. quemadmodum in iisdem marmoribus etiam SENATORES COLONIARVM occurrunt apud Reines. *Inscript. p. CXXXII.* Erant & in Coloniis Duumviri, Aediles, Quaestores, Censores. Erant Sacerdotes, Augures, Pontifices. Cic. *Agrar. II, 35.* Ut adeo non abs re Gellius *l. c.* Colonias quasi effigies parvas & simulacra Majestatis populi Romani adpellet. Addatur Car. Sigon. *de Ant. Iure Ital. II, 4. p. 666. sequ.**

CXXXII.  
Quid  
Praefecturae?

CXXXII. Proximae sunt PRAEFFECTURAE, quarum longe durior, quam Coloniarum, fuit conditio. Vnde & eae demum civitates in Praefecturae formam redigebantur, quae iniquae ingrataeque erga populum Romanum fuerant, fidemque semel atque iterum fefellerant. Vti vel ex earum origine apud Liv.  
I, 38.

I, 38. iuncto loco Dionys. Hal. III, p. 187. adparet. Parum vero a Provinciarum forma differebat forma Praefecturarum. Quemadmodum enim in illam quotannis Praesides: ita in Praefecturas *Praefecti* mittebantur, qui tamen eo quoque differebant, quod illi a populo, vel a Senatu, libera adhuc Republica, deligerentur: hi partim a populo, partim a Praetore, Fest. voce *Praefecturae* p. 374. Praefecturae ergo neque iure civitatis, neque Latii, neque Italico gaudebant: sed privatum eorum ius omne ab Edictis Praefectorum: publicum a Senatu Romano proficiscebatur, qui iis pro lubitu tributa, vectigalia, militiam imperabat. Fuere tamen & Praefecturae aliae aliis liberiores. Quemadmodum enim, Capua in Praefecturae formam redacta, nullum in urbe remanebat corpus civitatis, nullus Senatus, nec plebis concilium, nec Magistratus, teste Livio XXVI, 16. ita in aliis Praefecturis, Festo auctore, fuit *quaedam Respublica, quamvis Magistratus suos non haberent*. Sane fuit in reliquis Praefecturis Senatus simulacrum, qui Conventus dici solebat, qualem etiam postea, patrono Cicerone, Capuani impetrarunt. Cic. *pro Sext. IV*. Fuit Ordo Equestris, fuere, qui publicam rem curarent, Aediles & Quaestores. Sed his omnibus praeerant, qui iuris dicundi causa Roma mittebantur, Praefecti, quos Festus (dummodo non in mendo cubat locus) *Sexviros & Quatuorvires*; Horatius vero *Serm. I. 5. v. 35. Praetores*, adpellat, ubi de Praefectura Fundana:

*Fun-*

*Fundos, Aufidio Lusco Praetore, libenter  
Linquimus, infani ridentes praemia scribe,  
Praetextam, & latum clavum, prunaeque  
batillum.*

Praefecturas huiusmodi, in quas populi suffragiis Praefecti mittebantur, Festus recenset Capuam, Cumas, Cafilinum, Vulturum, Liternum, Putolos, Acerras, Sueffulam, Atellam, Calatiam: contra Praetor Praefectos, teste eodem, mittebat Fundos, Formias, Caeren, Venetum, Allicas, Privernum, Anagninam, Frusinoem, Reaten, Saturniam, Nursiam, Arpinum: ex quibus tamen urbibus pleraeque postremis temporibus ad Coloniarum vel Municipiorum conditionem pervenerunt. Vid. Car. Sigon, *de Ant. Iure Ital.* II. 10. *sequ.*

CXXXIII.  
Civitates  
foederatae?

CXXXIII. Reliquae civitates, quae neque Municipia, neque Coloniae, neque Praefecturae erant, civitates FOEDERATAE dicebantur. Erant enim liberae, nisi quod ex foedere quaedam debebant Romanis. Talis civitas foederata erat Capua, antequam in Praefecturae formam redigeretur, item Tarentum, Tibur, Praeneste, Neapolis, quae licet foedere obstrictae Romanis, adeo tamen Republicam suam habebant, ut & ii, quibus aqua & igni interdictum, civitatem Romanam amisisse viderentur, simulac in eiusmodi civitatem fuissent recepti. Forma Reipublicae varia erat, siquidem aliae Dictatoribus & Consulibus, aliae aliis Magistratibus parebant, ceu luculenter idem ostendit Sigon. *l. c.* II, 14

CAP.



CAP. VI.

DE STATV PEREGRINORVM.

CXXXIV. Omnes, qui non erant cives, CXXXIV.  
veteribus Romanis PEREGRINI dicebantur, Qui pere-  
sive Latini essent, sive Italici iuris; sive in Pro-  
vincia, sive in Præfectura aliqua morarentur.  
Schilter. *Differt. de iure peregrin. n. IX.* Hinc &  
in Latini iuris hominibus τ ξινίας σύμβολα, *signa*  
*peregrinitatis*, reperit Appian. *de Bell. Civ. II,*  
*p. 443.* Et legem Mensiam, dum peregrino-  
rum meminit, etiam ad Latinos pertinere, con-  
tra M. Vertranium Maurum demonstravimus  
in *Comment. ad L. Iul. & Pap. II, 9. p. 226.* Ne-  
que tamen negaverim, Latinos, quippe civibus  
Romanis propiores, aliquando a peregrinis se-  
iungi, veluti in *L. 17. §. 1. D. de poen.* & apud  
Vlpian. *Frågm. V, 4. XIX, 4.* Postea ubi An-  
toninus Caracalla civitatem cum omnibus, qui  
in Orbe Romano vivebant, ingenuis communi-  
caverat: soli libertini Latinae & dedititiae con-  
ditionis peregrini habiti sunt, ceteri omnes Ro-  
mani dicti. Inde est, quod dedititios peregrinis  
accenset Vlpianus *Frågm. XX, 14.* De reliquis  
omnibus Romani Orbis incolis ait August. in  
*Psal. LVIII. Part. 1. sub fin.* *Quisnam non co-*  
*gnoscit, gentes subiectas Imperio Romano? quae*  
*quidem erant, quando omnes Romani facti sunt,*  
*& omnes Romani dicuntur.* Quod adeo verum  
est, ut & in universum Romanum Imperium  
Romania adpellatum sit, ut pluribus veterum  
testimoniis demonstrant Casaubon. ad Lam-  
prid. *Alex. Sev. V.* Iustell. ad *Can. Eccl. univ.*

IV, p. 95. *Tom. I. Ez. Spanh. Orb. Rom. II, 10. p. 89.* Ex quo vero Iustinianus etiam libertinos civitatis Romanae fecit participes: exolevit paene peregrinorum nomen, totiusque Orbis incolae in *Romanos & Barbaros* divisi sunt, quos solos una cum servis in ea unica totius mundi civitate peregrinari, dicit Sidonius *Epist. I, 6.* Quemadmodum ergo omnes Romani Imperii Provinciae Romanae vocabulo veniebant: ita reliquas terras dicebantur *ἡ βαρβαρική*, vel *barbaricum*, eadem forma, qua veteres dicere solebant *hosticum, pacatum, Vindelicum, Noricum, Celticum, Geticum*, ceu praeclare docuit Io. Fridr. Gronov. *Obs. II, 3. p. 233.*

CXXXV. CXXXV. Libera adhuc Republica paullo durior erat peregrinorum conditio. Versari quidem in urbe poterant, sed ita, ut seiuncta a civibus esset in peregrinos iurisdictio. Praeter urbanum enim Praetorem alius quoque erat, peregrinus dictus, qui iuri inter peregrinos & cives dicundo praecrat. *L. 2. § L. 10. D. de Dolo L. 1. D. de Reb. eor.* Creatus primum est A. V. C. 101. ut auctor est Flor. *Epit. Liv. XIX.* Inter urbanum vero & peregrinum Praetorem cum aliae, tum hae quoque erant differentiae, quod ille hoc erat honoratior, quod apud illum lege agi poterat, apud hunc non poterat, ut erudite ostendit Franc. Hotoman. *de Magistr. Rom. p. 121.* Eundem Edictum in albo proponere consuevisse, quod negat idem *ὁ παλιν* Hotomanus, supra suo loco a nobis demonstratum est.

CXXXVI. CXXXVI. Deinde in urbe quidem habitabant  
Saepe ex

bant peregrini: sed veluti precario. Vnde sac-  
pe Magiltratum arbitrio urbe expulsi sunt. <sup>urbe ex-  
pelleban-  
tur.</sup> Sic iam anno V. C. Iocxxvii. peregrinos omnes  
urbe excedere iusserat M. Iunius Pennus, Tri-  
bunus plebis, cuius legis mentio fit apud Cice-  
ron. *de Offic.* III, 11. in *Brut.* XXVIII. & *Fest.*  
*voce Respubl.* p. 407. Similem legem A. V. C.  
IocLxxxviii. L. Cotta & L. Torquato Coss.  
tulit, non Aemilius quidam Papus, (b) nec, ut  
Ant. Augustino visum, Papirius quidam, sed  
C. Papius Celsus, qui omnes peregrinos, ex-  
ceptis iis, qui Italiam incolebant, & Glaucip-  
po nescio quo, urbe exesse iussit. Dio Cass.  
XXXVIII. p. 37. Cic. *de Offic.* III, 11. *Agrar.*  
I, 4. *pro Archia V.* (c) Idem deinde factitarunt  
Imperatores, quoties arctior annona incolarum  
numerus imminui suaderet. Augustum ma-  
gna aliquando sterilitate ac difficili remedio  
venalicias & lanistarum familias peregrinosque  
omnes, exceptis Medicis & Praeceptoribus,  
partemque servitiorum urbe expulisse, auctor  
est Sueton. *Aug.* XLII. Idem suo tempore fa-  
ctum, conqueritur Ambros. *de Offic.* III, 7. Sed  
post-

(b) Ita existimaverat nescio quis, quem erudite refel-  
lit Car. Sigon. *de Nomin. Rom.* p. 1426. edit. Go-  
thofr.

(c) Monumentum huius legis Papiae egregium exstat in  
numis L. Papii Celsi, C. illius Papii legislatoris agna-  
ti, in quibus tabella conspicitur, cum literis PAPI,  
quam de lege hac Papia interpretantur Ezech. Spanh.  
*de Vsu & Praest. Numism.* VI, p. 180. Fulv. Ursin. *de*  
*Famil. Rom.* p. 196. Adde, quae de hac lege diximus  
plenius in *Comm. ad L. Iul. & Pap. Popp.* I, 1. 3.

posterius hoc exemplum de barbaris Romae commorantibus videtur intelligendum. Nati enim in Orbe Romano tantum abest, ut Roma exsularint, ut maximam plebis Romanae partem constituerent sub Imperatoribus, maxime ex quo tempore omnes, qui in Orbe Romano vivebant, cives esse iusserat Antoninus Caracalla. Iam sub Domitiano ea de colluvie conqueritur Iuvenal. *Sat. III, v. 58.*

*Quae nunc divitibus gens acceptissima nostris,  
Et quos praecipue fugiam, properabo fateri,  
Nec pudor obstabit. Non possum ferre, Quirites,  
Graecam urbem, quamvis quanta portio saccis  
Achacae?*

*Iam pridem Syrus in Tiberim defluxit Orontes,  
Et linguam, & mores, & cum tibicine chordas  
Obliquas, nec non gentilia tympana secum  
Vexit, & ad Circum iussas prostare puellas.*

Et Herodianus *Hist. I, 12.* referens, pestilentiam sub Commodo Romanum Orbem devastasse, eam potissimum addit in civitatem Romanam facivisse, πολυάνθρωπον τε ἔσθην καὶ τὰς πανταχόθεν ὑπερδεχομένην, quae & per se populo abundarit, & advenas toto Orbe confluentes exceperit. Idem *Lib. VII, cap. 7.* populi Romani indolem, qualis sub Maximino Imperatore fuerit, descripturus: καὶ πάντες μὲν, inquit, ὄχλοι καὶ φοιτοῦντες τὰ καινοτομήμενα, ὃ ἡ Ῥωμαίων δῆμος ἐν πλήθει μεγίστῃ καὶ ποικίλῃ συγκλύδων τε ἀνθρώπων πολὺ καὶ βῆδον ἔχει τὸ τῆ γνώμης ἐν κίνητον. Nam etsi ubique vulgus semper ad res novas levissimum: tamen Romana plebs in primis, quae ex magna variaque etiam peregrinorum multitudine constat, longe ceteris mobilior est. Et sa-

ne tot Romae Syri, Phoenices, Aegyptii, Afri, Graeci, Asiatici non modo inter plebeios erant, sed & summis fulgebant honoribus, ut nihil fere Romani sanguinis Romae superesse videretur, & urbem incolis privaturus fuisse, qui iussisset urbe excedere peregrinos.

CXXXVII. Quod ad iura peregrinorum at- CXXXVII.  
tinet: paucis omnia complectemur, si eos tum Iure Qui-  
iuribus Quiritium, tum iure publico civitatis ritium &  
plane caruisse dixerimus. Non ergo liberi e- civitatis  
rant iure Quiritium ita, ut flagris virgisque carebant  
caedj non possent. Neque erat ipsis ius connu- peregrini.  
bii cum civibus, Vlpian. *Fragm. V*, 4. (quam-  
vis esset ius matrimonii, quod vocabulum Iu-  
ris Gentium esse docuimus in *Elem. Iur. Civ.* §.  
CL.) neque ius patriae potestatis, *L. 3. D. de*  
*his qui sunt sui vel alien. iur.* neque iura patro-  
natus, *L. 10. §. 2. D. de in ius voc.* Plin. *Epist. X*,  
12. neque testamenti factio, (d) aut ius ex te-  
stamento quidquam capiundi, *L. 1. D. ad L.*  
*Falc.* Vlpian. *Fragm. XX*, 14. *L. 1. C. de her. inst.*  
*L. 6. §. 2. D. eod.* Immo nec testibus cis esse li-  
cebat in testamento civis, *L. 30. C. Theod. de haer.*  
ret. Denique nec ius habebant legitimi do-  
minii, nexus, mancipii, (quamvis recte ab iis  
iniri

(d) Hinc mortuo peregrino, bona aut tanquam vacan-  
tia in fiscum cogebantur, aut privato acquirebantur,  
si peregrinus se ad aliquem veluti patronum adpli-  
cuiisset, eique in clientelam dedisset. Tunc enim,  
illo mortuo, patronus IVRE ADPLICATIONIS in  
iūs peregrini bona succedebat. Cic. *de Orat. I*, 39.

iniri & explicari possent contractus & negotia Iuris Gentium, quibus etiam acceptilatio, non quidem ratione originis, sed ratione usus accensetur. *L. 8. § 4. D. de Acceptilat.*) nec ius usucapionis, de quo iam in XII. Tabulis fuerat cautum: **ADVERSVS HOSTEM AETERNA AVCTORITAS ESTO.** Vid. infra *Lib. II. Tit. VI.* Quum ergo ius Quiritium nullo modo haberent: facile patet, eos multo minus gavisos iuribus Censuum, legionis, tributorum, suffragii, petendorum honorum, aliisque huius generis.

CXXXVIII.

Exceptiones quaedam huius regulae.

CXXXVIII. Sed quamvis haec omnia recte se habeant: non unam tamen illa patiuntur exceptionem. Primo enim, ut supra diximus, haut paullo melior erat conditio Latinorum & Italicorum, qui tamen & ipsi peregrinis ante legem Iuliam accensebantur. Deinde multis peregrinis concedebantur quaedam iura Quiritium vel beneficio populi, vel clementia Principum. Sic iam supra observavimus, datum esse quibusdam peregrinis ius connubii, patriae potestatis, testamenti factionis. Et hoc est celebre illud ius, utendi toga, cuius mentio fit *L. 11. D. Qui testam. fac. poss. L. 32. D. de iure fisci.* Accedit tertio, quod licet iure Quiritium testari haut possent peregrini, liceret tamen eis *adversus civitatis suae leges testari*, (e) uti ait

(e) Hinc & ii, quibus aqua & ignis interdictum fuerat, quamvis ad peregrinitatem essent redacti, testari tamen poterant, secundum leges videlicet civitatis, in quam fuerant recepti, & sub Tiberio adhuc

ait Vlpianus *Fragm. XX*, 14. Vbi *adversus* idem esse ac *secundum*, iam pridem observarunt Eru-  
diti. Quarto, multa etiam in fraudem legum  
commodumque peregrinorum fuerant inventa.  
Sic tametsi nihil ex testamento capere posset  
peregrinus: recte tamen & iure aliquamdiu ca-  
piebat per fideicommissum. §. 1. *Inst. de fidei-  
comm. hered.* quamvis postea omnia fideicom-  
missa, in fraudem legum relicta, irrita esse iusse-  
rit SC. Plancianum, *L. 59. §. 1. D. ad L. Falc.*  
Vlp. *Fragm. XXV*, 17. quod sub tempora Vespas-  
iani, M. Plancio Varo Consule ad Senatum re-  
ferente, conditum esse, coniecimus in *Comm. ad  
L. Iul. & Pap. Popp. II*, 6. p. 192. *sequ.* Deni-  
que multa sensim sub Imperatoribus mutata  
sunt, quae antiqui Romani in peregrinorum  
odium constituerant. Sic quum *castra olim eos,  
quos ad labores & pericula accipiebant, fastidiose  
legerent*; ut ait Seneca *Epist. XLIV.* postea etiam  
Provincialibus, ac denique ipsis peregrinis &  
barbaris locus non solum inter auxilia & socios,  
sed & in ipsa legione, concessus est, ut iam supra  
est a nobis observatum.

CXXXIX. Quum ergo tanta esset inter ci-  
ves & peregrinos differentia; haut sane miran-  
dum est, etiam externis quibusdam signis se-  
cretos illos voluisse Romanos. Cives incede-  
bant togati, qui togae amictus tam proprius  
iis

exemplum eiusmodi testamenti memoratur apud Ta-  
cit. *Annal. IV*, 43. Sed hic ipse Princeps eiusmodi  
exsulum testamenta primus prohibuit, teste Dione  
Cass. *Hist. LVII.* p. 618.

iis erat, ut & Togati pro Romanis, quemadmodum Palliati pro Graecis, dicantur. Sicuti ergo dedecori hoc erat Romanis, si palliati incederent: Cic. *pro C. Rabirio*, cap. LX. ita peregrinis togae usu legibus fuerat interdictum, Sucton. *Claud. XXV*. Plin. *Epist. IV*, 11. *VII*, 3. adeoque speciali concessione opus erat peregrinis, qui togati incedere vellent. L. 32. D. *de iure fisci*. (f) Erat vero toga amictus exterior, lanceus, semicircularis, tunicae superiniec-tus, apertus & ad talos usque defluens, quem pluribus describunt A. Ruben. *de Re Vest. I*, 6. p. 39. Io. Bapt. Donius *de utraque penula*. Car. Sigon. *de Iudic. III*, 18. Ceterum quamvis communis hic esset civium habitus: Ordines tamen insignibus quibusdam distinguebantur. Magistratus enim toga praetexta; Senatores lato clavo; Equites angusto clavo uti solebant. Enimvero exolevit sensim ipsos inter Romanos togae usus, (g) magisque placuere tunicae & birri, ut magno eruditionis adparatu ostendit Claud. Salmas. *Adnot. ad Tertul-lian. de Pallio* p. 79.

## CXL.

(f) Glossae ergo figmentum est, in ea lege *togam* accipi pro munere advocati. Vid. Schilter. *diff. de iure peregrin. n. XXVII*.

(g) De Augusto Sueton. *Aug. XL*. *Etiam habitum vestiumque pristinum reducere studuit. At visa quondam pro concione pullatorum turba, indignabundus & clamitans: En ait,*

*Romanos rerum dominos, gentemque togatam.*

Vnde patet, iam ipsis Augusti temporibus togae usum exolescere coepisse.

(a)



CXL. Sic & nominibus discernebantur ci-  
 ves & peregrini: siquidem illi etiam praeno-  
 minibus, hi solis nominibus utebantur, neque  
 prius praenomina accipiebant, quam essent in  
 civitatem adsciti. Cic. *Epist. ad Famil. XIII.*  
*36. Cum Demetrio Mega mihi vetustum hospi-*  
*tium est: familiaritas autem tanta, quanta cum*  
*Siculo nullo. Ei Dolabella, rogatu meo, civi-*  
*tatem a Caesare impetravit: qua in re ego inter-*  
*fui. Itaque nunc P. Cornelius vocatur. Ex quo*  
*loco etiam adparet, ipsa gentilia etiam nomi-*  
*na, ut & cognomina eorum, adscivisse pere-*  
*grinos, a quibus fuerant civitate donati, vel*  
*alio adfecti beneficio. Id quod etiam ex praecede-*  
*nte epistola discimus, ubi de Philoxeno, qui*  
*postea C. Avianus dictus est: Nomen autem*  
*Aviani, inquit, consequutus est, quod homine nul-*  
*lo plus est usus, quam Flacco Aviano, meo,*  
*quemadmodum te scire arbitror, familiarissimo.*  
 Sed ne nimium excreseat haec appendix: hic  
 quidem ei colophonem imponere visum est.



## LIBRI II. TIT. I.

DE

RERVM DIVISIONE, ET AD-  
QVIRENDO IPSARVM DOMINIO.

QVum superiore libro de iure personarum exposuerit Iustinianus: hoc secundo, Caius sequutus ducem, DE REBVS agit. Quare, rerum divisiones paullo adcuratius ac distinctius ex Antiquitatibus Romanis proponere, atque hinc inde illustrare, iuvabit. Ceterum res & pecunia quomodo differant in iure nostro, ex *L. 5. pr. D. de Verb. sign.* satis notum est.

I. Prima  
rerum di-  
visio.

I. Summa rerum divisio, ut recte observat Caius, *L. 1. D. de divis. rer.* (a) in duos articulos deducitur. Aliae enim erant DIVINI IVRIS, aliae HVMANI. Illae iterum in SACRAS & RELIGIOSAS dividebantur. SANCTAE enim, quae vulgo addi solent, tantum *quodammodo Divini iuris* habebantur, quia & ipsae Pontificio iure continebantur, *ut diligentius urbs religione, quam moenibus cingeretur.* Cicero de Nat. Deor. III, 40.

II. Res  
Sacrae.

II. Res SACRAE dicebantur, quae publico civitatis instituto auctoritate Pontificum erant Dis superis sollemniter consecratae. Fest.  
Voce

(a) In Aniani compilatione, in qua ea lex aliter legitur, totum hoc Cuii fragmentum interpolatum esse, vel primo intuitu patet. Aleand. Not. ad Cuii Inst. II, 1, 1.

voce *Sacer. p. 417.* quales erant arae, aedes, donaria, (b) & quidquid fuerat Diis consecratum. Et quidem uni Deo publice consecratae aedes, *fana*; pluribus simul, tanquam *συμβολαίαι*, dedicatae, *delubra* dicebantur. If. Voss. *ad Pomp. Mel. II, 3. p. 147.* Publice, inquam, consecratae. Nam vel Senatus auctoritas, vel populi iussus, vel Principis decretum accedere oportebat. Privata enim auctoritate nihil fiebat sacrum. Vid. Guth. *de Iure Pontif. III, 12.* Tempia sacra fiebant, I. *Inauguratione*, dum Augures spatium sollempniter capiebant. Tacit. *Hist. IV, 83.* Id enim dicebatur *inaugurari*. Cic. *pro Domo LIII.* Quaecumque vero loca non erant inaugurata, ea non *templa* dicebantur, sed *aedes sacrae*. Gell. *Noct. Att. XIV, 1.* Sequebatur II. *Lustratio areae*, quae fiebat a militibus, quibus fausta erant nomina, felicibus ramis; quibus succedebant virgines Vestales cum pueris puellisque patrimis & matrimis, quae aqua, e rivis, fontibus, amnibusque hausta, universam arcem

- (b) Aliae erant *res sacro commendatae*, ut vocat Cicero *de Leg. II, 9.* Hae enim non consecratae erant Dis, sed tantum securitatis causa in templis depositae. Cic. *de Leg. II, 16.* Sane in templis & delubris securitatis causa deponi solebant res pretiosissimae. In templo Saturni & Opis adservabantur leges, SC. pacta, foedera & pecuniae publicae. Severus Imperator pecunias suas & thesauros in templis reposuerat. Herodian. *Hist. IV, 4.* Quin imo in Pacis templum, omnium opulentissimum & egregie munitum, universos ferme suas divitias congregasse, refert idem auctor, *Lib. I, Cap. 14.* Vnde & templa custodiis militaribus cincta fuisse, observat Lips. *Nos. ad Tacit. Annales Lib. I, p. 17.*

aream perluebant. Denique & Magistratus aderant, qui praeunte Pontifice Suovetaurilibus lustrabant spatium, & super caespitem reddebant exta, ac denique precati Deos, ut suas sedes divina ope attollerent, fundamenta sollemniter iaciebant, iniecto ingente saxo. Tacit. *Hist. IV*, 83. Lapis eiusmodi dicebatur *auspicalis*, qualis describitur apud Grut. *Inscript. p. XXXIX*, 5. Absoluta aede, etiam III. *Dedicatione* opus erat, peragenda a Magistratu maiore, qui praeunte Pontifice sollemne carmen recitabat, (c) postem manu tenens, (d) Liv. II, 8. Cicero *pro Domo XLVII*. Valer. Max. V, 10. Grut. *Inscript. p. XXIII*, 12. Formulas, ut solet, magno studio collegit Barn. Brisson. *de Formul. I*, p. 124. Ut vel unam exempli causa proferamus, Iovi Feretrio templum his verbis dedicavit Romulus: IVPITER FERETRI, HAEC TIBI VICTOR ROMVLVS REX ARMA FERØ, TEMPLVMQVE

(c) Ab his sollemnibus verbis templa etiam FANA dicta sunt. Fest. *voc. Fanum p. 287*. *Fanum a sano dictum, sive a fando, eo quod, dum Pontifex dedicat, certa verba FATVR*. Ita & Varro *de Lingua Lat. V*, 7, p. 38. Argutiora enim sunt illa Is. Vossii *ad Pompon. Mel. p. 147*. fanum derivantis a Graeco *φανός, φαός*, unde transpositione Aeolica factum *fanus*, vel *fanum*. Plutarchus *in Poplic. p. 104*. Sollemne istud carmen vocat *νομιμαρχίας ἱεὶ τῆ κατισχύουσι Φανίας*, legitima dedicationis verba.

(d) Unde & manu consecratione fieri dicebantur. Cicero *de Leg. II*, 11. Et Ovid. *Fast. I. v. 403*.

*Sacra vocant angusta patres: angusta vocantur  
Templa, sacerdotum rite dicata manu.*

(e)

QVE IIS REGIONIBVS, QVAS MODO ANIMO METATVS SVM, DEDICO SEDEM OPIMIS SPOLIIS, QVAE, REGIBVS DVCIBVSQVE HOSTIVM CAESIS, ME AVCTOREM SEQUENTES POSTERI FERENT. Liv. I, 10. Solebant denique dedicationi IV. *Leges* quaedam adiici, quales hinc inde in vetustis marmoribus leguntur, recensitae ab eodem Briffon. *Form. I. p. 125.* Accedebant demum epulae & sportularum distributio, vel publico nomine, vel a privatis factae, quarum meminit marmor apud Reines. *Class. I, 99.* Quibus omnibus rite peractis, ita occupasse locum credebatur religio, ut nunquam esse posset in dominio privati, etiamsi aedes essent dirutae, aut vetustate collapsae. Plin. *Epist. X, 76. L. 6. D. b. t. L. 73. D. de Contrab. emt.* Vnde Macrobius *Saturn. III, 3.* *Sacra Deorum haberi*, id est, in Deorum dominio esse, ait. Sacrae tamen res esse desinebant exauguratione, quae fiebat per evocationem Sacrorum. *L. 9. D. b. t.* quo de ritu videndi Macrobius. *Saturn. III, 8.* Iac. Raevard. *Coniectan. II, 17.* Briffon. *de Form. I, p. 54. 63. 64.* Captae quoque ab hostibus res sacrae esse desinebant, libertate tamen, quasi postliminii iure, pristinam recuperabant sanctimoniam. *L. 36. D. de Relig. & sumt. fun.* Vnde facile patet, cui Romani hostes DIVINA HVMANAQVE omnia dedere iuberent. Liv. I, 38.

III. RELIGIOSAE res, non minus ac sacrae. III. Res crac, iuris Pontificii erant, ut patet ex fragmento Ciceronis apud Nonium Marcell. II, 805.  
p. 582.

p. 582. Vnde etiam *sanctae* aliquando dicuntur, tanquam sanctione a Pontificibus munitae. Gell. *Noct. Att.* IV, 9. Statim vero locus fiebat religiosus, si quis mortuum in locum suum intulisset. *L. 6. D. b. t.* sive id liberi hominis esset cadaver, sive servi. *L. 2. D. de Relig. & sumt. fun.* Vnde & Divi Fratres Cenotaphium religiosum esse negant, *L. 7. D. de rer. divis.* quamvis aliud visum fuerit Marciano in *L. 6. §. ult. D. eod.* ubi conferendus Ampl. Bynkersh. *Obs.* I, 5. Ante rescriptum illud Cenotaphium religiosum habitum esse, vel ex illis Virgilii *Aen.* III. v. 303. patet:

- - - Manesque vocabat

*Hectoreum ad tumulum, viridi quem caespis*  
*spite inanem,*

*Et geminas, caussam lacrimis, sacraverat*  
*aras.*

Religiosa eiusmodi loca semper erant extra urbem, (e) in agris, & maxime propter vias publicas. Vnde tam frequens *viatorum* mentio fit in antiquis monumentis.

IV. Qualia  
Romae  
sepulcra  
fuerint?

IV. RELIGIOSA habebantur sepulcra: quia dedicata erant *Dis Manibus*. Haec qualia apud Romanos fuerint, paullo accuratius est explicandum. Vnusquisque sepulcrum sibi in suo

(e) Non licebat enim per Leges XII. Tabularum mortuum intra urbem sepelire. Cicero *de Leg.* II. 23. Quam legem confirmarunt Hadrianus *L. 3. D. de sepulcr. viol.* & Diocletianus & Maximianus, Augg. *L. 12. C. de religiof.*

suo aliquo fundo deligere solebat. Bene tamen de Republica meritis locus publice dari, Reines. *Inscr. Class. VI*, 32. pauperibus & minus locupletibus indulgentia Pontificum attribui solebat. Idem *Inscr. Class. XVII*, 1. Aliquando plebem sibi conciliaturi, praedium aliquod sepulcris pauperum destinabant, veluti Baebius Gemellius Saffinas, qui in monumento apud Reines. *Class. VII*, 20. *municipibus singulis incolisque loca sepulturae dat, circa suum praedium, extra qui sibi laqueo manus intulerint, & qui quaeſtum turpem profeſſi sunt.* Ditiores plerumque eo loco exstruebant pyramidem, columnnam, aliamve molem splendidam, e marmore plerumque solido, unde & *Domus marmorea* pro sepulcro dicitur. Tibull. III, 2. Et quamvis, quantum sumtuum sepulcris impendi posset, Edicto Aedilium expressum esset, teste Cicerone *Philipp. IX*, 7. *Epist. ad Attic. XII*, 35. 36. Reines. *Inscr. II*, 73. tanta tamen, gliscente luxu, ea in re Romanorum magnificentia eluxit, ut eam non sine stupore in marmoribus & monumentis intueamur. In ipsis sepulcris specus subterranea dicebatur HYPOGAEVM, ubi locus erat certo ollarum, vel urnarum, numero destinatus, qui OLLARIVM vocabatur, Grut. *Inscript. p. DCGCCXXXV*, 9. Reines. *Inscr. Class. XI*, 100. vel SCHOLA OLLARVM. Reines. *Class. XVI*, 53. Ius enim sepulcrorum erat diversum. Alia plures, alia pauciores urnas habere poterant. In inscriptione Reinesiana *Class. XVI*, 60. sunt OLLAE SINGVLARES PERPETVAE V. In aliis monumentis numerantur

XV,

XV. Id. *Inscr. Class.* XVI, 53. in aliis XXIV: Id. *Class.* XIV, 145. in aliis XXIX. Id. *Class.* I. 240. Sed ita se res habebat, quamdiu corpora cremari solebant, id quod & post Antoninorum tempora factum esse; ex monumentis paene innumeris patet. Exolescente paullatim co-ritu, arcas loco ollarum constituebant in hypogaeis, vel marmoreas, vel ex lapide Tiburtino, Grut. *Inscr. p.* MCVIII, 6. vel fictiles, Id. *Inscr. p.* DCCCCIII, 12. vel ex Asio lapide, cuius ea vis erat, ut cadavera statim consumeret. Qui lapis quum frequentissime his usibus inserviret, factum est, ut arcae illae dictae sint *sarcophagi*, ceu iam vidit Cuiac. *Obs.* XXI, 13. Quemadmodum ergo in aliis monumentis legimus, ibi sita esse OSSA, Grut. *Inscr. p.* DXXXVII, 7. *p.* DCCCLXII, 3. vel CINERES: Id. *p.* DCXCVI, 5. ita in aliis verba occurrunt: CORPVS INTEGRVM CONDITVM SARCOPHAGO. Id. *p.* DCLXXXVIII, 10. *p.* DCLXXXIX, 8. In eodem porro HYPOGAEO, ubi ossa, cineres, cadavera requiescebant, erant *lampadaria*, vel lychnuchi, quorum mentio fit apud Dion. Cass. *in Domitian vit.* & apud Reines. *Inscr. Class.* I, 240. & *Class.* XI, 100. eorumque cura, nisi ita comparata essent, ut perpetuo lucerent, demandari solebat libertis, vel servis. Supra hypogaeum erant caenacula, Grut. *p.* DCXL, 2. armaria, Grut. *p.* CCCLXXXIII, 4. arae, Grut. *p.* DCCVI, 13. *p.* DCCVIII, 4. *p.* DCCXXI, 8. *p.* DCCCVII, 12. immo & signa & simulacra Deorum, & Genii familiae, qualia describuntur in



In marmore apud Reines. *Inscr. I.* 240. Vnde facile patet, cur ibi & aeditui fuerint, qualis ille AEDITVVS SEPVL. SERG. FAMILIAE, qui AEDITVAVIT ANN. XII. Reines. *Inscr. Class. V.* 53. itemque cur itum, ambitum, aditum sepulcris suis stipulati sint veteres, ad coronandum, sacrificandum, vescendum, quales formulae sunt apud Grut. *p.* DLX, 5. *p.* DCCCLXIV, 2. *p.* DCLXII, 5. *p.* MLXXXI, 1. cur item & eam legem sepulcris additam reperiamus, ut si quis ibi furtum fecisset, perinde obligatus sit, ac si sacrilegium commisisset. Grut. *p.* MLXXVI, 10. Denique, ut hanc descriptionem sepulcrorum absolvamus, observamus, & extra ea quaedam fuisse, quae ad illa referebantur, veluti *hortos, aedificia, tabernas, macerias, scalaria*, & imprimis *unstrina*, quamvis ea monumentis suis adplicari, quidam vetuerint. Grut. *Inscr. p.* DCLVI, 3. *p.* DCCLV, 4. *p.* MXLIV, 7. 8.

V. Iam ergo non est quod miremur, religiosa habita fuisse sepulcra quaelibet. Dedicata enim erant Diis Manibus, vel Diis inferis. Discimus hoc ex ipsis monumentis, in quibus frequentissimae sunt formulae: D. M. vel D. M. S. id est, DIS MANIBVS SACRVM, vel DIS INFERIS MANIBVS SACRVM. Iac. Guther. *de Iure Manium III*, 1. Immo & propter eosdem Manes consecrata dicebantur sepulcra. Gruter. *Inscript. p.* DCCCLXVII, 5.

HAEC AEDIFICIA, PROPRIA.

COMPARATA FACTA.

DICATAQ. SVNT. MONIMENTI.

SIVE. SEPVLCRVM. EST. ET.

Dd

OLLA;

V Cur illa religiosa habita sint?

418 ANT. ROM. AD INSTIT.  
OLLARVM. QVAE. IN. HIS. AEDIFI-  
CIIS.

INSVNT. ET. CONSECRATAE. SVNT.  
RELIGIONISQVE. EARVM. CAVSSA.

Consecrationis sepulcri mentio etiam fit apud  
eundem Grut. *p. DCCCLXII, 5. & p. DCCCVII, 12.* Nec raro monumenta LOCA SACRA ad-  
pellantur apud Grut. *p. DCCC, 9. p. DCCCXXXIV, 4. p. DCCCCLVI, 8.* Nec ipsum tantum spat-  
ium, quo cadaver concludebatur, occupat  
religio, sed & aliquam vicinae areae partem,  
cuius ambitum non solum in monumentis de-  
signabant, hoc modo, IN. FR. P. X. IN.  
AGR. P. XX. id est, *in fronte pedes X. in*  
*agrum pedes XX.* Horat. *Serm. I, 8. v. 12.* sed  
& maceris murisque includebant, ut erudite  
docet Briffon. *Antiqu. Rom. III, 15. & 16. p. 36.*  
*sequ.* Exempla sunt apud Reines. *Inscr. Class.*  
*VIII, 75. XII, 37. 69. 70.* Ceterum ob hanc  
religionem corpora semel illata sepulcro tolli  
non poterant, nisi impetrata a Pontificibus, vel  
Principe, *venia. L. 1. L. 8. & 33. pr. D. L. 14. C.*  
*de religiof.* vel in Provinciis a Praefide. *L. 1. C. de*  
*religiof.* Exempla exstant apud Plin. *Epist. X.* ut  
& apud Gruter. *Inscript. p. IOLXXVIII.* ubi  
RELIQVIAE TRAIECTAE dicuntur  
III. NON. FEBR. EX PERMISS. COL-  
LEGII PONTIFICVM, PIACVLO FA-  
CTO. Immo ne refici quidem monumentum  
poterat, sine permisso Pontificum, nisi id ita  
fieri posset, ne reliquiae non tangerentur. *L. 44.*  
*§. 1. D. de religiof.* Id quod etiam ex marmore  
constat apud Gruter. *p. ICXVIII, 4.* Immo nec  
cor-

corpus in alia arca poterat collocari, nisi volente Principe. Grut. p. DCVII, 1.

VI. Multo minus ergo sepulcra erant in commercio, vel dominio, L. 12. §. 1. *D. de religiof.* quamvis ipsum ius inferendi mortuum in alium transferri quocumque titulo posset. L. 14. *C. de legat.* Si locus religiosus aedificiis iunctus erat, vendi non poterat cum aedificiis: at aedificia seorsum vendi poterant, licet coniuncta essent loco religioso, id quod ex insigni sententia, lata a Senecione, Subpraefecto Classis Miscenensis, & a se in lucem protracta, probat Iac. Cuiac. *Obs. XVIII, 32.* Id quod tamen vix intelligendum putaverim de vineis, aedificiis, agris, quae nonnunquam sepulcris adnecti solebant ad eorum tutelam. Cuius rei permulta exempla sunt apud Grut. *Inscr. p. DCCXVII. 7. p. DCCCII, 8. p. DCCXXVII, 5. p. DCCCLIII, 4. p. DCXXXIII, 8. p. DCXXXVI, 12. p. CCCXCIX, 1. & Reines. Inscr. VI. 112.* Quum vero nihilominus ius inferendi quodammodo in commercio esset: facile intelligimus, cur caverint veteres in monumentis suis, *ne sepulcrum mutaretur, neve veniret, neve donaretur, neve pignori obligaretur, neve de nomine exiret familiae, nec ullo modo abalienaretur.* Grut. *Inscr. p. DCCCLXII. 5. p. DCCCIX, 2.* comminati etiam poenam, fisco inferendam, iis, qui secus facturi essent. Grut. p. DCCCLXI, 13. Reines. *Inscr. Class. I, 43.* Selden. *de Synedr. Ebr. I, 5.* Aliquando tamen & divisa sepulcra legimus, eoque pertinet formula: IN PARTE DIMIDIA SVA. apud Grut. *Inscr. p. DCCCLXXII,*

VI. An  
sepulcra  
vendi po-  
tuerint?

14. p. DCCLXXH, 1. p. DCCCXLVI, 5. & Rein-  
*scr. Class. IX*, 38. 39.

VII. Erant  
 vel fami-  
 liaria, vel  
 heredita-  
 ria, vel  
 neutrius  
 iuris.

VII. Ceterum ea sepulcra vel FAMILIA-  
 RIA erant, vel HEREDITARIA, L. 6. L. 7.  
*D. de religiof. & sumt. fun.* quibus tamen nos ad-  
 dimus tertium genus eorum, quae NEVTRIVS  
 IVRIS erant. FAMILIARIA universae fami-  
 liae patebant, non autem heredibus extraneis.  
 Vnde formulae in vetustis marmoribus: HOC  
 MONIMENTVM EXTERVM NON SE-  
 QVETVR, NISI DE NOMINE VTRO-  
 RVMQVE, POST OBITVM NOSTRV-  
 CORPVS EXTRANEVM INFERRE NE  
 LICEAT, NE DE FAMILIA EXEAT, a-  
 liaeque similes. Grut. *Inscript. p.* DXCIV, 2. p.  
 DXXIII, 5. p. DCCCLXXXI, 9. Aliquando & li-  
 bertis & libertabus simul ius inferendi indul-  
 gebatur, maxime si ad exstruendum tuendum-  
 que sepulcrum aliquid contulissent, cuius rei  
 exempla sunt apud Grut. *Inscr. p.* DCCCXLV,  
 10. p. DCCCCLIV, 2. vel si in nomine patrono-  
 rum permanissent, ceu cavetur apud eundem  
*Inscr. p.* DCXXXVIII, 4. Si qui tamen ex liber-  
 tis libertabusque male de patronis meruerant:  
 iis locum denegare solebant in sepulcro fami-  
 liae. Sic apud Grut. *Inscr. p.* DCCCXLIV, 4.  
 aliquis monumentum posuit SIBI ET SVIS,  
 LIBERTIS LIBERTABVSQVE POSTE-  
 RISQVE FORVM, EXCEPTO HERME-  
 TE LIB. QVEM VERO PROPTER DE-  
 LICTA SVA ADITVM, AMBITVM, VL-  
 LVMVE ACCESSVM HABERE IN HOC  
 MO-

MONVMENTO, vetat. Alibi *p. DCCCLXII.* *ſ.* excipitur SECVNDINA LIBERTA, IMPIA ADVERSVS CAECILIANVM FELICEM, PATRONVM SVVM. Alia & a familiaribus diverſa erant ſepulcra HEREDITARIA, quae omnes heredes, etiam extraneos, ſequabantur. Id quod indicare ſolebant formulis: H. M. H. S. id eſt, HOC MONIMENTVM HEREDES SEQVITVR. Vel: HVIVS MONVMENTI VEL SEPVLCRIVS AD HEREDES EIVS PERTINET PRO PORTIONIBVS, QVA QVIS TESTAMENTO EIVS SCRIPTVS EſT. *Grut. p. DCCCLXVI, 7. p. DCCCLXXI, 8.* Denique quaedam ſepulcra NEVTRIVS IVRIS, & nec *familiaria*, nec *hereditaria* eſſe diximus. Modo enim ſibi tantum conditorium parabant, modo ſibi & coniugi, modo ſibi & ſuis, qui in poteſtate futuri ſint. *Gruter. Inſcript. p. DCCCCXCIII, 4.* modo diſerte cavebant, ne quos inferri liceret, niſi quorum nomina ſcripta ſint, & quibus conditor eius ſepulcri diſerte caverit. *Grut. p. DCCCCXC, 2.*

VIII. Divini quodammodo iuris habebantur etiam *res SANCTAE*, quales erant *mu-* VIII. Res sanctae.  
*ſanctae.* ri, non modo Romani, ſed omnes circa alia oppida: *Fest. voce Religioſus. L. 8. ſ. 2. D h. t.* & ex Caii ſententia; etiam portae. Aſt *Plutarch. Quaest. Rom. XXVI.* muros quidem, non vero portas, ſanctos eſſe ait. Quam controverſiam facile & ſine pulveris iactu, componas. Sancta res dicitur vel ob ſanctionem, qua res ita munita eſt, ut violari impune haut poſſit; *Fest. voce*

*Sanctum* p. 423. Marcianus *L. 8. D. b. t.* ubi etiam observat, dictum *sanctum* esse a sagminibus herbis, quas signum fuisse inviolabilitatis inter omnes constat. Conf. Fest. voce *Sagmina*. Et hoc sensu etiam portae erant sanctae, siquidem & hasce violentibus capitale propositum erat supplicium: *L. 2. & 3. D. Ne quid in loco sacro fiat*. Vel sancta dicitur, quae per sollemnes quasdam caeremonias Dis medioxumis dedicabantur, & hoc sensu sola moenia ac pomeria non item portae, sancta habebantur, quia per has res etiam impurae ferri vehique solebant.

IX. Ritus in condendis urbibus & exstruendis moenibus adhibiti.

IX. Quoties aut urbs nova exstruenda, aut Colonia condenda erat, toties conditor, vel Triumvir Coloniae deducendae, cinctu Gabino ornatus, aratro aptabat aeneum vomerem, iunctisque bobus, mare & femina, ipse circum lineamenta profundum ducebat fulcum. Sequebantur Coloni, & excisas aratro glebas intro vertebant. Vbi portam esse volebant, vomere exemto, atque aratro sublato, relinquebant spatium. Ducto sulco, cum boves illi, tum aliae victimae immolabantur Dis medioxumis, & tum demum exstruendis muris admovebantur manus. Plut. *Rom. Quaest. XXIV*, & *vit. Romuli* p. 23. Dion. Hal. *I*, p. 75. Hinc in numis Coloniæ fere semper conspiciuntur iuncti boves, acti a viro, cinctu Gabino ornato. (f)

Vid.

(f) Hinc urbes dictae ab *urbo*. *Urbaræ* enim veteribus erat aratro definire: *Urbum* vero dicebatur curvatura, quod ea in urbe condenda adhiberi consueverat.

Varro

Vid. Ezech. Spanh. *de usu & praest. num. Dis-*  
*fert.* IX, p. 777. Vaillant. *de numis aeneis Colon.*  
*Latini iuris, Paris. MDCXCV. fol.* Adhibe-  
 bantur & alia quaedam boni ominis causa, ut  
 Festus docet *voce Quadrata.* p. 389. quae ta-  
 men, qualia fuerint, hodie vix constat. Iam ve-  
 ro ex his facile reddideris rationem, cur moe-  
 nia, non autem portae, sancta visa sint. Eae e-  
 nim auspicio non signabantur aratro, quia per  
 illas cadavera aliaque impura evehenda erant :  
 & hinc quoque sacrae hoc quidem sensu non vi-  
 debantur. Plutarch. *Quaest. Rom.* XXVI.

X. Perfecta moenia etiam dedicare sollem- X. Dedi-  
 niter solebant. Idque adparet ex Inscriptione <sup>catio</sup>  
 apud Gruter. p. CCXVI, 2. COLONIA AV- <sup>moenium.</sup>  
 GVSTA VERONA NOVA GALLIENI-  
 ANA VALERIANO II. ET LVCILLO  
 COSS. MVRI VERONENSIVM FABRI-  
 CATI EX DIE III. NON. APRILIVM,  
 DEDICATI PRID. NON DECEMBRIS.  
 Facta ergo hac dedicatione, sancta habebantur  
 moenia, atque hinc nec refici poterant sine  
 Principum, tanquam Pontificum Maximo-  
 rum, auctoritate, nec quidquam iis super-  
 imponi. L. 8. §. 2. L. 9. §. fin. D. h. t.

XI. Si vero paullo accuratius rem confide- XI Cur  
 res, facile adparebit, non aliam ob causam hac <sup>sanctitas</sup>  
 sanctitatis opinione imbutos esse homines, nisi <sup>tributa</sup>  
 ut cives pro moenibus, tanquam pro re sancta <sup>moeni-</sup>  
 bus?

Diis-

Varro *de Lingua Lat.* IV, 31. p. 24. Pompon. L. 239.  
 §. 6. D. *de verb. signif.* Conf. Iac. Raeyard. *Coniectan.*  
 II. 7. p. 49.

Diisque dedicata, tanto fortius pugnarent. Idque etiam observat M. Terentius Varro apud Plutarch. *Quaest. Rom. XXVII.*

XII. Res  
humani  
iuris quo  
tuplices?

XII. Res humani iuris iterum vel in NVLLIVS, vel in PRIVATORVM quorundam erant PATRIMONIO. In nullius patrimonio erant res communes, publicae, (g) universitatis, &, quae κατ' ἐξοχὴν nullius esse dicebatur, hereditas iacens.

XIII. Res  
commu-  
nes, vel  
publicae.

XIII. COMMVNES, veteribus dictae etiam PVBLICAE, habebantur, quarum dominium nemo ita poterat occupare, ut excluderet alios. Tales erant aer, aqua profluens, mare eiusque littora. Vnde Virgil. *Aeneid. VII, v. 229.*

- - - Littusque rogamus

Innocuum, & cunctis undamque auramque patentem.

Et Prudent. *contr. Symmachum II, v. 798,*

Nunc adfuit homini data munera legibus isdem,

Quae concessa semel: fons liquitur, amnis inun-

dat,  
Velivolum ratibus mare finditur, influit imber,  
Aura volat tenuis, vegetatur mobilis aer.

Et

(g) Tribonianus *princ. Inst. h. s.* res communes a publicis selungit; quidam veterum Iureconsultorum communis & publica pro iisdem habebant, ut velex Marciano *L. 2. D. de rerum divis.* patet, ubi res publicae omittuntur. Pari quoque sensu veteres res communes & publicas vocasse, luculenter ostendit Ger. Noodt. *Probabil. I, 7. p. 10. sequ.* Liceat itaque hic, ubi Antiquitates tradimus, loqui cum veteribus, sentire alias cum Iustiniano, cuius doctrinam alibi fusius atque accuratius exposuimus.

(h)



*Et res naturae sit publica promptaque cunctis,  
Dum servant elementa suum famulantia cursum.*

Idem existimandum de fluminibus, portu-  
bus, ripis, quae & ipsa eatenus communia vel  
publica habebantur, ut liceret in iis piscari, al-  
ligare naves, aliaque huiusmodi facere. Sed ea  
omnia de innoxio usu intelligenda, neque eo  
extendenda sunt, ut in mare, flumina, portus,  
nullum fuisse Principum vel Reipublicae Impe-  
rium existimemus. Alia omnia ostendit Iac. Go-  
thofredus *Dissert. de Imperio maris*, quae cum  
aliis eius Opusculis Iuridicis, Politicis, Histori-  
cis, Criticis prodiit Genev. MDCLIV, 4°.   
Nota illa Oppiani *Halieut. III, v. 4. sequ.* ubi  
Poëta ad Antoninum Caracallam;

— Σοῖς μὲν ᾧ ὑπὸ ἐκίπτροισι θάλασσα  
ἔλειπται, ἣ φύλα ποσειδάων ἐκράλυν.

— *Tuis enim sub sceptris mare*

*Volvitur, & greges Neptuni incolarum.*

Idem de iure piscandi statuendum est. Tan-  
tum enim abest, ut illud semper commune fue-  
rit, dominioque exemptum, ut potius, qui lon-  
go tempore in diverticulo fluminis solus pesca-  
tus fuerat, posset alios ab eo iure excludere. *L. 7.  
D. de divers. & temp. praeser.*

XIV. Ceterum eas res communes publicas XIV. Cur  
dixere veteres, ex sententia Stoicorum, quo-  
rum principia Iureconsultis fere omnibus erant  
in deliciis. Stoicos enim veluti Regnum quod-  
dam generis humani, vel universalem omnium  
Deorum hominumque Rempublicam statuis-  
se, nemo ignorat, idque luculenter docent  
Cicero *de Finib. III, 19. sequ.* M. Antonin. *eis*

D d 5

ἐαυτοῦ,

eiusmodi  
res Iure-  
consulti  
vocarint  
publicas  
& com-  
munes?

ἑαυτὸν II, 16. III, 11. IV, 3. VI, 44. XII, 36. Arrian. *Dissert. Epictet.* I, 12. III, 24. Senec. *de Benef.* IV, 28. Addantur Thom. Gataker. *Adnot. ad M. Anton.* p. 75. Thom. Stanley. *Hist. Philos. Part. VII. P. 1. Cap. 13. p. 614.* Quum ergo etiam Iureconsulti hanc Philosophiam sequerentur, duplicemque adeo sibi conciperent Rempublicam, maiorem unam, quae erat omnium Deorum hominumque, alteram minorem, uniuscuiusque populi, aut civitatis: consequens erat, ut & bona, sive publica, sive communia, dupliciter acciperent, nonnullaque omni iure; alia tantum Iure Gentium communia appellarent, quae tamen in Iure Civili Romanorum essent in Reipublicae dominio. Quae omnia tam praeclare explicantur ab humanissimo Iureconsulto, Gerardo Noodtio, *Probabil.* I, 8. p. 21. *sequ.* ut otium nobis fecisse videatur.

XV. Res  
universi-  
tatis.

XV. Res VNIVERSITATIS erant, quarum dominium universitas, usum singuli ex universitate habebant, ut stadia, theatra, balnea, curiae. §. 6. *Instit. b. t. Universitas* vero vocabatur unaquaeque civilis societas, excepta familia liberaque Republica. Adeoque omnes *ἑταίριαι* & societates, omnes tribus, omnia corpora opificum *universitates* erant. Huber. *Praelecl. ad Inst.* II, 8. Postquam vero in Monarchiam degeneraverat Respublica, invisae fuerunt Principibus omnes sodalitates & *ἑταίριαι*, nec aliae ius universitatis, arcae communis, & Collegii habebant, quam quae singulari Principum privilegio erant munitae. Quare non raro in Inscriptionibus legimus: Q. E. S. C. L.

Qui-

*Quibus ex SC. coire licet, vel similia. Vid. Plin. Epist. X, 93. & 94. Tit. C. de Colleg. & corpor. Cuiac. Observ. VII, 30. & Diff. nostr. de Colleg. & Corp. Opif. Cap. I.*

XVI. NVLLIVS denique erant, quae nul- XVI. Res  
lum reipsa agnoscunt dominum, quamvis sua nullius.

natura in dominio esse possint. Tales sunt res hereditariae, antequam aliquis heres existit. *L. 1. D. de rer. divis.* Per fictionem tamen quamdam hereditas iacens defuncti personam repraesentare, eiusque in dominio esse dicitur. *L. 24. & L. 61. pr. D. de Acquir. rer. dom.* Nonnumquam & personam heredis sperati sustinet. *L. 24. D. de novat. L. 26. D. de stipul. serv. L. 1. §. 1. D. Si is qui test. lib. L. 68. D. de furt.*

XVII. Quae in privatorum dominio erant, dicebantur RES PRIVATAE. Festus voce XVII. Res  
*Privos p. 378. Privos privasque antiqui dicebant privatae*  
*pro singulis: ob quam causam & privata dicuntur, vel manci-*  
*quae uniuscuiusque sunt, hinc est privilegium. pl, vel nec*  
Add. Non. Marcell. *de Diff. Verb. II, 694.* Res  
illae privatae apud veteres vel MANCIPI  
erant, vel NEC MANCIPI. (b) Apud vete-  
res dico. Iustinianus enim hanc differentiam su-  
stulit, quum tamen eius vestigia quaedam reli-  
querit in *L. 32. §. 1. D. de usurp. & usuc. in L.*

68.

(b) In universo Corpore Iustiniano nulla sit huius distinctionis mentio, quod ea sustulisset Iustinianus *L. no. C. de iure Quirit. tollend. Hotom. Antitribonian. V. p. 113. sequ.* Fundamentum eius procul dubio fuit rerum pretium. Res enim pretiosissimae antiquis videbantur fundi, servi, pecudes, non nisi cum sollicitudine quadam & sollemnitate alienandae. Bynkersh. *de reb. mancip. & nec manc. p. 109.*

(2)

68. *D. de furt.* Vid. Merill. *Obs. VIII*, 38. p. 132. Res MANCIPI dicebantur, quae certo ritu inter solos cives Romanos ita vendi alienarique poterant, ut emtor manu eas caperet, (unde & ipse MANCEPS, & res MANCIPI, vel MANCVPI adpellabantur,) & venditor earum evictionem praestaret. NEC MANCIPI res erant, quae non poterant isto ritu alienari: unde & periculum rei penes emtorem erat. Plaut. in *Perf. IV*, 3. v. 55.

*Ac suo periculo is emat, qui eam mercabitur,  
MANCIPIO neque promittet, neque quis-  
quam dabit.*

Et paullo inferius: v. 61.

— *Nihil mihi opus est litibus,  
Nisi MANCIPIO accipio, quid eo mihi opus  
mercimonio?*

Vnde & distingui solent *mancipium* & *usus*,  
Lucret. *III*, v. 985.

*Vitaque mancipio nulli datur, omnibus usu.*  
ut & *mancipium* & *fructus*, κτηνῶν ἢ χερσῶν. Cicer.  
*Epist. ad Fam. VII*, 29. 30. (i)

XVIII.  
Quaenam  
res man-  
cipi fue-  
rint?

XVIII. Mancipi res habebantur I. *Praedia in Italico solo*. Vlpian. *Fragm XIX*, 1. immo & in Provinciis, si quando locis erat datum ius Italicum, quales civitates permultae recensentur in *Tit. D. de Cens.* Adde Henr. Noris. *de Epochis Syro Maced. IV*, p. 427. idque non modo de rusticis intelligendum, verum etiam de urbanis.

(i) Mancipi non indeclinabile est, ut vulgo docent Lexicographi, sed contractum ex *mancipii*. Voss. *de Art. Gramm.* 111, 46. Salmas. *de usur.* VIII. Iac. Perizon. *ad Sanctii Minerv.* IV, 4. 12.

nis. Cic. *de Orat.* I, 39 *sequ.* & *de Offic.* III, 67. Sed eiusmodi praedia rustica mancipi erant suo iure, urbana iure fundi per accessionem, ex mente Amplissimi Viri, Bynkersh. *de Reb. Mancipi & nec Mancipi* p. 111. quamvis alia omnia videantur Icto pererudito, Christ. Waechtlero, in *Act. Erud. suppl.* VII, sect. 7. p. 301. Eiusmodi loca dicebantur *agri Censui censendo*. Fest. *voce Censui*. p. 265. Cic. *pro Flacc.* XXXII. & ibi Ioan. Georg. Graevius. Adeo autem omnes fundi rustici Italici partes erant mancipi, ut & *columbaria emancipata* videamus in marmore apud Reines. *Inscr. Class.* VII, 21. ubi tamen in *Comment.* p. 490. errare videtur vir doctus, dum eam mancipationem locationis causa factam existimat. Reliqua in Provinciis praedia possessiones vocabantur, & usu tantum tenebantur, non mancipio. Fest. *voce Possessio* p. 372. Porro rebus mancipi accensebantur II. *Iura Praediorum Rusticorum*, veluti actus, via, aquaeductus. De servitutibus urbanis tacet Ulpianus. Vnde eae accensebantur rebus nec mancipi, dissentiente iterum viro laudatissimo, Christ. Waechtlero. *ibid.* p. 300. *sequ.* Nec tamen ratio deest iis, qui iura praediorum urbanorum mancipi fuisse negant. Quum enim praedia rustica ipso iure essent mancipi: ideo & tales erant servitutes, iis inhaerentes per accessionem. Aliud de praediis urbanis, quae per accessionem tantum erant mancipi, adeoque hanc qualitatem cum servitutibus communicare non poterant, quia non datur accessionis accessio. Bynkersh. p. 130. III. *Servi*, mancipio dati, IV. *Quadrupedes*, quae

quae dorso colloque domantur, veluti boves, muli, asini, equi, non bestiae, quamvis dorso colloque domantur, ut puta elephantum & camelum. V. *Hereditas*, seu familia, siquidem & ipsa per aes & libram mancipabatur. Gell. *Noct. Att.* XV, 26. §. 1. *Inst. de test. ord.* Ergo & VI. *Filii familias*. Bynkersh. *de iure occid. lib.* I, p. 145. VII. *Margaritae*. Nam & has in mancipatum venire, ait Plin. *Hist. Nat.* IX, 35. Atqui & monimenta, seu sepulcra mancipata, seu per aes & libram translata, legimus in marmore Gruteriano p. MLXXXI, 1. An ergo & haec res mancipi sunt? Ipsa sepulcra in se neque mancipi, neque nec mancipi habebantur, quia non erant in commercio. At ius sepeliendi erat ius praedii rustici, (quia sepulcra non in aedibus, sed in agris extrui solebant,) & hinc omnino in alium transferebatur per aes & libram. Eum rerum mancipi catalogum nobis suppeditant veteres. Ceterae res nec mancipi dicebantur, teste Vlpiano *Fragm.* XIX, 1.

XIX.  
Res mancipi alienatae mancipatione.

XIX. Fiebat vero rerum mancipi alienatio praecipue MANCIPATIONE, unde haec propria species alienationis rerum mancipi esse dicitur. Vlpian. XIX, 3. Cic. *Topic.* X. Quamvis enim res mancipi etiam tradi possint sine mancipatione: tamen tunc tantum in bonis erant accipientis, non in dominio. Vlpian. I, 16. adeoque res mancipi esse definebant, nisi per modum acquirendi Iuris Civilis accessisset dominium Quiritarium. Quo pertinent verba Horatii *Epist.* II, 2. v. 158.

Si

*Si proprium est, quod quis libra mercatus & aere est,*

*Quaedam (si credis consultis) mancipat usus.*  
Loquitur sane Horatius de rebus mancipi, quae ex sententia Iureconsultorum etiam usucapione possunt adquiri. Conf. Ant. Schulting. ad Ulpian. *Fragm. XIX, 3. p. 620.*

XX. Mancipatio vero erat actus legitimus, quo res mancipi more sollemni tradebantur. XX.  
Mancipatio quoque Bynkersh. *de reb. manc. I, p. 105.* Ad eum adhibendi erant quinque testes, cives Romani, puberes, cum libripende & antestato Ritus & differentia nexi & formulae iam supra *Lib. I. Tit. XII. num. 6. 7. 9.* a nobis descriptae sunt. Id modo addendum, una mancipatione hic totum actum absolvi consuevisse, quia ad patris tantum privilegium id pertinebat, ut filius non nisi ter emancipatus & manumissus, eius potestate & dominio exiret. Iungitur saepe mancipio *nexus*, vel *traditio nexu*. De ea Varro *de Lingu. Lat. VI. §. p. 58.* NEXVM Manilius scribit, *omne, quod per libram & aes geritur, in quo sint mancipi. Mucius Scaevola, quae per aes & libram fiant, ut obligentur, praeterquam quae mancipio dentur. Hoc verius esse, ipsum verbum ostendit, de quo quaeritur. Nam idem, quod obligatur per libram, neque suum sit, inde nexum dictum.* Sed quum haec sint obscurissima, audiamus ea interpretantem Virum Doctissimum, Io. Frid. Gronovium in *Epist. CCCII. ad Claud. Salmas.* quae in Clarissimorum & Doctissimorum Virorum Epistolis, nuper a Celebratissimo Burmanno editis, *Tomo II. p. 549.* habetur. *De loco Varronis, quando sic illudere mihi voluisti, ut sententiam meam quaereret, ludibrium*

debere tibi pergam. Puto ergo, falli Varronem non tantum in ridicula illa origine & NEXI, sed & quod ceu diversas ponit sententias Manilii & Scaevolae, quarum utraque vera est, nec inter se pugnant. Sane & Cicero distinguit ea, quae tenentur IVRE NEXI & IVRE MANCIPII. (Cic. Epist. ad Fam. VII, 30.) Nempe quae habeo IVRE MANCIPII, eorum sum dominus: quae IVRE NEXI, in ea habeo obligationem. Ita fidei non contradicunt Manilius & Scaevola. Nam Manilius requirit, ut quae nexa sint, eadem quoque sint Mancipi, hoc est, talia, quorum commercium sit, & quae Mancipari possint. Scaevola dixit, nexum esse, quod per aes & libram geritur, praeterquam quae dantur Mancipio. Et haec enim per aes & libram geruntur, sed plus dant iuris, quam nexa. Non negat itaque Scaevola, necesse esse, ut aliquid, quod per aes & libram geritur, sit nexum, id esse rem Mancipi: sed dicit, aliud esse tenere aliquid iure nexi, aliud iure Mancipii, quamvis utrumque per aes & libram geratur, seu omne id nexum esse, quod per aes & libram geritur, si non Mancipio detur. Ita negatione unius speciei, definit alteram, quod non negat Manilius. Quod MANCIPIO datur, eius fio dominus: quod NEXVM est, eius proprie non sum dominus, sed habeo tantum in id obligationem. Et ita quoque NEXVS differt a SERVVO, etsi obligatus est ad serviles operas praestandas. NEXVM habeo iure nexi, non Mancipii: at SERVOS habeo iure Mancipii. Sic quod mihi pignoris loco datum est, habeo iure nexi, illud etiam, si penes me sit, non tamen est meum. Logica haec etymologia est, non Grammatica. Videntur omnia quidem Mancipia etiam



etiam esse generali vocis notione nexa, aut quae habeo iure Mancipii, eadem me habere iure nexi: sed non contra, aut reciproce. Ita Cicero, quum dicit, ab alienationem esse traditionem alteri nexu, sine dubio generaliter vocem accipit, ut etiam, quae Mancipio dantur, comprehendat. Sed ad utrumque requiritur, ut sint res illae, quae sive iure nexi, sive iure Mancipii tenentur, res Mancipi, quod volebat Manilius. Nec adversatur, quod liber homo, qui non est Mancipi, obaeratus potest fieri. Revera enim liberi hominis commercium non est, idcoque non potest esse Mancipi: sed ut fiat nexus, fit ex dispositione legis, quae obaeratos necesse iussit, & ad refrenandam indiligentiam quorundam patrum familias hoc introduxit. Ita etiam si liberi hominis commercium non sit, idque leges sciverint, homo tamen maior XX. annis, quum ad pretium participandum venundari se patitur, fit Mancipi & servus, etiam dispositione legis, quae unicuique favori pro se introducto renunciari licere, & hoc modo lasciviam fraudatorum coercere voluit. Haecenus locus Gronovii, prolixus ille quidem, sed quem ideo totum hic adscribere non piguit, quod eum unum viderim, in quo discrimen Mancipii & nexi perspicue exponitur. Res eo redit. Omnis ab alienatio rerum Mancipi fiebat per aes & libram, vel Mancipationem: sed duplici fine, ut aut dominium iuris Quiritium transferretur, aut res illa tantum obligaretur, e. g. ut aliquis in ea ius pignoris, vel simile, haberet. Priore casu res dicebatur MANCIPIO dari, posteriore IVRE NEXI transferri. Hinc recte Festus in voce Nexum: NEXVM est, quod per aes & libram geritur, (hoc enim commune habent nexum &

Ec

man;

mancipium, *nexum aes dicebatur pecunia, quae per nexum* OBLIGATVR. (In hoc enim differunt nexus & Mancipium.) Recte etiam Salmasius *de Mod. Vsur. Cap. XVIII, p. 839. Nexum esse obligationem & nexos obligatos*, docet, quamvis quum Epistola Gronovii anno MDCXXXVII. scripta; Salmasii autem liber demum MDCXXXIX. editus sit, rectius fecisset, si eum, qui omnia planius scripserat, vel honoris causa nominasset.

XXI. Modi  
adquiriti  
iuris  
Gentium.

XXI. Quemadmodum vero Mancipatio propria rerum Mancipi erat: ita & alii erant adquirendi modi, quorum quidam e IVRE GENTIVM, quidam e IVRE CIVILI descendent. Ad prius genus pertinent *occupatio, accessio, traditio*, de quibus copiose hoc Titulo agit Imperator. Nos id modo addimus, quod si duo rem invenerant, quorum alter adprehenderat, alter eam adprehendi viderat, communem eam rem utriusque esse visam. Vnde sollemnis formula: IN COMMUNE: similis quodammodo hodiernae: *Halbe part. Seneca Epist. CXVII. Quoties aliquid inveni, non exspecto, donec dicas: IN COMMUNE; ipse mihi dico. Phaedr. Fab. V, 6.*

*Invenit calvus forte in trivio pectinem.*

*Accessit alter, aequè defectus pilis.*

*Eia, inquit, IN COMMUNE, quodcumque est lucri.*

Adde Plaut. *Rudent. IV, 3. v. 76.* ubi Poëta fori Romani argutias hac in re in risum deducit.

— — TR. Omitte vidulum.

GR. Numquam hercle hinc hodie ramenta fies fortunatior.

TR.

TR. *Non probare pernegando mihi potes, nisi*  
 PARS DATVR,

*Aut ad arbitrum reditur, aut sequestro ponitur.*

GR. *Quemne ego excepi in mari?* TR. *At ego*  
*inspectavi e littore.*

GR. *Mea opera, labore, & rete & horia?*

TR. *Num qui minus,*

*Si veniat nunc dominus, cuius est, ego, qui*  
*inspectavi procul,*

*Te hunc habere, fur sum, quam tu?* GR. *Ni-*  
*bilo.* TR. *Mane, mastigia.*

*Quo argumento socius non sum, & fur sum, fac*  
*dum ex te sciam.*

GR. *Nescio, neque ego istas leges vestras ur-*  
*banas scio.*

*Nisi quia hunc meum esse dico.* TR. *Et ego*  
*item esse aio meum.*

Præclarus sane locus, quo non solum hic veterum ritus, sed & complura iuris nostri loca lucem haut mediocrem capiunt. Ger. Noodt.  
*Probab. II, 6. p. 54. sequ.*

XXII. Modi acquirendi CIVILES complures sunt. Tres recenset Alcander ad Caii *Instit.* XXII.  
*I, 6. 3. Mancipationem puta, in iure cessionem, & usucapionem,* Modi ad-  
quirendi  
Iuris Civi-  
lis.  
*sed deceptus male intellecto loco Vlpiani Fragm. I, 16. in quo servus, quem civis Romanus a cive Romano emerit, quique ei traditus sit, tantum in bonis eius esse dicitur, nisi sit mancipatus ei, nec in iure cessus, nec ab ipso anno possessus.* Sane enim Vlpianus hic non recensere voluit modos acquirendi iuris Quiritium, neque negat, rem aliis quoque modis transire posse in dominium Quiritarium. Sex modorum

meminit Varro *de Re Rust.* II, 10. *Sex enim fere res in emtionibus dominium legitimum perficere*, ait, ac deinde huc refert HEREDITATEM, MANCIPATIONEM, IN IVRE CESSIIONEM, VSVCAPIONEM, SVB CORONA EMTIONEM, AVCTIONEM. Et hac in re Varronem sequitur Sigonius *de Antiquo Iure Civ. Rom.* I, 11. Sed nec Varronem modos omnes recensere voluisse, cum ex particula FERRE, qua utitur, tum praecipue patet ex Vlpian. *Fragm.* XIX, 2. ubi & adiudicationem & legem addit. Iisdem vero haut immerito adieceris adrogationem, donationem, & modum, quem SC. Claudianum induxit. Quae quum ita sint, duodecim erunt modi acquirendi iuris Quiritium, I. HEREDITAS, II. MANCIPIATIO, III. IN IVRE CESSIO, IV. VSVCAPIO, V. SVB CORONA EMTIO, VI. AVCTIO, VII. TRADITIO, VIII. ADIVDICATIO, IX. LEX, X. ADROGATIO, XI. DONATIO, XII. MODVS ADQVIRENDI EX SC. CLAVDIANO. De primo modo infra *Lib. II. Tit. XIX.* de quarto *Libro II. Tit. VI.* de decimo *Lib. III. Tit. XI.* de undecimo *Lib. II. Tit. VII.* de ultimo *Libro III. Tit. XIII.* agemus. De secundo modo iam diximus supra n. XVI. XVII. Ergo restant *in iure cessio*, *sub corona emtio*, *auctio*, *traditio*, *adiudicatio* & *lex*, de quibus nonnulla ex Antiquitatibus erunt monenda.

XXIII. IN IVRE CEDEBANTVR res tum Mancipi, tum nec Mancipi, non modo corporales, sed & incorporales, & tunc requirebantur tres personae, quarum una cedebat, altera

XXIII.  
Quid in  
iure ces-  
sio?

tera vindicabat, tertia addicebat. Vlp. *Fragm.* XIX, 9. Cedebat dominus, vindicabat is, cui cedebatur, addicebat Praetor, vel Praefes Provinciae. Vindicabat primo rem is, cui illa cedebatur, & ita quidem, ut eam tenens diceret: HANC EGO REM EX IVRE QVIRITVM MEAM ESSE, AIO. Tum interrogabat Praetor, vel Praefes, an alter contra vindicaret? Solebant enim olim possessores in contestanda rei vindicatione non solum negare intentionem actoris, sed & ipsi rem adserere: veluti apud Plautum *Rud.* IV, 3. v. 86. ubi altero dicente, HVNC MEVM ESSE DICO, statim alter subiicit: ET EGO ITEM AIO ESSE MEVM. Cic. *pro Muraena* XII. & infra *Lib. IV. Tit. VI, n. 24.* Querebat ergo Praetor, vel Praefes, utrum contra vindicaret, an auctor fieret? Quo procul dubio pertinet formula apud Valerium Probum: A. F. A. *An sis auctor?* Negante domino, vel tacente, Praetor rem addicebat vindicanti, hac fere usus formula: QVANDO TV NEGAS, HANC EGO REM PRAESENTI ET VINDICANTI ADDICO. Cai. *Instit.* II, 1. 6. Boeth. *Comment. ad Cic. Topic. Lib. III.*

XXIV. EMTIO SVB CORONA quid fuerit, ostendendum paullo adcuratius. Victis hostibus praeda venibat, & in his etiam captivi, qui venditi in servitutem detrudebantur. Hi ergo sub corona venire dicebantur, non quod milites eos custodiae caussa circumstarent, ea-que circumstatio militum corona vocaretur, sed quod ipsi capti venales starent coronati,

XXIV:  
Quid sub  
corona  
emulo?

ceu ex Caelio Sabino & Catone docet Gell. VII, 4. ex quo etiam discimus, eos servos, quorum nomine nihil praestabat venditor, pilcatos venire consuevisse. Res ex innumeris Livii, Caesaris, aliorumque Historicorum testimoniis nota est. Vt pauca tibi suggeram, ea reperiēs apud Livium LIII, 4. Caesar. *de Bello Gall.* III, 74. *Flor. Hist.* IV, 12. Iam id modo observa, mancipia sub coronis emta statim in dominio iuris Quiritium esse coepisse, adeoque emtorem securum fuisse contra quoslibet, ut etiam patet ex Varrone *de Re Rust.* II, 10. Cuius locum & ad reliquos acquirendi modos recte intelligendos utilissimum adscribere iuvabit: *In emtionibus dominium legitimum sex fere res perficiunt, si hereditatem instam adiit, si, ut debuit, mancipio ab eo accepit, a quo Iure Civili potuit: aut si in iure cessit, cui potuit cedere, & id ubi oportuit: aut si usucepit: aut si e praeda sub corona emit tumve, cum in bonis sectionem cuius publice venit.*

XXV.  
Quid au-  
ctio?

XXV. AVCTIONE acquirebantur, quaecumque publice, proclamante pracone, praesente atque addicente Magistratu, sub hasta emebantur. Festus voce *Hastae*. *Hastae subiiciebantur ea, quae publice venundabant, quia signum praecipuum est hasta.* Et Cicero *Philipp II*, 26. *Hasta posita pro aede Iovis Statoris, bona Cn. Pompeii Magni voci acerbissimae subiecta praconis.* Hanc hastam publicam fugiebant viri honesti, quia & proscriptorum bona ibi venibant. Sic Atticus ad hastam publicam nunquam accessit. Nepos *Attic. VI*. Ceterum, quum res ei addici soleret, qui plurimum augeret, factum est,

est, ut ipsum illud venditionis genus *auctio*; isque, a quo quis emerat, *auctor*, & ius denique auctione quaesitum *auctoritas* adpellaretur. Quod vocabulum deinde ad dominium quodcumque prolatum est, ita ut omne domini ius, quocumque titulo adquisitum, vocaretur *auctoritas*, ut praeclare observavit Sigon. *de Antiquo Iure Civ. Rom. I, 11. p. 149.* Plura dicemus infra *Lib. II. Tit. XVIII. XIX. n. XI.*

XXVI. TRADITIONE acquirebantur solae res nec Mancipi, quippe quarum dominia adprehendebantur, simul ac ex iusta causa fuerant traditae. Vlpian. *Fragm. XIX, 7.* Nec referebat, mobiles res essent, an immobiles: ut adeo manifesto errent, qui traditionem ad res mobiles tantum pertinuisse existimant. Vid. V. C. Schulting. *ad Vlpian. l. c. p. 622.* De traditione vera & ficta egregia quaedam observat Ger. Noodt. *Probab. II, 6. p. 56. sequ.* Non multum diversa a traditione erat cessio vacuae possessionis, quae & mancipationibus nonnunquam accedebat, ut patet ex Grut. *Inscript. pag. CCLXXXI.* ubi Statia Irene, mancipans monumentum Licinio Timotheo, dicit, EIQVE VACVAM (\*) POSSESSIONEM MONIMENTI S. S. CESSIT, qua de re plura observavit Fr. Brummer. *ad Leg. Cinc. XIII.*

XXVI.  
Quid traditio?

XXVII. ADIVDICATIONE dominium rerum tum Mancipi, tum nec Mancipi acquirebatur, in tribus illis Iudiciis, *familiae er-*  
*ciscun-*

XXVII.  
Quid ad iudicatio?

(\*) Ita legendum esse pro INQVE VACVAM, recte monet Fr. Brummer. *ad Leg. Cinc. XIII.*

*ciscundae, communi dividundo, finibus regundis.*  
 §. ult. *Inst. de off. iud.* Quoties enim Iudex uni ex heredibus, vel sociis, vel vicinis rem adiudicabat, statim haec sine traditione in illius transibat dominium. Vlpian. *Fragm. XIX, 16.* Vnde ad iudicatio traditioni atque usucapioni equiparatur, *L. 6. §. 3. D. de statu liber.* Praeter tria vero illa Iudicia nullus erat casus, in quo dominium acquireretur Iudicis sententia, quippe quae ius non dat, sed declarat, id cuiquam competere. *L. 8. §. 4. D. Si servit. vindic.* Vnde & actio iudicati non in rem est, sed in personam. V. C. Ortow. *Westenb. de Causs. obl. Diff. VI, 8. sequ.*

XXVIII. Quid dominium ex lege? XXVIII. LEGE denique acquirebatur dominium rei singularis, sive Mancipi esset, sive nec Mancipi, quoties lex quaedam dominium alicui addiceret. Sic legatum ex lege XII. Tabularum statim erat in dominio legatarii. Vlpian. *XIX, 17. L. 120. D. de verb. signif. L. 47. §. ult. D. de pecul.* Eodem modo acquirebantur bona caduca atque creptitia, sive a fisco, sive a privatis. Nam & his nonnunquam concedebantur caduca. Cuiac. *ad Novell. I. Scip. Gentil. de iure adcresecendi X.*

XXIX. Quidquid ullo eiusmodi modo fuerat acquisitum: IN DOMINIO QUIRITARIO; reliqua in bonis esse dicebantur. Vlpian. *Fragm. I, 16. Theophil. Instit. ad §. fin. Tit. de Libertin.* qui dominium Quiritarium eleganter *ἐνεσμεν*, vel *legitimum*; bonitarium *κουικόν*, vel *naturale*, vocat. Quod discrimen in eo maxime erat positum, quod domini Quiritarii, re usucapta, vacui essent a litibus, unde & optimo iure possi-



possidere dicebantur: quod secus se habebat in dominis bonitariis. Vid. Car. Sigon. *de Antiquo Iure Civ. Rom.* I, 11. p. 150. Barn. Brissou. *Antiqu. Rom.* IV, 22. p. 78. Bynkershoek. *de Reb. Manc.* IX, p. 131. Enimvero sustulit illud discrimen Iustinianus *L. un. C. de nudo iure Quirit. tollendo. L. un. C. de usuc. transf. & de sublata diff. rer. manc. & nec Mancipi.* Vnde & in toto iure nostro nullum eius expressum superest vestigium, quamvis aliqua incaute reliquerit Tribonianus paullo obscuriora.

## TIT. II.

DE

REBUS CORPORALIBVS  
ET INCORPORALIBVS.

**N**OVAM rerum divisionem hoc Titulo subiungit Imperator. CORPORALES enim aliae sunt, aliae INCORPORALES, de quibus pauciora dici possunt ex Antiquitatibus.

I. Philosophiae Stoicae deditos fuisse pleros- I. Stoics  
que Romanorum Iureconsultos, iam supra est definitio  
observatum. Atqui Stoici non minus, quam re- rerum  
liqui Philosophi, res omnes in corporales atque corpora-  
incorporales distinguere, illasque definire sole- lium &  
bant, quod possent tangi. Seneca *Epist.* LVIII. talium.  
*Quidquid est, aut corporale est, aut incorporale.*  
*Idem Epist. CVI. Numquid est dubium, an id,*  
*quo quid TANGI potest, corpus sit?* Lactant.  
*Inst. Divin. VII, 12. Solidum & comprehensibile*

Ee 5

cor

corpus est, & oculis & manu videtur & tangitur:  
Ex Epicureis Lucretius. I, v. 306.

*Tangere enim & tangi, nisi corpus, nulla potest  
res.*

II. Incor-  
porales  
res magis  
non existi-  
stere,  
quam ex-  
sistere pu-  
tabant  
Stoici.

II. Idem e Stoa Philosophi res incorporeales  
magis illis, quae non sunt, quam, quae sunt, ac-  
censendas esse arbitrabantur. Cicero *Topic. V.*  
*Definitionum duo sunt genera prima. Vnum ea-*  
*rum rerum, quae sunt, alterum earum rerum, quae*  
*intelliguntur* Esse ea dico, quae cerni tangi ve pos-  
sunt, ut fundum, aedes, parietem, stillicidium,  
mancipium, pecudem, supellectilem, penus & cete-  
ra. Non esse rursus ea dico, quae tangi demonstra-  
rive non possunt, ut si usucapionem, si tutelam, si  
gentem, si agnationem definias, quarum rerum nul-  
lum subest quasi corpus, est tamen quaedam confor-  
matio insignita & impressa intelligentiae, quam  
notionem voco. Tertullian. de Carne Christi, plane  
σοικω: Omne, quod est, corpus est sui generis: nihil  
est incorporeale, nisi quod non est. Ex quo sane lo-  
co patet, veteres, res solas corporeas existere,  
incorporeas tantum intelligi, existimasse.

III. Iure-  
consulti  
definitio-  
nes Stoi-  
cas adop-  
tabant.

III. In his omnibus ergo Philosophos seque-  
bantur Iureconsulti, qui & ipsi res in corpora-  
les & incorporeales dividebant, iisdem adopta-  
tis definitionibus, corporeales tangi posse, in-  
corporeales non posse, dicebant. Cai. *Inst. II, 1.*  
2. quamvis, qui elegantius loquuntur, auctores  
illas RES, has IVRA adpellare malint. Quintil.  
*Inst. Orat. V, 10.* Et sane sic res multo est diluci-  
dior, faciliusque intelligitur, cur pecunia, quae  
manibus tangi potest, pro diversa σοικω modo  
corporalibus rebus accenseatur, §. un. *Inst. h. t.*  
modo

modo opponatur corporibus. *L. 46. D. de condit. indeb. L. 5. princ. D. de impens. in res dot. L. ult. D. de adim. legat.* Prout scilicet vel res ipsa, vel ius, seu valor, consideratur, ita vel corporalibus, vel incorporalibus rebus adnumeratur pecunia.

IV. Eodem ex fonte, id est, ex Philosophia IV. Res Stoica, manavit, quod res incorporales a Iu-<sup>incorporales & ipsi existi-</sup>reconsultis magis iis, quae non sunt, quam quae sunt, adnumerantur. Paullus sane *L. 1. D. de usufr. leg.* servitutes neque ex bonis, neque <sup>dammodo negabant.</sup> extra bona esse, contendit, quod ex principiis illis Stoicorum, quae paullo ante declaravimus, explicandum esse, erudite docet Ger. Noodt. *Probabil. II, 3. p. 48. sequ.*

## TIT. III.

## DE

## SERVITVTIBVS RVSTICORVM ATQVE VRBANORVM PRAEDIORVM.

**I**ncorporalia sunt omnia iura, atque adeo etiam SERVITVTES. Haec vel PERSONALES sunt, vel REALES, seu PRAEDIALES. Serviunt enim non modo praedia rusticis atque urbanis praediis, verum etiam praedia & res personis, constituto in illis usufructu, usu, vel habitatione, vel in servo operis. De illis Titulo III. De his Tit. IV. & V. agitur.

## I. SER-

I. Quae-  
nam prae-  
dia rustica  
& urba-  
na?

I. SERVITVS REALIS inhaeret prae-  
diis, iisdemque praestatur. A praedio dominan-  
te illae servitutes a Iureconsultis in VRBA-  
NORVM ac RVSTICORVM PRAE-  
DIORVM dividuntur. Sed cave hic respicias  
ad locum. Praedia enim non a loco, sed ab usu  
cognominabantur. Nam eodem modo & urba-  
na mancipia a rusticis, non loco, sed opere seiun-  
gebantur. *L. 99. D. de legat. 3. L. 166. pr. D. de  
V. S.* Et Labeo supellectilem & penum rusti-  
cam non loco, sed genere usus, distinguendam  
putat. *L. 4. §. 5. D. de pen. leg. L. 12. D. de su-  
pell. legat.* Immo & vestes, quibus ruri uteban-  
tur, rusticas, quibus in urbe, urbanas vocatas, ex  
loco elegante Titinnii demonstrat Merill. *Obs.  
III, 5.* Non ergo recte discrimen servitutum  
rusticorum urbanorumque praediorum defu-  
mitur ex *L. 3. D. de servit.* ubi Paullus, *servitu-  
tes praediorum alias in solo, alias in superficie con-  
sistere*, ait. Praeterquam enim quod illud discrimen non ad praedia dominantia pertinet, a qui-  
bus alioquin servitutes diversam denominatio-  
nem fortiuntur: ne probari quidem potest, ser-  
vitutes urbanorum praediorum tantum in su-  
perficie; rusticorum tantum in solo consistere.  
Sane Ulpianus, *L. 11. §. 1. D. de Publ. in rem actio-  
ne*, servitutem urbani praedii esse dicit, si per  
domum quis suam passus sit aquaeductum  
transduci: & ea tamen servitus in solo consi-  
stit. Contra si quis horto olitorio alterius de-  
beret servitutem altius non tollendi, ea pro-  
cul dubio foret servitus praedii rustici, quum  
tamen consistat in superficie, ceu recte animad-

ver-

vertit Merill. *Obs. I, 32.* Nec magis rem videntur acu tetigisse, qui praedia rustica omnes fundos & areas; urbana omnia aedificia existimant. **VRBANA** enim erant & fundi voluptatis caussa culti, veluti horti, modo eorum plurima pars non esset in reditu, quales sunt horti vinearii & olitorii: *L. 198. D. de V. S.* & omnia aedificia habitationi destinata, etiamsi in villis exstructa. §. 2. *Inst. de servit. L. 1. D. Commun. praed. L. 198. D. de Verbor. signif.* Veteres enim villam plerumque in tres dividebant partes, quarum unam *urbanam*, alteram *rusticam*, tertiam *fructuariam* adpellabant. *Vrbanae* dicebantur aedes, vel habitationis, vel voluptatis caussa conditae, ubicumquae sitae; *Rusticae* complectebantur testa, villico & reliquae familiae, ut & armentis & equis, destinata: *Fructuariae* denique constabant horreis & cellis, quibus omnium generum fructus recondabantur. Varron de Re Rust. Lib. I. Cap. XIII. Columella de Re Rust. I, 6. Vrbnum in villis aedificium etiam praetorium dicitur apud Pallad. I, 8. Sueton. Calig. Cap. xxxvii. *L. 198. D. de verb. signif.* Et ex eo iam satis manifestum est, aedificia etiam ab usu in praedia *rustica* ac *urbana* dividi solere.

II. Praediis his urbanis variae praestabantur II. Servitut<sup>es</sup> servitutes, quales erant *oneris ferendi*, *tigni im-* <sup>tutes</sup> *mittendi*, *stillicidii*, *fluminis*, *cloacae*, *altius tol-* <sup>praedio-</sup> *lendi*, *vel non tollendi*, *luminum*, & *aliae*. §. 1. <sup>rum urba-</sup> *norum.* *Inst. h. t. Cai. Inst. II, 1. 3.*

III. Sic vicinae aedes tenebantur nonnun- III. Servi-  
quam vicinarum onus ferre, vel alienum aedi- tus oneris  
ficiu<sup>m</sup> columna vel pariete suo sustinere, co- ferendi.  
lumnam-

lumnamque & parietem praeterea reficere. Haec erat SERVITVS ONERIS. Non vero ideo a domino praedii servientis reficienda erat columna serviens, quod hoc naturae huius servitutis inesset; PARIES ONERI SERVANDO VTI NVNC EST, ITA SIT. *L. 33. D. de Serv. urb.* sed quod ea esset lex, id est, stipulatio, in constituenda servitute interposita. Nam id sibi diserte a vicino solebant stipulari, VT REFICERET LAPIDE QVADRATO, vel LAPIDE STRVCTILI, vel quovis alio opere. *L. 6. §. 5. D. Si serv. vind.* Quamvis vero hanc pactionem contra naturam servitutum esse iudicet Gallus Aquilius, ob rationem *L. 15. §. 1. D. de servitutibus*, evaluit tamen Servii sententia, qui hanc conditionem in hac servitute admisit, quia servientis praedii dominus facere nihil cogatur, sed parietem vel columnam derelinquere possit, ceu patet ex *L. 6. §. 2. D. Si servit. vindic.*

IV. Servitus tigni immittendi.

IV. Si cuius paries non tam onus vicini ferre teneretur, quam pati dominus, ut tignum immitteretur suo parieti, erat haec SERVITVS TIGNI IMMITTENDI. Erat vero tignum omnis materies aedificii, quae alterius parieti immitti poterat, veluti trabs, lapis, ferum. Quamvis enim Architecti strictiore usi vocabuli significatione tignum pro trabibus in contignatione accipiant: Vitruv. IV, 4. aliter tamen loquebantur Icti, ob exemplum in Lege XII. Tabularum exstans, ubi *tigni adpellatione omne genus materiae, ex qua aedificia constant, significatur. L. 62. D. de V. S.* Quod ut intelligatur

tur rectius, observandum videtur, veteres Romanos incendiorum metu aedes aedibus ita vicinas esse iussisse, ut spatium quoddam, vel interstitium, relinqueretur, quod *ambitus* dicitur in legibus XII. Tabularum. Varro *de Ling. Lat.* IV, 4. p. 6. *AMBITVS*, iter, quod circumeundo teritur. Nam *ambitus* circuitus; ab eoque XII. Tabularum interpretes *ambitum* parietis circumitum esse describunt. Festus voce *Ambitus* p. 250. *AMBITVS* proprie dicitur inter vicinorum aedificia locus duorum pedum & semipedis, ad circumeundi facultatem relictus: Et paucis interiectis: *Ambitus* proprie dicitur circumitus aedificiorum, patens in latitudinem pedes duos & semissem, in longitudinem idem, quod aedificium. Add. Cuiac. *Obs.* XIX, 21 Et huc pertinet Inscriptio vetus Romana, in Sadoleti hortis effossa:

INTER DVOS.

PARIETES.

AMBITVS. PRIVAT.

FLAVI. SABINI.

Briffon. *Antiqu. Select.* I, 2. Non ergo licebat antiquis aedes iungere sine interstitio; neque adeo tunc facile locum inveniebat servitus tigni immittendi. Postea vero aucto civium numero, quum pomœria antiqua tantam aedium copiam vix caperent: non solum ipsa pomœria subinde prolata, verum etiam omnes arcae aedibus occupatae sunt, adeo ut non nisi inter quasdam interstitium relinqueretur. Quaecunque vero aedificia communi pariete concludebantur, circuituque publico aut privato cingebantur, ea dicebantur *INSVLAE*. Fest.

voce

*voce Insulae. L. 2. §. 14. D. Ne quid in loco publ. (cui non ob stare L. 13. pr. D. de serv. ostendit Cuiac. Obs. I, 4.)* Iis insulis, vel potius inquilinis aedium, una insula comprehensarum, non modo singulares erant GENII, Reines *Class. I, 138.* sed & custodiendis iisdem praepositi erant servi, quos INSVLARIOS dici animadvertimus in *L. 166. §. 1. D. de V. S. & L. 16. §. 1. D. de usu & habitat. Grut. p. DCXXIV, 4.* Porro ambitus isti insularum dicebantur *angiportus*. Et quia per illos compendii causa iri solebat, hinc Festo *angiportus* est *iter compendiarium in oppido*. Nihil tamen in illis agi poterat. Varro de *Lingua Lat. V, 5. p. 37.* immo ne pervii quidem semper erant, ut ex Terent. *Adelph. IV, 2.* patet. Sed haec *angiporta*, ut dixi, rariora erant, postquam aucta urbe omnes arcae aedificiis occupabantur. Hinc est, quod Seneca *Controv. II, 9.* conqueritur, *tantas suo tempore fuisse viarum angustias, ut neque adversus ignem praesidium, neque ex ruinis ullam in partem effugium fuerit.* Ex quo ergo propius sibi invicem iungi coeperant aedes, servitutes illae, tum oneris ferendi, tum immit-tendi tigna, in usu esse coeperunt, ad id quippe comparatae, ut arcarum spatium lucrifacerent, quod novis muris, columnis ac parietibus ex-struendis occupandum fuisset. Primus Nero veterem aedificandi morem restituit, consti-tuitque, ut ne communione parietum, sed pro-priis quaeque domus muris ambirentur. Tacit. *Annal. XV, 42.* Postea Antoninus, & Verus Augusti rescripserunt, *in area, quae nulli servitu-tem debet, posse dominum, vel alium eius voluntate, aedificare,*



*aedificare, intermisso legitimo spatio a vicina insula. L. 14. D. de Seruit. urb. praed.* adeoque ex eo tempore denuo aedes sibi propius iungi coeperunt, communique pariete concludi, ita tamen ut insularum maneret circuitus. Denique & Constantinus M. & sequentes Imperatores Constitutionibus quibusdam definire coeperunt, quantum aedes privatae ab horreo, quantum a loco publico abesse deberent. *L. 4. & L. 46. C. Theod. de Oper. publ. L. 9. & L. 11. C. de Aedificiis priu.* Addantur Barn. Briffon. *Antiqu. Rom. Select. 1, 2. p. 4. Cuiac. Obs. 1, 4. p. 3.*

V. Seruitutes **STILLICIDII & FLVMINI-** V. Seruitutes stillicidii & fluminis.  
**NIS** aquae pluviae causa erant constitutae. Te-  
 nebatur enim vicinus, aquam istam vel in vicini  
 hortum arcamve immittere, vel ex alieno tecto  
 in suam arcam recipere, si ab eo stipulatus erat  
 vicinus: **FLVMINA STILLICIDIA, VTI**  
**NUNC SVNT, ITA SINT.** Briffon. *Antiqu. Rom. Select. 1, 19. p. 22.* *Stillicidium* vero & *flumen*  
 quomodo differant, docet Varro *de Ling. Lat. IV, 5. p. 8.* *Fluvius, quod fluit, item flumen: a quo*  
*lege praediorum urbanorum scribitur: Stillicidia flu-*  
*minaque ut ita fluant, cadantque. Inter haec hoc in-*  
*terest, quod stillicidium; eo quod stillatim cadat: flu-*  
*men, quod fluat continue.* Sane quum aedes Ro-  
 manorum pleraeque tecto declivi carerent, non  
 poterant non canales vel alvei plures in supre-  
 ma superficie esse, per quos aqua pluvia deflue-  
 ret: aut certe tegulas oportebat tecto imponi,  
 quae imbres exceptas in terram demitterent.  
 Vid. Guil. Philandr. ad Vitruv. *Archit. VII, vi.*  
 Illud vero *flumen*; hoc dictum est *stillicidium*.

VI. Serui-  
tus cloa-  
cae.

VI. CLOACAE Romae dicebantur con-  
camerationes subterraneae, stupendi operis, per  
quas sordes & collecta colluuiis vrbe educta in  
Tiberim exonerabatur, (a) eaeque vel *publicae*  
erant, vel *privatae*. L. 1. § 9. D. de Cloac. PVBLI-  
CAS duxit Tarquinius Priscus, testibus Liuius  
*Hist. 1, 32.* & Dionys. Halic. *Ant. Rom. III, p. 200.*  
casque tam splendoras fuisse, ait Cassiodorus. *Var.*  
*III, 30. tantumque visentibus contulisse stuporem, ut*  
*aliorum quoque ciuitatum potuerint miracula, supera-*  
*re.* Meretur illa tota Cassiodori descriptio le-  
gi, cuique addi idem Cass. *Var. VIII, 29, 30.* &  
Plin. *Hist. Nat. XXXVI, 15.* Purgandarum earum  
caussa non solum tributum inferebatur,  
quod *cloacarium* dicitur L. 27. §. 3. D. de *Vsfruct.*  
L. 39. §. 5. D. de *Legat. 1.* verum etiam ii, qui ad  
poenam fuerant damnati, eidem operi adhibe-  
bantur. Traian. Imp. ad Plin. *Epist. X, 41.* Sed &  
interdictum proditum erat: QVOD IN  
CLOACA PVBLICA FACTVM, SIVE IM-  
MISSVM HABES, QVO VSVS EIVS DE-  
TERIOR SIT, FIAT, RESTITVAS.  
ITEM NE QVID FIAT IMMITTATVR-  
VE INTERDICAM. L. 1. §. 15. *sequ. D. de Cloac.*  
Quin vt illae cauernae eo rectius conseruarentur:  
singulares iis praefecti erant Magistratus, qui  
CVRATORES CLOACARVM VRBIS  
vocantur apud Grut. *Inscr. p. CXC VII, 5. p.*  
*CXC VIII, 2. 3. 4. 5. p. CCL II, 1.* Ast quum publi-  
cae

(a) Hinc Festus voce *cloacae* p. 168. dictas illas existi-  
mat a conluendo; & *cloacale flumen*. Cato dixit, pro  
cloacarum omnium conluie.

cae istae cloacae initio per publicum essent ductae: post incendium Gallicum, mutato vicorum aediumque situ, illae passim subierunt tecta. Quae de re Livi<sup>us</sup> Hist. V. fin. *Festinat* curam exemit vicos dirigendi, dum omisso sui alienique discrimine in vacuo aedificant. Ea est causa, ut veteres cloacae, primum per publicum ductae, nunc priuata passim subeant tecta, formaque urbis sit occupatae magis, quam diuisae, similis. Hae publicae cloacae. PRIVATAE erant, quae ex priuatis quibusque aedibus in publicas illas immittebantur. Quandoquidem ergo publicae illae, ut iam ex Livio demonstraui<sup>mus</sup>, passim subierunt tecta priuata: opus nonnunquam erat seruitute CLOACAE, & vicinus a vicino stipulabatur, ut liceret sibi priuatam cloacam per eius fundum deductam in cloacas immittere. L. 7. D. de Seruit. L. 1. §. 4. D. de Cloac.

VII. Antiquissimis porro temporibus suas VII. Ser-  
quisque aedes in infinitum tollere poterat, id- uitus non  
que etiam est libertatis naturalis, L. 9. & L. 24. altius tol-  
D. de Seru. urb. praed. L. 27. D. de Damn. infect. lendi.  
dummodo nihil in alienum immittatur. L. 8. §. 5.  
D. Si seru. vindic. Enimvero quum id prospe-  
ctui luminibusque officeret, aerque liberior  
hoc ipso vicinis interciperetur, saepe alter ab  
altero stipulabatur, ne altius tolleretur. Atque in-  
de nascebatur seruitus ALTIVS NON TOL-  
LENDI. At postea certus quidam aedium alti-  
tudini modus lege statutus est. Sane iam libera  
& florente Republica ea de re fuisse cogita-  
tum, docet Rutilii nescio cuius oratio de modo  
aedificiorum, quam ab Augusto recitatam esse  
in Senatu, ut eam rem non a se primo animad-

uersam, sed antiquis iam curae fuisse, ostenderet, discimus ex Sueton. *Aug. LXXXIX.* Sed & ipse Augustus, vt crebris ruinis subueniret, lege lata statuit, vt ne quis septuaginta pedibus tolleretur altius. Strabo *Geogr. V. p. 162.* πρὸς δὲ ταῖς συμπλήσας τὰ ὕψη τῶν καινῶν οἰκοδομημάτων καθελών, & κολύσας ἐξείργειν ποδῶν ὃ τὸ πρὸς ταῖς ὁδοῖς ταῖς δημοσίαις. Ruinis quoque subuenturus, nimiam aedificiorum altitudinem sustulit, vetuitque ad vicos publicos altius septuaginta pedibus tollere. Incensa deinde vrbe, etiam Nero aedificiorum altitudinem cohibuit, teste Tacito *Ann. XV, 42.* quamuis quem ea in re modum seruarit, non sit memoriae proditum. Denique & Traianus aedium altitudinem sexaginta pedes superare vetuit, ob ruinas faciles, & sumtus, si quid tale contingeret, exitiosos. Aurel. Victor. *Epit. vit. Traian. XIII.* Et sane haec quoque altitudo est maxima, vnde non mirum, de ea conqueri Senecam *Controu. II, 9.* quamuis eam ipsa necessitate ciuiumque frequentia excusari existimet Vitruv. *Architext. II, 9.* Vt vt sit, sane & posteris placuit is aedificiorum modus, vnde ad illum respiciunt Imperatores Scuerus & Antoninus *L. i. C. de Aedific. priuat.* Quin & Constantinopoli eiusmodi legem obseruatam esse, docet Iac. Oisfel. *ad Caii Instit. II. 1. 3.* Quemadmodum ergo, quae sit non altius tollendi seruitus, ex ipso vocabulo cisque, quae dicta haecenus sunt, satis intelligitur, ita eo obscurior est seruitus ei opposita AL-TIVS TOLLENDI. Quamuis enim vulgo seruitutem altius tollendi explicent ex Constitutione Zenonis *L. 12. §. 1. C. de Aedific. prin. de*

co casu, si quis a vicino impetrauerit libertatem aedes suas altius, quam leges ferant, tollendi: tamen huius seruitutis iam ante Zenonem mentio fit a Caio *L. 2. D. de Seru. urb. praed.* nec verosimile est, ante hanc Constitutionem licuisse priuatis pactis restringere leges publicas. Itaque verosimilior est sententia eorum, qui hic putant de eo casu actum, vbi vicinus pati teneatur, vt vicinus ὑπερώων vel caenaculum imponere posset aedibus eius. A. A. Pagenstech. *Sicilian. Manip. III, p. 70.* Verum nec id dubio caret, si illud ὑπερώων vel caenaculum maneat aedificantis. Nam tunc non differet haec seruitus a seruitute oneris ferendi, vti recte vidit Sam. Stryk. ὁ μακαρίτης. *Vf. Digest. VIII, 2. 7.* Fusius ea de re alibi erit dicendi locus.

VIII. Multum porro interesse videbatur veterum, ita clausas habere areas, vt remotis arbitris versari in iis posset familia. Vnde & Druso promittebat architectus, ita se aedificaturum domum, vt procul ab omnium arbitrio atque adspectu in ea habitaret. Vellei. Patercul. *Hist. II, 14.* Licebat enim cuius, in pariete suo fenestras, quot vellet, aperire, sed & alteri licebat, fenestris vicini in aream suam apertis obstruere. Quod si itaque aliquis fenestras in alieno vel communi pariete apertas habere vellet, opus erat seruitute LVMINVM. Sin impedire vellet alter, ne vicinus fenestras in suo pariete apertas obstrueret, stipulabatur a vicino: LVMINA VTI NVNC SVNT, ITA SINT, Brissón. *Antiqu. Rom. I, 19. p. 21.* Atque inde nascebatur seruitus, NE LVMINIBVS OFFICIATVR.

CIATVR. Nonnumquam etiam pacifcebatur, ne ius esset vicino, se inuitis altius aedificare, atque ita officere luminibus, de qua seruitute *L. 3. D. de Seru. urb. praed.* Immo ut prospicere liceret, & ne prospectui officeretur, interposita stipulatione cauebant. *L. 14 & L. 15. D. eod.*

IV. Seruitutes praediorum rusticorum.

IX. Seruitutes praediorum rusticorum quatuor recenset Imperator *pr. Inst. h. t.* ITER, ACTVM, VIAM, AQVAEDVCTVM, sed §. 2. adiicit. AQVAE HASTVM, PECORIS AD AQVAM ADPVLSVM, IVS PASSCENDI, CALCIS COQVENDAE, ARENAE FODIENDAE. Nos praecipua tantum consuecramur.

X. Iter, actus, via.

X. ITER *ab eundo*; ACTVM *ab agendo*; VIAM *a vehendo* dictam esse, obseruat Varro *de Lingua Lat. IV, 4. p. 7.* Ergo ITER est ius eundi ambulandi hominis, non etiam agendi pecus, aut ducendi vehiculum. *L. 1. D. de Seru. rust. praed.* quamuis & equo vehi & sella gestari liceret ei, cui iter debebatur. *L. 12. D. eod.* ACTVS erat ius & eundi & agendi vel iumentum vel vehiculum, non tamen onustum, *L. 1. & L. 11. D. eod.* (b) VIA denique ius & eundi & agendi & vehicula onusta per alterius fundum ducendi complectebatur. *L. 7. D. eod.* Adcoque tertia seruitus primam & secundam, secunda etiam primam in se continebat, adeo, ut diuidi non possent, & hinc si quis iter & actum acceptum

(b) Intelligendum hic esse non plaustrum, oneribus trahendis aptum, sed currum trusatilem, praecclare obseruat Bynkersh. *Obs. IV, 7. p. 305.*

ptum tulisset, perimeretur etiam viae obligatio. *L. 13. §. 1. D. de Acceptilat.* Nonnumquam tamen iter & actum simul sibi stipulabantur, ut patet ex Gruter. *Inscript. p. CCI, 3.*

PER. HANC.  
VIAM. FVNDO.  
C. MARCI. CL.  
PHILERONIS.  
ITER. ACTVS.  
DEBTVR.

Cuius rei rationem elegantem reddit Cuiac. *Obs. XXII, 35.* quod viae iter & actus *propalam* inest, actui autem iter tantum tacite & per consequentiam. Vnde non mirum, saepe sibi homines actum & iter simul stipulatos. Ex eopem vero lapide etiam patet, servitutes non hominum sed praediorum esse, quod & ius nostrum inculcat. *L. 20. §. ult. D. de Serv. praed. rust. L. 86. D. de Verb. signif.* ubi addi meretur Ger. Noodt. *Probab. I, 2. p. 4. sequ.*

XI. VIAE latitudo in porrectum octo pedum erat, in anfractum sedecim *L. 8. D. de Serv. praed. rust.* Varro de *Ling. Lat. VI, 2. p. 48.* Ex

XI. Viae  
& actus  
latitudo.

quibus discimus, hunc viae modum ex legibus XII. Tabularum esse, quibus cautum fuerat: VIA IN PORRECTO VIII. P. IN AMFRACTO XVI. P. LATA ESTO. Gothofr. *ad XII. Tab. Tab. VIII.* ACTVS latitudo quatuor pedum erat, teste eodem Varrone de *Lingu. Lat. IV, 4. p. 6.* & Festo voce *actus p. 243.* Itineris latitudo parum comperta est. Potuisse tamen pro paciscentium arbitrio vel latiore vel angustiore constitui viam vel actum, patet

cx L. 23. pr. D. eod. adeoque idem de itinere dici posse videtur.

XII. Ser-  
uitus a-  
quae du-  
ctus.

XII. AQUAE DVCTVS erat ius aquam ducendi per alterius praedium, quod vel riuis per canales structiles, vel fistulis plumbeis, vel tubulis fictilibus fiebat, teste Vitruv. *Architell. VIII, 7.* quibus tamen & canales ligneos addit. Palladius IX, 11. Erant isti aquaeductus vel PVBLICI vel PRIVATI. In illis exstruendis tam splendidi tamque magnifici erant Romani, ut pauca, quae hinc inde supersunt, rudera posteris sint admirationi. Solebant enim exstruere fornices, & veluti pontes, per quos aqua tamquam flumen aliquod in urbem duceretur, ceu docet aqua Traiana depicta in numo apud Vaillant. *Num. Imp. p. 47.* De eiusmodi Aquaeductibus Rutil. Numatian. *Itin. I. v. 97.*

*Quid loquar acrio pendentes fornice riuos,*

*Qua vix imbriferas tollet Iris aquas?*

*Hos potius dicas creuisse in sidera montes,*

*Tale giganteum Graecia laudat opus.*

*Intercepta tuis conduntur flumina muris,*

*Consumunt totos celsa lauacra lacus.*

Tales erant Romae aqua Claudia, Curtia, Traiana aliaeque plures, quarum passim in Mar moribus fit mentio. Et sane his aquis non solum ad necessitatem utebantur, sed & ad voluptatem & luxuriam, ad quam in primis comparata erant *Nymphaea*, quorum vestigia sunt in L. 5. L. 6. C. de Aquaeduct. nec non apud Reines. *Inscr. I. Glass. I, 200.* & Ioseph. de Beil. *Jud. I, 16.* Erant haec aedificia publica ambitiosi operis, in quibus aquae corripatae spectantium delectationi



Stationi ac refrigerationi miris modis saliebant, Vid. Pancirol. *Thesaur. Var. Lect.* I, 5. Haec publicis sumtibus solebant exstrui. Sed nec magis sumtibus pepercerunt priuati, qui saepe aquam per omnia cubicula & triclinia ducebant, immo & euripos in his effodiebant, in quibus pisces inter coenandum caperent. Insignia huius luxuriae exempla extant apud Senecam *Nat. Quaest.* III, 17. & *praefat. lib. 1.* Item de *Tranquill. animi* I. Plin. *Epist.* V, 6. (c) Quum ergo aquam saepe procul & per alienos fundos duci oporteret: occasionem id dedit seruituti aquaeductus, de qua plura dabunt Iureconsulti.

XIII. Reliquae seruitutes facile vel ex ipsis XIII. De nominibus intelliguntur, & passim de iis copiose agunt Interpretes, quibus addendi Iac. Cuiuslibet *Interpret.* *Obseru.* XXII, 35. Aeg. Menag. *Amoenit.* Iac. *Iur. Civil.* XXXVI. Vlr. Hub. *Digress.* II, 12. *sequ.* Corn. van Bynkershoek. *Obseru.* IV, 7.

## TIT. IV &amp; V,

DE

VSVFRVCTV, VSV ET  
HABITATIONE.

**H**Ae seruitutes, de quibus adhuc actum, reales sunt: personales vero VSVFRVCTVS,

(c) Huc pertinent etiam riuus aquae fluentis, parietibus inducti, de quibus Emund. Merill. *Variant.* III, 1. & Ger. Noodt *de Vusufr.* I, 12. p. 565.

Ff 5

(4)

458 ANT. ROM. AD INSTIT.  
 CTVS, VSVS, HABITATIO, OPERAE  
 SERVORVM, de quibus his titulis agit Im-  
 perator. Nos post eruditissimas M. Aurelii  
 Galuani & Ger. Noodtii commentationes pau-  
 ca tantum monebimus.

I. Quid  
 veteribus  
 fuerit vti?

I. Ad vocabulum quod attinet: ab *utendo*  
 & *fruendo* dictus est VSVSFRVCTVS. *Vti* re,  
 vt erudite ostendit Ger. Noodt. *de Vsufr.* l. 1. p.  
 526. est, eandem adhibere ad vitae necessita-  
 tem, sed quatenus sufficit, & vt salua maneat  
 eius substantia. Vnde propria vsus tria sunt, pri-  
 mum, vt vtentis necessitate finiatur; alterum,  
 ne rei conditio mutetur: postremum, vt ne  
 res vtendo consumatur, aut pereat. Primum  
 Horatius significat, *Epist.* 11, 2, v. 190.

*Vtar & ex modico, quantum res poscit, aceruo  
 Tollam.*

Secundum patet ex L. 15. §. 1. & 5. D. *de Vsufr.*  
 Tertium notat Donatus in *Terent. prolog. Andr.*  
 VTIMVR *fructibus rei, quae ab amantibus saluo*  
*usu nobis subministrantur*: ABVTIMVR, *quando*  
*deperdimus rem & fructum, vsui est ager, domus:*  
*abusui vinum, oleum, & cetera huiusmodi.*

II. Quid  
 frui?

II. FRVI latius patet ac vti: quemadmo-  
 dum vel ex Seneca patet *de Vita beata cap. X.* vbi  
 Philosophus: *Tu, inquit, voluptatem complecteris:*  
*ego compesco, tu voluptate FRVERIS: ego VTOR.*  
*Fruus* ergo non vtentis necessitate, neque rei  
 conditione circumscribitur: sed qualemcum-  
 que praesentem vtilitatem, commoditatem, ob-  
 lectionemue, quae ex re eiusue occasione per-  
 cipi potest, complectitur, prorsusque adeo ne-  
 que finem habet, neque modum, cœu egregie  
 osten-

ostendit Augustinus *de Doctrina Christ. cap. III.*  
Ger. Noodt. I, 1. p. 526. *sequ.*

III. Vfusfructus ergo neque merum\* fru- III. Quid  
ctum neque merum vsum continet, sed ex vtro- Vfusfru-  
que colligitur. Ex *usu* enim id habet, quod ctus?  
saluam relinquit substantiam: ex *fructu* vero,  
quod non sola necessitate finitur. Adcoque  
est *ius utendi fruendi rebus alienis, salva earum sub-*  
*stantia. L. D. 1. de Vusufr.*

IV. Poterat ergo vsus quidem legari sine IV. Quid  
fructu: sed non fructus sine usu. Non enim Vfus?  
debet, cui plus licet, quod minus est, non lice-  
re. *L. 21. D. de R. I.* Et praeterea *frui* dicimur  
etiam, quum rem plane absumimus, neque sal-  
uam relinquimus substantiam. Quum ergo  
hoc casu nihil reliquum mansurum esset: facile  
patet, inutilem esse proprietatem, si fructus, de-  
ducto usu, legetur. *L. 14. §. 1. D. de Vsu & habit.*  
At vsus, sine fructu legatus, sola utentis neces-  
sitate finitur, saluamque esse oportet non solum  
rei substantiam, sed & conditionem, *L. 12. §. 1.*  
*D. de Vsu. & habit.* Minus ergo continet vsus,  
quam vsusfructus, & hinc ille nec pro parte le-  
gari potest, quod potest vsusfructus. *L. 19. D.*  
*eod. nec etiam res vsui concessa vel donatione vel*  
*locatione, vel vlllo alio titulo, in alterum trans-*  
*ferri, quod itidem poterat Vfusfructus. §. 1. Inst.*  
*eod. L. 12. §. 2. L. 38. seq. L. 67. D. de Vusufruct.*

V. Parum ab usu differt HABITATIO, sed V. Quid  
differt tamen. Nam I. aliquid amplius habita- Habitatio?  
tioni inest quam vsui, siquidem is, cui debetur  
habitatio, totam domum non solum inhabita-  
re, sed & locare vel gratis concedere potest.

*L. 13.*

*L. 13. C. de Vusufr.* quae secus se habent, si solus usus aedium legatus sit. II. Habitatio non amittitur, non utendo; neque III. Capitis diminutione, perinde ut usus, perimitur, ut ex *L. 10. D. de Vsu. Et habit.* a se ingeniose emendata ostendit Ger. Noodt. *Probab. III, 7. p. 79.*

VI. Origo  
horum  
iurium.

VI. Ceterum haec omnia originem debere videntur ultimis voluntatibus. Quum enim morientes alicui bene cuperent, neque tamen eius heredibus consultum vellent: excogitarunt ius illud utendi fruendi, a dominio & proprietate seiunctum, ut, moriente legatario, rei legatae usufructus cum proprietate consolidaretur. Postea etiam aliis modis, veluti stipulatione, quam tamen sequebatur traditio, nec non iudiciis diuisoriis, immo etiam lege, constituebatur usufructus, ut accurate docet Ger. Noodt. *de Vusufr. II, 1. sequ. p. 601. seq.*

VII. Vusu-  
fructus  
quantita-  
tum & iu-  
rium SC.  
introduc-  
tus.

VII. Et initio quidem usufructus in solis constituebatur corporibus, postea SC. prodiit, quod etiam in quantitativis, & iuribus quasi usufructum constituere permettebat, dummodo caueret fructuarius, se finito usufructu tantumdem restitutum. Qua de re Vlpianus *Fragm. XXIV, 26. Et 27. Vusufructus Iure Civili legari potest earum rerum, quarum salva substantia utendi fruendi potest esse facultas, Et tam singularum rerum, quam plurium, id est, partis. Senatusconsulto cautum est: ut etiam, si earum rerum, quae in abusu continentur, ut puta vini, olei, tritici usufructus legatus sit, legatario res tradantur, cautionibus interpositis, de restituendis eis, quum usufructus ad legatarium pertinere defuerit. Eiusdem SC. mentio fit L. 1. D.*  
de

*de Vsufr. ear. rerum. L. 24. D. de Vsufr. leg. L. ult. D. Vsufr. quemadm. caueat. L. 69. D. ad L. Falcid. L. 1. C. de Vsufr.* Quando factum sit id SC. non liquet. Sane non illud adscendit ad tempora Ciceronis, cuius tempore, ceu ex *Topic. cap. III.* patet, corporum tantum, non item quantitatum & iurium erat vsusfructus. Quum vero illud iam interpretati sint Massurius Sabinus, Nerua & Cassius & Proculus, ceu colligi potest ex *L. 5. §. 1. & L. 3. D. de Vsufr. ear. rer.* quos omnes sub Tiberio floruisse constat: hoc quoque, vel certe Augusto imperante, SC. factum esse oportet. Vid. Marc. Aurel. Galuan. *de Vsufruct. cap. III.* Ger. Noodt. *de Vsufr II, 20. p. 589.* Schul-ting. *Iurisp. vet. Anteiustin. p. 658.*

VIII. Ceterum ita constitutus Vsufructus finiebatur vel tempore, ad quod fuerat constitutus, vel morte fructuarii, vel capitis deminutione, vel non vtendo per constitutum tempus, vel facta in iure cessione, vel consolidatione, vel mutatione denique aut interitu rei fructuariae, de quibus omnibus plenius Iureconsulti, inprimis Ger. Noodt. *de Vsufr. II, 5. sequ.* Eadem omnia locum quoque habebant in Vsufructu ciuitati legato. Mori enim & ciuitas videbatur, simulac interiisset, veluti absorpta terrae motu, vel inundatione. Capite minui, si in eam induceretur aratrum. *L. 21. D. Quib. modis Vsufructus vel usus am.* Quemadmodum enim aratrum adhibebatur in condendis vrbibus, eo fine, ut vbi sulcum duxissent Triumviri coloniae deducendae, muri exstruerentur, & eos quodammodo religio occuparet: Vid. *Lib. II, Tit.*

VIII. Qui-  
bus modis  
finitus V-  
sufructus?

*Tit. l. §. 6.* ita aratrum toti areae urbis inductum, eam reddebatur sacram, ut habitari a nullo mortaliū posset. Hinc Zonar. *Tomo II. Annal.* refert, Carthaginis aream Senatū Romanū sacrasse, & decreuisse, ἱεράτον, τὸ ἐν αὐτῇ κατοικῆσαι τινά. *Excrabile fore, ibi quemquam habitare.* Plura de eo ritu habent P. Faber *Semestr. I, 8.* Iac. Racuard. *Coniectan. II, 7.* Quod si neutrum horum contingeret, usufructus saeculo circumactō finiebatur. *L. 56. D. de Vsufr. L. 8. D. de Vsufr. leg. P. Fab. Semestr. l. c. Ger. Noodt. de Vsufr. II, 6. p. 614.*

## TIT. VI.

DE

VSVCAPIONIBVS ET LONGI  
TEMPORIS PRAESCRIP-  
TIONIBVS.

**M**odis acquirendi rerum dominium, Iure Ciuili inuentis, accensenda etiam est VSVCAPIO, de qua singulari hoc titulo agit Imperator. Nos rem ex Antiquitate explicabimus.

I. Vſucapionem, quae & *usus auctoritas* dicta veteribus, ex Iure Attico ad Romanos fluxisse, admodum fit verosimile. Plato certe, qui in plerisque talibus Ius Atticum sequi solet, vſucapionem quoque admittit in sua Republica, Vid. Plat. *de Leg. XII. p. 691.* Sed non nisi mobilium, quibus si quis aperte intra urbem per annum; ruri per quinquennium usus sit, vſucapionem completam esse iusserat. Porro si

I. Vſucapio iure Attico est.

si ruri occulte res haberetur, vsque ad decennium vindicari eam posse volebat, sin extra territorium, aduersus possessorem aeternam auctoritatem fore denunciabat. Et ad leges Atticas procul dubio respicit Isocrates, quando sub persona Archedami ait: ἀλλὰ μὲν ὅδ' ἐκεῖνο ὑμῶς λείληθεν, ὅτι τὰς κτήσεις, καὶ τὰς ἰδίας καὶ κοινὰς, ἢ ἐπιγίγητε πολὺς χρόνος, κυρίας καὶ πατρείας πάντες νομίζουσιν. *Sed nec illud vos praeterit, possessiones, siue priuatas, siue publicas, praescriptione longi temporis & confirmari, & patrimonij loco habendas, persuasum esse hominibus.*

II. Romam eam inuixerunt leges Decem-  
uiales, in quibus ita cautum legimus: VSVS  
AVCTORITAS FVNDI BIENNII, CE-  
TERARVM RERVM ANNVS VSVS  
ESTO. Gothofr. *ad Leg. XII. Tab. Tab. VI.*  
Res ego immobiles Romae biennio, mobiles anno  
vlucapiebantur. Quum vero eo tempore,  
quo XII. Tabulae condebantur, intra Italiam  
consisteret Romana potentia: factum est, vt  
vsucapio non nisi in fundis Italicis vel Italici iuris,  
adeoque in immobilibus rebus tantum  
mancipi haberet locum. Fundorum vero pro-  
uincialium proprietatem nunquam adquirebat  
priuatus, sed populus, (a) adeoque in iis non  
pro-

II. Lex  
XII. Tab.  
de vsuca-  
pionis  
tempore.

(a) Quamuis enim praedia eiusmodi sub conditione annuae praestationis vel prouincialibus, vel ipsis ciuibz concederentur; supremum tamen & directum dominium erat penes populum. Hinc vocabantur praedia stipendiaria & tributaria. Theophil. in §. 40. *Inst. de Rer. diuis.* Vid. Bynckersh. *de Rebus man.* & nec mancipi IX. p. 130. seq.

procedebat vfucapio. Qua de de re eleganter Theophilus in §. 40. *Inst. de Rer. diuis.* οἱ τὰ σπενδιαρια καὶ τριβυτάρια ἔχοντες πάλαι κατὰ συγχαίρεισιν δῆμα ἢ βασιλείας, ἢ ἦσαν δεσπότες. Ἡ γὰρ δεσποτεία αὐτῶν ἢ παρὰ τῷ δήμῳ, ἢ παρὰ τῷ βασιλεῖ, ἀλλ' εἶχον τὴν ἐπ' αὐτοῖς χυρῆσιν, καὶ ἐπικαρπίαν, καὶ πληρῆσάτην κατοχὴν, ὥς ἐ δύνασθαι καὶ ἐφ' ἐτέρων μεταφέρειν, καὶ κληρονόμοις παραπέμπειν. Τῶν γὰρ Ἰταλικῶν ἀγρῶν ἦτοι οἰκίῶν οἱ δεσπότες τὴν δεσποτείαν εἶχον. *Qui olim concessione populi vel Principis stipendiaria vel tributaria praedia habebant, domini non erant: nam dominium illorum erat aut apud populum, aut apud Principem, sed usum & fructum eorum habebant, & plenissimam possessionem, ita ut & transferre possent in alios, & ad heredes transmittere. Italicorum autem fundorum domuumque domini dominium habebant.* Itaque non magis vfucapione adquiri poterat praedii prouincialis dominium, quam rei commodatae aut praedii fructuarii. *Ian. Vinc. Grauin. de Leg. XII. Tabul. p. 317. Res mobiles omnes vfucapi poterant, mancipi aeque ac nec mancipi: atque ita intelligenda illa Vlpiani Fragm. XIX, §. Vfuscapione dominia adipiscimur tam mancipi rerum, quam nec mancipi. Cumc. Paratit. ad tit. C. de Vfuscap. transf.*

III. Vt & de vfucapione peregrinis deneganda.

III. Iisdem legibus Decemuiralibus denegatum fuerat peregrinis ius vfucapiendi, eamque in rem ita cautum: **ADVERSVS HOSTEM AETERNA AVCTORITAS ESTO.** Cicero *de Offic. I, 12.* Hostis tum erat peregrinus, ceu post Ciceronem etiam Caius docet *L. 234. pr. D. de Verbor. signif.* Et hoc sensu Ennius de Scipione Africano.

*Hic*



*Hic est ille situs, cui nemo civis neque hostis*

*Quiuit pro factis reddere operae pretium.*

Quum ergo vsucapio esset modus adquirendi Iuris Ciuilis: non magis communis ea cum ciuibus erat peregrinis, quam mancipatio aut in iure cessio. Videtur tamen postea hoc ius communicatum esse cum Latinis Iunianis, iisque peregrinis, quibus commercium datum erat. Nam hos etiam mancipationis ius habuisse, patet ex Vlpiani *Fragm. XIX*, 4. Post Constitutionem Antonini Caracallae, ciuitatemque cum omnibus ingenuis communicatam non superfuit Latinitatis illius vsus, superfuit tamen peregrinitas, vnde & post ea tempora cum multis peregrinis & barbaris ius nexus, hereditatum, vsucapionis communicari consuevit. Ezech. Spanh. *Orb. Rom. Exerc. II*, 13. *sequent.*

IV. Quod vero Lex XII. Tabularum re-  
rum furtiuarum vsucapionem inhibuit, id de  
ipso tantum fure videtur intellectum, vsque ad  
legem ATINIAM, qua primum cautum, *ut*  
*quod subreptum esset, eius rei aeterna esset auctoritas,*  
*nisi si in eius, cui subreptum esset, potestatem reuertif-*  
*set.* Ita Gell. *Noct. Att. XVII*, 7. Paullus *L. 4.*  
*§. 6. D. de Vsurp. & Vsucap.* Iulianus *L. 33. pr. D.*  
*eod.* Incerta est legis aetas, nisi quod ante Scae-  
uolam, Brutum, & Manilium vt & P. Nigidi-  
um latam fuisse ex Gellio constat. Praeterea  
iam Cicero *Verrin. III.* eius meminit. Vnde non  
admodum a veritate abludere videtur coniec-  
tura Steph. Vin. Pighii *Annal. T. II. p. 255.* le-  
gem hanc A. V. C. DLVI. Caio Cornelio Ce-

IV. Lex  
Atinia de  
vsucapio-  
ne rerum  
furtiuarum.

thego & Q. Minutio Rufo Coss. a C. Atinio Labcone Tribuno plebis latam, existimantis. Exstat Andr. Puluaci *liber singularis ad legem Atiniam, seu de rei furtivae prohibita alienatione*, qui editus Venetiis, MDLXXXV. postea in *Oceano Iuris*, vel *Tractatu tractatum Tom. XVII. Vol. XXIV. p. 216.* locum obtinuit.

V. Leges  
Iulia &  
Plautia de  
vfuca-  
pio-  
ne rerum  
vi posses-  
farum.

V. Sequutae sunt leges IULIA & PLAVTIA (b) de vfuca-  
pionibus, aut potius de vi pu-  
blica & priuata, quibus ad res vi possessas pro-  
latum est, quod de furtiuis statuerat lex Atinia.  
Cautum enim his legibus fuerat, vt res vi posses-  
sae vfuca-  
pi haut possent, longo quantumuis  
tempore, nisi reditu ad verum dominium viti-  
um exuissent. *L. 33. §. 2. D. de Vsurp. & Vfuca-  
p.*  
Legis PLAVTIAE, vel PLOTIAE, iam me-  
minerunt Coelius ad Ciceronem *Epist. ad Fam. VIII, 8.* & ipse Cicero *ad Att. Epist. IV, 16. pro  
Caecin., cap. XXVI. pro Milon. XIII.* nec non  
Sallust. *de Bello Catilin. cap. XXXI.* eaque lata  
est A.V.C. IOCLXIV. Cn. Pompeio Strabone &  
L. Porcio Catone Coss. a M. Plautio Tribuno  
plebis, vt luculenter ostendit Steph. Vin. Pigh.  
*Ann. T. III. p. 228.* Iulia vero, vt recte obser-  
uat Hotomanus *de Legib. p. 77.* non alia est ac il-  
la, quam de vi publica & priuata tulit Augustus.

Et

(b) Iura nostra de his legibus tamquam de vna loquun-  
tur. Legem *Plautiam* & *Iuliam* commemorant Iulia-  
nus d. *L. 33. §. 2. D. de Vsurp. & Vfu.* & Tribonianus  
*§. 2. inst. h. t.* Sed diuersas fuisse leges *Iuliam*  
& *Plautiam*, vel *Plotiam*, hancque illa multo esse  
antiquiorem, certissimum est, ac paullo post demon-  
strabitur.

(c)

Et quia in illam procul dubio & Plautia migravit, inualuit, ut iuncto nomine diceretur Iulia & Plotia, quemadmodum *Iuliae & Papiae* vocabulum duas diuersas legas coniungit.

VI. His attextenda lex SCRIBONIA, quae VI. Lex & ipsa ad vfucapionem pertinuit. Eam aliqui <sup>scribonia de feruitu- tibus non vfucapi- endis.</sup> Coclio Curioni, Tribuno plebis: alii, & in his Galuan. *de Vfufr. cap. XII.* L. Scribonio Liboni, qui anno Idcccxxi. cum M. Antonio Consulat- tum gessit, alii denique, & maxime Racuardus *ad Leg. Scribon. l. p. 794.* huius nepoti L. Scribonio Liboni tribuunt, quem Tiberii temporibus cum Sisenna Tauro Consulem fuisse, ex Dione Cass. *LVII. p. 701.* adparet. Cuius legis sensus ut eo expeditior sit, notandum est, antiquissimis temporibus seruitutes vfucapi haur potuif- se. Quum enim possessionem requireret vfucapio, *L. 25. D. de Vfurp.* quae in seruitutibus, utpote incorporalibus, locum non habere videbatur: *L. 32. D. de Seru. urb. praed. & L. 43. D. de Acquir. rer. dom.* factum est, ut nec vfucapi posse crederentur, maxime quum in duodecim Tabulis nihil esset de rerum incorporalium vfucapione statutum, *L. 14. pr. D. de Seruit* & praeterea vfucapio sit modus acquirendi dominium, seruitutis autem dominium nullum esse posset. Ast licet non esset seruitutum possessio: erat tamen earundem vfus, quem deinde prudentes quasi pro possessione acceperunt, adeoque interpretatione sua etiam seruitutum, saltim rusticarum, vfucapionem inuexerunt. Clarissime hoc elucet ex verbis Ciceronis *pro A. Caecin. XXVI. Aquaeductus, haustus, iter, actus, a-*

patre; sed rata auctoritas harum rerum omnium a Iure Civili sumitur. Quum vero haec quasi vsucapio servitutum a prudentibus inuenta a veteris Iurisprudentiae principiis videretur abhorrere: lata demum est lex Scribonia, qua servitutum vsucapio penitus sublata est. *L. 4. §. ult. D. de Vsurp. & Vsuc.* Neque dubium est, quin ea lex ad omnes in vniuersum servitutes pertinuerit; siquidem hoc ius vsitatum fuisse generaliter, scribit Vlpianus. *L. 10. §. 1. D. de Vsurp. & Vsucap.* Attamen etiam post hanc legem is, qui longo tempore non vi, clam, vel precario vsus erat servitute, vtili actione a Praetore adiuuabatur. *L. 10. D. Si Servit. vind.* Demum & Iustinianus legem Scriboniam satis aperte sustulit, & servitutum quoque omniumque rerum incorporalium praescriptionem admisit *L. ult. C. de Praescript. long. temp.* Conf. Racuard. *l. c.* Ant. Schulting. *Jurisp. vet. Anteiust. p. 256. sequ.*

VII. Longa possessio capio rerum immobilium inuenta.

VII. Haecenus de vsucapione, cui leges Decemvirales, vt dixi, in rebus mobilibus anni, in fundis biennii spatium praefinierant. Quandoquidem enim tunc ciuitate agrisque perpetuo ciues detinebantur, rariusque relicto natali solo Italia egredi consueuerant: tam breue temporis spatium rebus vsu acquirendis, habita inter praesentes & absentes nulla distinctione, sufficere credebatur. Iac. Racuard. *Tribon. IV. p. 772.* Quum vero sensim Romani longe lateque proferrent Imperii fines, partim Edictis, partim Principum Constitutionibus in eius, quod lege antiqua rebus immobilibus vsu acquirendis datum fuerat, spatii locum eatenus lon-

longius temporis interuallum surrogari coepit, vt vbi vsucapio cessaret, veluti in praediis prouincialibus, praescriptione saltim hoc ius posset adquiri. §. 2. *Instit. de Vsue*. Vnde res immobiles prouinciales non biennio, sed longo tempore vsu adquirebantur, id est, vt Paullus *Recept. Sent. V. 2. 3.* interpretatur, *inter praesentes decennii, inter absentes vicennii spatio continuo*. Quum vero antiqua illa ac Decemuiralis adquisitio vsucapio diceretur: noua haec dicta est LONGA POSSESSIONE CAPIO. *L. 4. fin. D. Pro Emt. l. ult. D. eod.* vel LONGAE POSSESSIONIS PRAEROGATIVA. *L. 5. D. de Itin. actuque priu.*

VIII. Qua in re vero ab vsucapione distincta fuerit illa longa possessione capio, luculenter suo more ostendit Iac. Raenard. *Tribon. VIII. sequ. p. 776.* Illa ciuilis erat, haec partim ciuilis, partim honoraria. Illa exiguo; haec longiore tempore constabat. In illa nulla absentiae praesentiaeque ratio habebatur: in hac multum intererat, praesentium an absentium ius excludendum esset. In illa tempus semper certum erat, in hac nonnumquam incertum, quoties scilicet quis titulum probare non poterat. Tum enim requirebatur vetustas, cuius origo excederet memoriam, eaque legis vicem tenebat, teste Vlpiano *L. 1. fin. D. de Aqua. & aqu. plu. arcend.* Denique quum vsucapio rerum immobilium tantum in Italico solo procederet: *princip. Inst. de Vsucap* longa possessione fundi tam prouinciales quam Italici iuris capi poterant, vt crudite demonstrant Theophilus *pr. Inst.*

VIII. Differentiae inter vsucapionem & longam possessionem.

*b. t. & Jac. Racuard. Tribon. X, p. 781 sequ.*

IX. Iustini-  
ani Con-  
stitutio. IX. Sed Iustinianus *L. vn. C. de Vfuscap. transf.*  
vſucapionem rerum immobilium & longi tem-  
poris præſcriptionem in vnam veluti maſſam  
conflauit, reſque mobiles triennio, immobiles  
inter præſentes decennio, inter abſentes vicen-  
nio vſucapi voluit. Negat Racuardus, eius rei  
iuſtam rationem habuiſſe Imperatorem, quia  
hæc omnia, quæ de vſucapione rerum immo-  
bilium ſanxit, iamdudum ante eius tempora  
Prætorum Ediſtis Principumque Conſtitutio-  
nibus fuerint inueſta. Quare & hic Iuſtiniani  
prudentiam legiſlatoriam requirit in *Tribon. X.*  
*p. 781.* Sed ea de re alibi erit dicendi locus.

X. Quid  
Vfurpa-  
tio? X. Ceterum quum tempus in vſucapioni-  
bus deberet eſſe continuum: interruptio illius  
dicebatur VSVRPATIO, *L. 2. & L. 5. D. de*  
*Vfurp.* & de hac re egit Appii Claudii liber de  
Vſurpationibus, cuius meminit Pompon. *L. 2.*  
*§. 6. D. de Orig. iur.* Sunt tamen & aliæ huius  
vocis ſignificationes. Sic vſurpari dicitur ſer-  
uitus, quæ vtendo retinetur. *L. 6. §. 1. L. 8. fin.*  
*L. 9. L. 16. D. Si ſeru. vind.* Immo & vſurpata di-  
citur ſeruitus, quæ amiſſa vſu iterum adquiſita  
eſt. *L. 40. §. 1. D. Ex quib. cauſſis mai.* Reliqua,  
quæ ad hunc titulum pertinent, a Doctõribus  
pleniùs ſolent inculcari.

## TIT. VII.

DE

## DONATIONIBVS.

**I**Nter modos acquirendi Iuris Gentium etiam  
DONATIO eſt. Modis tamen adqui-  
rendi

rendi Ciuilibus eam accensuit Caius, quia tunc ex lege Cincia non valebat donatio, nisi sollemniter & per mancipationem facta. Frid. Brummer. *ad Leg. Cinc. cap. XIII.* Quod quamuis mutatum esset tempore Iustiniani: noluit tamen Tribonianus Caii ordinem turbare. Plura hanc in rem diximus in *Additionibus ad Vinn. p. 253.* Hic, quum ritus nonnulli obseruati sint in donationibus, ii paullo accuratius videntur ex Antiquitatibus Romanis explicandi.

I. DONATIONES veteri Iure in varia genera discescebantur. Aliae erant *simplices*, aliae *remuneratoriae*. Illae iterum vel *mortis causa*, vel *inter vivos* fiebant; ad posterius genus etiam donationes *propter nuptias* referendae.

I. Donatio-  
nes quo-  
tuplices.

II. DONATIONES, quae ob causam fiebant, MVNERA; reliquae generatim DONA (a) adpellatae sunt. Corn. Fronto *de Differ. verb. p. 1331.* MVNVS, quod *amicus vel cliens*, vel *libertus officii causa* mittunt. Possunt & illa *nihilominus DONA* dici, quae donant *pauperibus diuites vel potentes*. Illud quoque donum putandum est, quod *militibus donatur in castris*, ut *corona vallaris*. Clarus Vlpianus L. 194. D. de Verb. sign. Inter DONVM & MVNVS hoc interest, quod inter genus & speciem: nam genus esse donum, Labeo a donando dictum: munus speciem. Nam munus esse donum, cum

II. Differ-  
entia do-  
ni & mu-  
neris.

(a) Vix ergo locum habet obseruatio Agraetii apud Dionys. Gothofr. *Vet. Gramm. p. 1348.* Donum dantis est, munus accipientis: illud a dando, hoc a munendo vel monendo dicitur.

*eum causa, ut puta natalitium, nuptialitium. Et Marcianus L. 214. D. eod. MVNVS proprie est, quod necessarie obimus, lege, more, impericie eius, qui iubendi habet potestatem. DONA autem proprie sunt, quae nulla necessitate iuris, officii, sed sponte praestantur, quae si non praestentur, nulla reprehensio est, Et si praestentur, plerumque laus inest. Vbi adde, quae notat Goeddeus.*

III. Dona  
& munera  
Romae  
fr. en-  
tissima.

III. Et initio quidem & munera & dona rara admodum erant in tanta veterum paupertate, etiam inter cognatos & personas coniunctas, ut patet ex Excerpt. Peirescian. p. 154. vbi Polybius, de rebus Aemiliae matri a P. Scipione donatis agens: τῷτο δὲ, inquit, πανταχὶ μὲν ἂν ἐκότως φαίνοιτο καλόν, ἐν δὲ Ῥώμῃ καὶ Θανμασόν, ἀπλῶς γὰρ κείνης ἐδὲν δίδουσι τῶν ἰδίων ὑπαρχόντων ἑκὼν ἐδίω. *Atque id, quum ubique praeclarum, tum Romae admirabile videatur esse, quia in urbe nemo quidquam sponte alteri de suo donat. Postea crescente luxuria, nihil fuit Romanis in donando magnificentius. Munera & dona patronis mittebant clientes & liberti, dominis serui, Principibus & Magistratibus ciues, amicis amici, cognatis cognati, (b) & quidem variis occasio-*  
nibus,

(b) De clientum liberalitate erga patronos iam supra Cornelium Frontonem audiuius. De donis & munusculis, quae liberti praeter operas debebant, videndus Caius Inst. II. 9. 4. Quintilian. Declam. ult. Nec seruos ab illo donandi onere immunes fuisse, docet Terent. Phorm. I. 1. v. 5. sequ. vbi Dauus:

*Nam berilem filium eius duxisse audio  
Vxorē, ei, credo, munus hoc corraditur.*

*Quam*



nibus, quarum praecipuas hic considerare operae fuerit pretium.

IV. Praecipue donis & muneribus celebra- IV. Veluti  
bantur Kalendae Ianuariae, quibus strenae strenae.  
mittebantur vel munuscula, dulcia praesertim,  
boni ominis causa, veluti Caricae, id est, ficus  
in Caria provenientes, quarum optimae erant  
Cauniae. Gronou. *Diatr. in Stat. Papin. Cap.*  
*XIV. p. 77.* caryotides, mella, huiusque gene-  
ris alia, ut a rebus dulcibus dulces anni  
dies

*Quam inique comparatum est, hi, qui minus  
habent,*

*Ut semper aliquid addant ditioribus?*

*Quod ille vnciatim vix de demenso suo,*

*Suum defraudans genium, comparfit miser,*

*Id illa uniuersum abripiet, hanc existimans,*

*Quanto labore partum. Porro autem Geta*

*Ferietur alio munere, ubi erit puero natalis  
dies,*

*Vbi initiabunt: omne hoc mater auferet:*

*Puer caussa erit mittendi.*

Imperatoribus missa munera, Inprimis Kalendis Ianuariis, patet exemplo Augusti apud Sueton. *Octau. LVII.* Tiberius vero eum donandi morem edicto inhibuit, strenasque oblatas respuit. Dio Cass. *LVII. p. 613.* Caligula eas se recepturum, edixit. Suet. *Calig. XLII.* Claudius eas denuo edicto sustulit. Dio. Cass. *LX. p. 659.* Postea vix quisquam Imperatorum eiusmodi munuscula respuit. Magistratus provinciales dona & munera non poterant iure recipere; mittebantur tamen iis xeniola. *L. 6. §. 3. D. de Off. Praef. L. 18. D. de Off. Praesid.* Vnde mira contentia Ciceronis, qui in provincia etiam xeniola illa respuit. Cicero *ad Attic. Epist. V, 10.*

dies auspicarentur. Quam in rem egregia multa habet Ios. Scalig. *ad Tibull. lib. I. Martialis Epigr. VIII, 33. v. 11.*

*Hoc linitur sputo Iani caryota Kalendis,*

*Quam fert cum paruo sordidus asse cliens.*

Et *Epigr. XIII, 27.*

*Aurea porrigitur Iani caryota Kalendis,*

*Sed tamen hoc munus pauperis effat solet.*

Ditiores aurum & argentum mittebant, praecipue Imperatoribus, ut Augusto apud Sueton. *Octau. LVII.* Theodosio & Arcadio apud Symmach. *Epist. X, 18.* Sed & aliis occasionalibus, veluti ob victoriam, quinquennalia, decennalia, &c. Imperatoribus offerebantur dona. Et inde est *aurum oblatitium*, de quo *L. 5. L. 9. L. 14. C. Theod. de Senat. Lib. VI. tit. 2.* id est, aurum a Senatoribus & viris clarissimis sponte promissum. Decuriones enim & Curiales iis occasionalibus offerebant aurum coronarium, de quo integer titulus est in Codice Theod. puta *Libro XII. tit. XIII.* ad quem praecclare docet Gothofredus, iam libera Rep. parta victoria Ducibus triumphaturis offerri consuevisse coronas aliaque munera ad ornandum triumphum, & inde ortum esse aurum coronarium, quod a bonis Principibus saepe remissum, a malis reuocatum esse copiose ostendit. Vide eius *Comment. ad Cod. Theod. Tom. IV. p. 602.* Nec Kalendis tantum Ianuariis, sed & diebus proxime insequentibus strenas mittebant. Et inde est, quod Festus *voce strenas p. 447.* hoc munus ita dictum putat, a numero, veluti TRE-NAM vel *trinam*, quippe quo *significatum sit,*  
al-

*alterum tertiumque venturum similis commodi* Sed  
 fustulit illam donandi licentiam Tiberius, edi-  
 ctoque cauit, ne strenarum commercia ultra  
 Kalendas Ianuarias exercerentur. Sueton. *Ti-  
 ber. XXXIV.*

V. Porro viri Saturnalibus: feminae Matro- V. Apo-  
 nalibus, id est, Kal. Martiis, strenas atque apo-phoreta,  
 phoreta dabant & accipiebant. Apophoreto-Saturnalia  
 rum in Saturnalibus (c) exempla sunt apud Sue-& Matro-  
 ton. *Ollau. LXXV. Vesp. Cap. XIV.* & Martial.  
*Epigrammatum libro XIV.* qui totus huc pertinet.  
 De Matronalibus Tibullus. *Eleg. III, 1. v. 1.*

*Martis Romani festae venere Kalendae:*

*Exoriens nostris hinc fuit annus auis.*

*Et vaga tunc, certa discurrunt undique pompa*

*Perque vias urbis, munera, perque domos.*

Et Martialis *Epigr. 24.*

*Natales mihi Martiae Kalendae,*

*Lux formosior omnibus Kalendis,*

*Qua mittunt mihi munus & puellae*

*Quinquagesima liba.*

Et *Epigr. V, 84. v. 10.*

*Scis certe, puto, vestra iam venire*

*Saturnalia, Martias Kalendas,*

*Tunc reddam tibi, Galla, quod dedisti.*

Vnde est, quod Kalendas has Martias Kalendas  
 femineas adpellat Iuuenal. *Sat. IX. v. 53.* Quum  
 vero multi Saturnalibus audius a clientibus  
 exi-

(c) Haec apophoreta dicta etiam *figillaria*. Sueton.  
*Claud. V. Spartian. Hadr. XVII.* Alias ipsa Satur-  
 nalium dierum adpendix dici consuevit *figillaria*, a  
 figillis vel parvis imaginibus, quibus pro se & suis  
 piaculum Saturno faciebant. Macrobi. *Sat. I, 13.*

exigerent munera: Publicia lex lata est a Publicio, Tribuno plebis, ut non nisi cerci ditioribus mitterentur. Macrobi. *Saturn. I. 7.* Quae lex eadem videtur cum illa, qua vetitum, ne quis in pecuniam luderet, sponsionemue in ludo, nisi qui virtutis causa susceptus esset, faceret, de qua *L. 3. D. de Aleatorib.* Tota enim lex procul dubio fuit sumtuaria.

VI. Munera natalitia.

VI. Solebant & diebus natalibus munera accipere honoratiores atque amici. Martialis *Epigr. IX, 54.*

*Natali tibi, Quinte, tuo, dare parua volebam  
Munera, tu prohibes, imperiosus homo es.*

Et alibi *Lib. VIII. Epigr. 64.* lepide exagitat Clytium, qui ut noua semper munera natalitia auferret, septies octiesue in anno natalem celebrabat. A natalibus diuersa *χαρισία*, id est, sollemne conuiuium, cui tantum cognati intererant, litium ponendarum & amoris instaurandi gratia institutum. Val. Max. II, 1. Hic aeque ac in natalibus dabantur munera. Inprimis mittebantur aues, (Martialis. *Epigr. IX, 56.*) die natali & annuli, lunulae, aliaque huius generis ad mundum muliebrem pertinentia. Plaut. *Epidic. V, 1. v. 33.* Vestis cubitoriae natali suo sibi donatae meminit dispensator Trimalcionis apud Petron. *p. 14.* ubi conferendae Iani Woweri aliorumque doctissimorum virorum adnotationes, *p. 150.* ex quibus patet, caenatorias eiusmodi vestes a clientibus mitti consueuisse patronis. Nec modo accipiebant natalibus suis munera, sed & dabant, ut patet ex Inscriptione apud Gruter. *p. CCCCXIV, 2.*

HIC.

HIC. ARCAE. AVGVSTALIVM. SE.  
VIVO. HS. XX. DEDIT. VT. EX.  
REDITV. EIVS. SVMMAE. DIE. NA-  
TALI. SVO. IV. KAL. FEBR. PRAE-  
SENTES. VESCERENTVR. ET. OB.  
DEDICATIONEM. STATVAE. DE-  
CVRIONIBVS. ET. SEVIRIS. ET. IV-  
VENIBVS. SPORTVLAS. ET. POPV-  
LO. EPVLVM. ET. OLEV. EADEM.  
DIE. DEDIT.

Et p. DLXXI, i. alius municipio HS. LXV.  
legat. VT. EX. REDITV. EIVS. SVM-  
MAE. QVOTANNIS. VIII. ID. NOVEM-  
BRIS. NATALE. SVO. MVNICIP. EPV-  
LVM. ET. CRVST. ET. MVLSVM. DA-  
RETVR.

VII. Die octauo a natali puellae; nono VII. Item-  
pueri lustrabantur, accipiebantque nomina. Fe- que die-  
stus voce *lustrici* p. 507. *Lustrici dies infantium ad-* bus lustr-  
*pellantur puellarum octauus, puerorum nonus, quia* cis missa.  
*his lustrantur, atque eis nomina imponuntur.* Addi  
possunt Macrob. *Saturn. I, 16.* Plutarch. *Quaest.*  
*Rom. p. 288.* Vnde hi *dies nominum* adpellantur  
apud Vlpian. *Fragm. tit. XV.* Ita enim ibi le-  
gendum esse pro *nonum diem*, ex codice Tiliano  
ostendit Em. Merill. *Obs. II, 33.* Fiebat haec  
*lustratio*, vel ut Terent. *Phorm. I, 1.* vocat, *initia-*  
*tio*, impositioque nominum variis adhibitis sol-  
lemnitatibus. Expiatum enim infantem, &  
aduersus fascinum probe praemunitum, exi-  
mebant cunis, & per aedes dirissimorum ciui-  
um boni ominis caussa, nec non ob religionem  
per Deorum Dearumque templa circumfere-  
bant.

bant. *Perf. Sat. II, v. 31. Suet. Calig. Cap. XXV. Ner. Cap. VI.* Hinc porro nomen accipiebat infans & vocabantur ad epulum propinqui: Iul. Capitolin. *Clod. Albin. IV.* & denique intra trigesimum a natiuitate diem professio natalitia ad acta fiebat. Ita enim intelligendum esse locum Iulii Capitol. *in vit. Marc. cap. IX.* ostendimus in *Comment. ad L. Iul. & Pap. II, 14. p. 266.* Tunc ergo dona & munera mittebantur infanti eiusue matri, idque est, quod significat Terent. *Phorm. I, 1. v. 13.*

*Ferietur alio muncere, ubi erit puero natalis dies.*

*Vbi INITIABUNT: omne hoc mater auferet:*

*Puer causa erit mittendi.*

VIII. Nuptialia dona.

VIII. Nec praetermittenda munera nuptialia. Neque enim temere quisquam conuiuiis nuptialibus intererat, quin munusculo sponso sponsaeque oblato beneuolentiam testaretur. Et haec sunt *nuptialia munera*, (d) quorum mentio fit apud Iureconsultos. *L. 1. §. 6. D. de Tut. & rat. distrab. L. 13. §. 2. D. de Administr. tut.* Quae nonnunquam tam magna erant, ut sponsae vel ad dotem, sufficerent. Quinctiliani sane filiae Nonio Celeri nubenti *L. millia numum* contulit Plinius. Vid. *Epist. VI. 32.*

IX. Xenia hospitibus missa a liaeque liberalitatis exempla.

IX. Liberalitatem non minorem ostentabant, in donandis hospitibus. His missa munera

(d) Item *munera nuptialicia. L. 194. D. de Verbor. sign.* Apud Ciceron. pro *A. Cluentio VI. IX.* & Apulei. *de Asino aureo VI.* nuptialia dona paullo aliter accipiuntur, pro muneribus, quae ante contractas nuptias mulieri a viro offerebantur.

(e)

nera XENIA κατ' ἐξοχὴν adpellata sunt. Plin. *Epist.* VI, 31. *Summo die, abeuntibus nobis xenia sunt missa.* Sed saepe diuites ac potentiam adfectantes, donis plane priuati sortem transgressis, plebeiorum animos, liberalitatisque laudem sibi conciliare studebant. Exemplo esse potest Plinius, qui Curiano, Gratillae filio, legatum remisit, Plin. *Epist.* V, 1. Voconi Firmo census equestrem suppleuit, Id. *Epist.* I, 19. Martialem viatico iuuuit, idem *Epist.* III, 21. Artemidoro Philosopho, vrbe excedere iusso sub Domitiano, pecuniam, qua opus erat, a locupletibus negatam, ipse mutuatus gratuitam dedit, Id. *Epist.* III, 11. Caluinae patris debita remisit. Id. *Epist.* II, 4. Vt alia stupenda prorsus liberalitatis exempla praetermittamus.

X. Et olim quidem libere quisque donare poterat, quantum vellet. At postea A. V. C. <sup>Cinciae de donis & muneribus caput primum.</sup> Cinciae M. Cincio Alimento, Tribuno plebis, lata est lex CINCIA, quam & MVNERALEM vocat Plautus apud Festum *voce muneris*.

p. 323. Eius primo capite cautum, ne quis ob causam orandam donum munusue caperet. Vid. Cic. *Epist. ad Attic.* I. ult. Tacit. *Annal.* XI, 5. XIII, 42. Quum enim instituto iure patronatus, de quo supra *Lib. I. Tit. II. num. XXIX.* patroni pro clientibus gratis postularent: hi gratum animum ostensuri patronis Kalendis Ianuariis, Saturnalibus, natalibus, varia xeniola, strenas & munuscula offerebant, quae deinde a rabulis in debiti necessitatem transformata, adeo plebem premebant, vt patriciis veluti stipendiaria viderentur. Hinc veterem morem reduxit Cincius.

cius. Vid. Fridr. Brummeri V. C. *Comment. ad Leg. Cinc. III. sequ.*

XI. Variæ huius legis relationes & mutationes.

XI. Paulo post ea lex obsoleuit. Contemtu tamen oppressam renouauit Augustus Imperator, poenamque quadrupli adiecit. Iterum defuetudine abolitam, quum reuocari non posset, Claudius ita temperauit, vt ne oratores ultra dena sestertium caperent. Tacit. *Ann. XI, 5.* Sub Nerone lex iterum pristino vigori reddita, at sub finem eius imperii, vel certe paullo post, Constitutio Claudii renouata. Addidit Traianus SC. ut omnes litigantes iurarent, antequam agerent, nihil se ob aduocationem cuiquam dedisse, promississe, cauissse, peractis vero causis, non nisi dena sestertium dare liceret. Post ea tempora adeo exspirauit lex ista, vt honorario Aduocatorum tantum non sordidum mercedis nomen obueneret, neque dubitarent Iureconfulti statuere, locationem conductionem intereederet inter Aduocatum & clientem, *L. 38. § 1. D. Locati. L. ult. C. de Condit. ob. caus. dat.* Immo iam ante multae fraudes huic legi factae erant per xenia, strenas, natalitia, captationes ultimarum voluntatum, palmaria, redemptiones litium, aliasque huiusmodi artes, quas crudite, vt solet, explicat laudatissimus Brummerus. *l. c.*

XII. Eiusdem legis caput aliud.

XII. Alio eiusdem legis capite cohibebantur donationes intra certam summam, quae tamen hodie ignota est: (e) neque licebat cuiquam

(e) Quanta fuerit haec summa, nondum constat, Franc. Hotomanus *de Donat.* IX. negat, quemquam potuisse donare



quam plus donare, quam lex permiserat, nisi donatio vel publica esset, vel remuneratoria, vel cognatis personisque coniunctis facta. Si plus donatum fuerat: non tota donatio, sed qua legitimum modum superabat, rescindebatur; (f) si acu rem tetigit Brummerus ad *Leg. Cinc. XII.*

## XIII.

donare ultra dodrantem bonorum. Sed id nullo fundamento dñci ostendit Brummer. ad *L. Cinc. XII.* Alii ducentos tantum aureos donari potuisse, existimant, *L. 34. C. de Donat.* Sed nec hoc certius videtur, istam legem de lege Cincia loqui, nec recte infertur, quia donationes CC. aureos excedentes ea lege iubentur insinuari, ideo eas lege Cincia fuisse prohibitās. Maximarum sane donationum exempla existant apud Plin. *Epist. VI, 25. & 32. II, 4. VIII, 14. I, 19.* Vnde satis magnam oportet fuisse summam hac lege præfinitam. Schulting. ad Vlpian. p. 561. seq.

(f) Ita Brummerus ob Vlpiani locum, qui exstat *Fragm. I, 1. Imperfecta lex est, veluti Cincia, quae supra certum modum donari prohibet, exceptis quibusdam cognatis, sed si plus donatum sit, donationem non rescindit.* Vnde colligit vir doctissimus, donationem ex hac lege pro parte, qua modum excedebat, fuisse rescissam. Enimuero sic perfecta fuisset lex Cincia. Rectius itaque dixeris, ex lege Cincia donationem etiam immodicam ipso iure valuisse, exceptionem tamen datam fuisse ei, qui conveniebatur ex sua liberalitate ultra modum a lege definitum, *L. 21. §. 1. L. 24. D. de Donat. L. 5. §. 2. & 5. D. de Dol. mal. & met. except.* quae exceptio etiam fideiussori proderat. *L. 24. D. de Donat.* Proditā quoque fuisse videtur actio rescissoria, qua rescindebatur, quod fuerat ultra modum donatum. *L. 21. §. 1. D. eod.* Quibus remediis non fuisset opus, si ipsa lege Cincia irritum fuisset, quod erat ultra modum legitimum donatum. Vid. Ant. Schulting. ad Vlpian. l. c. p. m. 562.

H h

(2)

XIII. Caput tertium eiusdem legis.

XIII. Alio huius legis capite cautum fuerat, ut in donatione, quibusque personis facta, mancipatio traditione interueniret, exceptis donationibus conditionalibus & mortis causa factis. Brummerus *ad Leg. Cinc. XIV.* Exemplum extant in marmoribus Gruterianis, quae egregie illustrat idem Brummerus.

XIV. Variarum horum capitum relationes & mutationes.

XIV. Accesserunt postea varia SC. variaeque Constitutiones, quibus legi Cinciae subinde vel abrogatum, vel derogatum est. Sic postea inualuit, ut inter personas coniunctas donatio valeret, quibuscumque verbis facta, etiam si nulla intercessit mancipatio. Paull. *Sent. Recept. IV, 1. 11. & V, 11. 4.* idque introductum est Constitutione D. Pii, cuius mentio fit *L. 4. C. Theod. de Donat.* Sane ante haec tempora etiam cognati, personaeque coniunctae in donationibus ius commune, hoc est, legem Cinciam, sequebantur, ut patet exemplo matris Voconii Romani, quae donationem sestertii quadringentis, non prius legitime peregissee videbatur, quam fundos emancipasset, teste Plin. *Epist. X, 3.* Brummer. *ad L. Cinc. XIII.* Idem D. Pius primus vetuit, ne posset donatarius ulterius conueniri, quam in quantum facere posset. *L. 20. L. 41. §. ult. D. de Re iud. L. 28. D. de R. I.* Sic & miles donare non poterat *focariae L. 2. C. de Donat. int. vir. & vx.* immo nec heredem illam instituire, ut vulgo colligunt ex *L. 14. D. de Illis quae ut indign.* Aliud tamen adparet ex marmore apud Grut. *Inscr. p. MGVII, 3.* D. M. M. AVRELI VITALIS MILITIS CL. PR. ANTONINIAN. RAVENN. NATIONE PANN.

PANN. III. PROVIDENTIA STIP.  
XXVIII. VALERIA FAVSTINA FOCA-  
RIA ET HERES EIVS BENE MEREN-  
TI POSUIT. Conf. Merill. *Obferu. Lib. VIII.*  
32. p. 124. Ipsine legi Cincia, an Principum  
Constitutionibus id debeat, quod ei, qui ali-  
quem a latronibus vel hostibus eripuerat, in in-  
finitum donare liceret, dummodo donatio, &  
non merces laboris adpellaretur, non facile di-  
xeris. Exitat eiusmodi exceptio apud Paullum  
*Recept. Sent. V, 11. 6* & verbis nescio qua ratione  
immutatis *L. penult. §. vlt. D. de Donat.*

XV. Inualuerat etiam, vt donatio fieri non  
posset verbis generalioribus, sed singulae res,  
quas quis esset donaturus, enumerari deberent.  
*L. 1. Cod. Hermog. de Donat.* Ex quo patet, acuo  
adhuc Diocletiani hoc ius obtinuiffe. Ita  
enim ibi Diocletianus & Maxim. Augusti: *Non  
est iuris incerti, (in emancipatum donatione ali-  
quid transferri non posse,) si generaliter eidem par-  
tem tertiam bonorum donasti, quia generaliter bono-  
rum portio donari non potest, quum singulae res nomi-  
nari debeant, quae donatione, mancipatione, vel in iure  
cessione transferuntur.* Scilicet quia in donatione  
requirebatur mancipatio: haec fieri non aliter  
poterat, nisi per adprehensionem rei. Vnde  
Vlpian. *Fragm. XIX, 6. Res mobiles non plures  
mancipari possunt, quam quae manu capi possunt: im-  
mobiles autem etiam plures simul.* At secus tamen  
se res habebat inter patrem & filium suum, cui  
partem bonorum donare licebat, Idque patet  
ex inscriptione apud Gruterum, p. Icccclxxx,  
3. qua pater liberis omnibus bonis cedit:

Hh 2

MA-

484 ANT. ROM. AD INSTIT.  
 MARVLO ANTIOCHENO.  
 HELENÆ. TERTVLLIANÆ. P.  
 MARVL. PAT.  
 VIVENS. BONIS. CESSIT.  
 PARTE. SIBI. QVOAD. VIXER. RE-  
 TENTA.

Vid. V. C. Schulting. *Not. ad Cod. Hermog. p.*  
*m. 713. sequ.*

XVI. Do-  
 natio facta  
 a parenti-  
 bus.

XVI. Quæ filiis suis donabant parentes,  
 magis destinata videbantur voluntate paterna,  
 quam donata. *L. 11. C. b. t.* Hinc requirebatur,  
 ut pater in ea voluntate perseverans decesserit.  
*Paull. Rec. Sent. V, 11. 3.* Tamen ne sic quidem  
 rata erat donatio, ita, ut res donata posset a filio  
 usufructuari, nisi eadem res arbitrio familiae erci-  
 scundæ esset adiudicata. *L. 18. C. Famil. ercisc.*  
 Unde & parentes praelegare solebant liberis,  
 quæ viui donauerant. Vid. *Plin. Hist. Nat.*  
*XXXIII, 2.* At nouissimo iure id quoque mu-  
 tatum est *L. 25. C. de Donat. inter vir. & vx.*

XVII. In-  
 sinuatio  
 ad acta  
 introducta  
 a Constan-  
 tino Chlo-  
 ro, postea  
 subinde  
 mutata.

XVII. Aliam mutationem ius istud subiit  
 tempore Constantini Chlōri, qui omnes dona-  
 tiones in scriptis fieri, actisque insinuari iussit.  
 Eius deinde Constitutionem confirmavit filius  
 Constantinus Magnus. *L. 1. C. Theod. de Spon(al.*  
*Postea Theodosius & Valentinianus non mo-*  
*do scripturam remiserunt, sed & insinuatio-*  
*nem, si donum ducentos aureos non excederet.*  
*L. 29. C. b. t.* Idem Principes etiam secundum  
 caput legis CINCLAE de certa donationis  
 summa sustulisse dicuntur. (g) Ast Iustinianus  
 sum-

(g) Ita Brummerus V. C. *ad L. Cinc. XIII.* qui id colligit

iummam actis insinuandam primo ad trecentos, mox ad quingentos aureos extendit, exceptis quibusdam donationum speciebus. *L. 34. L. 37. C. eod. Conf. Brummer. ad Leg. Cinc XII. sequ.* inter quas & remuneratoriam esse, docet Cuiac. *Obs. XXVII, 40.* Videtur tamen etiam Iustini tempore saepe scriptura adhibita, ut docet fragmentum vetustae donationis, Iustini aeuo, Maximo Consulatum gerente, factae, quod recenset Barn. Brissou. *de Formul. VI, p. 558.*

XVIII. Ad donationes propter nuptias XVIII. quod attinet, earum naturam satis accurate exponit Imperator §. 3. *Inst. b. t.* Alias quidem <sup>Donatio propter nuptias.</sup> inter virum & uxorem constante matrimonio donatio non valebat, nisi certis ex causis, veluti mortis causa, serui manumittendi gratia &c. Eandem prohibitionem Constitutione sua confirmauerat Antoninus Imperator, (b) *L. 42. D. de Donat. inter vir. & vxor.* qui tamen & ideo mulieri donare permiserat, ut vir ab Imperatore lato clauo, (i) vel equo publico, (k) similiae

Hh 3

ho-

git ex *L. ult. C. Theod. de Spons.* Sed ibi tantum de donatione propter nuptias agitur, ostenditurque quanam sit insinuanda.

- (b) Lex haec est ex Cui Commentariis ad Edictum desumpta, adeoque intelligi non potest Antoninus Caracalla, ut existimat Lud. Charondas *ad Vipian. l. c.* cuius ad tempora Caius non peruenit, sed Antoninus Pius. Vid. Guil. Grot. *de Vir. Iureconf. II. 7.*  
 (i) Id est, dignitate Senatoria, cuius insigne erat latus clauus. Vid. Graev. *Praef. Tomi VI. Theaur. Antiqu. Rom.*  
 (k) Id est, dignitate Equestri. Ita explicat etiam Caius *L. 42. D. de Donat. inter vir. & vx.*

(D)

honore cornaretur. Vlpian. *Fragm. VIII*, 1. Paull. *Recept. Sent. II*, 23. Quod, vel ideo prouisum, aiunt, vt ne coniuges ob mutuum amorem se inuicem spoliarent, vt ait Vlpianus *L. 1. D. de Donat. inter vir. & uxor.* vel, ne bonorum, quae inter eos quasi communia esse debebant, societas leuissimi munusculi acceptatione tolleretur, vt existimat Plutarch. *Quaest. Rom. p. 295. (1) & Coniugal. praecept. p. 143. Tom. II. Operum.* Sed haec omnia intelligenda de donationibus stante matrimonio factis. Alia erat ratio donationis propter nuptias, id est, constitutionis pecuniae, qua mulieri praestabatur securitas dotis, vt, si de hac periclitaretur, aliquid vico dotis dissipatae haberet. §. 3. *Inst. de Donat.* Ea quum initio donatio ante nuptias vocaretur, eo quod tantum ante matrimonium impletum fieret, postea D. Iustini Constitutione permissum est, vt tam ante, quam post nuptias constitui vel

(1) Rationes alias suppeditant *L. 2. & L. 3. D. eod.* Sed nulla tamen harum genuina esse & ad prohibitionis huius originem pertinere videtur. Vera causa ex principiis Iurisprudentiae veteris deriuanda, secundum quae vir & uxor pro vna persona habebantur, non secus ac pater & filiafamilias. Quemadmodum ergo inter hos donatio non valebat, nisi pater donans in ea voluntate perseverans decessisset: ita non magis valida erat donatio inter virum & uxorem, quae in manum conuenerat. Barn. Brillon. *de Ritu Nuptiar. p. 214.* Postea quam raro uxores in manum conuenerent, & tamen posteriores Imperatores ius vetus Constitutionibus suis firmarent: Icti alias rationes excogitandas putarunt, quumvis sibi ipsi non satis constaret.

vel augeri posset, quumque iam nomen antiquum inconcinnum videretur: Iustiniani iussu Donatio propter nuptias vocari coepit §. 3. *Inst. h. t. l. ult. C. de Donat propter nupt.* Graecis est ἀντιφάνα, ad quam proxime accedunt ἀντιφάρον & ὑπόβολον, quorum illud est, quod ob dotis quantitatem, quum soluto matrimonio dos repetitur, huic subiicitur, & veluti sub dote, quae in maiorem quantitatem excrescit, tanquam minus & infirmius ponitur: Harmenop. IV, 10. 1. hoc autem quod virgini, non viduae, datur, ἡ δὲ τὴν τιμὴν τῆς παρθενίας, in honorem virginitalis. Id *Promptuar. V, 5. 7.* Vnde hoc cum veterum ἀνακαλυπτήριον non male comparat Dionys. Gothofredus. Similis quoque est Theoretro Germanorum *Morgengaba*, vti & incrementum dotis ibidem passim receptum. Erat autem *Theoretro* quantitas in singulas libras dotis semiaureus: Harmenop. ib. §. 9. & *hypeboli* apud veteres dotis dimidia pars, postea pro libra librae triens. Idem §. 4. Videtur res pactis definita, eoque pertinere puto instrumenta ὑποβολικά apud Sidon. Apollin. *Epist VII.* & συμφωνηθὲν ὑπόβολον, pactum *hypebolum* apud Harmenop. IV, 10. 7.

XIX. Quemadmodum vero donationes XIX. Do- inter viuos sua natura erant irrevocabiles, nisi natio mortis causa. ob certas causas, quas Iureconsulti exponunt: ita semper revocari poterant donationes MORTIS CAUSSA factae, morte non sequuta, sed & hic ad formulas erat respiciendum. Poterat enim etiam sic mortis causa donari: VT NVLLO CASV EIVS REPETITIO ES-

SET, id est, ne si conualuisset quidem donator, & tunc credebatur inter viuos donatum. *L. 27. D. de Mort. cauff. don.* Plures formulas in huiusmodi donationibus vsurpatas accurate suo more collegit Barn. Briffon. *de Form. VII. p. 690.*

XX. Leges  
adiectae  
donationibus.

XX. Postremo & hoc monendum videtur, donationibus consueuiffe varias condiciones ac leges adiici, vt non modo ex multis iuris nostri fragmentis constat, quae idem colligit Briffon. *de Form. IV. p. 557.* verum etiam ex Plauti *Afin. IV, 1.* vbi scitum & elegans exstat syngraphi inter adolescentem, amicam & lenonem conscripti exemplum, in quo plurimae leges viginti minarum donationi adiacuntur. Immo & lapides exstant, in quibus curiis vel integris corporibus donationes fiunt, certis adiectis legibus, veluti VT QVOTANNIS NATALI SVO SPORTVLAE VIRITIM DIVIDANTVR, vel VT LARGIVS ROSAE ET ESCAE PATRONO SVO ET QVANDOQVE SIBI PONERENTVR, & quae sunt huius generis aliae. Briffon. *l. c.*

### TIT. VIII.

#### QVIBVS ALIENARE LICET, VEL NON.

**C**Oniunctim hoc titulo exhibet Imperator, quae dici poterant de iis, quae vel non alienari poterant a dominis, vel alienari a non dominis. Nos singula ex Antiquitatibus Romanis illustrabimus.

I. A



I. A marito alienari non poterat fundus do-  
 talis, quamvis alias eius esset dominus. *pr. Inst. dotalis*  
*b. r.* Ad quae rectius intelligenda monere non-  
 nulla licebit de dotium origine & natura, maxi-  
 me quum haec materia in Institutionibus planerito.  
 praetermissa sit a Triboniano.

II. Dotes quo fine olim inter mortales con-  
 stitutae sint, a nemine, quod sciam, accuratius  
 ostensum est, quam a Iac. Perizonio V. C. in  
*Dissert. ad Leg. Vocon. p. 113. sequ.* Quemadmo-  
 dum scilicet filii apud plerasque gentes in do-  
 tes. mo paterna manebant, domini ac heredes om-  
 nium, quae parentes reliquissent, bonorum  
 futuri: ita filiae contra per nuptias in perpetuum  
 dimittebantur e domo paterna; atque hinc in-  
 nuptae debebant ex bonis paternis ali-  
 nuptae vero instrui dote, ne plane exsortes es-  
 sent paternae hereditatis. Apud plerasque ta-  
 men gentes dotem maritus vxori, non vxor ma-  
 rito offerebat. Ista sane consuetudo viguit in-  
 ter Germanos, teste Tacito *de Mor. Germ. Cap.*  
*XXIII.* Affyrios, teste Aelian. *Hist. Var. IV, 1.*  
 Babylonios, teste Herodot. I, 196. & Armenios,  
 ceu patet ex *Nov. XXI.* Sed diutissime per-  
 mansit apud Germanos, eiusdemque originis  
 gentes, ceu ex multis medii aevi testimoniis  
 & diplomatibus alio loco probauimus.

III. Communis hic mos erat omnibus fere  
 gentibus, praeterquam Romanis, qui dotem  
 dabant filiabus, (a) etiam si easdem ad aequas  
 he-

(a) Dos illa Romanarum mulierum veluti complemen-  
 tum pretii erat, quo mulieres sibi viros coequebant, &

hereditatis partes admitterent. Tam necessariae enim Romanis videbantur dotes, ut vel his solis se a concubinis seiungerent matronae. Hinc apud Plaut. *Trin. III, 2. v. 63.* adolescens:

*Sed ut inops, infamis ne sim, ne mihi hanc famam differant.*

*Me germanam meam sororem in concubinatum tibi*

*Sic sine dote dedisse magis, quam in matrimonium.*

Conf. Id. *Att. III. Scen III. v. 3.* Postea tamen, lata lege Voconia, Romanae quoque mulieres contentae esse iustae sunt dote sua, nec hereditates adfectare. Eae dotes fuere luculentissimae. L. Paullo vxor secunda attulerat dotem XXV. talentorum. Excerpt. Peiresc. ex Polyb. p. 99. Africanus quoque maior utrique filiae dotis nomine promiserat L. talenta. Ibid. p. 155.

(b) Non semper tamen dos in numerata pecunia

hinc Tacitus tamquam rem a Romanis moribus diuersissimam notat, quod apud Germanos viri sibi coemerint vxores. Vid. Tacit. *de Moribus Germ.* XIX.

(b) Plerumque tamen dos illustrium seminarum erant decies centena, id est, decies centum millia sesterium. Martial. *Epigr. XI, 24.*

*Nubere Sila mihi, nulla non lege, parata est,  
Sed Silam nulla ducere lege volo.*

*Quum tamen instaret: decies mihi dotis in auro*

*Sponsa dabis? dixit: Quid minus esse potest?*

Hortatam quoque Augustus, promissa decies sestertii centia

nia constabat, sed & in fundis & praediis, tam vrbani quam rustici, *L. 13. D. de Fund. dotal.* immo & in seruis aliisque, quae aestimationem admittebant, & vsui esse poterant marito ad ferenda matrimonii onera.

IV. Triplex vero erat dotem constituendi ratio. Aut enim DABATVR, aut PROMITTEBATVR, aut DICEBATVR, *VI. Es vel daba-*  
*tur.* *Fragm. I, 1.* Quae saepe coniunguntur in Iure veteri, quamuis a Triboniano sollemnina haec vocabula passim sublata, aliaeque repositae sint, vti obseruat Cuiac. *Obs. XI, 29. & Papin. Quaest. Lib. XI. ad L. 7. §. 1. D. Solut. matr.* *Dari* dos dicebatur, si praesens offerretur marito, idque plerumque fiebat eo ritu, vt pecunia illa dotalis consignata pridie nuptiarum apud auspices deponeretur, in crastino nuptiarum viro tradenda. De Messalina Sueton. *Claud. XXVI. Messalinam, quum comperisset, super flagitia atque dedecora C. Silio etiam nupsisse dote inter auspices consignata, supplicio adfecit.* Et Iuuenalis *Sat. X. v. 333.* de eadem Messalina:

- - - Dudum sedet illa parato  
 Flammeolo, Tyriusque palam genialis in hortis  
 Sternitur, & RITV decies centena DABVNTVR.

AN-

censu, quem forte vxor in dotem non dedisset, adiecit ad ducendam vxorem procreandosque liberos. Tacit. *Annal. II, 37.* Eandem dotem Flauiae Athenagorae filiae dedit Seuerus. *L. 6. §. 1. D. de Vfur. & Fruit.* Adde Iuuenal. *Sat. VI. & X. v. 335.* Martial. *Epigr. II, 65.* Senec. *Consolat. ad Helu. Cap. XII.*

(c)

ANTIQUO, venit cum SIGNATORI-  
BVS *auspex.*V. Vel  
promitte-  
batur.V. Dos PROMITTEBATVR interposita  
stipulatione, dummodo *persona interrogata re-*  
*sponderet, & stipulato promitteret, vt ait Caius In-*  
*stit. II, 9. 3. Exemplum eiusmodi stipulationis*  
*est apud Plautum Trinum. V, 2. v. 34. sequ.*- - LY. Sponden' ergo tuam gnatam uxorem  
mibi?CH. Spondeo, & mille auri Philippum dotis. LY.  
*Dotem nihil moror.*CH. Si illa tibi placet, placenda dos quoque est,  
quam dat tibi.Postremo, quod vis, non ducet, nisi illud, quod  
non vis, feres.CA. Ius hic orat, LY. Impetrabis te aduocato  
atque arbitro.Istac lege, (cum ista dote) filiam tuam sponden'  
mibi uxorem dari?

CH. Spondeo. CA. Et ego spondeo idem hoc.

Illud addo, dotem promissam solui consueui-  
se tribus pensionibus annua, bima, trima die,  
vt docent exempla apud Cicer. *Epist. ad Attic.*  
*XI, 4. 23. & vlt. & in Excerptis Peirescianis*  
*p. 157. vbi id fieri oportuisse ait Polybius, κατὰ*  
*τὰς Ῥωμαίων νόμους, secundum Romanorum leges.*  
Quem locum a Salmasio mirifice perturba-  
tum egregie illustrat Ger. Noodt. *de Foen. &*  
*Vsur. III, 6.*VI. Vel  
dicebatur.VI. Dotis denique DICTIO fiebat verbis  
quibusdam sollempnibus (c) vt recte notarunt  
Cui-(c) Negant hoc Cl. Salmas. *de Modo vsur. XVI.* & Oisell. *ad*  
Cuij

Cuiacius ad Vlpian. *Fragm. VI, 1.* Barn. Briffon. *de Form. VI. p. 543.* Ait docet tamen Caius *Instit. l. c. obligationem hanc & nulla praecedente interrogatione contrahi potuisse.* Videtur ergo haec dotis dictio in eo constituisse, quod dotem dicturus summam nominaret, sponsus eandem, stipulatione haut interposita, acciperet. Exemplum est apud Terent. *Andr. V, 4. v. 47.* vbi Chremes:

- - Dos, Pamphile, est

*Talenta quindecim. PA. Accipio.*

Ea enim verba sollemnia & legitima fuisse observat Donatus Scholiastes, *Ille nisi dixisset: ACCIPIO, dos non esset.* Vnde facile patet, hanc sollemnem fuisse dotem constituendi formulam a datione ac promissione dotis diversissimam. Add. Sidon. Apollin. *Epist. I, 11.* Tales formulae dotem dicendi occurrunt etiam in Iure nostro *L. 25. L. 44. §. 1. L. 46. §. 1. L. 57. princ. D. de iure dot.*

VII. Dicere vero dotem poterat ipsa mulier, vel eius debitor, vel pater, avus aliique, per virilem sexum cognatione iuncti. *Dare* autem & *promittere* licebat omnibus, etiamsi nulla propinquitate coniunctis. Vlpian. *Fragm. VI, 2.* & tueriat?

Paullus

Caii *Instit. l. c.* Sed non sequitur, ut ideo, quod nulla Intercesserit stipulatio, verba quoque sollemnia adhibita fuisse negemus. Erant etiam praeter stipulationes multae aliae formulae sollemnes. Sane sollemnium verborum in dotis dictione observandorum meminit *L. 3. C. Theod. de Incest. nupt.* & dictio dotis a datione minus sollemni distinguitur in *L. ult. C. Theod. de Dotib.*

(4)

Paullus *L. 41. D. de iure dot.* ipsa vero mulier nihil in his poterat sine auctoritate tutorum. Cicero *pro Flacco XXXIV. XXXV. Dotem Valeria pecuniam omnem suam dixerat. Nihil istorum explicari potest, nisi ostenderis, illam in tutela Flacci non fuisse. Si fuit, quaecunque sine hoc auctore est dicta dos, nulla est.* Addatur Cicero *ibid. cap. XXV. Vlpian. Fragm. XI. 27.* Hinc si nullus erat mulieri tutor: dandus erat a Praetore urbano & lege Papia Poppaea, ad dotem dandam, dicendam promittendamue. Vlpian. *Fragm. XI. 20.* De eo tutore plura diximus in *Comment. ad L. Iul. & Pap. Popp. Lib. II. Cap. XIII. p. 253. sequ.* ubi & ostendimus, tutorem mulieri ob dotem vel pupillo ob litem cum tutore datum ideo Praetorianum vel Praetorium adpellatum esse, quia hic non dabatur suffragante maiore parte Tribunorum plebis, uti alii tutores ex lege Atilia dati, sed a solo Praetore. Add. Vlpian. *Fragm. XI. 24.*

VIII.  
Quid dos  
profec-  
titia, ad-  
uentitia,  
recepti-  
tia.

VIII. Quaecunque pater genero vel eius patri ad ferenda matrimonii onera dederat, ea dotis *profecitiae* nomine veniebant. Quae alius quicumque obtulerat, dos *aduentitia* vocabantur. Ac olim quidem profecitiae aeque ac aduentitia dos marito cedebat: (vid. supra *Lib. I. Tit. X. §. VII.*) Postea quum raro uxores in manum conuenirent, & frequentissima contra essent diuortia, distingui inter profecitiam & aduentitiam coepit. Profecitiae, mortua in matrimonio muliere, ad patrem tota reuertebatur, siue esset filia familias, siue sui iuris. *L. 59. D. Sol. matr.* Liberis tamen relictis, in singulos quin-

quintae partes manebant penes virum, quem admodum & praemortuo patre, dos profectitia tota penes virum remanebat. Vlpian. *Fragm. VI, 4.* Aduentitia dos semper penes maritum remanebat, (d) Cuiac. *Obseru. IX, 4.* praeterquam si is, qui dederat, ut sibi redderetur, esset stipulatus: quae dos specialiter *receptitia* dicebatur. Vlp. *l. c. n. 5.* Quae iure nouo mutata esse, ex *L. 6. D. de Iur. dot. L. 12. L. 26. §. 2. D. de Pact. dot. L. 5. D. de Diuort. L. 48. L. 59. D. Solut. matr. L. vn §. 6. C. de Rei. vx. act.* fatis constat.

IX. Quum vero frequentissima essent apud Romanos diuortia, adeoque verendum videtur, ne dissipata dote vxores domo extruderentur: non modo repudiatæ concessum, ut dotem actione rei vxoriae repeteret, quam in actionem ex stipulatu conuertit Iustinianus, *L. vn. C. de Rei vxor. act. in ex stipul.* verum etiam cautum est sub Augusti imperio, ne maritus fundum Italicum dotalem, vxore vel inuita alienaret, vel consentiente obligaret. Ex qua lege istud ius manarit, dubium visum est viris doctis. Legi Iuliae & Papiae illud tribuit Iac. Gothofredus *ad L. Iul. & Pap. Cap. XX. sequ.* sed argumentis admodum incertis, & quae ipse postea deferit p. 335. Magis probabile est, esse hoc caput

- (d) Exemplum tamen Augusti, qui marito dotem aduentitiam abiudicauit, exstat apud Valer. Max. VII, 7. 4. Sed tum Augustus facti indignitate motus, magis ex aequo & bono, quam ex Iuris rigore vel fori usu, decreuit, ut obseruat Ant. Schulting. *ad Vlpian. Fragma. VI, 5. p. 582.*

put Legis Iuliae de adulteriis, cui etiam illud inserit Barn. Briffon. *ad L. Iul. de Adult. XXIX. p. 123.* Nam huic legi istud caput diserte tribuit Paullus *Recept. Sent. II, 21.* Et caput Legis Iuliae de dote, soluto matrimonio repetenda, plane aliud, & ab hoc diuersissimum fuisse, demonstrauimus in *Comm. ad L. Iul. & Pap. Popp. II, 19. p. 327.* Cur vero ad sola praedia Italica haec lex pertinuerit, facile patet. Sola praedia Italica poterant vsucapi, non item prouincialia, vt supra ostensum. Hinc non opuserat, vt viro alienatione praedii dotalis prouincialis interdiceretur, quum hoc ab vxore, soluto matrimonio, facile posset vindicari, nullaue ei opponi posset exceptio vsucapionis. Ex quo vero Iustinianus vsucapionis ius etiam ad praedia prouincialia protulit: non potuit non etiam praediorum dotalium in prouinciis alienationem inhibere. *L. vn. §. 15. C. de Rei vx. act.* qua etiam maritum fundum dotalem consentiente vxore alienare vetuit.

X. Aliena-  
re pignus  
poterat  
creditor,  
& quo  
modo.

X. Vidimus, maritum, licet dominum, praedia dotalia alienare haut potuisse: secus in pignore se res habebat, quod alienari poterat a creditore, non soluente debitore, etiamsi ille non esset dominus. *§. 1. Inst. b. 1.* Equidem si ea lege traditum fuerat pignus, vt a creditore distraheretur, non opus erat vlla denunciazione: *L. 4. princ. D. de Pign. act.* nec exigebatur denunciatio, si certo die soluenda erat pecunia, & pignus simpliciter datum modo non, antequam dies venerat, vendidisset, siquidem tunc furti se obligabat. *L. 73. D. de Furt.* At postea tamen  
&c



hoc casu requisita vna denunciatio, & mora biennii. *L. 4. C. de Pign. distr. L. ult. §. 1. C. de Jur. dom. imp.* Reliquis casibus trina requirebatur denunciatio, vt debitor vel pignus lucret, vel sciret, illud distractum iri. *Paull. Recept. Sent. II, §. 1.* Iustinianus vero veteres ambages nouis, iisque multo longioribus commutauit, & trinam quidem denunciationem plerisque casibus sustulit, vnicamque sufficere voluit: addidit tamen, vt facta denunciatione, elapsoque post eam triennio, pignus creditori adiudicaretur, dato insuper debitori biennio, intra quod rem suam posset recuperare. *L. ult. C. de Iure domin. impetr.*

XI. Pupillos, pupillasue alienare haut pos-  
se, nisi auctoribus tutoribus, vel Ius Naturae  
suadet. Et quid Romae hac in re visitatum fue-  
rit, iam supra ad titulum *de Auctoritate tutorum* remissum.  
dicere occupauimus.

## TIT. IX.

PER QVAS PERSONAS CVIQUE  
ADQVIRITVR.

Q Vicumque erant alieni iuris, ii non sibi adquirebant, sed iis, quorum in potestate erant. Quia enim & serui omnino, & liberi ratione patris in classe rerum esse censebantur: nihil magis videbatur rationi consentaneum, quam vnumquemque per rem suam acquirere. *Vid. Elem. nostra Iur. Ciu. Lib. II. §. 470.* Ea de re hoc demum titulo agit Tribonianus.

I. Ad quae-  
stus per li-  
beros.

I. Et liberi quidem, quum ex Romuli insti-  
tuto non multo melioris essent conditionis,  
quam serui: instar horum quoque non sibi ad-  
quirebant, sed patri, qui liberam habebat re-  
rum omnium, quas liberi quocumque titulo  
adquisuerant, dispositionem, adeo ut eas alteri  
ex liberis, immo & extraneis, donare possent.  
Vid. Sext. Empir. *Pyrron hypot* III, 24. Adde  
Senec. *de Benef* VIII, 4. Dionys. Hal. *Ant. Rom.*  
VIII. ubi hic auctor πολιτικώτατος: *Romanis*, in-  
quit, *filii nihil proprii est viuis patribus, sed & pecu-*  
*nias & corpora liberorum patribus ad eorum arbitrium*  
*tradidit lex Romuli.* Et Arrian. *Diff. Epi* III, II,  
10. Τὸ τῷ πατρὶ προσώπῳ παραγγέλλει πάντα αὐτῷ ἡγεῖ-  
σθαι τῷ πατρὶ. *Filii officium est, ut, quae habet,*  
*omnia patris esse ducat.* Add. Sueton. *Tiber.* XV.

II. Muta-  
tio huius  
iuris.

II. Postea tamen filiis concessum tamquam  
peculium, quidquid militiae labore erant lucra-  
ti. Et id quidem eodem tempore factum vide-  
tur, quo ipsa libera testamenti factio concessa  
est militibus, quod primo sub Iulio Caesare fa-  
ctum ad tempus, postea id ius auctum a Tito,  
Domitiano, Nerua & Traiano Imperatoribus:  
vti testatur Vlpianus *L. 1. pr. de Test. milit.* Sanc  
sub Claudio & Nerone non ignotum fuisse pe-  
culium militare, docet Iuuenal. *Sat. vii. v. 52.*

- - Nam, quae sunt parva labore  
Militiae, placuit non esse in corpore census,  
Omne tenet cuius regimen pater.

Quem locum frustra sollicitauit P. Pithocus.  
Additum postea & quasi castrense peculium,  
(a)

(a) permiffumque iisdem, quidquid artibus liberalibus adquiſuerint, ſeparatum habere a rationibus parentum. §. ult. *Inf. de Milit. teſt.* Excepit etiam Conſtantine M. (b) bona materna, quorum uſumfructum tantum patribus conceſſit *L. 1. C. de Bon. mat.* Vnde multo magis rationi videbatur conſentaneum, bona materni generis ad liberos pertinere, & ita ſtatuere Gratianus, Valentinianus & Theodoſius *L. 6. C. Theod. eod.* Porro idem ad lucra nuptialia & ſponſalitia porrectum eſt a Theodoſio & Valentiniano, Leone & Anthemio. *L. 1. L. 4. & L. 5. C. de Bon. liber.* Denique Juſtinianus hæc generationi ad omnia bona liberorum aduentitia produxit, quorum dominium penes liberos, uſumfructum penes parentes eſſe iuſſit. *L. 6. C.*

de

(a) Occurrit illius mentio in Digeflis *L. 1. §. 15. de Collat. L. 3. §. 5. de Bon. poſſeſſ. L. 7. §. ult. de Donat. L. 16. §. 11. ad SC. Trebell.* quæ loca omnia a Triboniano interpolata putat Fr. Balduin. *Inſt. in. 111.* Sed laç. Gothof. *ad L. 3. C. Theod. de Poſſuſ. Tom. I. p. 143. ſequ.* de omnibus id adfirmare non audent, quia quamuis Aduocatis primus hoc priuilegium tribuerint Theodoſius iunior & Valentinianus III. tamen ante ea tempora peculium quaſi caſtreuſe habuerint præcincti, vel adminiſtratores prouinciæ. Hieronym. *ad Nepotian. f. 17.* Abſoluit etiam Tribonianum V. C. Ant. Schulting. *ad Pauli, Rec. Sent. V. 9. 4. p. 470. ob L. 8. D. pro Soc. ubi locum habere haut potuit interpolatio.*

(b) Iam ante Conſtantine M. notabilem quandam exceptionem introduxit Hadrianus, quæ eſt in *L. 50. D. ad Senatufc. Trebell.* alteramque Diuus Pius, quæ eſt in *L. 52. D. de Acquir. vel omiſſ. hered.* Vld. Guet. Nooſt. *de Uſufructu II. 4. p. 608.*

ANTIQUO, venit cum SIGNATORI-  
BVS auspex.

V. Vel  
promitte-  
batur.

V. Dos PROMITTEBATVR interposita  
stipulatione, dummodo *persona interrogata re-  
sponderet, & stipulato promitteret*, vt ait Caius In-  
stit. II, 9. 3. Exemplum eiusmodi stipulationis  
est apud Plautum *Trinum. V, 2. v. 34. sequ.*

- - LY. Sponden' ergo tuam gnatam uxorem  
mibi?

CH. Spondeo, & mille auri Philippum dotis. LY.  
*Dotem nihil moror.*

CH. Si illa tibi placet, placenda dos quoque est,  
quam dat tibi.

Postremo, quod vis, non duces, nisi illud, quod  
non vis, feres.

CA. Ius hic orat, LY. Impetrabit te aduocato  
atque arbitro.

Istac lege, (cum ista dote) filiam tuam sponden'  
mibi uxorem dari?

CH. Spondeo. CA. Et ego spondeo idem hoc.

Illud addo, dotem promissam solui consueuis-  
se tribus pensionibus annua, bima, trima die,  
vt docent exempla apud Cicer. *Epist. ad Attic.*  
*XI, 4. 23. & vlt. & in Excerptis Peirescianis*  
*p. 157. vbi id fieri oportuisse ait Polybius κατὰ*  
*τὰς Ῥωμαίων νόμους, secundum Romanorum leges.*  
Quem locum a Salmasio mirifice perturba-  
tum egregie illustrat Ger. Noodt. *de Foen. &*  
*Vsur. III, 6.*

VI. Vel  
dicebatur.

VI. Dotis denique DICTIO fiebat verbis  
quibusdam sollempnibus (c) vt recte notarunt  
Cui-

(c) Negant hoc Cl. Salmaf. *de Modo vsur. XVI. & Oifel. ad*  
Cuij

Cuiacius ad Vlpian. *Fragm. VI, 1.* Barn. Briffon. *de Form. VI. p. 543.* Aft docet tamen Caius *Instit. l. c. obligationem hanc & nulla praecedente interrogatione contrahi potuisse.* Videtur ergo haec dotis dictio in eo constituisse, quod dotem dicturus summam nominaret, sponsus eandem, stipulatione haut interposita, acciperet. Exemplum est apud Terent. *Andr. V, 4. v. 47.* vbi Chremes:

- - Dos, Pamphile, est

*Talenta quindecim. PA. Accipio.*

Ea enim verba sollemnia & legitima fuisse obseruat Donatus Scholiafles, *Ille nisi dixisset: ACCIPIO, dos non esset.* Vnde facile patet, hanc sollemnem fuisse dotem constituendi formulam a datione ac promissione dotis diuerfissimam. Add. Sidon. Apollin. *Epist. I, 11.* Tales formulae dotem dicendi occurrunt etiam in Iure nostro *L. 25. L. 44. §. 1. L. 46. §. 1. L. 57. princ. D. de Iure dot.*

VII. Dicere vero dotem poterat ipsa mulier, vel eius debitor, vel pater, auus alique, per virilem sexum cognatione iuncti. *Dare* autem & *promittere* licebat omnibus, etiam si nulla propinquitate coniunctis. Vlpian. *Fragm. VI. 2.* & tueriat?

Paullus

Caii *Instit. l. c.* Sed non sequitur, vt ideo, quod nulla Intercefferit stipulatio, verba quoque sollemnia adhibita fuisse negemus. Erant etiam praeter stipulationes multae aliae formulae sollemnes. Sane sollemnium verborum in dotis ditione obseruandorum meminit *L. 3. C. Theod. de Incest. nupt.* & dictio dotis a datione minus sollemni distinguitur in *L. ult. C. Theod. de Dotib.*

(4)

Paullus *L. 41. D. de Iure dot.* ipsa vero mulier nihil in his poterat sine auctoritate tutorum. Cicero *pro Flacco XXXIV. XXXV. Dotem Valeria pecuniam omnem suam dixerat. Nihil istorum explicari potest, nisi ostenderis, illam in tutela Flacci non fuisse. Si fuit, quaecunque sine hoc auctore est dicta dos, nulla est.* Addatur Cicero *ibid. cap. XXV. Vlpian. Fragm. XI, 27.* Hinc si nullus erat mulieri tutor: dandus erat a Praetore urbano & lege Papia Poppaea, ad dotem dandam, dicendam promittendamue. Vlpian. *Fragm. XI, 20.* De eo tutore plura diximus in *Comment. ad L. Iul. & Pap. Popp. Lib. II. Cap. XIII. p. 253. sequ.* ubi & ostendimus, tutorem mulieri ob dotem vel pupillo ob litem cum tutore datum ideo Praetorianum vel Praetorium adpellatum esse, quia hic non dabatur suffragante maiore parte Tribunorum plebis, uti alii tutores ex lege Atilia dati, sed a solo Praetore. Add. Vlpian. *Fragm. XI, 24.*

VIII.  
Quid dos  
profecti-  
tia, ad-  
uentitia,  
recepti-  
tia.

VIII. Quaecunque pater genero vel eius patri ad ferenda matrimonii onera dederat, ea dotis *profectitiae* nomine veniebant. Quae alius quicumque obtulerat, dos *aduentitia* vocabantur. Ac olim quidem *profectitia* aequae ac *aduentitia* dos marito cedebat: (vid. supra *Lib. I. Tit. X. §. VII.*) Postea quum raro uxores in manum conuenirent, & frequentissima contra essent diuortia, distingui inter *profectitiam* & *aduentitiam* coepit. *Profectitia*, mortua in matrimonio muliere, ad patrem tota reuertebatur, siue esset filia familias, siue sui iuris. *L. 19. D. Sol. matr.* Liberis tamen relictis, in singulos quin-

quintae partes manebant penes virum, quemadmodum & praemortuo patre, dos profectitia tota penes virum remanebat. Vlpian. *Fragm. VI, 4.* Aduentitia dos semper penes maritum remanebat, (d) Cuiac. *Obseru. IX, 4.* praeterquam si is, qui dederat, ut sibi redderetur, esset stipulatus: quae dos specialiter receptitia dicebatur. Vlp. *l. c. n. 5.* Quae Iure nouo mutata esse, ex *L. 6. D. de Iur. dot. L. 12. L. 26. §. 2. D. de Paſſ. dot. L. 5. D. de Diuort. L. 48. L. 59. D. Solut. matr. L. vn §. 6. G. de Rei. vx. aff.* satis constat.

IX. Quum vero frequentissima essent apud Romanos diuortia, adeoque verendum videretur, ne dissipata dote vxores domo extruderentur: non modo repudiatae concessum, ut dotem actione rei vxoriae repeteret, quam in actionem ex stipulatu conuertit Iustinianus, *L. vn. C. de Rei vxor. aff. in ex stipul.* verum etiam cautum est sub Augusti imperio, ne maritus fundum Italicum dotalem, vxore vel inuita alienaret, vel consentiente obligaret. Ex qua lege istud ius manarit, dubium visum est viris doctis. Legi Iuliae & Papiac illud tribuit Iac. Gothofredus *ad L. Iul. & Pap. Cap. XX. sequ.* sed argumentis admodum incertis, & quae ipse postea deserit *p. 335.* Magis probabile est, esse hoc caput

- (d) Exemplum tamen Augusti, qui marito dotem aduentitiam abiudicauit, exstat apud Valer. Max. VII, 7. 4. Sed tum Augustus facti indignitate motus, magis ex aequo & bono, quam ex Iuris rigore vel fori usu, decreuit, ut obseruat Ant. Schulting. *ad Vlpian. Frasm. VI, 5. p. 582.*

put Legis Iuliae de adulteriis, cui etiam illud inserit Barn. Briffon. *ad L. Iul. de Adult. XXIX. p. 123.* Nam huic legi istud caput diserte tribuit Paullus *Recept. Sent. II, 21.* Et caput Legis Iuliae de dote, soluto matrimonio repetenda, plane aliud, & ab hoc diuersissimum fuisse, demonstrauimus in *Comm. ad L. Iul. & Pap. Popp. II, 19. p. 327.* Cur vero ad sola praedia Italica haec lex pertinuerit, facile patet. Sola praedia Italica poterant vsucapi, non item prouincialia, vt supra ostensum. Hinc non opus erat, vt viro alienatione praedii dotalis prouincialis interdiceretur, quum hoc ab vxore, soluto matrimonio, facile posset vindicari, nullaue ei opponi posset exceptio vsucapionis. Ex quo vero Iustinianus vsucapionis ius etiam ad praedia prouincialia protulit: non potuit non etiam praediorum dotalium in prouinciis alienationem inhibere. *L. vn. §. 15. C. de Rei vx. act.* qua etiam maritum fundum dotalem consentiente vxore alienare vetuit.

X. Aliena-  
re pignus  
poterat  
creditor,  
& quo-  
modo.

X. Vidimus, maritum, licet dominum, praedia dotalia alienare haut potuisse: secus in pignore se res habebat, quod alienari poterat a creditore, non solvente debitore, etiam si ille non esset dominus. *§. 1. Inst. b. t.* Equidem si ea lege traditum fuerat pignus, vt a creditore distraheretur, non opus erat vlla denunciatione: *L. 4. princ. D. de Pign. act.* nec exigebatur denunciatio, si certo die soluenda erat pecunia, & pignus simpliciter datum modo non, antequam dies venerat, vendidisset, siquidem tunc furti se obligabat. *L. 73. D. de Furt.* At postea tamen  
&c



hoc casu requisita vna denunciatio, & mora biennii. *L. 4. C. de Pign. distr. L. ult. §. 1. C. de Jur. dom. imp.* Reliquis casibus trina requirebatur denunciatio, vt debitor vel pignus lucret, vel sciret, illud distractum iri. *Paull. Recept. Sent. II, §. 1.* Iustinianus vero veteres ambages nouis, iisque multo longioribus commutauit, & trinam quidem denunciationem plerisque casibus sustulit, vnicamque sufficere voluit: addidit tamen, vt facta denunciatione, elapsoque post eam triennio, pignus creditori adiudicaretur, dato insuper debitori biennio, intra quod rem suam posset recuperare. *L. ult. C. de Iure domin. impetr.*

XI. Pupillos, pupillasue alienare haut posse, nisi auctoribus tutoribus, vel Ius Naturae suadet. Et quid Romae hac in re vsitatum fuerit, iam supra ad titulum *de Auctoritate tutorum* remissius dicere occupauimus.

## TIT. IX.

PER QVAS PERSONAS CUIQUE  
ADQVIRITVR.

**Q** Vicumque erant alieni iuris, ii non sibi acquirebant, sed iis, quorum in potestate erant. Quia enim & serui omnino, & liberi ratione patris in classe rerum esse censebantur: nihil magis videbatur rationi consentaneum, quam vnumquemque per rem suam acquirere. *Vid. Elem. nostra Iur. Civ. Lib. II. §. 470.* Ea de re hoc demum titulo agit Tribonianus.

li

I. Et

I. Adquae-  
stus per li-  
beros.

I. Et liberi quidem, quum ex Romuli insti-  
tuto non multo melioris essent conditionis,  
quam serui: instar horum quoque non sibi ad-  
quirebant, sed patri, qui liberam habebat re-  
rum omnium, quas liberi quocumque titulo  
adquisuerant, dispositionem, adeo ut eas alteri  
ex liberis, immo & extraneis, donare possent.  
Vid. Sext. Empir. *Pyrron hypot III, 24*. Adde  
Senec. *de Benef VII, 4*. Dionys. Hal. *Ant. Rom.*  
*VIII*. ubi hic auctor πολιτικῶτατος: *Romanis*, in-  
quit, *filii nihil proprii est viuis patribus, sed & pecu-*  
*nias & corpora liberorum patribus ad eorum arbitrium*  
*tradidit lex Romuli*. Et Arrian. *Diff. Epictet. II,*  
*10*. Τὸ τῷ πατρὶ ἰσαγγελία πάντα αὐτῷ ἡγεῖσ-  
θαι τῷ πατρὶ. *Filii officium est, ut, quae habet,*  
*omnia patris esse ducat* Add. Sueton. *Tiber. XV*.

II. Meta-  
tio huius  
iuris.

II. Postea tamen filiis concessum tamquam  
peculium, quidquid militiae labore erant lucra-  
ti. Et id quidem eodem tempore factum vide-  
tur, quo ipsa libera testamenti factio concessa  
est militibus, quod primo sub Iulio Caesare fa-  
ctum ad tempus, postea id ius auctum a Tito,  
Domitiano, Nerua & Traiano Imperatoribus:  
uti testatur Vlpianus *L. 1. pr. de Test. milit.* Sane  
sub Claudio & Nerone non ignotum fuisse pe-  
culium militare, docet Iuuenal. *Sat. ult. v. 52*.

- - Nam, quae sunt parta labore  
Militiae, placuit non esse in corpore census,  
Omne tenet cuius regimen pater.

Quem locum frustra sollicitauit P. Pithocus.  
Additum postea & quasi castrense peculium,

(a)

(a) permiffumque iisdem, quidquid artibus liberalibus acquifuerint, feiparatum habere a rationibus parentum. §. ult. *Inf. de Milit. test.* Excepit etiam Conftantinus M. (b) bona materna, quorum uſumfructum tantum patribus conceſſit *L. 1. C. de Bon. mat.* Vnde multo magis rationi videbatur conſentaneum, bona materni generis ad liberos pertinere, & ita ſtatuerunt Gratianus, Valentinianus & Theodoſius *L. 6. C. Theod. eod.* Porro idem ad lucra nuptialia & ſponſalitia porrectum eſt a Theodoſio & Valentiniano, Leone & Anthemio. *L. 1. L. 4. & L. 5. C. de Bon. liber.* Denique Iuſtinianus hæc generatiq; ad omnia bona liberorum aduentitia produxit, quorum dominium penes liberos, uſumfructum penes parentes eſſe iuſſit. *L. 6. C.*  
de

(a) Occurrit illius mentio in Digefſtis *L. 1. §. 15. de Collat. L. 3. §. 5. de Bon. poſſeſſ. L. 7. §. ult. de Donat. L. 16. §. 12. ad SC. Trebell.* quæ loca omnia a Triboniano interpolata putat Fr. Balduin. *Iuſtinian. III.* Sed Iaſ. Gothof. *ad L. 3. C. Theod. de Poſſuſ. Tom. I. p. 143. ſequ.* de omnibus id adſcribere non audent, quia quamuis Aduocatis primus hoc priuilegium tribuerint Theodoſius iunior & Valentinianus III. tamen ante ea tempora peculium quaſi caſtrepſe habuerint præcincti, vel adminiſtratores prouinciarum. Hieronym. *ad Nepotian. f. 17.* Abſoluit etiam Tribonianum V. C. Ant. Schulting. *ad Paull. Rec. Sent. V. 9. 4. p. 470. ob L. 8. D. pro Soc. ubi locum habere haut potuit interpolatio.*

(b) Iam ante Conſtantinum M. notabilem quamdam exceptionem introduxit Hadrianus, quæ exſtat *L. 50. D. ad Senatufc. Trebell.* alteramque Diuus Pius, quæ eſt in *L. 52. D. de Acquir. vel omiſſ. hered.* Vld. Gef. Noodt. *de Uſufructu II. 4. p. 608.*

*de Bon. liber.* Reliqua, quae vel a patre vel eius contemplatione ad filium perueniebant, patri acquirebantur. Quo etiam pertinuisse, quae filius accipiebat, congiaria, ostendit Cuiac. *Obs. XXI, 7.*

III. Ad-  
quaestus  
per ser-  
uos.

III. Simile quid in seruo obseruatur, qui nihil habere poterat proprii, nisi quod dominus habere permetteret, idque itidem vocabatur *peculium*. Solebant illud de demenso suo vnciatim colligere serui, ac eo deinde ita negotiari, vt lucrum inde quaecunque ad se rediret. Demensi loco singulis mensibus accipiebant serui quinque modios & quinque denarios, idque vocabatur *menstruum*. Sen. *Epist. LXXXI.* Lips. *Elect. I, 8. p. m. 50.* Talia etiam erant *annua*, Lips. *Elect. I, 22. p. 125.* Quidquid ergo de hisce mensuris annuisque stipendiis deparserant, peculii loco erat. Apud Terent. *Phorm. I, 1. v. 5.* seruus conserui fortunam dolens.

*Quod ille vnciatim vix de demenso suo  
Suum defraudans genium, comparfit miser,  
Id illa vniuersum accipiet, haut existimans,  
Quanto labore partum.*

Eam deinde pecuniam, concedente domino, vel foenore locabant, vel inde sibi emebant seruulum, cuius opera lucrarentur. Et talis seruus serui vocabatur *vicarius*, & pertinebat ad peculium. Immo si his quoque seruis vicariis aliquid peculii esset, & hi seruulos haberent: erant hi vicariorum vicarii, quorum mentio fit in *L. 25. D. de Pecul. leg.* Haec erant seruorum peculia, in quae, quid iuris fuerit domino, Iurêconsulti docere solent.

IV.

IV. Addi personis, per quas acquiritur, ve-  
 teri iure oportebat etiam matresfamilias, quae  
 & ipsae olim in manu maritorum erant, adeo-  
 que omnia adquirebant maritis. Sed de his  
 harumque peculio dictum est supra *L. I. Tit. X.*  
*n. VI.* Iam addo, inde natam esse praesumptio-  
 nem, quod quidquid habet vxor, id mariti esse  
 intelligatur. *L. 51. D. de Donat. inter vir. & vx.*  
 cuius legisensum plane exprimere videntur il-  
 la Plauti *Casim. II, 2. v. 27.* vbi Murrina:

*- Quae habet partum, ei haut commodi est,  
 Quin viro aut subtrahat, aut stupro inuenerit.  
 Hoc viri censeo esse omne, quidquid tuum est.*

V. Solebant nonnunquam & liberae per-  
 sonae in seruitute esse, quamuis non essent ser-  
 uilis conditionis. Et hae quoque adquirebant  
 dominis, ex operis suis, quamdiu hi bona fide-  
 ras. eas in seruitute tenebant. Alias per extraneam  
 personam nihil acquiri poterat, si discesseris a  
 procuratoribus, quos ipse excipit Imperator §.  
*5. Inst. b. t.* qui tamen si in iudicio aliorum cau-  
 sas agerent, domini litis fingeantur, de quo do-  
 minio litis vid. Bochmeri *Diff. Sing. & Christ.*  
*Gothofr. Hoffm. Diff. de Procurat. cap. I, 7. & seq.*

VI. Tollebatur istud ius parentum & do-  
 minorum emancipatione & manumissione,  
 Sed emancipatorum liberorum, antiquo iure,  
 parentes tertiam peculii aduentitii partem  
 propriam sibi retinebant, ex Constitutione vero  
 Iustiniani dimidii peculii usumfructum. *L. 6.*  
*§. 3. C. de Bon. quae lib.*

## TIT. X. XI. XII.

DE

TESTAMENTIS ORDINANDIS,  
TESTAM. MILITARIBVS, ET QVI  
TESTARI NON POSSVNT.

**V**Ltimae sequuntur voluntates, quibus vel vniuersitatem adquirimus, seu vt Ambros. *Lib. I. de Caino & Abele* loquitur, *bonorum hereditatem*, vel res singulas. Ad prius genus testamenta pertinent, quorum antiquissimam rationem hic expendemus, maxime quum ipse Imperator dicat, *nihil hic antiquitatis nos penitus ignorare debere* §. 2. *Inß. de Test. ordin.*

I. Testa-  
menta  
quosuppli-  
cia.

I. Duorum generum apud Romanos fuisse testamenta, quorum altero IN PACE, altero in PROCINCTV vñ sint, recte docuit Iustinianus §. 1. *Inß. de Testam. ord.* quamvis satis incommode ipsa testamenta haec *procincta* vocet, quae veteres, & ipse Theophilus rectius IN PROCINCTV, vel, vti in vetere Glossa est, ENDO PROCINCTV adpellitant. Vtraque sunt antiquissima, & iam ante leges XII. Tabularum Romae inualuerant. Sane testamenta in procinctu facta sunt iam tempore M. Coriolani, qui ante Decemuiros vixit. Plutarch. *Coriolan. p.* 198. Testamenti vero in pace iam sub Regibus facti idem meminisse videtur Plutarchus in *Romulo*, vbi Tarrutius, Anci Marci temporibus, Laurentiam dicitur τελευτήσας ἀπολύσας κληρονομίαν, quae phrasis alias hereditatem testamento delatam denotat. Vid. Perizon. *ad Leg.*

*Leg. Vocon. p. 134.* Fallitur ergo Desid. Herald. *Rer. Quotid. cap. ult. §. 4. & 9.* falluntur & alii interpretes, qui haec testamentorum genera demum in XII. Tabulis exemplo iuris Attici recepta putant.

II. Testamenta IN PACE fiebant in Comitiiis calatis, id est, quae pro collegio Pontificum, aut Regis Flaminumue inaugurandorum causa, habebantur, & diuidebantur in *curiata* perlictorem curiatim calata, & *centuriata* per cornicinem. Lael. Felix. apud Gell. *Noct. Att. XV. 27.* In his ergo & testamenta fiebant per modum legis, & praemissa procul dubio sollemni rogatione, qualem in adrogatione factam obseruat Gell. *Noct. Att. V. 14.* VELITIS IVBEATIS, QVIRITES, VTI L. TITIVS L. VALERIO TAM IVRE LEGEQVE HERES SIBI SIET, QVAMSI EIVS FILIVS FAMILIAS PROXIMVSVE ADGNATVS ESSET. HAEC ITA VT DIXI, ITA VOS, QVIRITES, ROGO. Vnde recte observavit illustris Thomas. *Diff. de Prim. init. success. testam. §. XII.* heredes, hoc modo institutos, legitimos potius fuisse, quam testamentarios. Scilicet existimabant Romani, legem non nisi nova lege tolli posse, adeoque & nemini licere, leges de hereditatibus intestatorum migrare, aliumque instituere heredem, nisi nova lege in Comitiiis calatis condita. V. A. Bynkersh. *Obf. II. 2. p. 113.* Ex quo fundamento etiam pacta successoria irrita putabant, quia *privatorum cautio legum auctoritate non censetur. L. ult. D. de Suis & legit. hered.* neque *ius publicum privatorum pactis mutari*

II. Testa-  
menta in  
Comitiis  
calatis fa-  
cta.

poterat. L. 38. D. de Paſſ. Haec certa ſunt, reliqua, quae refert Theophilus ad §. 1. Inſt. b t. de populo bis in anno huius rei cauſa conuocato, ab eruditis vocantur in dubium. (a) Id vero certius eſt, ideo electa videri Comitia calata, vt notio Pontificum interueniret, ſine quorum auctoritate ſacra priuata ad heredem tranſire non potuiſſent. Vnde etiam auctores eos fieri oportebat in arrogationibus. Cic. pro Democap. XIII.

III. Testa-  
menta in  
procinctu.

III. Teſtamenta IN PROCINCTV fiebant a militibus in cinctu Gabino (vid. Seru. ad Virgil. *Aen.* VII. v. 612.) ad praelium ituris. Vellei. Patere. II, 5. In procinctu enim ſtantes vel cinctu Gabino, & ſcutis manus inferentes, ſagaque accingentes, ſimul etiam tribus aut quatuor (b) audientibus, heredem ſuum nuncupabant. Plutarch. in *Coriolano* p. 198. Vnde ignorantiam Antiquitatum produnt, qui huius gene-

(a) Maxime ob locum Gelli Noſt. *Att.* XV, 27. In libro *Laelii Felicii ad Q. Mutium* primo ſcriptum eſt, *Laebenera ſcribere calata Comitia eſſe, quae pro collegio Pontificum habentur, aut Regis aut Flaminum inaugu- randorum cauſa. eorum autem alia eſſe curiata, alia centuriata; curiata per liſtorem curiatim calari, id eſt. conuocari centuriata per cornicinem. liſdem Comi- tiis, quae calata adpellari diximus, & teſtamenta fieri ſolebant.* Inde ergo patet, populum non teſtamento- rum cauſa calatum, ſed teſtamenta ſuiſſe Comitiorum veluti adpendicem. Thomas *Diſſert. c. §. XVI.*

(b) In Plutarchi textu eſt: ἑπτὰ, καὶ τριάντων, qui conſeclunt ſeptem, ſed aut particula coniunctiua hic, vt alias ſaepe, pro diſiunctiua ponitur. Strauch. *Lexic. part. iuris voc.* Et, aut pro καὶ legendum +.

(c)



generis testamenta ob militum simplicitatem inuenta putant. *arg. princ. Inst. de Milit. testam.* Lecta enim erat antiqua militia ex ciuibus, & quidem non ex vltima faece plebis, sed ex flore delibuto ciuium. Quare potius ad pelliciendos in militiam animos inuentum est hoc testandi priuilegium: Thomas, *l. c.* §. XXIII. immo & religionis causa admissum, & hinc abolitum, simul ac bella auspicio geri desierant. Cic. *de Nat. Deor.* II, 3. Nimirum cinctum Gabinum sumebant, qui ab Imperatore Dis Manibus pro exercitu deuotebantur. Liu. VIII, 9. 10. X, 7. 28. Hinc eodem induebantur milites, in rebus trepidis, quasi deuoti Dis Manibus. Vltima vero horum deuotorum voluntas quum pro lege esset, Liu. X. 29. iunct. XXVI, 11. etiam testamenta militum in procinctu facta rata esse iubebantur tacito populi suffragio, tanquam νόμοι ἀρχαῖοι, quemadmodum testamenta in Comitibus calatis condita tanquam νόμοι ἔργα αἰεὶ valebant. Hinc facile reddideris rationem, cur tam raro & non nisi in extremo rerum discrimine huiusmodi testamenta condita. Vid. Vellei. Patere. II, 5. Plutarch. *in Coriol.* p. 193. Extra periculum enim & cinctum Gabinum, milites testabantur iure ordinario. Caesar *de B. G.* I, 39. Flor. III, 10.

IV. Quum vero non nisi praesentissimo mortis periculo in procinctu fierent testa-  
ta: Vellei. Patere. II, 5. Cic. *de Orat.* I, 53. verosimile est, defunctis periculo testato-  
ribus, testamenta illa euauisse, instar dona-  
tionum mortis causa, licet verbis disertis.

Ii 5

haut

IV. An  
haec rata  
fuerint  
post peri-  
culum?

haut reuocata. Thomaf. *Diff. alleg* §. XXVII.

V. Testa-  
menti fa-  
ctio per  
Leg. XII.  
Tab. in-  
troducta.

V. Ceterum testamenta in calatis Comitiiis facta exoleuiffe videntur, latis legibus XII. Tabularum. In iis enim quum fuiffet cautum: PATERFAMILIAS VTI LEGASSIT SVPER FAMILIAE PECVNIAE TVTELAEVE SVAE REI, ITA IVS ESTO: Vlpian. *Fragm. XI.* 14. L. 53. D. de *V. S. pr. Inst. de L. Falc. Nou. XXII. cap. 2.* Cic. de *Inuent. II.* 50 Auct. ad Herenn. I, 13. latiffima profecto omnibus facta est testandi facultas. Vnde quum ciues iam suo arbitrio possent de bonis disponere: quis quaeso adeo desipuiffet, vt mallet in Comitiiis calatis, auctore populo, collegioque Pontificum testari? Ergo tum demum videntur testamenta proprie sic dicta exemplo iuris Attici inualuiffe. (c)

VI. Testa-  
mento-  
rum for-  
ma.

VI. Quemadmodum vero ICTi eodem fere tempore legis actiones componebant: Pompon. L. 2. §. 6. D. de O. I. ita & testamentis certam quamdam formam dabant, inueniebantque *testamentum per aes & libram*, cuius meminit Imperator §. 2. *Inst. de Testam. ordin.* vel *per familiae emtionem*, vti vocatur §. 1. *Inst. b. t.*

(c) Leges enim Solonis Atheniensibus, non exstantibus liberis, concessisse liberam testandi facultatem, constat ex Plurarch. *Solon. p.* 90 & Demosth. *Orat. in Steph.* II. p. 983. Exempla testamentorum Atticorum haut pauca exstant apud Diog. Laertium. Adde Pfeifferi *Ansign. Graec.* IV; 63. p. 770. *sequ.* Quin in testamentorum vbatque auctoritate Graeciae populos, alioquin inter se moribus & institutis dissidentes, conuenisse, Isocrates in *Agamemico* tradit.

(d)

*b. t.* Quum enim ex Iuris Romani principiis leges de successione intestatorum non nisi alia lege tolli possent, & tamen Decemuiri liberam cuius patrifamilias testamenti factionem concessissent: inueniendus erat color, quo iuris analogia seruaretur. Itaque fingebant, hereditatem non tam per ultimam voluntatem, quam venditionem & mancipationem transferri. Vnde errat Balduin. *ad XII. Tab. Tab. XXIX. p. 119. edit. Basil.* qui ipsum ritum mancipationis vel aeris & librae in testamentis eiusmodi adhibendum in duodecim Tabulis praescriptum putat. (*d*) Vid. Thomaf. *Diff. alleg. §. XXXIII. sequ.*

VII. In testamento vero, quod per aes & VII. Te-  
libram fiebat, duae res agebantur, nam & *fami-* <sup>stamen-</sup>  
*liae mancipatio fiebat, & nuncupatio testamenti.* Con- <sup>tum per</sup>  
stituebantur scilicet *familiae emptor*, antestatus & <sup>aes & li-</sup> <sup>bram.</sup>  
libripens, cum quinque testibus ciuibus Roma-  
nis,

(*d*) Existit eundem in XII. Tabulis lex: QVI SE SI-  
NIT TESTARIER, LIBRIPENSVE FVERIT, NI  
TESTIMONIVM FARIATVR, IMPROBVS IN-  
TESTABILISQVE ESTQ. Gell. *Noft. Att.* XV, 13.  
VI, 7. Sed haec non ad testamenta pertinuit, verum  
ad eos, qui in mancipatione quacumque vel testes ad-  
hibiti vel libripendes, postea testimonium ferre de eo,  
cui interfuerant, detrectabant. Vid. Iac. Gothofr. *ad*  
*XII. Tab. Tab. VII. p. 221.* Idemque sentiendum de alte-  
ro capite: QVI NEXVM FACIET MANCIPIVM  
QVE, VT I LINGVA NVNCVPASSIT, ITA IVS  
ESTO. Festus *voca nuncupata.* Nam hoc quoque  
caput ad mancipationem, non ad testamentum, per-  
tinet, vt contra Franc. Hotomanum docuit Iac. Go-  
thofr. *ad XII. Tab. Tab. VI. p. 210.*

(*e*)

nis, quibus praesentibus more maiorum fiebat mancipatio, vel imaginaria venditio hereditatis. Quinctilian. *Declam. CCCVIII. Non dixerim*, inquit, *testamentum, cui libripens deest, & familiae cultor, & cactera iure necessaria*. Postea testator tabulas tenens: HAEC, inquit, VTI IN HIS TABVLIS CERISVE SCRIPTA SVNT, ITA DO, ITA LEGO, ITA TESTOR, ITAQVE VOS, QVIRITES, TESTIMONIUM PRAEBITOTE. Vlpian. *Fragm. XX, 9. Isidor. Orig. IV, 24.* Tum ultimis verbis accedebat antestatio, auresque testium tangebantur, vt docet Clem. Alex. *Strom. V, p. 574.* in testamenti factione sui temporis memorans ζυγά καὶ ἀσάρια, καρπισμὸς τε καὶ τὰς τῶν ὄτων ἐπι-ψάυσεις, *libras, asses, mancipationes & attrellationes aurium*. Testium vero nec subscriptio requirebatur, nec subsignatio, quam primus-exegit Praetor. §. 2. *Inst. de Test. ord.*

VIII. Te-  
stamentis  
conficien-  
dis adhi-  
biti iure-  
consulti.

VIII. Ipsis concipiendis consignandisque Tabulis plerumque adhibebant iureconsultum, ne quidquam, quod ad earum auctoritatem pertinet, praetermitteretur. Docet id Arrian. *Dissert. Epist. II, 13.* Νομικὸς καὶ ἐξηγῆται τὰ νόμιμα, ἀλλὰ διαθήκην μὲν ἔγραφε, μὴ εἰδὼς, πῶς δεῖ γράφειν, ἢ παραλαβὼν τὸν εἰδόμενον. *Iureconsultus ei leges enarrat. Atqui testamentum nemo scribit, nisi aut ipse sciat, quomodo scribendum sit, aut eius rei peritum adhibeat.* Cicero *de Orat. II, 6.* Scacuolae illudens: *Nam si nullum eris testamentum recte factum, nisi quod tu scripseris, omnes ad te ciues cum tabulis veniemus, omnium testamenta tu scribes unus* Adde Suet. *Ner. XXXII.* vbi studiosis iuris, id est, Ictis, sub  
Ne

Nerone *haut impune fuisse dicitur, qui testamenta scripssissent aut dictassent*, in quibus Principi nihil fuerit relictum. Nonnumquam tamen testatores, non adhibito Iureconsulto, voluntatem suam, quam poterant, clarissime exprimabant. Cuius rei elegans exemplum est in *L. Lucius Titius 88 §. 17. D. de Legat. 2.* Vbi testator: *Lucius*, inquit, *Titius hoc meum testamentum scripsi sine ullo Iurisperito, rationem animi mei potius sequutus, quam nimiam & miseram diligentiam: & si minus aliquid legitime, minusue perite fecero, pro iure legitimo haberi debet hominis sani voluntas.* Quo casu petita intestati bonorum possessione, heredes scripti portiones suas ex fideicommisso petere poterant.

IX. Scribendo nonnumquam serui vel liberti, nonnumquam amici adhibebantur; quando etiam ipsi testatores testamenta sua integra conscribebant, quae tunc vocabantur *holographa*. *L. 28. §. 1. C. b. t.* Testamentorum a seruis & libertis scriptorum exempla sunt in *L. 1. §. 8 L. 15. princ. D. ad L. Cornel de Fals.* nec non apud Suet. *Aug. CI. Tiber. cap. vlt.* De amicis testamenta scribentibus videndus Plin. *Epist. VI. 22.* De holographis agit Isidorus *Orig. V. 24.* Testamenti alieni scriptor *testamentarius* in Iure nostro vocatur, de quo vocabulo Briffon. *de Form. VII. p. 587. & de Verb. signif. hac voce.* Ceterum vel sub Nerone, vel sub Claudio, ut ne quis alieni testamenti scriptor legatum sibi adscriberet, cautum est. Suet. *Ner. XVII. L. 1. §. 7. L. 6. L. 14. pr. §. 2. L. 15. pr. D. ad L. Corn. de Fals. Pariat. Leg. Mos. & Rom VIII. 9.*

IX. Scribendis vero liberti, serui, amici. Quaedam testamenta holographa.

X.

X. Con-  
scribenda  
erant lin-  
gua Lati-  
na.

X. In testamentis semper utebantur lingua Latina, (e) ac proinde legatum, Graece scriptum, haut valebat, teste Vlp. *Fragm. XXV*, 9. Secus se res habebat in fideicommissis, quae & Graece relinqui poterant, immo & Punice, & quacunq; alia lingua. Quae enim Iuris Gentium erant, & alia lingua; quae Iuris Ciui-  
lis, Latina duntaxat poterant explicari. *L. 8. §. 4. D. de Acceptilat.*

XI. Saepe  
plures ta-  
bulae co-  
dem ex-  
emplo fa-  
ctae.

XI. Plerumque plures tabulae eodem exemplo conficiebantur. *L. ult. D. de His quae in test. L. 1. D. de Bon. poss. sec. tab.* Quem morem etiam Augustus obseruauit, teste Suet. *Oct. CI.* & Tiberius, teste eodem in *Tiber. cap. ult.* Tabulas has vel priuatim apud amicum, vel in aede sacra apud virgines Vestales vel aedituos depo-  
nebant. *L. 1. D. de Bon. poss. sec. tab. L. 3. §. 1. D. de Tab. exhib.* Lips. ad Tacit. *Ann. I. p. 17.* Virgini Vestali maxime testamentum suum com-  
mendauerat Iulius Caesar. Suet. *Iul. LXXXIII.* cuius exemplum sequutus etiam Augustus. Id. *Octau. CI.* Conf. Tac. *Annal. I, 8.*

XII. Te-  
stamenta  
quomodo  
scripta?

XII. Scribebantur vero testamenta in ceris, quae ligneis tabulis erant infusae. Vnde in formula nuncupationis dicitur: *uti in his tabu-  
lis cerisue scripta sunt*, quemadmodum & alias loquebantur veteres. Liui. I, 24. Vtrumque iunge-

(e) Plura testamenta Romanorum integra ex vetustis lapidibus atque monumentis collegit Barn. Briffon. *de Form. VI. p. 677. sequ.* & Mabillon. in *Adpend. de Re Diplom.* qui tamen & testamentum Iulii Caesaris manifesto supposititium retulit *Lib. V. Tab. I. n. III.*

iungebatur cuitandae captionis ergo. Proprie enim non inscribebatur tabulis, sed ceris. V. A. Corn. van Bynkershoeck *Observat.* 111, 21. Schulting. *Jurisprud. Antiq.* p. 629. Male ergo Cl. Salmasius per ceras intelligit ceras exteriores, quibus signa impressa erant, negatque, cetratarum tabularum mentionem facere in scriptis suis Iureconsultos. (f) Salmasius *de Subscrib. & sign. testam.* XIX. XX. XXVI.

XIII. Aliud postea testamentorum genus XIII. Testensim inualuit, quia Praetor, insuper habitis illis sollemnitatibus, mancipatione scilicet & nuncupatione, sola exigebat septem testium signacula. Septem, inquam, testium, ut scilicet praeter quinque illos, quos exigebat Ius Civile, etiam essent, qui emptorem familiae & libripendem referrent. Vid. §. 2. *Inst. b. t.* & ibi interpretes. Ceterum satis antiquum est hoc testamentum Praetorium, iam Ciceroni in *Verr. I.* 45. memoratum. Ibi enim Verres Praetor edixisse dicitur: SI DE HEREDITATE AMBIGATVR, ET TABVLAE TESTAMENTI NON MINVS MVLTIS SIGNIS, QVAM E LEGE OPORTEAT, AD ME PROFERENTVR, SECVNDVM TABV-

(f) Quamvis enim earum usus, reperta papyro, rarior fuerit; aliquem tamen adhuc fuisse tempore Constantini M. immo & Theodosii, ex Themist. *Orat.* XVI. & XVIII. patet, ubi mentio fit *πρωτοδικῶν καὶ τῶν ἐπιγράμ.* Occurrunt etiam cerati codicilli. L. 51. D. de *Legat.* 3. & lignae tabulae L. 1. D. de *Bon. possess. contra tab.* Adde Schulting. ad *Ulpian. Fragm.* XX, 9. p. 629.

BVLAS TESTAMENTI POSSESSIONEM HEREDITATIS DABO. Et ne quis hoc Edictum a Verre primum inuentum existimet, statim addit Cicero: *Hoc tralatitium est*, id est, edictum vetus, & ex anteriorum Praetorum albis in illud Verrinum translatum.

XIV. Mansit antiqua testandi ratio per aes & libram diutissime, adeo vt Vlpianus scribat, *Fragm. XX, 2. Illis duobus testamentis* (in Comitibus calatis & in procinctu) *abolitis, hodie solum in vsu est, quod per aes & libram fit, id est, per mancipationem imaginariam*. Vnum itaque memorat testandi modum. Quamuis enim & Praetoria testamenta frequentarentur: ea tamen non nisi improprie hoc nomen sustinebant, quum ex eis non hereditas, sed bonorum possessio daretur. *L. 7. L. 9. D. de Bon. poss. sec. tab.* Denique quum & Constitutionibus quaedam nouae inueherentur obseruationes: in vnum conslari coeperunt ritus, ex Iure Ciuili, Praetorio & Constitutionibus Principum nati, id quod temporibus Theodosii iunioris factum esse, non sine adparatu docet Iac. Gothofredus *ad L. 1. C. Theod. de Testament. & Codicill. Tom. I. p. 334. sequ.* Ex eo itaque inualuit, vt testamenta I.) vno contextu, II.) praesentibus septem testibus, III.) iisdemque subscribentibus & IV.) annulo signantibus fierent, & V.) a testatore ipso vel scriberentur vel subscriberentur. §. 3. *Inst. b. t.* Quibus sextam sollemnitatem addiderat Iustinianus, vt per manus testatoris & testium nomen heredis exprimeretur. §. 4. *Inst. b. t.* Eam vero ipse Iustinianus iterum sustulit. *Nov. CXIX, 9.* Vt adeo  
parum



parum diuturna fuerit huius subtilitatis obseruatio.

XV. His praemissis, & maxime si obseruaueris, testamenta olim in Comitiiis calatis facta esse, facile patet, cur quidam testes esse non potuerint, veluti mulieres, impuberes, serui, furiosi, surdi, muti. Nam nullus horum admittebatur ad Comitiam. *Thomaf. not. ad Inst. h. t.* Et hinc etiam dicitur, nullam cum iis esse testamenti factionem.

XVI. Ad testamentum militare quod attinet, quo ritu illud antiquissimis temporibus in procinctu factum, iam supra (§. III.) diximus. Vbi etiam illud cum auspiciis euauuisse, ex Cicerone obseruauimus. Sub Imperatoribus, (g. quum loco militiae lectae placeret mercenaria, eo quoque inter alia priuilegio ornati sunt milites, vt quomodocunque facta ab iis testamenta, valerent, etiam sine legitima obseruatione. *Vlp. Fragm. XXIII. 10.* Hinc & ratum erat militare testamentum, si praesentibus comilitonibus aliquot, heredem quis nuncupasset, vel si gladio in arena, vel litteris sanguine rutilantibus in vagina scripsisset. *L. 15. C. de test. milit.* Ita vero demum valebat testamentum, si testator vel in castris mortuus esset, vel post missionem

XV. Cur quidam testes esse non potuerint?

XVI. Testamentum militare.

(g) Quia testamenta in procinctu facta iam Ciceronis tempore exoleuerant: militaria testamenta, de quibus in iure nostro agitur, ex Constitutionibus Principum deriuanda. *Vlp. Fragm. XXIII. 10.* & quidem primum ex edicto Caesaris, hinc Titi, postea Domitiani, mox Neruae, ac postremo Traiani. *L. 1. pr. D. h. t.*

sionem intra annum. Vlpian. *l. c.* Neque opus tamen erat, ut in acie extremoque periculo fierent testamenta, donec Iustinianus in expeditione & castris tantum constitutis militibus sollemnitates remitteret. Sibi sane hanc militaris testamenti restrictionem disertis verbis tribuit Iustinianus. *pr Inst. b. 1. l. 17. C. eod. b)*

XVII. Distinctio inter paganos & milites.

XVII. Nihil horum licebat *paganis*. Ita enim sub Imperatoribus dici coeperant, quicunque non erant milites. Suet. *Aug. XXVII. Galb. XIX.* Plin. *Epist VII, 25. X, 18* Tacit. *Hist. I, 35. II, 14. 88. III, 43. & 77.* Eaque adpellatione nihil est in iure frequentius. Ratio videtur, quia milites emeriti, impetrata missione ab Imperatoribus, in pagis ad colendos agros sibi donatos, collocabantur. Vnde pagani, qui non amplius erant milites, & productio vocis vsu, omnes *ἀπὸλεμοὶ καὶ ἀστράτευτοι*, qui & *privati* saepissime adpellantur.

XVIII. Quinam testari non poterant.

XVIII. Immo inter paganos ne poterant quidem omnes testari. Cuius rei in promptu est ratio. Non peregrinis hoc licebat, quia testamenti factio ad iura Quiritium pertinebat. Non filiis familias, quia nihil habebant, de quo testarentur, praeter peculia castrense & quasi castrense, in quibus pro patribus familias erant. Nec filii fam. participes erant iuris Comitiorum, nisi Magistratum gererent. Vlpian. *Fragm. XX, 10.* ut taceam, Legem XII. Tabularum non filiis fam.

(b) Tribonianismum ergo esse oportet, quod *L. 1. § 15. C. de Milit test.* huius coarctati privilegii mentio sit. Vide Giphani. ad *L. 1. C. eod.* Donell. *Comm. VI. 28.*

fam. sed patribus familias liberam fecisse testandi facultatem. (i) Non impuberibus, quia iis nec in Comitibus locus erat, nec in militia. (k) Non furiosis, quia nullum iis erat animi iudicium. Hinc si dilucida erant furiosis interualla, interea dum furor remiserat, poterant testari. *L. 9. C. Qui test. fac. poss.* Non prodigis porro, quia veteri iure furiosis equiparabantur. *l. 12. fin. D. de Curat. & tut. dat.* Non surdis & mutis, quia & hi nec rogationem audire, nec suffragium dare in Comitibus poterant, immo nec testes rogare, pronunciata sollempni formula: *Vos Quirites testimonium praebitote.* Apulei. *de Asino aur. II.* Vlpian. *Fragm. XX, 9.* Cuiac. *Obs. VI, 37.* Quod secus erat in caecis. Denique nec captis ab hoste, deportatisue in insulam, ut & quamcunque capitis deminutionem vel maximam vel mediam passis testari licebat, amisso quippe iure ciuitatis, quum testamenti factio esset ciuium Romanorum propria. Sigon. *de Antiquo Iure Civ. Rom. I, 12. p. 153.*

## XIX.

(l) Vnde Iuuenal. *Sat. XVI.*

*Solis praeterea testandi militibus ius  
Viuo patre datur.*

Exceptum tamen peculium castrense & quasi castrense per Constitutiones Principum.

(k) Augustum tamen etiam impuberes Tribunos militum fecisse, probant ex Sueton. *Aug. XXX. 11.* Vnde & Tribunis militum impuberibus factam esse testandi potestatem ex *L. 4. C. de Test. milit.* obseruat Alexander ad Cuij *Inst. II, 3. 3.* Sed nec Suetonius nec dicta lex loquitur de impuberibus. Vide notas Graeuji, Rubenii, Cassub. ad *Suet.* & Schult. ad Cuij *Inst. l. 4. p. 45.*

XIX. An  
feminis o-  
lim testari  
licuerit?

XIX. Feminae olim in Comitibus calatis plane testari non poterant, quia nullus iis accessus ad Comitibus. Postea permissa iis testamenti factio, si essent sui iuris, sed non nisi auctoribus tutoribus. Vlp. *Fragm. XX*, 15. Cic. *pro A. Caecina*. VI. Hinc earum testamenta non poterant esse arcana, sed magno periculo subiciebantur feminas, ceu discimus ex *L. 77. §. 24. D. de Legat.* 2. Ex qua lege inferri haut potest, feminas non nisi nuncupatiua testamenta condidisse, quamuis id intulerit Merill. *Obs. II*, 1. p. 69. & *IV*, 39. p. 55. Tabularum enim a feminis scripturarum exempla habemus apud Val. Max. VII, 8. 2. Suet. *Galb. V*. Plin. *Epist. II*, 20. Heredum quoque a feminis scriptorum mentio fit *L. 19. D. de Inoff. test. L. 37. §. 6. D. de Legat. 3. L. 3. C. de de Inoff. test. L. 33. D. de Vulg. & pup. subst.* Vid. *Comment. nostr. ad L. Iul. & Pap. II*, 11. p. 240. *sequ.* Feminae, quae in manum conuenerant, capite deminutae & filiarum familias instar erant, neque adeo testari poterant, ut recte docent M. Aur. Galuan. *de Usufr. IX ult* & V. C. Ant. Schult. *ad Vlpian. p. 632*. Vnde errant Cuiac. *Obs. VII*, 11. & Alcand. *ad Cuij Inst. II*, 2. 1. qui matribus familias, si in manum conuenissent, testandi fuisse facultatem existimant.

XX. Ius  
exheredi-  
dandi o-  
lim liber-  
rum.

XX. Ad exheredationem quod attinet, liberum olim erat, ex XII. Tabulis, filios uti occidere ita exheredare, *L. 11. D. de Liber. & postum.* immo & praeterire, idque adhuc tempore Ciceronis obseruabatur, ut patet ex libro *de Orat. I*, 38. Postea filii in potestate constituti aut instituendi, aut nominatim exheredandi erant

pr.

*pr. Inst. de Exb. lib. L. 30. D. de Lib. & post.* Itaque ex eo tempore filios suos exheredare quidem licebat, at nominatim. (1) Idemque obseruandum erat in adoptiuo, quamdiu in potestate erat, itemque in postumo, non item in postuma. Filiae enim postumae, nepotes & pronepotes, exheredari poterant inter ceteros, immo & praeteriri, dummodo postumae legatum relinqueretur, ne per obliuionem videretur praeterita. *Vlpian. Fragm. XXII, 21. sequ.*

• XXI. Ast quum parentes abuti coepissent <sup>XXI. Po-</sup> hac exheredandi licentia, veluti Tettius, qui in <sup>stea restri-</sup> gratiam nouercae filium infantem exhereda- <sup>ctum per</sup> bat: Valer. Max. VII, 7. Reines. *ad Inscr. Class.* <sup>querelam</sup> <sup>inofficiosi</sup> <sup>testamen-</sup> I, 10. p. 24. factum est, vt leges querelam inoffi- <sup>ti.</sup> ciosi testamenti concederent liberis iniuste exheredatis. Et de ea sub Imperatoribus iudicabant Centumviri. Valer. Max. VII, 7. Quinctil. *Inst. IV, 7. Plin. Epist. VII, 8.* Qua de re plura ad titulum XVIII.

XXII. Sed Iustiniano minus e Republica <sup>XXII. No-</sup> visum est, tantam rem esse arbitrariam. Hinc <sup>ua Iusti-</sup> certas tantum ob causas ratam esse iussit ex- <sup>niani Con-</sup> heredationem, quas recensuit *Non. CXV.* & <sup>stitutio.</sup> de quibus plura tradunt Iureconsulti.

## XXIII.

- (1) Non requirebatur tamen praecise nomen proprium, sed & sufficebat descriptio, vel demonstratio, e. g. *filius meus exheres esto*, dummodo vnus esset filius aut cum elogio vel conuicio: *non nominandus, non filius meus, lauro, gladiator, L. 1. 2. & 3. D. de Lib & postum.* Conf. Alexander & Oiscl. *ad Cui Inst. II. 3. princ. Barn. Brissou. de Form. VIII. p. 605.*

XXXIII. XXIII. Id iam ex Antiquitate addendum, distinguendam ab exheredatione esse abdicationem, qua parentes liberos degeneres & se indignos e conspectu suo abire iubebant. Exempla sunt apud Valer. Max. *V*, 8. 3. & 4. Unde recte quidem Horoman. in *Partit. iur.* X, 10. statuit, abdicationem non fuisse modum soluendi patriam potestatem: in eo tamen ipsi adfentiri nolim, quod Graecis tantum nota fuerit abdicatione, qui liberos per praeco- nes e familia eiicere solebant, idque vocabant ἀπειραν vel ἀποκηρύσσειν vel ἐκκηρύσσειν. Nec probabile est, Quintilianum, dum huius abdicationis toties meminit, exempla tantum puerilium exercitationum ex Graecorum Scholis proferre voluisse: Graecum enim hunc ritum etiam inter Romanos sensim inoleuisse, quamvis eum leges Romanae haut probarent, adparet ex *L. 6. C. de Patr. potest.*

## TIT. XIV.

## DE

## HEREDIBUS INSTITVENDIS.

Statim succincte hanc materiam tractavit Tribonianus, quum latius multo patuerint veteres illae de heredum institutione leges. Iunabit ergo, quae defunt, ex Antiquitatibus Romanis supplere.

I. Etiam I. Nihil intererat, liberumne quis hominem, serui institui poterant heredes. Nam & serui heredes esse poterant, siue alieni, siue proprii. Illi, quia hereditatem adquirebant dominis

nis adire iubentibus : hi , qui libertatem simul consequerentur , & sic fiebant hereditatis capaces. Hinc est , quod serui proprii non nisi data simul libertate , institui possent , donec Iustinianus , Iureconsultos quosdam sequutus , institutionem serui proprii etiam sine expressa libertatis datione valere voluit *L. pen. C. de Necess. seru hered. instit.*

II. Institui tamen non poterant I.) *Peregrini* , qui plane nihil capiebant. *Cic. pro A. Caecina XXXV.* II.) *Caelibes* , qui nihil ex testamento capiebant per legem Papiam Poppaeam. *Dio Cass. LIV. p. 608* *Sozom. Hist. Eccl. I, 9* Quae caelibatus poena a Constantino demum M. sublata est. *Sozom. l. c. L. vn. C. Theod. de Infirm. poen. caelib.* III. *Orbi* , id est , parentes , qui sterile matrimonium fuerant experti. Hi enim inter se decimam tantum , non solidum , capiebant. (a) Sin vero ex priore matrimonio superessent liberi , totidem decimas capere poterant , quot sustulerant liberos. *Vlpian. Fragm XIII, 1.* Ex testamento extranei non nisi semissem capere poterant. *Vid. Comm. nostr. ad L. Iul. & Pap. II, 21. p. 243.* Excipiuntur porro IV.) *Vniuersitates* , quas quidquam capere potuisse negant *Plin.*

(a) Per legem Papiam Poppaeam , cuius caput ea dē agens singulari nomine dicitur *lex decimaria L. 2. C. Theod. de Iure liberor. Thalel. Baeridixm Tit. V. p. 47.* Praeter decimam tamen etiam usufructum tertiae partis bonorum , & dotem praelegatam , & si liberos habebant , eiusdem partis proprietatem capere poterant. *Vlpian. Fragm XV. Add. Comm. nostr. ad L. Iul. & Pap. Popp II, 11 p. 259.*

Plin. *Epist.* V, 7. Vlpian. *Fragm.* XXII, 5. Quod ideo receptum videtur, quoniam vniuersitates hereditatem cernere non poterant. Capere tamen iis licebat per fideicommissa. Vlp. *l. c.* idque concesserat SC. *Apronianum*, cuius originem non cum Cuiacio ad Vlp. *l. c.* ad tempora D. Marci, sed cum Ant. Augustino de *Legib. Et SCt.* ad Hadriani imperium referimus, sub quo occurrit Consul Apronius A. C. CXVII. CXXIII. Vid. Schulting. ad Vlpian. *Fragm.* XXII, 5. p. m. 635 Videtur tamen tempore D. Marci id, quod ciuitatibus concessum fuerat SC. Aproniano, etiam ad collegia fuisse productum, idque adparet ex *L. 20. D. de Reb. dub.* Immo & alio SC. concessum est, ut municipia heredes institui possent a libertis suis. Vlpian. *L. 1 § 1. D. de Libert. vniu.* Erant vero liberti vniuersitatum serui publici manumissi. Hinc apud Gruter. p. LXXXVIII, 13. ISID. REG. L. PVBLICIVS EVTYCHES MVN. TAR. LIB. Porro V.) nec mulieres heredes libere institui poterant post Legem Voconiam. Cic. *Verrin.* I, 43. Dico *libere*. Eas enim capere potuisse *δύο ἑκατὼ μυριάδας σέλιας*, XXV. millia nummum, ex Dione Cass. *Lib. LVI* p. 662. patet Male haec verba Dionis habita sunt ab interpretibus, quorum plerique crediderunt, legem Voconiam prohibuisse, ne quis, qui centum millia HS in bonis haberet, plus quam quadrantem honorum, id est xxv. millia HS feminae relinqueret. Vidit cum errore Bachouius ad *Inst. b. i.* Sed eo se ne ipse quidem expedire potuit. Felicius V. G. Iac. Perizonius



de Leg. Vocon. p. 144. sequ. docuit, in textu Dionis intelligendas esse drachmas, quas semper in animo habent Graeci Scriptores, quoties de Romana pecunia loquuntur. Gronou. de Pecun. vet. III, 16. Itaque per hanc legem mulieri non licuit relinquere ultra XXV. millia drachmarum, seu cM sestertium, antequam lex illa Voconia per opulentiam ciuitatis subuerteretur. Gell. NoB. Att. XX, 1.

III. Dum vero vniuersitates heredes institui <sup>III Vni-</sup> potuisse negauimus; intelligendum id est de <sup>ueritates</sup> municipiis & collegiis, Romanorum imperio <sup>quaedam</sup> subiectis, non de ciuitatibus, quae iure suo le- <sup>heredes</sup> gibusque utebantur. Sic apud Tacit. <sup>scribi po-</sup> *Annal.* <sup>terant.</sup> IV, 43. Vulcatius Moschus exsul bona sua reliquit Massiliensibus. Quod exemplum frustra Plinio & Vlpiano opponit Muretus ad Tacit. l. c. Erant enim Massilienses <sup>autonomi</sup> & liberi, teste Strabone *Geogr.* IV. p. 197. sequ. conf. Grot. de Iure Belli & Pac. I, 3. 12. Postremo etiam vniuersitates heredes institui poterant, L. 12. C. de Her. inst. iisque legare etiam Paulli temporibus licebat. L. 122. princ. D. de Legat. 1.

IV. Heredes quoque institui non poterant <sup>IV. Qui</sup> VI.) Dii. (b) Quod ideo procul dubio indu- <sup>Dii po-</sup> ctum, ne bona ciuium vsibus subtracta sacerdo- <sup>tuerint</sup> tum luxuriae seruirent, quamuis & altera ciuili- <sup>institui</sup> heredes ?  
ratio

(b) Hoc quoque obseruat Vlpian. *Fragm.* XXV. 6. quem locum minus accurate P. Faber *Semestr.* III, 1. de religionibus priuatis non suscipiendis, Diisve praeter Senatus auctoritatem non colendis interpretatur. Vid. Schulting. *Iurispr. Ant.* p. 635.

ratio accederet, quod Dii hereditatem cernere atque adire non possent. Coeperunt tamen Romani sub Prinoipibus Diis quibusdam, vt hereditatum capaces essent, ius liberorum dare, ridicula profecto liberalitate, Dio Cass. *LV*, p. 629. Tale ius, teste Vlpiano *Fragm XXV*, 6. impetrauerant Iupiter Tarpeius, de quo Petr. Fab. *Semest. III*, 4. Iust. Rycqu. *de Capitol. Rom. XVIII. XIX. XX* Apollo Didymaeus, (qui & Branchides vel Branchiades, Pompon. Mel. *de Sit Orb I*, 17 & ibi Isaac. Voss. p. 83.) Mileti cultus, quae vrbs etiam in numis suis praefert ΔΙΑΥΜΕΑ ΜΙΑΗΣΙΩΝ, apud Patin. *Numism. Imp. aer* p. 72. Conf. V. C. Burmanni *Iou. καταιβάτης* p. 100 Mars in Gallia, de quo Caesar *de Bell. Gall. VI*, 17. Minerua Milienfis, vel vt alii (c) legunt, Ilienfis, de qua L. Holstenius *ad Steph. voce Ἰλιον*. Hercules Gaditanus, de quo Iustin. *Hist. XLIV*, 5. Appian. *Punic.* p. 256. Diana Ephesia, de qua legi merentur Iac. Menetrecii *Symbolica Dianae Ephes. statua*, & L. Holsten. *Epist. de fulcris seu verubus Dianae Ephesiaae, Dianae simulacro adpositis* apud Gronou. *Thes. Ant. Graec. Tomo VII*. Mater Deorum Sipelensis, vel, vt alii legere iubent, Sipylensis, vel Sipylene. Sanc ΜΗΤΗΡ ΣΙΠΥΛΗΝΗ legitur in *Marmoribus Arundellianis*. p. 11. & 12. Th. Reines. *Inscript. Classe I. n. 43*. Iac. Spon. *Miscell.* p. 350. Ita enim dicta a Sipylo monte, ceu adparet ex marmore Smyr-

(c) Veluti Hadr. Turneb. *Aduers.* VII, 21. Cuiac. *Observ.* X, 5. licet dissentiant P. Fab. *Semest.* III, 4. & Rad. Forner. *Rer. Quotid.* II, 8. qui Meliensē legi iubet.

Smyrnenſi, quod commentario illuſtrauit Car. Patin. Patau. cIo. IoCLXXXV, 40. De ea Diua videndus Heinf. *ad Prudent. περὶ ſυφάν. X. v. 196.* Marqu. Gud. *ad Phaedr. Fab. III, 20.* Denique Coeleſtis Salinenſis Carthaginiſ, de qua vt & reliquis copioſiſſime Schulting. *Iuriſpr. Antiqu. p. 636. ſeq.*

V. Ceterum hereditatem veteres ſemper vt v. As hereditatem conſiderabant, cuiusque adeo duodecim reditarius. concipiebant uncias. Erat enim *as*, quidquid ad *μονάδα* atque unitatis rationem poterat reduci, quaſi *ſc.* Salmaſ. *de Uſur. p. 536.* Idem *de Modo Uſur. p. 261.* Fluxit *aſſis* vox a Doribus, Siculis & Tarentinis, a quibus & ipſum grauis ponderis numum & pleraſque rei pecuniariae adpellationes Romani acceperant. Nam ex Dorico *ἀς* Tarentini & Siculi fecerunt *ας*, inde Romani vtrumque vocabulum *aes* & *as* habuerunt. Quorum vocabulorum eadem erat ſignificatio, quia primus *as* ex aere fuerat percuſſus. Conf. Scalig. in Varr. *de Lat. Lingu. IV, p. 69.* Porro quum *ας* a Siculis etiam *λίτρα* diccretur: factum eſt, ut & Romani *aſſem* vocarent *libram*. (d) Et quum duodecima pars τῆς λίτρας Siculis eſſet *ἑγξία*, idem nomen etiam placebat Romanis. Praeclarus hanc in rem locus eſt Iulii Pollicis *Lib. IX. cap. 6. ſegm. 80.* ἀλλὰ μόντοι παρ' αὐτῶν τῷ

- (d) Aſſes enim erant librales uſque ad bellum Punicum primum. Poſtea aſſes ſextantarii cudi coeperunt. Plin. *Hiſt. Nat. XXXIII, 13.* Vnde errat Feſtus voce *ſextantarii aſſes*, dum hanc mutationem demum a bello Punico ſecundo factam exiſtimat. Vid. lo. Harduin. *Not. ad Plin. l. 6.*

τῶ (Ἀριστέλει) τις μὲν ἐν τῇ Ἱμαραίων πολιτείᾳ καὶ ἄλλα  
 ἔντροι Σικελικῶν νομισμάτων ὀνόματα, ὅιον οὐγκίαν, ὅπερ  
 δύναται χαλκὴν ἵνα. *Ceterum apud eundem* (Ari-  
 stotelem) *in Himereorum Politia etiam alia inuenies*  
*Siculorum nomina, utpote VNCIAM, quae valet*  
*aerem unum.* Hinc Romani omne totum *assem*  
 vocabant; idque diuidebant in duodecim vnci-  
 as, quasi id demum esset perfectum, quod XII.  
 partibus vel vnciis constaret. Eleganter Bal-  
 bus *de Asse* apud I. F. Gronou. *de Pec. Vet.* p. 883.  
*Quidquid unum est, & quod ex integrorum diuisione*  
*remanet, assem ratiocinatores vocant.* Exemplum  
 est non modo in hereditate, verum etiam in  
 vsuris, de quarum computandi ratione per vn-  
 cias post Salmasium egregie commentati sunt  
 Io. Frider. Gronou. in *Dissert. tribus de Centesi-  
 ma & asse vnciario* & Ger. Noodt. *de Foen. &*  
*vsuris II, 2.*

VI. Eius  
 partes.

VI. Hinc facile explicantur nomina, qui-  
 bus hereditatis partes designare solent Iurecon-  
 sulti. Quum enim AS integrum bonorum  
 corpus significet, in duodecim vncias diuisum;  
 vndecim vnciae vocabantur DEVNX, quasi  
*uncia una demta.* (e) Pari ratione *decem vnciae* vo-  
 cabantur DEXTANS quasi *desextans*, hoc est,  
 demta sexta parte, nec non DECVNX, quasi  
*decem vnciae.* Nouem vnciae DODRANS, quasi  
*dequadrans*, id est, demto quadrante; octo vnciae  
 BES, siue a veteri *des*, vt Varro coniicit, vel  
 quasi

(e) De enim in compositione tollit, vt patet exemplis,  
*dement, destrueret, vndeviginti, duodeviginti.*

quasi *bis triens*, ut Festus mauult. Balbus *l. c.* potius *beffis* dicendum esse monet, quam *bes* vel *des*, quoniam *biuas* ex tribus *affis* partes sibi vindicat. Sed ea de re pluribus inter se disceptant Scaliger, Salmasius, Vossius. Conf. Ian. Vinc. Grau. *ad XII Tab. p. 338. sequ.* *Septem unciae* dicebantur SEPTVNX, cuius nominis ratio per se patet; *Sex unciae* SEMIS; quasi *semiaffis*; *quinque unciae* QVINCUNX; *quatuor unciae* TRIENS, id est, tertia pars *affis*: *tres unciae* QVADRANS, id est, quarta pars *affis*; *duae unciae* SEXTANS, qui sexta pars *affis*. Quae vero de partitione harum vnciarum in iure inculcantur, de iis copiose Doctores, & inprimis Gu. Budaeus *de Asse*. Sunt tamen & alia vocabula iuris eodem pertinentia. Nam duplicatus as erat DVPPONDIVS, quemadmodum vnum pondus ASSIPONDIVM vocabatur. Dimidia pars vnciae est SEMVNCA, tertia DVELLA, vel BINAE SEXTVLAE, pars eiusdem quarta, SICILICVM, vel uti Balbus *p. 886.* scribit, SICILIQVVS, *L. 21. §. 2. D. de Ann. legat.* pars sexta SEXTVLA, quam minimam aeris partem vocat Varro *de Ling. Lat. Lib. IV. p. 40. edit. Scalig.* & tamen octaua etiam pars vnciae vocatur DRACHMA, duodecima HEMISESCLA vel DIMIDIA SEXTVLA, sexta decima TREMISSIS, quarta & vicesima SCRVPVLVS. Ita Balbus *de Asse p. 886.* Add. Voluf. Maecian. *de Asse* apud eundem Gronou. *p. 874. sequ.*

TIT. XV. XVI.

DE

VVLGARI ET PVPILLARI  
SVBSTITVTIONE.

**D**E substitutionibus vix est, quod ex Antiquitate moneamus, quod non iam in Iure ipso sit explicatum. Quare paucis tantum de origine substitutionum, & quibusdam earum circumstantiis dicemus.

**I. Substitutionum origo.** I. Multum intererat Romanorum, ne testamenta destituerentur, tum ob conditiones varias, quibus plerumque ab herede satisfactum cupiebant, tum maxime ob sacra priuata, quae interire nolebant.

**II. Heredessecundi.** II. Ne ergo deesset heres, ei vel eis, quem quosue instituerant, substituere solebant alios, ad quos in casum deficientium priorum bona deuoluerentur, (a) eosque vocabant *heredes secundos*,

(a) Substitutio ergo vulgaris e XII. Tabulis est, & consequens amplissimae potestatis de rebus suis disponendi: pupillaris moribus inducta dicitur L. 2. D. b. t. Culac. Obs. VII, 6. Enimvero & haec in legibus XII. Tabularum omnino reperit fundamentum. Pater enim familias ex ea lege etiam de PECVNIA SVAE REI legare poterat. Suis rebus etiam accensebantur filii familias, quippe qui, tamquam res mancipi, in domino iuris Quiritium erant. Bynkershoek de iure occid. lib. I. p. 145. Ergo rationi consentaneum videbatur, patrem de pecunia filii sui, qui ipse per aetatem testari non posset, testari, adeoque eidem substituere pupillariter posse.

(b)

cundos. Cic. *de Inuent.* II, 21 *pro A. Cluent.* XI. Grut. *Inscr. p.* DXXIX, 3. *p.* DLIX, 7. Reines. *Inscr. Class.* VIII, 13. 14. 15. Rem ita describit Appianus: Ἐθος Ῥωμαίοις παρὰ γὰρ ἄφειν τοῖς κληρονομαῖσι: ἐτέρως, ἢ μὴ κληρονομοῦν οἱ πρότεροι. *Mos est Romanis heredibus substituere alios, si priores heredes non fierent.* Porro & his heredibus nonnumquam substituebantur, qui tertio vel vltiore gradu succederent. Sic Augustus testamento suo primo locò Tiberium & Liuiam; secundo nepotes pronepotesque: tertio primores ciuitatis scripserat. Tacit. *Ann.* I, 8. Suet. *Aug. cap.* CI. Meminit quoque *tertiorum heredum* Suet. *Claud.* VI.

III. Formula vulgariter substituendi est apud Caium *Inst.* II, 4. 1. ILLE HERES MIHI ESTO, QVOD SI HEREDITATEM MEAM ADIRE NOLVERIT, ILLVM SVBSTITVO, AD QVEM HEREDITAS MEA DEBEAT PERTINERE. Videtur tamen haec formula ab Aniani manu esse, obseruante Aleand. *ad Caii l. c.* certe non fuit perpetua, ceu ex plurimis Pandectarum locis patet, quae collegit Briffon. *de Form.* VI. p. 607.

III. Formula substituendi vulgariter.

IV. Haec vulgaris substitutio. Pupillaris quasi duplex testamentum complectebatur, siquidem prius sibi paterfamilias, deinde filio impuberi heredem instituebat, in eum casum, si hic intra pubertatem decessisset. *L. 2. §. 4. D. de Vulg. & pupill. subst.* *L. 25. D. Qui test. fac. poss.* §. 2. *Inst. h. t.* Quamuis enim & hic dissentirent Proculiani & Sabiniani, quorum illi id adfirmare; hi negare solebant: Merill. *Obs.* III, 12.

IV. Substitutio pupillaris eiusque formula.

po-

posteris tamen Proculi doctrina constanter placuit. Recepta hic erat formula: ILLE FILIVS SI INTRA PVBERTATEM DECESSE-  
RIT, ILLVM SVBSTITVO. Cai. *Inst. II*,  
4. 2. Cuiusmodi substitutionem ita describit  
Horat. *Serm. II*, 5. v. 45.

*Si cui praeterea validus male filius, in re  
Praeclara sublatuſ, aletur; ne manifestum  
Caelibis obsequium nudet te, leniter in spem  
Arrepe officioſus, ut & scribare ſecundus  
Heres, &, ſi quis caſus puerum egerit Orco,  
In vacuum venias.*

V. Cautela in substitutione pupillari observata.

V. Inprimis vero id accurate observatum legimus, quod parentibus de liberorum salute sollicitis commendat Iustinianus §. 3. *Inst. de Pupill. subst.* ut substitutionem in ima parte tabularum scriberent, eamque separatim signarent, (b) ne substitutus heres pupillo strueret insidias, malletque rapere hereditatem, quam incerta spe expectare. Sic Horat. *Sat. II*, 5. v. 53.

- - - *Quid prima ſecundo  
Cera velit verſu.*

Ad quae verba videnda virorum doctorum *ſcholia*. Eandem cautionem nonnunquam in vulgari substitutione adhibebant. Et huc quoque pertinent illa Suet. *Caes. LXXXIII. Nouiſſimo teſtamento tres inſtituit heredes ſorum nepotes, C. Octaviuſ ex dodrante, & L. Pinarium & Q. Paediuſ ex quadrante, reliquos in IMA CERA.*  
C. Octa-

(b) Vnde & tabulae ſecundae adpellatae vltimi illi verſus, qui ſubſtitutionem pupillarem complectebantur. Vid. Barn. Briſſon. *Sel. Ant. Rom.* III, 12. p. 54.



*C. Octavianum etiam in familiam nomenque adoptavit. Conf. Salmaf. de Mod. vjurar. cap. XI. Cai. Inst. II, 4. 2. & ibi Oisclius.*

## TIT. XVII. XVIII. XIX.

QVIB. MODIS TESTAM. INFIRMAN-  
TVR, DE QVERELA INOFFICIOSI, ET HERE-  
DVM QUALITATE, ET DIFFE-  
RENTIA.

**D**E modis, quibus testamenta infirmantur, paullo accuratius dicere poterat Iustini-  
nus. Nos ne actum agamus, pauca ab eo omis-  
sa supplebimus.

I. Quemadmodum Iureconfulti rebus omni-  
bus nomina sua tribuebant: ita & modos in-  
firmandi testamenta accurate suis distingue-  
bant vocabulis. Sic quae ab initio inualida  
erant testamenta ob personarum vel voluntatis  
vitium, ea NVLLA esse dicebant. Alia sunt  
INIVSTA, siue non iure facta, in quibus scili-  
cet non observata sunt sollemnia iuris. *L. 1. D.  
de Iniust. rupt. irr. fact. test.*

II. Ex post facto infirmabatur testamentum  
Iure vel Praetorio vel Civili. Priori casu diceba-  
tur BONORVM POSSESSIO CONTRA  
TABVLAS DARI, de qua suo loco. Poste-  
riore casu testamenta vel rumpi, vel irrita fieri,  
vel destitui, vel rescindi, ferebantur.

III. RVMPEBANTVR testamenta par-  
tim agnatione heredis sui, vel certe quasi agna-  
tione, de qua Hub. *Praelect. II, 17. 1. p. 189.* par-  
tim nouo testamento sollemniter facto, *L. 6. §. 2.*

L 1

D. de

*D. de Iur. cod.* partim incisione, deletione, cancellatione. *Tit. de His quae in test. delent.*

IV. Irrita  
& destituta.

IV. IRRITVM FIEBAT TESTAMENTVM capitis deminutione, maxima, media, ac minima. *Maxima* enim seruum faciebat, *media* peregrinum, *minima* filiumfamilias. Quum vero nullus horum testari posset: facile patet, sic rem incidisse in casum, a quo incipere non posset. DESTITVTVM denique dictum esse, ex quo nullus heres erat, vel dupondii sciunt.

V. Rescissa per querelam inofficiosi, cuius quae origo

V. Denique RESCINDI testamentum dicebatur per QVERELAM INOFFICIOSI. Eius originem diu ignoratam, ex Antiquitatis parietinis restituere iuuabit. Franc. Duarenus *ad b. t. cap. II.* eam a Principibus inuentam putat. Sed ante Principes eam notam fuisse, patet ex Valer. Max. VII, 7. 2. Nec felicius eam ex Praetoris edicto deriuat Pithoeus *ad Collat. leg. Mos. & Rom. XVI, 3.* Nam haec actio non, vt aliae Praetoriae rei persecutoriae, ad actum rescindendum comparatae, annalis est, verum quinquennium durat. Nec Praetor, vnquam exheredatis succurrit, vt ait Vlpianus *L. 8. pr. D. de Bon. poss. contra tab.* Nec denique locus Paulli *Rec. Sent. IV, 8. 5.* ex quo id collegerat Pithoeus, hoc dicit, vbi tantum *actiones Praetoriae*, non querelae inofficiosi fit mentio. Veriorem ergo originem sibi inuenire visus est Cuiac. *Obs. II, 21. XVII, 17.* Docet enim ex inscriptione *L. 4. D. de Inoffic. test.* querelam hanc introductam esse lege GLICIA, quam lectionem etiam Codicis Florentini tuctur auctoritas. Et nihil sane Glicii Romae est celebrius. Frequenter  
cuius

LIB. II. TIT. XVII. XVIII. XIX. 531

eius meminere Tacitus, Suetonius, Florus, Livius, quin & Marmora Capitolina, in quibus A. V. C. IODIII. laudatur.

M. CLAUDIVS. C. F. GLICIA. QVI.  
SCRIBA. FVERAT. DICTATOR.  
COACT. ABDIC. SINE. MAG. EQV.

Steph. Vinand. Pigh. *Annal. Tom. II. p. 50* Grut. *Inscr. p. CCXC. 11.* Vnde invidia stimulatus videri poterat Hotomanus, qui *Disp. de Quarta legis. cap. I.* ne Cuiacio gloriam detectae legis tribuat, legem plane nullam agnoscit Gliciam, querelamque inofficiosi ex moribus magis, & consilio Iureconsultorum, quam ex certa aliqua lege fluxisse, contendit. Cum Cuiacio sane faciunt recentiores paene omnes, & in his Ant. Augustin. *de Leg. & SC. in Lege Glicia*, & Ian. Vinc. Grauius *de Leg. & SC. LXXX. p. 649. sequ.* Sed negari sane nequit, Hotomani sententiam Cuiaciana esse verosimiliorem. Gliciorum enim cognomen, familiae, non gentile nomen est. Leges vero a cognominibus cognominatae non desinebant in IA, sed in ANA, verbi causa lex Iunia Norbana. Sigon. *de Nom. propr. p. m. 1426.* Ergo haec lex aut *Claudia* dicenda fuisset, aut *Gliciana*, non Glicia. Quare nihil dici potest verosimilius, quam quod moribus & Iureconsultorum auctoritate inualuerit haec querela, & quidem libera adhuc Republica. Meminerunt enim illius Cicero *adu. Verr. I, 42* & Valer. Max. *VII, 7 5.* ex quo constat, iam ad C. Calpurnium Pisonem hanc querelam fuisse delatam. Atque Praeturam hic Calpurnius gessit anno V. C. IODLXXXIII. Scilicet liberrima olim erat patri-

L 1 2

busfam.

busfam. testandi exheredandique facultas. Quum vero ea abuterentur homines maxime blanditiis nouercalibus deliniti: ICTi de remedio cogitare coeperunt, quo iniuste exheredatis succurrerent. Quod non obscure innuit Pomponius, dum latissimam illam potestatem testatorum *coangustatam* fuisse ait *interpretatione iura constituentium*. L. 120. D. de Verb. signif. Iam quamuis ICTis nouas leges condere vel veteres euertere haut liceret: tamen quum ex iuris principiis furiosi condere non possent testamentum; non alia ac commodiore ratione iniuste exheredatis succurrere poterant, quam si colore furoris vterentur, fingerentque, parentem liberos iniuste exheredantem sanae ac integrae mentis haut fuisse, idque inde demonstrarent, quod homines bene de se meritos sine iusta causa vel praeterierint vel exheredes scripserint. Bynkersh. *Obs.* II, 12. p. 152. Ceterum hanc actionem vocabant QVERELAM, *ἐνφύλιας ἵεκα*. Cognati enim non se inuicem accusare, sed inter se conqueri dicebantur. Voss. *Inst. Orat.* I, 6. 2. Vocabant eandem querelam IN OFFICIOSI, quia quemadmodum *beneficia aliorum sunt, ita officia eorum, quos necessitudo suscitatur & opem ferre iubet*. Seneca de Benefic. III, 8 Contra officium enim testati videbantur, qui proximos vel praeterierant, vel exheredes iniuste scripserant, VI. Ceterum hac querela, testamento, ceteroquin sollemniter facto, obiciebatur dementia furorue testatoris. Non enim tanta inhumanitas cadere videbatur in sani capitis hominem, ut sine causa exheredes scriberet filios. Institue-

VI. Eiusdem naturae.

stituebatur haec querela coram iudicio centumuirali, seu quadruplici, ut patet ex Plin. *Epist. IV, 24*. Vnde & ipsa haec querela aliquando *iudicii centumuiralis* nomine venit. *L. 13. D. de Inoff. test. Add. L. 17. D. eod.* Valer. Max. *VII, 7. 1. & 2. & VII, 8. 1.*

VII. Ceterum cessabat haec querela, reli- VII. Ori-  
cta legitima, seu certa & legibus definita bono- go legiti-  
rum portione. Et olim semper erat heredita- mae por-  
tis quadrans. *L. 8. §. 6. & 8. D. b. t. L. 31. D. eod.* tionis.  
*L. 2. C. de Inoffic. donat.* Haec quarta quando & qua  
occasione inoleuerit, incompertum sibi esse fa-  
tetur Iac. Cuiac. *Obseru. II, 21. III, 8.* ubi tamen  
eamdem a Marco Imp. inuentam suspicatur, de-  
ceptus loco Nicephori. At inter primos Ian.  
a Costa *princ. Inst. de Inoff. test.* & Claud. Chiffli. *de*  
*Legit. port.* nec non post hos Ant. Schultingius *Iu-*  
*rispr. Anteiust. p. 381* docuerunt, legitimam illam  
portionem ex legis Falcidiae rationibus pru-  
dentum interpretatione esse inductam. Sane  
heredibus, quibus inofficiosi querela compe-  
tit, **QVARTAM FALCIDIAM** deberi, diser-  
tis verbis dicunt Paullus *Recept. Sent. IV, 5. 5.* &  
Vlpianus *L. 8. §. 9. & 14. D. de Inoffic. testam.* Ab-  
solute quoque illam portionem **QVARTAM**  
vocat Plin. *Epist. V, 1.* & **FALCIDIAM** Iusti-  
nianus *L. 31. C. de Inoff. test.* Vnde patet, satis  
antiquam & fortean Augusti temporibus ae-  
qualem (a) esse legitimam illam portionem.

## VIII.

(a) Augusti enim temporibus latam esse legem Falci-  
diam, ostendemus *infra lib. II. Tit. XX. sequ. §. XIV.*  
Occasionem forsan dedit G. Tettius Vibo, qui filium

VIII. In  
uesti a  
luluniano  
mutatio,

VIII. Sed mutauit illam portionem Iustianus per *Nou. C. XII.* & *Nou. XV III.*, i. vbi legitimam portionem, si liberi quatuor vel pauciores essent, trientem: sinquinque vel plures, semissem esse iussit.

IX. Qui-  
bus cas-  
bus haec  
querela  
locum ha-  
buertit, vel  
non ha-  
buertit?

IX. Competebat haec querela liberis non modo aduersus parentes, sed & his aduersus liberos. Sane & matrum testamenta hac querela impugnata legimus iam ante SC. Orphitianum, apud Plin. *Epist. V.*, i. Valer. Max. *II*, 7. 4. Quod eo minus mirandum, quia ex eodem Valerio Max. constat, etiam amicos extraneos agere potuisse. Postea id remedium ad solos parentes, liberos, fratres restrictum *L. 1. D. b. t.* Immo iure nouo cessabat haec querela etiam in fratribus & sororibus, nisi turpis instituta esset persona: *L. 27. C. b. t.* cessabat etiam contra testamentum militis: *L. ult. §. 1. C. cod.* cessabat denique praescriptione quinquennii, *L. 8. §. ult. D. cod.* de quibus omnibus plenius agunt Iureconsulti.

X. Here-  
des quo-  
tuplicis?

X. Pergimus ad heredum qualitatem & differentiam. Erant illi vel NECESSARII, vel SVI & NECESSARII, vel EXTRANEI.  
*pr. l. ult. b. t.*

XI. Here-  
des neces-  
sarii.

XI. NECESSARII erant, qui cogebantur esse heredes etiam inuiti. Tales erant serui, quibus pro libertate data, id iugum imponebatur: leges, vt heredes esse cogerentur, quo sub-  
hastatio bonorum non fieret nomine domino-  
rum,

infantem exheredauerat. Val. Max. *VII*, 7. 3. Rel-  
at. *inscript. p. XXIII*, 1.

(b)

rūm, si forte aes alienum aliter dissolui haut posset, sed eorum nomine. Infamiae enim quid habere videbatur illa subhastatio, quam hoc ordine factam nouimus. Proponebatur edictum a Praetore, quo creditoribus possessio bonorum dabatur. Qui ubi triginta dies a die deserti vadimonii possederant: eiusdem Praetoris iussu creari solebat Magister ad bona distrahenda. Cic. *ad Attic. VI, 1.* Quinctilian. *Inst. Orat. VI, 4. L. ult. D. de Curat. bon. dand.* Tum fiebat praescriptio in celeberrimis vrbs locis: ITA ILLE DEBITOR NOSTER IN EIVSMODI CAVSSA EST, VT BONA EIVS DIVENDI DEBEANT, QVICVMQVE EMERE VOLET, ADESTO. Theoph. *pr. Inst. de Succes. sub. quae fieb. per bon. vendit. idque est illud triste carmen magistri*, de quo Cicero *de Orator. I, 57.* vel libellus bonis alicuius suspensus, apud Senecam *de Benefic. IV, 12.* Paucis diebus post denuo adeundus erat Praetor, vt liceret legem bonorum vendendorum facere, atque inde ita v. c. praescribebant: HAEC QVICVMQVE EMERIT, CREDITORIBVS IN DIMIDIAM PARTEM EORVM, QVAE IPSIS DEBENTVR, RESPONDERE DEBET. Theophil. *ibid.* Interea aderant bonorum emtores, qui totam massam bonorum emebant, vocati etiam *sectores*, de quibus Cic. *pro S. Rosc. Amer. VI.* Scilicet sectores vocabantur, qui *spem lucri sui sequuti, bona condemnatorum semel auktionabantur, proque iis pecunias pensabant singulis, ac deinde pro compendio suo singulas quasque res populo vendebant.* Ascon. Paed. in *Verr. III. p. 1845.* Non-

nunquam, si deesset emtor, auctio fiebat, eaquē indicabatur acerba voce praeconis, cuius formula, sed iocosa, est apud Plaut. *Menaechm. V, 9. v. ult.* Qua de re Cicero *Epist. ad Attic. VI, 1. Sigon. de Ant. Iure Civ. Rom. I, 11. p. 149. & de Iudu. I, 18. p. 449 sequ.* Ne ergo haec infamia in defuncti domini manes redundaret: ab obaeratis servus instituebatur heres, & is cogebatur hereditatem adire, atque hinc dici solebat **HERES NECESSARIUS.**

XII. Sui  
& necessarii,

**XII. SUI & NECESSARII** erant liberi, **SUI**, quia iam viuis parentibus quasi domini habebantur; §. 2. *Inst. b. t. §. 3. Inst. de Hered. quae ab intest. L. 11. D. de Lib. & postum.* Vnde & *particeps patris* eleganter dicitur filiusfamil. apud Terent. *Heauton. Act. I. scen. 1. v. 97.*

*Nec fas esse, vltia me voluptate hic frui,*

*Nisi ubi ille huc saluus redierit meus particeps.*

**NECESSARII**, quia nec ipsis fas erat, hereditatem repudiare: Quia tamen durum videbatur, ob defuncti parentis infortunium liberos superstitēs quasi infamiam contrahere: Praetor ipsis postea concesserat beneficium abstinendi, *L. 11. L. 12. L. 57. pr. D. de Acquir. hered. L. 71. §. 9 D. eod.* ex quo loco, id beneficium iam ante Sabini tempora liberis datum esse, adparet.

XIII. Ex-  
tranei,

**XIII. Denique EXTRANEI** erant, qui nec necessarii erant, nec sui. His ergo liberum erat, vel adire hereditatem, vel repudiare, si magis expedire videretur. Adquirebatur scilicet hereditas *erectioe, aditione, pro herede gestione, immissione, agnitione* Charond. *ad Vlp. Fragm. XXII, 27.* qui tamen fallitur, dum immixtionem

nem



nem huc refert, quum ea ad heredes suos pertineat, quos ipso iure heredes esse, diximus. Quamvis autem cretio & aditio semper essent coniunctae: tamen ideo non sunt vocabula synonyma, uti sibi persuasit Donell. *Comm. Iur. Civ. VII*, 8. sed actus diuersi. Idque vel inde patet, quod sequiore aevo hereditas etiam sine cretione adiretur, quale priuilegium matri, patruis, aliisque cognatis tribuit Constantinus *L. 1. § 2. C. Theod. de Legit. heredit.*

XIV. CRETIO erat actus eorum, qui cum cretione erant heredes instituti. Vlpian. *Fragn. II*, 25. Cum cretione dicebatur institutus, cui testator iniunxerat, ut hereditatem cerneret. Ea cretio erat vel PERFECTA vel IMPERFECTA. Nam si scripserat testator: TITIVS HERES ESTO, CERNITOQVE IN DIEBUS CENTVM PROXIMIS, QVIBVS SCIERIS POTERISQVE: NISI ITA CREVERIS, EXHERES ESTO. Vlp. *l. c. §. 27.* haec formula pertinebat ad cretione*m perfectam*. Sin vltima verba essent omissa: dicebatur heres institutus cum cretione imperfecta, itemque, si locq exheredationis adiectum: SI NON CREVERIS, TVNC MAEVIUS HERES ESTO. Vlp. *l. c. §. 34.* Erat quoque cretio vel VULGARIS, vel CONTINVA. *Vulgaris*, in qua adiciebantur verba: QVIBVS SCIERIS POTERISQVE. *Continua*, in qua non adiciebantur. Vlp. *Fragn. l. c. §. 31. 32.* Ceterum horum verborum is erat sensus, quod in cretione vulgari dies tantum utiles; in continua omnes numerarentur. Schulting. *ad*

Vlpian. *l. c. p. 644*. Cernere vero hereditatem, non erat facere, ut viderent, aliquem esse heredem, ceu interpretatur Varro *de Lingua Lat. V. 8. p. 43. edit. Gotbofr.* Sed decernere, se heredem esse velle, ceu ipse Varro *Lib. VI, § p. 57. rectius* atque accuratius docet. Cuiac. *Obs. VII, 18.* Iac. Perizon. *Not. ad Sanct. Minerv. IX, 15.* Fiebat ista cretio intra certos dies, praesentibus testibus. Cicero ad *Att. XIII, 44.* Sic centum dierum meminit Vlpian. *l. c.* & ius nostrum *L. 22. §. 1. D. Quando dies leg. ced. L. 3. §. 8. D. de Minorib. L. 2. §. vlt. D. de Suis & legit. hered.* quae loca veterem ritum cretionis redolere videntur: sexaginta dierum Cicero *Epist. ad Attic. XIII, 44.* In ipso actu dicenda ab herede erant verba cretionis: QVVM ME MAEVIVS HEREDEM INSTITVERIT, EAM HEREDITATEM ADEO, CERNOQVE. Vlp. *l. c. §. 28.* Add. Barn. Briffon. *de Form. VII. p. 600. & 601.* Et hinc CRETIONIS SOLEMNITAS. *L. vn. C. Theod. de Cret. & bonor. possess.* SCRVPVLOSA SOLEMNITAS. *L. 8. C. Theod. de Matern. bon.* CRETIONIS COMMENTVM. *L. 1. C. Theod. eod.* CRETIONEM DICERE. *L. 5. C. Theodos. eod.*

XV. An aliis sollemnitati-  
bus opus  
fuerit ad-  
turis here-  
ditatem?

XV. Dictis cretionis verbis heres dicebatur *hereditatem adrisse*. Nec aliis ritibus tunc facta videtur hereditatis aditio, quamvis quibusdam casibus aditio & sine cretione fieri posset. Sunt equidem, qui aditas hereditates existimant percussione digitorum: Cuiac. *Obs. VII, 18.* Merill. *Obs. IV, 34* quod signum domini apud veteres fuisse constat. Alii etiam saltationem

tionem addunt, quasi laetitiae signum. Ant. Dadin. Alteserra *de Filiation. Iur. Tract. III*, 19. Sed utrumque ritum collegere ex male intellecto loco Ciceronis *de Offic. III*, 19 ad quem addendae eruditae observationes Io. Georg. Graevii. Addunt alii Ambros. *de Offic. III*, 2 Sed & hic Ciceronem non intellectum manifesto exscripsit.

XVI. Qui sine cretione heredes erant scri- XVI. Quid  
pro here-  
de gesto?  
pti, ii heredes fieri poterant, etiam sine aditione, PRO HEREDE GESTIONE. (b)  
Pro herede vero gerebat, qui rebus hereditariis tamquam dominus utebatur, veluti qui auctorem rerum hereditariarum faciebat, servus hereditariis cibaria dabat &c. Vlpian. *Fragm. XXII*, 26.

XVII. IMMIXTIO ad necessarios & suos XVII.  
Quid im-  
mixtio, &  
agnitio?  
heredes pertinebat. AGNITIONEM, sublata cretione sollemni, aiunt inualuisse. §. *ult. Inst. de Hered. qual. & different. §. ult. Inst. de Bon. poss.* Sed sic ea vel ab aditione non differt, vel ad bonorum possessionem potius, quam ad hereditatem, pertinet. Sustulit vero cretione in bonis maternis Constantinus *L. 1. C. Theod. de Matern. bon.* nec non Constantius, *L. 4. C. Theod. eod.* & Valentinianus *L. vn. C. Th. de Cretione*. Postea eandem penitus abolevit non  
Arca-

(b) Addidi *etiam*, quia & hi cernere poterant hereditatem, si volebant, nec tamen cogebantur. Petr. Fabr. *Semestr. II*, 22. Aueran. *Interp. iur. II*, 12. 15. p. 151.

(a)

Arcadius, vt in *L. 17. C. de Iure delib.* dicitur, sed Iustinianus, inuento beneficio inuentarii, (de quo *L. fin. C. de Iure delib. Nou. I, 2. 1.*) Quilibet enim tuto adire ex eo potuit hereditatem, quum eo ipso bona heredis & defuncti separantur, omnisque impediatur actionum confusio.

## TIT. XX--XXII.

DE

LEGATIS, EORVMQVE ADEMPTIONE, ET TRANSLATIONE,  
ET LEGE FALCIDIA.

**H**actenus Imperator de vniuersalibus adquisitionibus egit, ad easque etiam plures, qui infra sequuntur, tituli pertinent. Placuit tamen illi, interficere hic singularum rerum adquisitionem, quae per legata fit. An satis concinne, alii videant. Nos pauca ad hos quoque titulos delibabimus.

I. Legatum quid?

I. Legatum est donatio, quae legis modo, id est, imperatiue, testamento relinquitur. *Vlp. Fragm. XXIV, 1. Legis modo*, inquit Vlpianus, quia veluti legem testator dicit heredi, quid ab eo praestari velit, vnde & Graecis legare, est *καταλείπειν* (a) *Novell. XXII, 2. Io. Chrysost. Homil. I. ad*

(a) Vnde testatores plane more legislatorum loquebantur. Hi verbis imperatiuis vti solebant: iisdem utebantur testatores: PRAECIPITO, SVMITO &c. Legislatorum formula erat DAMNAS ESTO, *L. 2. pr.*

ad *Act. Apost. p. 615.* Quin & ipsum verbum *legare* nihil significat aliud, quam mandare & veluti legem dicere. Ita *Plaut. Casin. I, 1. v. 12.*

*Quin potius quod tibi legatum est negotium  
Id curas?*

Hinc LEGATI dicuntur a *legando*, quia cum mandatis mittuntur, non quia publice leguntur, ceu coniicit Varro *de Ling. Lat. VI, 15. n. 7.* Nec aliam ob causam RELEGATI adpellantur, quam quia *lege*, a populo vel Principe lata, ciuitate exesse iubentur. *Imperatiue* ergo fieri debebat haec donatio, id est, *verbis directis L. 2. C. Commun. de legat. L. 15. C. de Testam.* Scholiast. Horat. *ad Satyr. II, 1. 9.* Verba enim precaria non erant valida ex legibus XII. Tabularum, sed ex voluntate tantum heredum descendebant. Denique *testamento* relinquenda erant legata, non codicillo, antequam scilicet Iustinianus legatorum fideique commissorum naturam exaequauerit.

II. Legatorum genera erant quatuor, VIN- II. Legata.  
DICATIONIS, DAMNATIONIS, SI-quotupli-  
NENDI MODO & PRAECEPTIONIS. cia?

Caius *Instit. II, 5. 1.* Ulpian. *Fragm. XXIV, 2.*  
Paull. *Sent. Recept. III, 7. (b)* Quorum differen-  
tiam licet sustulerit Iustinianus, dum legatorum  
omnium, quibuscumque tandem relicta sint ver-  
bis,

*pr. L. 27. §. 5. D. ad L. Aquil.* Eadem vero etiam  
testatoribus sollempnis erat.

(b) Ant. Faber *Coniect. VI, 1.* quatuor species ad duas  
reuocat, *vindicationis & damnationis*, cui tamen  
respondit Osyv. Hillig. *Donell. enucl. Lib. VIII. p. III.*

(c)

bis, eandem naturam esse voluit: *L. i. C. Comm. de legat.* olim tamen permultum intererat inter hæc legatorum genera, quæ a Iureconsultis disputatione fori inducta esse, non abs re existimavit V. C. Schultingius ad *Vlp. l. c. p.* 649.

III. Legatum per vindicationem.

III. Per VINDICATIONEM his verbis legabant: DO LEGO, SVMITO, HABETO. *Vlpian. l. c. §. 3.* quibus Cautis *Inst. II, c.* addit formulas: ILLAM REM TIBI PRAESVME, VINDICA. Tunc vero legatum erat in legatarii arbitrio, idque ipsi sibi, adita hereditate, statim capere vel rei vindicatione petere poterat. Tale erat illud apud Virgil. *Aeneid V, v* 533

SVME, pater, (nam te voluit Rex magnus Olympi

*Talibus auspiciis exsortem ducere honorem.)*

*Ipsius Anchisæ longæque hoc munus HABEBIS.*

Ad quæ verba Seruius Scholiafies: *Sume, inquit, percipe Nam verbum est Iureconsultorum, in accipientis arbitrio, id est, vindicationis, vel optionis.*

IV. Legatum per damnationem.

IV. Per DAMNATIONEM legabatur his verbis: (c) HERES MEVS DAMNAS ESTO DARE, DATO, FACITO, HEREDEM MEVM DARE IVBEO. *Vlpian. l. c. §. 4.* Vim verborum illorum, quibus, ceu ex *L. 2: pr & L. 27 §. 5 D. ad L. Aquil.* adparet, etiam legislatores utebantur, idem explicat Seruius ad Virgil. *Aeneid. XII. v.* 727. *In Iure quum dicitur*

(c) Dicebantur etiam tunc res optimo iure legata, *Vlpian. Fragm. XXIV, 11.* (d)

*tur DAMNAS ESTO, hoc est, damnatus es, ut des, hoc est, damno te, ut des, neque alias libereris.* Perinde ergo hic heres erat obligatus, ac si vel a iudice, vel ab ipso legislatore, esset damnatus, unde & lis inficiando crescebat in duplum. *Paul. Recept. Sent. l. 19. 1.*

V. SINENDI MODO ita legabatur: HE-<sup>V. Lega-</sup>  
RES MEVS DAMNAS ESTO SINERE<sup>tum sinen-</sup>  
L. TITIVMSVMERE ILLAM REM, SI<sup>di modo.</sup>  
BIQVE HABERE. *Vlpian. Fragm. XXIV, 5.*  
*Cai. Inst. II, 5. 9.* Heres ergo damnabatur qui-  
dem, ut aliquid sumi pateretur, sed legatario si-  
mul permittebatur, ut aliquid sumere posset.

VI. Denique PER PRAECEPTIONEM<sup>VI. Lega-</sup>  
legabant his verbis: L. TITIVS ILLAM<sup>tum per</sup>  
REM PRAECIPITO. *Vlpian. Fragm. XXVI,  
<sup>praece-</sup>  
<sup>ptionem.</sup>  
6. vel ut in notis Magnonis est: P. S. T. Q. H.  
PRAECIPITO, SVMITO, TIBIQVE HA-  
BETO. Res hoc modo legata *praelegatum* vo-  
cabatur, vel *praecipuum*. *Fest. voce excipuum. p.*  
*284.* idque relinquebatur vni ex coheredibus.  
Exempla sunt apud Valer. Max. VII, 8. 4. *Plin.*  
*Epist. V, 7.* *Sidon. Epist. VI, 12.**

VII. Differentia inter hos legandi modos<sup>VII. Dif-</sup>  
non vna erat. Per *vindicationem* legari pote-<sup>ferentia</sup>  
rant res, quae tempore mortis & facti testamenti<sup>horum le-</sup>  
testatoris ex iure Quiritium fuerant. (d) Quod<sup>gatorum.</sup>  
si ta-

(d) Si res legata pondere, mensura, numero constabat,  
sufficiebat, si tempore mortis iure Quiritium testato-  
ris esset. Ratio vero, ob quam hic exigebatur do-  
minium Quiritarium, haec erat, quia legatario eius-  
modi concedebatur rei vindicatio, quae olim insti-  
tue-

si tamen res; quae non utroque tempore in domino testatoris erat, ita legaretur: SC. Neronianum huiusmodi legatum eatenus sustinebat, ut in legatum damnationis inflecteretur. Vlpian. *Fragm. XXIV*, 11. Per damnationem res omnes legari poterant, etiam alienae, dummodo tales essent, ut dari possent. Vlpian. *Fragm. l. c.* §. 8. Cai. *Inst. II*, 5. 6. Sinendi modo legabantur res propriae testatoris & heredis. Vlp. *ibid.* §. 10. non alienae, uti visum Caio. Denique per praecceptionem relinquebantur eadem, quae per vindicationem. Vlpian. *Fragm. XXIV*, 11. Si coniunctim una res legata fuerat pluribus per vindicationem: pars deficiens ceteris collegatariis adcrefcebat: sin vero per damnationem: pars deficiens penes heredem manebat. Oisfel. ad Cai. *Inst. II*, 5: 4. Legatum vindicationis poterat repudiari: L. 7. L. 44. §. 1. L. 86. §. 2. D. de Legat. 1 non aeque legatum damnationis. Plures differentias dedit Merrill. *Obs. VI*, 32.

VIII. Ea  
sublata est  
a Iustinia-  
no.

VIII. Sustulit hanc differentiam, cu supra diximus, Iustinianus, (e) ita tamen sustulit, ut

tuebatur hac formula. HANC EGO REM EX IVRE QUIRITIVM MEAM ESSE AIO. Cicero *pro Mur.* XII. Hac vero formula utique uti haut potuisset legatarius, nisi res legata testatoris fuisset ex iure Quiritium. Vid. V. C. Schulting. *Iurispr. Antiqua*. p. 651.

- (e) Primo Sc. Neroniano non quidem sublata, quae inter formulas legandi erat differentia; sed tamen constitutum, ut si alio modo aliquid relictum esset, saltem valeret, tamquam si esset per damnationem relictum. Vlp. *Fragm. XXIV*. 11. Postea Constantinus M. verborum quidem, at non actionum differentiam sustulit.



vt non satis caute plures leges, quae ad istud  
discrimen pertinent, Pandectis inferi permiserit:  
Vid. M. Aurel. Galuan. *de Vusu XL. ult. V. C.*  
Schulting. *Iurispr. Ant. p. 840. Merill. Obs. VI. 33.*

IX. Porro non modo singulae res legari  
poterant, sed vniuersarum quoque pars, vt pu-  
ta MAEVIUS HERES MEVS CVM TI-  
TIO HEREDITATEM MEAM PARTI-  
TO, DIVIDITO. Quo casu dimidia pars  
bonorum legata videbatur. Poterat & alia  
pars, veluti tertia, quarta, quinta, legari, quae  
species *partitio* adpellabatur. Vlp. *Fragm. XXIV,*  
*25. §. 5. Inst. de Fideicom. hered. Cicero pro*  
*Caecin. IV. & V.*

X. Legari non poterant a legatario nec le-  
gatum dabatur, nisi extraneo. Non autem fi-  
lios familias heredi instituto, vel seruo proprio,  
nec ei, qui in heredis potestate mancipioque  
erat, nisi sub conditione. Vlp. *XXIV, 20 seq.* Le-  
gari etiam olim non poterat ciuitatibus, post-  
ea omnibus poterat, quae sub imperio Populi  
Romani erant, idque primum a Nerua introdu-  
ctum, ac postea sub Hadriano SCo diligentius  
cautum fuerat. Vlp. *Fragm. XXIV, 28.* Quod  
deinde D. Marcus etiam ad collegia. *L. 20. D. de*  
*Reb. dub. immo & ad vicos extendit. L. 73. §. 1.*  
*D. de Legat. 1.* Vid. Merill. *Variam. ex Cuiac. II,*  
*14. V. C. Schulting. Iurisprud. Ant. p. 659.*

XI. Anceps quoque inter eruditos quae  
stio est de legatis poenae nomine relictis. Iusti-  
nianus

XI. Legata  
poenae  
nomine  
relicta.

lit. *L. 15. C. de Test. L. 21. C. b. t.* Denique & hanc a-  
boleuit Iustinianus. Vid. Ian. a Costa ad *Inst. §. 2. b. t.*

nianus enim haec ita definit §. *ult. Inst. de Legat. Poenae nomine legari videtur, quod coercendi heredis causa relinquitur, quo magis aliquid faciat, aut non faciat: veluti si quis ita scripserit: HERES MEVS, SI FILIAM SVAM IN MATRIMONIUM TITIO COLLOCAVERIT, vel ex diuerso, SI NON COLLOCAVERIT, DATO DECEM AVREOS SEIO.* Addit Iustinianus, eiusmodi legata veteri iure prohibita fuisse, (idque etiam constat ex Iul. Capitolin. *Anton. Pio VIII. Ael. Helu. Pertin. VII.*) se vero ea rata esse iussisse, dummodo nihil impossibile, vel legibus interdictum, vel alias probrosum fuerit heredi iniunctum.

XII. Dubia aduersus hanc doctrinam.

XII. Sed animaduertit Amplissimus Bynkershoekius, hac admissa definitione, vix superesse discrimen inter legata conditionata, & poenae nomine relicta. Legislatorum instar erant morientes, & si in tabulis scripserant: *LEGO SEIO CENTVM, SI FILIAM TITIO VXOREM DEDERIT*, rata erat haec vltima voluntas. Cur quaeſo legatum poenae nomine relictum illicitum habitum, si scriptum esset in tabulis: *HERES, SI FILIAM TITIO VXOREM DEDERIT, SEIO DECEM AVREOS DATO*? Quid quaeſo inter vtramque formulam interest? Bynkersh. *de Legat. poenae nomine relict. III. p. 361. sequ.*

XIII. Clarissimi Bynkershoekii sententia.

XIII. Existimat ergo laudatissimus Bynkershoekius, Tribonianum, quid veteribus legata, poenae nomine relicta, fuerint, non satis intellexisse. Nam ex *L. 1. D. de His quae poenae causa relinquuntur* adparere, ea legata poenae nomine visa

visa relinqui, quibus testator heredem ad probrosum aliquid faciendum cogere voluerit. Ampl. Bynkersh. *ib. cap. IV.* Quae si ita sunt; Iustinianus nihil noui statuit, dum, quae veteres tamquam regulam posuerant, ipse loco exceptionis habuit, regulam fingens, veteribus incognitam.

XIV. Sed non est fortassis; quod Iustinianum plane deferamus, quippe cuius definitionem etiam Ulpianus agnouit *Fragm. XXIV, 17.* Scilicet saepe heredem legatis non nisi vexandi causa onerabant testatores, iisque illum ad quidquam faciendum omittendumque adigebant, nulla alia ratione quam stolidi voluntate adducti. Tale erat testamentum Staberi, de quo Horat. *Satyr. II, 3 v. 84. sequ.*

*Heredes Staberi summam incidere sepulcro;  
Ni sic fecissent, gladiatorum dare centum  
Damnati populo paria, atque epulum, arbitrio Arri,  
Frumenti quantum metit Africa.*

Quum ergo disputarent veteres, an legata eiusmodi valerent, quibus heres ad aliquid sine ratione contra animi sententiam faciendum omittendumque cogeretur: Iustinianus has tricas sustulit, iussitque haec legata rata esse, exceptis iis; quae vel impossibilia essent, vel legibus interdicta, vel alias aperte probrosa. Vid. Gundlingii *Diff. de Principe hered. VI. 32. p. 78.*

XV. Quemadmodum vero legibus XII. Tabularum tantum quisque legare poterat, quantum volebat: ita inde fiebat, ut plures hereditatem tot legatis exhaustam adire nollent. Hinc primo lata lex Furia testamentaria à C.

M m 2

Furijs

XIV. Eius  
IllustratioXV. Lex  
Furia testa-  
mentaria.

Furio, Tribuno plebis, (f) qua cautum, ne cui liceret ultra mille asses (g) vel legare, vel mortis causa donare, praeterquam cognatis, certisque personis, quales erant e. g. cognati manumissoris. Vlp. *Fragm. XXVIII*, 7. Si quis alius ultra hanc summam legatum acceperat, non rescindebatur quidem legatum, sed legatarius tamen quadruplum reddere cogebatur. Unde haec lex *minus quam perfecta* dicitur Vlpiano *Fragm. I*, 2. Confer. Cuiac. *Obseru. XX*, 31.

XVI. Lex  
Voconia.

XVI. Mox vero hanc legem elusit Romanorum calliditas. Coeperunt enim vni quidem non ultra mille asses legare, sed tamen tot scribere legatarios, ut & sic penes heredem nihil aut parum remaneret. Hinc postea lata lex Voconia, a Q. Voconio Saxa, A. V. C. DCCCIV. Caepione & Philippo Coss. ex qua lege non solum femina heres institui haut poterat, nisi in certa bonorum parte: sed & illud cautum fuerat, ne quis census plus vlli legaret, quam ad heredem heredesue perveniret. Cic. *Verrin I*, 43.

XVII. Eius  
oblittera-  
tio.

XVII. Enimvero etiam Voconia illa lex oblitterata demum est per opulentiam civitatis: Gell.

(f) Vir doctus Guid. Pancirol. *Theaur. Var. Lect. II*, 278. eandem hanc legem putat cum Furia Caninia. Qua in re eum perspicue errare, vel inde patet, quod haec Lex fuit Voconia antiquior: Fusiam autem Caniniam demum sub Augusto latam, supra demonstraui.

(g) Cuiacius *Obs. XIX*, 31. substituit *mille aeris*, quomodo & Varro *de L. L. lib. VIII*. dicit, *mille aeris legasse*. Sed *as* & *aes* olim promiscue dicebatur. Pondus vero assium pro temporum ratione varium fuisse, docet Plin. *Hist. Nat. XXXIII*, 3.

(b).

Gell. *Noct. Att XX*, i. nec sufficiens ad rei consumptionem visa est. *Princ. Inst de L. Falcid.* Ergo nouissime demum lata est *Lex Falcidia*.

XVIII. Est hoc plebiscitum, quod tulit P. Falcidius Trib. pleb. (b) temporibus Augusti, Cn. Domitio M. F. Caluino, & C. Asinio Pollione Coss. (i) anno ab V. C. ICCCXIV. vt testantur Dio Cass. *XLVIII* p. 430. Euseb. *Chron. num. MDCCCCLXXXVIII.* & Isidor. *Etymol. V*, 15. Breuissime Dio: καὶ ὁ νόμος Φαλκιδίους ὠνομασμένους, (πλεῖστον καὶ νῦν ἐτι σχυρὴς τὰς τῶν κληρῶν διαδοχὰς, ὡς τετινὰ τὸ τέτατον, καταλειφθείσης ὁ εἰς αὐτὸν γὰρ πηβαρύνεται, λαβόντα, τὸ λοιπὸν ἀφῆναι, ἔχων,) ὑπὸ τῷ πεπλύν Φαλκιδίῳ δημοαρχήσαντος ἐτέθη. *Lex etiam Falciaia a P. Falcidio Tribuno plebis lata, quae nunc quoque plurimum valet in hereditatibus aduendis: ea autem permittit, vt heres, si adire hereditatem grauetur, quadrante accepto, reliquum dimittat*

XIX. Lex, cuius ipsa legitima verba sunt XIX. *Eius* persunt *L. 1. D. ad L. Falcid.* pluribus constitit capita & legitima capitibus, (k) quorum priore libera permittitur verba.

(b) Ridiculus ergo Glossatorum error est, qui Falcidiam hanc legem dictam volunt ἀπὸ τοῦ φάλκεος, ὃ δὲ λέγεται δριπάρης, id est, a falce, vel defalcando. Vid. Scholiast. in Harmenopol. *Promptuar. V*, 9. Eundem tamen errorem etiam Latini Glossatores errarunt, ceu in praefatione obseruauimus.

(i) Non anno ICCCXIII. P. Seruilio Isaurico iterum & L. Antonio Coss. vt tradit Aleander *ad Cai. Inst. II*, 6<sup>a</sup> l. p. 121.

(k) Magna cura ea capita collegit illustrauitque Francisc. Balduinus, & cum lego Voconia, Iulia, Papia Poppea, Rhodia, Aquilia edidit. *Baf. 1559. 8.*

tur legandi facultas his verbis: QVI CIVIS ROMANI SVNT, QVI EORVM POST HANC LEGEM ROGATAM TESTAMENTVM FACERE VOLET, VT EAM PECVNIAM, QVASQVE RES, QVIBVSQVE DARE LEGARE VOLET, IVS POTESTASQVE ESTO (VT HAC LEGE SEQUENTE LICEBIT) (1) Secundo capite modus legatorum constituitur: QVICVMQVE CIVIS ROMANVS POST HANC LEGEM ROGATAM TESTAMENTVM FACIET, IS QVANTAM CVIQUE CIVI ROMANO PECVNIAM IVRE PVBLICO DARE LEGARE VOLET IVS POTESTASQVE ESTO, DVM ITA DETVR, LEGETVR, NE MINVS, QVAM PARTEM QVARTAM HEREDITATIS EO TESTAMENTO HEREDES CAPIANT, EIS; QVIBVS QVID ITA DATVM LEGATVMQVE ERIT, EAM PECVNIAM SINE FRAVDE SVA CAPERE LICETO: ISQVE HERES, QVI EAM PECVNIAM DARE IVSSVS DAMNATVS ERIT, EAM PECVNIAM DEBETO DARE, QVAM DAMNATVS EST. Ex his ergo factis constat de vera legis Falcidiae sententia, meritoque pro inepti leguleii additamento reputanda sunt illa apud Hieronym. in Chron. C. Falcidius Tribunus plebis, legem tulit, ne quis testamento plus

(1) Adduntur in vulgatis editionibus verba VT HAC LEGE SEQUENTI LICEBIT: sed ea relicturus, ut observavit Cuiac. ad C. ad L. Falc.

plus legaret, quam ut quarta pars apud heredes super-  
esset. SI HEREDES QVATVOR AVT MI-  
NVS ESSENT: SIN AVTEM PLVS  
QVATVOR; TVNC II SEMISSEM RE-  
TINERENT. (m) Vid. A. Cont. *Leſt. Subſeſ.*  
I, 3.

XX. Ceterum deductio quartae, quam lex XX. Rela-  
haec Falcidia permisit, imperante Vespasiano tiones &  
ad fideicommissa vniuersalia primum producta mutationes huius  
est SC. Pegasiano; deinde etiam ad singularia legis.

§. 5. *Inst. de Fideic. hered.* immo & ad fideicom-  
missa ab intestato relicta, quod a D. Pio factum  
refert Paullus Ictus L. 18. *D. ad L. Falcid.* ac de-  
nique ad donationes mortis causa ex Constitu-  
tione Seueri. L. 5. *C. cod. L. 2. C. de Mort. causſ.*  
*donat.* Id quod tamen ab intestato admitten-  
dum haut videtur, Cuiacio *Obs. III.* 17. quia mor-  
tis causa donationes ab intestato factae legatis  
non equiparantur. L. 20. §. 1. *D. de Mort. causſ.*  
*don.* Verum legis Falcidiae vires maxime eli-  
sit IVSTINIANVS, permitta facultate testa-  
storibus, vtiliter prohibendi Falcidiae detra-  
ctionem, quum antea huiuscemodi voluntati,  
quantumvis expressae, heredes minime parere  
cogerentur. Vid. Vinc. Grauius *de Leg. & SC.*  
*Rom. LXXVII.* p. 637.

XXI. Quae alias de sensu legis Falcidiae XXI.  
casibusque eo pertinentibus disputari solent, Conclusio  
ea a Doctoribus dudum sunt occupata, nec tituli.  
tam ad Antiquitates, quam ipsam Iurispruden-  
tiam pertinere videntur.

TIT.

(m) Haec enim ex recentissimo Graecorum iure esse, eru-  
dite demonstravit Oiscl. *ad Caſi Inſt.* 11, 6. 1. p. m. 120.

M m 4

(u)

## TIT. XXIII--XXV.

DE

FIDEICOMMISSIS VNIVERSALIBVS  
ET SINGVLARIBVS, ET DE CODICILLIS.

**H**Actenus de hereditatibus & legatis, quae verbis directis relinquuntur: iam etiam de fideicommissis agendum, propter quae quum codicilli reperti sint, eadem opera etiam de codicillorum origine ac iure erit differendum.

I. Fideicommissa veteri iure inuvalida.

I. Veteri Iure Romano non ratae erant ultimae voluntates, nisi verbis imperatiuis conceptae. Lex enim XII. Tabular. ea solum confirmabat, quae quis *legasset*. *Legare* vero erat veluti *legem dicere*, atque adeo testatoris non erat, uti verbis precatiuis, sed directis & imperatiuis. (a) Hinc inter ea, quae ex XII. Tabulis erant licita, L. 120. D. de Verb. signif. non referuntur fideicommissa, & id sibi volunt verba Vlpiani *Fragm. XXV, 1. Fideicommissum est, quod non civilibus verbis, sed precatiuis, relinquitur: nec ex rigore Iuris Civilis proficiscitur, sed ex voluntate dator relinquentis.*

II. Quibus formulis relicta?

II. Relinquebantur ergo fideicommissa verbis precatiuis, vel ad heredem fiduciarium, vel ad eum, cui relinquebantur, directis. Paull. *Sent. IV, 1. 5. & 6.* Magis enim hic voluntas spectanda videbatur, quam verba, L. 16. C. de Fideic.

(a) Vide supra Lib. II. Tit. XX--XXII. n. 1.

(b)



*Fidei.* nec proinde tam quaerendum, quocum quis loqueretur, quam in quem voluntatis dirigeretur intentio. *L. 77. §. 26. D. de Legat. 2.* Hinc passim in iure nostro formulae occurrunt: FIDEI TVAE COMMITTO, PETO, C. SEII, CONTENTVS SIS ILLA RE. VOLO TIBI ILLVD PRAESTARI, ROGO, PETO, VOLO, MANDO. (b) DEPRECOR, CVPIO, INIVNGO, DESIDERO, IMPERO, &c. Et quamvis Paullus *l. c.* excludat verba RELINQVO & COMMENDO, quae ipse nullam fideicommissi actionem parere existimat: haec tamen formulae etiam, vt & aliae omnes, idoneae visae sunt post *L. 2. C. Commun. de legat. & fideicomm.* Vid. Cuiac. ad Paull. *l. c. p. m. 385. sequ.* Barn. Brisson. *de Form. VII. p. 668. sequ.*

III. Quod si ergo verbis eiusmodi precati- III. Fidei-  
uis aliquid esset relictum; heredis erat arbitri- commissio-  
um, velletne illud praestare, an noller. Nullo rum natu-  
enim iuris vinculo, sed tantum pudore & fide ra ante  
eorum, qui rogati erant, continebantur fidei- Augusti  
commissa. §. 1. *Inst. b. t.* Saepius tamen veteres tempora.  
heredum fidei committebant, siue clam, siue  
verbis in testamento expressis, maxime si iis  
quidquam relinquere cuperent, qui per leges  
erant incapaces. Cuius rei exempla sunt apud  
Ciceronem *de Finib. II, 58.* Quinctilian. *Declam.*  
*CCCXXIV,* & Valer. Max. *IV, 2. 7.* qui refert,  
Q. Pompeium Rufum exsulem, quum ex testa-  
mento ciuis Romani nihil capere potuisset, ta-  
men

(b) Immo & IVBEO, quod precatium esse negat Al-  
catus. Vid. *L. 28. §. ult. D. de Liber. leg.*

men bona cuiusdam accepisse, quae matri praedia sua fideicommisserat, ut haec illa filio Pompeio restitueret. Sed eiusmodi fideicommissa, ut dixi, non necessario praestabantur, poteratque adeo hereditas ab herede fiduciario impune retineri. Quamobrem & hereditatem ex fideicommisso restitutam fiduciarii veluti liberalitati imputabant. Et ita ego interpretor verba in marmore apud Reines. *Inscr. Class. II. 73.*  
**L. CESTIVS QVA EX PARTE AD EVM HEREDITAS M. AGRIPPAE MVNERE PERVENIT.**

IV. Augustica de re Constitutio.

IV. Primus rem mutauit, & fideicommissa, quorum antea mos inter exempla probitatis & perfidiae fluctuauerat, & exemplo & seueritate stabiliiuit Augustus. De quo ipse Imperator noster §. 1. *Inst. b. 1. Postea D. Augustus primus, semel iterumque gratia personarum motus, vel ob insignem quorundam perfidiam, iussit Consulibus auctoritatem suam interponere. Quod quia iustum videbatur & popolare erit, paulatim conuersum est in adsiduam iurisdictionem, tantusque eorum fauor factus est, ut paulatim etiam Praetor proprius crearetur, qui de fideicommissis ius diceret, quem fideicommissarium appellant.* Ex hoc ergo loco patet I) primum Augustum fidei suae commissa praestitisse, gratia personarum motum. Personae vero illae procul dubio fuerunt L. Lentulus, & eius heres fideicommissarius; nam ex illius persona etiam fideicommissa coepisse dicuntur *pr. Inst. de Codicill.* Discimus deinde, II) Augustum negotium dedisse Consulibus cognoscendi de fideicommissis, nominatosque heredes ad restituendas hereditates compellendi. Quae iurisdictio Coll. tantum de-

delegata erat a Principe, nec ad prouincias pertinebat, ubi fideicommissa exsequutionem nullam habebant, antequam Claudius id negotium Praesidibus daret. Sucton. *Claud. cap. XXIII. III.*) Praetorem fideicommissarium (c) ideo postea creatum, ut tanto accuratius de fideicommissis ius diceretur. In quo tamen nescio an Imperator fallatur. Constat enim primo ex Suct. *Claud. XXIII.* Claudium Imperatorem non vnum, sed duos constituisse Praetores fideicommissarios, qui praeter morem non darent iudices pedaneos, sed ipsi cognoscerent & ferrent sententias, quamuis postea vnum eiusmodi Praetorem detraxerit Traianus. *L. 2. §. 31. D. de Orig. iur.* Deinde & constitutis iam Praetoribus fideicommissariis, Consules concurrentem iurisdictionem cum iis hac in re exercebant. *Ulpian. Fragm. XXV, 12.* ita quidem, ut apud Consules plerumque de maioribus; apud Praetores fideicommissarios de minoribus summis ageretur. *Quintilian. Inst. Orat. III, 6. Conf. Cuiac. Obs. XXI, 34. Merill. Obs. VI, 36.* Immo nonnumquam ipsi Imperatores de fideicommissis cognoscebant: quale quid de Commodio Imperatore refert Papinianus *L. 26. D. de Probat.*

V. Quum ergo semel fideicommissa essent certa iuris necessitate adstricta, neque amplius eorum restitutio ex heredis voluntate penderet; factum est, ut saepe in hunc onus omne obligationum; commodum vero in fideicommissarium transferretur. Cuius rei causa quum haut raro testamenta destituerentur:

V. Senatusconsultum Trebellianum.

(c) Vocatur & PR. DE FIDEICOMMISS. in *Inscriptionibus Gruteri p. CCCXCIII, 6.*

(d)

imperante Nerone VIII. Kal. Sept. L. Annaeo Seneca & Trebellio Maximo Coss. suffectis, factum est SCtum, vt restituta ex testamento vniuersa hereditate, actiones omnes, quae heredi & in heredem competeabant, simul cum hereditatis commodum transirent in eum, cui restitueretur hereditas, §. 4. *Inst. b. t.* Non vero directe actiones ab herede remouebantur, sed vtilēs tantum fideicommissario, & in eum dabantur a Praetore, adeoque heres conuentus a creditoribus ex SC. Trebelliano habebat exceptionem. *L. 1. & 4. D. b. t. L. 1. §. 8. D. Quand. de pecul. act. annal. est.*

VI. Senatusconsultum Pegasianum;

VI. Quoniam vero sic etiam heredes rogati, inutilem modestiam refugientes, adire recusabant hereditatem, ex qua nihil ad eos commodi esset rediturum: sub Vespasiano, Pegaso & Pusione Coss. SC. conditum est, quo permittebatur heredi fiduciario detrahere quartam ex bonis fidei suae commissis. Adeoque hoc SC. legem Falcidiam, quae ad legata tantum pertinebat, ad fideicommissa etiam vniuersalia produxit. §. 5. *Inst. b. t.* Grauius de Leg. & SC. LXXVIII. p. 639.

VII. Stipulationes necessariae inter heredem & fideicommissarium, & nouum ius a Iustiano introductum.

VII. Nihil tamen hoc SC. fuerat de actionibus hereditariis cautum, sed post illud ipse heres onera hereditaria sustinebat. d. §. 5. *Inst. b. t.* Opus ergo erat certis stipulationibus inter heredem & fideicommissarium interponendis, vt lucrum & damnum hereditarium pro rata parte inter eos commune esset. Quae stipulationes partis & pro parte dicebantur. Vlpian. *Fragm. XXV, 15.* Hinc quoties heredi fiducia-

rio

rio quarta ex testamento erat salua, toties hereditatem restituebat ex SC. Trebelliano: sin plus dodrante esset restituendum, quartam ex SC. Pegasiano detrahebat, & de obligationibus sibi cauebat interpositis stipulationibus, §. 6. *Inst. b. 1.* Ast quum stipulationes illae multis viderentur captiosae: placuit Iustiniano, explorato SC. Pegasiano, Trebelliano omnem auctoritatem praestare, vel potius ex duobus facere vnicum, ita quidem, vt quartam heres semper haberet saluam, actionesque inter eum & fideicommissarium pro rata diuiderentur, heredi vero simul adeundi hereditatem imponeretur necessitas. §. 7. *Inst. b. 1.* Immo iure nouissimo, si heres adire quartaque contentus esse nollet, deficientibus coheredibus aut substitutis, ipse fideicommissarius adire potest per *Nouell. l. cap. 1. §. 1.*

VII. Ad fideicommissa pertinet quoque SC. *VIII. Senatusconsultum Apronianum.* Nec municipia enim olim nec municipipes heredes institui poterant, quoniam incertum corpus erat, vt neque cernere vniuersi, neque pro herede gerere possent. Vlpian. *Fragm. XXII, §. Plin. Epist. V, 7.* Fideicommissaria tamen hereditas municipibus restituenta erat per SC. Apronianum, de cuius actate iam *Lib. II Tit. XIV. §. 2.* differuimus.

IX. Haec de fideicommissis vniuersalibus. IX. Differentia inter ea & legata. In legatis rigor iuris; in fideicommissis fauor voluntatis regnabat. *L. pen. D. de Legat. 1.* Fideicommissum ad singularem, cui aliquid dimissum erat, poterat peruenire,

nire, herede licet mortuo, si talis erat conditio testamenti: legatum ita relinqui non poterat. Fideicommissum codicillis, etiam si per testamentum non essent confirmati, relinqui poterat: legatum codicillis relictum non valebat, nisi illi essent testamento confirmati. A legatario legatum alteri relinqui non poterat, sed fideicommissum poterat. Per legatum seruo alieno directa libertas dari non poterat: per fideicommissum poterat. Fideicommissis tardius, quam scriptum erat, solutis, usurae & fructus debebantur, legatorum non usura, sed duplum debebatur, si inficiaretur heres. (d) Haec omnia tradit Caius *Inst. II, 7. 8.*

X. Eam  
sustulit Iu-  
stinianus.

X. At Iustinianus, ne quid antiqui iuris integrum relinqueret, legata & fideicommissa per omnia, quod ad effectum attinet, exaequavit. § 2. *Inst. de Legat. L. 2. C. Comm. de leg.*

XI. Codicillorum  
nomen &  
natura.

XI. Quemadmodum fideicommissa eludendis legibus fuerant reperta: ita declinandae iuris testamentarii subtilitati acceptus est usus codicillorum. Codicilli vero voce nihil denotabant aliud, quam scripturam quamdam ad alios missam. Hinc saepe codicillos pro epistolis ponit Cicero *Epist. ad Fam. IV, 12 VI, 18. ad Attic. XII, 8. ad Quint. Fratr. II, 10* Praecipue tamen id nomen tribuebatur epistolis ad praesentes missis. Vnde Seneca *Epist. LV. Videote, mi Lucili,*

(d) Ultimam hanc differentiam, ex qua se expedire hant possunt Alexander & O. fel. *ad Cai. l. c.* accurate explicant atque illustrent V. C. Schulting. *Iurisp. Antiqua. p. m. 130.* Gerard. Noodt. *de Foenor. & Vfur. III. 7.* (e)

*cili, quum maxime audio, adeo tecum sum, ut dubitem, an incipiam non epistolas, sed codicillos tibi scribere.* Vnde recte colligas, codicillos, quos deinde Imperatores tamquam ultimae voluntatis genus adprobarunt, nihil aliud fuisse, quam epistolas scriptas ad heredes de eo, quod post mortem suam scribentes ab heredibus fieri vellent. (c; Boehmer. *Diff. de Codicill. sine testib. valid. Cap. 1. §. 3. 4. p. 5. 6.*

XII. Primus eiusmodi codicillos ad Augustum scripserat L. Lentulus, (quem anno V. C. XII. Eorundem origo. Ioceli. cum M. Valerio Messalino Consulem fuisse, ex Reinesii *Inscr. Class. X. n. 3 p. 597.* discimus,) qui Romae fecerat testamentum, & Augustum filiamque heredem instituerat, deinde vero, decedens in Africa, scripserat codicillos, quibus aliquid ab heredibus fieri petierat. Quamvis vero ante ea tempora inauditum esset, per epistolam vel codicillos heredi aliquid iniungi, quod ei necessitatem imponeret, ultimam illam defuncti voluntatem implendi: parebat tamen Augustus Lentuli codicillis, ipsaque filia ex iis legata praestabat. Exemplum Principis facile imitati sunt alii. Quare Augustus, convocatis sapientibus viris, interque eos C. Trebatius Testa, cuius tum auctoritas maxima erat, quaesivit, an possit recipi, nec abhorreret a iuris ratione codicillorum usus? Annuente Tre-

(\*) Hinc codicilli etiam *Epistolae* vocantur L. 89. pr. D. de Legat. 2. L. 41. §. 2. D. de Legat. 3. Et quamvis vulgo differentiam statuunt inter codicillos & epistolas fidelcommisarias, ut facit Petr. Muller. *ad Struv. Ex. XXIV. 68.* non opus tamen esse hac subtilitate, praecclare evincit laudatissimus Boehmerus *Diff. alleg. 1. 7. & 8.*

Trebatius & illud codicillorum institutum magnopere probante, Augustus auctoritatem illi accommodavit. Post quae tempora, quum & Antistius Labeo, (qui tamen nihil, nisi quod iustum sanctumque esse in Romanis Antiquitatibus legisset, ratum p nsumque habere solebat. Gell. No. 7. Att. XIII, 12. ac proinde magna erat apud omnes auctoritate, teste Tac. *Annal.* III, 75.) codicillos fecisset: iam nemini dubium erat, quin iure optimo codicilli admitterentur. Ita sem refert Iustinianus ipse *princ Inst. b 1.*

XIII. Formulæ codicillorum.

XIII. Non aliter vero concipi solebant codicilli ac epistolae. Hinc praemittebatur sollemnis illa, qua epistolas auspicari solebant, salutatio: *L. Titius heredibus primis & substitutis salutem. L. 56 D. de Fideic. libert. Conf. L. 37. §. 2. L. 32. §. 3. D. de Leg. 3 L. 30. §. 1. D. de Adim. vel transf. leg.* Nec tamen semper ad heredes, sed & nonnumquam ad ipsos fideicommissarios verba dirigebantur. Cuius rei exemplum exstat *L. 75. D. de Leg. 2.* Integras formulas Latinas aeque ac Graecas magno studio collegerunt Barn. Briffon. *de Form. VIII. p. 686. sequ* & Guido Pancirol. *Thesaur. Var. Lect. 1, 29.*

XIV. Codicilli testamenti confirmati.

XIV. Confirmati tamen codicilli esse debent testamenti, si heredi necessitas imponi deberet, praestandi, quod erat rogatus. Hinc testamenti inferi solebat formula: *Si quos codicillos reliquero, vale et volo. L. 56. pr D. de Fideic. libert.* Alias ultimam defuncti voluntatem implere non debebat heres, nisi ultro vellet, quod facere se solere, ait Plinius *Epist. II, 16.* Sed postea per Seueri & Antonini Constitutionem illa codi-



Codicillos confirmandi necessitas remissa est, modo adpareret, testatorem a voluntate, quam in Codicillis expresserat, non recessisse. Ant. Faber *Coniect. XV*, 16.

XV. Ex his ergo facile adparet, in Codicillis non magis, quam in epistolis, desideratam esse ullam sollemnitatem. §. 3. *Inst. b. t.* Non ergo testibus opus erat in Codicillis testamento confirmatis, qui omnem virtutem atque efficaciam suam a testamento mutuabantur, ut recte animadvertunt Bachov. *ad Tit. Inst. de fideicommiss. hered. §. ult. & Boehm. Diff. alleg. I*, 10. Sane in Digestis nunquam exiguntur testes, immo alia omnia elucent ex *L. 8. §. 2. D. de iure Codicill. & L. 89. pr. D. de legat. 2.* Quin nec in Codicillis ab intestato necessarios visos esse testes, erudite probat laudatissimus Boehmerus *Diff. alleg. I*, 23. p. 22.

XVI. Sed & hanc antiqui Iuris simplicitatem sensim pervertit Imperatorum *voyvodesia*. Sic permissum, ut Codicilli etiam nuncupatione, sine ulla scriptura, fierent. *L. 8. §. 3. C. de SS. Eccles. L. 3. pr. C. de bon. libert.* Id quod tamen Codicillorum ab indole plane abhorret. Hinc ex eo tempore etiam testibus opus visum est, quos in Codicillis ab intestato primum exegit Constantinus M. vel, ut alii malunt, Constantius. (f) *L. 1. C. Theod. de Testam. & Codicill.* Postea Theodosius vulgo dicitur

XVI. Ius  
novum  
sensim  
introduc-  
tum.

(f) Vulgo, iam Diocletiani tempore, testes adhibendos fuisse Codicillis, colligunt ex *L. 22. C. de fideicommiss.* Sed conferatur Boehm. *Diff. alleg. I*, 15. pag. 24.

citur generatim in omnibus Codicillis testes desiderasse, ob *L. ult. §. ult. C. de Codicill.* Sed iam Iacobus Gothofredus animadvertit, §. ultimum illius legis non esse Theodosii, verum a Triboniano adsumam, quod etiam ex *L. 7. C. Theod. de Testam. & Codicill.* clarissime patet. An testes etiam in Codicillis, testamento confirmatis, exegerit Iustinianus, adhuc sub iudice lis est. Plerique adfirmant ob *L. 28. §. 1. C. de Testam. L. ult. C. de Codicillis*: Sed non contemnendis rationibus id negat laudatus Boehmerus, *Diff. alleg. I, 27. sequ. pag. 26. sequ.*

## FINIS PARTIS PRIMAE.

